

Post mortem Lechij nihil certi de legitimis hæredibus successoribusq; eius reperitur, magnaq; hæc de re Historiographorum Polonorum lis est, sed hic testamento moriens legauit, ut aliquem dignum uirum ex sua gēte de patria & rebus bellicis bene meritum, summæ rerum præficerent, cur in omnibus obtemperarent.

VISIMIRVS ex nepotibus Lechij, Princeps Polonorum cum ad Danorum fines usq; imperium suum extenderat, & ob uiciniam a rege eorum Syuardo uarijs excusibus infestaretur, undecunq; potuit auxilia coëgit, nauesq; adornauit, & armato milite compleuit, ex quibus unam ingentem fabricasse dicitur, cuius solo aspectu Dani perterriti fuere. Nauali itaq; prælio fortuna auspicante, Syuardum Regem cum ingenti classe Danorum occurrentē strenuē fudit, fugauitq; & ad interiora terræ hostes persequēs hasiūculas in Dania, Rugiam, Hemeriam, Feondiam, Salendiamq; occupauit, plurimasq; ciuitates & castra in eis Polonorum præsidij munita extruxit, ubi ad hæc usq; tempora hæc omnia ciuitates nomina à Polonis Sclauonico idiomate indita retinet, ut pote Vvifimer, à Vvifimiro, Lubeca urbs opulentissima & populosa, Danczik siue Gedanum ciuitas celeberrima, ad mare Germanicum à Polonis contra Danorum excursions arcendas imprimis condita. Prædictum itaq; Danorum Regem filio eius in obsidem sumpto, Vvifimirus uictoriam sibi efficiens, & rebus in Dania recte dispositis, multimodis spolijs onustus classem in Poloniam reduxit. Hocq; primo nauali prælio Poloni quasi quodam tyrocinio instructi cum inimicis nauali prælio bella gerere animosiores effecti sunt. Tandem aliquot annis exactis, Syuardus Polonorum iugum aegrè ferens, conspiratione cum Hollatis, Syuetijs, Danisq; aduersus Polonos facta, exercitum num. 20 milia contra eos eduxit, sed secundo maiori clade cum tota suorum manu in Scania à Polonis prostratus est, sed tamen nunci fuga elapsus moerore & dolore ob amissum exercitum, deploratumq; rerum suarum casum consumptus, spiritum exhalauit. Vvifimirus uero magnam Dania partem imperio suo subegit. Postea multis præclaris gestis editis, finibusq; Imperij Polonici prolati absq; posteritate decessit.

## DVODECIM PALATINI.

Cum itaque tota domus Lechij decessit, Poloni libertatem strenuē asserentes, neminemq; extraneorum Principum sibi imperare patientes, duodecim Palatinos (ut dicitur) uiros præcipuos ex sua gente solenni conuentu Gneznæ celebrato, ad Rempublicam gubernandam subornant, quam viginti annis administrabant. Sed multis & diuersis imperantibus discordiæ & ambitionis impulsu, bellis ciuilibus, cladibusq; mutuis & intestinis sese afficiebant. Finitimæ uero gentes præcipuè Germani discordia Polonorum considerata rebellare cœperunt, iugocq; excusso suas prouincias ab eis occupatas recuperauerunt. Hoc detrimentum & diminutionē imperij sui Poloni ex pluralitate gubernatorum animaduertentes Comitij generalibus celebratis, ad Cracum quendam siue Crocum uirum tunc temporis insignem de genere Cechij oriundum, sceptrum deferunt.

## CRACVS PRINCEPS POLONORVM.

Cracus nepos Cechij Bohemorum Principis, ad Imperij Polonici fasces communibus omnium suffragijs euectus, finitimas gentes iam Polonis rebellantes, iugumq; excutientes coercuit, finesq; Regni ab omni insultu hostium tutauit. Gallorum copias prostrauit, quæ Hungaria deuastata in Poloniam excurrebat. Tandem pacato armis imperio, deserta loca, solitudinesq; agricolis adornauit, ciuitatē ex lebre cum arce in scopulo Vanel dicto ad Vistulam fluuium condidit, quam à suo nomine Cracouiam appellauit. In hoc autem scopulo Draco ingens tunc temporis delitebat, qui sordido suo anhelitu cum esuriret, de antro prorepens multos uelut peste quadam inficiebat, per ciuitatemq; & loca circumiacentia grassando, omnia obuia deuorabat. Quam ob causam incolæ ciuitatis ordine tria iumenta per diem ei ad antrum offerre cogebantur. Cracus igitur Princeps suorum deploratum statū uidens, cum iam omnibus iumentis expilarentur pellem uituli excoctam, sulphure, nitro, pice infarcire iussit. Quod ubi hora consueta ad antrum Draconis opponeretur, bestia prorepens, famelica, iumentum putans, venaculum illud deglutit. Cumq; in eo illa materia igne sulphureo accendite accensa esset, de antro sese proripiens in Vistula aquam tamdiu sorbebat, quousq; medio creparetur. Cracus tandem Princeps rebus imperij recte dispositis, Cracocq; & Lecho filijs, filiaq; Vanda relictis e uita sublatus est.

Cracouia Polonie metropolis à Craco fundatur.

Draco in Cracouia.

Draco artificiosè peremptus.

Vitis Craco gentili ritu persolutis Poloni conuentu celebrato, Cracum secundum, natu maiorem Craci filium, in solium paternum substituunt, sed Lechus frater iunior ambitione tumens, inuidensq; illi imperium, interueniendum cum occidit, dixitq; Cracum truci dat. a fallo lachrymas addens, cum equi lapsu, dum temerè persequitur feram, dilaniatum, strangulatūq; esse atq; hac arte callidus imperium assecutus est: sed paulo post dolo in lucem prodeunte Regno pulsus, fugatusq; est.

## VANDA VIRAGO.

Anno à nato Christo 730. Vanda filia Craci in ordine Ducum Polonia quatta, unica, legitimaq; hæres Regni, omnium acclamatione ad Imperij fasces euehitur. Hæc summa prudentia, & rara fortitudine Rempublicam (uirgine em, cœlibemq; uitam ducens) strenuē gubernabat, non aliter atque illa Penthesilea, Ortigiaq; e. Erat autem formosa & pulcherrima nimis, ut pulchritudine sua plurimos Principes ad se alliceret, & ueluti hamo pisces caperet, unde Vanda vel Venda que dictio Sclauis Hamum quo pisces capiuntur sonat, appellata est. Ritagoras igitur Princeps Germanorum uirtute illius, prudentia, atque pulchritudine commotus, Procos ad illam destinauit, sollicitans ut sibi nuberet, illa uero obstinatē connubium repugnando Procos uacuos sæpius dimisit. Quapropter Ritagoras putans se ab ea contemptam, Polonia bellum indixit, terroreque & ui ad coniugium eam cogi sperabat. Illa è conuicta clade fudit: ipse autem pernici fuga elapsus, præ pudore quod uirginis manu fusus, fugatusq; fuerit, nolens testem sui dedecoris Solem amplius esse, gladio proprio sese interemit. Vanda uero memorabili uictoria Polonis relicta, prout Dñs uirginitatem deuouerat, uolens uoti compos esse de Ponte in Vistulam sese præcipitauit, sicq; aquis obruta interijt. Cadauer illius repertum est in ostijs Dlubnæ ubi Vistulam influit, atq; in scopulo uno militari à Cracouia in Mogila gentili ritu sepulta est.

Vanda Ritagoram Germanorum Principem fudit.

Vanda in Vistulam de Ponte interijt triumphans desijt.

Duodecim Palatini iterum.

## PREMISLAUS SIVE LESCO PRIMVS.

Anno uirginis partus 750. ex his bisenis Palatinis inestina bella mutuo mouentibus, unus Premislaus Lesko, non sua, sed patriæ commoda quærebat. Cumq; Morauj Poloniam uasarent, ille pro tempore coacto, instructoq; exercitu, hostes à spolijs & exuijs onustos ad sua reuertentes, insecutus est: in quos ad montē, ut dicitur caluum, ubi nunc templum sanctæ Crucis conditum est, sublati nemoribus ea stramentatos impetum fecit: statimq; se in abdita Sylvarum cum suis subduxit. Hostes uero amis arreptis, in ea loca ubi Lesco eis se apparuerat uenientes neminem inuenerunt, perterritumq; exercitum Polonorum fugere credentes ad sua castra reuersi sunt. Cumq; iam tutissime omnia agerent Bacho indulgentes, Premislaus nacta occasione ex abditis Sylvarum cum suo exercitu, in tempestiua nocte inopinatos, somnoq; oppressos Morauios, magna ui, à fronte, & à tergo inuasit: omnesq; ad unum cruento prælio funditus trucidauit, & spolia, captiuosq; recuperauit. Qua insigni uictoria clarus, omnium suffragijs, spreta pluralitate gubernatorum, Regni habenis præficitur, multisq; egregie gestis editis, ruinisq; patriæ magna uirtute restauratis, absq; posteris e uiuis decessit.

Premislaus Morauios prostrauit.

## LESCO SECVNDVS.

Anno à Christo nobis cœlitus misso 780. Premislao Lescone absq; posteris decedente, de electione Monarchæ uoces communes, & sententiæ Senatorum discrepabant: communiq; omnium consensu, post multas litigationes, hunc modum eligendi Principis constituerūt: columnā ante Cracouiam statuerūt, desuperq; Diadema & Sceptrū Regale posuerūt, ac palā omnib. & singulis præconis, proclamatione notū facerēt, ut quicq; à flumine Pradnik dicto, equi sui celeriori cursu ad columnā subordina- tū ceteros anteueret, Monarcha designaret. Quidam igitur iuuenis infirmæ familiæ, sed alturus & callidus, re diligenter cōsiderata, clauos ferreos in uia qua currendū erat occulte

Modus electionis certare equis.











POLONICAE HI-  
STORIAE CORPVS:

HOC EST,

POLONICA=  
RVM RERVM LATINI

recentiores & ueteres scriptores, quot=  
quot extant, uno volumine com=  
præhensi omnes, & in aliquot distri=  
buti Tomos.

EX BIBLIOTHECA IOAN. PISTORII NIDANI D.

OPVS OMNIBVS PERNECESSARIVM, AD PERFECTE  
COGNOSCENDAM REGIONIS POLONICAE, VICINARVM QVE DITIO=  
num descriptionem: & ad rerum à Polonis per omnes ætates gestarum intelligendam historiam: & sum=  
matim ad eorum omnium compræhendendam notitiam, quæ uel ad terram, uel ad gentem,  
uel ad res cæteras Poloniæ, & subiectarum cumq; Polonia continen=  
tium prouinciarum, pertinent.



Cum Gratia & Priuileg. Cæs. Maiest.

BASILEÆ,  
PER SEBASTIANVM HEN=  
RICPETRI.



(1582)





2  
1904.2743



# LIBERA ET PERVETV- STA NOBILITATE, VIRTVTIS'QVE STUDIO

PRAE STANTISSIMIS VIRIS, D. MICHAELI

LVDVICO A' FREIBERG IN IVSTINGEN, ET HVIVS FRATRI, FERDI-

NANDO A' FREIBERG IN OEPPINGEN, DOMINIS SVIS

omni obseruantia, studioq; Colendis.



V' M omnes laudare soleã, qui in conseruandis ueterũ au-  
thorũ, scriptis de memoria superiorũ temporũ libris opẽ-  
rã, diligentiamq; ponunt suã: tum præsertim eorũ mihi lau-  
dabile uisum institutũ semper fuit, qui multos unius gentis  
aut prouinciã, aut alterius rei scriptores, in unũ compo-  
ratos librũ, una cõprehensione cõplectunt: & gestarũ per  
multas ætates uno aliquo in loco rerum, traditas à doctis  
quã plurimis uiris, & cõsignatas in libris animaduersiones  
sub unũ subiiciunt aspectũ. Nam quia nulla in uniuersum  
pars est historiã: quæ quidẽ rectẽ & diligẽter sit mandata

literis: quæ magnis ingenijs & doctrina præstãtes uiros nõ afficiat delectatione, & fru-  
ctum de se in cõmunẽ uitam nõ disseminet: profectò si quæ erit de tota aliqua re ple-  
nẽ, cumulateq; scripta historia, quæ perfectã ac necessariã omniũ, quæ cõsiderari & in-  
quiri eiusmodi de re possunt, tractationẽ contineat: illa ut in tribuẽda uoluptate & in  
impartiẽdo fructu plurimũ antecellat, necesse est. Quãdo uerò tales, aut paucẽ adhuc  
in omni propemodũ genere reperiũtur, aut omninò nullẽ existũt, quæ rem, de qua a-  
gunt, per omnia ductã tempora suisq; partib. completã & perfectã omnibus numeris  
proponunt: sequitur ut proximã illi libri, & ut in hac inopia nostra, amplissimã laudẽ  
habeant, qui omniũ seculorũ scriptores, quorũ ad unius prouinciã historiã conuersa  
industria & applicata occupatio fuit, in sese includũt, & copiosam materiã, ac ueluti syl-  
uam subministrãt, ex qua cædi arbores ad exãdificandã perfectã historiã à considera-  
tis & doctis, & exercitatis uiris possunt. Et quanquã historiẽ essent planẽ absolutẽ &  
perfectẽ ad summã dignitatẽ elaboratã multẽ: quales paucẽ esse uidẽtur: re, sicut ego  
sentio, sunt nullæ: tamen quia illa ueritatis præcipua laus florere in historijs debet, ne  
quid falsi dicatur: & quæ de priscis tẽporibus cõmemorantur, ut cõtestata à grauibus  
uiris, & corroborata uetustate, tutari se contra hominũ suspiciones & calumnias pos-  
sint, operepretiũ nihilominus esset, apponi ad recẽtiores scriptores, ueterũ hominum  
libros ad gignendã in lectoris animo fidem, & ad autoritatẽ rebus cõciliandã, quas  
narrant. Cũ enim à duobus uel tribus factũ unum eodẽ modo percensetur: præser-  
tim, si illi, à quibus primũ explicatũ fuit, aut uixerunt, aut propinqui fuerunt istis tem-  
poribus, quib. gesta res est: aut alioquin spectati sunt & probati uiri: & habuisse uetes-  
res homines, a scriptores sententiã suã uidentur: sit tum ut multò firmior ad credendũ  
in animis infigatur opinio: & quæ partim dubia erãt, partim inuoluta obscuritate, illa  
nunc confirmata testimonijs & tanquã illuminata uetustatis luminibus, fiant credibi-  
lia & perspicua. Sed, ut dixi, nos perfectẽ cõcinnatas historias nullas habemus: tã-  
toq; rectius & laudabilius faciunt illi, qui de bibliothecis suis, quæ multi de una gente  
diuersis libris cõplexi, uarijs temporibus scripserunt, uno in cumulo, & uno in libro  
cõponunt: nobisq; uel speciẽ adumbrant, uel materiã præbent excellentis & perfectæ  
historiæ: Qua in re tamẽ qui uersari laborẽ uolunt suum, non id solũ præstãt, ut ab-  
solutæ historiæ locũ expleant: sed etiã ornatum afferunt libris: & cõmodant non parũ  
lectorĩ: magnamq; à bonis, bonarumq; literarũ studiosis ineunt gratiã. Nã quemad-



modum mercēs, cū exponunt, si consimiles uno in ordine & prope se collocētur, magnā dignitatē & delectationē pariunt: Disiectæ aut & sparsim cōfusæ non pascūt, sed offendūt oculos, & deformē habēt, planeq; turpē aspectū: Sic cū similes libri una continuatione, serieq; dispositi, simul offeruntur, necesse est, accrescere omnib. dignitatē, multoq; uideri iucundiores, q̃ si in quadraginta angulos disiūcti, uageq; dispersi essent

Postea in hac cōiunctione librorū, magna fit incredibilis laboris leuatio: cū, quæ multo studio diuersis locis colligere & in unū cōferre oporteret, hīc statim prompta omnia, primo cōspectu occurrūt, offeruntq; sese prius oculis, q̃ penē quærantur: nec suspensum diu sinunt esse animū: cū constat, quæ de ista re, explicata ab historicis sunt, uniuersa in hoc libro cōprehendi: & quæ defunt, uix iudicari ex alijs libris, aut constitui posse. Nā quanti sit negotij, quamq; plenū fastidij & molestiæ: cū ad rem sæpe unā cognoscendā comportare quadraginta diuersos ponderosos codices, & totā tabulā habere libris cōpletam, inq; illos omnes nō solū oculos circūferre: Sed etiā inijcere manus oportet: Contrā, quā cōmodum sit, cū in uno connexa & cōclusa, quæ ad rem pertinet, sunt omnia: credo nullū esse in bonis literis diligēter uersatū hominem, qui nesciat. Quò etiā illa accedit, nō leuis certē nec parua difficultas, in eo posita: q̃ libri uarijs locis in longē disiūctis, puincijs excusi, non passim neq; semper palām extēt, nec in omnes terras importētur, nec in omniū ueniant oculos: qui hīc uno in loco & uno in libro publicati, ppter magnitudinē & ubertatē, quæ illos uendibiles facit, per uniuersam Europā perferunt, sola etiam cōmendati hominib. externa specie, cū interior usus nondū perspectus est. Multi igitur remoti à fori nostri luce & à cōspectu publico, laterēt libri, nostramq; notitiā effugerent si cōiuncti simul & ad iustā molem eiusmodi incrementis adaucti non essent. Deinde minuti libelli, qui sæpè res maximas, gestas in puincijs, intermissas ab alijs, quanquā breuiter & pressè, tamen studiosè & iucundè, bono quodā historiarū fato, pertractāt, nisi in his magnis uoluminibus, cōsociati cū grandiorib. libris retinerētur, iacerent non multò post oppressi in tenebris planeq; perdit: qui tali adminiculo uitā conseruant, & ad posteritatē, alteriusq; seculi homines perueniunt: quibus profuisse, qui libros coaceruarūt, post multos insequentis annos apparebit. Et cū nemo solus in hoc genere sic elaborauerit, ut cōplecteretur omnia: præteriret nihil: plurimi uerò partē aliquā unam susceperint ueteris, aut nouæ memoriæ, q̃ literis mandatā, cultu, studioq; suo illustrarēt: cæteros qui ad uniuersam historiā uno libro tradendā animū adiecerūt, abesse longē, dictū iam sit omnes à laude perfectionis, quæ in historia requirit: Cū oēs mutuā operā conferūt, & quasi de manu in manū tradunt, nascitur tandē perpetuata temporibus & explicata omnibus partib. historica, tametsi interrupta & disiecta, tamē integra & optabilis narratio.

His de causis semper eorū probaui consiliū, qui de bibliothecis suis, quotquot de uno toto capite haberēt, cognatos & spectantes ad id, q̃ in tractationē uenit, probos & laudatos libros, cōiunctim ederēt: omninoq; putaui, suum studiū illos non ad uulgarē, abiectamq; rem, ut iudicare in exercitato homines ingenio possent, primoq; aspectu esse uidetur, sed ad necessariā aliquā, liberalemq; curā contulisse: Et optaui, ut, q̃ illi de Sicula, Hispanica, Hungarica, & reliquis historijs tentassent, hoc alijs in similibus, quales relictæ essent dignissimæ ad imitandū quamplurimæ, eodē exemplo sequerētur: sed quia multis in locis superiorū hominū diligentia nonnullā desidero, ut qui imitari uellent, plus studiij adhiberēt, tum in quærendis, tum in collocandis libris. De Germanica quidē & Italica, & Gallica historia, quarū gentiū res gestæ & ipsæ infinitæ & à plurimis scriptorib. infinitis libris traditæ sunt: Excitati enim ad huius scientiæ studiū, pauci quidē ante nos, sed nostris temporib. multi, immensis suis totum orbem cōpleuerunt libris: Non uideo quemadmodū sine eorum, qui emēt, offensione, in unū colligi, aut simul cōiungi queant: Nisi uel ueteres: quæ adeò copiosæ nō sunt, conficiunt



conficiunt tamen Tomos aliquot: à recētoribus, uel uniuerſales hiſtoriæ à particulāribus diſcludantur, uel facta unius prouinciæ in multos tractus partitione, quæ propriæ cuiuſq; tractus ſunt, ſeparatim deſcriptæ in publico appareant. Sed uellem tamē ut multæ ſemper quæ magnā molem nō habent, & ad unius, aut nō multum diſſimilis negotij explicationem inſtitutæ ſunt, uno fasciculo colligatæ peruulgarentur, quæ quidē dignæ, in apertū ut referrentur, exiſtimari poſſent. Conquirendi uerò aliorū populorū hiſtorias, quia neq; tam abundanter, neq; tāto numero ſcriptæ, & interdum etiā nimis conciſæ & tenuiter mādatæ literis eſſent, fui iam ſæpē ſuaſor Typographis, ut uiro docto, qui otio abundaret, negotiū imponerēt, & illo eodem itinere, in quod iam ante illos ingreſſi fuiſſent alij, ipſi etiā ad benè merendum de poſteris, ſed maiori paululū aſſiduitate progredērētur. Quod cū ſeſe faciuros eſſe quidā pollicerentur: uiderē autem uel retardatos, uel auocatos eſſe à cōſilio, quod à me acceptū, uoluntatē ſua cōprobauerant, & uiam à paucis tritā & nonnullis publicis uestigijs ſignatā, deſertam iterū relinqui: quanquā occupationib. diſtinebar, neq; magnū otium, & uix tantum habebā, quantum colligendis libris impartiendū eſſet: tamen Polonicarum rerum ſcriptores, hoc eſt, qui uel terrā eorum, uel mores, uel adminiſtrata pace, belloq; negotia, literis Latinis excoluiſſent, & in ſumma, qui aliquid iſtius gentis integro publico ſcripto attiguiſſent, de meiſ libris colligendos, & cōmuni aliquo, nō illo quidem admodū ingenioſo & accurato, ſed tamē apto ad rem noſtrā, & non incōmodo ordine collocandos eſſe putauī: ut ad amicū meum SEBASTIANVM HENRICPETRI, qui de ſuis typis ad eorū, qui ante nos idem fecerūt, exemplū excuderet, perfererētur. Id quod ſic accidit: puto enim rationē mihi reddendā eſſe ſtudiij, inſtitutiq; mei.

Cū principū meorum, Marchionū Badeniſum, atauia, quæ in Maſſouiæ ducum illuſtri Polonica & regia, & peruetuſta familia nata fuit, apud Poloniæ ſcriptores quererem, & in Michouiū non indiligentē incidērē, nec ineptum authorē, niſi q̄ elegantiā in dicendo excultus nō eſt: ſic mirifica illius mihi placuit in notādis temporibus, & in percenſendis familijs accuratio, ut peregrinatū iam aliquādiu ab oculis hominum planē mecum cogitarē luci publicæ reſtituendū eſſe. Neq; id tantū, ſed quia Cromeri libri ad uendendum pauci reliqui eſſent, uel rarō reperiebantur, & Polonicæ hiſtoriæ nondum conformatæ in uno libro comparuiſſent, congregandum illum eſſe cū Cromero & cum cæteris omnibus, quorū induſtria in eodem argumento ſeſe publicè oſtendiſſet, putauī. Neq; me abſterrere potuit, q̄ Cromerus penē eadem, quæ ille horaridiūſ ſcripſit, paulò cōcinniori oratione uestiens, & multa etiā de aliorum ſcriptis ac cumulās, plenius & ornatiūſ edidiſſet. Nam, ut dixi, quibuſdā in rebus uiſus mihi accuratior Michouiūſ multo fuit, & temporū atq; perſonarū obſeruantior: & cum eadem ambo dicunt, ex illis, de quibus eadē dicunt, magna ſit ad ueritatē hiſtoriæ & ad fidē acceſſio: neq; fraudari tamē debita laude uetus ſcriptor propterea debuit, quod qui eum ſecutus fuit, Cromerus ſermonē melius expoliuiſſet: quēdā etiā ab alijs mutuatus, ſcripſiſſet cumulatiūſ. *Εἰ μὲν γὰρ Τιμόθεος μὴ ἐγγύετο, πολλὰ ἂν μελοποιίαν ἐκ ἔχοντα. Εἰ δὲ μὴ φρουρίῳ Τιμόθεος ἐκ ἔγγυετο.* Sic igitur nō tantū cōiungere Michouiū cū Cromero, ſed cōſociare in uniuerſum omnes uolui, quotquot in mea bibliotheca eſſent, ſcripti de rebus Polonicis cōmentarij, & de illis, qui non erāt, quotquot ex omnibus locis conquiri poſſent. Quod cū facerē, extitit inde hic liber, cui conſtituere uifum eſt, CORPUS POLONICAE HISTORIAE, nomē: ad earū imitationē, qui coagmentatās unius gentis hiſtorias ante nos publicarunt, & quorū inſtitutū laude ſemper putauimus afficiendum eſſe: Vt, ſicut illi Siculos, Hiſpanicos, Belgicos & alios, ſic nos Polonicos ſcriptores in uno libro cōpræhenderemus, & iam in illo inſtituti genere, quod aliquandiu apud Typographos conquieuit, noua iterum facta à nobis eſſet in honeſtē decurſa à multis uia progreſſio, Fragmēta de Iouio, Sleidano & alijs detracta



ad induendum librum nostrum, quod tamen ab alijs factitatum esse uidemus, spoliare non uoluimus: Pauca tantum ex Herberstenio, Syluio & alijs in primo Tomo ascriptimus, necessaria, ut putauimus, & magna causa. Ceterorum ut nihil extaret in hoc libro placuit, quod non totum ab authore ad illustrandam rem Polonicam confectum & propriū istius prouinciæ esset. Vapouius uerò, Gallus, Dlugossus & alij: etsi opus fuisse non uidetur, translatis eorum & inclusis in Michouij & Cromeri librum commentationibus, tamen si uel in publica luce fuissent, uel se nobis obtulissent diligenter multumq; perquirentibus, inferri in libro nostro, locum etiam tenerent suum: quamquam eadem, quamquam eodem modo, quamquam non plura scripsissent: quamquam eorum omnia à sexcētis scriptoribus, & scripta, & melius ornata, & cōmemorata prolixius essent. Nam quod antea monui, habet in historijs antiquitas auctoritatem, & stimulos ad faciendam fidem multò acriores, quàm recentium hominum sermones: quibus si lumen ueritatis suæ uetustas non præfert, iacent illi sine auctoritate, & sine fide neglecti, primaque statim condemnati omnium hominum opinione. Itaque & illos si aliquando peruulgati, in conspectum prodibunt: & Gorecij decadas, de quibus edendis se cogitare iamdiu pollicetur, cum foras dabuntur, ad hoc nostrum Polonicum uolumen tanquam corollarium quarto loco postea apponemus: ne quid de necessarijs deesse ad cognoscendam Poloniam libris uideri possit.

De ordine, quem tenui, dicere multum, nihil attinet: in quo solum spectauimus, ne omnia permista atq; confusa turpiter essent: & simplex nec nimium subtilis distributio ut seruaretur: quæ ad legentium memoriam conduceret, & quid quoque in Tomo interpositum esset, aperte significaret. Itaq; in prima parte collocauimus Chorographica & similia, quæ pertinent ad Poloniæ, uicinæq; aut subiectæ terræ naturam, & situm, eiusq; in omnes tractus dimensam & descriptam partitionem: Ad hominum, qui eam incoluerunt, ueteres & nouas in religiosa, ciuiliq; uita consuetudines ac mores: Ad urbium & itinerum, & animalium, & similium, quæ in prouincia sunt, explanationem: Et summatim, ad omnia, quæ seiuncta à commemoratione rerum gestarum, tamen prouinciæ uel eorum, quæ in prouincia continentur, aperiunt nobis notitiam. Ad secundum Tomum uniuer sales contulimus historicos libros, qui in uniuerso regno & uicinis dominationibus, uel regis, aut Ducis unius familia, uel Regū aut Ducum successionebus cursum atq; uim omnem operæ, diligentiaq; suæ consumunt: Etsi Decij etiam de Sigismundo Rege unus libellus continuitate sermonis, & cognatione, quam cum uniuersali historia habet, nobis libentibus irrepsit. Tertius res particulariter dissimili tempore gestas, & orationes in se complectitur, quæ in comitijs, uel de uno aliquo Rege post illius è uita discessum habitæ, in manus nostras peruenerunt: Atq; disposita isthæc omnia pro annis, quibus acciderūt: Tum demum omnium Poloniæ, Massouia, Silesia, & partim etiam Lithuania Principum diligenter à me confectam, & ex Germanicis, ac Polonicis authoribus magno studio peruestigatam genealogiam, in tabulis nonnullis propositam & continua successione perpetuatā continet. Accessit de bellis Moschouiticis Leuenklañ tractatio: titulo quidem aliena planè ab instituto, consilioq; nostro, sed propter res, quas explanat, ita accommodata, ut mæca futura Polonica Historia multis penè locis esset, si non huius subsidio subleuaretur. Atq; hæc consilij nostri, & ordinis, & librorum qui triginta, & aliquot sunt distincti inuicem, & discriminati titulis, explicata sit ratio.

AD VOS VERO, TOTVM VOLVMEN MITTERE VISVM EST, amplissimis inscriptū nominibus uestris: Nobilissimi uiri: ut patricinio uestro defensum consistere cōtra hominum calumnias posset: & ut publica extaret uoluntatis erga uos meæ significatio. Vetustissima est familia, in qua nati estis & ab heroicis ducta primis illis temporibus, cum clarorum hominum, & benè de Repub. meritorum, nobilitata



bilitata multitudine gestarum rerum uirtus, pijs dignitatis, & splendoris afficeretur: ubi tūc ante annos infinitos in gente uestra uirtutis laus, & factorum gloria florebant. Earum rerum possessionem, uestri maiores, illustres animæ, acceptam à progenitoribus suis, & amplificatam studio & cumulæ exemplis, & ad auctam dignitate ad uos propagarunt: cum omnes uestre familia, qui hactenus uixerunt, non solum maiorum gloria sibi nitendum, sed nouū etiam à se posteris suis accendendū esse uirtutis lumen putarent, & ut consequi possent, honestè, fortiterq; contenderent. Ex hac igitur plenissima dignitatis stirpe uos procreati, cum maiorum uestrorum, talium ac tantorum hominum paria dignitate splendere, & omnibus fortunæ ornamentis antecellere possētis in uestro ordine quamplurimis: tamen illa minima ducētes, nisi uestra etiam uos propria, uestro studio excitata, & ad summum perducta uirtus cōmendaret: Vt primū adolescentes facti estis, & postea, cum ætas se uestra iudicio, & animis corroborasset, multo magis, operam dedistis, ut essetis progenitorum uestrorum quā similes, & uestris ipsi luceretis gloriosè factis: neq; magis hausisse uideremini à maiorib. uestris omni decore affluentibus, q̃ peperisse & dedisse posteris nobilitatis, & uirtutis exemplū. Quod studium uestrū, oculis expositum & multis factis illustratum, magnam uobis hominū admirationē, & amplissimā, planēq; maximā auctoritatē confecit: in qua quia cognoui positum mihi esse cōtra turpiter litigiosos obreptatores magnū præsidiū, uolui ut *POLONICAE HISTORIAE* liber, sicut collectus à me fuit, in publicum prodiret, ornatus uirtute, & munitus auctoritate uestra. Neque dubitabam, quæ uestra incredibilis est humanitas, non tantū quod uobis librum inscriberem, non grauātē laturos, uerū etiam auctoritatis uestræ fructum in traditum librum libenter deriuaturos esse. Nota mihi iamdudum est morum uestrorum suauitas: de Te quidem, *MICHAEL LVDVICE* ex colloquijs & literis tuis multis, ab eo tempore, quo necessitudo inter nos constituta fuit: Tua uerò, *FERDINANDE*, celebrata per Germaniā humanitas fugere me non potest, quæ ex eorum, qui ipsi senserunt, sermonib. infusa in aures & in animos nostros, ab omnibus cognoscitur & laudatur. Quid enim laudabilius esse, quid magis gloriosum posset, quā uiros excellentes, qui in clarissima sunt dignitate, nullo fastu extolli, nulla efferri superbia: & inferioribus etiam benignè facere, horumq; tenuitati, cum honestè & innocēter uitam agunt, suam non antepone præstantiam. Vos quidem, in hac uia cum estis, in quam uolūtas uos uestra deduxit: ut non solum maiorum luce, sed uestra uirtute, uestro suscepta consilio, magnoq; uestro educata studio, enitere cupiatis: necesse est moderatos esse ad omnem rationē humanitatis: quæ magna ipsa uirtus & aliarum in hominum societate princeps est. Sed tamen, quod uos laudatè facitis, præteriri laudatione nostra non debet, neq; inornata illa relinqui tāta uestra, tamq; præstans uirtus, quam omnibus tribuitis, & ego iamdudum in me ipso sensi, tantumq; apud me ualere passus sum, ut ad testificandā uicissim uoluntatem meam librum uobis offerrem: minimè dubitans, quin iucundissimum uobis futurum esset officium: non solum quod à me proficisceretur, uestri amantissimo, sed etiam quod literas contineret, & traderet historias. Illis enim duobus, præclaris nominibus, si à me non mitteretur, tamē in amicitiam se uestram insinuare libet, & uestram colligere gratiam posset. Literas quidem & doctrinam liberalem omnem, quantum ametis: & incredibilis uestra in literatos homines beneficentia declarat, neq; occultatum in tenebris, aut ignotum esse potest: cum & res ipsi progressus in literis & artibus adolescentes fecistis, uiriq; iam facti, in dies legēdis libris proceditis longius: Et cum tu, *MICHAEL LVDVICE*: Nam tibi, *FERDINANDE*, felicitatem illam ut liberos ex uxore procreares, Deus non dedit: summa diligentia informari filios ad literas & institui ad honestarū artium doctrinam iubes: illaq; de causa domi tuæ *NICOLAVM HEYDENVM* habes, ma-



gna eruditione & uirtute uirum, qui uirtutis & literarum illis tradit à maioribus, & te patre magna gloria tritam uiam. Historiæ uerò quantum uos delectent, tu idem, MICHAEL LVDVVICE, nuper, cum Turlaci esses, luculentum testimonium dedisti: cum ipse multas historias singulari cum uoluptate commemorares, & incensum te esse planeque inflammatum ostenderes desiderio cognoscendæ patriæ Germanicæ & priuatae tuæ historiæ: qualem ueteri manu ab antiquo authore scriptam, acceptam à tuo FERDINANDE, affine Marschalco Bappenheimio, uos habere dicebas, quā in explicandis Germanicis occupatam, & Sueuicis, & in maiorum tuorum præclare factis, uos duo fratres frequenter, assidueque legeretis. Quam cupiditatē cum ardere in uobis intelligerem, putauī etiam meo studio, ne restingeretur, nutriendā atque sustentandam esse: ut non solum in patrijs uersari illam, sed etiam longius prolatam, in peregrinis historijs infixam esse sineretis. Vt enim profectio sæpè in peregrinam & longinquam prouinciam: sic externæ historiæ lectio magnum non solum usum, sed oblectamentum etiam præstat: & nescio, quomodo maiore alieng interdum in animos, quam domesticæ historiæ uoluptatem infundant. Sed ista uobis declarari non attinet, qui & literas, & historias, & peregrinationes amatis: & sine dubio, factā sub nominibus uestris publicationem libri mei non ægrè feretis. Librum meum cum dico, uideor non multum errare: plurima enim in eo mea sunt, labor in colligendis, sumptus in comparandis, liberalitas in comunicandis libris, dispositio, publicatio, & tota confectio genealogiarum, quæ in tertia parte insunt, & regum atque principum Poloniae, ducum Lithuaniae, Massouiae, & uniuersæ Silesiæ à prima origine, quantum in maxima historiarum obscuritate, superiorumque scriptorum incuria, pro meo studio facere sanè potui, continuatas ad nostram ætatem familias, ante oculos ponunt, & in Polonicas historias perspicuitatem importāt admodum magnam apprimēque necessariam. Ista igitur omnia tum per se uobis, qui eruditionem & notationem rerum ueterum in delitijs habetis, tum mea causa, quem amari à uobis spero, grata, iucundaque futura esse non dubito & hilariter, beneuoleque susceptū iri planè confido. Quod cum ab æquitate uestra impetratum erit, non solum propter libros gaudebo, ad quos ornamentum & patrocinium uestrum accommodandum esse putauī: sed mihi etiam gratulabor: quod libri tantos patronos adepti, benè firmum contra hominum habeant maleuolentiam præsidium, positum in dignitate, authoritateque uestra: Ego uerò consecutus hoc esse uidear, quod ut consequerem, solum in uniuersa consilij mei ratione spectauī: ut uoluntatem & obseruantiam erga uos meam testificatus, beneuolentiam conseruarem, humanitatemque uestram. Spero futurū esse postea cum in alio argumēto, & fortassis in eruenda, explicandaque familiæ uestre antiquitate publicum iterum studiū, officijque mei testimonium apparere sinam: quod cum erit, faciā diligentius, quam in hac iam inscriptione, quæ mihi contra penè expectationem meam à Typographo expressa fuit, facere in magna festinatione, plurimisque negotijs potui. Quod superest, Nobilissimi, præstantissimi que uiri, cupio uos affluentes dignitate, florere illis omnibus ornamentis, quæ expetenda ipsi uobis esse iudicatis: & rogo, quod facturos esse iam dudum persuasum habeo, ut libris patrocinium, mihi beneuolentiam uestram præstetis & commemorata, hoc loco fuisse nomina uestra, humaniter æquissimeque feratis. Ex Caroli

castro Marchionum Badensium, VI Calendas Augusti,

Anno CIO. IO. XVIIIIC.

Vestra nobilissima  
Dignitatis

per studiosus

IOAN. PISTORIUS  
NIDANVS D.



POLONICAE HISTO  
RIÆ CORPORIS,

TOMVS PRIMVS.

IN QVO OMNIA SVNT, QVAE AD CHOROGRA  
phicam Poloniae & subiectarum sub illius imperio prouincia  
rum considerationem pertinent, ut uersa pagina, in  
scriptorum Elencho uidere potes.

B A S I L E Æ,

ANNO CIO. IO. XXCII.



# ELENCHVS AVTHORVM, QVI IN PRIMO TOMO POLONICARVM RERVM CONTINENTVR:

VNA CVM SVCCINCTA DESCRIPTIONE LOCO INDICIS ADIECTA,  
rerum memorabilium & notatu dignissimarum, quæ in quolibet Tractatu habentur.

I. ÆNEAS SYLVIVS, Pontifex Rom. Max. Pius 11. post adeptū pontificatum dictus, de Polonia, Lithuania, & Prussia, siue Borussia.	fol.	De Terris & districtibus Russia regno Polonia incorporatis.	fol.
De Polonia regione vasta, & quod in ea domus luto & macerie componantur: equi sylvestres & uiri inueniatur. De Vladislao cum regno Baptismum suscipiente, deq; Frederico Brandeburgensi, & Alberio Bauaro regnum quodlibet pro se recusante.	1	De Leopoliensi & Haliciensi terra.	33
De Lithuania regione, Vitoldo uiro facile sanguinario in ea regnante: de Solis ad transitum æstiuo tempore difficultate: geitis in moribus qualitate, & quæ super sacrorum diuersitatibus Hieronymus Pragensis eremita de narrauit.	2	De Belzensi terra.	34
De Ruthenis, & quomodo principatus apud eos soleat assequi.	3	De Chelmensi terra.	34
De Liuania semiferos homines in una sui parte continente.	4	De Premisliensi terra.	35
De Pruthenis, & quomodo fidem Christianam à Teuthonicis fratribus Sanctæ Mariæ sumpserint.	4	De Podolia regione.	35
II. ERASMI STELLÆ Libanothani de Borussia Antiquitatibus. Libri 11.	4 & 5	De Lituanie prouincijs seu Palatinatibus, præcipuisq; ciuitatibus.	40
Primus liber agit de ueteribus incolis Borussia, eorumq; propagatione, incremento, appellationibus, consuetudine ac moribus.	9	De Vilnensi Palatinatu.	40
Secundus liber continet priscos reges ac eorum successionem in Borussia.	9	De Trocensi Palatinatu.	40
Distichon ad inuictiss. principem Federicum. Item elegiacum carmen ad eundem principem.	13	De Minscensi Palatinatu.	41
III. ALEXANDRI GVAGNINI Veronensis, equitis aurati exactissima & diligentissima Chorographia totius Poloniae, Lithuaniae, Liuaniae & Prussiae.	16	De Nouogrodensi Palatinatu.	42
De Situ Sarmatiae Europææ.	20	De Brestliensi Palatinatu.	42
Deductio & Origo antiqua, bellicosæq; gentis Sauromaticæ, ex qua Poloni ortum, genusq; suum ducunt.	20	De Volinia regione.	42
Polonici regni cum suis palatinatibus, districtibusq; siue prouincijs, ciuitatibusq; & arcibus principalibus compendiosa descriptio.	22	De Kiouieni Palatinatu.	34
De Cracouiensi terra, eiusq; ciuitatibus districtualibus & senatu principali.	26	De Msezislauienti Palatinatu.	34
De Sandomiriensi terra.	27	De Vitebsciensi siue Vitebliensi Palatinatu.	44
De Lublinensi terra.	27	De Polocensi Palatinatu.	44
De terris, districtibusq; maioris Poloniae.	28	De Samogitiæ ducatu.	45
De Pofnaniensis terræ ciuitatibus districtualibus, & Senatoribus.	28	De Arandi, seminandiq; modo in Russia alba Moschouie confirm. & in magno ducatu.	47
De Calisiensi terra.	28	De Articulis constitutionum Bellicarū Magni ducatus Lithuaniae.	49
De Siradiensi terra.	29	Prussia cum suis Prouincijs, ciuitatibus, omniumq; magistrorum Crucigerorū Teuthonici ordinis iuxta seriem compendiosa descriptio.	51
De Lanciciensi terra.	29	De Prussia deductione doctorum opiniones.	51
De Cuiuuiæ siue Vladislauie terra.	30	De Priscæ antiquorum Ruthenorum religione.	51
De Brestliensi terra.	30	De Diuisione Prussiae.	52
De Rauensi terra.	30	De Sudauia ducatu.	52
De Plocensi terra.	30	De Sambie ducatu.	52
De Dobriensi terra.	31	De Natangie ducatu.	53
De Ducatu Masouie.	31	De Nadrouie prouincia.	53
De Varschouie districtu.	31	De Sclauonia ducatu.	53
—Masouie ducatus Senatores primarij.	31	De Bartonie ducatu.	54
De Liueni terra.	32	De Galindie regione.	54
De Podlasiæ terra.	32	De Varmie ducatu.	54
De Drohicinensi districtu.	32	De Hogerkerlandia prouincia.	55
	32	De Culmensi ducatu.	55
	32	De Pomesaniensi prouincia.	55
	32	De Michlouieni prouincia.	56
	32	De Teuthonici ordinis origine, omniumq; magistrorum in eo successione & rebus gestis	57
	32	De Pomeranie ducatu.	63
	32	Liuania totius, cum suis prouincijs, ciuitatibus, castris & cōmendaturis siue palatinatibus succincta descriptio.	64
	32	De Leitlandiensi siue Rigensi prouincia.	65
	32	De Rigensi archiepiscopatu.	66
	32	De Derptensi episcopatu.	66
	32	De Habselensi & Ozelensi episcopatu.	67
	32	De Curlandia.	67
	32	De Semigallie ducatu.	67
	32	De Esilandie ducatu.	67
	32	De Virlandia.	68
	32	De Haria.	68
	32	De Geruenlandie ducatu.	68
	32	De Intestino & ciuili Liouonensium bello, & causa expeditionis contra magistrum Liouonensem.	71
	32	Tabula & summa arcū, castrorūq; Liuania, cuius dominio finis	



nio singulae subsunt, exceptis curijs, praedijs & praefecturis.	fol.	De Tartaris Kosanensibus, & Tartaris Nahaiensibus.	fol.
IIII. MARTINI CROMERI episcopi Varmienfis Polonia, siue de Situ, populis, moribus, magistratibus & Republica regni Polonici, libri duo.	73		140
L I B. I.		L I B. II.	
De Situ Poloniae & gentis Polonae origine, incremento, progatione, moribus & ritibus.	74	De Russia, de tractib. eius, & abundantia, & contentis in ea.	140
L I B. II.		De Lithuania & Samagitia.	142
De Reipublica, magistratibus, statutis, palatinatibus, prouincijs & ciuitatibus Polonorum.	77	De Lithuaniae magni ducatus amplitudine & contentis.	145
Senatoru regni Poloniae cum coniunctis ei ditionibus dignitates, & ordo, secundum constitutionem comitalem Lublinsensem, anno M. D. LXX. editam. 1504	96	De Moschouia.	148
V. MATTHIAE à Michouia Medicinae Doctoris, & Canonici Cracouiensis, de Sarmatia Asiana & Europaea, libri duo.	120	De Regionibus Scythiae Perm, Bafuir, Iuhra & Corela, per ducem Moschouiae subiugatis.	150
L I B. I.		VI. Descriptio Lithuaniae ex Moschouia SIGISMVNDI LIBERIBARONIS in Herbertstein, &c.	151
De Sarmatijs duabus in genere.	121	De Lithuania, eiusque incolis.	151
De Tartarorum ortu & aduentu.	122	De Feris, quae in Lithuania reperiuntur.	155
De Poloniae & Vngariae crudeli uastatione per Tartaros.	123	VII. Pomponius Mela de Sarmatia cum commentarijs Ioachimi Vadiani.	158
De Vngariae cruenta uastatione per Bathi Imperatorem Tartarorum.	125	VIII. De Sarmatia Comentariorum HART MANNI SCHEDELII, artis Medicae Doctoris.	163
Quomodo Innocentius Papa quartus misit ad Cham Tartarorum ne Christianos persequeretur: & quomodo fidem Mahometi suscepit.	126	De Sancto Stanislao episc. Cracouiensi, Patrono Sarmatiae.	165
De Tartarorum moribus, & de contentis in terra eorum.	127	De Cracouia urbe Regia Sarmatiae.	165
De Finibus & metis Tartarorum Zauolhensium.	127	IX. LAVRENTII CORVINI Nouoforensis ode Saphica Endecasyllaba: dicolos tetraestrophos Peonicè de POLONIA & eius metropoli CRACOVIA.	167
De Genealogia Imperatorum trans Volham incolentium.	128	X. CVNRADI CELTIS P.L. ad Vistulam fluium, ubi ortum & exitum eius describit, & de Vesonibus, & eorum uenationibus agit.	168
Quod Scythiae gentes inquietae sunt & semper rapaces.	130	XI. ADAMI SCHROTERI Silesij iter Salinarium Sarmaticum.	168
Scythiam quae gens, & quae natio inhabitet.	130	XII. CVNRADI CELTIS Protutij Salinariae ôδολογικὴ ad Terinum.	170
De Gothis & illorum moribus.	131	XIII. IACOBI PRILVSII de prouincijs Polonicis, & quibusdam regum diplomatis Tractatus: ex Statutorum libris, ab illo publicatis, exscriptus.	171
De Alanis, Vandalis & Sueuis.	132		
De Vandalis, Alanis, & Sueuis continua narratio.	133		
De Iuhris.	135		
De Turcis.	137		
De Tartarorum Vlanorum siue Pracopensum familia.	139		







# POLONICARVM RE-

RVM LATINI SCRIPTORES OMNES

in corpus unum collecti: & in aliquot tomos distributi.

TOM. I. CONTINENS DESCRIPTIONES VETERVM ET NOVARVM limitum regni Polonici.

ÆNEAS SYLVIVS, SVMMVS PONTIFEX ROMANVS, PIVS II. HVIVS NOMINIS POST adeptum pontificatum dictus, de Polonia, Lithuania, & Prussia siue Borussia.

De Polonia regione uasta, quod in ea domus luto & macerie componantur, equi syluestres, & uiri inueniantur. De Vladislao cum regno baptismum suscipiente, deq; Frederico Brandenburgensi, & Alberto Bauaro regnum quodlibet pro se recusante.



OLONIA uasta regio est, quæ Sclesia ad occidentem proximat, Hungaris, Lithuanis, ac Prutenis contermina: hic Cracouia est præcipua regni ciuitas, in qua liberaliũ artium schola floret. Subigneus huic urbi præfuit episcopus, literarum doctrina, & morum suauitate insignis, à quo plurimas accepimus epistolas, multò sale & Romana elegantia conditas, cui ob singulares uirtutes Romana ecclesia insignia cardinalatus honoris rubentem pileum misit. Ciuitates Poloniae præter Crocuiam parum nitidæ. Ex maceria domos ferme omnes componunt, plerasq; luto linunt: plaga regionis nemorosa est, potus genti ceruisia, ex tritico atque humulo factus. Vini rarissimus usus, nec uinea cultura cognita, ager Cereris ferax, multa gēti armenta, multa ferarum uenatio, equum syluestrem præter cornua ceruo similem edunt, feros boues uenantur, quos prisca Vros uocauere. Pisce ac uolucris abundat, argenti, auri inops terra. Vectigalia regi parua. Regnum in quatuor partes diuisere maiores: has cum per circulum anni rex ambiuit, quælibet pars tribus mensibus regē ac curiam pascit: quibus exactis, ad alteram partem fit transitus. Statuta sunt, quæ præstare prouinciales oportet. Si manserit ultra præfinitum tempus rex, suo uiuere sumptu cogitur. Cum rex gentis patrum nostrorum tempestate obisset, relictam filiam Gulielmus dux Austriae in matrimonium accepit, illicq; regno præfectus est. Non placuit Polonis rex Teutonicus, Vladislaum ex Lithuania uocauere, eiectoque Gulielmo, cōiugem eius & regnum nouo regi tradidere. Gentilis fuerat Vladislaus, & idola coluerat, sed baptismum cū regno suscipere nō recusauit. Conuersus ad Christum, religiosum principem gessit. Multos ex Lithuanis ad Euangelium traxit, Pontificales ecclesias nonnullas erexit. Episcopos magno honore prosecutus est. Inter equitandum quotiescunq; turres templorum inspexit, detracto pileo caput inclinauit, Deū qui coleretur in ecclesia ueneratus. Cum Tartaris regni limites infestantibus feliciter dimicauit, Prutenos maximo bello uicit, de quo inter res Prutenicas memorabimus. Ex priori coniuge prolem non sustulit, cum qua matrimonium haud legitimum fuit. Ex secundo iam ferme nonagenario duo nati sunt filij, Vladislaus & Casimirus, is Lithuaniae ducatum cōsecutus est, prior patri regno Poloniae succedens, ad Hungariae quoq; regnum accersitus, in bello Turcarum (ut alibi narratum est) cecidit. Qua recognita, solliciti Poloniae procures de successore Frederici, cum marchione Brandenburgensem, qui pueritiā in regno transegerat, linguamq; gentis & mores tenebat, ut regnum acciperet rogauerūt. Responsum datum est Casimirum Lithuaniae ducem, qui frater esset, defuncti heredem extare. Sciscitari eius animum oportere, cui fraternum, paternumq; regnum cupienti, impedimentum asserre à dignitate sua Fredericus non duceret: pari moderatione & Albertus Bauariae dux erga Ladislaum Alberti filium usus est: qui Bohemia



mia regnum sibi oblatum recusauit. Fredericus quoque Imperator, & ab Hungaris, & à Bohemis ad hæreditatem Ladislai uocatus, nunquam audire sustinuit, quod patrueli præiudicium faceret. Ingens laus nostræ ætatis, & magnum decus Germanici nominis, quamuis non ambigo esse aliquos, qui non tam iustitiæ, quàm ignauitæ tradunt, alienis regnis quempiam abstinere. Ego quod boni speciem habet non laudare non possum. Casimirus autem, & si difficile, à Lituanis dimitteretur, qui suum ad se principem retinere cupiebant, in Poloniam ueniens, pacificam regni gubernationem accepit: nec diu postea sortorem Ladislai regis duxit uxorem. Multa ei aduersus fratres Teutonicos, qui sanctæ Mariæ appellantur bella fuere, de quibus in rebus Prutenis referemus.

*De Lithuania regione, Vitoldo uiro facile sanguinario in ea regnante, de Solis ad transitum æstiuo tempore difficultate, gentis in moribus qualitate, & quæ super sacrorum diuersitatibus Hieronymus Pragensis eremita denarravit.*

**L**ithuania & ipsa latè patens regio Polonis ad orientem cōnexa est, palustris ferme omnis ac nemorosa. Vitoldus huic præfuit Vladislai frater, qui relicto deorum cultu, cum regno Poloniae Christi sacramentum accepit. Magnum Vitoldi nomen sua tempestate fuit, quem subditi adeò timuerunt, ut iussi laqueo se suspendere, parere potius, quàm in principis indignationem incidere uoluerint: detrectantes imperium insutos ursina pelle uiuentibus uris (quos eam ob causam nutriebat) dilaniandos obiectauit, crudelibusq; alijs affecit supplicijs. Equitans arcum semper tensum gestauit. Si quem conspicatus est aliter incedere quàm uoluit, confestim sagitta confodit, multos quoq; per ludum interemit. Sanguinarius carnifex, ut esset inter populares & ipsum principem certum faciei discrimen, radere barbam omnibus imperauit. Id ubi non successit (facilius enim ceruicis quàm barbæ iacturam Litواني ferebant) tonsus ipse mentum & caput prodijt, capitale interminatus, si quis prouincialium pilos faciei capiti suo deponeret. Rex à Sigismundo Cæsare Lituanorum appellatus, prius obiit quàm legati diadema ferentes se conuenirent. Successor Suidrigal ursam nutriuit, quæ sueta ex manibus eius panem accipere, sæpè in syluas uagabatur. Redeunti usq; ad thalamum principis, ostia quæque patebant. Ibi confricare ac pulsare pedibus ostium, cum fames affuit consueuit, cui princeps aperiens cibum præbuit. Conspirauere nobiles aliquot adolescentes aduersus principem, atque ursæ modum secuti, sumptis armis cubiculi principalis ianuam confricauere. Credit Suidrigal ursam adesse, ostiumq; aperuit, ibique mox ab insidiantibus confossus interiit. Prouinciæ deinde gubernatio ad Casimirum peruenit. Ad Lithuanos æstiuo tempore difficilis transitus est, palustribus aquis cuncta ferme obfidentibus, hyems præbet aditum astrictis gelu lacunis. Mercatores super glaciem ac niuem iter faciunt, plurium dierum cibaria in uehiculo ferentes, nulla certa uia: meatus (sicut in mari) syderum cursus ostendit. Rara inter Lituanos oppida, neque frequentes uillæ. Opes apud eos, præcipuæ animalis pelles, quibus nostra ætas Zibellinis, armellinisq; nomina indidit. Vlus pecuniæ ignotus, locum eius pelles obtinent: uiliores cupri atque argenti uices implent, pro auro lignato pretiosiores. Matronæ nobiles publicæ concubinos habent, permittentibus uiris, quos matrimonij adiutores uocant. Viris turpe est ad legitimam coniugem pellicem adijcere. Soluuntur tamen facile matrimonia mutuo consensu, & iterum atque iterum nubunt. Multum his ceræ ac mellis est, quod syluestres in syluis apes conficiunt. Vini rarissimus usus, & panis nigerrimus. Armenta uictum præbent multo lacte utentibus. Sermo gentis Sclauonicus est: latissima est enim hæc lingua, & in uarias diuisa sectas. Ex Sclauis enim alij Romanam Ecclesiam sequuntur, ut Dalmatæ, Croatini, Carni ac Poloni. Alij Græcorum sequuntur errores, ut Bulgari, Rutheni, & multi ex Lithuanis. Alij proprias hæreses inuenere, ut Bohemi, Morauj, & Bosnenses, quorum magna pars Manichæorum imitatur insaniam. Alij gentili adhuc cæcitate tenentur, quemadmodum multi ex Lithuanis idola colentes. Horum magna pars æuo nostro ad Christum conuersa est, postquam Vladislaus ex ea gente Poloniae regnum accepit. Noui ego Hieronymum Pragensem sacris literis apprime eruditum, uitæ munditia & facundia singulari clarum, qui annos supra uiginti in eremo Camalduensi, in Apennino Hetrusco pœnitentiam egit, hic (orientem apud Bohemos Hufsitæ hæresi) fugiens pestiferum uirus, in Poloniam transiuit. Vbi acceptis literis ab Vladislao rege commendatitijs, prædicaturus Euangelium Christi, ad Vitoldum principem in Lithuaniam penetravit, multosq; populos Vitoldi fauore fretus, ad salutiferam Dei Christi fidem conuertit. Venitq; tandem ad synodum Basiliensem, uocatus à Iuliano sancti Angeli Cardinali, cum de rebus Bohemicis ageretur, narrauit hic multa de Lithuanis quæ penè incredibilia ui-



lia uidebantur. Audiebam ego ex alijs eius dicta, nec mouebat ut crederem, libuit adire hominem, atque ab eius ore lata cognoscere, comites mei fuerunt Nicolaus Castellanus, qui tum Cardinalis Iuliani domum regebat. Bartholomeus Lutimanus Archiepiscopi Mediolanensis scriba, & Petrus Noxetanus Cardinalis Firmiani secretarius, uiri graues & docti, hominem in cella sua trans Rhenum apud Carthusienses conuenimus, cuius hæc narratio fuit. Primi quos adij ex Lithuanis serpentes colebant, paterfamiliās suum quisque in angulo domus serpentem habuit, cui cibum dedit, ac sacrificium fecit in fœno iacenti: hos Hieronymus iussit omnes interfici, & in foro adductos publicè cremari. Inter quos unus inuentus est maior ceteris, quem sæpe admotus ignis consumere nullo pacto ualuit. Post hos gentem reperit: quæ sacrum colebat ignem, eumq; perpetuum appellabat. Sacerdotes templi materiam ne deficeret, ministrabant, hos super uita & grotantium amici consulebant: illi noctu ad ignem accedebant, manè uerò consulentibus responsa dantes, umbram ægroti apud ignem sacrum se uidisse aiebant. Quæ cum se calefaceret, signa uel mortis, uel uitæ ostentasset, uicturum ægrotum facies ostensa igni, contra si dorsum ostentasset, moriturum portendit. Testari igitur & rebus suis consulere suadebant, delusionem hanc esse Hieronymus ostendit: persuaso populo, deletio templo, ignem dissipauit, Christianos mores induxit. Profectus introrsus aliam gentem reperit, quæ Solem colebat, & malleum ferreum raræ magnitudinis singulari cultu uenerabatur. Interrogati sacerdotes, quid ea sibi ueneratio uellet? Responderunt olim pluribus mensibus non fuisse uisum Solem, quem rex potentissimus captum reclusisset in carcere munitissimæ turris. Signa zodiaci deinde opem tulisse Soli, ingentiq; malleo perfregisse turrim, Solemq; liberatum hominibus restituisse. Dignum itaq; ueneratu instrumentum esse, quo mortales lucem recepissent. Risit eorum simplicitatem Hieronymus, inanemq; fabulam esse monstrauit. Solem uerò, & Lunam, & stellas creatas esse ostendit, quibus maximè Deus ornauit coelos, & ad utilitatem hominum perpetuo iussit igne lucere. Postremò alios populos adiit, qui syluas dæmonibus consecratas uenerabantur, & inter alias unam cultu digniorem putauere. Prædicauit huic genti pluribus diebus, fidei nostræ aperiens sacramenta, denique ut syluam succideret imperauit, ubi populus cum securibus affuit, nemo erat qui sacrum lignum ferro contingere auderet. Prior itaque Hieronymus assumpta bipenni excellentem quandam arborem detruncauit. Tum secuta multitudo alacri certamine, alij ferris, alij dolabris, alij securibus syluam deijciebant. Ventum erat ad medium nemoris, ubi quercum uetustissimam, & ante omnes arbores religione sacram, & quam potissimè sedem esse putabant, percutere aliquandiu nullus præsumpsit. Postremò ut est alter altero audacior, increpans quidam socios, qui lignum rem insensatam percutere formidarent, eleuata bipenni magno ictu cum arborem cedere arbitraretur, tibiam suam percussit, atque in terram semianimis cecidit. Attonita circum turba flere, conqueri, Hieronymum accusare, qui sacram Dei domum uiolari suasisset, neque iam quisquam erat, qui ferrum exercere auderet. Tum Hieronymus illusiones dæmonum esse affirmans, quæ deceptæ plebis oculos fascinarent, surgere quem cecidisse uulneratum diximus imperauit, & nulla in parte læsum ostendit, & mox ad arborem adacto ferro adiuuante multitudine ingens onus cum magno fragore prostrauit, totumq; nemus succidit. Erant in ea regione plures syluæ pari religione sacre, ad quas dum Hieronymus amputandas pergit, mulierum ingens numerus plorans atque eiulans, Vitoldum adit, sacrum lucum succisum quæritur, & domum Dei ademptam, in qua diuinam opem petere consueissent, inde pluias, inde Soles obtinuisse, nescire iam quo in loco Deum quærant, cui domicilium abstulerint: esse aliquos minores lucos, in quæis dñj coli soleant, eos quoq; delere Hieronymum uelle, qui noua quædam sacra introducens, patrium morem extirpet: rogare igitur atque obtestari, ne maiorum religionum loca & caeremonias auferri sinat. Sequuntur & uiri mulieres, nec se ferre posse nouum cultum asserunt. Relinquere potius terram & patrios lares, quam religionem à maioribus acceptam dicunt. Motus ea re Vitoldus, ueritusq; populorum tumultum, Christo potius, quam sibi deesse plebem uoluit. Reuocatisq; literis, quas præsidibus prouinciarum declarat, iubens parere Hieronymo, hominem ex prouincia decedere iussit. Hæc nobis Hieronymus constanti uultu nihil hæsitans, ac per iuramentum affirmauit: dignum fidei & grauitas sermonis, & doctrinam ostendit, & uiri religio. Nos quæ accepimus immutata retulimus, ueripericulum non assumimus, persuasi tamen & nos, & comites ab eo recessimus.







ces, qui eius se terræ dominos affirmabant, ius suum fratribus concesserant: grata oblatio Frederico fuit, qui collaudato proposito, quas uoluere fratres, sub aurea bulla literas concessit. Illi sumptis armis breui tempore quicquid Prutenici uiri citra Vistelam fuit occupauere. Exin tranato fluuio, uetustam & late patulam quercum in castelli modum erectis propugnaculis iuxta ripam munierunt, ibi collocato præsidio ultiores Prutenos uexare coeperunt. Pugnatum est sæpè pro quercu, & ingentes Paganorum copiae fugatae ac deletæ sunt: bellum pluribus annis productum est. Ad extremum fortuna fratrum imperio arridens, omnem eis Prussiam subiecit. Victæ Barbaræ nationes, iugum subièrè. Ex illo tempore lingua Teutonica introducta est, & cultus Christi gentibus imperatus. Ecclesiæ quoque pontificales erectæ, trans Viselam Pomersauensis, Culmenlis, Sambienlis, & Varimienlis, ad quam defuncto Francisco episcopo, paruitatem nostram postulare canonici. Calixtus Pont. Max. eam nobis annuente, senatu Apostolico commendauit. Quæ una est illis in partibus iure suo utens, nec subiecta fratribus, reliquos episcopos religionis habitum gestare oportet. Quo in loco munitam quercum diximus fuisse. Nobile oppidum ædificatum est, quod Mariæburgum uocant, & arx nobilis atque amplissima: hic sedes magni magistri, qui cunctis fratribus præest Prussiam incolentibus. Sunt & alij duo in eadem religione magistri, alter Liunioniam regit, alter conuentus Alemanniæ gubernat. Teutones huius religionis inuētores fuere, ac propterea nemo recipitur ad eam, nisi Teutonicis nobilibus ortus parentibus, & cui propositum sit pro tuendo Christi Euangelio, aduersus salutiferæ crucis inimicos armis depugnare: ob eam rem uescimentis albis utuntur, nigra cruce insuta. Barbam omnes nutriunt, exceptis qui sacris altaribus seruiunt. Pro Canonicis horis dominicam orationem usurpant, neque literas discunt. Magnæ his opes, nec minor potentia quàm regibus: sæpè cum Polonis de regni limitibus acceptis, atque illatis cladibus contendere, nec totis uiribus belli fortunam experiri recusarunt. Cum Vladislao Casimiri qui modo regnat patre, contraxerant ambæ partes ualidissimas atque ingentes copias. Polonis Lithuani & Tartari adiuncti erant, quos duxerat Vitoldus. Teutonici fratres ex tota Germania uires conciuerant: postquam prope ad uiginti ferme stadia uterque consedit exercitus, spe plenus & impatiens moræ. Prutenorum magister caduceatorem, qui bellum regi denunciaret, & duos enses, in quis staret uictoria misit: facta potestate, ut quem uellet hostis eligere, alterum sibi remitti iussit. Accepit Vladislaus alacer nuncium, donatoq; caduceatore, uno retento gladio, remisit alterum. Mox iussi milites arma induere, bellicq; signum datum, quadraginta millia equitum in ambobus castris fuisse proditum inuenio. Vladislaus Tartaros ac Lithuanos primum inire certamen iussit. Ex Polonis subsidiarias acies elegit. Contra Prutenos auxilia in postremis habuit: florentem ordinis sui militiam in exercitus fronte collocauit. Commisso prælio inermes quodammodo Tartari ac Lithuani magna strage cæsi sunt. Urgebat tamen multitudo, nec terga dare Polonus metuens audebat, atrox pugna super cadauera occisorum edebatur. Nec tam uulnerare Prutenus alacer, quam uulnera recipere Tartarus uidebatur: protractum est diu certamen, peracta ingens occisio, Lithuani, Tartariq; ueluti pecudes macabantur. At cum nouus semper hostis emergeret, defessi tanta cæde peracta Teutones, uersare ferrum uix poterant & iam remissius pugnabant. Quod ubi Vladislaus animaduertit, tum primum Polonorum aciem ualidam ac ferro rigentem immittit: fit subita irruptio, instauraturq; prælium: non tulere Teutones recentis agminis impetum, impar pugna recentis ac fatigati militis fuit: oritur mox fuga ex parte fratrum, ferit terga Polonus. Magister ordinis ubi suos cedere uidet, nec iam ullam in auxilijs spem esse animaduertit, cum lecta militum manu hosti sese obiectans occiditur: fit foedior fuga, nec prius Teutonicus fugere quam Polonus persequi destitit. Perierunt in eo bello ex parte fratrum multa hominum millia, inter quos uiri primarij, quos uocant Commendatores, equestre dignitate insignes, cum ipso Magistro circiter 1000. Nec Polonis in cruenta uictoria cessit, Tartaris ac Lithuanis magna ex parte cæsis. Bellum hoc, anno trecentesimo decimo supra millesimum est post Christi saluatoris ortum. Prussia fortunam regis secuta, omnis excepto Burgomariæ ad uictorem defecit. Sed interueniente Sigismundo Cæsare, pax inter fratres & Polonum constituta est: percussum foedus, pecunia Polono data. Prussia reddita fratribus, nec deinde usque ad Frederici tempora, qui modo imperat, in possessione agri sui turbata religio est. Sub eius uero imperio cum populares graue sibi iugum fratrum existimarent, foedus inter se iniere in hunc ferme modum: ut quindecim uiri singulis certis in locis conuenirent, qui prouincialium querelas aduersus fratres audirent, nec sinerent quempiam indignè uexari. Ex his quatuor ex religione uiros assumi uoluere, quatuor ex prælatis ecclesiarum, parique numero ex nobilibus ac ciuitatibus, hisq; parere omnes uoluere. Per idem tempus di-



uisa inter se religio fuit: alij magnum Magistrum sequebantur, alij quosdam Commenda-  
tores, qui Magistri regimen improbabant. Magister, ut populares sibi alliceret, fœdus  
ipsum inconsulto fratrum conuentu approbavit. Fredericus quoque Imperator eidem  
fœderi robur adiecit, cautione tamen inserta, ne per suas literas ius religionis læderetur.  
Mortuo deinde Magistro, qui fœdus acceperat, & altero in eius locum suffecto, Nico-  
laus Pont. Max. legatum milit, qui prouinciã Prusiæ inspiceret. Cognitoq; rerum sta-  
tu, quantum legatus retulit, popularium fœdus damnauit: utq; ab eo discederent, anathe-  
ma interminatus, acriter imperauit: quibus pertinacius in eorum sententia perseveranti-  
bus, ex consensu partium, lis ad Fredericum Imperatorem deducta est. Ad quem rursus  
causa cognita, damnato eorum fœdere, iussi Pruteni sunt ad obedientiam fratrum redire:  
qui eam prouinciã e manibus infidelium suis armis uindicassent, multoq; sanguine  
coemissent. Quare ciuitatibus nunciata, mox arma in fratres populariter recepta sunt. Ex  
quibus plures capti atque occisi, castella eorum euersa, arces à fundamentis eiectæ, quin-  
quaginta & quinque oppida in eam rebellionem conspirauere. Sed cum non satis rem  
suam contra religionem sine externa ope tutam putarent, Casimirum Poloniæ regem si-  
bi dominum asciuerunt, deuotum fratribus sanguinem, qui fortunam patriæ eius experti  
fuissent. Ille cum exercitu prouinciã ingressus, dedentes sese ciuitates in potestatem ac-  
cepit, cum quo fratres diu uaria uictoria dimicarunt. Plures fuere congressus, inter quos  
memorabilior, qui apud Coninitium oppidum habitus est. Duodeuiginti millia Polo-  
norum obsidionem in eo loco tenebant, in queis & rex ipse Casimirus fuit. Oppugnabāt  
oppidum dies, noctesq; machinis admotis. Rudolphus princeps Sagoriæ, ex Silesiæ  
ducibus, tum religionis ductabat exercitum, qui laturus obsessis opem, cum septem mil-  
libus militum aggredi regem non dubitauit. Commissum est prælium in conspectu op-  
pidanorum summa utrinque contentione atque ardore, cæsis hinc atque inde compluri-  
bus. Cum suos referre pedem Rudolphus animaduertit, increpans ignauiam fugien-  
tium, interminatusq; necem, aciem sistit. Et progressus in medium cum recenti pugna-  
torum manu, acre certamen instaurat: hos sternit, illos confodit: fit subita rerum muta-  
tio. Virgente Rudolpho, cedit Polonus. Rursumq; Casimirus suos retinet, pugnaq; se-  
ipsum miscet, & tanquam ex integro pertinaci contentione certatur. Occiditur in pugna  
Rudolphus, rex uero equo deiecitur, meliores ex utraque parte occumbunt. Postremo  
cæsum credentes Poloni suum regem, desperata uictoria, fugam arripiunt. Rex ab ami-  
cis adiutus, uix ex clade ereptus est. Rudolphus morte sua, uictoriam religioni peperit.  
Ex Polonis supra sex millia cecidisse feruntur, ex Teutonibus quoque non pauci pe-  
riere. Post eam cladem, res Polonica nutare apud Prutenos cœpit, eo inclinantibus po-  
pulis, quo belli fortuna quæritur. Stat tamen adhuc anceps exitus, & alterius Martis iu-  
diciū moratur. Ferunt inter hos fratres olim mortuo Magistro, cum de successione  
ageretur, unum fuisse, qui rogatus eligere quem putaret religioni utiliore, seipsum ele-  
gisse dicentem nolle deierare. Scire se cogitationes suas, aliorum corda igno-  
rare. Si magistratus sibi committatur, non dubitare quin rei-  
publicæ bene consultum eat. Motos eius uerbis  
reliquos administrationem illi cre-  
didisse, quæ saluberrima  
deinde fuerit.



ERASMI STELLAE LIBANOETHANI  
LIBRI II. DE ANTIQVITATIBVS  
Borussiae.

AD ILLVSTRISSIMVM PRINCIPEM FEDERICVM  
SACROSANCTAE MILITIAE ORDINIS DIVAE VIRGINIS  
Teutonicorum protomagistrum, Saxoniae ducem, Thuringiae Lantgraviū,  
ac Marchionem Misniae, Erasmi Stellae Libanoethani in an-  
tiquitates Borussiae praefatio.



T si uereor Federice princeps, res Borussicas altius & à prima origine re-  
petiturus, antiquitatem in his quae usque eò latuit, uelut ex cauea in sce-  
nam theatrumque producturus, multorum risus, ronchos & cachinnos,  
demumque explosionem magis quam applausum legentis turbæ me in-  
cursurum, tum quod id secum ferat antiquitas, ceu Aristoteles in Pro-  
blematis perhibet, ut res anilibus fabulis simillimas narrare uideatur, tum  
quod res Borussiae diuturna barbarie, sine ullis literarum monumentis  
quali perpetuis tenebris mancipatae, & in ipso lethæo demersae penè obriguisset extiman-  
tur, adeoque concretæ, ut etiam phœbeo calore agitatae uix incallescere possint, quo ite-  
rum lucem, solemque admittant. Verum dum hi blaterones tuam celsitudinem istius ludî  
agnoscheram in orchestra conspexerint, sub cuius umbraculis me in hanc scenam prodijisse  
pernoscant, forte ne lingulaces, infrenique ore à te sapientissimo principe iudicentur, maledi-  
ctis temperabunt, simul & natum continebunt. Quod si nec reueriti tuam maiestatem, effrena-  
taeque lingua uerbis non æquis defluant, malignitatis quoque aculeos haud recondere ue-  
lint, imò blaterare malint, nihil est quo perhorrescere oppidò possim, ut sceptram scenam inter-  
turbem. Ronchisent hi nasutuli, obstrepent, clament, arguant, criminentur, exhibent denique,  
dummodo tibi plausibilis, lepida ac iucunda nostra astitatio uisa fuerit. Antigonidas olim Mu-  
sicae artis peritissimus, cum discipulo in arte probè instituto, populo tamen non admodum  
grato, in scenam progressus cunctis audientibus dixisse fertur: Mihi cane & Musis, quia ui-  
delicet ars bene coepta, quanquam populi lenocinio destituatur, iusta tamen comprobatio-  
ne non exiit. Sed ut tandem his respondeam, qui longè petitas historias calumniantur, ceu  
minus fidei illis insit, caecutientibus id forsàn euenit & nocturnis oculis, sed penes clarè cer-  
nentes plus dignitatis antiquitati inesse, nemo sanæ mentis ambigit. Ne quoque res Borussi-  
cas ceu sempiternis tenebris obnoxias, & minimè ad solem lucemque ex caliginoso uerusta-  
tis recessu redituras, possint argumentari, meminerint saltem quæ de Hercule feruntur, qui cer-  
berum tricipitem ab inferis, solemque hunc nostrum ac calorem ferre coegisse dicitur, Threi-  
cium & uatem raptam sibi Eurydicem ex Tartareis sedibus diuina sua suauiloquentia eduxisse.  
Ob id nec inficias eant locutulei, res Borussicas quantumcunque umbra uerustatis contestas  
ac rubigine obductas, imò in abditissimos recessus actas, curiosa indagatione non posse non  
restitui, ex noctisque caliganti nebula eximi, ac claritate diei illustrari, ornarique: quum hæc  
ipsa indagatio, puta industria, unica ab omnibus esse asseritur, cui nihil inaccessum, nihil occlu-  
sum relictum sit. Hæc res quomodolibet obstrusas, & in penetrabilibus reconditas elici, expri-  
mit & promit. Hæc cælum petit, & subterranea regna subintrat, maria scrutatur, oculis subiicit  
quicquid usquam latet, sepultumque est. Illa ipsa Homerum cæcum plus Argo mille oculos ha-  
bente uidere dedit. Hæc Zeusim Helenam nunquam à se uisam tanta uenustate depingere, do-  
cuit ut eius forma digna iudicaretur, propter quam tantum laboris subiisset Græcia, & alta Per-  
gama ruerent. Hæc Phidiam statuariū dignissimum, simulachrum Iouis exprimentem eò us-  
que euexit, ut diuinitatis effigiem è cælo mutuatus diceretur. Hæc eadem fores antiquitatum  
Borussiae uectibus è cardine leuatis, ut paterent effecit, extraque latebras quicquid de his ob-  
uallatum fuerat produxit. Hæc adminiculatrice ex imo lethæi fluminis cœno hæ ipsæ conqui-  
stæ, erutæque sunt, & utcunque à sordibus deteras, sese ceu postliminio reuersæ, tuis lumini-  
bus, conspectuique illustrissime princeps, primum ostendentes, te ut felicem moderatorem  
suum saluant, ut patrem patriæ uenerantur: & quicquid usquam in secundiore sortem, fa-  
ciemque splendidiorem commutatum, ceu fermè singula aspexerint, id totum tibi, sacræque  
sanctæ militiæ, cuius tu magister, imò Dictator perpetuus extras, tribuunt. Quod si sunt qui te  
circumstant, & has ineffigatas, rudisque Borussiae imagines toruis luminibus respexerint, abi-  
gendasque duxerint, quod sine cultu ornatori, & penè inuestes in hunc augustissimum confes-  
sum productæ sunt, his responsum sit: Fœminam probam pigmenta, fucumque non decere, nec  
orationem fidem habituram unguenta usque adeo redolere. Logographis id tribuimus, ut  
quodcunque suauius quam uerius narrent. Nos in his commentariolis sine fraude, omni appa-  
ratu orationis seposito, Borussiae antiquitates exposuimus: ut si qui futuri sint, cultiori sermo-  
ne res Borussicas describere uolentes, hinc sumere possint, quod ornatum iri tantopere uelint.

*Industria uis.*



## POLONICARVM RERVM,

Nuda namque hæc oratio facile quem quis, imponet cultum perferet. Vt autem, fidem sine scoria habituri sint hi nostri commentarioli uerustate & carie oppleri, ipsos ex præclarissimis rerum scriptoribus elucubratos esse fidem facio, Plinio scilicet, Solino, Pomponio Mela, Cornelio Tacito, Strabone, Ptolemæo: ex neotericis Gordano, qui primus res Gothorum literis mandauit, nostro Alberto Magno, qui has inuifit & peragrauit, Othone Freisingensi episcopo, qui quinq; Imperatorum Rom. res gestas luculenter scripsit, Helmodo Lubecensi presbytero, qui res Slauorum haud ineleganter prosequutus est, Borussicaque simul attigit, Blondo Foroliuiensi, Ænea Syluio, & præter hos quicquid annales Borussiae usquam uerustatis habuere, pleaque etiam per acceptionem. Nam apud Valerium Maximum locus est, quo res suo seculo cognitas, & absque literarum monumentis conseruatas manare ad posteros indicantur, sola scilicet traditione patrum. Id genus disciplinæ Hebræis etiam usitatissimum est. Huiusmodi innixis fulcimentis, commentariolos nostros non temerè edi posse arbitratus. Ne autem manus nostras excedentes absque patrocinio uagabundi errent, ipsos nomini tuo illustrissimo dedicandos duxi, tum quod neminem magis rerum Borussiae cognitio deceat, quàm Borussiae principem, tum quod pari tutela hac nostra ætate ac prisca Borussia fruatur. Quum igitur princeps illustrissime simul & inuictissime à curis publicis feriatu fueris, frequenti quoque ueterum, quibus inhias, lætitatione satiatus magis quàm lassatus, etiam domestica peculiarique inuisas legasque: subinde agnosces in his Borussia præter ueteres eius limites, uarios ipsius cultores: crebro enim illinc migratum est, aliquorum maiore numero cogente: moresque uetustiores: quos si ad præsentem accommodabis, non obscure lucebit quanta sunt quæ sacrosancta militia Teutonicorum in Borussia egerit. Optimo enim iure gloriari poteris, eam quam patres regionem barbaram, incultam, asperam, idololatram, fœdam ac rerum omnium inopem acceperant, illam ipsam splendidam, cultam, ciuilem, opulentam, humanam, & quod maximum est, Christianam reddiderunt & reliquerunt. O' felix nimium Borussia, si suanorit bona illo principatu. Facile demum, illustrissime princeps, deprehendes, quàm iusto Dei iudicio Borussia ad Germanorum redierit incolatum: quum Germaniæ & pars sit, & Germanis à rerum exordio debita, inhabitata, luculentissimorum scriptorum testimonio. Cur, me iudice, indigne iterum à quibuscunque alijs gentibus inhabitatur, administratur? Ego autem hanc scribendi prouinciam non tam mea sponte quàm iussu uenerandi antistitis Iobi Pomesamienfis, à nullo antea tentatum accepi, ut meo Marte aduersus quoscunque aliter de Borussia finibus & populo sentientibus, ceu pro aris & focis dimicaturus sim, ultima potius perpeti certus, quàm ignauiter cessurus. Te igitur principem inuictissimum, & ad arma progenitum, pro tua uirtute rogo, ne desistas auxilia ferre tam pio ac iusto bello, ut iunctis uiribus omnem coluiem barbarorum ex his tuis finibus eliminemus. Nullum enim apud me dubium uertitur, si tuo Marte agendum erit, facile hanc oram ex manibus iniuste occupantium uindicabimus. Quod breui futurum, modo fata sinant, tuæ uitæque uirtutes, ac genitoris tui præclara facinora admonent. Nunc ad institutum pergamus.

E R A S M E



## ERASMI STELLÆ LIBANOTHANI

DE BORUSSIAE ANTIQVITATIBVS

LIBER PRIMVS.



**B**ORUSSIA ultima Germaniæ ora, à Vistula amne, quem ad os  
cidentem terminum habet, incipiens, sinusq; Baltici maris, qui  
septentrionale latus eius ambiunt, percurrentes, orientale solem  
ab Alanis excipiens, in montibus Hamaxobis australe latus eius  
obtegentibus, à quibus continuis sylvarum iugis determina-  
tur. Fuit hæc terra diuersis habitata cultoribus. Nam ut Gor-  
dianus Gothus scribit, nuper Hulmigeri Germani eam tenuere, *Hulmigeri.*  
à quibus aliquandiu Hulmigeria dicta: hodieq; ea pars quæ Vi-  
stulæ accollit Culmigeria pro Hulmigeria uocitatur. Sed hi per  
Gothos quamprimum ex Scandauia in continentem descen-

dissent, inde pulsi eam, ut is ait, occupauere. Ptolemæus autem uetustiores incolas recen-  
sens, Gothones, Venedos, Stagnanos, & Sargatios, Sudinosq; his locis insedisse scribit,  
quibus Gelidanos, simulq; Gillones. Vacinos & Charinos, quos ipse Charionas nomi-  
nat, addit, finesq; ad Hamaxobios usq; protendisse indicat. Ad Vistulam uero pauciores  
sedisse cõmonstrat: nam Finnos cum Venedis & Sulones duntaxat hanc oram habitasse  
ait. Hos autem populos nullo alio quodam cõmuni nomine dignatur: forte quia non unus  
populus, nec in unum concessit nomen. Verum Cornelius Tacitus diligentius hæc loca  
conquirens, ipsa Germaniæ prorsus adscribit: quãquam promiscue Sarmatis, Germanisq;  
populis habitata asseueret. Venedos enim Germanis connumerandos censet, quod & do-  
mos fingunt & scuta gestant, peditum usu ac pernicitate gaudent. Quæ omnia diuersa Sar-  
matis extitere, in plaustris solummodo ac equis uiuentibus: quanquam & ipsi ex Sarmata-  
rum moribus traxerant, quod uicinos latrocinio infestarent. Quicquid enim inter Peu-  
cinos, quos quidam Basternas dixere, sylvarum ac montium erigitur, latrocinio pererra-  
uere. Erant autem Peucini & Basternæ, ut Plinius testatur, contermini Dacis, sermone, cul-  
tu, sede ac domicilio Germanos referentes, multa tamen fœditate Sarmatarum contacti:  
nam & connubijs promiscuis utebantur, & procures eorum pari forde ac plebs torpebat.  
In dubium Tacitus uertit, Sarmatise an Germanis ascribantur: uerum hæc loca hodie Po-  
loniæ ascribuntur. Plinius tamen ipsos Germanis cõnumerat: cui & Varini, & Gothones  
Germani sunt, ex Vindelicorum genere. Ultimò autem regionem Borussij intrauerunt, po-  
puli qui Ptolemæo teste ad Riphæos montes, ubi in septentrionem fusiùs excurrunt, nec  
longe quàm Tanais ex eis erumpit, sedes habuere, qui infelicitate sua conciti (perpetuis  
namq; niuibz, algoribusq; illic terra riget, ad omneq; naturæ ministerium damnata est)  
ad nouas sedes capeffendas patriam egressi in hæc loca delapsi sunt: quæ tum soli fertili-  
tate, tum pascuorum, lacuumq; amœnitate ipsis quum primum placuere, nec non ultra  
progressi sunt, hic sedes unanimi consensu sibi desumentes, utq; sibi ac posteris perpetuo  
essent duratuz, terram uocabulo gentilitio Borussiam appellauere, quæ usq; hodie unius *Borussia.*  
literæ suppressione Brussia uulgo dicitur. Hæc est uera huius gentis origo. Et cæterum  
quicquid dicitur, perinde ac anilem fabulam habendum esse censeo. Facit istius rei fidem  
permaximam, quod usque hodie populi ad Riphæos habitantes, eodem pariq; sermone  
quo hi utuntur. Borussij uero sedibus formati, terram cultoribus uacuum (Gothi enim  
populariter eam excessere) nullo repugnante facile occupauerunt, circa eam portionem  
quæ ad Vistulam est. Hæc adhuc à paucissimis Germanis tenebatur. Propagantes igitur  
sefe à Chrono flumine usq; in contingentiam Hulmigerorum: quæ nuncupatio post pul-  
sos per Gothos ueteres colonos e medio oræ huic regioni accommodari cœperat, nomine  
suo breui ceterorū hic habitantium nomina obfuscauere: quod forte euenit, quia Borussij  
conterminis gentibus, puta Germanis, notiores extitere, uel quod multitudine suorū, am-  
plaq; ac spatiosa oræ occupatione, ipsos etiam indigenas superarunt. Terrarū namq; limi-  
tes pro nutu potentiorum sepe numero nomina sortiuntur, duratq; hodie ea nuncupatio,  
quod qui ex Germanis uel Vistulam, uel illic maris tractum accolunt, Borussij uocentur,  
qui tamē cum illis ipsis præter cœlū commune habeant nihil, iustiusq; Borussienfes nun-  
cupandi forent. Terram hanc Borussij undiquaq; fœcundā longē lateq; incolentes, ipsam  
tamen minimē excoluere, uel ob ignoratōnem rei rusticæ, uel ne bonitate soli deprehen-  
sa, & ipsi finitimorum metu obnoxij fierent, indeq; eliminarentur, uel quod uictum ē ter-  
re nascentibus nōdum nouere: carnis namq; ferinis, & quidem crudis pro cibo, lacteq;  
pro potu uescebantur: quandoq; etiam sanguine equino mixto, & eo usq; ad ebrietatem.

Domos



## POLONICARVM RERVVM,

Domos non fingeant, sed specubus & arborum subere (unde etiam Subaria dicta com-  
 peritur) ab imbris & algoribus sese ac infantes protexere. Nulla eis sacra aliquandiu  
 fuere: tandem in eam deducti insaniam, ut serpentes, ferasq; & arbores religiose colerent,  
 ceu de his in subsequentibus dicemus. Non leges, non magistratus nouere: tantum cuiq;  
*Anarchia.* licuit, quantum audebat: nihil à feris uita illorum distabat. Erga tamen naufragos, & ma-  
 ris tempestate iactatos, humaniores & illis ipsis undiquaq; auxilio fuere: in reliquis mira  
 foeditas ac foeda paupertas: nam eis nec arma, nec ferrum fuerant. Si quando ad praelia in-  
 ter se concurrerent, sudibus praestis & perticis utebantur. Non autem multi effluxere animi,  
 quum Germani Hulmigeriam incolentes resumptis uiribus (nam per Gothos multum  
 attriti fuerant) accitisq; trans Vistulam socijs, qui amne lintribus transmissio eis conseden-  
 tes, & iunctis uiribus contra Borussios bella parant: penitiora quoq; regionis ingressi,  
 quotquot Borussiorum offenderant, aut in seruitutem acceperant, aut retrocedere coege-  
 rant, breuiq; sese, suosq; à metu barbarorum asseruere. Borussii uero quo à Germanis fini-  
 timis tutiores forent, se cum Sudinis, qui ultra Chroni fluuenta sedes habent, eiusq; regio-  
*Chronus flu.* nis aborigines creduntur, societatem iniere, qui tum uirtute, & potentia plurimum polle-  
 bant. Est autem Chronus fluuius, qui hodie Pergulus dicitur, quem in finibus Borussiae  
 ortum brumalem uersus, multi lacus eodem ferme loco se mutuo influentes efficiunt: qui  
 Borussia à Samijs primum, ut Strabonis nomine utar, deinde à Sudinis determinat, po-  
 pulis etiam Rom. armis tentatis magis quam uictis: à Druso enim Germani, testante Pli-  
 nio, classibus oppugnati sunt: qui primus Rom. ducum septentrionalem oceanum in-  
 gressus est, & post eum, Domitianum Caesarem in expeditione quam contra Sarma-  
 tas, quod legionem cum legato necarent, instituit, ob succinum quod abundantius bar-  
 bari illic inter maris eiectionia, soli omnium gentium exceperere, bello petiti sunt, sed se ma-  
 gna eius rei propter quam peti se senserant copia, succini scilicet, redimentes, illacepsiti re-  
 mansere. Sed hic de succino obiter dicamus: abundat enim eo haec ora, quae quasi pen-  
 insula est ob sinuosos flexus maris, terramque spatiosè in freta excurrentem, in quam ut  
 tempestatum id ipsum aduehitur: id olim à Germanis Glessum dictum est, ut eruditi scri-  
 ptum reliquere. Inde Glessaria regio ipsa à Rom. militia nuncupata, & ab alijs Suba-  
 ria à subere, quum patrio nomine Sudinia uocetur: ab eruditis uero Austrasia. Succin-  
 num etiam Sualternicum Scythico uocabulo barbari appellant. Vbiuis autem loci suc-  
 cinum gignatur, scriptores non conueniunt. Praeter enim ea quae fabulosè de ipso in  
 Phaethontis fabula prodita sunt, Pitheas Gothonibus Germaniae gentis accolis aestua-  
 rium Mentonomon nomine esse ait, ab oceano stadiorum sex millium, ab hoc diei na-  
 uigatione insulam abesse Abalum, ex illa uernis fluctibus succinum aduehi, & esse con-  
 creti maris purgamentum: incolaeque pro lignis eo uti dicunt, proximisq; Teuthonis uen-  
 dere: huic & Timaeus assentit: sed insulam Basiliam uocauit. Nicias autem solis radio-  
 rum succum esse uoluit, hosq; circa occasum, ut ipse credit, uehementiores in terram  
 actos, sudorem pinguem in eam partem oceani relinquere: deinde aestuante mari in Ger-  
 maniae littora eijci. Mithridates in Germaniae littoribus insulam esse asserit, uocariq; eam  
 Cedron, cedri genere syluosam, inde & in petras defluere, Cornelius Tacitus Effluorum  
 gentem, qui dextro Suionici maris alluuntur, nuncq; Lissom uulgo nominantur, ipsum  
 legere inter uada, ac caetera maris eiectionia ipso littore, asserit: quod & hodie fieri cer-  
 nimus. Quidam nostri temporis experti, ipsum è limo quorundam montium sole exca-  
 lescente fluitare existimant, in herbidoq; solo atque algido, quod his montibus subest,  
 indurari: oceano illic efferuescente inde rapi, in proximaq; littora expelli. Indicium istius  
 esse, quod ipsum aliquando ex solido eruitur, quod & ipsi uidimus: quanquam cerea  
 mollitie, & penè lentum sit, ob id ipsum mari denuo immergunt, cuius rigore lapide-  
 scit. Hanc uero opinionem neque omnino adstruere, neque refellere in animo est. Quod  
 autem hos montes nominatim non addunt, mihi suspicionem incertitudinis facit. Pli-  
 nius uero naturae fidiissimus interpres, Germanici Caesaris classibus bellum, ut di-  
 ctum est, in septentrionali oceano, gerentis experientia innixus, tradit succinum gigni in  
 insulis septentrionalis oceani, ipsumque nasci defluente medulla ex pinei generis ar-  
 boribus (ceu enim resina in cerasis, ita & in pinis humoris abundantia erumpit) densa-  
 riq; rigore maris, eo intumesciente ex insulis rapi, certoque littore expelli: ita inuolu-  
 tum herbis, ut ex his pendere uideatur, salo expui: succum uero arboris esse, ipsumq; pri-  
 mum liquidum distillare, argumento sunt quaedam intus lucentia, ut formicae, aut apes,  
 etiam lacertae, caeteraque id genus, quae adhæsisse musteo non est dubium, indurescen-  
 te uero humore inclusas remanere. Pineae autem arboris indicium est pineus in attri-  
 tu odor, & quod accensum tædæ modò fragrat. Rude est, informeq; ac glebae simili-  
 mum, dum ex aquis excipitur, corticibus ac alijs rebus sibi inhaerentibus: ob id diu inco-  
 gnitum



gnitum barbaris, inter maris quiesquilias iacebat. Germani id ipsum primum nouisse traduntur, in Pannoniamq; ad Carnuntum oppidum aduexisse, inde Veneti ipsum accipientes, primum rei foeminam fecere, mox proximi Pannoniae circa Adriaticum mare, Transpadanica, quorum agrestes foeminae monilium uice, & decoris gratia succinum gestauerunt. Hinc natam fabulam de Pado omnibus notam credimus. Eius esse genera quamplurima constat: candida, sed odoris praestantissimi sunt, quibus diu minus pretium erat: hac uero tempestate & fulua, & cerea mercede praestant: ex fuluis etiam translucetibus amplior erat autoritas, praeterquam si nimio ardore flagrent: imaginem enim igneam, non ignem inesse placet. Summa laus Phalernis tum fuit, à uini colore dictis, molli fulgore conspicuis: id ab aliquibus Chrysoletrum dici comperimus, quasi coloris aurei: rapacissimum id est igneum, & si iuxta fuerit celerrime ardescens. Sunt in quibus decocti mellis lenitas placet. Domitius Nero Romanus Imperator, capillos coniugis suae Poppeae in hoc nomen adoptauerat, ipsos quodam carmine succinos appellando. Ex eo tertius hic colos à matronis expeti coepit in capillis. Dum quoque is gladiatorum munus Pop. Rom. exhibiturus esset, Iuliano quodam equite Rom. id curante, ad ipsum comparandum misso, qui haec littora peragrauit, uidit, ac commercia tentauit, tantam copiam Romam inuenit, ut retia in uenatione publice aedita eo nodarentur, armaq; & librilla, totusq; simul diei unius apparatus è succino esset: uisa tunc fuisse gleba tredecim librarum. Solinus tamen refert id succinum à rege Germaniae Neroni dono datum: cui sententiae magis accedo. Tanta fuit eius, ut eruditi scriptum reliquere, in delitijs taxatio, ut hominis quamuis parua effigies uiuorum hominum, uigentiumq; pretia superaret. Quumq; in alijs ad luxuriam qualitis ostentatio & usus placeret, ceu in Corinthijs, aes, auro, argentoq; mixtum, in calatis ars & ingenium: uniones quod capite, gemmae quod digitis circumferuntur. In succino, ut Plinius inquit, tantum deliciarum conscientia, luxuriaq; expetita est. Est usus eius multiplex in medicina: nam ab infantibus pro amuleto gestatur: contra lymphaticas & nocuas metus, cuiusque aetati prodest: urinae difficultatibus potum, alligatumq; quod chrysoletrum uocant, collo alligatum mederi febribus Callistratus prodidit. Tritum eum melle ac rosaceo aurium uitij, & si cum Attico teratur, oculorum caliginem remouet. Stomachi etiam uitij uel per se farina eius sumpta, uel cum mastice ex aqua pota, quod de candidis maxime crediderim. Tonsillis quoque resistere creditur, & faucium uitij: ob id mulieres Padanae ipsum circa colla longo seculo gestauere, uario genere aquarum iuxta illos infestante guttura ac carnes uicinas: quod hodie Turcarum equestres copiae in equis suis obseruant. Neotericorum pariter experientia ad citandos partus candida operari depromit: notissimum id Germaniae mulieribus. Calculos quoque uesicae & renum eo poto elidi, euocariq; quamplurimi testantur. Venena, pestilentemq; aërem eius nidore fugari compertum est. Distillationes quoque sisti, uulneratis, si in potu sumpserint, prodest: malagmatis ob id etiam assumuntur. Verum & hoc notum fieri oportet. Succinum quocumq; libeat colore tingi hoc odorum seuo & anchusae radice: quippe etiam ipsum conchylio infici tradunt. Quae uero translucida sunt, ad gemmas adulterandas magnam habent uicinitatem, & maxime ad amethystos. Politur succinum adipe suis lactantis incoctum. Ramenta eius oleo addito dilucidius ac diutius flagrant quam lini medulla. Notissimum cuique est quod attritu digitorum caloris ui accepta, attrahunt ad se paleas & folia arida, ut magnes ferrum. Visum esse quidam retulere, quod aeris etiam ferri laminas attraxerit. Ego glebam uidi cui ferrum, quasi adnatum inhaeserat, quod ui sua forte attraxerat. Multi tentauerunt succinum flexile ac ductile reddere, sed nequicquam celsit, mirum, quum nimia humida & succulenta prodeant, uti indicauimus. Haec tumultuariè de succino, Sudinorum opibus dicta sint, propter quas saepenumero ab exteris gentibus bello petiti. Sensere namque praeter Rom. arma & Saxonum Angliam occupantium oppugnationem, à quibus se terra & mari impigre defensarunt. Habuere enim uero hi populi, ut de moribus eorum aliquid transeunter dicam, regulos suos, quorum legibus obtemperabant: agrosq; coluere & commercia nouere. Vestium cultus apud eos fuit, ut mares lanea, foeminae linea tunica uterentur, circulosq; ex aere uel orichalco colla circundabant. Auribus etiam crotalia suspenderunt, rem friuolam, quod tamen neque hodie desitum. Domos in uillarum modum extructas inhabitauere, uicosq; ac sine muro & uallo omnia, quod forte ab externis, ipsos commercij gratia adeuntibus didicere: alioquin alienum à Sarmatis. Sed ut ad Borussios rependamus, societate cum Sudinis eos iniisse diximus ob Germanorum finitimorum metum. Nec à Sudinis aspernati sunt: uerum eorum potentia adiuti, & contra quosuis conterminos populos tutiores facti, aliquandiu in sua foeditate degerunt: de qua posthac. Nunc de ceteris Borussiae rebus editis prosequamur. Generat & terra haec feras multijugas, eas etiam nec alibi cognitatas. Praeter enim ursos, apros, ceruos, quibus

Succini phara  
maca.

Sudinorum  
mores.




bus abundat, Vros excellenti vi & uelocitate profert, qui uastitate corporis parum infra elephantum sunt, eaq; ferocitate, ut neq; homini, neq; fera si quam conspicati fuerint, parcant. Cornutumq; id animal est: eius cornuum magnitudo tanta uisa est, ut urnas binas unius capitis cornua, ut Plinius testatur, impleuerint. Barbari ex his potant, argenteo circulo parte qua labris admouetur circumducto. Sunt enim caua & in mucronem demum concreta. Alij pila his praefixa cuspidant. Romani in laminas ea secabant: ut lumen quod his includebant latius funderent, ipsisq; pro lichnucis ac laternis usi sunt. Qui sese uenatione eorum exercent, si plurimos interfecere, relatis in publicum cornibus, quae testimonio sunt, magnam laudem adipiscuntur. Soliti erant antiquitus caueis ad hoc ex opera factis eos capere, captosq; iugulare, forte quod ea tempestate ferro caruere: sed eo mortis genere, feram tam insignem posteriores aetatis iuuenes praecipuae uirtutis & audaciae, interire indignum censes, ob id canibus ipsos insequi placuit, uenabulisq; cominus ac eminus petere, arboribus sese robustioribus semper condentes, ne & ipsi a fera rursus impeterentur, quae cornibus arbori insertis, uindictae uida, inharet, donec insequentium telis faucia concidat: tali morte feram dignantur atrocissimam. Fera haec sub mento uillos longiusculos habet in arunci speciem, caeteris tauro persimilis existit. C. Caligula Romanus Imperator primus Romae Vros in arena ostendit, quos tum imperitum uulgius bubalos falso credidit. Gignit haec terra & bizontes iubatos, qui e bouum syluestrium genere sunt, sed nostra aetate admodum infrequentes. Aiunt hos solipedes, maribusq; ac foeminis iuxta iubas cornua, eadem utriq; forma & magnitudo, colore quoque & specie haud dissimiles tauro sunt. Aliqui ex horum genere unicornes perhibentur: quod uerum sit, nec ne, incompertum habeo. Plinius tamen Indicos boues syluestres unicornes, tricornesq; esse scripsit, ob id non incongruens uidetur eos & alio loco nasci, uerum esse alterius generis a bizonte suspicandum est. Tale forte est cornu quod hodie in Archiuo protomagistri integrum custoditur, ac Monocerotis asseritur, quoniam nigrum illud sit, hoc uero luteum conspicitur. Sunt & in ea regione greges ferorum equorum, quos Graecia non uidit, nec Romanus, quapropter alio uocabulo nominari non possunt. Hi cicuribus equis omnino similes extant, praeterquam quod dorso molliori sunt, ob id nec usui apti. Dicuntq; ipsos nequaquam mansuescere posse. Carnibus eius incolae etiam hodie uescuntur, quas non insuauis asserunt. Gignit & alces (quos falso syluestres asinos quidam autumant, quum hos Asia tantum ac Africa procreet) specie media inter ceruinam & iumentum, nisi quantum aurium proceritas, ipsaq; ceruix distinguit, magnitudine inter camelum & ceruum: maribus in supercilijs cornua nascuntur, quae quotannis amittunt, latiora quam ceruis, ramosa tamen & per totum concreta ac solida: ungulae bifidae, coloreq; ceruum imitatur: uenatorem e longinquo sentit: animal certe simplex, & quod plus latebris, quam fugae fidat. Si ui canum urgetur, magis in canes se calce quam cornibus tueatur: in locis palustribus sese plurimum condit, illic & partus aedit suos: formidinis eius argumentum esse aiunt, quod rarenter solitarius, in armato multum appareat. Ungulis eius comitalem morbum, & iam spumantem abigi creditum est, si cute attingitur. Hallucinati sunt qui alcem nullo suffraginum flexu dixerunt, neque quietis causa procumbentem: uerum accliuem arbori somnum capere, quae ad insidias a uenatore incisa feram una affligit ac concidit. Quod & pascendo retrograditur ob superius labrum praegrande, quasi progrediendo pasci nequeat: quae singula non de alce, sed de machlin fera, illi haud dissimili, quam Scandianam mittere aliqui prodidere, dicta sunt. Habet & syluas incaduas, unde uis ingens lignorum, & ad naualem usum & domesticum conuehitur: teretumq; arborum ad malos nauium accommodam, quae inde in remotissimas oras deferuntur: habent & syluae praeter id suas diuitias, unde quasi sponte compendium non modicum incolis prouenit: apum, scilicet, ingentem multitudinem, quarum alueos ceu natiuos intra arbores ad hoc cauas cernere est: ex quibus tanta mellis, & cerae copia prouenit, ut Germaniae, Britanniaeq; ac caeteris adiacentibus insulis, commodum harum rerum usum suppeditet. Nec apiarum arte, uel industria examina illic curant: nullis enim satorum floribus, aut herbis ipsa inuitant, nec si longius euolent reuocant: e frondibus & syluestribus floribus succum contrahunt, quo opera conficiunt sua, quae compendij, ingentis argumento sunt. Praeter illa & pelles quasdam non ignobiles mittunt haec syluae, quae uestium ambitu principum hominum subduntur. Lectorum etiam stragula ex his consuunt, pretioq; ingenti uendunt: has olim pelles ouini uelleris commutatione mercatores ab incolis receperunt. Gaynos barbari uocant ea animalia, Germani martes, e mustelarum syluestrium genere, ab aliquibus historiam naturalem commentantibus, esse scribuntur. Piscationes quoq; diuersis in locis non incommodas exhibet: nam pisces omnis generis tum ex lacubus, tum ex aestuante mari illic prendunt, ceu psittas, soleas, lingulas, rumbos, troscillas, mullos, asellos, salmones, marinos, canes, & id genus alios.



nus alios, anguillas præter cæteros numerosiores: nec de his incolæ uelcuntur, nisi quod sole, aëreque siccatum, tostumque sit. Sed ad alia pergamus. Hæc ad loci situm, ac terrarum prouentum, uti antiquitas possedit, tradita sint.

ERASMI STELLÆ LIBANOTHANI, DE  
VETVSTATIBVS BORVSSIAE,  
LIBER II.



Empore quo Valentinianus Romanis imperauit, Alani populi septentrionales Borussijs contermini, contra Rom. imperium arma sumentes, post diutinas in imperij fines excursiones à Sicambrijs cōpressi sunt, quo bello Sicambri sibi, & posteris libertatem pepererunt. Alani, qui cædi supererant, pars per imperij terminos delapsa Hispanias usque peruenit, ubi se Gothi illic belligerantibus iunxerant, qui tandem sedibus ibidem sumptis, se confusaneo duarum gentium uocabulo Gothialanias appellauere, quasi Gothorum, & Alanorum sedes. Pars uero imbecillior, quæ domi remanserat, ac cæde patrata patriam repedauerat, exuta præcipue iuuentutis manu, sibi non satis in sedibus proprijs fidens, cum uxoribus & filijs, omnijs seruitiorum multitudine, ad Borussios conterminos secessit: supellectilem tum omnem secum in carris ac plaustris trahens, tum etiam pecora, quorum prouentu hæc gens plurimum uictitat, uniuerſa ac sese Borussiorum fidei, & tutelæ commiserant. Nec ipsi à Borussijs repulsi, quod eorum multitudine adaucti, facilius quibusuis populis resistere posse crederent, etiã tum magis Germanos formidabant, qui penitiorem Vistulæ ripam accolebant, ipsosque sæpiusculè à suis, quæ possederant locis, disturbauerunt. Concesserunt itaque Alanis cohabitandi ius, qui rursus Borussijs mulierum suarum coitus permiscuere: connubia enim nulla habuere, sed ut quisque in mulierem incidit, ea ad Venerem uti licebat: quare breui in eam multitudinē coaluere, ut quoscunque contingentes populos superarent. Ex ea tandē multitudine cœperunt inter sese angustia finium premi: utcunque enim placuerat, ac commodum quisque ratus, tantum terræ sibi, equisque desumpserat: unde rixis uarijs inter sese dissidere cœperant, quæ plerumque cædibus transigebantur: id populum hunc agrestem intra se discordem, in eo concordem fecit, ut de rege sibi constituendo conuentus agere cœperint: ubi pro ruditate populi uaria undiquaque ea de re dicta, agitataque sunt. Viduutus Alanus, qui cæteris & dignitate, & uigore animi præstabat (magna enim seruitiorum classe abundabat, unde etiam sibi in alienis terris auctoritatem non modicam acquisiuit) inquit: Ni ô Borussij apibus uestris hebetiores essetis, de hoc quod inter uos ageratis, dissidium nullum esset: has enim regem habere uidetis, cuius imperatis obtemperant, qui opera eorum dirigit, singulas ad labores idoneos deputando, qui & inobedientes castigat, inertesque foris aluearia propelli iubet, cuius hortatu omnes in labore perdurant, operaque sua perficiunt: uos qui hæc indies uidetis, illas sequamini duces, & regem uobis constituite, eiusque uoluntati obsequimini. Ille rixas inter uos dirimat, cædes ulciscatur, furta puniat, innocentiam tueatur: is solus in omnes sine ulla exceptione ius dicendi, potestatemque habeat. Eius dictis cuncti ingenti sublato clamore assensere. An ergo nobis eris Biotterus? quod ipsorum lingua apum regem significat. Is nec uocem aspernatus, omnium ore rex salutatus est. Miranda mortalibus gloriæ cupiditas, qua humilis quisque se dignum fastigio regio existimat. Is usque in eum diem pari fœditate, qua cæteri humi uitā trahens, unica populi exclamatione tam rudis, & inculti, regem agere cœpit. Nec ei regius animus defuit. Nam quamprimum à plebe maiestate regia secretus fuerat, non alio animum applicuit, quam ut apum ducem imitaretur. Quare in primis palantem populum certis finibus instar examinum inclusit, quæ peculiaribus aluearijs labores suos perficiunt. Operaque agrestia exercenda monuit, & prout loci situs admittebat peragenda, puta ut hi terram colerent, sementaque spargerent, ac arbores consererent, illi uero apum compendio insisterent: alios pecori, alios piscationi deputans: legesque condidit, quibus futuris finium angustijs prouidere se credidit. In primis, ne quispiam paterfamilias plures partus aleret, nec etiam seruitia, quam pro laboribus suis explendis sibi sufficerent, cæteros aut uenundaret, aut necaret: ne quis paterfamilias partus inutiles, mancosque, ceu ad labores inefficaces educaret: utque filio parentem senecta oppressum, uel imbecillitate uirium labores non ferentem, impune strangulare

Primus Borussiorum rex



gulare fas esset, utq; pueri non adeo incerto patre nascerentur, coitum promiscuum prohibuit, & sub connubij specie instituit, ut quotquot & quacumq; paterfamilias puellam suscipiendam prolis gratia iniret, siue ex seruitijs peculiaribus, uel alienis foret, siue ex liberis, eam secum suo detineret tugurio, aleretq;. Alieni tamen iuris puellam non nisi pretio, quasi aere emptam, a quocumq; deduci pro prole procreanda inhiuit. Adulteria tamen non usque adeo prohibuit, sed abigendos moechos potestate castigauit. Quo autem populum hunc ferocem ad uitam produceret mansuetiorem, comestiones frequentes, & publicas instituit, quibus feros hominum animos demulctos iri credidit: nec in eo hallucinatus est. Nam breui ad eam deuenire mollitiem, ut eos quocumq; uellet, perduceret hinc hospitalitate maxime colendam esse statuit, quia ipsa amicitiae firmissime glutinarentur. Potum ex aqua & melle concinnare docuit, qui Latine mulsum dici potest, quod in comestationibus, & publicis, & priuatis uti concessit: cuius dulcore mirum in modum barbari delectati facile ad enervationem peruenire. Ad religionem autem se uertens, sacerdotes a Sudinis socijs populis accersiuit, qui insana superstitione contaminati, eos immunda quaeq; animalia, ut serpentes colubros perinde ac deorum famulos, nuntiosq; religionis colere docuerunt, quos intra domos nutriebant, eisq; ut dijs penatibus litabant. Deos in syluis ac lucis habitare dixerunt, illis uictimis ibidem ut placarentur, immolandum esse: ab his solem, pluiasq; expetendas fore. Sacra eorum aditu aduenarum pollui, nec aliter, quam humana uictima expiari constanter crediderunt. Feras omnes, alcem praecipue, has syluas incolentes, ut deorum seruos uenerandas esse monuerunt, ideoq; ab eis abstinendum. Solem & Lunam deos omnium primos crediderunt, Tonitrua, fulgerasq; ex consensu gentium adorabant, tempestates aduertendas, citandas precationibusq; dixerunt. Hirco in sacrificijs usi sunt, ob fecundam animalis istius naturam: nam ad confunctionem sexuum maxime defertur, sine qua generatio est nulla in animantibus. Prae-cellentes arbores, ut robora, quercus, deos inhabitare dixerunt, ex quibus sciscitantibus responsa reddi audiebantur: ob id nec huiusmodi arbores cedebant: sed religiosè, ut minimum domos colebant. In eo numero & sambucum, & plerasq; alias habuere. Statuit & dies natalitios, & funera pari modo celebranda, mutuis, scilicet, comestationibus, & copotationibus, tum lusu, & cantu, absq; moerore cum summa hilaritate & gaudio, utq; alterius uitae spem praeseferrent: illo saltem ostenderunt, quod exutos spiritu, armatos, uestitosq; ac magna suppellectilis parte circumposita humarunt. Quo more usq; nunc sepeliuntur, addito etiam potu melleo, aut ex frumentis facto in testaceis uasis. In funebri epulo partem obsonij, potusq; uita defuncti manibus libarunt, hodieq; libant, pudendo illic Christianorum praesulum dedecore. His & ceteris populo illo instituto, religioneq; firmata: Viduutus hanc oram prudenter, & quietissimè rexit, nullis excursionibus in uicinos populos permisis, nec aliqua rursus ab eis perpeffus incommoda. Eo uita defuncto filios quatuor sibi superstites reliquit, qui inter se de imperio dissidentes, gentem iam paci diutinae assueram, ad praelia mutua suscitabant. Concurrerant ergo inter se multis praelijs: sed senior natus, quia ex matre Alaprogenitus, solus Alanorum suffultus auxilijs, Borussijsq; exosus, fratribus, qui multitudine abundabant, cedere cogitur. Post multas igitur caedes ex utraq; parte commissas, eum statuere dissensionis finem, ut senior natus Viduuti filius, ex matre Alana prognatus, cum suis Alanis retrogrederetur, auitaq; loca repeteret, his ut possit, dominaretur. Serram uero Borussiae fratribus tribus ex matre Borussica, ac in solo Borussico natis relinqueret. Accepit conditionem hanc Litalalanus, ita enim senior natus iuuenis nuncupabatur, Borussiam egressus magno suorum numero. Et quum supra modum aucti essent, pristinas sedes, quas uacuas inuenerunt, facile impleverunt. Ab hoc quoq; eorum duce in posterum, qui prius Alani dicebantur, Litalalani dicti sunt, nunc hodie uulgo Litfani nuncupantur. Qui in Borussia remansere, terram secundum capita diuiserunt, Pomesamus, qui ex his aetate praecebat, sorte eam occupauit ore portionem, quae Hulmigeriae propinquior est, tum a Germanis habitata, a quibus Borussij magis formidabant. Sed quoniam Pomesamus strenuus manu uideretur ac animo feroci, multitudinisq; admodum studiosus, hanc magis tutari eum posse confidebat, & ex ipso haec portio posthac Pomesamia dicta. Alter Viduuti filius Galingus nominatus: huius terra, quae nunc Galingilia nuncupatur obuenit, a quo & terra nomen sortita est. Tertius uero Natangius, Natangiam terram a se nominauit, & obtinuit. Haec sunt tres primae terrae Borussiae portiones. Nati uero eorum, & nati natorum, iterum paternas diuidentes possessiones aliam atq; aliam uarietatem nominum inducere, ut hi Barti, alij Naoderitae dicerentur: & qui hodie uetustatis uestigium retinentes Varnienses a Varnitis dicuntur. Eo pacto Viduuti filij inter se imperio diuiso, pro sua quisq; libidine deposito regio nomine, quam tenuit portionem, administrauit, subinde inter se dissidentes: in hoc tamen concordes fue-



des fuere, ut aduersus quosq; suos uicinos, præcipue Polonos, & Germanos excursions facerent, ac eos latrocinij infestarent. Sape prædam ingentem hominū, pecudumq; ab eis agentes: & dum ipsi rursus insequerentur, sese & prædam in intimis sylvarum latibulis occuluerunt, quod insequentes, ne insidijs circumuenirentur, retinuit. Ex huiuscemodi deprædatione, quia ducibus non tenuis quæstus, plebi etiam uictus obtigit, agriculturam, & alia agrestia opera, quæ sub Viduuto exercenda sumpserant, breui intermisere, aut eatenus exercebāt, quatenus necessum uisum est. Ducti lucri cupiditate ad pristinos mores, latrociniaq; quam breui reuertentes, Germani tandem consulentes in medium, uocatis in auxilium Suetiæ regulis: ij in Oceano Germanico siti sunt, à Latinis Sitiones dicti, qui Ganipot cognominabatur, quod & ipsi Germani essent, & re bellica, tum terra, tum mari plurimum pollerent: qui eis auxiliares copias classibus traduxere, pluribus annis cū Borussijs belligerantes: quò multis trucidatis atq; caesis, eos ad deditiōem compulere. Est usq; hodie oppidulum ad Vistulam cum arce situm, quod Suetza uocatur, ubi hi, qui ex Suetza uenerant, castra sua posuerunt, quod postea in eam munitionem, quam uidemus, per Teutonicos fratres extructum est, ex quo Borussios rebellantes identidē impugnarunt. Nouem regulos id cōfecisse bellū annales habent: sed qua tempestate, aut quādiu durauerit, nec an limul, an sibi inuicem succedentes id bellum gessere, an etiam Borussios ad tributum pendendū coegere, nihil reliqui est, donec ad tempora Henrici primi patris magni Othonis uentū est. Ea tempestate barbara gens iterū latrocinio finitimos impetens per Hugonē cognomine Botyrum, aliās Bructerum, ex Saxonia natum: tū principem Germanorum, Vistulā ex utraq; ripa accolētium, quos aliqui Bructeros fuisse autumant, seditionibus ex natali solo pullos, in hæc loca deuenisse: ab eius gētis principe, qui illic (ut dictū est) imperitabat, Borussij compressi sunt, adeoq; uiribus exuti, ut pacem longissimā seruārint: permansere namq; quieti ad tempus Othonis tertij imperatoris Romæ. Sub id tempus Borussiorum ferocia recusa est, uiribusq; adeo contrita, ut omninò ab incursionibus cessarent. S. Adelbertus natione Bohemus, sed in Saxonia enutritus, ac episcopus Pragensis, in Borussiam comigrauit, ac gentem hanc à suis erroribus reuocare conatus est: sed à Sudinis dum sacra perageret, interficitur, corpusq; dissectum ante uolatilia proijcitur: quod eius hospes colligens, mox redintegrauit, & ipsum cophino trans amnem ad Polonos detulit, ac pro auro tanti ponderis (sed quoniā exiguum diuina ordinatione pendebat) uendidit. Boleslaus Poloniae princeps ipsum in insigni loco ac tumulo conseruauit. Qui multis clarēs miraculis, à Datho pontifice maximo consecratur. Dies eius Martyrij octauo Calendas Maías ab Ecclesia celebratur. Tempore quo Conradus secundus Romano præfuit imperio, Borussij cum Polonis conspirarunt, qui tunc ab imperio Romano, cui iam diu subiecti erant, descuerant, ducemq; eorum Boleslaum cum coniuge sua Gertrude Leopoldi Austriae Marchionis filia pepulere. Tributū quoq; quingentarum librarum argenti ærario publico quotannis debito inferre recusantes, rati Borussij Polonorum auxilio facilius Germanos finitimos ad internectionē casuros. Durante autē hac Polonorum rebellionē, usq; ad Federici, cognomento Barbarossi tempora, qui copijs per Oderum fluuium traiectis, Poloniam ingressus, urbes, quas repugnantes inuenit, expugnat, & diripit: arcem Glogam eum subuertisse annales habent: singula igne, ferroq; deuastās: copias, quas obuiam habuit ex Borussijs, Boffallanis, Tartaris ac Polonis ingentis multitudinis, minimo negotio fudit, Poloni in sola deditiōe præsidium esse arbitrati, Borussij in fuga salutem quæsierunt, quos imperator insequutus, multis caesis, multis captis, ultra Vistulam cōpulit. Coacti tum fuissent Cæsaris ferre iugum, ni aliótenus imperij negotijs auocatus fuisset. Huic expeditioni Ludouicus Thuringorum princeps, Ferrei cognomentum sortitus non solū interfuit, sed & præfuit: quippe qui duob. millibus equitum, & magno peditū numero sese Cæsari iunxerat. Polonis siquidem ad deditiōem coactis, Boleslaosq; restituto, ac tributo duorū millium librarum argenti fisco imperiali, & quatuor ab ærario publico pendendū imposito, Germanos qui ultra, citraq; Vistulam habitabant, ut tuti ab incursionibus Barbarorum permanerent, Massobiorum ducem, qui Cæsari consanguinitate iunctus fuerat, in tutelam contulit, quod fidelis Romano imperio semper fuisset, & ex antiquissima Germanorum Saxonum domo duceret originem. Non multum temporis effluxit, ubi Borussij infesto agmine finitimos petiere. Primū Massobios, sic quoq; hac ætate uocitantur, qui sese pecunia, uestibusq; multoties redemerant, subindē Germanos uicinos, qui se diu armis, quāuis agrē defenderant. Tandem inuocantes fidem Conradi ducis, qui à Cæsare commissi erant, Conradus quoties Borussijs acie occurrit, fugatur, cæditur, ac castris exuitur. Ob id de domestica potentia desperans, auxilium Celestini Pont. Rom. (quod imperator Henricus, qui Federico successerat, cum magnis copijs in Asiam profectus fuerat) implorat. Celestinus ergo Pont.



ut rebus afflictis succurreret, Christianum ordinis Cisterciensis monachum in Episcopum Borussiae designat. Qui ad Conradum primum ueniens, communicato cum eo consilio, quo gentem tam ferocem ab incursionibus in Christianos prohibere, simulque ad fidei ueritatem inducere posset. Acciti tum fuere ex Liuania fratres, milites Christi cognominati, qui una cum Christiano praesule Borussiae aggressi sunt: is in uirtute uerbi Domini: hi bello & armis, sed omnia nequicquam: nam semen sacratissimum, quod praesul spargeret, cecidit in terram sterilem, & absque fructu exaruit. Fratres, si quos ad deditioem receperant, cum primum opportunitate habita rebellauerunt, quos in praesidijs collocarant obtruncantes, & quam breui spatio sese a seruitute, quam imposuerant, & praesul, & fratres uindicarunt. Tandem Christiano praesule nihil proficiente, fratribus partim occisis, partim fugatis, quum & Barbari longo tempore inquietissimi fuissent, e re fore arbitrati sunt, pacem quam perpetuum bellum amplecti. Fit itaque pax ex utraque parte, necessaria magis, quam honesta. Interea catholici suauis praesulis, per Poloniam ac Hulsimeriam aedes laeras uicatim restituuunt, coenobia utriusque sexus extruunt, quae pro sua pietate calicibus, libris, & alijs apparatus. Ecclesiasticis ornant atque ditant: antistites undequaque, ut possunt, Ecclesijs praeficiunt. Fuit summum Christianis a barbarorum populationibus. otium. Id populum fidelem in meliorem spem erexit: quare magis atque magis rem diuinam ampliandam duxit. Sed cuncta barbari rupto foedere turbauerunt: foeda enim populatione in fines Christianorum effunduntur, longe, lateque per Poloniam, & Massobiam grassantes, omnia praedari coeperant. Deinde incensis uillis, agrisque uastatis, sacrarijs omnibus. spoliatis atque dirutis: amplius enim ducentis edibus sacris perisse ignibus legimus: oppida insuper, & coenobia: quibus singulis euerfis & direptis, ingentem uim praedae, tum hominum, tum pecudum, ac tantam omnis generis suppellectilem, quantam nunquam ante abegerunt. Conradus quum se imparem contra hostem tam ferocem, ac multitudine superiorem uidisset, se ultra amnem in terram Coianorum, qui olim Onomani, hodie Cumani dicti, recepit: dum interim in Asiana expeditione Ptolemaida, uel ut alij dicunt, Acona oppugnatur, ordo militaris Teutonicorum fratrum domus hospitalis, beatae Mariae in Hierusalem humilibus initijs ortum sumpsit. Per cuius fortissima pectora demum omnis haec pestis ex Christianorum finibus explosa est, Borussiaeque ad fidei praecipua colla rigida submittere Christiano iugo coacta est.

## AD INVICTISSIMUM PRINCIPEM

*Federicum Erasmi Stelle Libanothani distichon.*

Da Federice tuo genio foueatur, & aura  
Hic liber, & rabido qui uolet ore latret.

*Ad eundem Federicum Principem inuictissimum Erasmi Stelle Elegiacum.*

Diuitias Federice tuas hic collige Princeps,  
Quas habet arctoi Brussiae terra poli:  
Scilicet Heliadum lachrymas Phaetonta querentum,  
Audax quod patrios flectere tentat equos,  
Par nec erat loris, placuit tamen ire sub axe  
Aetherea atque genus testificare deum,  
Nescius ipse uia perdit conamine uires,  
Mox ruit e curru lapsus in alta freti.  
Hunc iuuat aeternis lachrymis fleuisse sorores,  
Sed pius in lenta succina fletus abit.  
Has fert undisonis Tethys tibi fluctibus, illum  
Testantes casum, ruptaque lora ducis.  
Munera clara deum uarijs quae uultibus ornat,  
Mille gerens formas Proteus ille senex.  
Hinc quaedam radiant, auroque similissima fuluo.  
Et Lunae niueam sunt imitata bigam.  
Lacteus est alijs candor, croceo igne Coruscus,  
Hyblaei retinent mellis & illa decus.  
India opes superant haec, & Gangetica dona,  
Et quod mollis Arabs, Scythias habetue rapax.  
Terra nutrit syluas, sunt haec stabula alta ferarum,  
Siue uelis uros, siue bisona magis.



Hic nusquam notus, benè tornus nascitur alces,  
 Atq; feri armenta conspiciuntur, equi.  
 Quicq; sua pelle est gratus uestire gainus  
 Membra uirum, rigidum pellit & inde gelu.  
 Hæc ubi legisti, Stellæ Federice memento,  
 Brüssica qui cunctis gesta legenda dedit.

ALEXANDRI GAGVINI VERONENSIS PRAEFATIO IN DESCRIPTIONEM SARMATIAE EUROPEAE, & totius Poloniae, Lithuaniae, Liouoniae, &c.

AD SERENISSIMUM AC POTENTISSIMUM PRINCIPEM  
 STEPHANVM DEI GRATIA POLONIAE REGEM, MAGNUM DVCEM Lithuaniae, Russiae, Prussiae, Masoniae, Samogitiae, Kiouiae, Volhiniae, Pomeraniae, Liouoniae, ac uniuersae Sarmatiae Europaeae Monarcham, Dominumq; Ceterae, nec non Transyluaniae Dominum.



VM iam annos complures in istis regionibus uersarer, operamq; meam qualemcunq; in re militari huic Reipub. praestarem, STEPHANE REX SERENISSIME, cum saepe alias, tum maximè Lithuania armis, belloq; à magno Moschorù Duce infesta & oppressa, ubi ego arci Vitebsko praefectus erā, quod munus iniunctum, qua potui industria, peregi, sicut & data mea fides, & Reipub. dignitas, & loci ipsius necessitas (est enim arx Moschis contermina) postulare uidebatur, longa tandem consuetudine linguam, mores, leges Polonorum edoctus sum, situmq; regionū totius Sarmatiae Europaeae, cum magna ex parte propria experientia exploratum habui, & sepius oculis meis. Quare nactus ego occasione temporis, dum à duro Marte respirarem, quaedam scitu non indigna de moribus, legibus, initio, incremento, rebus gestis imperij Polonici, populorumq; Sarmatiam incolentium, deniq; de situ, dispositioneq; regionum earum omnium, quas in se Sarmatiae orbis complexus est, militari stylo conscribere non dubitavi. Hoc enim pacto, maiorem animi mei affectum Reipub. huic nobilissimae testari non possem: quam si pro eius gloria, ne dicam salute, non modò si res & usus postulauerit, uitam, qua nihil est, nec esse potest post animae salutem, homini charius, profunderè, sed etiam eandem, si modò per ingenij uires liceat, etsi hinc quidpiam ad eius dignitatē accedere queat, ornarem, laudesq; eius celebrarem. Nam si patrio solo, quod me genuit, & conspectu huius splendoris lucis ornauit, plurimū natura debeo, profectò & huic Reipub. quae supra naturae dona, plurimū mihi adiecit, utilitatis, dignitatis, & ornamenti, quae me aduenā in suum recessit gremium, receptū complexa est, cōplexumq; ciuē suum agnoscit, tantū ut debeam necesse est, quantū nemo alius suae patriae se debere profiteri potest, & profectò licet multi sint singularis, & immensae in eam pietatis ac fidei, cōcedam tamen nemini, in adeundis pro eius gloria, forti & constanti animo, omnibus periculis, si nō tanta cum gloria, & utilitate, quantā ceteros posse ei suis periculis praestare facile patior, tamen animi affectu, & propensissima uoluntate, uinci me à quoquam nunquā concedam. Idq; cū semper praestare uolo, tum & nunc his meis commentarijs, quibus Sarmatiae Europaeae nomen indidi, huiusce animi erga eam mei minimè obscuram significationem declarare uolui. Verū quo patrono lucē cognoscere deberet, cum non satis mihi constaret, praesertim cū in ea nuncupanda id spectandum esse existimarem, quod spectari à sapientissimis quibusq; solet, labores non sine summo iudicio ita nuncupantibus, ut & his, quibus offerantur, conuenientissimi sint, eosq; delectent, & ipsi apud eos amorem mereantur, gratiamq; referant: malè enim collati labores, & munera tam pereunt, quam quod maximè: ecce tandem sese offert SERENISSIMA Maiestas tua, cui iure hic meus qualiscunq; debetur labor: nam & ab homine militari profectus, tibi potissimū, qui ab ineunte ætate, arti militari operam dedisti: & gradatim ob tuam uirtutem bellicam in magnum honorum fastigium conscendisti, iure optimo consecrari debuit, & de rebus Sarmatiae conscriptus, tibi non inutilis, & non iniucundus fore uisus est, tū quod diuina prouidentia Sarmatiae constitutus es Monarcha, tum quod hoc gubernaculū tibi oblatum non leuē difficultatem cum molestia coniunctam facessere uideretur, maximè cū in eo sit tanta perturbatio, tanta uarietas nationum, linguarum, legum, morum, & aliarum rerum, ut ad ea omnia rectè componenda, sapientia, uirtuteq; summa, qua es à Deo Opt. Max. abundè ornatus & instructus, opus sit.

At nostra hæc Sarmatia, quam meis sumptibus sub prælum mittere curauī, tuoq; nomini Augustissimo consecratam esse uolui, magna ex parte te ea difficultate leuare, & ab hac molestia uindicare potest. Cognosces enim ex ea subditorum tuorū mores, ac studia diuersa, quae nō nisi longo tempore, diurnaq; conuersatione cognosci possent. Inferes tandem oculos in Regiones tuas amplissimas, atq; quibus hæc abundant, quibus egeant, animaduertes, municipiorum, arciumq; situm, dispositionē, & si aliqua munitione, & propugnaculis, ad propulsandos hostium



ueloces ac feroces incurſus deſiderent, conſiderabis. Inſuper exploratas habebis uicinas regiones, ac uicinarum tam Chriſtiani, quàm barbari nominis gentium, mores, religionem, & in rebus gerendis denique conſuetudines, cognoſces. Ex quibus aliarum tu ſtudia in ſe tuo cando-  
re, & beneuolentia conuertere debes, aliarum uerò ſuperbas, ferocientesque uires, ad effrena-  
tam inſolentiam, ſi modò ſaluam & integram tuam gloriam, ſimul ac imperium hoc conſerua-  
re uiſ, ut armis retundas neceſſe eſt, talemq; te eis præbeas, qualem te eſſe eorum animi, & mo-  
res expoſcent. Ne autem parum emolumenti, adferre tibi poſſe, hanc tuarum regionum cog-  
nitionem putes, ô Rex, ſcies ſanè optimè, minùs aptè illum Monarcham dici, cui mores, conſue-  
tudo ac facies tota ſuæ Monarchiæ cognita non fuerit, & qui eam mentè non intueatur, nec in  
oculis circumferat ſuis. Neq; felicitàter illum poſſe bellum in illis locis exercere unquam, quo-  
rum ſitum cognitum nò habeat. Hinc illud eſt, quod à ſapientibus quibuſq; præcipitur, princi-  
pibus uiriſ longinquam neceſſariam eſſe peregrinationem, illoſq; demum felicitàtes, rerumq; ge-  
rendarum nò ignaros eſſe, qui mores multorum hominum ac urbes còſiderârunt, ſin minùs ue-  
rò tutè longiùs euagari, & è patria diutiùs aberrare propter uaria pericula poſſunt, tamè ne tan-  
to bono fraudètur, tabulis Geographicis, & Coſmographicis à prudètiſſimis hominibus pro-  
uiſum eſt, ut ea quæ oculis ſubijcere nequeunt, ſaltè animo, & cogitatione complectantur, & cū  
hoſte in ignotis regionibus decertaturi, ex tabulis ea cognoſcant, quæ nulla alia ratione tam fa-  
cilè cognoſci poſſent. Quare & Alexander Macedo, qui uirtute, & rebus geſtis Magni nomen  
meruit, conſerrurus manum cum hoſte in loco ignoto, priùs eum ſibi in tabula depingi uoluit,  
ut ita ex eius còſideratione cognoſceret, quid ſibi cauendum, quid adoriendum eſſet. Et Roma-  
ni Imperatores totius domitores orbis, pugnaturi in aliqua regione, antequàm bellum decerne-  
retur, priùs pictam intuiſi ſunt, quod & ingruente Gallico tumultu feciſſe eos, Italiãq; pictam  
præbuiſſe teſtis eſt Varro. Idem alij multi clariffimi Imperatores non ſine ſummo nominis ſui  
ſplendore, & in rebus gerendis felicità ac proſpero ſucceſſu fecèrunt, quos ego miles apud te Impe-  
ratorem ſtrenuum recenſendos minimè puto. Id unum dico, te poſſe hîc regionum ſitam, le-  
gesq; & mores gentium, animo perluiſtrare, tam tuo Imperio ſubiectarũ, quàm externarum, il-  
larum præcipuè cum quibus tibi res aliquândo futura ſit, utpotè Moſchouitarũ mores, expedi-  
tionesq; domeſticas ac bellicas, ac ditiones ampliſſimas, tum Tartarorum hordas ſiue nationes  
campeſtrium potètiſſimas. In primis uerò originem, incremētum Imperij Polonorũ, uitas Prin-  
cipum, piælia, diſciplinas, ſtudioſè, & explicatè deſcripta conſiderabis, & quomodo illi Hercu-  
lei Sarmatæ, quorũ tu ſucceſſor es, has ſedes nò ſine ſudore, & ſanguine occupauerint, quid ille,  
quid item alij ab alijs prognati, alius poſt alium, tam in toga, quàm in armis geſſerint. Videbis  
illoſ nò ut barbaros, ſed clariffimos, & regia dignitate ornatos Imperatores, ſuis rebus præcla-  
rè geſtis Heroum, qui admirationi toti orbi fuèrunt, nomē, & gloriam adæquaſſe. Nam ſapiùs nò  
modò pro ſalute patriæ, ſed etiam totius Europæ, alijs regnis interim (proh dolor) domeſticis,  
& ciuilibus armis ſele mutuò inſeſtantibus, immani ferocitati hoſtis communis ſele oppoſue-  
runt, eiùſq; impetum effrenatiſſimũ armis retuderunt, nò dico quoties illi Tartarorum influen-  
tes in Europam copias repreſſerunt, ſemper enim & aſiduè in excubijs aduerſus eos fuèrunt, nò  
commemoro ſapiùs uictas, & proſtigatas ab eis Turcicas legiones, nò Moſchorum exercitus  
cæſos, non alios tam patriæ, quàm toti Europæ inſeſtos hoſtes, uiſtos, ſub iugum miſſos, & aut  
ad colendam perpètuanam pacem, & amicitiam, aut ad tributa perſoluèda compulſos, quæ illo-  
rum fama, cū per totum orbem increſceret, uicinas gentes permouit, ut pleræq; earũ à tyrannis  
oppreſſæ, hoſ ſolos putarent digniſſimos, quorum fidei ac patrocinio fortunas, libertatem, ac  
deniq; ſalutem tutò committere poſſent. Teſtatur id Bohemia, quæ periculoſiſſimis tempori-  
bus regibus Polonis toties ſeſe ultrò ſubmiſit: fatetur & Vngariæ nobiliſſimũ, & uerè olim au-  
reum regnum, quod ſua ſceptra, & faſces ad reges Polonos derulit, & à ſua ceruice ſapiùs eorũ  
armis reiectã fuiſſe ferocem Turcicã ſecurim agnoſcit. Prædicat id ipſum Sileſia, Morauia, Vva-  
lachia cum ſua Moldauia, & aliæ Chriſtianæ gentes, quibus iura indixerunt felicitàſſimè Polo-  
ni, nò commemoro, quàm multoties rem Chriſtianã, contra Turcas acie, & milite iuuerit Polo-  
nus. Silentio prætereo, ſapiùs à uicinis còtra ſeditioſorum ciuium conſpirationem, à Polono  
impetratum patrocinium: ne plura dicã, tanta illis Heroibus inerat moderatio, uirtus, & tãrus,  
tamq; excellens animus, ut & parcere ſubiectis, & debellare ſuperbos optimè noſſent, & ſepiùs  
ad ſe delata imperia repudianda, ſepiùs eadē ſibi inſeſta, armis moderanda, & comprimèda eſſe  
putarent, ut ita non imperandi libidine, ſed gloriæ, & immortalitatis ſtudio, quicquid agerent,  
agere uiderentur. Cognoſces hîc Lechos, & Lituanos fortiſſimos, qui ſanguine ſuo Sarmatiam  
hanc poſteris ampliſſimam reddiderunt patriam: ſuperiorum enim eiùſ gentis principum fa-  
mæ fortuna inuidit, ita ut nullæ res eorum ad noſtrã memoriam deuenirent. Videbis demũ Cra-  
cos induſtrios armis, & pace, Piaſtos ſtrenuos, Leſchones bellicoſos ac ſobrios, Baſeſlaos for-  
tes, & in rebus gerendis promptiſſimos, è quorum longo ordine Boleslaum rerotri oris alte-  
rum Herculem: cuius uirtus in latiſſima Sarmatia contineri, nec altiſſimis montibus, ac perua-  
ſto mari concludi potuit, ille enim ſtrenuè geſtis in Sarmatia rebus, & domita Morauia, Bohe-  
mia, Roxolania, Pomerania, Henrico Romanorum Imperatore, fines Poloniæ inſeſtante, pul-



fo ac profligato, & plusquam quadragies felicissimè cum hoste collatis signis, eadem signa in Daniam usque forti, & prompta manu intulit, ibique impressis Polonæ uirtutis uestigijs, regibus illius regni tributo imposito, domum fœlix redijt. Cognosces Casimiro Reges pios, & iustos, religionisq; amantissimos, tandè Vladislao Turcarum horrendas pestes, & acerbissima fata. Iagielones magnanimos, Sceptra regnorū ultrò sese offerentium Bohemię, Vngarię, Suetiæ, Danię, Noruegię, Gothlandiæ repudiantes, infesta autem reprimentes, uim uir, arma armis, à capite, à fortunis, saluteque suorum propulantes. Hi legibus, religione, pulcherrimarum artium cognitione, domesticam disciplinam cum militari cumularunt, Lituaniā Ducatum nobilissimum cum regno coniunxerunt, Samogitiam, & alias gentes immanissimas, ab illa barbara feritate, & impietate gentili, ad humanitatem, & ueram cognitionem Dei reuocarunt. His colla sua dedit uincienda Moldauus, præbuit ex se triumphos Germanus, miseris Prutenus porrexit manus, procubuit ad pedes Lio, Moschus te uictum sæpè professus est, sæpiusque succubuerunt in acie Scythæ. Et hic est ordo ac series præcipuorum in hac Republica Principum, quorum nomine, & gloria perpetua in terris recolitur, cum summa quadam uenerationis memoria: animę autem eorum exantlatis plurimis pro patria, & Christi nomine laboribus, gratissima in illis supremis domibus fruuntur mercede, & gaudent. Hos tu unus omnes, & uictoriarum multitudine, & glorię splendore, iustitia, fortitudine, omnibusque uirtutibus, quæ olim in eis erant conspicuæ, facile superabis, si eos tibi ad tuendum, & imitandum proposueris, maximè cum etiam tibi non desint magnarum uirtutum domesticarum, tuęq; gentis Hungarię regum clarissima exempla, quæ tuum indies animum exagitant, ad cōsequendum illum orbem uirtutum, quem illi omnes sustinuerunt, & ad comparandam gloriam cum immortalitate coniunctam, qua illi uniuersum orbem impleuerunt, & uerè impleuerūt. Atq; ne ex multis regibus Pannonię aliquot commemorē, & proferam, uno cōtentus ero: Matthia scilicet Huniade, cuius semper memoria apud Hungaros est iucundissima, gratissima, & celeberrima: sic ut illi talem Regem hodie à Deo Opt. Max. sibi dari, & excitari cuperent, cum quo si te conferā, uelim ut æquo animo accipias, & ab eo proficisci putes, qui dotes illius celeberrimi Matthię in te elucere uidet: ac optet nomen tuum sic longè, lateque parere. Quis mediocriter uersatus in historijs ignorat, Matthiam mirabili fato ad gubernacula regni Hungarici euectum? cuius tam præclara indoles fuit, ut à teneris adhibitus ad optima studia literarum, artiumq; multarum didicerit semina, mirabili celeritate atque audiditate. Ideoq; acerrimi iudicii uiri palam dicebant, se in hoc puero regiam fortunam, & uirtutem deprehendere. Meritò sanè idem prædicari potest, REX STEPHANE, de te. Nam ut miro quodam modo, & incredibili, primū post obitum Iohannis Sigismundi electi Regis Hungarię, & Principis Transyluanie, electus es in Principem: sic non minori cum admiratione propter tuas uirtutes, ab ordinibus regni Polonię, maximè pacis amantibus, creatus es in Regem. In adolescentia tua studia doctrinæ ita amasti, ut inter Reges Europæ, liceat mihi hoc liberè dicere, fremant quicunque uoluerint, unus sis, qui de rebus grauissimis differere possis doctè ac benè Latine: ac etiam in primis illis tuis annis ita in duris militiæ laboribus tyrocinium fecisti, ut optimi militis famam inter tuos sis consequutus: & gradatim ad maximos honores perueneris, dignusque sis iudicatus nō modò Transyluanie Principatu, sed etiam hoc Sarmatiæ amplissimo, & potentissimo regno. Ex quo uidere licet, non tam pulchrum esse nasci ex Regibus Regem, nisi is Regijs uirtutibus ornatus, quàm uirtute sua iudicari dignum fastigio regio. Denique ineptam esse hanc uocem iudicandum est: Literas principem effœminatum reddere: Quò fit, ut hodie multos principes inuenias, literis, & doctrina nulla excultos: at doctrina non solum optimum principem: sed & ad res gerendas ac bellicas aptissimum efficit. Est enim utroque tempore, tam pacis, quàm belli doctrina principi perneccessaria. Quid ampliùs? Matthias detestatus est auaritiā, luxū, & alia scelerata suorum, ueluti, iniustitiā, & libidines uagas, omnisque religionis, & summi Magistratus contemptum, quæ mala Pannoniæ fatale attraxerunt excidium. At tu, REX prudentissime, annon sæpius tam priuatim, quàm publicè, fastum gentis Sarmaticę repræhendisti, laxamque disciplinam, & auream planè suam libertatem, in licentiam perniciosam transformantem iurè dictitas esse materiam certissimam ruinæ Reipublicæ, ni maturè pareant benè consulentibus? Apud Claudianum singularis laus est Theodosij, quòd non fuerit suspicax. Matthias Rex ille Hungarię immortalitate dignus, non facilè admittebat calumnias eorum, qui familiares suos in odium ipsi adducere conabantur. Sic etiam audimus calumniatores, & falsos delatores apud te nullum locum habere, penitus arceri: adituque tuo excludi. Denique ut Matthiam literati amârunt, & post funera multis laudibus extulerunt: ita non dubitamus, quin docti tuas uirtutes admirabuntur, & literarum monumentis mandabunt. Nam reuera ea, quæ habere solet grauissimus Princeps, ab omni leuitate abhorrens, in te etiam Deus contulit. Verùm hîc me continebo, ne in os te laudare uidear, & adulatoris crimen mihi impingatur à multis, quibus hoc responsum uolo: Regem dotibus regalibus condecoratum, & insignem, satis laudari non posse, nec clam, nec palam: cum huiusmodi Princeps sit imago Dei graphicè suis coloribus depicta.



Itaque hanc nostram Sarmatiam tuo Nomini dicatam, & consecratam offero, supplexq; cum summa reuerentia oro, ut hunc in ea cudenda meum laborem, & animi promptitudinem Maiestas tua non aspernetur: sed eam clementer ac placide suscipiat, meq; simul ac meos conatus in iuuanda & ornanda hac Republica, sua excellenti auctoritate iuuare, prouehere, atq; tueri uelit. Seruet te tandem REX potentissime, Deus Regum author, & conseruator, diutissime incolumem, quò augeas rem Christianam, confirmes tuum regnum, hostesq; istius regni immanissimos compescas ac coërceas: imò uerò de illis triumphes: & sic fato tuo fungens omnes optimi ciues te prædicent, ac ipsa posteritas, tuam sapientiam, atq; fidem, quæ est dictorum, factorumq; constantia, & ueritas, & deniq; magnanimitatem tuam cum iusticia coniunctam, admiretur. colat atq; amet. Cracouiæ 20 die Iunij. 1578.

Tuæ Sacræ Regiæ Maie-  
statis obseruantissimus

Alexander Magnus Eques au-  
ratus, Militumq; Præfectus.

SARMATIÆ EUROPEÆ DESCRIPTIO, IN  
QVA EST TOTIVS POLONIAE, LITVANIAE, LIVONIAE, PRUSSIAE, &c. CHOROGRAPHIA, DILIGENTISSIMÈ SCRIPTA ET EXPLICATA

ab

ALEXANDRO GAGVINO VERONENSI, EQVITE AVRATO.

SAVROMATIAE EUROPEAE SITVS.



Europæ deno-  
minatio ab Eu-  
ropa Aggenor-  
is Regis filia.

Europæ termi-  
ni.

Quot milliari-  
bus pateat Eu-  
ropa.

intellige hic  
milliaria Polo-  
nica, siue Ger-  
manica, quæ I-

talica s. et Mo-  
scouica totidē  
complectitur.

Sauromatia  
duplex.

SAVROMATIAE Europæ gentes, Regionumq; quas complectitur situm, descripturus: operepretium me facturū, & rem non iniucundā Lectori existimaui: Si imprimis Europæ, ipsius fines, quibus ab Asia, & Africa disternatur, præponerem. Europa itaq; pars mundi tertia, ab Europa Aggenoris Regis Lybiæ, & Syriæ filia denominationem traxit, cuius insigni pulchritudine Iupiter (ut Poëtæ fabulantur) captus, nullam aliam occasionem ad effectum insanæ amoris habēs, in bouem niueum sese transfigurauit, in litoreq; maris uiridifero, ubi uirgines cæteræ cum Europa Reginula ludebant, armentis bouum sese iniunxit. Europa uitulum præ omnibus pulcherrimū uidens tergo eius insedit, qui confestim in mare cum ea insiliens, in Cretam insulam, siue Candiam, dicitur eam transtulisse. Porro Europam ab Oriente Tanais fluuius celeberrimus disternat, à Meridie mare Mediterraneum, à Septentrione Anglicus siue Britannicus Oceanus, ab Occidente uerò Oceano Atlantico finitur. Hæc pars mundi cæteris duabus, utpotè Asiæ, & Africæ minima est, sed ad habitandum habilior, conuenientiorq; & moderatior, nam neq; calida, torridaue, nec etiam frigida nimis: ideo habitatoribus copiosior, frequentior, pleniorq; est, exceptis regionibus Septentrionalibus, Oceano glaciali cōtiguis: quæ aliqua ex parte ob intensa frigora inhabitabiles sunt. Religione quoq; Christiana, moribus, & uiuendi consuetudine incolarum, urbiumq; frequentia, & rerum commestibilium fertilitate, coeliq; & aëris temperie, Asiæ & Africæ, quamuis longè amplioribus, facile antepositur. Ducentis quadragintaquinq; milliariibus Germanicis in latitudinē patet, à mari Aegeo, siue Ionio ad Oceanum usq; Hybernicum. In longitudinem uerò septingentis sexaginta milliariibus extenditur, à Portugallia uidelicet regno Hispaniæ, ad Tanaim usq; fluuium, qui Sarmatiam ab Asia disternat. Inchoatur autem Europa ab Oriente à fluuiio Tanai, à Meridie uerò ab Aegeo mari Græciæ.

In hac parte orbis tertia, Sauromatia regio amplissima, multas nationes, regnaq; eiusdem generis complectens (de qua nobis res agitur) sita est. Est autem duplex Sauromatia, una Scythica, siue Asiatica, in ulteriores, orientaliue ripa Tanais, & Vuolgaë fluuiorū, quā incolunt Tartari, siue Scythæ Zauuolhenses, & plures alij in Hordas, id est, tribus certas diuisi. Altera Europea Sauromatia dicitur: cuius coloni sunt Poloni, Russi, siue Ruteni, Lituani, Masouitæ, Prutenni, Pomerani, Liouones, Moschouitæ, Gothi, Alani, Valachi, & Tar-



& Tartari, qui in hac ripa Tanais fluuij occidentali, iuxta Pontum Euxinū degunt. Hanc ab Oriente Tanais fluuius, palusq; Meotis ab Asia dislimitat, ab Occidente uerò Vistula, uel secundū quosdam Odera fluuius, à Meridie montibus Hungaricis Beskid genti- liter dictis terminatur, ab Aequinoctio mari Germanico, siue Sarmatico fines suos à Ger- mania dirimit.

Ptolomæus uerò Lib. 3. cap. 5. Sarmatiā Europæam, à Septentrione Oceano Sarma- tico terminari scribit, iuxta sinum Venedicum, ad fines usq; Engroneland terræ incogni- tæ ultra Nortuegię regnum longè patētis, ab Occasu Vistula fluuiio, & parte Germanię, quæ est inter caput ipsius, & montes Sarmatarum. A Meridie Iazigis Metanastis, quæ est gens Hungarica ab Oriente Istmo eam ambiri refert, à Carcinito fluuiio per Bicen palu- dem, & latere paludis Meotidis usq; ad Tanais fluuium in prouincia Resanēsi Moscho- uiæ fontes habenti, hic autē fluuius Asiam Scythicam ab Europa dislimitat. Ab Austrā li deinde plaga Sarmaticorū montium iugis ad Carpatum usq; montem Tatri, siue Bes- kid uulgò appellatum, Sarmatiā Europæa finitur, deniq; per Valachiam, Moldauiamq; ad Boristenis usq; ostia, ubi in pontū ingēti aquarum colliuie influit, & per littora ponti ad Carnicitum usq; fluuium ex montibus Circassorum Quinquemontarū defluentem extenditur Sarmatiā Europæa, secundū Ptolomæi Cosmographorū principis opinio- nem. Qui etiam hos fluuios ætate sua celebriores Sarmatiam præterfluere asserit. Vistu- lam qui & Vandalus, Istula siue Iustula uarijs nominibus apud ueteres enunciat, hic ex montib; Sarmaticis emergit, Silesiaq; & Polonia, Masouia, Prussia præterlapsis multis flu- uijs exhaustis apud Gedanum Prusiæ emporium celeberrimum in mare Sarmaticum, siue Balticum exoneratur. Cronon quoq; fluuius insignis in Russia nō longè à Turouu oppido ortus, Russiæ regiones, & Lituaniæ ac Prusiæ percurrens post Vistulæ ostia ad Septentrionem reflectendo, in Germanicum quoq; mare (quod Cronium inde fortè di- citur) influit, uulgò Niemen appellatur. Rubon quoq; fluuius, qui nunc Dwina uulgò La- tinis, & Germanis Duna dicitur, in Russia Moschouia fontes suos habet, & magna par- te Russiæ, Lituaniæ, & Liuoniæ præterlapsis in prædictum mare, à Riga Liuonię Metro- poli duobus milliaribus amplissimis ostijs postquam centum triginta milliaria Polonici à fontibus suis emensus fuerit, ingreditur. Ternutis quoq; & Chersinus fluuij secundū Ptolomæum ex Riphæis montibus nascentes, in prædictum mare exonerari dicuntur, qui mihi Narew & Bug uulgò dici uidentur. Præterea Sarmatiā Europæa multos alios flu- uios celeberrimos habet, utpotē Borysthenē Dnepr uulgò dictum, in Pontum Euxinum influentem, Hypanin, qui hodie Bog (non Bug, qui Vistulæ commiscetur) dicitur, Ty- ran, qui Dniester proprie à tirando Italico uerbo, quasi sagittando dictus. Horrida enim uiolentia aquas impellit. Insuper Viliam, Disnam, Seripetum, Sluczam, Naruam in Liuo- nia, & alios complures nauigabiles fluuios, quos recensere longum esset. Hoc itaq; in imperio Sarmatico, cuius modo limites ex Ptolomæo, & nostra propria experientia de- scripsimus, Rex Poloniæ à maiorib; suis belli uel pacis iure acquisito rerū potitur, & mo- dernis temporibus Sarmatiā Poloniæ Regis potentissimi, & inuictissimi Monarchæ his finibus includitur.

A montib; Sarmaticis, & Transsylvaniæ palatinatur, ad Vistulæ fontes, ubi incipit Ducatus Tefsiniensis, inde per Silesiam ad Oderam fluuium, & usq; ad Marchiam Bran- denburgensem, ac Francfordiam, per Pomeraniam quoq; longo tractu ad littus Ocea- ni Germanici, sinumq; Codanum, siue Balticum, per latus demū Septentrionale per Samogitiam, Curlandiam, Liuonięq; amplissimum Dominium, ad Phinlandiam usq; ul- timam ferè orbis regionem Suecorum Regi subiectam, Orientem uersus per multas re- giones Russiæ ad Moschorum Principis imperium usq; extenditur. A Germanico uer- bo Oceano ad Alexandri Macedonis aras per Campeltia deserta ad paludes Mæotidis longissimo tractu ultra Borysthenem procedendo, deinde à Ponto Euxino per campos Podolienses, & per Moldauos ac Valachos redeundo Iazigis Metanastis, uel Transyl- uanis, & Hungaris, montibusq; qui hodie Scepusienses dicuntur, à Meridie imperium Monarchæ Poloniæ disiungitur.

Dicta est autem Sauromatia Græcis, similitudine sumpta ab hominib; uiperinos o- xulos habentibus, terribilibus scilicet & crudelibus: nam *σαῦρος* Græcis uiperam, *ὄμμα* ue- rò oculum sonat. Atque nunc in primis de Polonis præcipua gente Sau- romatica dicendum nobis occurrit.

Sauromatia  
Europæa si-  
tus, finesq;

Celebriores  
fluuij Sarma-  
tiæ Europææ.

Sauromatia  
utriusq; deno-  
minatio.



DEDUCTIO ET ORIGO ANTIQVAE, BELLICOSAE QVE  
gentis Sauromaticae, ex qua Poloni ortum, genusq; suum ducunt.

**D**Educationem, originemq; Polonorum ac regum, eorundem gesta secundum ordinem descripturus: paucis obiter Lectorem admonendum uolo, ne quid me in principio rei de Polonis dicturum sigillatim existimet. Consequens enim est, ut antiquissimae gentis Sauromaticae, siue Slauonicae originem, & mores priscos, altius imprimis inuestigaremus, quod pro rei ipsius faciliiori intellectu fortasse utilius erit. Liquet aperte ex scripturis sacris ueteris legis, ad quod etiam omnium historicorum consentiens opinio est: Iaphet filium natu maximum Nohe, post illud totius mundi diluuium, Orientem, & Septentrionem uersus in Europa, & in Asia minorum primū consedis, illicq; cooperante Diuina uoluntate in maximam gentem excreuisse, quod ei cum Etymon nominis dilationem significantis, tum fausta Nohe parentis imprecatio portendebant. Sic etiam Nohe ille Patriarcha praefigurans necessarē futuram esse trinam conditionem uitae humanae, filiis suis dixisse, singulisq; singula officia administranda iniunxisse, & demandasse fertur, ut unusquisque suae uocationi praedestinatae corresponderet in haec uerba: Tu Sem ora uelut sacerdos, munus diuinum obiens: tu Cham labora, agros colens, & artes mechanicas exercens: tu Iaphet rege, & protege uelut Rex, & miles arma exerce, ceterosq; certis propositis legibus in officio retine. Quod mandatum, & testamentum Nohe haec usq; in tempora durare uidemus: unaquaq; etenim natio ex illius filiis eius propagata, suam uocationem ex quadam praedestinatione, & paterna imprecatione exercet. Posteritas igitur Iapheti, cum maiorem orbis terrarum partem in Europa, Asiaq; minore occupauerat, testamento patris sui, & faustae imprecationi Nohe Patriarchae correspondentes, statim ad arma exercenda animum adiecerunt, & innumeratam gentem temporis successu sub Duce Gomero Iapheti filio in orientali, ubi Armenia, & Septentrionali plaga excreuerunt, ad Bosphorūq; Maotidi paludi proximum, qui nunc Cimmerius dicitur, & ad fontes, ostiaq; Tanais longo tractu sedes suas habuerunt. Postea potestatem, & praetaturam, sub qua ceteri regantur, necessarium esse considerantes ad Tuiskonem siue Ascenam Gomeri filium imperium detulerunt, qui Beroso testelatisime a fontibus Tanais ad Rhenum usque fluuium Germaniae imperauit. Hunc Tusconem praedictus Berossus Historiographus, Germanorum omnium, Sauromatarumq; pariter conditorem esse asserit, quo testimonio satis recte probaretur Sarmatas, siue Slauos cum Germanis unum esse, cum ab eodem autore, & propagatore processerint. Crantius quoq; rationatur Polonos, Bohemosq; Germanis congeneros esse, eo quod frequens Germanicae linguae apud hos populos usus fuerit, & uestibus Germanicis multi eorum utantur. Qua ratione quoq; probaretur eos Latinos, uel Italos, Hungarosq; esse: nam haec quoq; linguae, idemq; habitus apud Polonos nunc ex magna parte in usu esse coeperunt, & Latina lingua omnes ferē nationes uincunt. Non recte igitur Crantius hic ratiocinari uidetur, si enim Slaui uel Sauromatae ex Germanis oriundi essent, eadēq; cum eis antiquitus lingua uterentur, unde igitur Sarmatica, siue Slauonica lingua apud Sarmatas usus ortus esset: qua haec gentes passim, & uulgariter utpote innata utuntur, habitu quoq; moribus, & uite consuetudine Sarmatae a Germanis penitus diuersi sunt, quod etiam Plinius approbat, dicens: Sarmatae quidē certē Germani non sunt, sed ab ijs Vandalis siue Vistula fluuiio ad ortum Solis uergentes dirimuntur, cui sententiae probati antiquitatis indagatores Cornelius Tacitus, Strabo, & Ptolemaeus astipulantur. Sed ad rem unde digressus sum, redeo. Illa posteritas Iapheti impigra, strenua, manuq; proptā, & bellicosa exstitit, quod res ipsae ab illis strenue, audacissimeq; gestae abunde testantur, toto enim orbi terrarum tunc temporis terrori dicuntur esse, unde a Graecis Sauromatae imprimis appellati sunt, deducto nomine à σαῦρος, quod est uiperā, & ὄμμα oculis, quasi dicas gens terribilis cum uiperinis oculis. Ab hoc itaq; tempore haec gens, regionesq; eorum, quas incolunt, Sauromatae nomen retinent. Hi postea tempore succedente, & in dies magis ac magis numero populi accrescente, uidentes illas sedes patrias propter se, progeniemq; paulo arctiores esse, a Tanais fluuii ostiis, & paludibus Maotidis meridiem uersus ulterius processerunt, per regionesq; propinquas, Datiam, Russiam, Lituaniā, Borussia, quae nunc Prussia dicitur, Liouaniāq; longē & latē diffusi sunt. Quorum maior pars in has Prouincias campestres, quae hodie a Polonis coluntur, comigravit, fluuiiq; Vistula (quae antiquis Vandalus dicebatur) utraq; ripas occupauerunt, & statim cum antiqua gente Teutonum, quae etiā ad Vistulam fluuium in tuguriolis antiquitus degebat, societatem atq; amicitiam uelut aduenae contraxerunt, propter communem praedam, & rapinas, cū adhuc minimē assueti essent sudore proprio, uel agricultura, artificijsq; uictu acquire.

Iaphet Nohe  
Patriarchae fi-  
lius ubi conse-  
derit post dilu-  
uium.  
Etymon Iaphe-  
ti.

Nohe filiis sin-  
gulis singula  
munia obeun-  
da mandat.  
Ora, labora,  
rege, protege.  
Iapheti poste-  
ritas.  
Gomer Iaphe-  
ti filius.  
Tuiskones Go-  
meri filius.  
Berosi testimo-  
nium.

Crantij opinio.  
Plinij de Sar-  
matis assertio.

Sauromatae  
unde dicti.

Liouania  
Sarmatarum  
prima commi-  
gratio.



quirere. Manu itaq; coniuncta frequentes irruptiones in Prussiam, Saxoniam, & Pomeraniam exercebant, prouinciasq; maritimas assiduè excursionib. diuexabant, & mare Balticum, siue Germanicum propter res sibi necessarias acquirendas Pyratum more remigijs tentabant. Quando uerò, & qua occasione hæc migratio Sauromatarum à fontibus, ostijsq; Tanais fluuij, & paludibus Meotidis in has regiones contigerit, quoniam nulla gentis ab eo tempore monumenta extant, ex quibus id constare possit, ignotum est. Si enim literarum cultura æquè ac res militaris apud Sauromatas tunc temporis floruisse, certiora de suo in hæc loca aduentu, alijsq; rebus præclare gestis monumeta reliquissent, sed ipsi animosè, uiriliterq; agere, & bella exercere, quàm eleganter & ornate scribere maluerunt. Sabellicus tamen & Herodotus scribunt Sauromatas & Cymbros à Lydorum rege Aliate ex Asia electos esse. Quidam etiam opinantur eos uel à Gothis expulsos sedib. patrijs emigrasse, quod uerisimile non uidetur, sed potius suapte sponte ac uoluntate, siue fato quodam impulsos, siue opum alienarum cupiditate accensos, cultiora loca appetisse eos existimauerim. Neq; uerò soli Sauromatae, sed & aliae quaedam gentes ipsis conterminae sedib. patrijs relictis, in alias terras cultiores migrantes transierunt, inter hos Cimmerici, siue Cymbri, Gothae, Daci, Sueui, siue Tuiscones, & Sacae, qui nunc Saxones dicuntur. Hi etià in hæc usq; tempora Sarmatas sunt cotermini. Neq; uerò uniuersam gentem illinc se simul effudisse constat, sed remansisse nonnullos, qui relicta ab alijs loca colerent, quod moderni incolae istius orae, iuxta Tanaim fluuium degentes aperte testantur, utpotè Tartari Campestris, qui longo tractu iuxta Tanaim fluuium & paludes Meotidis, Pontumq; Euxinum uiuunt. Hi enim à ueteribus Sarmatis moribus & institutis haud dissimiles sunt: sed ad rem redeo. Illi Sauromatae, qui ad Vistulam fluuium cõfederant, cum Teutonibus commilitonibus suis omnes prouincias circumiacentes, & colonias suas frequentib. diuexationibus depopulatas ad nihilum redegerunt, & uictum ampliùs acquirere non poterunt, agros enim non colebant, sed paratis & raptis uiuebant. Ideò sterilitate soli per ignauiam suam causata, adiunctis sibi in societate uicinis Teutonib. ulterius (inquirentes fertiliores prouincias) processerunt, quorum multitudo trecenta millia uirorum excessisse fertur, & à fluuio Vandalo, nunc Vistula dicto, quem accolebāt Vandalia (Sarmatarum nomine abolito) appellati sunt. Primò itaq; hi Vandalitae populabundi in Pannoniam excurrerunt Constantini magni temporibus, eamq; 40 annis (expulsis primis eius incolis) occupatam tenuerunt. Deinde Hungaricis Historiographis testantib. à Gothis illinc eiectioni, expulsisq; sunt. Polonorum uerò annales testantur Vandalitas ex Pannoniae finib. eductos per Stillicum Ducem suum in Italiam, quā armis undequaq; crudeliter peruastarunt. Postea in Hispaniam cum eodem Duce suo Stillico cõmigrarunt, ex Hispanijs uerò per mare Herculeum nauigantes in Africam deueniunt, ubi annos ducentos in pace, & abundantia omnium rerum peregerunt, Romanumq; imperium nauali, & terrestri bello uarijs excursionibus debilitarunt, ac ipsam Romam sub Sixto Papa, ut quidam uolunt, Anno Christi 429. crudeliter uastauerunt. Tandem Anno Domini 538. Iustinianus Imperator per Ducem celeberrimum exercitus sui Belisarium, uirum insignem, & rebus gestis clarum, eos cruento prelio profligauit, ex Africaq; funditus exterminauit, Rexq; eorum Gilimerus captiuus Constantinopolim abductus est. Aiuntq; nonnulli hoc prelio Belisarij, Vandalitas ad internecionem usq; gentis caesos, deletosq; fuisse, sed id à uero esse alienum non uno argumento liquet. Etsi enim uires eorum adeò fractae, attritaeq; essent, ut robur uetus, & potentiam pristinam recuperare possit nunquā potuerint, reliquiae tamen eorum ita fuga dispersae sunt, ut quidam in Poloniam ad Vistulam fluuium natale uidelicet solum unde ortum duxerant, regressi, nonnulli in Græciam, & Pannoniam, Germaniamq; nouis quærendis sedibus dilapsi sint. Horum reliquiae ultra Albim fluuium in Septentrionem sparsim habitantes Slauonico Idiomate maiori ex parte utuntur, & Ducatus, quem incolunt confinis Prussiae, Vandalia nuncupatur, cuius Dux, Prussiae Polonorum feudalitatis titulum sibi usurpat. Porro omnes Germani denominatione à Vandalis sumpta omnes Sarmatas Slauonica lingua utentes, Vuenden, siue Vuinden, & uindis promiscuè appellant, mareq; quod Sarmatiam alluit Venedicum uocant. Cætera horum Vandalitorum gesta breuitati consulens omitto, nihil etenim de eis scribitur, solummodò barbara atrocitas, & immanitas, qua crudeliter in omnes fauebant, adhucq; hodie in Litanis Catholicae Ecclesiae Romanae canitur, à Vandalis libera nos Domine, &c. Post hos Vandalitas ex ipsa Sauromatiae sedibus, alia à fluuio Tanai, & paludib. Meotidis gens crudelis priori non dissimilis ortum duxit, qui Roxolani, siue Rossani, & Ruthe ni, Rusi q; cognominati, Procopio Historiographo id attestante. Volgari quoq; siue Volhynij populi ex ipsa sedib. à Volga fluuio amplissimo cognominati, moribus & idiomate Slauonico cum Roxolanis concordantes ortum duxerunt. Volga autem fluuius

Sarmata ad  
Vistulam fluuium  
uenerunt, et  
cum Teutonibus  
amicitiam  
contraxerunt.  
Sauromatae  
olim literarum  
ignari, bellis,  
amicisq; assidue  
studentes.

Sabellici, &  
Herodoti de  
Sarmatis opinio.

Causa aduentus  
in hæc loca  
Sarmatarum.

Sarmatarum cum  
Teutonibus à  
Vistula fluuio,  
à qua Vuandalitae  
dicti sunt  
in Pannoniam  
commigratio  
Vandalitarum  
in Italiam, Hispaniamq;  
eruptio.  
Vandalitae in  
Africa.  
Vandalitae Romanam  
coeperunt.  
Vandalitae ex  
Africa pulsi.

Vandalia Dacatus.  
Mare Venedicum.

Roxolani, siue  
Ruteni gens Sarmatica secundum

Volgari

celeber



celeberrimus (quem plurimi Tanaim esse falsa opinione ducti existimabant) Ptolemæo Rha, Tartaris Edel dicitur, Moschouitasq; certis limitibus cum Tartaris Campestribus determinat. Illi itaque Roxolani siue Russi cum Volgaris ob similitudinem, & unitatem consuetudinis uitæ amicitiam, & societatem contraxerunt, coniunctisq; uiribus in Tauricæ Regionem (quæ nunc à tartaris Præcopensibus occupata est) penetrarunt, inibiq; locum domicilio sibi delegerunt: quamdiu illic degerint, uel quo tempore aduenerint, incertum est, nullus enim inter eos inuentus erat, qui temporum, rerumq; à se gestarum uices literis mandando posterorum memoriæ, factorumq; æternitati consuleret. Audientes tandem discordiam pullulare inter principes Christianorum in Græcia, quidam eorum cum Duce suo Chrunno Danubio traiecto, rectâ in Thraciam populabundi perrexerunt, ubi Imperatorem Constantinopolitanum cum exercitu cruento prælio fuderunt, Nicephorum quoq; & Michaëlem Curoplatum Imperatores ad Adrianopolim occiderunt. Tandem Missia utraq; occupata eam Vuolgariam à sui denominatione, quæ nunc Bulgaria dicitur, uocauerunt. Alij eorum Russia Regionem occupauerunt, quam Vuoliniam (quæ hucusq; hoc cognomen retinet) appellauerunt. Cæteri quoque Podoliam, Lithuaniam, Podlasiâ, Masouiamq; regiones occupauerunt. Hî omnes loca semel occupata hæc usque in tempora non mutarunt, exceptis illis, qui in Missia conserderant. Varijs autem nominibus ab Historiographis appellabantur. Græci enim eos Sporios, id est, dispersos, Sauromatasq; id est, crudeles, sumpta à uiperis similitudine appellabant, cæteri eos Roxolanos, Besos, Guados, Bodinos, à fluuio Borysthene, Bolgaros à Volga, Morauos à Moraua flumine, uel à Morato Rege, Antos, Basnos, Carnios, Serbos, Rascios, à Russia, Dalmatas, Slauos, Illyricos, Istrios ab Istro siue Danubio, Bohemos à regione Boëmia, Polonos, à Campestri, planaq; regione, uel à uenatione. Pole enim uenationem, & planitiem Slauis significat, hæcq; gens planam ferè, apertamq; regionem incolit, & apprimè uenandi studio tenetur. Hæ gentes Sarmatiæ, ut in plures, diuersasq; prouincias diuiduntur, uarijsq; nominibus appellantur, sic etiam diuersa, uariâq; idiomata præ se ferunt, secundum terrarum & regionum distantias, quamuis omnes unius gentis, & idiomatis Slauonicæ fuerint: nam Moschouitæ à Ruthenis aliquantulum, Rutheni quoque à Polonis, & Masouitis, sic etiam Bohemi, Croatæ, ab inuicem idiomatis expressione, accentibus & prolatione, uerborumq; immutatione differunt, ita ut sese intelligere difficile possint, nisi mutuo familiaritatis usu alter alterius linguæ assuetus fuerit. Nam quia Sarmatæ siue Slauones, bellicosi, pugnacesq; extiterunt, pacem odio prosequentes, uarias mundi partes peragrabant, & pro suo arbitrio occupabant, peregrinorum quoque uocabulorum usu idioma Slauonicum immutarunt. Apparet autem ex antiquorum Historiographorum scriptis, gentem Slauinorum, uel Slauorum in Paphlagonia regione Asiæ minoris, tempore belli Troianorū floruisse. Procopius etiam Casariensis ante mille & quinquaginta annos de bello Gothico, Iustiniani Imperatoris temporibus scribens, mentionem quoq; Slauinorum facit. Blondus uerò, qui ante centum, decemq; annos Historiam ab inclinatione Romani Imperij conscripsit antiquiora Arcadij, & Honorij tempora persequens, Slauorum meminit. Iornandes autem Alanus in suis Chronicis dicit, id nomen Slauorum suo tempore nouum extitisse, idioma autem hoc, quo nunc Slauones utuntur, antiquum fuisse. Scribitq; hic Iornandes, & Diuus Gregorius primus huius nominis Romanus Pontifex, Slauos ad Istrum seu Danubium septentrionem uersus habitasse, traiectoq; Danubio Mysiam utramque, Pannoniam, Macedoniam, Thraciam, Istriam, diuexasse, interq; Drauum & Sauum flumina, in Illyrico, & Dalmatia confedisse, eis Regionibus Slauoniæ nomen indidisse, Romanumq; Imperium penitus debilitasse.

Iidem Slau ne Germaniæ quidem pepercerunt, ac ad eam amplitudinem peruenerunt, ut propè dimidiam Europæ, & Asiæ partem teneant, etenim in ea natione connumerantur non solum ij, qui Dalmatiam, Illyricum, Carpatum, & Hungariæ montana tenent, sed aliæ omnes orientales, & septentrionales maximæ & fortissimæ gentes, quæcunque Slauonico idiomate utuntur, utpote Bulgari, Bosnæ, Serbij, Croatæ, Carnij, Rascianij, Dalmatæ, Istrij, (Burgundi iam Slauorum linguam amiserunt) Stirij, Poloni, Masouitæ, Pomerani, Lusatij, Podolij, Volinij, Rutheni, Moldaui, Moschouitæ latissime imperantes, Cassubij, Vandalij, Silesij, Morauj, Bohæmi, &c. In omnibusq; his Prouincijs ab Oceano glaciali, qui ultra Moschorum Principis ditiones longissimo tractu Septentrionem uersus extenditur, ad mare usque Mediterraneum, & Adriaticum populi Idiomatis Slauonici reperiuntur. Sic quoque à Ponto Euxino Moldaui, Valachijq; & cæteræ Ruthenorum gentes ad mare usque Germanicum colonias suas habent. Quamuis plurimi eorum patrium uiuendi modum in peregrinos mores commutarint. Bulgari enim, Bos-

Vulga fluuius.

Roxolani in Taurica.

Vulgaris Sarmata cum Roxolanis tres Constantino-politanos Imperatores occiderunt.

Bulgaria.

Vuolinia.

Gentes Russia.

Sarmatarum.

Roxolanorūq;

uarie appella-

tiones.

Poloni unde dicti.

Varietas sermonis Slauorum.

Causa immutationis Slauorū idiomatis.

Antiquitas Slauorum.

Historiographorum opinionones de Slauis.

Diui Gregorij de Slauis assertio.

Gentes Slauonice quæte, et quot.

Slauorum terminus.



him, Bosna, Rasci, Dalmata, cum Turcis & Hungaris: Burgundj, Mysi, Pomerani, & Slauorum cum Silesi cum Germanis: Lithuani, Ruteni, Masouitæ cum Polonis: Istri, Carniolani, Carin, thij cum Italis sentiunt. Attamen omnes hi quamuis inter peregrinas gentes diffusi, disper morphosisq. siq. sunt, patrio idiomate Slauonico (diuerso modo licet) utuntur. Plurima & præclara gesta hi Sauromatæ exercebant, præcipue uero cum Roxolani (quorum posteri nunc Rutheni siue Russi dicuntur) strenue cum Mithridate Rege Parthorum & Ponti belligerant, qui has regiones, quas hodie Turca possidebat. Cum Romanis quoq. & cæteris finitimis Regibus longas acies uario Marte tenuerunt, sed quia gentiliter uiuebant, literasq. ignorabant, ideo etiam præterita recordare, & antiqua gesta ad posteritatem transmittere flocci pendebant. Porro qui diligentius rem ipsam considerare uelit, nullam gentem olim Sarmatis bellicosiorē extitisse uidebit: hi enim omnes miseras bellicas, frigora, intempestates, & id genus alios casus facile sustinebant, & propter nomen æternum nulla uetustate aboliturum uitam flocci pendentes mortis impauidi uarijs periculis opponebant, de quorum insigni fortitudine, audaciq. animo Ouidius ille Naso, e Roma ad Pontum in Regnum Tauricæ relegatus, pro singulari miraculo, Romanis proceribus scripsit in hæc uerba: Lib. 1. de Ponto Elegia 2. ad Maximum.

Hostibus in medijs interq. pericula uersor,  
Tanquam cum patria pax sit adempta mihi,  
Qui mortis seuo geminent, ut uulnere causas,  
Omnia uipereo spicula felle linunt.  
Hic eques instructus perterrita mœnia lustrat,  
More lupi clausas circumcuntis oues.  
Tecta rigent fixis ueluti uallata sagittis,  
Portaq. uix firma summouet arma sera.

## Ad eundem Elegia tertia.

Aut quid Sauromatæ faciant, quid lasces acres,  
Cultaq. Oresteæ Taurica terra Deæ.  
Queq. aliæ gentes ubi frigore constitit Ister,  
Dura meant celeri terga per amnis equo.  
Maxima pars hominum nec te pulcherrima curat,  
Roma, nec Ausonij militis arma timet.

Dant illis animos arcus, plenæq. pharetræ,  
Quamq. libet longis cursibus aptus equus:  
Quodq. sitim didicere diu tolerare, famemq.  
Quodq. sequens nullas hostis habebit aquas.

## Idem ad Vestalem Eleg. 7. lib. 4.

Ipsæ uides onerata ferox ut ducat Iasis  
Per medius Istri plaustra bubulcus aquas:  
Aspicis & mitti sub adunco toxica ferro,  
Ac telum causas mortis habere duas.

## Ad Seuerum Eleg. 19.

Nulla Getis toto gens est truculentior orbe  
Tinctaq. mortifera tella sagitta madet.

Ex hoc igitur testimonio Ouidij Sarmatas bellicosos, imperioq. Romano minime subactos esse apparet, cum dicit: Nec te pulcherrima curat Roma. &c.

Porro quæ de antiquissimis eius gentis moribus, & institutis proferri possint, hæc ferre sunt. Utebantur primis temporibus uetustissimi illi Sarmatæ siue Slauones, & qui in Polonia, Russiæq. regionibus postea sedes habuerunt, eorum posteri, prisca illa Slauonica lingua, quæ Sarmatis, Ruthenisq. gemina est. Regem aut principem secundum genus agnoscebant neminem, sed exortis subinde bellis ex suis fortissimum quemq. & factis illustribus spectatum, Ducem sibi eligeant, nec diuturnius cuiusquæ erat Imperium, quam ipsum bellum, cuius gerendi Dux eilet declaratus. Vnde & nunc Polonis Rex non nascitur, sed consensu Senatorum, qui dignus uideretur, per sortem eligitur. Ad bella singuli uirum proficiscebantur, arcubusq. frameis, & lanceis oblongioribus utebantur. Vxores secum ducebant, quæ incantationum, magicarumq. artium gnaræ, augurijs & uaticinijs operam nauabant, de præliorumq. euentibus scienter præsagiebant. Fugere in bello res insolens illis erat, quicq. id fecisset, ei nullus ad suos reditus patebat, neq. grauiorem ullam turpitudinem aut ignominiam nouerant. Summa apud eos dignitas erat post electos bellici Duces equitum, quos ab ornamentis auratos uocamus, ad quam nemini aditus patebat, nisi qui uirtute bellica, factisq. in hostem patris id assequeretur. Martem, Lunam, Solem, aliosq. uariæ religionis Deos adorabant, eosq. diuersis & certis locis colere, & sacra ipsis facere solebant: de animarum tamen immortalitate recte sentiebant. Sepulturæ eorum erant in syluis & agris, tumulosq. aggestis lapidibus uestientes eminenter muniebant, quod genus in Russiæ regionibus passim adhuc uisuntur. Nonnulli quoque more Romano cadauera cremare, cineresq. collectos in urnas recondere solebant, in uictu paucis contenti erant. Permutatione rerum necessaria utrinq. comparabant. Nihil proprium absq. arcu, framea, & lancea possidebant. Vestibus uilibus, ex corijs ferarum, pellibusq. utebantur, ad talos demissis. Thesuros, possessiones, prædia, uestesq. pretiosas non comparabant. Causas omnes & controuersias publico in loco Marte iudice armis dirimebant. Hæc planè sunt, quæ de antiquissimis Sarmaticæ, Slauonicæq. linguæ, institutis & moribus extant, quorum potissima pars in hunc usq. diem apud posteros eorum quibusdā in locis uiget.



REGNI POLONICI CVM SVIS PALA-  
TINATIBVS DISTRICTIBVSQVE  
sive Prouincijs, Ciuitatibusq̃, & Arcibus prin-  
cipalibus compendiosa descriptio.

AVTORE ALEXANDRO GVAGNINO.

Fines Regni  
Poloniae.

Polonia du-  
plex.



EGNUM Poloniae in Sarmatia Europea amplissimum & no-  
bilissimum, ab oriente nonnihil in Septentrionem reflectendo,  
Masouiae, Lithuaniaeque contiguum est. A Septentrione Prus-  
siae, marique Germanico siue Venedico adhæret. A meridie & o-  
riente simul Russia, Podolia, Valachiaque, & montibus Hunga-  
riae, Beskid dictis terminatur: ab occidente Silesia, Saxoniaque &  
Albi fluuius fines suos terminat.

Porrò Polonia bipartita est, maior & minor. Maior ideo di-  
citur, quod in ea Lechus autor Polonorum imprimis confede-  
rit, ibidemque Gnesnam ciuitatem Regni sedem, fundauerit. Sed  
postea sedes Regia Cracouiam minoris Poloniae metropolim translata est, ubi in hunc  
usque diem perseverat, atque hanc ob causam minor Polonia maiori antepositur, quam im-  
primis describendam aggrediemur.

CRACOVIENSIS TERRA.

**C**RACOUIA urbs celeberrima minoris Poloniae metropolis, in planicie insigniter  
ad Vistulam fluuium nauigabilem, quo mercès omnis generis Gedanum em-  
porium Prussiae, deportantur, condita, muro duplici, ualloque inexcusso, & fossa  
muro praecincta cingitur. Arx uero in scopulo eminenti Vauel dicto, ad eun-  
dem fluuium sita, sede Regum Poloniae, ubi coronantur & sepeliuntur celebris, Gymna-  
sioque & uniuersitate clara. Eidem aliae tres ciuitates Clepardia, Stradomia, Casimiria con-  
tiguè adhærent, hanc Rudawka amnis, illas uero Vistula fluuius interfuit. Porrò Craco-  
uienses Aduocato supremo carent, ea de causa, quod anno Domini 1312. Regnante  
Vladislao cubitali, quidam aduocatus Cracouiensis Germanus autorem se perfidia in  
deditione urbis Boleslao Duci Opoliensi praebuerit, qui postea perfidiae dignas poenas,  
cum suis complicibus dedit. Ab hoc tempore Rex ipse Pratura Cracouiensi potitur. Ca-  
stellanus quoque Cracouiensis Palatinum in Senatus consensu accubitu, locoque superat:  
nam cum Boleslaus Krziuousti, Rex Poloniae (de quo supra) bellicolissimus à Rutenis  
dolo circumuentus esset: Palatinus honore postposito, cum maiori parte exercitus aufu-  
git, Rege in medio hostium relicto. Ab hocque tempore Castellanus primas obtinet, in cae-  
teris uero illius Regni Prouincijs, Palatinus Castellani dignitate antecellit.

Aduocatus  
Cracouiae.

Palatinus &  
Castellanus.

CIVITATES DISTRICTVALES IN  
terra Cracouiensi.

**H**AS ciuitates districtuales praecipuas ubi iudicia, causeque nobilium disceptantur, con-  
tinet: Palatinatus Cracouiensis, quibus Capitanei iudices & alij Regia munia ob-  
euntes praesunt.

**BIECZ** ciuitas muro circumdata, in planicie sita, eam Rapa fluuius preterfluit, in quo  
spume, ex quibus sulphur conficitur, colliguntur, à Cracouia quindecim miliarib. abest.

**VVOYNICZ** ciuitas lignea ad Dunaiecz fluuium sita, à Cracouia 9. mil. distat.

**SANDECZ** ciuitas murata in planicie condita: quam Dunaiecz fluuius praeterlabi-  
tur, à Cracouia 11. mil. distat.

**LELOVIA** ciuitas murata, in colle sita, arcem inferius conditam habet, quam Biala  
fluuius aluit, à Cracouia 11. mil. abest.

**KZYAZ** ciuitas lignea, à Cracouia mil. 7. distat.

**PROSZOVICE** ciuitas lignea in planicie sita, in qua curia Regia ad Sozeniaua flu-  
uium condita est, à Cracouia 4. mil. distat, in qua conuentiones terrestres nobilium cele-  
brari solent.

Sunt etiam aliae multae ciuitates & oppida nobilium & magnatum in terra Craco-  
uiensi, sed hic nisi eorum in quibus terrestria officia celebrantur, mentionem facimus.

In eadem terra Cracouiensi tres sunt fodinae insignes, quae magnis prouentibus rhe-  
saurum



aurum Regium adaugent. Prima in Olkussia 5. mil. à Cracouia, ubi plumbi copia, argentumq; effoditur. Secunda in Bochnia ciuitate, quæ 5. mil. à Cracouia distat, ubi sal glaciæ simile perspicuum grandibus massis effoditur. Tertia in Vvieliczka 2. mil. à Cracouia, ubi etiam sal glaciale, sed uilius Bochnensi, copiose effoditur.

SENATVS PRINCIPALIS TERRAE  
Cracouiensis.

Episcopus	} Cracouiensis.	Castellanus	{ Sandecensis.	
Castellanus				Vvoynicensis.
Palatinus				Byecensis.
				Oswiecimensis.

VEXILLVM TERRESTRE BELLICVM AQUILA  
alba coronata in campo rubeo, per alas linea aurea  
protensa, insignitur.

Districtus Sandecensis uexillum peculiare habet, clipeo diuiso bicolore insignitum. In eadem terra Cracouiensi duo Ducatus continentur, qui iure naturali in ditionem Regni cesserunt, Zatoriensis & Oswiecimensis.

OSWIECIM Ciuitas principalis prædicti Ducatus lignea, in planicie sita, arcem quoq; ligneam argila circumlinitam habet, quam fluuius quidam præterlabitur, 7. mil. à Cracouia. Vexillum aquila nigra, O, in pectore habente, insignitur.

ZATOR Ciuitas lignea cum arce, à Cracouia 5. mil. in planicie ad Vistulam fluuium sita, quæ Ducatus caput erat: cuius uexillum aquila lasurini coloris, Z, in pectore gestante insignitur.

Huius Ducatus Zatoriensis Princeps à Spitzkome Myskowski equite Polono, dolose occisus est, ab hoc tempore in Regis Poloniae ditionem cecidit.

SANDOMIRIENSIS TERRA.

SANDOMIRIA Ciuitas principalis, muro circumdata, in colle ad Vistulæ fluuium cõdita, à Cracouia 22. mil. distat. Arcem muratam, à meridie Vistulæ præterfluam, habet. Hæ ciuitates districtuales præcipue ad eam pertinent.

CHECINY Ciuitas in loco plano sita, arx uerò murata in eminenti scopulo condita est, à Cracouia 13. mil. abest. Fodinis lasuli clara, ubi & argentum reperitur.

KORCZIN Ciuitas noua lignea, arcem muratam ad Vislok fluuium sitam habet, quam undiq; paludes circundederunt.

VVISLICIA Ciuitas lignea, quam Nida fluuius circumfluit, muroq; circumdata inter lutosas paludes in scopulo sita, in quibus ingens colluuiæ reptilium, omni genere grassatur.

PILZNO Ciuitas lignea ad Vuislok fluuium sita.

OPOZNO Ciuitas murata in planicie, quam Pilcza fluuius præterlabitur.

RADOMIA Ciuitas muro, ualloq; circumsepta, in planicie sita.

POLOVIEC Ciuitas lignea inter colles constructa.

ZAWICHOST Ciuitas lignea ad Vistulam fluuium sita, arcem muratam in ulteriori Vistulæ ripa habet.

ZARNOVV Oppidum ligneum.

MALOGOST Ciuitas lignea.

SENATORES TERRAE SANDOMIRIENSIS.

Palatinus & Castellanus Sandomiriensis.

Castellanus	{	Vislicensis.
		Radomiensis.
		Zawichostenis.
		Zarnouiensis.
		Malogostenis.
		Polanecensis.

Vexillum terrestre gestat pro stemmate, clipeum diuisum, in una medietate lineas tres rubeas, & tres albas: in altera campum lasurini colores, tribus ordinibus stellarum insignitur.



## L V B L I N E N S I S T E R R A.

**L** V B L I N ciuitas murata fossa, stagnisq; ingentibus circumdata. Arx in colle eminentiori ad stagnum amplum condita, muro ualidissimo, fossaq; profunda cingitur. In hac ciuitate triplices per annum nundinae, quatuor hebdomadas durantes, celebrantur. Primò pro festo Pentecostes. Secundò pro ferijs Apostolorum Simonis & Iudae. Tertiò pro festo purificationis Mariae. Ad eas ex remotissimis regionibus negotiatores, Turcae, Armeni, Graeci, Germani, Moschouite, Lithuani, & ceteri ex circumiacentibus regionibus, conuenire solent. Iudaei maximam suburbiorum partem occupant, ibiq; Synagogam habent praecipuam. Arcem Bystrzica fluuius alluit. Distat autem Lublina à Sandomiria 14. mil. à Cracouia 36. à Vuilna 70. à Vuarsovia 24. Has ciuitates districtuales terra Lublinensis complectitur.

V R Z E N D O V V ciuitas lignea ampla ad stagnum sita, à Lublina 7. mil. distat.

L V L O V V ciuitas lignea in planicie sita, ex una parte palude lutuosa, ex alia uallo munitur, à Lublina 14. mil. abest, districtum satis amplum complectitur.

P A R C O V V ciuitas lignea, in planicie ad stagnum ingens sita, à Lublina 9. mil. abest.

C A S I M I R I A ciuitas lignea, inter scopulos ad Vistulam condita, quae tempore exundationis Vistulae media ferè aquis obruitur, à Lublin 7. mil. distat.

Senatores duos praecipuos terra Lublinensis habet, Palatinū uidelicet & Castellānū. Vexillum terrestre Ceruo albo, in collo coronā gestante, in campo rubeo insignitur.

D E T E R R I S D I S T R I C T I B V S Q V E  
maioris Poloniae.

**P** O S N A N I A ciuitas insignis maioris Poloniae metropolis, ad Vartham fluuium nauigabilem, & Prosna amnem, inter colles condita, muro duplici, fossaq; profunda cingitur, aedes in ea pulcherrimae, insigniterq; ex lapidibus sectis constructae. Arx murata in eminentiori colle, inter Vartham & Prosnam fluuios sita. In ulteriori ripa Varthae suburbia sunt amplissima, stagno ingenti, paludibusq; circumdata, quae frequenter cum circumadiacentibus pagis exundatione Varthae, obruuntur, adeo ut aliquando solummodo summitates aedificiorum ex aquis appareant: ipsaq; ciuitas in muro aliquando intundatur, ut in foro, plateisq; passim nauigetur, sed tamen hae exundationes duobus, tribusue interdum diebus grassantur. Nundinae in Posnania celeberrimae tenentur in anno exercentur. Primae in principio Quadragesimae, quae quatuor hebdomadis durant. Secundae pro festo D. Ioannis Baptistae, quinq; hebdomadis durantes. Tertiae pro festo S. Michaelis, quae quinq; integris hebdomadis celebrantur.

C I V I T A T E S D I S T R I C T V A L E S I N  
terra Posnaniensi.

**K** O S C I E N ciuitas in planicie inter paludes lutuosas sita, duplici muro, ualloq; & fossa munitur, à Posnania 7. mil. distat.

M I E D Z Y R Z E C Z E ciuitas lignea in planicie inter flumina, paludesq; lutuosas (unde & nomen habet) sita, finitima Silesiae, Pomeraniae, arcem muratam natura & opportunitate loci munitissimam, muro, ualloq; in excusso & fossis profundis circumsepta, nullo modo expugnari sese, nisi fame patitur. Eam Duces Germaniae aliquot annis graui obsidione praemebant: attamen re infecta cum dedecore discedere coacti sunt, à Posnania 15. mil. distat.

O S T R E S O V V ciuitas lignea finitima Silesiae, in planicie latissima sita, quam syluae undiq; circumdederunt.

V V S C H O V V ciuitas murata, in planicie sita, à Posnania 11. mil. abest.

S R E M S K Praemecz, Rogozno, ciuitates lignae, ad officium Posnaniense pertinentes, in quibus iudicia terrestria celebrantur.

## S E N A T O R E S T E R R A E P O S N A N I E N S I S.

Episcopus  
Palatinus  
Castellanus } Posnaniensis.

Sremcensis  
Miedzirzecensis  
Praemecensis  
Rogosienlis } Castellanus.

Vexillum



Vexillum terræ Pofnaniensis aquila alba cum expansis ad uolandum alis insignitur.

CALISIENSIS TERRA.

**CALIS** ciuitas muro circumdata inter paludes fita, quam Proſna fluuius præterlabitur. Arcis muratæ ruinae reſtant, per Crucigeros Pruſſienſes deſolata.

Has ciuitates diſtrictuales hæc terra complectitur.

**GNEſNA** ciuitas muro circumdata in planicie inter lacus, collesq; ſita, Archiepiſcopali ſede clara. Hæc prima omnium ciuitas in Polonia à Lecho autore Polonorum condita, ubi in primis ſedes Regia habebatur. Ibiq; Princeps Poloniae Boleslaus Chabriab Othone Rom. Imp. Regium Diadema accepit, quo huc uſq; Reges Poloniae utuntur. In hac ciuitate eſt Eccleſia Cathedralis Metropolitana, in qua corpus Diui Adalberti Epſcopi Pragenſis deſcriptum eſt. Diſtat autem à Calis 14. mil. à Poſnania 7. In ea nundinae inſignes, præcipue uero pro feſto S. Adalberti celebrantur.

**PYZDRY** ciuitas murata in planicie ad fluuium Varta inter ſyluas ſita, à Calis 9. miliaribus diſtat.

**VVARTHA** ciuitas ampla ad eiſdem nominis fluuium ſita.

**NAKLO** ciuitas lignea ad fluuium Noteſiam ex Goplo lacu emergentem, Arx murata inter lituoſas paludes ſita.

**LAND** ciuitas ad Vuartham fluuium, à Gneſna 4. mil. abeſt.

**KONIN** ciuitas murata, Vuarthæq; fluuiio una cū arce in gyrum circumducta, & niſi pontibus ad eam peruenitur, 8. mil. à Calisſia abeſt.

**SLVPCZA** ciuitas muro fortiſſimo, propugnaculisq; munita, ad Vuartham fluuium.

**KOLO** ciuitas lignea circumſepta, Vuarthæq; fluuiio in gyrum una cum arce aliquoties circumluitur, 8. mil. à Calisſia diſtat.

**LAND** & camenecia ciuitates in Pomeraniae finibus.

SENATORES PRAECIPVI TERRAE

Calisſienſis.

Archiepiſcopus Gneſnenſis.

Palatinus Calisſienſis.

Caſtellanus Calisſienſis.

Gneſnenſis

Nakyelcenſis

Camenenſis

Landenſis

} Caſtellanus.

Vexillum terreſtre capite Biſontis, inter cornua corona aurea geſtante, per naresq; circulum aureum habente, in campo in modum latrunculariorum ſiue ſcachorum albo & rubro inſignitur.

SIRADIENSIS TERRA.

**SIRADIA** ciuitas lignea, muro circumducta in planicie ſita. Arx murata ad Vuartham fluuium condita. Hæc Prouincia olim pro Ducatu ampliſſimo computabatur, ſecundoque genitis Regum Poloniae attributa erat. Has ciuitates diſtrictuales complectitur.

**VIELVNIA** ciuitas muro forti, propugnaculisq; & foſſa profunda circumſepta, eam una cum arce Proſna fluuius præterlabitur.

**SABEK** ciuitas lignea in planicie ad ſtagnum ſita, à Siradia 5. miliaribus abeſt.

**PETRICOVIA** ciuitas murata inter loca paluſtroſa condita, ubi Comititia generalia communi approbatione omnium Regum, Senatorumq; Poloniae celebrari conſtitutum eſt. In ſuburbio curia Regia & turris, in qua cauſae iudiciales celebrantur ſita eſt, quam foſſa profunda ambit. Curia quoque Epſcoporum, Magnatumq; Poloniae frequentes ibidem extructae ſunt. Deinde extra ciuitatem curia ingenti ſumptu ex lignis lenigatis inſigniter ſub nemore amœniſſimo extructa eſt, quâ Rex cum omni comitatu ſuo tempore Comitiorum propter ſalubriorem auram incolit, Bugey appellata.

**ROSPRZA** ciuitas lignea in planicie paludibus circumſlua.

**SPICIMIRIA** ciuitas lignea.

In hac Siradienſi terra, Nobiles id regum priuilegijs conſeſſum habent, cara rubea in obſignandis literis uti, cū id in illis prouincijs nemini nobilium ſolummodo magnatibus, & in officio Regio, ſiue terreſtri præfectis concedatur. Id uero inde promouerunt, cū Prutheni, cum Polonis in acie acriter conſligerent, Lancicienſes à Pruthenis, Crucigeribus ſuperati, uexillum ſui Palatinatus amiſerunt, quibus Siradienſes in auxilium uenientes, uexillum ab hoſtibus recuperauerunt.



## POLONICARVM RERVVM

## SENATORES SIRADIENSIS TERRAE.

Palatinus	} Siradiensis	Rospirienſis	} Castellanus.
Castellanus		Spicimirienſis	
		Vielunenſis	

Vexillum terreſtre medietate Leonis rubei, & medietate Aquilæ nigræ in campo laſurino inſignitur.

Vielunenſis quoq; diſtriſtus ſuum vexillum proprium habet, Agnum Dei cum vexillo cruce inſignito, in campo rubeo.

## LANCICIENSIS TERRA.

**L**ANCICIA ciuitas muro, ſoſſa q; obducta in planicie undiq; paludibus lutoſis circumdata. Arx murata in ſcopulo, ſoſſa q; profunda obſtructa, eam Bſura fluius præterabitur. Ibidem in uilla Koſciol dicta, Eccleſia Cathedralis ex lapidibus ſectis conſtructa eſt, ſatisq; ſumptuoſe prouiſa.

ORLOVIA ciuitas lignea, ex una partium fluuiio lutoſo, & peramplo, ex altera lacunis paluſtroſis munitur, .mil. à Lancicia diſtat. In eodẽ diſtriſtu ciuitas Piatek inter lutoſas paludes Bſuram fluuium ſita, ceruiſia boni ſaporis, quæ in ea coquitur, per totam Poloniam celebris habetur.

BRESINIA ciuitas lignea ſatis ampla inter ſtagna ſita, à Lancicia 7. mil. abeſt.

KONARZEVV, Inowlozz, Biechow, & aliæ multæ, plurimæq; ciuitates & oppida lingea ad Lancicienſem iuriſdictionem pertinent.

## SENATORES TERRAE LANCICIENSIS.

Palatinus	} Lancicienſis	Breſinienſis	} Castellanus.
Castellanus		Konarienſis	
		Inowlozienſis	
		Biechouiienſis	

Vexillum terreſtre medietate Aquilæ albæ & Leonis nigri aurea corona inſigniti exornatur, in campo rubeo.

CVIAVIAE SIVE VLADIS-  
lauiæ terra.

**V**VLADISLAVIA ciuitas ampla, ſede Epiſcopali clara, inter ſtagna ad Viſtulam fluuium condita. Regio hæc magna ex parte paluſtroſa eſt, ſyluæq; in ea rariſſimæ, ideo incolæ inopiam lignorum patiuntur.

BIDGOSTIA ciuitas murata in planicie ſita, eam Barda fluuius nauigabilis quo merces ex maiori Polonia in Viſtulam fluuium deportantur, alluit, à Vladislauia 6. mil. diſtat.

Senatores tres præcipuos terra Vladislauienſis habet, Palatinum & Castellatum, Bydgostiæq; Castellatum.

## BRESTIENSIS TERRA.

**B**RESTIA ciuitas murata, propugnaculis uallo, ſoſſa q; munita in planicie inter lutoſas paludes condita.

Hos diſtriſtus complectitur.

RADZIEIOVV ciuitas lignea, in campo aprico ad lacum ingentem ſita.

CRVSPHICIA ciuitas lignea antiquitus condita, & prima poſt Gneznam, arx murata ad Lacum ingentem, Gopla dictum, ſita, ex quo lacu mures olim prodierant, qui Popelum Principem Poloniæ ibidẽ in arce deuorauerant, prout latiùs in geſtis Regũ Poloniæ dicemus. In hac ciuitate ſedes Regia olim habebatur, ſed poſtea Cracouiã trãſlata eſt.

KOVVALOVV oppidum ligneum in locis paluſtroſis conditum.

## SENATORES TERRAE BRESTIENSIS.

Palatinus	} Breſtienſis.	Crusphicienſis	} Castellanus.
Castellanus		Coualouiienſis	

Cuiuienſis terræ vexillum, quo Vladislauienſis & Breſtenſis Palatinus inſimul utitur, Aquilæ rubeg, Leonisq; nigri medietate, in campo aureo, excepto, quod non habet coronam auream.

RAVEN.



## RAVENSIS TERRA.

**R**AVA ciuitas lignea in planicie sita, arcem muratam in scopulo ad Rauram flu. habet.  
**SOCHAZOVIA** ciuitas lignea, septis ex una partium circumdata, arx uero in scopulo eminenti murata, quam fluuius Bura praterlabitur.

**GOSTININ** ciuitas lignea in planicie inter paludes lutuosas, arx in scopulo murata, fossaq; paludibus obducta.

**GAMBIN** ciuitas lignea ampla, in planicie sita. Senatores tres principales habet terra Rauenensis, Palatinum, & Castellatum Rauensem, Sochazouensem, & Gostinensem.

Vexillum terrestre Aquila nigra in campo rubeo, litera, R, in pectore insignitur.

## PLOCENSIS TERRA.

**P**LOCZKO ciuitas murata, ad Vistulam fluuium condita, sede Episcopali clara, arcem quoq; muratam in colle eminenti sitam habet.

**BIELSKO** ciuitas lignea in planicie sita, à Ploczko 2. mil. abest.

**RACZYAYAS** ciuitas lignea, inter lutuosas paludes, à Ploczko 8. mil. distat.

**SIEPRCZ** ciuitas lignea, in collo eminenti, inter paludes, à Ploczko mil. 5. distat.

**SRENSKO** ciuitas lignea in planicie sita, arx murata inter stagna, paludesq; ingentes, à Ploczko mil. 10.

**MLAWA** ciuitas lignea, Prussiae finitima, eam eiusdem nominis fluuius praterlabitur, à Ploczko 11. mil. distat.

**PLONSKO** oppidum ligneum, à Ploczko 7. mil.

**RADZANOV** ciuitas lignea ad Vkra fluuium sita, arx murata in scopulo inter lacunas palustrosas, à Ploczko 8. mil. distat.

## SENATORES TERRAE PLOCENSIS.

Episcopus  
 Palatinus  
 Castellanus

Raczyasensis

Syeprensensis

Castellanus.

Vexillum terrae Plocensis, Rauenli simile, nisi quod Aquila, P, litera in pectore insignitur.

## DOBRINENSIS TERRA.

**D**OBRINIA ciuitas lignea septis circumdata, in scopulo ad Vistulam sita, arx à Crucigeris demolita.

**SLONSK** ciuitas lignea, in planicie ad Vistulam, à Dobrinia 2. mil. abest.

**RIPIN** oppidum ligneum, in planicie ad Odlekam fluuium conditum, à Dobrinia 5. mil. abest.

**GORZNO** ciuitas lignea, inter sylvas in colle, uallo, fossaq; aquis repleta obducta, à Dobrinia 6. mil.

Pro hac prouincia Poloni cum Crucigeris, Prussiensibus frequenter digladiabantur.

Tres Senatores praecipuos terra Dobrinensis habet: Castellatum Dobrinensem, Ripinensem, & Slonscensem.

Vexillum terrae Dobrinensis caput humanum cornutum duabus coronis redimitum fronte & collo in campo rubeo gestat.

## DVCA TVS MASOVIAE.

**M**ASOVIA Regio, amplissima Poloniae coniuncta, Prussiam à septentrione, Lithuaniam ab oriente, & Russiam nonnihil in meridiem reflectendo in uicinia habet. Quondam sui iuris Principes habebat, secundoq; genitis Regum Poloniae attributa erat, sed anno Domini 1526. decedentibus immatura aetate, Ioanne & Stanislao Ducibus, unicis Regionibus haeredibus, Ducatus Masouiae in ius Regis Poloniae celsit. Incolae eodem idiomate, nisi sibilis quibusdam differenti, habituq; moribus & religione cum Polonis utuntur. Viri sunt strenui & bellicosi, in Martemq; cruentum proueniunt.

Has praecipuas ciuitates Masouia complectitur.

## VARSCHOVIAE DISTRICTVS.

**V**ARSCHOVIA ciuitas insignis murata, totius Masouiae metropolis, duplici muro, fossaq; obducta, in planicie ad Vistulam condita, arx quoq; murata ciuitati contigua Vistulae impendet. Pons ibi amplissimus ligneus ingenti sumptu in Vistula fabricatur. Has ciuitates districtuales praecipuas habet.

**CZERSKO** ciuitas lignea in planicie, ad Vistulam fluuium sita, arcem mutatam in scopulo eminentibus altis conspicuam habet, à Varschouia 5. mil. abest.

**VYSSEGRD** ciuitas lignea, in planicie ad Vistulam, arx in colle murata, Varschouia 12. mil. distat.

c 4 ZAKROCCIM



**SAKROCZIM** ciuitas lignea ad Vistulam fluuium, arx in colle murata, 8. mil. à Varschouia abest.

**CZIECHANOVV** ciuitas in planicie sita, ualloq; circumsepta, arx inter lutosas paludes, fossa profunda munitur, à Varschouia 12. mil.

**CZERNIENSK** ciuitas lignea ampla, arcem & monasterium Augustinorum adiunctum habet.

**PVLTOVVS KO** ciuitas murata, ad Narew fluuium una cum arce sita.

**ROSAN** ciuitas in planicie, arx uero in scopulo ad fluuium Narew condita.

**VARKA** ciuitas ampla lignea, in planicie ad Pilczam fluuium sita, à Varsch. 8. mil.

**BLONYE** ciuitas lignea ampla, à Varschouia 4. mil.

**TARCIN** ciuitas lignea, à Varschouia 5. mil. abest.

**GRODZYEC** ciuitas lignea, à Varschouia mil. 7. à Tarcin 2. distat.

**PRASNIS** ciuitas ampla, lapideis ædificijs ornata.

**LOMZA** ciuitas ampla ad Narew fluuium nauigabilem sita, in ea ædificia pulcherrima murata, à Varschouia 20. mil. distat.

### SENATORES PRIMARI DVCATVS

#### Masouia.

Palatinus Masouia Generalis.

Varschouienlis	} Castellanus.
Cerscensis	
Vyssegrodiensis	
Zakrocimenlis	
Cziechanouienlis	

Vexillum Masouia Aquila alba cum expansis ad uolandum alis in campo rubeo insignitur.

### L I V E N S I S T E R R A.

**L I V V O** ciuitas lignea, arx murata ad Limijecz fluuium condita.

**V V E G R O V V** oppidum ligneum, à Liwo medio miliari distans.

**V V I Z N A** ciuitas in planicie ad Narew fluuium sita, arx in colle fossa circumducta.

**N V R** ciuitas lignea ampla, ad fluuium eiusdem nominis sita.

**C A M B N Y E C** ciuitas lignea in planicie ad Bug fluuium, à Liwo 8. mil. sita.

Senatores hos duos præcipuos terra Liuenlis habet, Liuenssem  
& Vuiznensem Castellanos.

Vexillum terrestre Aquila medietate rubea, & Vrsi albi coronati insignitur.

### P O D L A S S I A E T E R R A.

**P O D L A S S I A** regio ampla, Masouia ab occidente, Lithuania ab oriente contigua, olim sub potestate & imperio Lithuanorum erat, sed nunc anno Domini 1569. per Sigismundum Augustum Regem Polonia, ad Magnum Ducem Lithuania, Regno Polonia adiuncta & appropriata est. Incolæ eius Masouia, Rutheni, atq; Poloni: has ciuitates districtuales præcipuas complectitur.

**B Y E L S K O** ciuitas lignea amplissima Podlassia principalis, ad Byala fluuium sita, Lithuania contermina. Arx lignea fulminis ictu in præsentia Regis incensa, penitusq; exusta est, à Narew 4. mil.

**B R A N S K O** ciuitas lignea ad Nur fluuium, à Byesko 3. mil. sita, in ea Curia Regia iudicialis, in qua causæ nobilium disceptantur.

**S V R A S** ciuitas lignea inter colles ad Narew fluuium sita, arx in colle fossa circumducta, à Byelsko 3. mil.

**T Y K O C Z I N** ciuitas lignea in planicie ad Narew fluuium sita. Arx natura & opportunitate loci munitissima, propugnaculis, ualloq; forti proportionaliter circumsepta Narew fluuiio & paludibus circumdata, ut ad eam nusquam aditus pateat, machinis, tormentisq; bellicis bene prouisa. Thesaurus enim Regius in ea asseruatur. Rex Sigismundus Augustus eam magnis impensis restaurari fecit, monetaq; ibidem cuditur, à Byelsko 10. mil. distat, à Vuilna 42.

**K N Y S S Y N** ciuitas lignea à Tikoczin 2. mil. in planicie inter stagna, syluas, paludesq; lutosas sita, ibidē Curia Regia extructa est. Hortus quoq; Regius amplissimus, uario genere



no genere animalium, piscinisque diuersis refertus. Venationes enim illic omnium ferarum copiose exercentur. 12. mil. à Byelsko distat.

NAREVV ciuitas lignea inter sylvas ad fluuium eiusdem nominis à Bielsko 4. mil. condita.

VVASILKOVV oppidum ligneum ad Narew fluuium, in quo Capitaneus regius residet.

AVGVSTOVV ciuitas noua amplissima à Rege Sigismundo Augusto, à quo & nomen habet fundata, 20. mil. à Byelsko distat.

#### DROHICINENSIS DISTRICTVS.

DROHICIN ciuitas lignea ad Bug fluuium condita in colle curiam Regiam, in qua causæ nobiliū disceptantur habet, à Byelsko ciuitate 10. mil. à Vuarschouia 30. distat.

MYELNIK oppidum ligneum ad Bug fluuium conditum, arx uerò in colle eminenti, à Drohicin 5. mil.

LOSICZE ciuitas lignea ad stagnum amplissimum sita, à Drohicin 3. mil.

MORDI oppidum ligneum in planicie ad stagnum situm, à Drohicin 5. mil.

Ex his duobus districtibus Podlasiæ Bielscenti & Drohicinensi, pro expeditione bellica 20000. nobilium statuuntur.

Huius terræ duo sunt præcipui Senatores, Palatinus & Castellanus.

Vexillum terrestræ Podlasiæ bicornæ crocei coloris Stemmæ, Magni Ducatus Lithuanicæ, in campo albo insignitur, uiro uidelicet armato, gladium tenente equo insidente, ex alia uerò parte, aquilam albam in campo rubeo gestat, postquam Regno Poloniæ est incorporata. Similiter Bielscentis & Drohicinensis districtuum uexilla unicornia insignantur.

#### DE TERRIS ET DISTRICTIBVS RVSSIAE

##### Regno Poloniæ incorporatis.

DE gentis Roxolanorum siue Ruthenorum, uel Russorum origine uarij uaria sentiunt, quos Sauromatas, Sclauonesque ex posteritate Iapheti (prout latius in deductione Sarmatarum, Polonorumque diximus) constat esse. Quidam eos à fusco gentis colore Russos dici autumant, alij à disseminacione, siue dispersione Rozsicia enim Sclauis disseminacionem significat, quod melius ad ueritatem quadrat, cum totam Sarmatiam Europæam, & Asiaticam partem occuparent, ab Oceanoque glaciali ad Mediterraneum usque mare & sinum Adriaticum, à Pontoque Euxino ad Balticum Oceanum usque eorum coloniæ extenduntur, unde & Græcis Sporij, id est, dispersi dicuntur.

Qui in primis Ruthenis imperauerint incertum est, cum literarum prorsus ignari essent, donec anno Domini 796. Michaël Curopalatus Imperator Constantinopolitanus characteres ad scribendum Bulgaris misisset, quos etiam Rutheni omnes susceperunt, & ab hoc tempore illa quæ poterant ante & post gesta recordari literis mandabant. Regionibus Russiæ duo præcipui Principes præsumt, utpote Magnus Dux Moschouicæ, qui se Imperatorem totius Russiæ appellat, plures enim in ea Ducatus possidet. Secundus Rex Poloniæ, qui etiam Magno Ducatui Lithuanicæ præest, Russiæ Ducatus Lithuanicæ incorporatos, utpote Vitebscensem, Kiouiensensem, Msczislauiensensem, &c. possidet, quos una cum Lithuania descripsimus.

Nunc ceteras Regiones Russiæ, Poloniæ adhærentes, cum præcipuis ciuitatibus describemus, in quibus magna ex parte Poloni colonias suas habent, Proceresque & Equites ferè omnes Poloni sunt, ac maior pars religionem Romani ritus amplectitur, utpote ciues & nobiles, exceptis colonis & agrestibus, qui Græcorum dogmata in religione sequuntur, de quorum religione & ritibus latius in Moschouicæ descriptione patet.

#### LEOPOLIENSIS ET HALICIEN-

##### sis terra.

LEOPOLIS ciuitas insignis Russiæ Polono Regi subiecta, metropolis, à Leone Russorum Principe condita, duplici muro, propugnaculisque fortissimis uallo & fossa profunda, tormentisque & suppellectili bellica expeditissime prouisa. Arx una in ciuitate, alia uerò in eminentissimo scopulo ciuitati impendente munitissime condita est, cuius aspectus decem miliaria patet. Emporio, sedēque Archiepiscopali clara, Metropolitanus quoque Russiæ ibidem sedem suam retinet. Ecclesiæ in ea Romanæ



Romanæ & Græcorum obedientiæ plurimæ. Armeni quoq; ibidem Basilicam suæ religionis, antistitemq; & sacerdotes habent.

**HALICIA** ciuitas lignea amplissima antiquitus condita, una ex Ducatibus Russiæ: Eam à Moldauia Prud fluuius, ex alia parte Tyras, Nester uulgò dictus præterlabitur. Arcem ligneam in colle eminenti adiunctam habet.

Has ciuitates præcipuas districtuales, Leopoliensis & Haliciensis terra complectitur.

**ZIDACOVV** in Pokutia, ciuitas lignea, in planicie ad Striy fluuium sita, Arx in colle eminenti uallo circumsepta.

**GRODEK** ciuitas circumsepta, una cum arce in planicie stagnis circumuallata, à Leopoli 4. miliar.

**BVSKO** ciuitas inter lutosas paludes, ex quibus Bug fluuius oritur, sita, quo merces uariæ ex Volhynia in Vistulam deportantur, à Leopoli 5. mil. distat.

**STRIY** ciuitas lignea, ad fluuium eiusdem nominis condita.

**VVIZNA** ciuitas in planicie inter paludes ad fluuium sui nominis extructa.

**SNIATIN** ciuitas lignea septis circumdata, confinis Moldauia, cum Prud fluuius præterlabitur, à Leopoli 12. mil. distat.

**COLOMIA** ciuitas lignea sub monte ad Prud fluuium sita, ibidem sal decoquitur.

**ROHATIN** ciuitas lignea septis circumdata in planicie, eam Rohatinka fluuius præterlabitur. Arcem inter stagna & paludes in colle sitam habet, à Leopoli 10. mil. distat.

**DOLINIA** oppidum ligneum inter colles situm.

**LVBAZOVV** ciuitas lignea in planicie sita, castrum inter paludes stagnantes conditum.

#### SENATORES PRAECIPVI HARVM

terrarum.

Archiepiscopus Leopoliensis

Leopoliensis

Haliciensis

Lubaczouiensis

} Castellanus.

Palatinus Russiæ Generalis

Vexillum Leopoliensis terræ, Leonem fuluum coronatum, petram ascendentem, in campo lafurino gestat.

Haliciense uerò vexillum Monedulam coronatam cum expansis alis, in campo rubeo pro Stemmata gestat.

#### BELZENSIS TERRA.

**BELZ** ciuitas lignea, ampla in planicie sita. Arcem ligneam lutosi paludibus latè stagnantibus circumductam habet, quam nequaquam Tartarica sagitta attingit:

**SOKAL** ciuitas circumsepta in planicie ad Bug fluuium sita. Arx in colle eminenti lignea.

**HRVBYESOVV** oppidum cum castro in colle situm.

**HRODLO** ciuitas stipitibus præacutis circumsepta, arcem in colle Bugo præterfluam habet.

**GRABOVVYEC** ciuitas lignea in planicie sita, arx in colle eminentissimo natura & opportunitate loci munitissima, accessuq; ardua.

**THYSOVVICE** ciuitas lignea, arcem in colle habet.

Senatores præcipuos duos terra Belzensis habet, Palatinū uidelicet & Castellanum.

Vexillum terrestre Griphonem album coronatum, in campo rubeo pro Stemma te gestat.

#### CHELMENSIS TERRA.

**CHELM** ciuitas septis circumdata, sede Episcopali clara, arx in eminentiori colle sita, lignea, argila oblinita 4. mil. aspectus illius patet.

**CRASNISTAVV** ciuitas murata ad stagnum amplissimum sita, arx in planicie murata, quam Viepr fluuius nauigabilis præterlabitur, à Lublina 7. mil. In ea Capitaneus generalis regius residet.

**RATNO** ciuitas lignea ampla inter paludes latissime stagnantes sita, à Chelmiaquæ 24. ferè mil. pontibus stratis ad eam peruenitur. Arx in colle eminenti ad Perepetum fluuium nauigabilem condita, quam Tur fluuius alia ex parte, paludesq; lutosæ muniunt, accessusq; omni ex parte difficilis.

**LYVBOVLYA** ciuitas ad Bug fluuium sita, arcem in colle eminenti habet.

Senatores duos principales, Episcopū uidelicet & Castellanū, terra Chelmenfis habet.

Vexillum terrestre Vrsō albo inter tres arbores in campo aureo gradiente insignitur.

PREMIS-



## PREMISLIENSIS TERRA.

**P**REMISLIA ciuitas murata ad San fluuium nauigabilem sita, sede episcopali clara. Arx in colle in ulteriori ripa eiusdem fluuij condita, propugnaculisq; apprime munitissima. Ibidem hortus ingens regius omni genere ferarum refertus.

**SAMBOR** ciuitas septis circumdata ad Tyrā fluuium, unā cum arce sita Hungariae finitima.

**DROHOBYCZ** ciuitas stipitibus praecutis in planicie munita, salis fodinis clara.

**SANOK** ciuitas lignea inter colles ad San fluuium extructa, arx in colle murata.

**PRZEVRORSK** ciuitas in colle muro circumdata, ad Mleczka fluuium sita.

**KROSNO** ciuitas murata lasiolda fluuiū circumdata. Vislok uero fluuius eam mediam interfluit. Ibidem medio miliari Camyeniecz arx in eminenti scopulo murata, natura & opportunitate loci & propugnaculis munita.

SENATORES TRES PRAECIPVOS  
terra Praemisliensis habet.

Episcopus }  
Castellanus } Praemisliensis.

Castellanus Sanocensis.

Vexillum terrestre aquilam auream bicipitem coronatam in campo lasurino pro Stemmate gestat.

## PODOLIAE REGIO.

**P**ODOLIA Regio amplissima Moldaviae & Valachiae a meridie finitima est, ab oriente uero uastissima campestris desolata, ad Tanaim fluuium paludesq; Meotidis, & Pontum Euxinum usq; Tartarosq; Praecopenses habet. Omnium rerum ex terra nascentium fertilissima, adeo ut colonus, quamuis quomodocunque in agrum semen iniecerit, centuplum fructum referat. Prata quoque mirum in modum luxuriantia, adeo ut bouis cornua uix e gramine appareant: terra tamen dura & petrosa nimis, adeo ut bisenos boues coloni araturi, aratro iungere cogantur. Attamen intollerabile pondus boues anhelantes testantur. Mellis syluae passim abundantissimae, stipitibus enim cauatis ubiq; mella roscida depromuntur. Armentis, gregibusq; & feris omnigenis redundans. Eam antiquitus Allani, Goti, Getae, Cuman, Poloni, & Roxolani incolebant. Circassorum reliquiae adhuc extant, ad Boristhenem fluuium.

Has praecipuas ciuitates, arcesq; haec Regio  
complectitur.

**CAMYENIEC** ciuitas Moldaviae finitima, diuinaque fere manu inter arduas, cliuosasq; rupes condita, portas solummodo duas habet. Arx quoque natura & opportunitate loci rupe petrosa, undiq; cincta, quam unā cum ciuitate Smotricz fluuius praeterlabitur, fossaq; profundissima naturali cingitur. Arx ipsa muro, propugnaculisq; munita. Ciuitatem uero rupes altissima, saxosa, accessuq; ardua inexpugnabilem facit, quam ita suo ambitu includit, ut minime adium, quamuis eminentiorum tecta apparent. Saepius ab ea Tartari, Valachiq; & Turcae cum ingenti strage & dedecore repulli & fugati sunt. Achocimia Moldaviae arce duobus mil. distat.

**BAR** ciuitas septis circumdata in planicie a Bona Ioannis Sfortiae Ducis Mediolani filia, Sigismundi Regis Poloniae condita, quam a Baro patria appellauit. Arx in colle murata, paludibus late stagnantibus circumdata.

**MYEDZIBOSZ** ciuitas & arx ampla lignea, inter paludes latissime stagnantes sita, ad quam nisi pontibus peruenitur, a Tartaris saepissime infestatur.

**BREZANIA** oppidum ligneum, arcem in colle muratam habet.

**TREBOVLA** ciuitas sub monte altissimo sita, arcem in colle eminenti habet.

**CHMIELNIK** ciuitas lignea stipitibus circummunita, arx lignea in planicie ad Bog fluuium (Herodoto Hypanis dictum) sita, a Camyeniec 20. mil.

**BRASLAVV** ciuitas & arx lignea, uallo, fossaq; circummunita, eam Bog fluuius praeterlabitur.

**VINNICZA** ciuitas lignea unā cum arce uallo circumsepta, ad Bog fluuium sita. Haec duae arces praeter ceteras a Tartaris Praecopensibus saepissime infestantur, districtusq; amplissimos qui pro Palatinatibus computatur, & uexillum peculiare bellicum cinericei coloris, stemmate Magni Ducatus Lithuaniae insignitum habent.

SVINIGROD



SVINIGROD arx cum ciuitate lignea in campestribus sita, ibidem munitiones sunt plurimæ in campestribus desolatis sitæ, contra Tartaros latrocinantes arcendos. Tandem *Circassi.* ultra Bog fluuium (qui Herodoto Hypanis dicitur) Circassorum & Canowciurum reli- *Conowcij.* quia, longo tracto ad Boristenem extant in campestribus desolatis, quæ 200. miliaribus Polonicis nullis syluis, collibusue & munitionibus cōspicua, ad Tanaim, paludesq; Meotidis, & Pontum Euxinum Tartarosq; Præcopenses, & Crimscenses usq; extenduntur.

Senatores Podolia præcipuos tres duntaxat habet, Episcopum Camenecensem, Palatinum Podoliæ generalem, & Castellatum Camenecensem:

Vexillum terrestræ Solem stellis duodecenis, in campo albo circumdatum pro Stemmata gestat.

## LECTORI.

**N**E te tua opinio fallat Lector candide, me hic uniuersum Regnum Poloniæ absolute descripsisse. Ego enim hic Prouincias principales, quæ olim pro Ducatibus habebantur, nunc uerò in Palatinatus redactæ sunt, descripsi, ciuitatesq; & arces præcipuas Regias, in quibus causæ iudiciales nobilium celebrantur enumeraui. Hæ uerò prouinciæ plurimas, frequentissimasq; ciuitates, arces, & oppida, tam Regis quam Nobilium, Magnatum, Episcoporumque complectuntur. In singulis autem terris & ciuitatibus districtualibus superius enumeratis administratores causarum iudicialium, à Rege substituuntur: utpotè Capitanei Generales, qui uices Regias supplent, Iudex & Subiudex, Notarius, Subcamerarius, Camerarius terrestris. Hij omnes causas nobilium absoluunt, exceptis capitibus criminalibusue causis, quæ ad Regis edictum in Comitata Generalia relegantur. Sunt quoque plures alij terrestria, Regiaq; munia obeuntes, quos hic recensere longum esset. Sunt quoque in Poloniæ Regno Comitatus plurimi, utpotè Comitatus in Tarnou, in Gorka, in Tenczin, in Melstin, in Sidlowiecz, & id genus alij.

REGNI POLONIAE, MAGNIQVE DV-  
CATVS LITHVANIAE, REGIS CVM SEN-  
toribus suis, in Senatu, ordo.



**P**OLONIAE Regnum in Sarmatia Europæa (ut diximus) amplissimum, potentissimumq; cum alijs multis præclaris rebus, tum modo gubernationis à cæteris omnibus Regnis differt, in quibus Reges sine Senatus consilio & equitum consensu, ex uoto priuato legem omnibus ferunt, & nisi uirtute innata regantur, in tyrannidem facile prolabuntur. In Polonia autem ut Reges non nascuntur, sed communibus Senatus & equitum suffragijs eliguntur, ita etiã sine auctoritate eorundem nihil decernere possunt, quamuis sint potentissimi, & militibus uoluntarijs superbissimos quosq; Reges superantes. Soli enim Poloniæ Principes inuictissimi reperiuntur, ex solis uoluntarijs Nobilibus ducentorum millium quotiescunq; opus fuerit, exercitum fortissimum & omni genere armorum promptissimum sine ullis stipendijs cōtra hostem educere possunt. Nobilitas namq; uniuersa omnibus soluta uectigalibus, bellica tantummodo munera obire pro aris & focis tenentur, quod si uoluntarij milites non sufficerent, de suis proprijs gentibus trecenta millia mercenariorum conscribere possunt. Ita cum sit potentissimus Rex Poloniæ, tamen secundum legum, & Senatus præscripta uiuere tenetur, sicque Regnum amplissimum, Regio imperio, Regia uerò Maiestas & Potestas uicissim Senatus, & Nobilium libertate temperatur, intra æquitatisq; terminos omnes ordines Regni cum ipso Rege continentur, quod si Rex quandoq; ab officio suo defleceret, & publicas libertates suorum opprimere aspiraret, auctoritate Senatoria, qui ad hoc attentandum iuramento sunt obligati, prohibetur, & ita Rex Poloniæ grauissimis Senatorum consilijs nititur. Senatores uerò ipsi, & uniuersi Equites uicissim Regiam Maiestatem reuerentur, amant, honorant, & uitam ac possessiones priuatas uniuersas funditus pro sanitate & bono illius effundere parati sunt. Senatores autem uoto Regis (penes quem est summa & maxima iuris dicendi auctoritas) ex præcipua & illustri totius Regni Nobilitate, generis & uirtutum commendatione delecti, exacto fidei sacramēto, in Senatum eliguntur. Principes autem & præcipui Regni Senatores, sunt Archiepiscopi, & Episcopi, propter uenerandam Ecclesiastici ordinis Maiestatem, auctoritatemq; & opes quibus affluunt, præstantissimas: Hij in Senatu in utrumque Regis latus circumfident. Archiepiscopi autem duo sunt in uniuerso Regis Poloniæ imperio, Gnesnensis Regni Primas, & Legatus natus Romani.



Romani Pontificis in Sarmatia uicem tenēs, qui ad uetusta superiorum temporum memoria, coronandi Regis ius habet. In Rulsia uerò nigra, secundus Archiepiscopus est Leopoliensis, ubi sedes metropolitana Cracouia translata est anno Domini 1075. in curia Lamperti Zulæ Sancti Stanislai prædecessoris. Episcopi tredecim non secus ac Principes maximi, omni rerum copia excellentes, in tota Polonia Monarchia reperiuntur, Cracouiensis minoris, Posnaniensis maioris Poloniarum, Vladislauiensis, qui & Cuiavia, Pomeraniaeque, Vilnensis Lituaniae, Plocensis Masouie, Vuarmiensis, Culmēsis, Prussiae, Præmisliensis, Lucaorientis, Chelmenis, Kiouiensis Rulsie, Samagitie, ultimus Camenecensis. Hi ordinē omnes Regi assident, nisi quod Posnaniensis, cum Vladislauiensis, antiquam dignitatis litem teneant, idē alternatim locum mutant. Episcopos ex ueteri priuilegio Castellanus Crocouiensis subsequitur, militarium procerum Princeps, deinde Palatini, quorum maior Cracouiensis, & Vilnensis, palatinos uerò quidam Castellani præcipuē intermixti. Tunc demum alij Castellani maiores, & minores, quos recēdere longum esset, ordine loca sua occupant, qui non castris, ut ipsa uocis Etymologia sonat, sed minoribus prouincijs Senatorio iure, & nomine Regio præsumt, extraque ipsam auctoritatem, dignitatemque (quæ est prima post Palatinos) paruum sui officij quæstum reportant, quauis illius, cui præsumt prouincie, Domini appellantur, nihil enim præter Reipublicæ (quod uerē Senatorū est) commoda querunt. Castellanos, Archimarschalci, Marschalcique supremi totius Regni officarij sequuntur, qui sunt Polonie, & Lituaniae de utroque imperio bini, terrestres uidelicet, & Curiales. Marschalcorum officium est, curare totius aulae, & omnium conuentionis tranquillitatem, inter proceres, & aulicos Regios partiri ædes urbium, Regi quocumque eunti, baculos erectos singuli præferunt, & ut quisque officio suo apud Regem fungatur, prouident. In Senatus consessu omnia animaduertunt: quod si supremi Marschalci abfuerint, Curiales eorum officium adimplent. Cancellarij, & Vicecancellarij Marschalcos ordine sequuntur, utriusque gentis, qui sunt similiter bini, & bina sigilla. Horum officium est Priuilegia, immunitates, prærogatiuas à Rege alicui datas, literas similiter Regias cōscribere, scriptas Regi oblatas pronunciant, quibus à Rege subscriptis illi sigillum affigunt. Omnes autem literæ ac Priuilegia in Magni Lituaniae Ducatus Cancellaria, Rutenicis characteribus absoluuntur, apud Polonos uerò Latine (cuius linguae sunt peritissimi) omnes causæ describuntur. Præcipua quoque est dignitas in Senatu summorum, generaliumque militiae Ducum, quorum in Polonia unus, in Lituania Magno Ducatu secundus, rerum potiuntur, penes hos summa omnium exercituum imperij sita est, in qua autoritate Regia plenipotenter utuntur. Hos demum Campiductores de utroque imperio singuli, qui sunt campestris militiae Duces. Est etiam summus maioris Poloniae præfectus, siue Generalis, similiter Samogitia, & terrarum Rulsie præfecti, quo honorum gradu non nisi Principes uiri, & de Patria optimi meriti à Rege donantur. Cooptantur quoque in Senatus classem prouinciarum de utroque imperio Officiarij, utpotē iudices, qui causas nobilium munere Regio dijudicant, Pincernæ, Succamerarij, Dapiferi, Secretarij, Vexilliferi, Scribæ, Tribuni militum, Exactores, Thesaurarij, & cæteri, qui singuli singula officia in prouincijs assignatis exequuntur, & pariter cum iudicibus prouincialibus particularia, certis temporibus anni, assignata iudicia, qui termini, siue Roki uulgo dicuntur, exercent. Ensisifer quoque Regni, & Vexillifer Curiae Regiae, qui Curiale uexillum in bello deferunt, non postrema dignitate funguntur. Non etiam autoritatis frustrantur honore ipsi Secretarij, Scribæque, siue Protonotarij Regij. Insuper cubiculi, stabuli, culinaeque Magistri, suis dignitatibus in Senatu consultu gaudent. Ciuitatum, Oppidorum, Arcium Regiarum, Prouinciarumque præfecti, Referendarij supplices libellos, & subditorum querelas ad Regem, & Senatum deferentes, summisque Regis Secretarius, & Referendarius, salinarum fodinarum, & metallorum Præfecti non ignobili certē dignitate potiuntur. Legati quoque prouinciarum, & ciuitatum præcipuarum, ab uniuersis ordinibus de singulis prouincijs nomine totius Nobilitatis electi, suas in senatu partes occupant. Equites quoque, & Patritij uiri iuuenes uirtutibus, & genere præstantes aulici, qui in aula Regia seruientes in præstandis quotidianis officijs Regi operam nauant, stipendiaque merentur. Insuper Cubicularij, siue Veredarij, qui cum Epistolis Regijs per omnes prouincias, amandati uelocissimè discunt. Demum stipendiarij, & satellites, siue collaterones Regie uitæ custodes: postremum auctoritatis locum obtinent. Omnibus autem Senatoribus sub fidei iuramento, & amore patriæ eadem est perpetua, & constans tuendæ publicæ libertatis, & propagandi imperij, uoluntas. In Senatu cum de Republica deliberant libere, & sæpius acerrimè sententias dicunt, Regem imprudentius regnantem obiurgant, atque uno consensu sanctissima maiorum instituta, & communis Patriæ charissimas leges ad extremum uitæ defendunt.



CAPITANEI Generales in minori Polonia 40. in maiori 30. in Ducatu Masouia  
12. quæ officia nulla successione, sed ex Regis gratia in benemeritos de Republ. confe-  
runtur: hî enim prouincijs præsunt, & nobilitatem, Regia authoritate, pro tribunali iudi-  
cant, omnesq; prouentus Regios exigunt, & in thesaurum referunt.

REGNO Poloniae saluberrima aura fauet, omniumq; rerum ex terra nascentium fer-  
tilissima est, cuius ubertatem cæteræ regiones transmarinæ affatim persentiunt, ad quas  
frumentum grandi copia, de Polonia nauibus aduehitur. Pecoribus quoque omnis ge-  
neris, uenationibusq; abundat, ita ut Saxonia, cætereq; gentes Germanorum, Poloni-  
cis bouibus uictitent. Incolæ habitum uariarum, diuersarumq; nationum more gestant:  
præcipuè uerò, Italicum, Hispanicum, Hungaricum, qui illis peculiaris est. Alij Germa-  
nico, Turcico, Moschouitico, Bohemicoq; more uestiuntur, diuersas enim & repositissi-  
mas prouincias peragrant, unde uarios mores in patriam inferunt. Viri sunt excellentis-  
sima industria præditi, uariarumq; gentiû idiomata callent: imprimis uerò linguæ Latine  
peritissimi, qua ut uulgari maiori ex parte in ciuitatib. & pagis passim utuntur, idq; omni-  
bus diuitibus, ac pauperib. peculiare est, quod imprimis pueros literis imbuendos, appri-  
meq; ad consumptionem, sedecim plusuè annorum in pulueribus scholasticis commit-  
tunt, sumptibus pro Magistris minimè indulgendo: unde linguam Latinam omnes ferè  
congruè callent, idq; ea de re maximè obseruatum crediderim, quod uulgaribus literis,  
uel scripturis, in sacris ac prophanis rebus nunquam utantur, omnesq; leges tam ciuiles,  
quàm nobilium, ac uillanorum, & ipsa Cancellaria Regni ac Castrensis, Latinis literis o-  
mnia expedit, atq; ideo factum est, ut passim docti omnes euaderent. Habent præterea  
Poloni, & Lituani linguæ Latine inflectionem propriam, & perfectissimam, ut Latina-  
rum dictionum sonum propriè ad iustum accentum, expressionemq; secundum literas  
ipsas, quadam cum gratia, & dulcedine, inflectere, ac proferre queant. Qua de re Polo-  
nia omnium ferè gentium studia uicisse uidetur, quod rarus esset, qui Latinas literas non  
calletet, deinde Germanicum, Hungaricum, ac passim Italicum, & magna ex parte Gal-  
licum, Hispanicumq; extra uulgare suum Sarmaticum idioma nesciret. Equites in orna-  
mentis equorum, armorum, uestibusq; præsumptuosis plurimùm delectantur. Campe-  
stri prælio alacrius hostem quemlibet paruis & magnis copijs adoriuntur. Castra etiam  
artificiosè collocant curribus in gyrum arcè dispositis, adeo ut in illis tuti non aliter atq;  
in arce firmissima includuntur. Viri sunt bellicosi, strenui, hostisq; quamuis ualidissimi  
impauidi. Armatura maiori ex parte Hungarorum more utuntur, clypeosq; qui totum  
hominem equo insidentem tegunt, & hastas oblongas gestant, pluresq; inter eos tantæ  
animositatis reperiuntur, ut unus alium quamuis toto exercitu suorum profligato, ad  
mortem usq; non deseruerit, sed uterq; strenuè dimicando honestè occumbere, quàm tur-  
piter fugere mauult. Prout in Moldauia duobus fratribus germanis, Strusouiczij dictis,  
Polonis Equitibus euenit, qui ab exercitu suorû aberrantibus cum quinquaginta com-  
militonibus, inscîj in multitudinem Valachiorum inciderunt, à quibus undique circum-  
uenti, in primo cōgressu unus occubuit: alter uerò strenuè dimicando euasit: sed cædis  
fratris germani recordatus, in exercitum Valachiorum conuersus, acies eorum fortiter  
diserberabat, & quamuis euadendi facultas iterum ei pateret: tamen honestius cum fra-  
tre occumbere, quàm euadere maluit. Melstinijs quoque, cū Vitoldus Dux Lituaniæ  
multitudine Tartarorum fugaretur, ex fuga audacter conuersus in confertissimas ho-  
stium acies sese coniecit, multisq; hostium trucidatis, tādîu strenuè dimicauit, donec pro-  
fus telis confoderetur, equoq; deiceretur, 1397. ut latius patet in Lituaniæ Ducum de-  
scriptione. His etiam multi limiles in gestis Polonorum reperiuntur, quos sigillatim re-  
censere infiniti laboris esset. Id uerò illic maximè non solum inter fratres, sed inter socios  
fideles reperitur, prout nuper Vilnæ in Lituania me præsentē euenit, duobus adolescen-  
tibus, per plateam ciuitatis pergentibus intempesta nocte, duo alij armata manu occur-  
rerunt, ubi inter defendendum unus aduersarium suum interemit, aufugitq;. Socius ue-  
rò illius captus, cædisq; damnatus, in locum decollandi postridiē ducitur, cumq; iam car-  
nifex gladio euaginato staret, ille reus cædis, qui profugerat, accurrens dixit: sinite hunc  
innocentem abire, ego enim hanc cædem perpetravi, itaq; ille genua flectens à Spicula-  
tore decollatus est, innocens uerò liberatus.

Nobiles humilioris fortunæ, iniurias à Magnatibus illatas nō patiuntur, nam quam-  
uis pauperrimus nobilis extiterit, amicis, cognatisq; suis collectis, quàm maximum ma-  
gnatem debellare potest: non solum enim possessiones pro necessitate amici exponunt:  
sed etiam uitam suam pro eo morti, uarijsq; periculis obijciunt, qua de re magnates in Po-  
lonia, non parui, sibi pauperem uulgum Nobilium ducunt: in Lituania econtrā, Nobi-  
les humilis fortunæ magnatum sunt serui. Accidit in Polonia, me præsentē, quod qui-  
dam

Poloni studio-  
rū amantissimi.



dam magnæ authoritatis uir, Dominus Ioannes Luthomirski, Thesaurarius Regius supremus, Capitaneus Lanciciensis, & Radomiensis, Castellanusq; Siradiensis, quosdam pauperes Nobiles, Mikolaiewsczi dictos iniuria affecerat, qui collecta manu consanguineorum, cum magno comitatu proficiscētem occiderunt, in frustaq; dissecarunt. Cumq; hic Nobilis, aut honore priuandus, aut capite plectendus pro prædicto facinore esset, honorem uitæ preferens, citatus ad Comitā Lublini celebrata, alacriter comparuit, ibiq; honorem integro ex sententiā Regis, decollatus est. Quod si huic genti nimia commessationes, & diuitiarum plusquam liberales prodigæ profusiones, inebriationes non obfuerint, omnes ferè gentes uirtute innata, & ingenij Heroicis superarent, sed unus pro sanitate alterius (prout illis mos est) bibens, poculum magnum funditus exiccat, quamuis natura interdum repugnante, sicq; hæc eorum mutua charitas, quam illi maxime in conuiujs celebrāt, eos multoties sanitate priuat, multisq; ex nimia inebriatione infirmitatibus corripuntur. Cum enim unus alteri pro sanitate præbuit, non solum poculum uitreum, sed ligneum, uel figulinum, capiti illidit, tandem postridie surgens infirmitate correptus, uinum incusat, amphoræ oblitus, quam ad caput colliserat. Multi quoq; inter eos, præcipue in Ducatu Masouia reperiuntur, qui sese alterutrum bibere ui complectant, dicentes, aut mihi præbibe, aut mecum armis decerto: interim uerò alius arma, quam poculum, quem natura recusat, alacrius eligit.

Aulicorum ministrorum, seruatorumq; tantas uniuersi Sarmatæ præsertim Poloni, Masouitæ, Lituani, & Ruteni fouent turmas, ut nunquam sperares, eos educari posse, qui nullum aliud officium agunt, nisi Dominum aliquo migrantem, comitari, uel aliquo amandati munus iniunctum obire, à cæteris seruitijs prorsus liberi, immunesq;. Mechanicum opus nobilis seruitori ingenuo, quamuis pauperrimo obire non patitur, nec demandat, quod si aliquis minus discretus seruitori negotium minus honestum, mechanicumue iniunxerit, rusticum sibi ad id muneris inueniendum oportere, se uerò honesto seruitio minime abdicaturum, respondit. Et ideo Nobiles Nobilibus, paresq; genere ac uirtutibus, paribus plerumq; inseruiunt, cum honesta, & nobilia seruitia obeunt, contra occident alium gentium consuetudines, apud quas nobiles nobilibus turpe inseruiiri putant, quod mechanica seruitia, quicquid Dominus demandauerit, odire cogantur. Apud Sarmatas uerò, qui melius bibit pro sanitate Domini, ille melior cæsetur minister, & postquam Dominus mensæ accubuerit, & seruitores statim ordine seruato accumbunt, aliquandoq; tres, quatuorue mensas occupabunt, quibus liberaliter fercula opipara apponuntur, ut quilibet aulicorum tres seruitores sua portione educare possit, quam ipse saturatus puero à tergo stanti, in quadra laute porrigit. Aulicus enim quilibet seruitores aliquot, & pueros habere solet, & illi seruitores, alios seruatores, pueri, pueros, ad quantum usque ordinem, ad mensam eiusdem Domini omnes cibaria sumentes, & salaria recipientes, & plerunque maiori ex parte, nisi ad mensam inseruiunt, peracto prandio, uel cena, saturati inclinatis de more gentis coram Domino genibus, capitibusq; adapertis, quod uolunt, discurrunt, & quandoque triduo, quatrduoue, uel integra hebdomada Dominus seruum in tabernis, uel in comitiua occupatum non uidebit: raro tamen ubi fuerit, interrogatur, & si interrogatur, respondit, se pro sanitate Domini hilariter bibisse, ad quæ Dominus subridens gratias agit, & plerunque liberaliter huiusmodi remuneratur. Quodam tempore accidit, cum quidam Episcopus per thesaurarium suum aulicis, & seruitoribus salaria, siue stipendia secundum consuetudinem ad unamquamque partem anni, persolueret, astantibusq; omnibus ordine suo, quidam latrunculus (qui eadem in aula nemini seruiens uersabatur, bibens, & comedens quotidie ad mensam Episcopi) cæteris seruitoribus salaria expetentibus se intermiscuit, quibus aduersus eum murmurantibus, quod nemini seruiens stipendium expectaret: Episcopus illum interrogat, cuiam inseruiret, & quid negotij obiret? Qui respondit: tibi Reuerendissime Domine inseruio, & id quod alij strenuus adimpleo. Qualem sit seruitium Episcopo interrogante, dixit: quotidie bis in die laute ad mensam tuam comedo, & bibo. Cui Episcopus subridens stipendium persoluit.

Nobiles legibus Castrensibus, & terrestribus à Regibus suis constitutis, utuntur, ad ciuitatesq; prouinciales, & districtuales, quas superius enumerauimus, citantur, nomine Capitanei illius Regia munia obeuntis, qui arcu, prouinciæq; præest, hosq; terminos Castrenses appellant. Ad terrestres uerò terminos, qui rariùs celebrantur, in anno sex inter quatuor uicibus, nomine Regis in eandem arcem citantur, ubi à iudice terrestri uices Regias adimplente iudicantur. Ciues uerò in ciuitatibus Imperatorijs legibus, quas Magdeburchenses appellant, utuntur.

Atq; hæc nobis de regno Poloniæ breuiter dicta sufficiant: quod multis de causis tota *Conclusio.*

d a Reip.



Reipub. Christianæ utilissimum est, à gentibusq; uarijs crudelissimis Tartaris, & Turcis uidelicet, munitissimum propugnaculum Germaniæ præsertim regionibus.

PROVINCIA RV M, SEV PALATINATVVM LITVANIAE, ciuitatumq; præcipuarum descriptio.

Amplitudo Lituanie.

Lituanie in Palatinatus diuiditur.

Vexillum Ducatus Lituanie.

**L**ituanie ab Oriente Russiæ, Moschouiæ Duci subiectæ, contermina est, ab Occidente Podlasiæ, Masouiæ, Poloniæq; & Prussig, nonnihil in Septentrionem reflectendo adhæret, à Septentrione Liuoniæ, Samogitiæq; à Meridie Podoliæ, Vuolinæq; Russiæ regionibus adiacet. Porro Lituanie regio est amplissima, plurimos Ducatus, regionesq; & prouincias diuersis nominibus appellatas, suo nomine complectens, & Vitoldi Magni Ducis temporibus à Ponto Euxino, Tauricæq; Chersoneso ad sinum usq; maris Baltici, pelagumq; Curlandiæ, Liuones, & Prutenos uersus fines suos longo tractu extendebat. Omnis autem Magnus Ducatus Lituanie in Palatinatus, & districtus certos, siue prouincias, ubi iudicia particularia, & terrestria, prouincilibus exercentur, non secus, ac Polonia diuisus est. Hi uerò districtus, & Palatinatus pro Ducatibus, (ut quondam temporibus plurimorum Ducum erant) computari possunt, & unusquisq; Palatinatus suum vexillum, quo in bello utitur, habet. Eundem quoque colorem, & lignum omnes districtus, siue prouinciæ, qui in eodem Palatinatu continentur, in uexillis suis repræsentant, nisi quod Palatinatus uexillum maius est, cum duobus cornibus, districtuale uerò minus simpliciter protensum cum uno cornu.

Primo itaque uexillum Magni Ducatus Lituanie peculiare, & quadriangulare, ad differentiam cæterorum, sexaginta ulnas sericeæ telæ rubeæ continet, in medio insigne proprium, hominem uidelicet armatum, equo albo uelociter currenti, insidentem, gladiumq; super caput manu extensa tenentem gestat, desuper stemmatis pileus Ducalis: ex altera uerò parte uexilli pro insigni, imaginem Diæ uirginis Mariæ in sole cum puero habet.

Vexillum supremi Ducis exercitus eiusdem amplitudinis, quadriangulare quoque coloris laurini eodem stemmate Magni Ducatus, ex una partium in campo rubeo, (campus hic locus Stemmatum intelligitur) ex altera Diui Stanislai Episcopi Cracouiensis imaginem gestat.

PALATINVS VILNENSIS.

Vilna descriptio.

Vilna fluius. Vilna fl.

Episcopi Lituanie Romani.

Episcopi Ruthenici.

**V**ilna urbs, caput & Metropolis totius Lituanie intra colles ad confluxum Vilnæ (à quo nomen habet) & Vilnæ fluiorum sita, muroq; circumducta, ipsa quoque murata. Arces duas insigniter muratas ad iunctas sibi habet, quarum una inferior, (hæc q; ampla, & sumptuosissime extructa) altera superior, in colle eminentissimo condita: eas enim ex una parte Vilna, ex Oriente fluens, ex altera Vilna fluij ibidem concurrentes, præterlabuntur. Porro Vilna, quæ nomen urbi dedit, minor est: Vilna uerò est amplior, & nauigabilis, quod merces ex Vilna nauibus, Gedanum Prussiae emporium celeberrimum, deportantur. In hac urbe plurima templa Romanæ obedientiæ, & Ruthenorum ritus magnis sumptibus extructa. Episcopalis sedes in Basilica arcis cathedrali diuo Stanislao dicata. Metropolitanus quoq; Russiæ ibidem sedem suam in Basilica Ruthenici ritus præcipua, titulo diæ uirginis Mariæ insignita retinet. Porro in toto Lituanie Magno Ducatu, quinque sunt Romanæ obedientiæ Episcopatus, utpote Vilnensis, Samogitiensis, Kiouienensis, Lucensis, & Ianouienensis. Septem præterea præpositurae, siue Parochiæ insigniores, à Vladislao Iagielone, (qui primus Lituanos baptisauit) fundatae, & dotatae, utpote Vuilkomerensis, Misogoliensis, Nemenensis, Mednicensis, Kreuensis, Obolcensis, & Haynensis. Archiepiscopus, qui supradictis Episcopis Lituanie præest, Leopoli in urbe Russiæ sedem suam habet. Ruthenici uerò ritus in Lituanie, & Russiæ, Polono Regi subiecta, septem sunt. Metropolitanus, siue Archiepiscopus Vilnæ, sedem suam habet. Episcopi uerò, quos Vuladicas Rutheni appellant, hi sunt, Polocensis, Volodimiriensis, Lucensis, Pinscensis, Kiouienensis, Præmislensisq; & Leopoliensis, qui etiam Metropolitanæ titulo utitur: horum mores, habitum, Religionem in Moschouiæ descriptione de Religione Russiæ uidebis.

Vilnensis Palatinatus uexillum rubeum est, & bicornè. 35. ulnas telæ sericeæ continens, ex una parte in campo albo Magni Ducatus insigne gestat, ex altera Columnarum antiquæ gentis stemmate insignitur.

In hoc Palatinatu tres sunt ingentes districtus, siue prouinciæ, Osmianensis, Bratislauiensis, & Vilcomerensis, horum quilibet proprium uexillum, quo nobilitas districtualis in bello utitur) habet.



**OSMIANA** oppidum ligneum à Vilna 7. mil. abest, territorium ad se pertinetis satis amplum habet, in quo sunt complura oppida Regia, & Nobilium. Vexillum rubeum simile Vilnensi, sed cum uno cornu, Stemmata Magni Ducatus in campo albo insignitum gestat.

**VILKOMERIA** oppidum ligneum ad Swienta fluuium situm. Curia est in ea iudicialis, in qua causæ nobilium disceptantur. Arx per Crucigeros Prusiienses exusta nunc in scopulo uestigia eius apparent. Prouinciā amplissimā, ad 25. mil. patentem habet, in qua sunt oppida complura Regia, Nobilium, Spiritualiumq. Vexillū quoq. rubeum, Stemmata Magni Ducis ex una parte ornatum, ex altera Diui Michaëlis imagine insignitum defert.

**BRATISLAVIA** ciuitas lignea, arcem sibi adiunctam in scopulo ad lacum amplissimum conditam habet. Vexillo rubeo, Nobilitas districtus Bratislauiensis, cum Stemmata Magni Ducatus in bello utitur. A Vilna 20. mil. distat. Ikaźnia arx murata, & ciuitas lignea ad fluuium eiusdem nominis, à Bratislauiā 2. mil. distat. Driswiat arx ad lacum amplissimum eiusdem nominis sita, à Bratislauiā 5. mil. abest.

#### PALATINATVS TROCENSIS.

**TROKI** ciuitas lignea, muro, cuius adhuc ruinae apparent, quondam circumdata, sed à Crucigeris Prusiiensibus cum munitione deuastata. A Vilna sex miliaribus distat, arcem habet in lacu satis opportunitate natura loci munitam, ad quā nisi nauibus peruenitur. In ea olim sedes Ducum Lithuanie erat, postea in Vilnam translata. Est quoq. aliud oppidum eiusdem nominis quatuor à Vilna miliaribus, ad Vacam fluuium, quod ad differentiam huius noue Troki dicitur. In hoc Palatinatu quatuor sunt ingentes districtus, Grodnensis, Couensis, Lidenis, & Vpitiensis.

*Distri-  
censis.*

**GRODNO** ciuitas lignea, arcem muratam in scopulo sitam habet, quam Nemen, siue Cronon fluuius celebris, & nauigabilis præterfluit, unā cum ciuitate. Eo merces Gedanum ex regionibus Lituaniæ, nauibus deferuntur. Territorium Grodnense satis amplum est, quod pro Ducatu olim habebatur. Vexillo lasurini coloris unicorni correspondens Palatinali, Stemmata Magni Ducatus insignito utitur.

**COVVNO** ciuitas lignea insignis, plures tamen in ea domus reperiuntur lapideæ, ad confluxum Nemenis, & Viliæ fluuiorum nauigabilem sita, arcem muratam antiquitus in scopulo conditam habet. Vexillum quoq. lasurini coloris in bello Nobilitas districtualis gestat.

**LIDA** oppidum ligneum districtuale, arcem muratam, in qua iudicia nobilium celebrantur, habet, districtus Lidenis. Vexillum quoq. lasurini coloris in bello gestat.

**VPITA** ciuitas lignea prouincialis, districtum amplissimū cum multis oppidis complectitur. Vexillo cæteris sui Palatinatus districtibus simili in bello utitur.

Vexillum Palatinatus Trocensis bicornis, 35. ulnas telæ sericeæ lasurini coloris continet, Stemmata Magni Ducatus in campo rubeo insignitur.

#### PALATINATVS MINSCENSIS.

**MINSKO** ciuitas lignea amplissima, arx ex roboribus, extructa natura, & opportunitate loci munitissima, fossa profunda circumducta, eam fluuius quidā molendinis frequens præterlabitur. Vexillum huius Palatinatus purpurei coloris bicornis, Stemmata Magni Ducatus in campo albo insignitur. Districtus quoque eius Recicensis, quem unum complectitur, simile vexillum, sed unicolorne gestat.

**KEIDANOVV** arx cum oppido à Vilna 25. miliaribus.

**RADOSKOVVIC** castrum cum ciuitate. Hic Rex Poloniae Sigismundus Augustus copias armatas numerosas centū millia superantes recensuit. Anno Domini 1568.

**BORISSOV** ciuitas lignea, arx ex roboribus extructa, munitissimeq. propugnaculis, parietibus quaternis intrinsecus terra, lapidibusq. impletis firmata, fluuiō Berelina opportunē circumducta. A Vilna 40. miliaribus distat. Vexillo prouinciali caret, sed in ea milites prædiani, contra incursum Moschorum cōtinuō asseruantur, ad eam enim Moschus fines suas pertinere contendit.

**LOHOISKO** ciuitas cum arce lignea, à Borissou 8. mil. distat.

**SVVISLOCZ** castrum cum oppido ad fluuium eiusdem nominis.

**BOBROISKO** arx cum ciuitate, ad Beresinam fluuium.

**ODRVCZKO** arx in colle eminenti lignea, olim pro Ducatu computabatur, nuncq. plures nobiles Russi titulo huius Ducatus utuntur.



## NOVOGRODENSIS PALATINATVS.

**N**OVOGRODEK ciuitas ampla lignea, quondā secundis genitis Principum Lithuaniae attributa erat, nunc in Palatinatum redacta est. Vexillum bicornē rubei coloris Stemmata magni Ducatus, in campo albo insignitum in bello gestat. Districtus duos Slonimensē, & Vuolkouiscensē complectitur.

SLONIM ciuitas, & munitio lignea, olim secundo genitorum Magnorum Ducum Lithuaniae erat, & pro Ducatu cum suo territorio computabatur, postea in prouinciam redacta est. Vexillo rubeo unicorni Stemmata Magni Ducatus insignito prouincialis nobilitas utitur.

VVOLKOVISKO ciuitas ampla, curia in ea iudicialis ubi causae nobilium disceptantur. Vexillum quoque rubeum Slonimensi simile habet.

MSCZIBOVV oppidum, & arx lignea in stagno naturali loci munita, planicie circumdante, à Vuolkowisko 2. mil.

Oppida plurima hinc Nouogrodenensis tam Regia, quam nobilium cum suis districtibus praedictis complectitur.

## PALATINATVS BRESTIENSIS.

**B**RESTIA ciuitas ampla lignea, in finibus Lithuaniae sita, contermina Podlasiæ. Arcem ligneam amplam sibi adiunctam habet, naturā, opportunitateque loci munitam, & duobus fluuijs, quorum unus Muchawiecz; alter uero Bug uocatur, opportunē circumdatam.

Vexillum bicornē lasurini coloris, in campo rubeo, Stemma Magni Ducatus insignitum gestat, unum duntaxat amplissimum, tamen districtum Pinicensē uidelicet complectitur.

PINSKO ciuitas lignea satis ampla ad fluuium Perepetum sita, qui multis oppidis Russiae praeterlapsis, in Boristhenem fluuium amplissimum defertur.

Hæc ciuitas cum suo territorio quondam inter principatus Russiae computabatur, à Gediminoque Magno Lithuaniae Duce subacta, secundo genitorum Principum Lithuaniae erat, nunc in prouinciam est redacta. Nobilitas prouincialis uexillo lasurini coloris, Stemma Magni ducatus insignito utitur.

Præpetus arx, & ciuitas ad fluuium eiusdem nominis sita.

## VOLINIA REGIO.

**V**OLINIA inter ceteros Russiae Principatus, gentem bellicosiores habet. Est autem Regio amplissima, frugum omnigenarum abundans, syluis ferigenis, stagnisque piscosis referta, ad Magnum Ducatū Lithuaniae pertinebat, sed nunc Regno Poloniae adiuncta est. Hic uero populi à Vualga fluuiio amplissimo, qui Moschouitas à Tartaris determinat (prout in deductione Polonorum latius dictum est) in hanc regionem uenerunt, quam à suo nomine, (Vulgari enim à Volga dicebatur) Valgariam, postea successu temporis, Voliniam nuncupauerunt. Viri sunt strenui, & bellicosi, Ruthenico Idiomate, moribusque & Religione utuntur. In tres districtus, siue prouincias hæc regio diuiditur, Lucensem, Volodimirensem, & Cremenecensem. Vexillum huius regionis bellicū principale bicornē est, purpurei coloris in campo albo Stemma Magni Ducatus Lithuaniae insignitum. Prouincialia quoque uexilla eundem colorem, & Stemma referunt, nisi quod unicornia sunt simpliciter protensa.

Voliniae deno-  
minatio.

LVCKO ciuitas prouincialis lignea, sede Episcopali Ruthenorum, & Romanae obedientiae clara, arces muratas duas in colle eminenti habet.

VVOLODIMIRIA oppidum ligneum, munitioque quoque ligneam, ad paludes sitam habet, quondam pro Ducatu habebatur.

KKZEMENEC ciuitas ampla lignea, castrum quoque ligneum, argila circumlinitum habet.

Hæc autem ciuitates prouinciales complura oppida, & munitiones ad se pertinentes complectuntur.

CHABNO arx, & oppidum ad Vssam fluuium situm.

OVRVCZI castrum, & ciuitas ampla in colle.

OLEVSKO arx, & ciuitas ad Huberczia fluuium.

ZITHOMIR arx lignea in colle condita.

KOREC arx, & ciuitas lignea, pro Ducatu olim cum suo territorio computabatur.

KA



KAMIENIEC munitio, in colle sita.

ZBARASZ arx, & ciuitas olim sui iuris erat, cum suo territorio, & pro Ducatu nunc etiam computatur, pluresq; Nobiles, & Domini huius Regionis Ducum titulo à suis ciuitatibus utuntur.

## PALATINATVS KIOVIENSIS.

**K**IOVIA vetustissima, amplissimaq; urbs ligneis septis circumdata, olim totius Russe metropolis, ad fluuium celeberrimum Boristenem sita, à Vilna centum uiginti miliaribus Polonicis distat. Eam quondam magnificam, & planè Regiam fuisse, ipsæ ciuitatis ruinæ, & monumenta, quæ sex miliaribus patent, indicant. Apparent adhuc hodie in uicinis montibus, & collibus Ecclesiarum, monasteriorumq; & ædificiorum desolatorum uestigia. Præterea cauernæ quædam subterraneæ uastissimæ, longo tractu subtus terras extensæ, quas quidam octuaginta miliaribus proterendi dicunt, in his plurima antiqua sepulchra, corporaq; illustrium quorundam Rusiæ uirorum, (quamuis antiquitùs posita) carie tantum consumpta, integræ tamen apparent: præcipuè uerò duorum quorundam Principum cadauera, in uestibus gentili more, prout uiui ambulabāt, integræ uelut recens, posita apparent. Sicq; insepulta in specu iacent, quæ peregrinis, & aduenis à monachis Ruthenici ritus ostenduntur. Iuxta hanc urbem arx satis munita, ex roboribus, & lapidibus, terraq; ad Boristenem constructa est. Porro Kiouienſis tractus amplissimus est, quinquaginta miliaribus Polonicis, plusuè patens, olim sui iuris Principem habebat: nunc in Palatinatus formam redacta est. À Kiouia in Meridiem reflectēdo, Circass ciuitas lignea ad Boristenem sita occurrit, eius incolæ Circassi dicuntur, longoq; tractu, iuxta Boristenem degūt. Rutheni sunt, (aliq; tamen ab his, qui ad Pontum Euxinum in montibus habitant) uiri bellicosi, & strenui, cum Tartaris Præcopensibus, sibi in uicinio adhærentibus, frequenter belligerant, in prouinciasq; eorum excurrunt, & prædas, iumenta uidelicet abigunt: distat autem ciuitas Circass à Kiouia uiginti quinque miliaribus Polonicis. Supra Circassos septem miliaribus per Boristenem ascendendo. Kaniw oppidum uiris bellicosis circumquaq; habitantibus clarum occurrit, 17. miliaribus à Kiouia abest. Infra Circassos, & Kaniouienſes nullæ habitationes Christianorum sunt. Campeſtria enim desolata colonis uacua, ipsis solummodò feris domicilium præbētia, quadraginta miliaribus ad Oczakou usq; castrum & ciuitatem in ostiis Boristenis sitam, patent. In Oczakou autem ciuitate, & circumquaq; in campeſtribus Tartari Præcopenses degunt: ipsa uerò ciuitas cum arce Turcicis præſidijs (quamuis Tartari eam incolant) tenetur, & hucusq; Lituanorum colonia, Vitoldi temporibus erat, sed ad rem, unde digressus sum, redeo.

*Circassi bell-  
cosi Rusi.*

*Kaniw.*

Kiouienſis Palatinatus Vexillum bellicum uiride bicornè, Stemmata Magni Ducatus in campo rubeo: ex alia uerò parte urſo in campo albo insignitum gestat. Districtum unum duntaxat Moserenſem amplissimum tamen habet.

MOSER ciuitas prouincialis, ampla lignea, ad fluuium Perepetum condita, qui duodecim miliaribus supra Kiouiam hausto fluuiò piscoſo, Tur dicto, Boristenem influit: à Kiouia triginta miliaribus Polonicis distat, à Bobransko totidem, à Mohilou uiginti, ab Orsha uigintifex. Vexillo Mozerenſis districtus uiridi, prout suus Palatinatus utitur.

## MSCZISLAVIENSIS PALATINATVS.

**M**SCZISLAWIA ciuitas lignea, ad fluuium Sofam dictum sita, arcem quoque ex roboribus apprimè munitam habet. In ipsis finibus Moschouia iacet, idè præſidiarij milites in ea continuo asseruantur. Vexillum huius Palatinatus crocei coloris est, Magni Ducatus Stemmata in campo rubeo insignitum, districtualibus ciuitatibus caret: plurima tamè oppida, & arces complectitur, quondam sui iuris Principem habebat, sed nunc in prouinciæ formam redacta est.

Nunc castra ad Boristenem sita breuiter recensēbimus.

DAMBRONVNA prima arx à Moschouia finibus ad Boristenem, cum oppido sita, à Smolensko decem quatuor miliaribus abest, ab Horsha quatuor.

ORSHAM in Vuitebliēſi Palatinatu describēmus.

KOPYSZ castrum cum oppido ad Boristenem, ab Orsha quatuor miliaribus distat.

SKLOVV arx cum ciuitate ad Boristenem, à Kopisz duobus miliaribus distat, pro Comitatu computatur. Vnde se illustris ac magnificus Dominus Ioannes Chodkiewic Comitem scribit.

MOHILOVV arx cum ciuitate ad Boristenem sita, sex miliaribus à Sklou.

d 4 BYCHOVI



BYCHOVV castrum cum oppido ad Boristhenem sita, à Mohilouu duodecim miliaribus.

RECZYCZA arx cum oppido ad Boristhenem sita.

STRISSIN arx cum ciuitate ad Boristhenem.

LV BETZ arx ad Boristhenem sita.

VISZEHOROD arx ad Boristhenem, à Kiouia tribus miliaribus abest.

VITEBSCIENSIS SIVE VITEBLIENSIS  
Palatinatus.

**V**itebsk ciuitas satis ampla lignea, ad Dwinam fluuium insignem, & nauigabilem, quo merces omnigena Rigam Liouoniae Metropolim deportantur, sita. Arces duas amplissimas naturae, & opportunitate loci munitissimas habet, quarum una inferior in planitie sita, ciuitatis formam amplitudine referens dicitur. Altera superior in colle eminentiori condita, utraq; propugnaculis, & parietibus ex roboribus extructis, terraeq; & lapidibus impletis, supellectilib; bellica, tormētis, & bombardis apprime munita. Eas una cum ciuitate ab Oriente fluuius Dvina opportunè præterlabitur, in quam sub ipsa arce ex altera parte Viczba fluuius exoneratur. Hæc arx omnium arcium finitimarum, totiusq; Lituaniae est fortissimum propugnaculum contra incursum Moschorum: in ipsis enim finibus hostium iacet. Sæpius ab ea Moschouita cum suo ingenti damno fugati, repulsiq; sunt. Quatuor in ea præfecti, siue ductores militum pedestrium asseruantur, in quorum ego numero cum patre meo Ambrosio Guagnino, quingentenariae cohortis decem annis præfectus eram. A Vilna octuaginta miliaribus distat, quondam sui iuris Principem habebat, & pro Ducatu computabatur, nunc in Palatinatū redacta est. Vexillum uiridis coloris bicorni, Stemmata Magni Ducatus in campo albo insignitum gestat. Districtum siue prouinciam unam duntaxat complectitur Orshensem uidelicet.

ORSHA ciuitas lignea ampla, ex una parte stipitibus præacutis munita, ex altera Boristhene fluuiio alluitur, arcem munitam & muratā sibi adiunctam habet, quā ab una parte Boristhenes, ab altera Orshicza fluuius (qui nomen ciuitati indidit) præterfluit, à Vuitebska 18. miliaribus abest. Vexillo uiridi, prout suus Palatinatus, in bello utitur.

SVRAS castrum inter Dunam, Casplam, & Surascam situm, à Vitebska octo miliaribus superius Orientem, ad Moschouiam uersus procedendo. Tandem Occidentem uersus à Vuitebska 14. miliaribus occurrit.

VLA arx in conflictu Vlæ (à qua nomen habet) & Dunæ fluuiorum, à Moschouitis olim fundata, possessaq; & à nostris sæpius frustra tamen tentata: postea à Duce Romano Sanguskowicz inopinata irruptione capta, exustaq; & à nostris restaurata.

TYROVLA castrum Moschorum ad fluuium eiusdem nominis, & Dunam munitissimè sita: à Poloczka tribus miliaribus abest.

SVSZA arx Moschorum ad lacum eiusdem nominis, Moschouitis Copia dicitur.

CZASNIKI castrum, & oppidum ligneum, ad Vlam fluuium situm, à Susza quatuor miliaribus abest.

SIENNO arx cum oppido à Czaśniki sex miliaribus distat.

LEPLO arx, & ciuitas bene munita, in lacu quasi peninsula condita, à Czaśniki septem miliaribus abest.

CIOICZA munitio ad lacum eiusdem nominis.

CRASSNE arx Moschouitica à Ciotecza uno miliari sita.

VVORONIEC castrum cum oppido ad Vfaczam fluuium situm, à Poloczka tribus miliaribus.

STRYZOVV munitio ad lacum ingentem sita.

PALATINATVS POLOCENSIS

**P**oloczek olim ciuitas lignea amplissima, stipitibus, septisq; ligneis circumdata, ad Dwinam fluuium condita, arcem ligneam naturae, & oportunitate loci munitissimam, turribus & propugnaculis firmatam habet, quam ab una parte Dvina, ab altera Polota, à qua ciuitas nomen sortitur, præterfluit. Milites in ea præsidarij à Rege Poloniae frequenter asseruabantur, ciues & mercatores in ea ditissimi erant, sed Anno Domini 1562. Ioannes Basiliades Magnus Dux Moschouia, eam ui tormentis bellicis admotis, strenua oppugnatione: obsidium uerò indiligenti, & oscitanti defensionē, in ditionem suam redegit, Polonisq; præsidarijs liberè dimissis, Lituanos, & Ruthenos ciuitatis incolas, ceterosq; qui illuc, uelut ad asylum cōfugerant, in Moschouiam uinctos



vincos abduxit, prædamq; dictu incredibilem auri, & argenti illinc asportauit, hæc ciuitas cū arce, & suo territorio, in Moschouia Principis ditione permanet, usq; ad an. 1579. Mense Aug. quo tempore Step. Bator Rex Pol. strenue (ut postea dicitur) cum toto territorio recuperauit. Habebat olim sui iuris principem, & pro Ducatu amplissimo computabatur, purpurei coloris stemmate Magni Ducatus insignitum in campo albo nobilitas provincialis, quæ Regi Poloniae Magno Duci Lithuaniae subest, in bello gestat.

V S A C Z a munitio ad fluuium eiusdæ nominis, & Dunam sita, à Poloczka tribus miliaribus distat.

D I S N A arx ampla, uallo forti, & inexcusso circumdata, rebusq; bellicis apprime munita, Disna, & Duna fluuiis opportunè circumluitur: ciuitas quoq; inter eosdem fluuios uallo, stipitibusq; præcutis, & propugnaculis munita, à Poloczka sex, à Vilna quadraginta miliaribus distat.

D R I S S A arx cum oppido circumsepto, ad fluuium eiusdem nominis, & Dunam, sex miliaribus à Disna sita.

D R V H A munitio cum oppido, ad eiusdem nominis fluuium, & Dunam à Drissa sex miliaribus abest.

Ab hac arce Lithuaniae fines, & arcēs ad Dunam sita, incipiunt, quas suo loco descripsimus, Lithuaniae quoq; & Samogitia ditione in Occidentali ripa Dunæ iacet. Samogitiam itaq; describendam ordiemur, quæ moribus, uitæq; consuetudine, & idiomate Lithuaniae similis est, eiusdemq; Principatus.

#### DVCATVS SAMOGITIAE.

**S** Amogitia Regio satis ampla, proxima Lithuaniae, à Septentrione Lithuaniae contermina est, mariq; Baltico, siue Germanico ab Occidente, nonnihil in Septentrionem reflectendo adiacet: Prussia quoq; in uicinia habet. Nullo castro munito insignis est, ciuitates tamen in ea cum pagis tam Regiæ, quàm nobilium complures sunt. Huic regioni Praefectus, siue Capitaneus supremus, à Rege Poloniae magno Duce Lithuaniae præponitur, neq; temerè is, nisi grauissimas ob causas officio mouetur, sed quoad uiuit, perpetuò manet. Episcopum habet Romanæ obedientiæ. Agrestis turba in humilibus casis, ipsq; oblongioribus uitam ducit, in quibus ignis in medio accensus ardet: ad ignem uerò paterfamilias cum domesticis, seruisq; sedit, iumenta, & totam suppellectilem domesticam cernit. Solent enim sub eodem, quo ipsi habitant tecto, sine ullo interstitio pecora habere. Maiores eorundem cornibus animalium, Vrorum uidelicet, pro poculis utuntur. Audaces sunt, & strenui homines, & ad bellum prompti, loriceis, alijsq; plurimis armis, præcipue autem cuspidē uenatorum utuntur, equos adeò paruos habent, ut uix credibile sit ad tantos labores eos posse sufficere, quibus foris in bello, domiq; in colendis agris utuntur. Terram non ferro, sed ligno proscindunt, quod eò magis mirandum, cum terra eorum tenax, & non arenosa sit. Araturi ligna complura, quibus uomeris loco utuntur, secum portare solent, scilicet ut uno fracto, aliud atq; aliud, ne quid in mora sit, in promptu habeant. Quidam ex prouinciæ praefectis, quò prouinciales grauiore labore leuaret, multos ferreos uomeres fabricare fecerat: cum autem eo, sequentibusq; aliquot annis segetes quadam coeli intemperie expectationi agricolarum non responderent, uulgi agrorum suorum sterilitatem ferro uomeri pertinaciter adscribebat, nec aliud quicquam in causa esse putabat. Praefectus eorum uulgi seditionem timens amoto ferro suo, eos more agros colere permisit.

Prouincia hæc nemoribus, syluisq; abundat, in quibus horrendæ quandoque uisiones fieri dicuntur. Mel nusquā melius, nobiliusue, quodq; minus caræ habeat, albumq; sit, quàm in Samogitia reperitur. Syluæq; illuc summas diuitias ferunt: stipitibus enim cauat, mella passim promuntur. Sunt etiam nunc illic inter agrestes, idolatra complures, qui serpentes quosdam quatuor breuib; lacertarum instar pedibus, nigro, obesoq; corpore, Giuoitos patria lingua dictos, tanquam penates domus suæ nutriunt, eosq; domo illustrata certis diebus ad appositum cibum prorepentes, cum tota familia quoad saturati in locum suum reuertantur, timore quodam circumstantes uenerantur. Quod si aduersi illis quid acciderit, serpentem deum domesticum malè acceptum, ac saturatum esse credunt.

Accidit hoc nuper in Lithuania sex à Vilna miliaribus, in pago quodam iuxta ciuitatem Troki, quod quidam Christianus ab eiusmodi serpentis cultore, aliquot aluearia apum emit, quem cum ad uerum Christi cultum multo labore adduxisset, utq; serpentem, quæ colebat, occidere persuasisset, aliquantò post, cū ad uisendas apes suas eò reuersus fuisset, hominem facie deformatum, ore aures tenus miserabilem in modum diducto offendit, tan-

Habitationes  
Samogitarum.

Mos arandi  
grcs.

Samogitia syl-  
ua.

Samogita  
dolatæ.

Miraculum.



dit, tanti mali causam interrogatus, respondit se quod serpenti deo suo domestico manibus nepharias intecisset, ad piaculum expiandum hac calamitate puniri, multoq; grauiora, si ad priores ritus suos non rediret, eum pati oportere. Est etiam quatuor à Vilna miliaribus Lauariski uilla Regia, in qua à multis adhuc serpentes coluntur. Hæc quamuis non in Samogitia, sed in Lithwania gesta sunt, pro exemplo tamen adduxi.

Ritus gentilis  
Samogitarum.

Agrestis turba in Samogitia sacrificium quoddam, solennesq; epulas gentili more sub finem Mensis Octobris collectis frugibus, quotannis celebrant hoc modo. Ad locum conuulso, epulisq; sacris delectum, omnes cum uxoribus, liberis, & seruis conueniunt, mensam forno supersternunt, desuper panes apponunt, & ex utraq; panis parte duo ceruicis uasa statuunt. Postea adducunt uitulum, porcum, & porcā, gallum, & gallinā, & cætera domestica iumenta, ex ordine mares, & foemellas. Hæc macant gentili more ad sacrificandum hoc modo: In primis augur siue incantator quispiam, uerba quædam proferens, animal uerberare baculo orditur: deinde omnes, qui ad sunt, iumentum per caput, pedesq; baculis uerberant: postea tergum, uentrem, & cætera membra concutiunt, dicentes: Hæc tibi, ô Ziemienik deus, (sic enim illum dæmonem agrestis turba appellat) offerimus, gratiasq; tibi agimus, quod nos hoc anno incolumes, & omnibus abundantes conseruare dignatus es: nunc uerò te rogamus, ut nos quoq; hoc anno præsentis fauere, tueri ab igne, ferro, peste, & inimicis quibuslibet defendere digneris. Postea carnes iumentorum ad sacrificium maceratorum comedunt, & ab unoquoq; ferculo antequam comedant, portiunculam amputant, & in terram, omnesq; angulos domus proijciunt, dicentes: Hæc tibi, ô Ziemienik, nostra holocausta suscipe, & comede benignus. Omnesq; tunc temporis lautissimè sollemniter, & opipare epulantur. Hic uerò ritus gentilis, & in Lithuania, Russiaq; ab agrestibus, quibusdam in locis obseruatur. Mare quod Samogitiam alluit Baltæum, à quibusdam Germanicum, ab alijs Prutenicum dicitur, sinus Balticus propriè nuncupatur. Interluit enim Cimbricam Chersonesum, quæ Germanis *Iutland*, Latinis *utia* uocatur. Alluit quoq; Germaniam, & omnem Pomeraniæ regionem, atq; longo tractu Liuiam, Curlandiam, regionesq; quasdam Moschorum Principis, Swetiam, Philaudiam, Daniamq; circumluit. Huius regionis Samogitiæ, Rex Polonus, magnus Dux Lituaniæ titulo utitur, uexillum album bicornè Stemmata Magni Ducatus Lituaniæ, in campo rubeo insignitum, Samogitia in bello gestat. Incolæ regionis, omnibus ferè cum Lituanijs uestiuntur habitu cinericio, moribus, regione, idiomate parua differentia interiecta, utuntur. Ideo nunc ad describendos mores Lituaniarum orationem dirigemus.

Mare Samogitarum.

Fluuij Lituaniæ.

Lituania admodum syluosa est, prout & Samogitia, paludes, lacusq; ingentes, & amplissimos in quibusdā locis maris, formam referentes, habet. Præterea multos fluuios nauigabiles, quorum alij Orientem uersus, utpotè Bog (Herodoto Hispanis dictus) Perepetus, Tur, Swislocz, & Beresina, in Boristenem uulgo Dnepr, dictum exonerantur. Boristenes uerò pluribus fluuijs haustis in Oriente, tandè in Meridiem decurrēs, in Pontum Euxinum illabitur. Alij uerò Cronon uulgo Niemen dictus, Vilia, Karcw, Bug, in Occidentem nonnihil in Septentrionem reflectēdo decurrunt, in mareq; Germanicum iuxta Gedanum celeberrimum emporium Prusiæ exonerantur. Dzwina autem Ptolomæo Rubon ex Moschouia ortus, à Riga duobus miliaribus eidem mari commiscetur.

Tributis Lituaniarum.

Animalia in Lithuania omnis generis parua sunt, gens misera maximè in uillis, & pagis graui seruitute oppressa: nam ut quisq; famulorum caterua stipatus, domum coloni alicuius ingressus, impune quiduis facere, res ad uitæ usum necessarias capere, absumere, crudeliter etiam colonum uerberare potest. Colonis quauis de causa, ad dominos suos absque muneribus aditus non patet, quod si etiam admittantur, ad præfectos, & officiales relegantur, qui nisi munera accipiant, nihil boni decernunt, & unumquodq; uerbum iudicis in Lithuania, aurum est. Coloni quinque dies, aliquando sex, dominis suis laborant, dies uerò Lunæ priuato labori conceditur, atq; ut plurimū diebus dominicis (nulla enim Diuorum festa agrestes obseruant) quoduis opus absoluunt: agriculturam exercēt, segetes, prataq; metunt, trituant, & id genus alia. Hoc uerò & in Russia peculiare est, quod si interrogaueris, quare Dominico die laboras: respondere solent: Nonne & die Dominico comedere oportet? Imperatam pecuniam quotannis ter, quaterq; pro defendēdis Regni finibus pendunt, à dominis quoq; tributis adinueticis grauius onerantur, pane atro & uilissimo siligine unā cum spicis commolita: utuntur molendina, siue pistrina manualia agrestes in pagis trina, quinaue domi habent, eisq; ad commoliendas fruges utuntur, dumq; hæc molendina manibus uertunt, patrio more, agrestem quendam concentum edere solent, dicentes: melior, hocq; uerbum frequentius ad cantilenæ similitudinem repetunt: id uerò est tam uiris, quam mulieribus peculiare, quod de illa re, quam tunc in opere

Molendina Lituaniarum.



in opere habent, cantilenas agrestes canant. Tubas quoque ligneas oblongas habent, quas inflantes, mirum quendam, & dissonum concentum edunt, aliquandoque unus duas in simul tubas, harmonia quadam correspondente inflat.

Omnes ferè Litواني, & Samogitæ, Liouonesque uestitu uili cinericio, communiter utuntur, ut cum turmatim uulgum stantem in foro conspexeris, neminem nisi cinericia ueste indutum uidebis, coturnosque ex tiliæ libro, uel ex pellibus iumentorum, unâ cum setis detractis conficiunt. Currus leues absque ullo ferri ministerio conficiunt, & omnia compangunt, arboreis gomphis, & ligna coacta uicem ferri complent. Rotasque ex uno ligno in gyros aptas contorquent. Pinguedine, uel pice unquam linunt currus, & quando multi simul uehuntur, mirus quidam concentus querulorum axium longè auditur, Versus.

Neque linunt Rutheni quæculos pinguedine currus,

Haud picis auxilium stridulus axis habet.

Auditur ueniens longè crepitare Colassa,

Sic fragiles currus, Ruisse uocare soles.

Nam faciunt habiles, uno uectore quadrigas

Inuectas Rutheni, quas equus unus agit.

Nec facile inuenies ferrato hærentia clauo

Palustra, facit ligni cuncta ministerium,

Et sine ferri iussu pangunt sua plaustra terebris,

Et lignum ligno consolidare solent.

Fruumenta omnis generis, primò in calidissima cassa, fumo exsiccant, & postea in horreo coram extructo excutiunt.

#### ARANDI, SEMINANDI'QUE MODVS IN RVS- sia alba Moschouiae confini, & in Magno Ducatu Lituanie.

**I**mprimis agros hoc modo præparant, circa festum Diuorum Petri, & Pauli in æstate, ad festum usque assumptionis Mariæ: nemora, myricesque excindere solent, quam excisionem arbuſtorum uulgariter *Lada* appellant, eam si nemus densum fuerit, stramine supersternunt, per hyememque sic durare patiuntur. Vere autem postea redeunte, post Paschatis festum sole torrido aliquot diebus ingruente, illam prostrationem prædictam arbuſtorum, stramine supposito, superstratoque succendunt, & in cinerem cõburunt: ubi uerò terra non combureretur, illic nihil ferè nasceretur, ideo ligna incombusta congerunt, instruemque composita, denuò succendunt, sicque in illa terra combusta, & inculta collectis, duntaxat carbonibus, & titionibus superfluis, triticum seminât primò, & supra sementem, uno equo iuncto aratro arant, & occant, in Russia uidelicet. Litواني enim bo-  
bus cornibus aratrum trahentibus arare solent, tantaque ibi fœcunditas dictu incredibilis subsequitur, ut Cererem in illis regionibus natam affirmares. Eodem modo & hordeum seminatur, metitur, & colligitur, nisi quod crassiora nemora pro hordeo excinduntur, & pinguiorem terram, magisque triticum exigit. In huiusmodi autem agris per annos sex, uel octo fimo, stercoreque non superposito seminare solent.

Quod si arbores nimis altæ, & crassæ in ea sylua, ubi seminaturi sint, essent: utpotè pinus, fraxini, roboræ, & id genus aliæ, eas non succindunt, nisi frondes, ramosque circumsecant, ne Solem agro præriperent. Rusticus uerò unus omnes arbores una semel ascensa circumsecabit non descendendo: instrumentum enim ad id factum, quasi sedile, ad stapede similitudinem secundum proportionem hominis sedentis factum, arbori fune longo appendit, sicque sedens à puero, fune alio ab arbore ad arborem, facile transfertur, habetque ad latus alligatum lignum curuum, ad id studio præparatum, quo arbori appropinquatus, firmiter eam apprehendit, quâ à uertice ad radicem usque circumsecat, & frondes illas eodem modo supradicto æstate redeunte, succendit, & seminat.

Siliginem postea seminant Hyemalæ, super hæc culta noualia, tritico uel hordeo collecto, sed duobus uicibus ad siliginem arare coguntur, quam seminare incipiunt circa festum assumptionis Mariæ, 15 Augusti, quod si segnis agricola non absoluerit seminationem ad aliud festum natiuitatis Mariæ, in quatuor hebdomatis sequente, 8. Septembris, die, tunc fructifero prouentu consueto frustratur. Hanc seminationem siliginis Hyemalem appellant: Vere enim redeunte, aliam Aestiualem uocatam, seminant.

Est quoque alius seminandi mos nuper adinuentus, in prædicta prostratione, succisio-  
neque nemorum superius descriptorum, hoc modo: Duabus partibus hordei, tertiam siliginis intermiscere solent, quam commixtionem Vere instante, tempore consueto seminant, ea-



*Mirus seminandi  
modus.*

nant: eadem æstate hordeum solummodò demetunt, siliginem uerò subter hordeum ad modum graminis paulatim densissimè crescentem per hyemem durare sinunt, quæ sequente æstate adeò fecundissimè, densissimeq; excrefcit, ut equo uix eam densitatē penetrare possis, & ex uno grano triginta, plusuè ipicæ pullulare in tantam altitudinem solent, ut uir equo insidens, uix ex ea appareat. Omnes uerò agros Ruteni uno equo iuncto aratro, proscindere solent, terra enim per se nimis facilis est.

Hic autem ordo in seminandis frumentarijs, in tota ferè Sarmatia obseruatur: primò post festum Paschæ triticum seminant, postea siliginem æstiualem dictam, ab æstuali seminatione, uulgariter larzycza appellatur, ad differentiam hyemalis siliginis, quæ (ut diximus) pro festo assumptionis Mariæ seminatur ad hyemem futuram, unde uulgariter Ozimina dicitur. Ex hac si æstate seminaretur, nihil prorsus nasceretur, & econtrà si æstiuallis ad hyemem pro hyemali seminaretur (quamuis sibi grano similes essent, & eiusdè quasi naturæ uiderentur) nulli usui esset, sed in gramen inutile uerteretur.

Hanc itaq; æstiualem circa festum Paschæ seminant, secundum agri possibilitatem, præparationemq; Poloni, Lituani, & Ruteni nigri, cum Masouitis, & Prutenis propter solisq; beneficium, & regiones temperatiores priori seminatione, longè antecedunt, Rutenos albos, & Moschouitas in Septentrione degentes, qui ob intemperiem aëris posterius his omnibus seminare coguntur, at tamen interdum eodem tempore agros demetunt. Hoc autem mirum est, quòd siliginem seminantes æstiualem, post Paschatis festum interdum, aliquot elapsis hebdomatis, tamen eadem æstate, ut decet maturam quasi per octo duntaxat hebdomatas demetunt, colligunt, & recondunt.

Pisa circa ferias diui Adalberti seminant, uulgariter Groch dicta, quam ad longum usum exsiccata referuant.

Auenam, & hordeum post Pentecostes festum seminant, quæ uulgariter Owies dicitur. Hordeum leczmien appellant.

Cicer undecim post Pascha hebdomatis elapsis ante Diui Petri festum seminatur. Tartarka Polonis, Grecicha Ruthenis & Lituaniis dicitur.

Rapæ circa Diui Ioannis Baptistæ ferias seminantur. Et omnia eadem æstate seminata colliguntur, trituantur, triturationq; in domibus recòduntur, ita ut granum ex penu ad seminandum depromptum, in decem aliquando, in octo hebdomatis secundum Solis clementiam ad penu, unde exiuit, reuertitur, agricolæ suo centuplum fructum referens.

*Recondendi  
frumenti Polono-  
rum mos.*

Poloni omnes, Rutheni nigri, (quorum Metropolis Leopoldis est) Masouitæ, Sylefij, Pruteni, & Lituani quidam in horrea, & aceros magnos recondunt frumenta, & aliquando apud bonum patremfamilias quadringentos, sexcentosue aceros, quasi turres quadriangulares eminentes reperies, ad quindecim, plusuè interdum annos reconditi frumenti plenos.

*Lituani, &  
Moschouite  
quomodo re-  
condunt fru-  
menta.*

Sed Rutheni albi, Moschouitæq; omnes, & Lituani statim de agro in penu frumenta defalcata, & trituratione congerunt, & recondunt, quidam in cauernis subterraneis, in abditis sylvarum studio ad id effosis, & intus benè cum corticibus arborum adaptatis, frumenta, insuper omnia uictuaria, carnes porcinas falsas, & id genus leguminum ad uictum pertinentium, uestesq; & præcipuam supellectilem recondere solent, præsertim belli tempore, ubi miseri coloni securi sint ab incurfu hostili frequenti, & rapinis suorum militum.

*Supplicij su-  
mendi modus.*

Hoc autem apud eos in uilis præcipuè obseruatur, si quis fortè capite damnatus fuerit, de seipso iubente Domino supplicium sumere, suisq; manibus se suspendere, etiam si recusauerit minis, uerberibusq; exagitatus cogitur. Atq; hæc nobis de Lituaniis sufficiant. Hic tibi, Lector candide, sciendum restat, quod in hoc magno Ducatu, qui Polono Regi cū uniuerfis suis prouincijs subest, plurima sunt oppida, & castra tam Regia, quam Nobilium, Ecclesiasticorumq; quæ hic non sunt posita. Hic enim nos solummodò prouinciales, insignioresq; ciuitates, & arces, quæ olim pro Ducatibus cum suis territorijs habebantur, descripsimus. Sunt præterea complures duces particulares in Lituania, Comitatusq; ex quibus Slucësis Ducatus celeberrimus est. Princeps enim illius, quauis Regi Polono Magno Lituaniæ Duci sublit, & ad quæuis mandata Regis exequenda paratus fuerit, rerum tamen in suo Ducatu, qui 30 miliaribus Polonicis in longitudinem patet, integrè potitur, & thesauro priuato cum Italiæ, Germaniæq; quibusuis Principibus magnis, facile adæquari potest. Sunt quoque Duces alij plurimi insignes, quorum respectu Magnus Ducatus Lituaniæ dicitur, ex ijs primas obtinent, Illustres, & Magnifici Domini Radiuilones, Dominus Nicolaus Radiuilus, in Bierze, & Dubingij Dux, Iumen Patriæ, & alter Cicero, Hectorq; Lituaniæ, Palatinus Vilnensis, & Illustis Hæros Nicolaus Christopherus Radiuilus, Dux in Olika, & Neswiez, Comes in Schidlowiec,

*Slucsko in  
Rusia ciuitas,  
& Ducatus.*

Mare



Marschalcus Curiae dignissimus, fraterq; suus idem Dux, Deigratia Episcopus Vilnensis designatus, Georgij nomine gaudens. Ille quoq; alter Scipio Illustris Heros Dominus Ioannes Chodkiewiczus, comes in Sklow & Mels, Castellanus Vilnensis, Archimarschalcus magni Ducatus Lithuaniae, exercituumq; imperator & gubernator Liuaniae, ac Capitaneus Samogitiae generalis uirtutum speculum insigne, Martisq; & Mineruae alumnus. Insuper multos alios Heroum antiquorum, quorumuis dignitatem adaequantur Duces, & uiros Insignes Lithuaniae celeberrimus Principatus fouet, quos sigillatim recensere ut difficile ac longum, ita minus necessarium nobis uidetur.

## ARTICVLI CONSTITVTIONVM BELLICARVM

Magni Ducatus Lithuaniae in Comitibus generalibus constituti, a Supremoq; & Generali copiarum Imperatore fortissimo, & Heroe perpetua memoria dignissimo, Illustri Domino Gregorio Chodkiewiczio, Castellano Vilnensi confirmatae, & militibus imperatae.

BENEVOLO LECTORI S. D. P.

**H**IC quoq; Lector Candide, leges militares in Comitibus generalibus Magni Ducatus Lithuaniae solenniter constitutas, tibi ut potuimus summa cum diligentia descripras, breuiter, dedicamus. Tu uero hos nostros sudores boni consule, maiora ac cepturus.



**M**ILIS qui se obligauerit seruitio Sacrae Regiae Maiestatis, debet in eo ad tempus praescriptum perseverare. Si uero longius seruitium militare inditum, protractumq; fuerit: Miles autem seruire amplius nolens in primo quartuali non indicauerit, tunc indictum seruitium sequentis quartualis adimplere tenebitur. Articulus primus.

2 In alterius armis nemo audeat seruire, sub poena amissionis honoris.

3 Si quis e Castris discesserit, seruitio non finito, nobilis ille si fuerit, honoris: plebeius uero capitis poena puniatur. Ille autem qui eiusmodi hominem occiderit, praesertim non habentem literas a Campiductore, siue Rotmagistro suo, iuste ab eo factum censebitur.

4 Lites, discordiasq; milites alterutrum seminare non audeant, sub graui poena.

5 Quod si aliquis ex militibus, precipue uero pedestribus, arma sua stipendiaria, quibus hostilis impetus arcetur, lusu alearum amiserit, uel si eques equum militiae destinatum perdiserit, tam lucrator, quam amissor uterq; suspensionis poena puniatur.

6 Quicumq; in Campiductorem, siue Rotmagistrum suum, Decurionemue, uel etiam seruum in Dominum suum, manu aut uerbis inhonestis sese commouerit, capitis poena plectatur.

7 Si quis in custodes Castrorum impetum fecerit, uel custodiam demandatam obire renuerit, aut ad custodiam sine uoluntate Campiductoris abierit, capite puniatur, excepto si excubiae ordinariae illum peruenerint.

8 Quicumq; uulnerauerit aliquem in ductu legionum sub extensione uexilli, poena honoris & capitis puniatur.

9 Quicumque pedester in custodia locum suum non tenuerit, aut causa alicuius suae necessitatis inde discesserit, uel si in ordinatione aciei, excubijsue obdormierit, uel officium iniunctum indiligenter, oscitanterq; obierit, circumspectori excubiarum liberum erit talem interficere. Si autem Campiductori oblatus fuerit, capitis poena puniatur, honoreq; priuetur.

10 Si quis in custodiam campestram destinatus, siue ex muro cum hoste collocatus fuerit, sine uoluntate Campiductoris, conuictus testimonio, pro eiusmodi facinore capitis poena puniatur.

11 Si aliquis miles ex thesauro Sacrae Regiae Maiestatis de tormentis puluerem globosue, quam de alijs bonis Sacrae Regiae Maiestatis aliquid in usum suum conuertere ausus fuerit, sine quauis misericordia turpi, & uituperoso mortis genere puniatur.

12 Si quis speculatorem ab hostibus missum, in domo sua fouerit, uel de illo notitiam habuerit, talis, omni misericordia semota, in quatuor partes dilaniatur.

13 Quicumque tempore necessitatis siue conflictus a uexillo in fugam sese dederit, aut uerbo aliquo fugiendi causam alicui praebuerit, caput & honorem amittit: similiter qui



ter qui tempore periculi non conseruerit manus cum hoste, puniatur.

14 Si aliquis temerariè in terram hostilem irruerit, uel occasionem hostibus dederit, sine uoluntate Campiductoris, caput amittit.

15 Tempore nominis dati (quod Polonicè Hasto dicitur) unusquisque miles in ordine suo pacificè permaneat. Quod si post hoc extra ordinem comprehensus fuerit, uel si nomen indictum interroganti proferre nescierit, capitis poena puniatur.

16 Dato signo requiei per uocem tubæ, nullos clamores, & strepitus in castris aliquis facere audeat, sub graui poena.

17 Si quis litem aliquam tempore distributionis nominum excitauerit, uel bombardam in hostem exonerauerit, capite plectatur.

18 Tabernæ & nocturnæ comestationes prohibita & uetita tunc temporis sint, sub graui poena.

19 Nemo militum audeat aliquid uiolenter alicui eripere, sub poena suspensionis: quod si aliquid acceperit præter uictum, quod unius grosi pretio constaret, sine quauis misericordia iuguletur.

20 Nemo militum uictus acquirendi causa absq; seruo Campiductoris in uillas audeat discurrere, neue alicui iniuria inferatur, sub poena graui.

21 Hominem alienigenam, aduenam & ignotum nemo in seruitium militare suscipere audeat sine licentia Campiductoris, sub graui poena.

22 Seruitorem alterius commilitonis, siue Decurionis, nullius ad se persuasionibus & promissis allicere audeat, sub graui poena.

23 Nemo militum equos stipendiarios curris iungat, neque causa necessitatis priuatæ, quamuis opportunæ illis uti, uel alicui in usum dare audeat, sine licentia Campiductoris.

24 Aduhentibus uictum in castra, si aliquid per uim raperetur, suspensionis poena esto.

25 Si quis in uiam publicam mercandi, præripiendiq; uictus causa extra Castra abierit, turpe ob lucrum, grauius puniatur.

26 De emptione & uenditione cibi, & potus, Campiductor æstimationem faciat.

27 Quicumq; ante æstimationem aliquid emerit, emptor pecunijs, uenditor mercibus priuetur: similiter & de eo intelligendum est, qui cariori pretio quam Campiductor constituerit, aliquid uendere ausus fuerit.

28 Satellites à Campiductore missos, ad comprehendendum malefactorem, nemo uerbis inhonestis proscindere audeat, sub graui poena. Similiter administratori iustitiæ Carnifici, nemo illudere audeat, sub poena honoris.

29 Militum præfecti sub poena honoris tenentur indicare, quot milites in legione sua desiderarentur. Arcis uerò siue ciuitatis cuius præsidia agit, incolam aut ciuem ad militiam nemo suscipere audeat, sine licentia Campiductoris, sub graui poena.

30 Unusquisq; militum præfectus diligenter animaduertat, ne arcem fidei suæ conceditam ad ultimum usq; periculum uitæ tradere præsumat, sub honoris & capitis poena.

31 Decuriones, Commilitonesq; si Rotmagister, (quod absit) per signa aliqua castrum hostibus tradere entuerit, illum captum Campiductori præsentare tenentur.

32 Rotmagister, siue militum præfectus, ad refectionem, & occlusionem portarum castris, quotidie præsens tenetur adesse, neminiq; castrum tempore incongruo apperire audeat. Noctu uerò omnes milites congregatos habere in arce tenetur.

33 Nemo in castrum intromittatur, nisi certâ nôticia de illo haberetur, cuius sit, uel ob quam causam uenerit, & si iustam causam dixerit, solus in castrum absq; famulis intromittatur, qui absq; Campiductoris licentia intromitti non possunt.

34 Quicumque militum maximè autem pedestrium deprædationis causa in terram hostilem friuolus abierit, talis poena capitis puniatur.

35 Si alicui custodia ordinaria uenerit, ille autem præsens custodi non adfuerit, capitis poena esto.

36 Si quis custodiæ munus obiens, sequentis custodiæ adeuntē non expectando abierit, temerariè, caput amittit.

37 Cui ex ordine custodiæ obire contigerit, idq; muneris temerariè per ebrietatem, alearumq; lusum neglexerit, caput & honorem amittit.

38 Nemo Rotmagistrum, Commilitonumue extra arcem discedant, militesq; suos ad quamuis legationem negotiorum suorum destinare non audeant, sine licentia Campiductoris, maximè uerò Campiductore ibidem præsentē, sub graui poena.

39 Rem fortè inuentam, nemo apud se pernoctare sinat, sed Rotmagistro, siue Campiductori eam indicet, sub poena patibuli.

40 Quicumq; militū absq; armis, ad quæ stipēdia accepit, ambulauerit, uinculis corrigatur.

41 Nemo



41 Nemo rixas, motusq; aliquos in arce exercere audeat, sub poena atroci, quod si quis aliquem uulnerauerit caput, & pro friuola gladij extractione manum amittit.

42 Ad quamuis iustam emendationem arcis, maxime obsidionis tempore, nemo militum eorum, qui in ea praesidia agentes manent, propter seipsum laborare detractent.

43 Rotmagistri & Decuriones, singuli suos milites semper instruant, doceantq;, quomodo unusquisq; in acie, legitime, ordinateq; stare, & armis suis competentibus commodè uti possit, quod si ex ordine aliquis foras excesserit, caput amittit.

44 Commilitones, siue Decuriones honestè sese obseruent erga Rotmagistrum suum, non solummodò manu, uerum etiam uerbis, similiter & Rotmagister erga eosdem, neminem dehonestando, uerberandoue, sed si quid aliquis peccauerit, in corona omnium Decurionum, sociorumq; eum iudicet & puniat, rebellem uerò Campiductori indicet.

45 Quod si aliquis commilitonum, sociorumue, siue ipse uices gerens, Articulos supra scriptos, honoris & capitis poena praemunitos iuste & legitime non obseruauerit, eum Rotmagister suus, Campiductori sub fide iussione, & nobilitatis honore, ordinate transmittat.

Articulorum militarium magni Ducatus Lithuaniae finis esto.

PRUSSIAE CVM SVIS PROVINCIIS, CIVITATIBVS,  
omniumq; Magistrorum Crucigerorum Teutonisci ordinis,  
iuxta seriem compendiosa descriptio.

DE PRUSSIAE DEDVCTIONE DO-  
ctorum opiniones.

**P**raeclarus ille Germanorum legatus, & orator apud multos extraneos Principes celeberrimus, Aeneas Syluius, qui in Prussia legationem frequenter obibat, scribit in suis Chronicis, quod Prussia rectius & conuenientius, Vlmigauia appellanda sit, & hoc non sine causa: nam populus qui hanc Regionem primò incolēbat, Vlmigauus nuncupabatur. Ioannes autem Boëmus scribit, ab Ortusolis in hanc Regionem populos Amaxobios, Alanos, & Gotos, Venedosq;, siue Vandalitas comigrasse. Mathias uerò Miechouiensis, Polonorum Chronographiae scriptor, lib. 2. cap. 8. refert, Regem Bithiniae Prussam nomine, ab Hannibale Carthaginensi admonitum, ut Romanis bellum inferret, quod cum ille suscepisset, malè ei cecidit. Longè enim plus Romani totius orbis Domini, quam Prussa Rex Bithiniae copijs ualebant, quocirca ab illis adeo cum uniuerso exercitu profligatus est, ut Bithiniam Regionem propriam relinquere cogeretur, & in Vlmigauiam longa peregrinatione uenire, quam à suo nomine Prussiam appellauit. Commemorat, & in alio loco eorundem Chronicorum idem Miechouiensis, multos Romanos in terram istam propter atrocia bella, Romae exorta migrasse, scq; partim in Prussiam, partim in Lithuaniam, Liutoniāq; & Samogitiam diffudisse. Erasmus uerò Stella asserit in hac Regionem gentiles quosdam populos Sargatianos, Gelidanos, Alanos, Venedosq; uenisse, qui omnes in Vlmigauia, non diu tamen domicilium habuerunt. Sebastianus autem Brand Germanorum Chronographiarum scriptor, sic de Prutenis, eorumq; sedibus inquit: Pruteni proximi sunt Vistulae, siue Vandalos fluiui, qui Polonia à Germania determinat, hic fluit ex Silesia, Poloniaq; minori & Masouia praeterlapso per Prussiam Gedanum usq; decurrit, ibiq; in salum mare exoneratur.

Ab æquinoctio itaque Prussiam Saxonia attingit, ab occidente Pomerania, & mare Balticum, siue Germanicum, ab ortu solis Lithuania, à meridie Poloniae regno, & Masouiae Ducatui contermina est, à septentrione Curlandia, Liutoniāq; terminatur. Regio est fertilissima frugum, pecorisq; abundans, incoluerunt illam, (maximè autem iuxta Vistulam fluiui) Vlmigau, Alani, Amaxobij, Gotiq;, ut testis est locupletissimus Ptolomaeus. Hae gentes, in primis immundos spiritus, & prophanas creaturas adorauerunt, usque ad tempora Friderici Caesaris huius nominis 2. cuius consensu & approbatione à Teutonici ordinis Crucigeris, qui primo Mariani uel Pauperiani nuncupabantur perdomiti sunt, & ad fidem Christianam conuersi, anno Domini 1216. de his fusiūs Chronica Pontificum de ordine fratrum Teutonicorum, eorumq; origine legi possunt. Poterit insuper Sebastianus Francus in secunda parte Chronographiae suae uideri.

PRISCA ANTIQVORVM PRVTENORVM religio.

**A**nno Domini 503. Gentilibus Prutenis, siue Vlmigauis, Rex quidam Bruteno dictus, imperauit, qui cum iustos annos ætatis consecutus esset, Regiū sceptrum diutius tenere resignauit, quietam uitam ducere instituens, quocirca fratrem Veidenutum successorem sibi in Regno elegit, traditoq; fratri sceptro, ipse Bruteno



*Kirie Kiriejto*  
nomina Graecorum ex Bithynia idioma personant.

*Processus religionis Prussorum.*

*Petun idolum.*

*Patrimpo idolum.*

*Tertium idolum Patelo.*

*Nurschayto idolum.*

*Sneybrato idolum.*

*Gurcho idolum.*

teno summus sacerdos gentili ritu effectus est, nomenque ei dignitatis inditum fuit, Kirie Kiriejto, quasi dicas proximus noster Dominus. Huic Pontifici suo Pruteni & idolis, praeclaram sanè & cum maximo sumptu habitationem, sub quercu quadam erexerant, locoque Romanæ à Roma nomen indiderunt. Circa hanc quercum octo ulnarum in latitudinem, & altitudinem tela optima sericea extensa fuit, in quam habitationem nemo præter Patriarcham eorum, Kirie Kiriejto dictum, & præcipuos ministros idolorum munia obeuntes intrare poterat. Si autem aliquis inuisendi, honorandi, adorandi uel offerendi gratia ad idola uenisset, tunc constituti Deorum ministri telâ, ut idola uiderentur, à quercu semoueabant. Quercus hæc tripartita fuit inter cæteras syluas quercinas delectissima in loco, (ubi nunc oppidum Heyligenbeil, id est, sancta securis, constructum est) sita erat, ex una parte Prutenorum Deum qui Petuno, id est, fulmè dicebatur, habebant: in huius laudem & honorem ignis ex quercubus construebatur, qui die, nocteque perpetuo ardebat, & nunquam exinguebatur, quod si negligentia ministrorum ad hoc officium præstantium deputatorum ignem extinguere contingeret, capitali supplicio afficiebantur. Ex altera parte collocatum erat Patrimpo idolum, cuius cultus erat in serpente uiuo retinendo, qui lacte, ut eo commodius uiueret, alebatur. Tertia ex parte Dæmoniacum idolum Patelo nomine, situm fuit, huius honor in retinendo alicuius mortui hominis capite consistebat. Habuerunt præterea alios multos Deos quos adorabant, cultusque Diuino prosequiebantur, semper tamen inter querceta holocausta eis offerre solebant, & quod ferè res habebant, tot præsidēs & deos constituebant. Fuit igitur Deus singularis Nurschayto gentilitè dictus, quem magno honore uenerabantur, & pro Lare siue deo domestico turper omnia mobilia, iumentaque utpotè, equos, boues, oues, capras, sues, &c. eum præponebant. Alter Deus fuit Sneybrato dictus, hunc super anseres, gallinas, anates, columbos, pauones, &c. constituebant. Tertium Deum domesticum, Gurcho dictum habebant, is omnibus est ualentis, cibariisque præponebatur.

Præterea tonitruis, lunæ, stellis, serpentibus, bubonibus, & omnibus penè creaturis, diuinum honorem deferebant. Fuit hic populus quondam barbarus & incultus, nec ullam scripturam nouerat, propterea nec fidem adhibebant, si quispiam diceret hominem, homini per literas animum & uoluntatem aperire posse. Potus illorum aqua melli composita, & lac equinum erat, liberales ualde & hospitales aduenis se exhibebant.

#### DIVISIO PRUSSIAE IN XII. DVCATVS.

*Nomina filiorum Vedenuti.*

*Prussia in 12. Ducatus diuisa.*

**A**Nno Diuinæ incarnationis 373. Vedenuto Princeps Prussiae, (qui Bruteno fratri uoluntariè sceptrâ deponenti successit) duodecim filios procreauit, quorum hæc nomina fuere, Saymo, Neydro, Sudo, Blayo, Natango, Barto, Galindo, Varimo, Oggo, Pomiedzo, Colmo, & Lituo. Cumque iam Vedenuto Princeps, centesimum decimum sextum annum attigisset, regiones Prussiae inter filios diuisit, Saymonemque natu maiorem summæ rerum præfecit. Atque ita Prussia in 12. Ducatus, secundum filiorum Principis Vedenuti numerum diuisa est, & unusquisque à suo Principe nomē accepit. Quos hic secundum ordinem cum sua dispositione, castrisque & ciuitatibus, annorumque numero, quando uidelicet à Crucigeris potissimum erectæ sint, describemus.

#### SUDAUIA DVCATVS I.

**P**Rimitus & præcipuus Prussiae Ducatus Sudauia olim erat, qui à Sudauo Vedenuti filio Principe suo, nomen sortitus est. Hic Ducatus omnes alios & præstantia, & fertilitate antecellebat: nam quocumque tempore necessitatis, sex millia equitum, & octo millia peditum præstare ualebat. In hac regione præcipui nobiles & proceres totius Prussiae priuscorum tempore sedes suas habebant, nunc autem paludibus & syluis maximis oblitus scætet, nec ullum uestigium tam insignis & nobilis regionis remanet, præter septem pagos, quos coloni possident, in Luptauenli territorio, tota enim est deuastata à Crucigeris ordinis Teutonici, non aliam ob causam, quam propter inobedientiam & infidelitatem. Distinguit Sudauiam à Sambia regione palus quidam, à Ducatu uerò Nadrauiensi fluuius Lawo appellatus.

#### SAMBIA DVCATVS II.

**S**Ambia nunc Szamland appellata, Regio Prussiae à Principe Saymo nomen accepit. Hæc priori cum potentia, tum fertilitate non multum cedere uidetur, poterat enim ex illa 4000. equitum & 4000. peditum congregari. A Natangia regione fluuiio Pragel dicto determinatur.

Sequuntur Castra & Ciuitates ad Sambiensem Ducatum pertinentes.

Lebenich



Lebenicht	} unaquæq; earum condita anno Domini	1 2 5 6.
Kneypach		1 3 8 0.
Regiomontum cum ca- stro & antiqua, (ut illi appellant) ciuitate.		1 2 6 0.
Fischusia		1 2 6 9.
Lechftet	}	1 2 8 9.
Mulmelburgia		1 2 7 9.
Girmauia,	Bobetia,	Tyremburgia,
Rudauia,	Lubtauia,	Bonundia,
Neuhusia,	Schaccia,	Rositta,
Vuargia,	Chremetia,	Caymen.
Ceilgarbia,	Vualdouia,	

His nominibus arces in Sambia olim appellabantur cum suis ciuitatibus, quæ omnes à Crucigeris benè muratæ & fossis cinctæ extiterunt, nunc quædam arces in curias iudiciales redactæ sunt, quarundam etiam magna pars, humi prostrata iacet.

## NATANGIA DVCATVS III.

**N**atangia Regio à Principe Natango nomen ducit, quæ à Bartia Regione flumine, Alla nominato, secernitur, à Pomesania Passaria fluuiio, differtur. Regio est optima, arces & ciuitates plurimas, prout inferius ordine descriptæ sunt, habet.

Valdouia ciuitas	} conditæ sunt anno Do- mini	1 2 5 6.
Girdauia ciuitas		1 3 2 6.
Cintia oppidum		1 3 1 3.
Creneburga ciuitas cum arce		1 2 5 3.
Heiligenbeil oppidum		1 3 0 1.
Fridlandia ciuitas		1 3 1 2.
Schuppenbeilia ciuitas		1 3 1 9.
Brandenburga oppidum cum arce		1 3 6 2.
Balga arx		1 2 3 9.
Damnouia ciuitas		1 4 0 0.

## NADROVIA PROVINCIA IIII.

**R**egio Nadrouia à Principe Nadro denominata est, eam à Natangia flumini Pregiel differtur, à Slauonia Nara amne distinguitur. Hæc maiori ex parte à fratribus ordinis Teutonici, propter infidelitatem incolarum deuastata est, reliquæ eius & uestigia reperiuntur, casæ & tuguria in quibus piscatores habitant.

## SLAVONIA DVCATVS V.

**S**lauonia Regio quondam Priscorum Prutenorum temporibus, pro Ducatu computabatur, à Principe Slauo nomine denominationem accepit, ex maiore parte à Lithuania, Crucigerisq; depopulata est, eam à Lithuania Memula fluuius differtur. Has infra scriptas munitiones & arces complectitur cum ciuitatibus & oppidis,

Ragneta	} His annis incarnatio- nis Diuinæ, à Cruci- geris fratribus con- structæ sunt	1 2 5 3.
Tilla		1 2 8 9.
Renum		1 2 7 6.
Liccouia		1 2 7 3.
Salauia		1 3 8 5.
Labia		1 2 5 8.
Tapia		1 2 5 5.
Vintburgia		1 4 0 9.
Christouerder		1 2 5 3.
Boytia		1 3 3 8.
Celtia		1 1 8 5.
Norbeitia		1 3 8 1.
Vonsdorfa		1 3 9 1.
Angerburgia		1 4 1 2.
Dringofortia		1 4 0 3.



## BARTONIA DVCATVS VI.

**B**artonia à Barto Principe nominis etimologiam ducit, cum Lithuanis & Moschou-  
 cis terminis disceptat, à Lithuanis 70. stagnis & solitudine, à Galindia uerò flumine  
 quodam finitur, nunc magna ex parte à Lithuanis & Crucigeris peruastata est. Arces hæc  
 cum oppidis, à Crucigeris correctas complectitur.

Nordemburga	} His annis hæc munitio- nes à Crucigeris ere- ctæ sunt	1	5	0	5.
Iohansburga		1	2	6	8.
Gurgburga		1	2	5	9.
Insterburga		1	3	4	2.
Rihteuerder		1	3	9	6.
Bartonia		1	3	6	5.
Rhenum		1	3	7	5.

## GALINDIA REGIO VII.

**H**æc Regio à Galindo Principe Galindia nuncupata est, cuius Masouia sylua in-  
 gens à Meridie fines excipit, quondam tam populosa fuit, ut successu temporis, po-  
 pulus in ea progenitus, locum non haberet. Vnde præpositi regionis obstetricibus seuerè  
 mandarunt, ut nullam foemineæ sexus, post partum prolem, hac luce frui permitterent,  
 quam rem cum minus obseruatam animaduertent, mamillas foeminae ne amplius pro-  
 lem educarent, amputarunt, quod facinus mulieribus summa tristitia, & miseriae causa  
 fuit. Erat autem in illa regione mulier quædam autoritate nomine & potentia clara, quæ  
 pro Prophetissa habebatur: oracula enim interrogantibus dabat. Huic cum mulieres ca-  
 lamitates suas exposuerunt, Prophetissa illa, miseræ sorti foemineæ condolens, dolos qui-  
 bus uiros circumueniret, & perpetratum facinus ulcisceretur, expiaretq; indagare, cogi-  
 tareq; coepit, conuocatisq; omnibus proceribus, & nobilioribus uiris Galindiae, monuit  
 eos, ut Christianis bellum, sine ullo armorum genere (euentus enim rerum prædicere so-  
 lita erat) quam celerrimè inferrent, hanc enim uoluntatem Deorum esse seriò affirmabat,  
 quibus Galindiae auditis, sine ulla mora (certum enim esse credebant) iuuenes, senesq; ua-  
 lida manu inermes in Polonorum & Masouiorum Christianorum provincias, cum impe-  
 tu excurrunt, nactaq; ingenti hominum, & iumentorum præda, ad sua proficiscuntur. In-  
 terim uerò captorum Christianorum aliquot aufugiunt, continuoq; reliquis Christianis  
 nunciant, quomodo Galindi sine armis in terram erumperint. Christiani re intellecta be-  
 nè armati Galindos assécutos, maxima, cruentaq; strage profligant, prædamq; repetunt,  
 bellumq; continuantes, fugientes hostes in regionem usq; eorum persequuntur, quam ar-  
 mis & igne euerunt, reliquias tam matronarum, ancillarum, & iuuenum, in captiuita-  
 tem abducunt. Has ciuitates & munitiones Galindia complectitur.

Orteleburgum castellum	} Anni instau- rationis eo- rum	1	2	6	6.
Rastenburgum oppidum		1	3	2	9.
Neyburgum arx & oppidum		1	2	3	8.
Passenhumia oppidum		1	3	8	8.
Dreschlouia arx & oppidum		1	3	3	8.
Lucia castellum		1	3	4	8.
Lucemburgia oppidum		1	3	4	9.

## VARMIA REGIO VIII.

**V**armia siue Vuermelandia Regio, à Vuarmo Principe nomen sortita est, à Pomesa-  
 nia Prouincia stagno, & flumine passaria discernitur, à Natangia paruis quibusdam  
 fluuijs, has arces cum ciuitatibus complectitur.

Ressel arx & ciuitas	} His annis sunt extractæ	1	3	3	7.
Sreburg arx		1	3	4	8.
Bichoffstein ciuitas		1	3	2	5.
Vuartemburgia ciuitas		1	3	2	5.
Allenstein arx & ciuitas		1	3	6	7.
Melsatia arx & ciuitas		1	3	2	6.
Helsberga arx & ciuitas		1	3	2	0.
Vuermeditum arx & ciuitas		1	3	1	6.
Gulstadia ciuitas		1	3	2	6.



## HOGKERLANDIA PROVINCIA IX.

**H**ogkerlandia siue Pomesania, à Principis nomine Hogo appellata est, eam à Natan-  
gia, Passaria fluuius separat, à Pomesania duo fluuij Melfink & Drasen appellati,  
hasq; arces cum oppidis complectitur.

Brandenburgum castrum & oppidum	His annis extru- cta sunt	1	2	5	8.
Frauenburgum oppidum		1	2	7	9.
Tolkiemit oppidum		1	3	6	5.
Munhusia castellum		1	3	6	5.
Scharpouia prædium		1	4	0	0.

Elbingense castrum constructum anno 1 2 3 7.

Ciuitas uerò ipsa Elbinga celebris & populosa emporio clara instaurata est anno 1 2 3 9.

## CVLMENSIS DVCATVS X.

**C**ulmia Regio Prussiae, à Culmo Principe denominationem trahit. A Polonia &  
Pomerania Vistula fluuius secernitur, à Pomesania flumine Ossa, à Michlouia uerò  
& Dobrinia territorij Drebnicz fluuius, fines suos dirimit, has ciuitates & munitiones  
habet.

Culmina ciuitas ampla	Erectæ sunt an- nis hisce	1	2	2	3.
Vuentslauia arx		1	2	1	5.
Aldusia castrum		1	2	3	8.
Grandentz arx & ciuitas		1	2	9	9.
Gugeleburga ciuitas		1	2	3	0.
Schonse arx cum ciuitate		1	3	0	5.
Strasburga arx & ciuitas		1	2	8	5.
Bartonia arx		1	3	4	6.
Neumarckt ciuitas		1	3	2	5.
Rogosna arx		1	2	9	3.
Colmense ciuitas		1	2	5	1.
Torunia arx cum ciuitate am- plissima, emporio clara ad Vistulam condita		1	2	3	5.
Papauia arx	hisce annis ex- tractæ	1	3	7	5.
Frideck arx		1	3	3	1.
Lipno arx		1	3	1	9.
Lefna ciuitas		1	3	2	8.
Golba arx & ciuitas		1	3	0	0.
Luben arx cum ciuitate		1	2	3	3.
Reden ciuitas cum arce		1	2	3	3.
Bergelauia arx		1	3	0	5.
Lautergurgia arx		1	3	0	1.

Huius Ducatus Titulo Rex Poloniae utitur.

## POMESANIA PROVINCIA XI.

**P**omesania à Pomesa Principe, finitur ab alijs Regionibus Vistula, Elbinga, Drusno,  
Drobnicz, Vuessera, multæ in ea præclaræ arces & ciuitates, ut sequitur habentur.

Marienburga ciuitas ampla, anno Domini 1 3 0 2. extructa est, arx uerò an-  
no 1 2 8 1. à fratribus Teutonicis erecta sub Magistro ordinis Hartmanno Comi-  
te Heldrouiensi, natura loci munitissima, ualloq; fortissimo & fossa profunda circumdu-  
cta, muro & propugnaculis, ac comeatu copioso, apprimè firmata, Regis Poloniae præli-  
gijs tenetur.



Neutichia oppidum		1	3	2	9.
Stum arx cum ciuitate		1	2	4	9.
Christburga arx & ciuitas		1	2	5	8.
Preusmarck arx		1	3	2	9.
Salfeld ciuitas		1	3	2	8.
Merinek arx cum ciuitate		1	2	9	0.
Holand arx & ciuitas		1	3	2	9.
Lubstadia ciuitas		1	3	0	2.
Osterrade arx & ciuitas		1	2	7	0.
Rosenburga arx cum ciuitate		1	2	8	9.
Marienuerder arx cum ciuitate		1	3	1	1.
Garnesia ciuitas		1	3	2	8.
Germanica Eilouia arx cum ciuitate		1	3	3	7.
Lebmulia ciuitas		1	3	3	7.
Hohenstein ciuitas		1	3	0	1.
Schonembergia arx		1	3	1	9.
Rosembergia ciuitas		1	3	1	5.
Eilemburga ciuitas		1	2	9	9.
Neumburga ciuitas cum arce		1	2	8	9.
Salauia ciuitas cum arce		1	3	0	6.

Hæ ciuitates  
cum suis mu-  
nitionib. his  
annis extru-  
ctæ sunt

## MICHLOVIA PROVINCIA XII.

**M**ichlouia admodum angusta terra est, inter Brodnam & Drebnicz fluios iacet. Huius causa Poloni cum fratribus Teutonicis perpetuas rixas fouebant, nullam arcem præter unam ciuitatem Strasburgam, & tres munitiones, Berklj, Dornik, & Michlouiam habet.

Pomeranię Regionem amplissimam, longo tractu mari adiacentem, unde & nomen habet, in Polonię Regionum descriptione, latius indicabimus. De qua multa bella Poloni cum Prutenis gentilibus, & Crucigeris habebant, in hac sita est celeberrima urbs Gedanum, siue Dantiscum appellata, à mari Germanico uno miliari abest, eam celeberrimus fluuius Vistula præterlabitur, ibidemq; amplissimis ostijs in mare exoneratur. Celeberrimum in ea totius Pomeranię, & Prussiæ emporium est, Regij Polonię subiecta, anno Domini 1285. translata.

**P**ruteni Gentiles barbarie indomita rigentes, peruersi & infideles erant, uanas creaturas quaslibet pro Dijs colebant, nec se ad fidem Christianam conuerti patiebantur. Idiomate proprio à Liouonico non dissimili utebantur, Polonis & Masouitis tributarij erant, sed frequenter nacta occasione iugum excutiebant, ideò multa bella longo tempore Poloni cum eis tenuerunt. Postea anno Domini 1211. Conradus Masouia Princeps ex Regibus Polonorum genus ducens, à Prutenis Gentilibus sapius uarijs excursionibus infestatus, ad Imperatorem Fridericum huius nominis 2. legatos destinauit, implorans auxilia aduersus infideles Prutenos, quilibenter fratres ordinis Teutonici Crucigeros à Saracenis tunc temporis Hierosolyma pulsos, in Prussiam 20000. misit, quibus Princeps Masouia Culmensē terram in primis donauit, cum arce Dobrzinensi, hac conditione, ut tempore necessitatis subsidium sibi contra infideles Prutenos ferrent. Prussiamq; subiugatam insimul partirentur. Hic quædam de origine Crucigerorum Teutonici ordinis subiecimus.

## ORIGO ET PRINCIPIVM TEUTONICI ordinis.

**A**nno Domini 1188. cum Balduinus Rex Christianus Hierosolymis regnaret, Saraceni & barbari ex arce nomine Ptolomaida, Latine Aconā, Germanice Acris dicta, uarijs excursionibus Sanctam terram infestare solebāt. Quamobrem Rex contra barbaros Saracenos auxilium petijt à Christianis. Longobardi igitur sexaginta galeras, & in hijs quinquaginta millia uirorum, in subsidium miserunt, cum quibus multi homines probi p̄e peregrinationis causa, in terram sanctam profecti sunt. Horum numerus erat 500. partim ex Saxonia, partim ex alijs prouincijs Germaniæ, qui omnes in unam nauem cōgregati, Aconā usq; peruenerunt, ubi per integrū annum, cum infinita multitudine Christianorum, Aconam antequam caperetur, oppugnauerunt, in oppugnatione multi Christianorum telis barbarorum læsi erant, unde in morbum inci-

Expeditis Chri-  
stianorum in  
terram sanctā.

Crucigeri in  
Prussiam ue-  
niunt.



derunt, passimq; sparsi cum neminem in terra aliena, qui subleuaret inopiam haberent, multi fame perierunt. Erant autem ex peregrinis precipui, octo boni & pii uiri Teutones, qui cum uiderent Christianos tam misere interire, commiseratione ducti curam illorum susceperunt, diligentiaq; illorum plurimi infirmi conualuerunt. Postea Xenodochium, siue hospitale sub titulo Beatae uirginis Mariae, Aconae erexerunt, primusq; Xenodochij praefectus Henricus de Vualpot electus est, ex Germania oriundus, hic maximam diligentiam, in fouendis infirmis & egenis adhibuit, ultimum diem Aconae peregit, ibidemq; sepultus est, anno Domini 1190. Postea Balduinus Rex, Hierosolymis templum, & Xenodochium, pro pauperibus, & pluribus nobilibus infirmis, qui in bello Aconienli laesi erant, extruxit, sub titulo Beatae uirginis Mariae.

Hospitale Beatae Mariae uirginis Hierosolymis.

Tandem anno 1191. Clemens Papa huius nominis 3. hunc ordinem confirmauit, & intitulationem dedit fratribus Teutonicis, Xenodochij Hierosolymitani Beatae uirginis Mariae. Praeterea D. Augustini, regulam illis seruandam imposuit, Stemmataq; cum crucenigra eos insigniuit.

POSTEA Patriarcha Hierosolymitanus, singulos fratres Teutonici ordinis a Pontifice Romano confirmatos, alba chlamide ex utraq; parte crucem nigram habente ornauit, sicq; illi habitum suum susceperunt. Fuerunt qui uestiti sunt 24. fratres laici, & 7. sacerdotes. His lorica indutis, gladio accincto, missam celebrare concessum erat, nullus barbam tondebat, & super sacum stramine impletum, regula iubente, dormiebant, sed statim haec mira quadam metamorphosi immutata sunt.

Habitus Crucigerorum Teutonicorum.

Secundus Henrico de Vualpot, primo Magistro Xenodochij Hierosolymitani, Otto de Karpen nobilis Germanus, in Magisterio successit, anno Domini 1200. sub Imperatore Romanorum Philippo, huius nominis 2. & Innocentio summo Pontifice, hic in humilitate, & cordis simplicitate, Deo & fratribus seruiuit. Sexto anno officium absoluit, Aconaeq; sepultus est.

Tertius Ordinis Magister Hermannus Bart Olsacensis, electus est sub Pontifice Innocentio 3. & Philippo 2. in ordine Germanorum Imperatorum 22. anno 1206. praefuit officio 4. annis, pauperibus quantum potuit satisfecit, Aconae sepultus est.

Quartus Hermannus a Salzen, nobilis Misnensis, Ottonis & Friderici secundi, Imperatorum, Innocentij 3. & Honorij, Gregorijq; 9. Pontificum temporibus, anno Domini 1210. electus est. Hic omnium praeclarissima Priuilegia Ordini a Pontifice, & Friderico secundo, Caesare consecutus est. Nam cum similitates, & odia inter Pontificem Romanum, & Fridericum Caesarem exorta essent. Ille huiusmodi cladem prudentia sua e medio sustulit, sub eo Conradus Marchio Thuringensis habitum suscepit, duo millia nobiles, & auratos equites Germanos in ordine habuit, quos 30. continuis annis rexit, eius temporibus fratribus ordinis a Saracenis Hierosolyma pulsus, Prussia concessa est, Regum Poloniae, Conradiq; Ducis Masouiae, & Imperatoris Friderici 2. concessu. Quorum 200000. in Prussiam uenerunt. Prussosq; Gentiles auxilio Polonorum, ex terra Culnensi elecerunt.

Poloni & Masouiae Prussiam Crucigeris cedunt.

Quintus Magister Conradus Thuringorum & Cathorum Landgrauius, sub Celestino 4. Pontifice, & Friderico 2. Imp. anno 1240. electus est, habitum Marienburgae, in Prussia suscepit, cum multis nobilibus adolescentibus, & uiris eximijs, ac prudentibus, cum Prussis Gentibus, multa bella gessit, magnoq; labore fines Regionum ordinis dilatauit, & si quae ruinae minarentur, illas refarciens optime conseruauit. Postea e uiuis excessit, Marienburgae sepultus.

Sextus Ordinis Magister Poppo ab Osternau electus est, Conradi 4. Imperatoris, & Innocentij 4. Pontificis temporibus, anno 1252. Multa praeclara bella cum Prutenis, Liouonensibus, & Swantopolo Duce Pomeranorum gessit, postea ante Ligniciam ciuitatem cum Conrado Silesiae Duce, sanctae Hedwigis marito, a Tartaris totam fere Sarmatiam uastantibus, interemptus est, a Christianis uero Vuratislauiam delatus, ibiq; in Basilica Diui Alberti, terrae mandatus est, huius Magistri tempore Regiomontum constructum est.

Septimus Magister, Ioannes Sangerhusensis, officium suscepit tempore Vilhelmi Comitis Flandriae, Rom. Imp. & Alexandri 4. Pontificis, anno 1263. Infidelium Prutenorum, uires mirabiliter diminuit, ordoq; eo praesidente, plurimum profecit, Dominicorum monasterium Torunia fundauit, Brandemburga quoq; ciuitas cum arce, eius temporibus aedificata est, anno Domini 1266. Tapia quoq; munitio erecta. Annis 12. praefuit, Treueris sepultus est.

Octauus Magister, Hartmannus, Comes Heldringensis constituitur, sub Rodolpho 27. Imp. Habsburgensi Comite, & Clemente 4. Pontifice, anno Domini 1275. uir pius & industrius



& industrius extitit, Nadrauiam, Sudauiamq; Regiones Prusiae debellauit, cum ceterisq; finitimis longas acies tenuit. Eo praesidente, anno 1279. Menia ciuitas aedificata est. Anno uero Domini 1281. Marienburgense castrum erectum est. Venetijs ulumum diem clausit, ibidemq; sepultus est.

- 9 Nonus Magister Burchardus a Smenden, sub Rodolpho Caesare 27. & Pontifice Ioanne 21. electus est, anno 1283. eo praesidente fratres ordinis, cum Prussis infidelibus bellum acre larga sanguinis effusione gesserunt, eosq; in integrum ad obedientiam compulerunt. Postea 7. annis in officio expletis, Magistratu se abdicauit, mortuus est Rhodij, ibidemq; ad Basilicam S. Ioannis sepultus.

- 10 Decimus Magister, Conradus de Feuchtmangen, munus Magisterij suscepit, sub Adolpho 28. Imp. & Nicolao 4. Pontifice, anno 1290. eo praesidente ordo multum profecit, 7. annis fratres in officio continuunt: Pragae Bohemiae metropoli spiritum exhalauit, Trebniciaq; sepultus est.

- 11 Undecimus Magister Gotfridus, Comes de Hohenloh electus est, sub Caesare Adolpho 28. Germanorum Imperatore, & Pontifice Celestino quinto, anno Domini 1297. Hic Venetia cum multis fratribus in Prusiam profectus est, decem annis officium gessit. Postea Comitij celebratis, Magisterium resignauit, in Germaniamque profectus, e uiuis excessit.

- 12 Duodecimus Magister Sigfridus de Feuchtmangen, anno 1307. creatus est, Alberti Imp. Austriae Ducis, & Clementis Pontificis temporibus. Hic sedem Venetijs, Prusiae castrum Marienburgam transtulit: nam in terra sancta, Venetijs, Neapoli, & in Anglia sedes suas, & praecleara aedificia propter quasdam similitudines amiserant. Duobus annis officio praefuit, Marienburgae mortuus est.

- 13 Decimus tertius Magister, Carolus Bessart susceptus est, sub Henrico 7. Imperatore, & Clemente 5. Pontifice, anno 1309. erat insignis uir prudens, & industrius, anno Domini 1312. eo praesidente, Memula arx, in Curlandia Regione Prusiae fundata est, ad propulsandos Lithuanorum incursus. Tandem praedictus Magister a Pontifice Romam citatus, adeo crimine obiectum auxilio Dei diluit, ut in aduersariorum caput redundaret. Romaq; discedens, in itinere, Viennae morbo oppressus expirauit, ibiq; tumulatus est. Huius tempore pestis per integrum annum tantopere grassauit, ut omnia frumenta penuria hominum in agris manerent.

- 14 Decimus quartus Magister Vernerus Vrselensis, temporibus Caesaris Ludouici 33. & Ioannis Pontificis 22. suscepit officium suum, anno 1322. ordini cum summa laude praefuit, cito post interemptus est, a fratre ordinis Ioanne Bunsdorfio, in uigilia S. Elisabeth, cum ex uespertinis precibus egrederetur.

- 15 Decimus quintus Magister Ludolphus Dux Brunswicensis, sub Ludouico 33. Caesare, & Ioanne Pontifice 22. Magisterij celsitudinem suscepit, anno 1325. uir pius & sapiens extitit. Fratres ad cultum Diuinum summopere compulsi, largeq; illis omnia ministravit, ideo eos liberalitate obedientes sibi effecit. Iusticiam magnopere administravit.

- 16 Decimus sextus Magister Districhus, Comes Aldemburgensis, octogenarius iam electus est, temporibus Ludouici 33. Imp. & Ioannis 22. Pontificis, anno Domini 1329. eloquentia ualidus, autoritate grauis, iusticiaq; rigidus extitit, gentilibus terrori fuit, templum Beatae Mariae uirginis Marienburgae extruxit, Torunia obijt, translatus Marienburgam, in templo S. Annae sepultus est.

- 17 Decimus septimus Magister Rodolphus Dux Saxoniae, Ludouici 33. Imperatoris, ac Benedicti undecimi Pontificis tempore, in officium susceptus est, anno Domini 1339. Hic anno Domini 1341. magnas copias conscripsit, Neumarcouiamq; oppugnauit. Interim uero Lithuani Prusiam inuasert, eamq; fere totam igne, & caedibus consumpserunt, multos captiuos abducentes, quae causa illi tantum moerorem attulisse creditur, ut mente captus, ab officioq; depositus, praemoerore uitam terminaret, in Marienuerderq; ciuitate sepultus est.

- 18 Octodecimus Magister Henricus Dufmariensis, Clementis 6. Pontificis tempore, officij dignitatem consecutus est, 6. annos in regendo ordine consumpsit, cum Lithuanis & Ruthenis bellum egregium, in die Purificationis Beatae Mariae gessit, auxilioq; Diuino 10000. inimicorum prostrauit. E' uiuis postea decessit, Marienburgaq; humatus est. Hic uirginum Coenobium, Lebenich dictum, Regiomonti erexit.

- 19 Decimus nonus Magister Henricus Kniprodiensis, Carolo Caesare 34. & Clemente 6. imperantibus, ad dignitatem Magisterij accessit, anno 1348. Eo praesidente ordo doctis uiris abundauit, fratres in timore & amore Dei instruxit, annis 31. officio praefuit. Marienburgae uitam terminauit, ibidemq; sepultus est.



Vigelimus Magister Conradus Zolner, temporibus Venceslai 33. Imperatoris Romanus, & Vrbanus 6. Pontificis, ad officium uocatus est, anno Domini 1379. multa egregia bella & facinora contra Gentiles, Lithuanos, & Samogithas temporibus Keystudi, Iagielonis, Vitoldi, & Suidrigilonis Ductum Lithuaniae gessit. Ordinem in potestate octo annis tenuit, Marienburgae naturae debitum persoluit.

Vigelimus primus Conradus Valenrodenis, Venceslai 33. Imperatoris, & Bonifacii Pontificis tempore, magnus Magister oblatum suscepit, anno 1388. uehemens, & iracundus extitit, totis uiribus bello incumberebat, Monachos, Sacerdotes, & omnes Ecclesiasticos furore percitus, odio persequebatur, nullumque in hora mortis ad se uenire passus est. Anno 1391. fratres ordinis, armata manu, per flumen Crononem, Lithuanis Nemen dictum, ad arcem Cawnensem in Lithuaniam nauibus, terraque peruenierunt, ibique tres munitiones celerrime erexerunt, Newerder, Riteuerder, & Metenburg appellatas, ex his Crucigeri Lithuanis, magna damna inferebant, Regionem igne & ferro uastando, incolasque occidendo.

Vigelimus secundus Magister Conradus de lungingen, ad munus obeundum uocatus est, Venceslao 33. Imp. & Bonifacio Pontifice praesidentibus. Hic propter morum probitatem magnam laudem apud omnes obtinuit, pacisque obseruantissimus erat, ideo ab ordinis fratribus, cum multa pati oportebat. Annis 12. officio praefuit. Postea ex carceribus corporis liberatus, Marienburgae in D. Annae templo humatus est.

Vigelimus tertius Magister Viricus de lungingen, Conradi frater, Ruperto 34. Caesare, & Gregorio 12. Pontifice, munia obeuntibus, officium suscepit anno 1404. Strenuus & bellicosus uir extitit, regulas ordinis non admodum obseruauit, consanguineos odio persequebatur, illorumque arces partim eripuit, partim destruxit. Cum Lithuanis & Polonis plurima bellis gessit, hunc postea Iagielo Rex Poloniae, & Lithuaniae magnus Dux Vitoldus, cruento praelio profligauit, ubi & ipse cum plurimis Commendatoribus quorum 200. recensentur cecidit. Dux quoque Stetinenis & Olesnicensis, Kerczdorff Dux exercitus Crucigerorum, a Polonis capti: 5000. Crucigerorum a Polonis caesa sunt. Lithuanorum tamen in castris Polonorum militantium 7000. trucidata, fugataque in primo conflictu.

Vigelimus quartus Magister Henricus Comes Plauenis, sub Sigismundo 35. Imp. & Ioanne 23. Pont. electus est. Hic uolebat ulcisci iniuriam, quae a Polonis Crucigeris illata erat, sed antequam quicquam inciperet ab officio deiectus est, & Engelsburgae in carceres coniectus, deinde ad Leksteg missus, ubi 7. anno in uinculis peracto, fatis concessit, sepultus Marienburgae.

Vigelimus quintus Michael Sterbergenis, Imperatoriae culinariae Magister, Sigismundo 35. sceptrum tenente, & Ioanne 23. Rom. Pont. ordini praepositus est, anno Domini 1410. Primo anno cum suscepisset officium Iagielo Rex Poloniae, & Vitoldus Dux Lithuaniae, Osterrodam, Helsburgensemque Episcopatum, Resenburgam, Elbingam, & Christburgam ciuitates, depopulati sunt. Argentoratum obsederunt, re tamen infecta discesserunt, nouem annis ordinis curam gessit: postea ut deponeretur precibus obtinuit, Gedani uitam finiuit, Marienburgae uero sepultus est.

Vigelimus sextus Paulus Ruldorffensis, Sigismundi 35. Imp. & Martini Pont. tempore, Magisteri cellitudinem consecutus est, anno Domini 1419. Huius tempore prouinciae & ciuitates Prussiae ad Regem Poloniae Calimirum defecerunt, & iugum Crucigerorum excusserunt, officium 9. annis hic Magister retinuit, mortuus tandem, Marienburgaeque sepultus.

Vigelimus septimus Conradus ab Erlingshausen, Alberti 36. Rom. Imp. tempore officium suscepit, anno 1438. Hic a bello quo aduixit abstinuit, nimio dolore ob fratrum peruersitatem consumptus est, Marienburgae mortuus, ibidemque sepultus.

Vigelimus octauus Ludouicus ab Erlingshausen, sub Caes. Friderico huius nominis 3. fratres regere cepit anno 1450. Huius tempore Prussia ab ordine desciuit, ad Regemque Poloniae Calimirum maior pars eorum defecit. Milites quoque ordinis praesidarii, Marienburgam Regi anno Domini 1457. pro summa 476000. florenorum uendiderunt, cum alijs castris & ciuitatibus. Postea Rex Poloniae capta arce Chojnicze, pacem cum Crucigeris iniit, atque ab hoc tempore Pomerania Regno Poloniae adiuncta est, pro qua Poloni 150. annis perpetuo cum Crucigeris belligerabant.

Vigelimus nonus Henricus Rhewis, Comes Plauenis, dignitatem Magisteri affecutus est, sub Friderico huius nominis 3. Imp. anno Domini 1467. Undecim hebdomadis officio praefuit, Regiomonti in Cathedrali Ecclesia terrae mandatus est.

Trigesimus Magister Henricus Comes Richtenbergensis, anno 1470. officium suscepit, praesidentibus Friderico 3. Imperatore, & Sixto Pontifice huius nominis 4. Fuit uir rigidus,

20

21

22

23

Crucigeri  
profligantur.

24

25

Poloni cum Li  
thuanis Prus-  
siam uastant.

26

Ad Polonos  
Pruteni desici-  
unt Crucigeros  
spernentes.

27

28

Pruteni Cruci-  
gerorum iugum  
excitant.  
Marienburga  
uenditur.

29

30



*Bellum sacerdotum.* gibus, furibundusq; Theodorum Episcopum Prussiae captum, in uinculis fame peremit. Ordini annis 7. praefuit, Regiomonti sepultus est, huius tempore bellum sacerdotum in Germania fuit.

31 Trigesimus primus Martinus Truchses Vuczechausensis, sub Friderico 3. Imperatore, & Sixto 4. Pontifice ordini praefectus est, 12. annis praefuit, Casimiro Regi Poloniae, obedientiam praestitit, Regiomonti mortuus, ibidemq; sepultus est.

32 Trigesimus secundus Magister Ioannes de Tiesen ex Heluetia, celebri familia oriundus, Maximiliano sceptrum tenente, & Iulio Pontifice praesidente, ordinem in tutelam suscepit, anno 1489. Eodem anno Polonia Regi, iuramentum praestitit. Postea eidem Regi Ioanni Alberto, auxilium contra Valachos ferens, cum exercitu profligatus, ipseq; peremptus est. Regiomontum delatus, ibidem terrae mandatus.

33 Trigesimus tertius Fridericus Dux Saxoniae, Thuringorum & Hermundurorum Marchio, Maximiliani Imperatoris, & Iulij Pontificis temporibus, anno Domini 1498. In festo D. Michaelis Regiomonti Magistratum suscepit. Nunquam Regi Poloniae iuramento se obstringere uoluit, qua de causa a Polonis saepius infestatus, in patriam suam Hermanduriam profectus, ubi 12. annis extra Ordinis fines exactis, mortuus est. Huius tempore Ioannes Albertus Rex Poloniae e uiuis decessit, cui in Regno Alexander frater germanus successit.

34 Trigesimus quartus Albertus Marchio Brandenburgensis, Casimiri Regis Poloniae Nepos, Maximiliani Caesaris, & Iulij Pontificis temporibus, Ordini solenniter cum ingenti pompa Regiomonti praefectus est, anno Domini 1512. Sigismundo Regi Poloniae auunculo suo, iuramentum praestare noluit, sed arces necessarias omnibus muniuit, ut se contra Polonorum incursum defenderet, magnum & diuturnum bellum cum Rege Poloniae habuit, in quo ex utraque parte multi ceciderunt, eam ob causam, quod iuramento se obstringere Regi nolisset.

#### GESTA HVIVS MAGISTRI TEMPORE praecipua.

Anno Domini 1519. in Autumno, inter Sigismundum Regem Poloniae, & Magistrum Prussiae Albertum Marchionem, bellum ortum est, anno 1520. Albertus Marchio, die festo Circumcisionis Christi, Bransbergam inopinante occupauit. Eodem anno, Mielzak, Milimlijn, Regi traditae sunt, cum alijs plurimis ciuitatibus, castrisque. Quadragesimali tempore mense Aprili copiae Regis Oland, ciuitatem & arcem sub Magistro, ceperunt, eodem anno Brandemburgae arx & ciuitas a Polonis capta & depopulata est.

*Crucigeri a Gedano fugantur.* Anno Domini 1520. Vuolfangus Dux Schonemburgensis cum exercitu ordinis decem millibus peditum, & 4000. equitum coniungens, Gedanum oppugnauit, ex episcopio monte, (ut uulgo uocant) ciuitate imminente 4000. globos tormentorum bellicorum, in ciuitatem frustra tamen exonerauit, nullum enim hominem laesit, sibi uero ingens damnum in tormentis & globulis intulit: nam ex muro ciuitatis tormentum unum praestantissimum, in mille frustra concussum est, & si aliquis ex exercitu se ostenderet, in hunc quatuor uel quinque tormenta ex turribus ciuitatis exonerabantur, tantaq; miseria & penuria omnium, Crucigerorum milites afflicti erant, ut multis suorum desideratis, quibusdam captis, fuga sibi ab obsidione consulere cogerentur. Interea uero Poloniae Rex, in subsidium Gedanensibus 12000. equitum electorum misit, qui milites Crucigerorum a Gedani obsidione discedentes, insecuti sunt, plurimosq; ex eis trucidauerunt, quosdam captiuos abduxerunt, multi etiam a Cassubijs & Pomeranis iugulati sunt. Postea Regius exercitus Dirschouiam & Stargerduum arces occupauit, Chosnicz quoq; arx cum ciuitate capta est, postea ceterae ciuitates & arces ultro se Regi Poloniae obtulerunt, & milites ordinis una cum Crucigeris ex Prussia sunt eiecti.

*Crucigeri ex Prussia eiiciuntur.*

Anno Domini 1525. die 8. Aprilis, Prussia quam primum religiosi Crucigeri uidelicet tenuerunt, in mundanam policiam & principatum saecularem celsit. Albertus enim Marchio Brandenburgensis in ordine 34. & ultimus Magister Crucigerorum, belli cum Rege Poloniae pertaesus, difficileq; contra stimulum calcitrare uidens, Regem sibi per internuncios fratres & affines suos reconciliauit, Cracouiamq; ueniens iuramentum solenniter Regi Poloniae Sigismundo, in Maestate Regia ad id fabricata, in medio foro Cracouienfi sedenti, Regalibusq; induto praestitit, multis principibus. Ibiq; praedictum Albertum Marchionem Brandenburgensem, post iuramentum solenniter praestitum, Sigismundus Rex, Principem saecularem, equitemq; (ut uocant) auratum creauit. Terrasq; omnes Prussiae certis sub conditionibus, eidem ut feudali, clientique, & subdito suo concessit, uexillumq; illi suum sub insignijs Polonicis dedit. Atq; hic finem ordo ille ut uocant Teutonicorum

*Magister Prussiae iuramentum Regi praestat.*



tonicorum Crucigerorum, in Prussia anno Domini 1526. Alberto Prussiae Duci, soror Regis Danie, in matrimonium data est, ex qua suscepit filium, Albertum Fridericum modernum Ducem Prussiae, qui etiam post mortem patris, Regi Poloniae iuramentum, homagiumque solenniter praestitit, nunc quo ordine, & quibus ceremoniis hoc iuramentum praestitum sit, quoniam ipse praesens rerum spectator fui, breuiter dicam.

Anno Domini 1569. mense Iulio in Comitibus Regni generalibus, Lublini celebratis, Albertus Fridericus Marchio Brandenburgensis, Alberti Ducis Prussiae praedicti filius, patri in Principatu succedens, iuramentum Regi Poloniae praestitit, hoc modo. Decima nona die Iulij, amplissimum suggestum (siue Maiestas ut dicitur Regia) tectum sericeis, & stragulis, tapetisque pretiosis, in suburbio Lublinensi sumptuose erigitur, ubi Rex sessurus esset. Concursum fit ad forum immensae hominum multitudinis, opplentur viae, omnesque plateae quaecunque incessus erat, satagit pro se quisque uel ornatus splendido uestitu, uel armis instructus apparere. Interim Maiestas Regia ex arce in thronum proficiscitur, cingitur ingenti, & splendida Senatorum, Procerumque uniuersi Regni corona, praecedentibus Principibus, uiris, ac omnis ordinis consiliariis, & aulicis. Vexillumque pulcherrimum & amplissimum album, nouo Duci, de more, cum insigniis donandum, Erasmus Debinski, Cancellarius Regni filius, praeferebat, postea Rex in domum quandam suggesto oppositam diuertitur, ibique ornatu Regali induitur, Sandaliis uidelicet aureis, alba Dalmatica, & Chlamide, siue Piuiali ex panno aureo confecta, & corona Regia aurea gemmis, lapidibusque pretiosis concinne, affabreque ornata, chirothecas quoque annulis, gemmisque ornatas manibus imposuit. Induta Maiestas Regia ornamentis Regalibus de modo illa in suggestum procedit media, inter Reuerendissimos Dominum Iacobum Vchanski Archiepiscopum Gnesnensem, Primate Regni, ac Dominum Padniewski Episcopum Cracouiensem, praecedentibus, & subsequenter contiguae primariis Dominis, Consiliariis, Spiritualibusque, gladium euaginatam ancipitem Dominus Andreas Zborouuski Gladiator (ut dicitur) Regni, praeferebat: Pomum aureum Cruce insignitum Petrus Zborouuski Palatinus Sendomiriensis portabat, Sceptra Stanislaus Myskouski, Palatinus Cracouiensis anteferebat. Cum itaque Sacra Regia Maiestas in solio sedet, quatuor Germani Proceres Prussiae, nomine Ducis sui, supplices uenerunt, & genibus flexus unus eorum orationem facundo lepore, ad S. R. M. recitauit: Oratione finita, Regia Maiestas quatuor Consiliarios suos cum illis quatuor Germanis ad Ducem Prussiae accersendum misit. Veniens itaque Illustrissimus Princeps Albertus Fridericus, disertissima facundia, orationem fecit ad S. R. M. singularem fidem, supplicitatem, & subiectionem testantem. Responsum est postea ipsi Principi, Consiliariisque eius Latinis uerbis, nomine Regis: Sacram R. M. tam ipsum Principem, quam omnes iubditos, & optimates eius, omni fauore, & gratia complecti, defendereque uelle. His finitis accessit Princeps ad solium, & pedes Regios genu flexus cum summa reuerentia accepit, accepitque de Sacra Regia Maiestate manibus, uexillum album insignitum Aquila nigra, cum literis S. & A. colligatis in pectore, cum institutione ore Regio facta his uerbis: Nos Sigismundus Augustus Rex, annuentes uestris, & uestrorum subditorum precibus, tradimus, & concedimus Illustritati tuae, prout parenti tuo Illustrissimo tradideramus, in feudum terras, ciuitates, oppida, & arces in Prussia, & ad eas Illustritatem tuam inuestimus, per huius uexilli traditionem, ac instituimus gratia, & benignitate nostra, qua Illustritatem tuam uti nepotem nostrum charissimum complectimur, speramusque, quod eius beneficentiae nostrae, & memor, & grata, fidelisque Illustritas tua sit futura. Deinde Princeps Prussiae caudam uexilli tenens, super libro Euangeliorum in haec uerba iuramentum praestitit.

Ego Albertus Fridericus, Marchio Brandenburgensis in Prussia, Stetiniensis, Pomeraniae, Sclauorum, Cassubiorum Dux, Princeps Rugiae, & Burggrauis Norimbergensis, promitto & iuro, quod Serenissimo Principi ac Domino, Domino Sigismundo Augusto Regi Poloniae Intuitissimo, Magno Duci Lituaniae, Russiaeque, ac omnium terrarum Prussiae Domino, & Haeredi, sicut meo naturali, haereditarioque Domino, & eius Sacrae Maiestatis haeredibus, & successoribus Regibus, & Regno Poloniae ero fidelis & obsequens, eiusque Maiestatis ac haeredum, & totius Regni Poloniae bonum procurabo, & damnum praecauero, ac omne id faciam, quod ad fidelem uasallum, feudalemque pertinet, ita me Deus adiuuet, & hoc sanctum Dei Euangelium. Accepto huiusmodi iuramento accepit, nouumque Ducem ter praecinxit, inclinatum de more dicens: Accingere gladio tuo super femur tuum, Potentissime. Postea ei torquem auream, Regio munere non indignam imposuit. Mos omnis Ordinis Nobiles, qui ad Equestre munus contendebant (in quorum ego

Mos omagiorum regni Polonici. Vestitus solennis Regis Poloniae.

Verba Regiae ad Ducem Prussiae.



rum ego numero, eodem more præcinctus fui) præcincti sunt. Quibus omnibus ex ordine solenniter peractis, ac depositis Regalibus indumentis, cum toto illo comitatu, Ducem Prussiae cum suis præcedente in arcem rediit.

**Commendatio Prussiae.** Hæc autem Prussiae Regio, plerisque sinuosis flexibus est ubique amœna, & opportunis Portibus maris Baltici, maxime commoda, urbium illustrium oppidorum, arciumque frequentia, & opimis incolarum diuitijs, opibusque ac terræ ubertate, supra modum claret. Pecoris omnigeni inæstimabili copia, piscationibus, uenationibusque, & syluis fructuosissimis, ærisque temperie, cum amœnitate coniuncta prædita est, & postquam fidem Christianam Prussia suscepit, 72. arcus præcipuas, & 62. ciuitates principales habuit, à Crucigeris domus Teutonicæ erectas, quarum numerus nunc temporis successu, plurimum creuit: multæ enim & frequentes ciuitates ac oppida, munitionesque, tam à Polonis, quam Crucigeris uario Marte utrinque decertantibus extructæ sunt. Longitudo eius ex Aquilone in Austrum, à Torunia urbe confini Masouiae usque ad Memulam castrum cum oppido, quinquaginta octo miliaribus extenditur. In latitudinem uero quinquaginta miliaribus, Lituanos, & Masouitas contingens patet.

**Flumina Prussiae.** Flumina præcipua, & principalia, in Prussia duodecim reperiuntur, Istula siue Vistula, quæ Silesiam, Poloniam, Masouiam, & Prussiam præterlabitur, similiter Cronon siue Nemen ex Lituania decurrens, Nogat, Elbinga, Vuesera, Passaria, Alla, Prægel, Ossa, Drebnicz, Lica, Lauia. Extant quoque alia plura flumina omni genere piscium abundantia, minus tamen hominibus præcipue externis cognita. Lacubus plurimis aliquando septem miliaribus Polonicis patentibus, piscibusque omnis generis exundantibus undique scatet. Gummi quoque genus lucidissimum, quod succinum, siue Glesum uulgariter Burstin uocatur, in littore maris Baltici copiose colligitur. Cum autem Prussia, ut copiose superius descripsimus, barbarorum colonia antiquitus fuerit, Polonorum ac Teutonicorum armis subactam, sacrisque initiatam se agnoscit, qui in eam colonias suas barbaris, penitus ferè extirpatis deduxerunt, nuncque tam Polonis, quam Germanis equitibus, pariter ciuibus, agricolisque frequens est. Barbarorum tamen reliquæ, ad Curlandicum lacum hucusque supersunt, qui cum Liouonibus, & Lituanis uicinis, idiomate, moribus, habituque coneordant. Porro nulla in uniuerso Poloniae Regis Dominio, regio reperitur, quæ tam frequentibus ciuitatibus, arcibus, & oppidis, ut Prussia abundat.

**Prussia duplex. Regiomontii.** Hæc autem Prussiae Regio amplissima, omniumque fructuum tam ex terra, quam aqua nascentium abundantissima, duplex est, Ducalis, & Regalis: nam Dux gratia Regis Poloniae, in suis ciuitatibus, & arcibus integrè rerum potitur, ut uasallus, & feudalus, ac beneficarius Regni. Regiomontique, quæ est ciuitas maritima, sedem suam habet, in qua est collegium communis studij, ab Alberto præfato primo, ex Magistro Duce creato fundatum. Est autem Regius mons emporio clara, ad eam enim merces ex Septentrionis regionibus copiose apportantur, in hanc sedem suam Magistri transfulerunt Marienburga nobilissima, eaque munitissima arce, ac totius Prussiae propugnaculo, quæ cum se expugnari non pateretur, Casimiro Regi Poloniae (ut diximus) pro certa stipendiorum militibus Ordinis persolutione dedita est, in ea assidue milites præsidari à Rege Poloniae afferuantur, uictu & omnibus ad bellum necessarijs tam apprime prouisa, ut sex annorum obsidionem sustinere possit. Est enim Regalis Prussiae (id est, illarum arcium, & ciuitatum, quas Rex electas extra Ducem, armis maiorum suorum, acquisitas possidet) caput, & metropolis à Gedano septem miliaribus distat. Plurimas nobiles ciuitates, & arcus, quas superius enumerauimus, Prussia complectitur.

**Episcopatus Prussiae.** Episcopatus uero quatuor Catholicos, postquam fidem Christianam suscepit, Prussia habebat. Vuarmiensem, Culmensem, Sambiensem, & Pomesaniensem, nunc Sambiensis Vuarmiensis: Pomesanienensis autem Culmensi adiuncti. Vuarmiensis Episcopatum, qui est præcipuus Reuerendissimus Dominus Stanislaus Hosius Polonus, Sacrae Romanae Ecclesiae Cardinalis dignissimus, singulari pietate, & uitæ sanctitate, ac doctrina coelesti, & scriptis diuinis coruscans administrat, qui Malleus Hæreticorum indefessus, & Catholicae Ecclesiae propugnator strenuus iure censendus est. Culmensis Episcopatum, Reuerendissimus Dominus N. Costca, uirtutum, & doctrinae speculum insigne. Nunc de Pomerania regione amplissima dicendum nobis occurrit, quæ etiam Polonorum armis antiquitus perdomita imperio patet. Nam Boleslaus Rex bellicosissimus Anno Domini 1003. Russiae Principibus debellatis, strenuè Marte confusis, perpetuum uictoriae monumentum Herculeum imitatus opus, tres ferreas columnas in Boristene fluuio collocauit. Deinde Anno Domini 1008. Saxonibus bellum intulit, & omnem

**Gades Boleslai.**



& omnem illorum regionem, circa Oderam, ad Albim, & Salam fluuios, Chersone-  
sumque, Cimbricam, quæ hodie Dania appellatur, summa belli dexteritate ditioni suæ  
subiugauit. Vrbes earum regionum maximas, partim solo æquauit, partim suis Polo-  
nis muniuit, gentemque uniuersam Pomeranorum, barbaram, & incultam, ad fidem  
Christianam suscipiendam, armis coëgit, & ut sempiterna memoria uictoriæ felicissi-  
mæ apud posteros extaret, in Albi, & Sala, Ossaque fluuijs, columnas æreas inclytus  
triumphator locauit, totam Prusiam ac Pomeraniam Christianis infestissimas, per-  
domuit.

## DVCATVS POMERANIAE.

**P**OMERANIA Regio amplissima, ab Holsatia ad Liunioniam usque, longo tractu  
iuxta mare Germanicum extēditur, unde & nomen habet. Pomorze enim Sla-  
uis mari adiacentem Regionem significat. In hac Regione natio Slauonica, an-  
tiquitus confederat, sed nunc Germani magna ex parte eam incolunt. Has præ-  
cipuas ciuitates à mari procul sitas complectitur, Stetiniam, unde Ducatus Stetinensis  
dicitur, Neugardiam, Lemburgam, Stargardiam, Bergradum, Camenetiā, Publinam,  
Grisenborgam, & alias complures. Quæ uero mari impendunt Colberg, Camin, Cos-  
lin, Gribswald, Sunt, Puczka, Reuecol, Louemburg, Hechel, &c. Iulinum in hac Regio-  
ne urbs erat celeberrima, nunc ruinis deformis iacet, pro hac regione Poloni cum Pru-  
tenis Gentilibus, & Crucigeris, longo tempore acriter decertabant, nunc titulo eius Rex  
Poloniæ, qui in ea maiori ex parte rerum potitur, Duxque Prusiæ feudalī Regis Po-  
loniæ utuntur.

Iulinum.

**G**EDANVM, siue Dantiscum huius Regionis metropolis, urbs amplissima, & insi-  
gnis à mari Germanico uno milliari abest, eam celeberrimus fluuius Vistula præterlabi-  
tur, ibidemque amplissimis ostijs in mare exoneratur, in ea totius Pomeraniæ, & Prusiæ  
celeberrimum emporium est: ex ultramarinis enim regionibus longinquis, Anglia, Bri-  
tannia, Scotia, Gallia, Hispania, Swetia, Dania, & Nordwegia, naues ad eam appellant.  
Ex Lituania quoque Russia, Volinia, Poloniaque uariæ merces, fluuijs nauigabilibus in  
eam deferuntur: præcipue uero siliginis, & frumenti, ingens copia ex supranominatis re-  
gionibus aduehitur. Regi Poloniæ subiecta est, Castellani quoque à Rege præfectum ha-  
bet. Ex mari in urbem perducta est, fossa qua naues maxime intra mœnia ueniunt. Burg-  
grauius cum proconsulibus, & consulibus regio nomine, ciuitatem administrant. Cives  
omnes ferè Germani sunt, mercatoresque ditissimi, ita ut Gedanum ædificiorum pulcher-  
rima dispositione, commerciorum uarietate, maris, Vistulæque opportunitate, incolarum,  
& externorum incredibili multitudine, ciuium diuitijs, & instrumentorum bellicorum,  
ad hostes propulsandos, ac machinarum ænearum numero, cum præcipuis Europæ ur-  
bibus, meo iudicio cōferenda sit. Prætorium maximo sumptu, eoque regio exa edificatum  
cum superba turri, ædesque sacræ, cum priuatis ingenti auri pondere, artificiosè erectæ,  
Geldaque publicum urbis palatium, ac horologium diuinis ferè manibus elaboratum, cu-  
ius campanæ mirabilem quendam, & suauissimum concentum edunt, secundum artifi-  
cis uoluntatem, & temporis convenientiam in admirabilem omnium gentium aduenas  
attrahentes. Propugnaculum munitissimum in ipso maris portu extructum, frequenti-  
bus directis machinis armatis militibus custoditur.

Vexillum totius Pomeraniæ aquilam nigram in collo coronatam, gladium euagina-  
tum manu humana tenentem, pro Stemmate in campo aureo gestat similem Prusiæ,  
quam in eius principio expressimus.

**ELBINGA** ciuitas insignis ad ostia Albis fluuij, in littore maris magnificentissimè, &  
sumptuosè extructa, splendidis ciuium opibus, & mercatorum diuitum frequentia cla-  
ram, spectabilemque se reddit. Eius titulo Rex Poloniæ scribens, se Dominum terræ El-  
bingensis maxime in Priuilegijs utitur. Districtum enim amplissimum circum-  
iacentem habet. Atque hæc de Prusia breuiter  
dicta sufficiant.



LIVONIAE TOTIVS CVM SVIS PROVINCIIS,  
CIVITATIBVS, CASTRIS, ET COMMENDATVRIS, si-  
ue Palatinatibus, &c. succincta descriptio.

Addita est quoque brevis narratio, quomodo hæc Regio in ius Inuictissimi Regis Poloniae Sigismundi Augusti, Magni Ducis Lituaniae cesserit, & quo pacto à Moschorum Principe, & Suetiæ Rege diminuta fuerit



**L**IVONIA siue Lieflandia, Regio amplissima, ab Oriente Russiæ, Moschorum Principi subiecta, contigua est, Neruæq; fluuius nauigabilis, (in cuius utraque ripa, duæ arces eiusdem nominis, uni Liuoniensium, altera Moschorum sibi exaduerso sitæ sunt) imperium Moschouiticum, à Liuoniensi dislimitabat. Sed modernus Moschorum Monarcha, Ioannes Basiliades, Derpt insigni urbe Episcopali, cum sibi adiacente Pro- uincia occupata, ulterius fines suos (prout inferius dicitur) promouit. A Septentrione cum Suetiæ Regno, & Philandiæ Ducatu fines suos, sinu maris Baltici di- sternat: ab Occidente mari Baltheo (quod Germanicum, & Prutenicum appellatur) contermina est: à Meridie Samogitiæ, & Lituaniæ, nonnihilq; in Occidentem uergens, Prussiæ adhæret. Nonaginta miliaribus Germanicis in longitudinem, & quinquagin- ta in latitudinem, cum sinu maris Baltici adiacenti extenditur. Sed nunc bellis sauenti- bus, pluribus in locis uastata, & diminuta est. Continet autem in se plurima territoria, quæ pro Ducatibus computari possunt, horum singula cum suis ciuitatibus, & castris succinctè describere curabo. Sed primò quomodo, & quando Regionis incolæ nomina Christo dederint, paucis aperiam.

Fines Liuoniae.

Fridericus Im-  
perator.  
Germani in Li-  
uonia ueniunt.

Meinardus  
pius uir, pri-  
mus in Liuo-  
niam uenit.

Meinardus  
Liouones in fi-  
de Christi in-  
fregit.

Totum penè Orbem terrarum post maximum illud uniuersæ terræ diluuium, fallaci- um dæmonum fraude seductum, ueram unius Dei religionem, impio multorum, & falsorum Deorum cultu, uanaq; superstitione commutasse constat. Quidam enim mortuos homines propter merita beneficia, & egregia gesta, cultu diuino uenerabatur. Alij malignos Dæmones, euentis miraculis, & prodigijs hominum oculis sese insinuan- te, adorabant. Denique beluis atque serpentibus, & sculptis, pictisq; arte humana si- mulachris, gloriam ueri Dei exhibebant. Donec Iesu Christi, ueri Dei, hominisq; beni- gnitas, & Euangelij eius claritas post multa sæcula, quasi lux clarissima, mundo coelitus affulgens, has terras, terribilesq; tenebras discussit. Sed regiones Septentrionales, & om- nes gentes ad Aquilonem uergentes, Christianæ religionis ignaræ, uano idolorum cultui, diutius subiugatae fuerunt: difficilis enim ad eos externis gentibus erat aditus, propter efferam barbaricam, & crudelitatem populi. Romani etiam, & Græci, qui primò fidem Christianam amplexi sunt, Septentrionalium plagarum minùs exactam notitiam habebant: unde factum est, ut Liuonia cum cæteris, ad Aquilonem uergentibus Regio- nibus, nouissimè omnium, Sacro Baptismi fonte lauata fuerit. Demùm Friderici primi ex Ducibus Germaniæ, Romanorum imperatoris temporibus, mercatores rem familia- rem ex Germania per mare Balticum in Liuoniam appulerunt, & gentis barbaræ, sim- plicissimæq; animos ob mutua mercimonia commutanda pellexerunt. Erat autem hic populus miræ simplicitatis, opumq; parandarum, & rei familiaris iusto negligenti- or: melle enim expresso (quo maxime Regio abundat) cæram uelut alias quisquilias, & purgamenta domibus euerdebant. Postea succedente quaestu, & mercatoribus Occi- dentalibus, eò loci confluentibus, Sacerdotes paulatim se illis immiscere, adiungereq; piæ peregrinationis causa coeperunt, ut mercatoribus, uidelicet Thesauros Liuonum acquirantibus, ipsi animas gentis Christo, per uerbum salutiferum lucrifacerent. Erat igi- tur ea tempestate uir quidam Meinardus nomine in Lubeca ciuitate celeberrima, pie- tate, & sanctimonia uitæ insignis, hic unà cum mercatoribus consensa nauì, in Liuo- niam, Anno partæ per Christum salutis, millesimo, ducentesimo, traiecit, & conspiciens in tam insigni, & præmatura messe, nullos operarios extare, continuò ibi unius famuli conuictu contentus, ætatem transigere constituit. Casamq; sibi ex arbutis propter im- bres arcendos construxit. Paulatim deinde hominum familiaritatem captare, & tædio superato, abita iam mutui conuictus, & contractæ notitiæ cum incolis Regionis oppor- tunitate, Religionibus, & rerum Diuinarum eos admonere coepit, sensimq; à uano I- dolorum cultu, ad Christianæ fidei obseruantiam adducere, auspicanteq; Deo, & pium uiri religiosi conatum secundante, complures incolarum in agnitam ueritatis doctri- nam con-



nam concesserunt, quorum crescente numero, multorumque animis (ut fit) rei nouæ, & in-  
usitata religionis studio, flagrantibus, Basilica instauratur. Nec multò post Meinardus  
à Bremensi Archiepiscopo, in Liuania Episcopum consecratur, qui in messe Christi stre-  
nuè operarij munus adimplens, rem Christianam multum adauxit, & magnam gentis  
partem ad Christum conuertit, postea uitam cum morte foeliciter commutauit. Huic ex  
uita decedenti Bertoldus Cisterciensium abbas successit, qui contra irruentes hostes fi-  
dei Christianæ, unà cum peregrinis militibus, qui pietatis ergo ad militiam Christo exer-  
cendam, ex Germania confluxerant, pugnare instituit. Vbi uerò ad pugnam uentum est,  
equo infrani in mediam barbarorum aciem proiectus confoditur. Tandem crescente  
multorum pietate, plurimi sacræ se militiæ deuouerunt, ordinisque fratrum Teutonico-  
rum habitu suscepto, ensiferos fratres sese nuncupauerunt. Sed cum rebus gerendis su-  
peresse non possent, hostiumque barbarorum uis undiquaque inualeceret, Teutonico-  
rum fratrum ordini, in Prussia se coniunxerunt. Cum enim audiuisent, quod ordo Teu-  
tonicus Cruciferorum in tota Germania proficeret. Volquinus Præpositus eorum à  
quinto in ordine, Magistro Prusiæ Conrado olim Comite Turingensi, in ordinem Teu-  
tonicum susceptus est, Anno Domini 1234. suffragijsque eiusdem Magistri Prusiæ Con-  
radi, Gregorius summus Pontifex Romanus huius nominis nonus, iussit ubique & præ-  
cipue apud infideles Prutenos, Liouonesque proclamari, quod ordo fratrum à gladio in  
Liuania (qui nondum confirmatus erat) Teutonico ordini in Prussia unitus, incorpora-  
tus, ascriptusque esset. Susceperunt itaque fratres à gladio Liouonienses, crucem, habi-  
tumque more fratrum Teutonicorum in Prussia. Et semper ab hoc tempore Magistri Prus-  
iæ, à Liouoniensibus Magistris tributa certa, & obedientiam exigebant, usque ad tem-  
pora Alberti Marchionis Brandenburgensis, Magistri Prusiæ, qui anno Domini supra  
millesimum, quingentesimum, decimo tertio, pecuniam, quam obedientiam accipere ma-  
luit. Itaque Liouonienses data, præscripta ingenti summa pecuniæ, in posterum ab obedi-  
entia Prutenicis Magistris exhibenda, liberati sunt. Hanc tamen libertatem paulò post per  
insolentiam suam amiserunt. Rex enim Polonorum Sigismundus Augustus, eos in po-  
testatem suam, prout inferius dicitur, redegit. Sed ad rem accedo, Liouonienses cruciferi,  
habitu fratrum Teutonicorum in Prussia assumpto, grauissimis bellorum laboribus,  
cum barbaris fortiter exantlatis, hætenus rerum in Liuania potiti sunt, Magistrumque  
sibi elegerunt, qui cum commendatoribus, seu etiam prefectis totam Regionem guber-  
nabat. Erant præter hunc in Liuania Episcopi quinque, utpotè Archiepiscopus Rigen-  
sis, Derptensis, Habselensis, Oselia, Curlandiæ, Reualiaque, Episcopi. Hi sua munia stre-  
nuè, & magnifice ut Principes obibant, sed anno Domini 1558. Moschorum Dux, Der-  
pta, siue Torpato, insigni urbe Episcopali potitus, Episcopatum Derptensem penitus  
aboleuit, Rex quoque Poloniæ Archiepiscopatum Rigensem cum omnibus arcibus,  
& ciuitatibus (rerum enim in Liuania potitur) tenet. Reualensem Episcopatum, Swe-  
tiæ Rex urbe Reualia capta administrat, Oselensem Episcopatum, & Abselensem frater  
Regis Daniæ, Magnus nomine, unà cum Insula Osilia possidet.

Meinardus  
Episcopus crea-  
tur Liuania  
primus.

Bertoldus Epi-  
scopus occi-  
ditur.

Ordo Teuto-  
nicorum in Li-  
uania.

Volquinus præ-  
positus Liuania  
Magister.

Ordo Liouoni-  
cus à Grego-  
rio nono pō. fca  
confirmatur.

Crucigeri Li-  
uonien.

Prusiensium  
tributarij, &  
cum illis ueni-  
unt.

Liouonienses se  
redemerunt à  
Prusiensibus.

Episcopi Liua-  
niæ.

Episcopatus  
Liuania dire-  
pti à multis  
Principibus.

Provincia Li-  
uania.

Gothardus  
Kietler.

## LEITLANDIA SIVE RIGENSIS

## PROVINCIA.

LEITLANDIA Regio Liuania præcipuas has arces, & ciuitates Regi Poloniæ  
subiectas habet.

**L**RIGA urbs celeberrima, totius Liuania metropolis, muro fortissimo, pro-  
pugnaculisque, & turribus densis, tormentis bellicis apprimè munitis, ualloque in-  
excusso tribus ordinibus tormentorum, undiquaque munita, fossis duabus ex utraque  
uallis parte, circumducta, & stipitibus acutis circumsepta, rebus bellicis, tormentis, & co-  
meatu copioso, militibusque stipendiarijs, pacis, & belli tempore benè prouisa. Arcem  
quoque benè munitam, & omnibus necessarijs prouisam, sibi adiunctam habet, in qua  
olim Magistri sedem suam habebant, eam nunc Gothardus Kietler Dux Curlandiæ Re-

gis Po-



gis Poloniae feudalís, nomine Regio administrat, in ciuitatem tamen ipsam, ius nullum habet. Administratorem enim, siue Capitaneum aliquem ciues sibi dominari (libertatem asserentes) nō patiuntur, sed obedientiā, & tributa Regi Poloniae, fideliter exhibēt; ipsiq; ciuilibus legibus urbem administrāt. Hanc urbem fluuius Dwina amplissimus, (ex seuerā Regione Russiae, Moschouitae Duci subiecta, ortus) unā cum arce alluit, & duobus à Riga in mare amplissimis ostijs exoneratur. Per hunc naues ex mari, de ultramarinis Regionibus, utpote Swetia, Dania, Holsatia, & cæteris repositis prouincijs, appellant. Ex Russia quoque, & Lithuania cineres, asseres, ligna caesa, & leuigata, omnis generis ad naues fabricandas, frumentum quoque grandis copia, & cætera importantur. Magnumque hac in urbe, & celeberrimum est emporium: quamuis enim duobus milliariibus à mari distat, naues tamen omnigenae, facillimè de mari, sub ipsa mœnia urbis ueniunt, & redeunt.

Dwina fluuius.

Emporium Rigense.

Hæ uerò arces, ciuitates, & Præfecturæ, Capitaneatusq; in hac Leitlandia, siue Rigenfi Prouincia, continentur, uidelicet:

DYNAMUNT arx inexpugnabilis natura, opportunitateq; loci, mari adiacet, in ostijs Duuene fluuij, duobus à Riga milliariibus sita, præsidijq; Polonicis munita, in ea omnes naues ex ultramarinis regionibus, ad Rigam uenientes, merces indicare, theloneaque persolvere coguntur.

BLOKAVS munitio, inter Rigam, & Dunamunt, ad Duuinam condita, in ea quoque omnes naues excutuntur. Hæ autem duæ arces Rigenfibus maximè inuisæ sunt.

KIRCHOLM arx murata, ad Duuinam fluuium, duobus milliariibus à Riga sita, in Orientem procedendo.

Hæ quoque arces Duuinæ impendunt.

VXVL arx desolata, curia tamen in ea ubi Præfectus manet, extructa, à Kirchholm duobus milliariibus abest. Crudelem illic quondam cōflictum, & hominum stragem insignem, cumulus ossium ingens congestus testatur.

LENUARD arx ab Vxul quatuor milliariibus ad Duuinam sita.

ASCHERAD olim Palatinatus: arx ad Duuinam munita, Moschouitæq; ab ea aliquoties repulsi sunt, quatuor milliariibus à Lenuard abest.

NITAVV Sefucgen, Georgenburk, Leuuborg, Rofsiten, Lucen, Luden, Neuenhul, arces muratæ absq; ciuitatibus.

DYNEMBORG arx ad Duuinam munitissimè sita, commendator, siue Palatinus, et olim Magistri nomine præsidebat.

SEGEVOLT arx, & ciuitas, olim ordinis Marschalci primi, à Magistro propria erat, cum cæteris ad eam pertinentibus, uidelicet, Leuuburg, Nitauu, Georgenburg, & Choen castris.

ARIES arx, Vuolmer ciuitas, & castrū. Hermes arx, quatuor milliariibus à Pernaua, & Phelin.

Has supradictas omnes arces, & ciuitates, cum suis Palatinatibus, & Præfecturis, inuictissimus Rex Poloniae possidet, excepto Marienburga castro, quod Moschouitæ Princeps occupauit. Adzel autem, & Rodempeus à Maschouitis exuitæ, & desolatæ sunt.

#### ARCHIEPISCOPATVS RIGENSIS.

**I**N eodem territorio Rigenfi, Rex quoque Poloniae omnes arces, ciuitates, Capitaneatus, & Præfecturas, Archiepiscopales possidet.

KOKENHVS arx, & ciuitas, naturā, & oportunitate loci munitissima, ad Duuinam fluuium sita, cæterarum Archiepiscopi, arcium, principalis.

VXVL, Lenuard, supra nominatæ arces, Kreuuburg, Landon, Sefuegen, Schanborg, Serben, Conemburg, arx cum ciuitate, Salis, Vansel, Dalen, Iencel, Treyden.

SMILTEN arx à Moschouitis desolata, Cremon castrum olim Capituli Metropolitanae Ecclesiae Rigenfis.

SANCEL arx apprimè munitissima, mari adhærens, ad Archidiaconatum Rigensem quondam pertinebat. Hæ itaque omnes arces, & ciuitates enumeratæ Regi Poloniae subsunt.

Arces nobilium in prædicto Archiepiscopatu hæ sunt, Nochrosen, Rosenberg, Mayn, Pierkiel, Roppe, Nabbe, Elner, & Bersen. Earum Domini Polono Regi obtemperant.

EPISCO



## EPISCOPATVS DERPTENSIS.

**D**ERPT, siue Torpatum, siue Derbet, insignis urbs Episcopalis, & arx in colle munitissima, urbi impendens. Hæc anno Domini 1558. ab exercitu Moschorum Ducis, uiolenta oppugnatione, cum tota circumiacenti prouincia, capta est. Hæc uerò arces ad hunc Episcopatum pertinebant. Falcanauu castrum, & monasterium insigne, Neinhau, 18. miliaribus à Derpt sita, Ruthenis cōtermina, Vuerbeke, Oldentorn, Kiriepe, Verpech. Nobilium arces in hoc Episcopatu quatuor præcipuæ erant, uidelicet, Olsen, Kanelichth, Raden, Cunctal, siue Regental, omnesq; à Moschorum Duce cum Episcopatu subiugatæ sunt.

EPISCOPATVS HABSELENSIS,  
ET OZELENSIS.

**V**ICECHZLANDIA regio ad Habselensem Episcopatum cum suis arcibus, & ciuitatibus pertinebat, quæ quatuordecim miliaribus in longitudinem, duodecimq; in latitudinem patet, mari Germanico adhæret, & has arces complectitur, quas Suetiæ Rex unâ cum regione possidet.

HABSEL arx principalis cum ciuitate, in qua est Ecclesia Cathedralis, eam Rex Suetiæ ui ad deditionem coëgit.

LODE arx munita, quam Dux Curlandiæ Gotardus Ketler à Suetensium impetu nuper defenderat, & aliquot eis grandia tormēta ademerat, sed postea ab eisdē capta est.

LEHAL castrum, & ciuitas, in qua est insigne uirginum monasterium, nunc præsidij Suetensium tenetur.

FICZKEL & Felix arces à Moschouitis exustæ, & desolatæ sunt.

VERDER arx munitissima ad fluuium Zundam sita ab ipsis Cruciferis Liunionensibus destructa, & demolita est.

OZILIA Insula in mari Germanico aliquot à littore miliaribus sita est, ad Ozelensem Episcopatum pertinebat, arces, & ciuitates duas munitissimas habet, eas Cruciferi, Regi Daniæ prodiderunt, quas nunc Magnus eiusdem Regi Daniæ frater possidet, Episcopatusq; utitur. Harum arcium una Arnczburg, altera Sonenburg appellatur.

## CVRLANDIA REGIO.

**H**ÆC regio in Liuania sita à Septentrione maris Baltici sinu, ab Occidente uerò ubi Prussiam contigit, Pelago, qui Curlandicus appellatur, alluitur: à Meridie Samogitiæ confinis est, Regiæ Poloniæ subest, sed eam Gotardus Ketler, Regis gratia, & benignitate tenet, tituloq; eius utitur. Has ciuitates, & arces complectitur.

VINDA arx cum ciuitate, & Palatinatu, Polonis Kiefs dicitur, in ea Magistri sedem suam habuerunt, & Comitia, Conuentionesq; celebrare soliti erant, nunc Polonicis præsidij tenetur, administrantem illustri, & magnifico Domino Ioanne Chodkieuuietz, Generali Samogitiæ, & supremo Gubernatori Liuniæ, ac Magno Marschalco Magni Lituaniæ Ducatus.

GOLDINGEN arx, & ciuitas cum districtu amplo.

GRUBIN, & Candaph arces cum præfecturis ditissimis.

TVCZKOM, Sabel, Durbin, Asempoth, Shruden, Frauemburg, Alfangē, arces. Newburg castrum in finibus Samogitiæ.

Episcopatus Curlandiæ septē arces continet, quas magnus Regis Daniæ frater possidet, Episcopatusq; titulum sibi usurpat, hijsq; nominibus, hæ arces nominantur, Edwalen, Pilchen, Hasempot, Angermunde, Dondangen, Neinhau, & Ambothen.

## SEMIGALLIA DVCATVS.

**H**IC Ducatus Curlandiæ adhæret, à Meridie Lituaniæ contiguus est. Hasq; arces continet, Soleburg, arx, & Præfectura, Basemborg, Doblin, Nithauu, arces cum districtibus, ciuitates nullas habent, totumq; territorium, unâ cum arcibus enumeratis, Curlandiæ Dux prædictus Regi Poloniæ gratia, & benignitate commissum tenet.

## ESTLANDIA DVCATVS.

**E**STLANDIAE, siue Estoniæ Ducatus mari Suetiæ à Septentrione adiacet: has arces præcipuas cum ciuitatibus, & Præfecturis complectitur.



**FELIN** arx, & ciuitas munitissima, una cum ultimo Magistro Liunionæ Vilhelmo Furtemberg feudali Regis Poloniae à proprijs militibus stipendiarijs Germanis Moschorum Duci dolose prodita est. Ciuitas ipsa exusta: arx uero præsijs Moschouiticis munita, unaq; cum districtu, siue Palatinatu Moschorum Duci subest. Magister uero in ea captus, Moschouiam abductus, in uinculis spiritum exhalauit. Atq; hunc extremum exitum Magistri Liunionenses habuere.

**LAI**s, & Talczkofen arces, à Moscho quoq; occupatae sunt.

**TARNES**T, siue Taurus, arx munitissima, præsijsq; Moschouiticis prouisa, à Lituanis Duce exercitus illustri, & magnifico Domino Nicolao Radziwil Palatino Vilnensi, pulueribus bombardarijs suppositis eiecta, & cum moschouitis, à ui & impetu pulueris uolantibus euerfa est. Ego etiam huic oppugnationi cum patre meo interfui. Hac autem arce expugnata, & exusta, Lituanis quibusdam Moschorum abductis, quibusdam occisis, uelut Tartari, arce desolata relicta, & non occupata, nec munita (quæ facillè instaurari potuit) cum spolijs, tormentisq; & cætera suppellectili bellica ablata, discesserunt, anno Domini 1561. Iulij ultima.

**OPERPAL** arcem exercitus Regis Poloniae exussit, & desolauit.

Has autem in hoc Ducatu arces Rex Poloniae possidet.

*Parnaua recu-  
perata.*

**KARXHA**VS, Helmeth, Rugen, Parnauam arcem insignem, & munitam cum ciuitate mari adiacentem. Hæc à Suetiæ Rege primum occupata erat, sed postea à Polonis inopinatè capta in ditionem Regis Poloniae celsit.

#### VIRLANDIA.

**TERRITORIVM** hoc Liunionæ inter Orientalem, & Septentrionalem plagam situm, à Septentrione Baltici maris sinu terminatur, ab Oriente Nerua fluuius celebri ex lacu Peñbas emergenti, & in mare Balticum ingredienti alluitur. À Meridie Estlandig, ab Occasu Hariae contermina est, & octo miliaribus in longitudinem, à Nerua fluuius ad Reualiam usq; extenditur, hasq; arces complectitur.

**NERVA** arx, & ciuitas insignis, munitissimaq; ad fluuium eiusdem nominis sita. Ex aduerso in altera ripa arcem à Moscho erectam Iuanouu Gorod dictam habet, atq; fluuius prædictus Nerua, has arces interfluens Moschorum, & Liunionensium imperium olim dislimitabat.

**TOLCZBURG** arx ad sinum maris Baltici inter Neruam, & Reualiam ciuitates æquali distantia sita.

**VVESENBURG** arx, & Capitaneatus.

**BERCHOLM** olim arx Episcopi Reualiensis erat. As quoq; & Est, duæ arces nobilium Liunionæ una Roberti à Gilsen, alia Bernardi de Tabe.

Has omnes arces cum suo territorio Moschorum Princeps occupauit.

#### HARIA PROVINCIA.

**HARIA** iuxta mare Suetiæ sita, in longitudinem sedecim miliaribus, & octo in latitudinem extenditur, cum Virlandiæq; territorio pro Ducatu computatur.

Hæ arces in ea sitæ sunt.

**REVALIA** urbs celebris cum arce munitissima ad sinum maris Baltici condita est. Sede Episcopali elara, sub Rege Poloniae à Suetiæ Regis exercitu occupata. Monetam Reualienfes propriam quadriangularem cudunt. Reualiensis Episcopus arces aliquot sibi subiectas possidebat, in ciuitatem tamen nullum ius, imperiumue habebat, sed Magister ordinis eam administrabat.

**BADIS** castrum, & monasterium insigne, Suetenses inopinata irruptione cœperunt.

**FEGVEVR** arx olim Episcopi Reualiensis à Moschorum Duce expugnata nunc tenetur.

#### GERVENLANDIA DVCATVS.

*Geruerlandia.*

**GERVENLANDIA** Regio mari adiacens, septem miliaribus in longitudinem, sex in latitudinem patet. Frumenti, & cæterarum rerum ex terra nascentium feracissima, unam arcem, Vitenstein dictam principalem, cum pagis, & curijs compluribus nobilium habebat. Eam sub Rege Poloniae, Suetensium Rex occupauit, Bialykamien, id est, albis lapis Polonis dicta. In hjs territorijs, siue Proincijs Liunionæ prædictis, (quæ etiam pro Ducatibus computari possunt) uariæ sunt multarum gentium linguæ: plebs ipsa Liunica tribus ferè linguis (non multum tamen à se

*Bialykamien  
arx.*



à se differentibus) utitur, ad Lituanicumque idioma, magna ex parte alludunt, barbarie, & moribus incultis rigent, Lituanis, & Samogitis, ob uiciniam in omnibus per similes sunt. Vestitu uili, coq̃ ut plurimum cinericio, ad Germanicum habitum alludenti utuntur, extilix libro more Lituanorum, & Ruthenorum coturnos, connectere solent, uel ex iumentorum pellibus, una cum fetis detractis. Fœmineus sexus in pagis more gentis Cyganorū, (uel ut quidam uolunt Cyreneorum) uagabunde, uestiuntur, uestitumq̃ quibuldam globulis plumbi, cuperis, & electuarijs exornant, indusia quoq̃ circa collū præcipue annulis, intertexturisq̃ uarijs ornant.

Crinibus passis, mulieres uetulae, & uirgines omnes promiscue incedunt, capitis ornamenta quedam mirè, ex globulis quibusdam, confecta ad similitudinem unionū, Germanarumue, uarij coloris geltant, omnes ferè matronæ sagæ, & incantatrices peritissimæ sunt, artibus Magicis supra modum deditæ. Pane uilissimo, teterrimoq̃, & cibarijs simplicissimis utuntur. Frumenta omnis generis trituranda, excutiendaq̃, perinde ut Lituanis, primò in calidissima casa, ad id præparata fumo exiccant, & postea in horreo corā exstructo excutiunt. In ollis figulinæ artis nusquam, nisi in lebetibus æris, cupreisue, in pagis, & ciuitatibus coquunt, neq̃ tibi ollam argilleam aliquò, per totam Liunioniam uidere licebit. Paleis quoq̃ frumentorum, uulgus magna ex parte cum farina siliginis mixtis utitur. Et quamuis miserrima gens fuerit, supra modum tamen callida, fallax, tumida, atrox, & ad cades patradas prompta. Polonos, Lituanos, Ruthenos, cæterosq̃ extraneos Regi Poloniae militantes (extra Germanos, quorum sub iugo olim fuerunt) maxime inuident, eosq̃ deprædatores, & comestores bonorum, fundiq̃ sui calamitatem appellant, & ubi possunt quoscunq̃ milites astu circumuictos, & incautos opprimunt. Vni, uel duobus uiris transitus difficilis est, præcipue si apud agrestes pernoctauerint: nam somno oppressos, magna ex parte trucidant, suffocantq̃. Diuersoria in hac regione rara, uel penitus nulla repetiuntur, sed ad curias, & prædia uiatores diuertere, ibidemq̃ pernoctare solent: Tempia quoq̃ rarissime, nisi in arcibus uisuntur.

Ciues, & Nobiles omnes Germani sunt, Germanisq̃ moribus, & idiomate utuntur. Fœmineus sexus pallia rubea, communiter capiti impolita, ad talos cum frequentissimis plicis gerit. Vittas mulieres in capitibus non gerunt, sed contrictos crines (quos maxime nutriunt, uel ad id præparatos adaptant) tam matronæ, quam uirgines capiti circumnectunt. Pileos siue biretos quadriangulares, more Cardinalium Romanorum gestant: quædam uerò pallijs cum uelamine uelut tecto, frontem, & caput tegente utuntur.

Sponsa cum ad matrimonium contrahendum deducitur, corona argentea deaurata rotunda, & in altum prominente ornatur, omnisq̃ uirginalis, & matronarum chorus, rubeis pallijs uestitus, longo ordine præit, & sequitur. Ceruisia ex hordeo, & lupulo passim in pagis, & ciuitatibus gustu amarissima, maxime differenti à cæterarum regionum ceruisia utuntur: attamē gens illa, & omnes Germani regionis incolæ, hunc potum suauiter præbunt.

Siliginis, & frumenti Liunia diues est, adeo ut exteræ quoque & transmarinæ nationes, Lubeca, Amsterdā, Olandia, Dania, Swetiaque eius ubertatem præsentiant, ad quas grandicopia frumenta à Liunia deportantur. In Liunioniam quoque ipsam ex Russia, Littuanieque regionibus, fluuio Dwina, & Nerua, siligo, & id genus rerum plurimum aduehitur. Pecoribus, & iumentis domesticis omnis generis abundat, lacubus, fluuijsque piscosis, & syluis ad uenationem idoneis referta, in quibus habet, ursos, alces, uulpes, linceos, maturos, castores, & omnis generis animalia. Lepores in Liunia mutant æstate, & hyeme colorem, perinde ut Heluetijs in alpibus, hyeme sunt albi, & æstate cinericei. Inferunt & Moschouitæ pelles ursarum, albas in Liunioniam, quas ex frigidissimis Septentrionalibus regionibus, maxime ex Dwina prouincia Oceano glaciali adherenti acquirunt. Religiosissima gens Liunica post susceptam Christianam fidem, Romanæ Ecclesiæ ritum ardentè obseruans erat: Dominus etiam ordinis Teutonici, & ipse Magister, priusquam ad Lutheranismum desciscerent, religiosa pietate diligenter ordinis regulas, in moribusque & habitu cultum decentem obseruabant. Diuorum delubra, pietate, & pulchritudine decorabant, quæ hodie à Lituanis, penè demolita, & desolata uidentur, ditionemque suam ab omni incurſu barbarorum strenuè, summa cum laude uindicabant, omnia denique illis ex uoto (benignitate Diuina propter Religionis antiquæ obseruantiam prosperante) cedebant: & Moschum barbarum potentem hostem, à finibus suis sæpiſſimè summa cum uictoria propulsabant, prout ex his duobus præclaris, & uictoriosissimis certaminibus (quos mihi explanare lectori haud ingratum uisum est) apparebit.

Anno quo lux diuina, humana in specie coelitus mundo, affulsit, 1381. Magnus Moscho-

Liunioni agro-  
stium habitus,  
mores, & idio-  
ma.

Mulierū Lio-  
nicarū habi-  
9.

Viſus Lio-  
nū miserrim-  
9.

Peruerſitas Li-  
uonum.

Ciues, & No-  
biles in Lio-  
nia Germani.  
Matronarum  
Rigenſium ha-  
bitus.

Liunia ferax

Religio Lio-  
num.



Moschouia Dux, Liunionensium castrum Nenhuus, in prouincia Derptensi acerrimè oppugnabat, cui oppugnationi, ipse sua persona, cum trecentis millibus armatorum intererat. Demùm post diutinam, & acrem obsidionem, crebrasq; irruptiones, moenia, & propugnacula diruta, labefacere incoepabant: obsessi etiam defatigati, & uiribus exhausti ac destituti, Diuinæ propugnationi, & tutelæ, humiliter sese submittunt, ipse etiam præfectus arcis, nocte Veneris diem antecedente, in somnis ante aram quandam postratus, flagranti, corde orabat, ut Deus in tam deplorato rerum statu, sibi, suisq; auxiliari dignaretur, foelicemq; grauis obsidionis liberationem elargiretur. Sole igitur tenebras noctis discutiente, cum Moschouitæ certam iam arcis expugnationem, sibi promitterent, Præfectus ille è precibus exurgit, arcuq; arrepto, telum cum cuspidè præacuta, è fenestra propugnaculi in medium exercitum Moschouiticum iaculatur, & aspirante conatibus Deo, ipsius magni Principis cor, læthaliter transfigit: concurrunt trepidi Moschouitæ, dominumq; exanimatum leuant, & cum magno ululatu deplorantes funestissimum casum Domini sui, relictis castris, & arrepto cadauere, in Moschouiam fuga sibi consulentes, pergunt, Liiones ex arce sese proripientes, hostes fugientes persequuntur, per agrosq; syluas, & pagos, pallantes affecutos trucidant, obruunt, telisque transfigunt, & uidentes mirabili, memorabilique modo numinis auspicio, se liberatos, arcum ad perpetuam rei memoriam, Deo dicatum, in Basilica arcis ad altare appendunt, solebatq; in eo templo cultus Diuinus, magna pietate, & deuotione peragi: Sed postea Anno Domini 1551 Lutheranis dogmatibus assumptis, nullum pristinae pietatis uestigium conspiciebatur: arcus tamen prædictus immotus ad altare pendebat, donec tandè Anno Domini 1558. Ioannes Basiliades modernus Dux Moschouia, eandem, arce potitus, religionem, quoque Lutheranam immutauit.

Aliud celebre, & perpetua memoria dignum, prælium Liiones contra Moschouia Ducem gesserunt, Anno 1500. sub ordinis Teutonici Magistro, Domino Vuoltero à Pletenburg, qui cum Moschis enim statuisset, publica ieiunia, & solennes Lætanias, secundum morem Ecclesiæ Romanæ, instituit: nondum enim eos Lutherana doctrina à Catholicismo transuersos egerat, Mensèq; Septembri paulò post natiuitatem Mariæ uirginis, exercitum ordinat. Rigenlis quoque Archiepiscopus mille Germanos equites adducit, Torpatensis Episcopus quingentos, Reualiensis, & Habselensis itidem quingentos simul, ita ut Magister Liunicus septem haberet, Germanorum equitum millia, & quinque millia Curionum pedestrium (qui populi sunt Liunia, in Regione, quæ Curlandia dicitur.) Hoc cum exercitu Magister, Russiam finitimam Moschouia Ducis inuadit, arcesq; & oppida quædam expugnat, inde ipso exaltationis sanctæ Crucis die, ad urbem Pscouiam exercitum ducit, iuxta hanc sita est planicies, duorum milliarum latitudine patens, in quam deuenerunt, obuiam cū illis procedit Moschouiticus exercitus, centum millia armatorum (in duodecim acies distributus) continens. His adiunctæ erant Tartarorum copiae barbarie feroces, triginta millia conficientes. Itaque Teutonicus Magister, ubi aut turpiter fugiendum, aut ingenti cum animo, aduersus tantum exercitum, barbarie, & armis formidabilem procedendum uidet, nihil de uictoriæ spe remittens, aleam belli tentare constituit, & animis suorum confirmatis, classicum canere iussit. Moschouitæ quoque ex aduerso signa tollere, patrioque more tubas inflare, & tympanulas (quas paruas singuli præfectorum habere solent) pulsare coeperunt. Magister Teutonicus, globos tormentarios, scloppetariosq; uelut crebra, continuaque tonitrua, in Tartaros contorquet. Tandem maximo clamore, strepitu, armorumq; corruscatione, utrinque concurrunt, Tartari, & Moschouitæ arcibus, & sagittis assueti, densissimo, creberrimoque telorum iactu, æthera obumbrant, quæ tamen emissa aërem irrita, uerberabant. Tartari ubi prælio à Teutonicis fusi, fugatique tuere, duodecim Moschorum acies, centum millia conficientes, uiribus, animisque recentes succedunt. Teutones cæsis Tartaris, ubi bellum recrudescere sentiunt, quantò maiorem hostium uim prioribus, succedere uident, tantò maioribus animis in hostes irruere, & uelut ab integro noua uirtute resumpta, ingenti cum fremitu casim, punctimque uergente iam ad uesperam die, confligunt. Ex Moschouitis, qui supererant, fuga sibi consulentes in Pscouiam se recipiunt: prælio itaq; dirempto, compertum est ex Teutonicis, unum duntaxat desideratum, com pluresq; sed non læthaliter uulneratos: Moschouitarum uerò, & Tartarorum, circiter centena millia trucidata, ita ut duobus milliaribus, cadauera passim prostrata iacerent: triginta uerò millia fuga elapsi sunt. Memorabilis sanè Triumphus, & sempiterna memoria dignum, singularis uirtutis, & fortitudinis exemplum. Hac igitur clade suorum Moschorum Dux Basilius Ioannis audiens cum summo stupore admiratus, tantum exercitum, tam exigua, turpiter casum, & prostratum, ad quinquaginta annos cū Teutonicis inducias

Moschus Nenhuus in Liunia oppugnat.

Insignis uictoria Moschorum Duce occiso.

Vuolter Pletenburg Magister Liunice.

Liiones Moschouiam inuadunt.

Conflit Aus Moschorum cū Teutonicis acerrimus.

Moschouitarum centum millia Teutonicorum duntaxat, unus occubuit.

Memorabilis uictoria. Moschus petit foedus à Liunionibus.



ducias, confestim firmauit, Rutheniq; & Moschouitæ ab eo tempore, Theutonicos ferreos uiros appellabant.

Ex his igitur foelicissimis, & uictoriosissimis duobus, Liunorum cum Moschouitis prælijs, (quantumuis multa uarij euentus prælia, inter eos utrinque eueniebant) appareret, quod Liunionenses, ordoq; Teutonicus, priusquam à Catholicismo desciscerent, manu Diuina, contra quosuis incursus hostium propugnabantur, omnibusq; rebus exteris nascentibus, & cæteris fortunis, copiosè affluebant. Vbi uerò Lutherana dogmata amplecti anno Domini 1527. coeperunt, pietatem, & religionem auitam cum omnibus uirtutibus unà excusserunt. Postea uarijs & diuersis plagis, omnes passim grauissimè afflicti sunt, adeo ut uniuersa elementa, in uindictam eorum conspirasse uiderentur. Terra enim Regionis, quæ omnium frugum, & fructuum, leguminumq; feracissima erat uictum (nihil proferens) illis denegabat. Aqua etiam, lacusq; olim piscosi nullos pisces dabant: aër quondam saluberrimus hominum salutis à Deo concessus, in uenenum, & contagium conuersus erat. Igne etiam, & ferro Moschouitæ uniuersam Derptensem Prouinciā crudeliter uastabant. Sed Teutonici fratres nobiles, & ciues, huius afflictionis culpam, & numinis offensam, Catholicis imputabant.

*Liunones ferrei uocati à Moschis.*

*Mutatio religionis in Liunia.*

*Plaga diuina in Liunia, fa mes, pestis, ignis, gladius.*

*Moschouitæ Liunioniam uastant.*

DE INTESTINO, ET CIVILE LIVONIEN-  
sium bello, & causa expeditionis Regis Po-  
loniæ contra Magistrum Li-  
uonensem.

**M**agister Liunioniæ cum omnibus Teutonici ordinis fratribus, & equestri ordine, post Lutheranismum susceptum, Archiepiscopo Rigensi collegæ suo, ob non susceptum dogma Lutheri aduersabatur. Hic autem Archiepiscopus ex illustri prosapia, Marchionum Brandenburgensium genus ducebat, frater Alberti Marchionis Brandenburgensis, olim Magistri Teutonici ordinis, & postea Ducis in Prussia, neposq; Regis Poloniæ.

Magister itaque Comitij generalibus celebratis, conclusit, & constituit Archiepiscopum bello appetendum esse, in quod totus ordo, & nobiles cum omnium suffragijs consenserunt. Episcopus quoq; Torpatensis Hermannus, ut erat inconstantis animi, facile ad oppugnandum Archiepiscopum indutus est. Reualiensis etiam, & Habselensis Episcopi, Magistrum metuentes, facile in castra eius concesserunt, & ita uniuersa Liunia in Rigensem Archiepiscopum, hostiliter conspirauit. Anno itaq; 1557. paulò post natalem Diui Ioannis Baptistæ, ordinis Teutonici Magister, Vuilhelmus Furstemberg, exercitum cum commendatoribus cōscribit, tres quoq; Episcopi prædicti, copias suas eidem coniungunt. Sicq; instructissimo exercitu, & magno cum apparatu, Rigensem Prouinciā hostiliter inuadunt. Archiepiscopus Rigensis tametsi defensionem meditaretur, & magnam nobilium partem sibi adiunctam haberet, infirmior tamen erat, & uiribus impar, ut tanti exercitus uim sustinere, & propulsare neutiquam posset. In arcem itaq; Kokenhusen naturā loci munitissimam, in edita rupe constructam, cum suis profugit. Magister uerò eum cum uniuerso exercitu ibidem, graui obsidione oppugnabat, tormentis, machinisq; bellicis muros fatigans. Sed neq; tormentorum crebra tonitrua, neq; ualidos hostium impetus muros labefacere poterant, sola fames, & in ædia obsessos ad deditio- nem compulit: octauo itaq; obsidionis die portis adaperitis Archiepiscopo iubente, hostibus sese dederunt. Ordinis Teutonici Magister Archiepiscopum, non ut unius Prouinciæ, & urbis Rigensis consortem, non ut claræ prosapiæ Brandenburgensium Marchionum Principem, non ut Præsulem, & Primatem, sed ueluti barbarum hostem tractat, contumelijs, & probris ludificatur, omnibusq; oppidis, arcibus, & pagis mulctatum, carceri mancipauit, totoq; anno uinctum detinuit.

*Cōspiratio aduersus Archiepiscopum.*

*Archiepif. cedit.*

*Kokenhusen cū Archiepif. capitur.*

Rex Poloniæ Sigismundus Augustus, ubi id ab ordinis Marschalco (quē Magister bonis omnibus spoliatum, eò quod bellum contra Archiepiscopum suscipiendum dissuadebat expulerat) rescisisset. Tanti Principis Nepotis suis, seruilem captiuitatem ægre tulit, rei q; indignitate commotus, Episcopum quendam in Liunioniam ad Magistrum ordinis, hac in causa destinauit. Qui cum multis rationibus, deliberando Archiepiscopo nomine Regis, coram Magistro ageret, Magister neque excarcerandi Archiepiscopi, nec componendorum dissidiū spem præbuit. Itaque Legatus re infecta ad Regem reuertitur. Rex Poloniæ, ut operam suam irritam cognouit, ordinis Magistro, omnibusq; eius auxiliarijs, bellum denunciat, quo nuncio accepto, confestim Magister ingentem thesaurum, in Germaniam ad exercitum ibidem conscribendum mittit, adductaq; sunt

*Legatus Regis Poloniæ in Liunioniam.*

*Causa belli Liunionici.*



sunt aliquot millia equitum, & sex uexilla peditum Germanorum in Liuoniam. Rex Po-  
 loniæ haud diu moram trahens, infestis signis in Liuoniam contendit, equitum simul, &  
 peditum armatorum, uirorumque electissimorum centena millia, cum tormentis, am-  
 plissimaque bellica suppellectili procedunt, ordinis Magister uniuersos, quos habebat præ-  
 fectos, & commendatores Regi opponit. Episcopi quoque tres, Derptensis, Reuallensis,  
 & Habselenensis, copias suas eidem coniungunt. Itaque Ordinis Magister tunc temporis ha-  
 bebat Germanorum equitum septem millia, & sex peditum uexilla bene armata. Præte-  
 rea etiã agrestium aliquot millia Liuonorum. Sed Magister Polonorum ualidissima, lectis-  
 simaque manu inspecta, uictoriæ spem prorsus abiecit, legatumque ad Regem, qui præ-  
 sens in armis erat, otius destinauit, prælum deprecando, & pacem humillimè efflagitan-  
 do. Rex clementer, & benignè respondit, nisi uiduas, pupillos, orphanos, & inopes, in-  
 nocentesque colonos miseretur, nullo pacto pacem se cum Magistro initurum, sed ut  
 Magister ordinis agnoscat (inquit) me sanguinis, aut belli sitientem non esse, ipse si pa-  
 cem expetit, huc ad nos intra octodecim horarum spacium accedat, principemque, & Ar-  
 chiepiscopum Rigensem una adducat: dein pacis, & concordie rationem inibimus. Teu-  
 tonicus Magister hoc responso, confestim Archiepiscopum, qui non longè aberat, custo-  
 dia liberari, & uinculis educi iubet, ambo itaque trecentis equitibus, inermibus stipati,  
 ad Regem ueniunt. Ibi cum ultrò, citròque de pace ageretur, tandem concluditur, ut  
 Magister ordinis Archiepiscopum in pristinum statum restitueret, omneque damnum,  
 & detrimentum eidem illatum refarciret. Præterea Regi Poloniae stipendia in milites e-  
 rogata persolueret. Graues hæ erant ordini Teutonico pacis conditiones: attamen  
 Magister metu grauioris periculi urgente, consensit & secundum pacta omnia præsti-  
 tit. Postea Archiepiscopo prædicto, e uiuis decedente, Rex omnes arces, ciuitatesque,  
 pagos, & Curias, ad Archiepiscopatum pertinentes, iure propinquitatis in Liuonia oc-  
 cupauit. Magistro quoque prædicto, à Moschouitis in arce Felin per prodicionem mi-  
 litum suorum capto, & in Moschouia in uinculis mortuo, tota Liuonia cum suis Pro-  
 uincijs in ius Regis Poloniae celsit. Atque hic ultimus Magister ordinis, Vuilhelmus  
 Furstemberg, Magisterium, Teutonicorumque fratrum Crucigerorum  
 in Liuonia, ordinem terminauit, absoluit, fi-  
 nemque extremum im-  
 posuit.



TABVLA ET SVMMARIA ARCIVM, CASTRO-  
rumq; Liuoniae, cuius dominio singulae subsint, exceptis  
curijs, praedijs, & praefecturis.

Regis Poloniae arces in Liuo- nia, & ciuitates	1 Dunamunt	19 Zelborg	35 Konnenburg
	2 Blokhaus	20 Kreczborg	36 Smilten
	3 Riga	21 Dunenborg	37 Lemzel
	4 Karxhaus	22 Rodenpeus	38 Treiden
	5 Helmet	23 Nitaw	39 Cremon
	6 Rugen	24 Sefuegen	40 Sancel
	7 Parnaua	25 Georgenborg	41 Dalen
	8 Ermes	26 Lewborg	42 Vuanfel
	9 Burtnich	27 Solsiten	43 Salis
	10 Vuolmer	28 Ludsen	44 Nochrosen
	11 Aries	29 Luden	45 Rossenbek
	12 Segenuol	30 Landon	46 Maian
	13 Neuenhul	31 Schanzenborg	47 Pierkiel
	14 Kirchholm	32 Filacuel Maie-	48 Roppe
	15 Vxul	hausen	49 Nabbe
	16 Lenuard	33 Rodenpeus	50 Erle
	17 Ascherad	34 Serben	51 Bersen.
	18 Kokenhaus		
Ducis Curlandiae feudalis et uas- alli Regis Po- loniae arces	1 Seleborg	7 Schroden	12 Vuinda
	2 Bassenburg	8 Hasenpot	13 Goldingen
	3 Doblin	9 Durbin	14 Sabel
	4 Mittaw	10 Hrubrin	15 Candaw
	5 Newburg	11 Alfängen	16 Tuczum.
	6 Frauenburg		
Ducis Moscho- uia castra	1 Derp	10 Raden	18 Iwangorod
	2 Falkenaw	11 Laïs	19 Newburg
	3 Vuerpech	12 Operpal	20 Tolsburg
	4 Kirempe	13 Felin	21 Vuessenberg
	5 Ollentorn	14 Tarnect	22 Bericholm
	6 Newhaus	15 Talckofen	23 Afs
	7 Odenpel	16 Fegfeor	24 Est
	8 Holsen	17 Nerua.	25 Cunctal.
	9 Kanelicht.		
Regi Suetiae arces	1 Reuel	Magni fratris Regis Daniae arces	1 Arnsborg
	2 Vuitenstein		2 Sonenburg
	3 Badis		3 Lode
	4 Hapsel		4 Piltén
	5 Leal		5 Edualen
	6 Ficzel		6 Hasempot
	7 Verder		7 Angermunde
	8 Foelix		8 Dendangen
			9 Newhaus
			10 Samboten.



**POLONICARVM RERVVM,  
POLONIA SIVE DE SITV, POPVLIS,  
MORIBVS, MAGISTRATIBVS, ET RE-**  
publica regni Polonici libri duo.

AVTHORE MARTINO CROMERO, COADIVTORE, AC  
designato Episcopo Varmienfi.



NTE complures annos, post editū opus id, quod de origine & rebus gestis Polonorum conscripsi, cum essem in aula & ministerio D. Sigismundi Augusti regis, operæ precium me facturum esse existimaui, si de situ quoq; & natura terræ Poloniæ, & de moribus, magistratibus, atq; omni Republ. gentis aliquid cōscriberem, quod quasi clavis foret ad annales illos nostrates facilius intelligēdos. Et ortus quidem sum opus, multis nominibus perdifficile: Sed abstractus ab eo eiusdem regis iussis ad obeundas subinde peregrinatio- nes: & in aula optimi Imperatoris Ferdinadi in septimum annum commoratus, intermisi, ad finem quidem deductum, sed rude & impolitū, nec satis fortassis exquisitè conscriptum: Cum amicis tamen aliquot, quale tunc erat, comunicavi. Quamvis autem postea plus à publicis functionibus ocij nactus essem, non resumpsi tamen id in manus, siue redio ac desidia quadā senili, siue alijs curis ac muneribus ecclesiasticis impeditus: cogitabamq; id quasi abortivum scētū intra domesticos parietes sepelire. Sed aliter Stanislaō Carncoiio Episcopo VVladislaviensi viro non solum iuris prudentia, verum etiam elegantiore literatura, theologia, pietate, & omni uirtute ornatiss. meiq; amantissimo uisum est. Nam ante annū tertium cum Henricus Valesius (quē non sine præfatione honoris nomino) Francisci Francorum regis Etunc Andegauensium dux, nunc autem post obitum Caroli fratris Rex Francorum, magno ordinum Regni Polonici & annexarum ei provinciarum consensu, liberisq; suffragijs rex creatus esset, & ad suscipiendum id regnum adueniret, suavit & persuasit mihi Carncoius (cuius ego iudicio plurimum tribuo) ut opus id ipsi offerrem. Fore enim ei gratissimum, & uenienti ad oras & gentes sibi incognitas accommodatissimum, ut iam inde à primo quasi limine eas salutans pernoscere, neq; diutius apud eos populos, quibus præfaturus esset, in eorumq; republ. peregrinaretur. Obsecundaui: Resuscitaui opus abortivum: Resumpsi in manus: Recognoui, quoad breuitas tēporis, quo rex aduentabat, & negocia muneris mei ecclesiastici patēbantur. Et cum ipse Regi obuiam prodire commodè non possem, obrulit ei munusculum meum ipse Carncoius, qui tunc eum in finibus regni nomine uniuersæ Poloniæ publicè salutabat, & faustum aduētum ipsi gratulabatur. Ex illo autem exemplari castigatiss. descriptum est postea à nescio quo (nec scio an à pluribus deinceps) opusculum. Quod nactus Vechelus typographus Francofurtensis, ut erat descriptū, ita excudit: nempe mendosissimè, non solum proprijs & uernaculis hominum, locorum, & magistratuum nominibus, ab imperito quopiam Poloniæ linguæ, sed etiam Latinis uerbis ab illiterato prorsus scriptore deprauatis atq; corruptis, ita ut à nemine intelligi, à me uerò uix agnosci posset. Præfatio tamen loquebatur quasi per coniecturam, à me id cōscriptum esse. Cuius ita excusi exemplū cum mihi fuisset exhibitum, puduit me magnoperè, non tam meo, quàm patriæ meæ nomine, cui tam mala opera nauata esset: & quo opere illustrari ea deberet, non sine infamia quasi traduceretur. Misertum est etiam eorum, qui id lecturi essent non sine iactura temporis & molestia, & pro thesauro, ut est in prouerbio, carbones reperturi. Et cupiebant id Vechelus, & aliquot alij typographi castigatius recudere. Proinde non existimaui mihi committendū esse, quin existimationi cum meæ, tum patriæ meæ consulerem, ac tibi, optime lector, iuxta, gratificarer. Edidi itaq; de nouo exemplar ita, ut tunc Regi oblatum est, castigatum. Admonendus autem mihi es, candide lector: ne requiras in tali opere puritatem & elegantiam sermonis Latini. Neque enim in eo ab usitatiss. uulgò uerbis, & nominibus uernaculis temerè discedendum fuit, si non quasi per somnium, sed *ὡς ἔπος*, ut græco uerbo utar, id intelligendum, de quæ conferendum est. Nonnulla quidem alia, sat scio, requires, nimirum de principe provincia Lithuania & Lituanis: De Prussis etiā & Prussia, ducali præsertim: Itemq; de Liuania, Volynia, Polesia, & magna parte Podoliæ, cuius metropolis est Kiouia: Quæ provincie cū quodam tēpore (Liuania excepta) à Polonia ferè abalienatæ fuissent, quemadmodū suo loco à nobis memoratum est, nuper adeò post cōscriptū hoc opus in ditionem Polonorum reuenēre. Requires & ea fortassis, quæ proximis aliquot superiorib. annis publicè in comitijs Polonicis acta & constituta sunt. Sed ea partim non huius sunt operis: partim huius quidē modo sunt, tunc aut non fuerunt, cū id nobis elaboraretur, uel certis de causis à me omissa, & alijs scriptoribus, qui exactius ea nossent, & conscribere possent, relicta sunt. Supplere aut nunc ea, quæ non iniuste desiderari possunt, grās, & munus mihi impositū prohibent. Non deerunt, spero, qui florentes annis & ingenijs, emunctiorib. iudicijs, & stylo elegantiori præditi, maiore cura ac diligentia non solū illa residua perquirent, persequentur, & atrexent, uerum etiam hæc nostra ornabunt. Tu lector amice, quæ dantur, & qualia dantur, boni consules. Vale. Ex arce nostra

Heilsbergensi, Prid. Non. Januarij. M. D. LXXVI.

SACER.



SACERDOTIS CVIVSDAM POLONI, AD  
LECTOREM ADMONITIO DE SILE-  
siorum nouis annalibus.



VM opus hoc non nemine postulante in publicū proditurum esset, obtulerunt se mihi Gėtis Silesiæ annales cuiusdam, qui se Ligiū (etymo nimirū linguæ suæ Germanicæ) haberi uult ē fabulosis campis Elysijs. Qui quāuis sedulō dissimulare studeat, quo animo scripserit, & unde pleraq; omnia compilarit, prodit tamen sese petulans eius maleuolentia & maledicentia. Non tam authorem autem huius operis, & eius, quod est, De origine & rebus gestis Polonorū (quē suppresso nomine immerito nō nunquam perstringit) quā gentem Polonam omnem (cui se amicū esse simulat) & res gestas eius deprimere & insectari sibi proposuit. Et tamē homo modestus & integer contra alienas calūnias sese præmunit. Non est autē opere precīū, hoc tempore eū refellere, quando quidē ipse reprehēdit modo nostratia nudis uerbis, aut citandis authoribus nō grauissimis, & in sua ipsorū gentisq; suæ causa nō minus, quā nostrates ipse iudicat, suspectis, neutiquā cohærente sibi alicubi rerū serie. Cōmonefacere tamē te, optimē lector, mihi uisum est, ut cogites, quantā fidē habere debeas ei homini, qui, quē nō rarō citat Dlugossū, ne nominare quidē nouit, tantū abest, ut legerit, opusq; illud de origine & rebus gestis Polonorū, quod sibi ad mordendum inprimis proposuit, Dlugossi epitomē esse dicat. Nec animaduertit, homo lepidus, alios quoq; authores in eo citari, & Dlugossū nonnunquā reprehēdi, & leniter refelli. Adhęc onerat is suspicionib. uniuersē Polonicā historiā eo nomine, q. à Polonis, & ijs quidē sacerdotibus, conscripta sit. Cur autē non ijsdem de causis etiā Germanicæ suspectæ sint, à Germanis & ipsæ conscriptæ, & ferē à sacerdotib. & monachis? Quod nomen gregalibus istius pseudēuāgelicis longē abominabilius est. Quasi uerō non apud oēs populos peculiaris cura sacerdotū fuerit antiquitus, cōseruare publica literarū monumenta, & prodere in publicū res gestas. Et quasi non maxima fides semper eis habita sit. Idonei scilicet ijs rebus & actionib. sunt magis coci, uel baiuli, uel lenones, aut certe medici, quorū ars ferē omnis cōiecturalis est, historiē scilicet inprimis consentanea. Nec sanē à professione sua iste in eruendis & recensendis Ligiorū & Elysiarū suorū, & nescio quorū non portentorū, uel, ut ipsius uerbis utar, terribiliū nominum, quē ipse maiores suos appellat, originibus uel latum, quod aiunt, unguē discedit, nō rarō ex una aut altera litera cōiecturas captans. Qualia sunt, quōd Suiones, Sidinos, & Sicinos, Sueuos uult esse: Nimirū quia in his omnib. nominibus prima litera eadē est: Nortuedos itē, quia duæ mediæ u & e, Misnios à Mysis, Lignicienses & Libussenses à Ligijs, Saxones à Sacis deducit: Liuonas Lemonios, propter primā itidē literā, Silesios Elysijs propter duas, quāuis interpolatas, esse autumat: Burios, Byrrias Comicos, Brugos, Bituriges, Phryges simili ratiōe coniungit: Et ne linguarū diuersitas ei obster, Gotos, (quos etiam cum his eiisdē stirpis esse cenfer) Gallica, hoc est, Heneta lingua loqui asserit. Quasi nō *his duā mōdū* hæ tres linguę inter se differāt, si modo Heneti Poloni & Slauī sunt, ē Paphlagonia profecti, ut ipsi cū præceptoribus suis Melanchthone & Peucero uidetur. Sic nepe ille in præbēdis ægroto pharmacis butyrū pro buglossa, aconitū p acoro fortassis administrat. Cur autē idem Germanos nō à Carmanis (Quę duo nomina nō una aut altera, sed omnib. fermē literis inter se cōgruunt) potiūs, quā aliunde deducit? Cur autē mauult tā infirmas & incertas cōiecturas, aut uerius somnia sua, nulla Sueuicæ linguæ aut cuiusquam de tribus illis etymologia adstipulante sequi, & excisa olim cū ipsis populis nomina ab orco reuocare, quā oppidorum, locorū, & populorū nomina nō uetustissima, eorumq; etyma Polonis & Slauis (à quibus ipse nō diffiteretur loca illa habitata & culta esse) relinquere? Est hoc cādoris eius: est eximia scilicet erga gentē Polonā beneuolentiā. Nemo sanē uel mediocriter peritus linguæ Polonicæ nō intelligit, Polonica esse, & Polonicas habere etymologias Suidniciā, Legniciā, Bregā, Glogouiā, Boleslauriā, Gorliciā, Odrā, & penē innumera alia locorum uocabula, eo tēpore indita, quo Poloni extirpatis priscis illis istius maiorib. eas oras tenuēre: Slesiā uerō & Vratislauriā Boemica, posterius usurpari cœpta. Nec scio, an gentilitiū ipsius nomen eiisdē notē sit, à gallo gallinaceo sumptū. Nisi fortē Polonicæ originis eū pudet. Nos quidē eum inuitū nobis nō uindicabimus, ut olim decē Græciæ ciuitates de Homero contendisse memoratur. Sit sanē Sueuus, uel Phryx, uel Elysius, uel Ligius, uel Stygius deniq; dūmodō Polonis Venedicā, Sarmaticamq; originem ne inuideat. Sed non est nobis propositū suauis & unguenta olentis hominis, atq; etiā ma (hoc est, ualde) theologi ineptias refutare. Rectē autem is & ordine fecit, q. religionem suam non dissimulauit, & leges historiæ uidelicet, nō trāsiliuit, eademq; opera optimum Cæsare Maximilianum, cui opus illud suum dedicauit, nō idem secum sentientem, una cum d. Patre, & maioribus, & liberis eius inclutis, non semel impietatis condemnauit. Nimirum hoc sibi proposuit historiæ prætextu uirus hæreticum incautis obtrudere. Sed uellem, apertius is nobis explicasset, quem nā in præclaro isto euangelio suo & uerbo Dei ducē, uel interpretē cum suis Ligijs & Elysijs



sijs sequatur. Non Suuencfeldiū, opinor, ciuem suum, licet permultos is habeat sectatores in ea gente. Hos nodos ubi soluerit, tum demum fortassis patiemur nobis persuaderi, nihil eum ne in historia quidem fingere, nihil odio uel gratia deprauare, nihil denique calumniari. Quinetiam non indulgentem affectibus, probabiliora secutum esse. Caterum leges historiæ eum non transiisse, nullum honestum ordinē sauciare uoluisse, Polonica nationi amicum esse, ut credamus, ne ita quidē adduci poterimus. De eo uerò, quòd ea, quæ mutili, sicut ipse uult, Polonici historici omiserunt, ipse suppleuerit (quæ duntaxat alicuius momenti sint) amplius deliberandū censebimus. Quod si quid eiusmodi proferetur, admirabimur hominem, è muscis elephantos facientem. Laudabimus etiam acumen oculorum, qui Carpathum montē maiori Poloniæ proximū esse perspexerit. Sed non uacat ineptijs diutius immorari. Satis est, lector candide, nos tibi qualem qualem gustum fidei, sinceritatis, & integritatis annalium illorum, subdolè aliena scripta, factaq; fugillantium, & uenena incautis instillantium, præbuisse.

Vale.

## POLONIÆ MARTINI CROMERII LIBER PRIOR.

### DE SITV POLONIAE, ET GENTIS Polonæ.

Polonorum origo.

Poloniæ præfines.



Polonorum nomina.

Polonorum nomina.

Poloniæ fines.

Poloniæ præfines.

In his libris, quos triginta de origine & rebus gestis Polonorum conscripsimus, ostendimus, Polonos gentem esse Slauicam, & Sarmaticam: Quæ quodam tempore è Sarmatia progressa, transmissa Vistula flumine, in his Germaniæ locis, quæ prius Venedi & Vandali tenuerant, confederit, finesq; domicilij & imperij sui uersus occasum & Septentrionem longè, lateq; protulerit, ita, ut à Sarmaticis montibus in Septentrionem quidem secundum utranq; ferè eius fluminis ripam, in occasum uerò secundum dorsum Herciniæ siluæ, quo Boëmia clauditur, atq; inde porro secundum Albim fluuium, ad eius ipsius, atque adeò usque ad Visturgis seu Vesperæ ostia, & sinum Venedicum siue Balthæum, quicquid terrarum est, eius gentis ditione teneretur. Ac uniuersè quidem eos populos Slauos, seu Slauinos sese dixisse: A finitimis uerò cum Venedis, seu Vinidas, tum Vandalos etiam, eorum, qui prius ea loca incoluerant, populorum nominibus appellatos esse: Peculiariter uerò, eos, qui uersus occasum Germaniæ erant uiciniores, partim Sorabos, partim Obotritos, Lutitios, siue Lutzitios, Vinulos, Ranos, Vilzos, Rugios, Vetalabos, Retareos, Licicauicos, Heueldos, Vuloinos etiam: quod nomen cum Polonorum nomine cognationem habet, dictos esse. Quos omnes Slauicæ nationis atque linguæ fuisse, & partim domesticis satraparum ac ducum defectionibus & pactionibus, partim armis in finitimorum Saxonum, & Germanorum ditionem, nomenq; postea transisse memoriæ proditum est. Polonorum autem nomen uernaculum an commune fuerit horum omnium, an peculiare unius cuiusdam populi: & uetustumne, an recentius, non liquet. Ante septingentos quidem annos, nusquam in annalibus ullis externis id inuenio. Nec unum eius etymon memoratur, quem admodum alibi ostendimus. Nonnulli enim à Lecho, seu Lacho, duce Polachos, quasi posteritatem Lachi dictos esse: Alij uerò à campestri planicie, quam incolunt, uel à uenationibus, quibus impensius delectantur, Polacos & Polanos, mutataq; una litera Polonos, & ab his regionem Poloniam appellari uolūt. Eius aut non idem semper fines fuere. Nam Russiæ permagnam partem cum Podolia subactam, & Prussiæ nonnullam, & Polessem tractum barbaris lazigibus siue lazingis ademptum quodam tempore, Poloni suo adiecerunt imperio. Præter illa autem dudum memoratorum à me populorum occidentalium detrimenta, posteriori tempore Silesia ferè omnis Polonis sese subduxit, & Pomeraniæ, Cassubiæq; reliquæ magna pars detracta est. Decesserat & Russiæ Podoliæq; pars magna, & Volynia, & Polessem tractus. Culmensis quoque ac Dobrinum, & Malouia ferè. Sed hæc prouinciæ his duobus, non amplius, seculis recuperatæ sunt: Recuperata est etiam nonnulla pars Silesiæ & Cassubiæ, Pomeraniæque ea, quæ nunc Prussiam continetur. Rursus tamen Lithuani, securis fœdere & societate ipsorum Polonis,



Polonis, Poleſſenſem tractum ſerè omnem, & Volyniam, & magnam partem finitimæ ei  
 Ruſſiæ & Podoliæ aorum noſtrorum memoria, regibus uel fauentibus, uel conuiuen-  
 tibus, ad ſe reuocarunt, quemadmodum ſuo loco expoſuimus. Sed ij populi nuper adeo  
 extremo regni Sigismundi Auguſti tempore, cum hoc opus nos ad finè perduxiſſemus,  
 relictis Lithuanis, ultro in ius & ditionem Polonorum æquo fœdere prorsus uenerunt.  
 Quin & Lithuani ipſi, exemplum ſecuti, ſeſe cum Polonis, renouato & ampliato antiquo  
 fœdere, coniunxere. Inſtituta tamen ſua, & magiſtratus, & iuriſdictionem peculiarem reti-  
 nuere. Cæterum nos quemadmodum illa ſuperius recensita Poloniæ detrimenta in hac  
 deſcriptione præteriuiſimus, ita modò commemoratas acceſſiones cuiuſpiam ſalius operi  
 reſeruamus, alijs iam diſſenti ſudijs, & occupationibus. Nec Liunioni attingimus, cuius  
 à uicinis principibus miſerè diſcriptæ maxima pars ante pauculos annos in ditione eiꝯſ  
 dem regis uenit. Ne Pruſſiam quidem ducalem exactius deſcribemus. Licet enim ea ſu-  
 ſtis armis repreſſa ac domita, ex fœdere maiestatem regis Poloni à centum amplius annis  
 comiter agnoſcat, neq; linguam tamen, neq; inſtituta & leges Polonorum accepit. Sed  
 deletis penè priſcis Pruſſis, à Germanici ſanguinis hominibus habitatur & regitur, ea par-  
 te excepta, quæ finitima eſt Maſouiæ: Quæ à Polonis colitur antiquitus, & Polonici ſerè  
 iuris olim fuit. Nec ceterioris autem Pomeranię partem eam, in qua eſt oppidum Lembur-  
 gum, & arx Bythouia, complectemur, propterea, quòd ea beneficio regum ſuperiorum in  
 ius ducum ulteriores Pomeraniæ tranſijt. Quo nomine ſunt tamen & ipſi beneficiarij re-  
 gis Poloni, iurantq; ritu ſolenni in uerba eiꝯſ, quemadmodum & dux in Pruſſia, & ante  
 eum noſtra memoria creatum, Magiſtri cum primoribus ordinis Crucigerorum, ſeu Teu-  
 tonicorum S. Mariæ militum, cum eiꝯſ prouinciæ dominarentur, iurabant. Valachiam  
 quoq; prætermitemus: quæ fuit & ipſa intra hos ducentos annos in clientela regum Po-  
 lonorum, ſed ſuis legibus, ſua lingua, ſuiſq; ducibus utens, qui Voieuo dæ ſeu Palatini di-  
 cuntur. Qui duo primùm fuere, Tranſalpinenſis, & Moldauicus, quorum hic à noſtrati-  
 bus peculiariter Valachiæ Palatinus dicitur: ille uerò Multanicus. Verùm extitit poſtea  
 tertius Beſſarabicus ad Pontum Euxinum, diuiſo inter fratres principatu Moldauico. Ac  
 Beſſarabia quidem iam pridem ſubacta eſt à Turcis: Reliquarum autem duarum Palati-  
 ni & ipſi iam dedititij ſunt eiꝯſdem gentis, patrum, aorum, & proaorum noſtrorū me-  
 moria in uerba regum Polonorum, nonnunquam Vngaricorum quoq; & ipſi iurare ſo-  
 liti. Nunc igitur Polonia, quæ quidem uno regno & iure cōtinetur, quatenus à nobis de-  
 ſcribitur, ſecundum longitudinem terræ habitabilis, eſt ſententia Geographorum, & in pri-  
 mis ſecundum delineationem amici mei Venceslai Grodecij, à triceſimo octauo gradu,  
 ad quinquageſimum ſecundum, uel tertium (incerti ſunt enim in illa ſolitudine Scythica  
 fines eiꝯſ) ab occaſu æſtiuo uerſus ortum hibernum obliqua protenditur, amplius quàm  
 per ducenta milliaria Polonica: quorum unumquodq; quatuor Italica in ſe cōtinet. Ta-  
 metſi Ruſſica & Podolica ſunt aliquanto longiora. Quin certis literarum monumentis  
 doceri poteſt. Ociacouiæ arcem ad oſtium Borithenis 54. gradu longitudinis ſitam,  
 aliquando in ditione Polonorum regem fuiſſe. Latitudo autem Poloniæ, quæ maxime  
 Orientalis, & quæ Occidentalis eſt, triginta plus minus milliariorum eſt. Et Occidentalis  
 quidem habet imam poli eleuationem quinquaginta duorum ſummam 54. grad. & 40.  
 ſerè minorum: Orientalis uerò ſummam quidem 51. ſerè, imam autem graduum. Po-  
 cucenſis tamen Ruſſiæ tractus à quadageſimo octauo incipit. Cæterum in medio, quæ  
 latiſſimè centum miliarijs patet Polonia, & cum in meridiem paululum recuruatur, tum  
 in ſeptentrionem magis ad mare Baltheum ſeu Venedicum, & ſecundum extremam oram  
 Maſouiæ dorſo prominet, imam quidem poli eleuationem habet in ora Scepuſſij quadra-  
 ginta nouè grad. ſummam uerò in littore maris, & in Puſcenſi ora quinq; ſerè, & quin-  
 quaginta: ita ut figura eiꝯſ intenſi arcus ſpeciem præ ſe ferat: cuius neruus paululum re-  
 ductus, ad meridiem & occaſum hybernū quadantenus ſpectet, exterior uerò curuatu-  
 ra in ſeptentrionem, & ortum æſtium obuerſa ſit. Quòd ſi quis nouas acceſſiones Po-  
 leſiæ, & ei cōfinis Ruſſiæ, Volyniæ, Podoliæ, & Liunioniæ, Pruſſiamq; ducalem, & Li-  
 thuaniam cum ſua Samogitiæ, & Ruſſia alba Moſchis finitima (quæ omnia iam uno re-  
 gno cōtinentur) annumeret, multò longius & latiꝯſ uerſus orientem ſolem, & ſepten-  
 trionem ea patebit. Ad Nieprum enim ſitæ ſunt arces & oppida, Kiouia, Caniouia, & Cir-  
 caſſi, ultra 54. grad. longitudinis. Pruſſiæ uerò ducalis & Samogitiæ latus ſeptentrionale  
 quinquageſimum ſextum, finitimæ autem Ruſſiæ albæ 57. grad. latitudinis attingit. Por-  
 ro continens hiſ Liunioniæ, quatenus cū duce nouo Curonienſi, ſiue Curlandico (qui par-  
 tem eiꝯſ nonnullam obtinet) regis Poloni Maiestatem agnoſcit, 61. gradum excedit. Atq;  
 ita longitudo regni Polonici à finibus Marchiæ Brandenburgeniſis ad Nieprem ducta  
 recta linea non minus 240. miliaria complectitur, ſi 15. miliaria uni gradui reſpondent:

1572

Lithuani ſe cū  
Polonis coniu-  
nere.Quatenus de-  
ſcribitur hic  
Polonia.  
Pruſſia ducalis  
Hiſt. lib. 27.Lemburgum  
& Bythouia.  
Pomeraniæ du-  
ces Vaſali regis  
Poloniæ.Pruſſ. dux &  
magiſtri Vaſal-  
li Polonorum.  
Valachia &  
partes eiꝯſ.Hiſt. lib. 15.  
Beſſarabia.Hiſt. lib. 3.  
Valachia in cli-  
entela Polono-  
rum.Poloniæ ſitus  
geographicus.  
Longitudo.  
Miliaria Polo-  
nica & Ruſſi-  
ca.Latitudo Polo-  
niæ.

Figura.

Poloniæ regn-  
amplitudo.Curonienſis  
dux.



*Finitimi Polo-  
niae populi.*

*Limites.*

*Poloniae par-  
tes et satrapiae*

*Maiores Polo-  
niae, Posnaniensis  
& Calissiensis sa-  
trapis.*

*Paluci, Crai-  
nae, Cassubiae.  
Minor Poloniae.*

*Cracouiensis.  
Sendomiriensis.  
& Lublinensis.*

*Satrapiae.  
Sciricius &  
Submontanus.  
Polesse seu  
Podlische.  
Silesia.*

*Scepusium.  
Hist. li. 5. et 17*

*Siradiensis. Len-  
ciciensis. & Ra-  
uenensis. satrapiae.  
Maiores & mi-  
noris Poloniae  
appellatione  
quae continean-  
tur.*

*Cuiaviae.  
Brestensis. &  
Inowladisla-  
uiensis. satrapiae.  
Dobrinum.  
Masouia.*

Latitudo uero ab ora Pocucensi ad Pernauiam Liuania ducenta plus minus. Cingitur autem Polonia, sicut eam nunc circumscribimus, ab occidente sole incipientibus, Marchia Brandenburgensi, & Pomerania ulteriore: A Septentrione mari Venedico & Sarmatiko: Cuius aduersa littora tenent Sueones siue Sueti. Inde Prussia ducali, eiusque continente Lithuania in ortum aestiuum fere uergente. Hinc porro campestribus Scytharum siue Tartarorum solitudinibus prorsus Orientalibus, & flexa in Eurozothum Bialogrodenli Turcarum ora. Inde uero plane Australi Valachia siue Moldauia: Deinceps Vngaria, & in Africum & occasum hybernium obuersa Silesia Boemice deditiois, ad Marchiam pertinente. Et a Silesia quidem, & Marchia, & Pomerania ulteriore, & Lithuania palustres densaeque syluae eam fere dirimunt: Mare a Suetia: Ab Vngaria uero syluestrium montium cacumina: itemque ab Occidentali parte Moldauiae. Nam a reliqua Moldauia, quae in ortum & ad Pontum uergit, Nester fluuius eam & finitimam ei Podoliam diuidit: Idemque, nisi fallor, limes est eius ipsius Podoliae cum Bialogrodenli Turcarum ora, ut Nieper & Ponti Euxini sinus cum Tartaris, Ociacouiensibus: Aut certe cum utrisque incertus is est, ut diximus, propter uastitatem, & solitudinem. E qua solitudine pensitant tamen opifiones Turcici regi Polono uectigal pascuorum nomine, Prussia uero ducalis sic est implicata regiae (hoc enim nomine a ducali se iungenda est) difficulter ut queant distinguui. A Masouia syluae eam dirimunt. Partes insigniores Poloniae sunt, Maior & minor Polonia, Russia, & Prussia regia, Podolia, Masouia, & Cuiavia. Quae & ipsae deinde satrapiae, uel, ut uulgo loquuntur, palatinatibus, ac territoriis fere distinctae sunt. Maior Polonia duas satrapias, nimirum Posnaniensem, & Calissiensis complexa, Occidentalis est, Silesiam, Marchiam, Pomeraniamque ulteriorem meridionali, occidentali, & Arctico latere attingens. Magis autem ad Occidentem uergit Posnaniensis satrapia, Calissiensis contra ad ortum & septentrionem: qua parte sunt Paluci, Craina, & Cassubia, tractus terrae non contemnendi. Minor Polonia orientalis est, Cracouiensi, Sendomiriensi, & quae huius pars quondam fuit, Lublinensi satrapiae definita, hoc ipso ordine quo nunc sunt enumeratae, uersus Aquilonem & ortum aestiuum sitis. Quae a septentrione Masouiae & Polessensi tractui, qui dudum Lithuanicae ditionis erat, ab ortu Russiae, a meridie uero Vngariae, & Silesiae finitima est. Sunt autem satrapiae Cracouiensis partes, tractus Sciricius, & Submontanus, uterque Scepusio & Vngariae finitimus. Ac Sciricius quidem ad occidentem uergens, Cracouiae uicinior est: Submontanus uero Russiae & Sendomiriensi satrapiae iungitur. Lublinensis item satrapiae pars est Polesse reliquum, quod a Lithuanis detractum non fuit, utrunque a syluis ita dictum uerius, quam Podlasse dialecto Russica, quasi Poloniae finitimum. Nisi quis forte Podlasse Polonis subiectum interpretari malit. Silesiae pars ea, quae adhuc est Polonicae ditionis, sic implicata est Cracouiensi satrapiae, ut ab ea magna ex parte ambiatur. Satrapiam ea nullam habet: Sed in Cracouiensi fere censetur: Habet autem tria territoria, Osuencimense, Zatorienae, & Seuerienae, quorum duo priora superiori tempore suos habuerunt duces: Nunc praefecturae Regiae sunt. Seuerienae est in ditione Episcopi Cracouiensis. Meridionale & Occidentale latus eius ipsius Silesiae: caetera tenet Silesia Boemicae ditionis, nempe Cessinensis, & huius pars quondam Pelcinensis, Ratiborienae, item & Opoliensis principatus, siue ducatus, ut uocant. Ab ortu uero hyberno Scepusiensem tractum uix & modice ea attingit. Est autem Scepusium non exiguus terrae tractus, olim cum Polonici iuris esset, ad Vngaricum traductus: de quo alibi suis locis attigimus. Deinde uero nonnulla pars eius, cum tredecim oppidis & arce Libliao, siue Lubomlia, rursus Polono regi certo pacto ab Vngaricis regibus addicta est, atque etiam nunc ab eius praefecto, & eius nomine administrat Cracouiensi satrapiae, tractuique Sciricio uersus meridiem adiacens. Inter minorem uero & maiorem Poloniam primarias totius Poloniae partes intermediae sunt Satrapiae, Siradiensis, Lenciciensis, & Rauensis, nullum commune nomen habentes. Quarum prima ad meridiem & Silesiam, Lenciciensis & Rauensis ad septentrionem uergunt, Masouiamque attingunt. Harum autem occidentalis est Lenciciensis. Nonnunquam eae tres una cum Cuiavia, imo & Masouia, maiori Polonia, sicut Russia & Podolia minori, accensentur. Cuiavia uero ab ortu Masouiae & Rauensi satrapiae, a meridie Lenciciensi & Calissiensis iungitur. Continet autem in se duas satrapias, Brestensem, quae magis ad ortum, & meridiem uergit, atque Inuuladislauensem, siue Iuniuuladislauensem, quae magis est occidua & septentrionalis. Cuius non exigua pars est Dobrinum, ultra Vistulam, ab oppido sic dictum, latere orientali confine Masouiae: septentrionali uero Prussiae. Masouia quoque eodem latere Prussiam, Orientali Lithuaniam & Polessensem tractum, & uersus ortum hybernium Poloniam minorem, eiusque satrapiam Sendomiriensem, Meridionali uero Rauensem attingit. Duabus satrapiae distincta, Polesensi nimirum, quae Occidentalis est, & ea quae peculiariter Masouiae nomen retinet, propterea



perea quod diutius ducum suorum (de Polonorum principum stirpe oriundorum) do-  
 minata segregata, postrema omnium nostra memoria defecta ducibus, ex pactis, & iure  
 feudi, uti uocant, Polonia redintegrata est. Quæ quidem Orientalis est. Rauensis quoque  
 satrapia quondam pars Masouia fuit, suosque duces habuit, sicut & Plocensis, & pleraque  
 omnes. Prussia Regia præter meridionale latus, quod iam est expositum, ab occasu ulte-  
 riorem Pomeraniam confinem habet. A septentrione sinu Baltheo, seu Venedico, siue  
 Codano: ab ortu Prussia ducali cingitur. Tribus autem satrapijs distincta est, Culmensi,  
 Marieburgensi, & Pomeranica. Quarum hæc Occidentalis est. Reliquæ duæ Vistula flumi-  
 ne ab illa diremptæ, orientales. Ex his autem Culmensis ad meridiem spectat, Mariebur-  
 gensis uero ad Septentrionem. Varmia, & ipsa pars est Prussiae Regiæ, ad Aquilonem,  
 seu Euroaquilonem uergens, ducali fere undique cincta, & ab ea quodam tempore maio-  
 rem in modum accisa: Marieburgensem quoque satrapiam contingit: Nec in ulla satrapia  
 censetur, subiecta episcopo suo, & sacro Ecclesiæ eius collegio, Regis Poloni Maiestatem  
 agnoscentibus. Michalouien. tra. Prussia ducalis.  
 Dobrino finitimum: olim pars Masouia. Ducalis Prussia (ut eam quoque, quo magis per-  
 spicua sit hæc Poloniae descriptio, hic obiter attingamus) præter Regiam Prusiam, limes  
 est à septentrione mare Sarmaticum cum Lacu Curonienli, & ora Liuania: Ab ortu Sa-  
 mogitia, cæteraque Lithuania: A meridie uero Masouia. Satrapiam ea nullam habet: præ-  
 fecturas permultas. Olim Prussia priusquam sub iugum Christi missa est, alios fines ha-  
 buit, & aliter diuisa fuit. Fuit autem ea decem regionibus siue tractibus descripta: uideli-  
 cet Pomesanienli, in quo est Marieburgum, Christiburgum, Quizinum siue Marieuerde-  
 rum: Pogesaniensi, in quo est Elbinga & Hollandia: Erminio siue Varmienli, qui retinet  
 etiam nunc in lingua Germanica uetus nomen, & Ermeland uocatur: Natangio, ubi est  
 Balga, Brandenburgum, Cruciburgum: Sambienli, in quo sunt Mons regius siue Kœ-  
 nigsberga & Lochstete: Nadrauenli, quo Tapelauuca, Insterburgum, & Vonsdorfia con-  
 tinentur: Salauenli, in quo est Ragneta & Labia: Sudino, qui & ipse nomen suum retinet,  
 & ad aquilonem, ortumque æstiuum inter utrumque Habum & mare longè prominet: Bar-  
 theno, quo Rastenburgum, Barthesteinum, & Resla siue Reselia continentur: & Salindo,  
 qui nescio an is sit, in quo Galindas populos ponit Ptolemæus. In his Sudinus tractus  
 fuit primarius, opibus & uiribus maximè pollens, ita ut sex millia equitum, peditum  
 ingentem numerum conficeret. Ceterorum quilibet minimum ter mille equites, peditum  
 uero decem millia conficere potuit, si uera sunt ea, quæ nos in uetusto quodam libro Ger-  
 manica lingua scripto legimus. Cæterum Culmenlis tractus & Pomerania, Polonia non  
 Prussiae partes fuere. Sed nos cætera prosequamur. Russia, quam rubram nonnulli uo-  
 cant, latere occidentali minori Poloniae iungitur. A septentrione Russiam albam, & Vo-  
 lyniam habet: Ab Austro Vngariam, eiusque populum Cecylos, & nonnullam Moldauia  
 partem attingit eo tractu terræ, qui Pocuce appellatur. Nam cætera Moldauia siue Vala-  
 chia, qua Podolia quoque iungitur, magis est Orientalis Russiae. Continet Russia duas sa-  
 trapias, nempe Belsensem, quæ ad Volyniam & Lithuaniam uergit & eam, quæ peculia-  
 riter Russica & Leopoliensis dicitur, australem magis & orientalem: Nisi quod Chelmen-  
 sis tractus eius non exiguus ad septentrionem, etiam ultra Belsensem prominet, & Poles-  
 sia finitimus est. Reliquum autem orientale latus eiusdem Russiae, ac totius Polonici re-  
 gni claudit Podolia, ab Aquilone & Euro albæ Russiae, à cætero ortu uastis campis Tar-  
 taricis atque Turcicis, ut diximus, à meridie uero Moldauia continens: Totaque una satra-  
 pia censetur, quam Podolicam uocant. Olim Podolia & Russia tam ea, quæ nunc Polo-  
 nia pars est, quam ea, quæ est in ditione Lithuanorum & Moschorum, suos habuit duces,  
 quemadmodum luculentius ostendimus in historia: Quorum stirps cum latè propagata  
 esset, partim ipsa sese intestinis dissidijs atque ciuilibus bellis confecit, partim à Polouicijs,  
 qui Gothi fuisse uidentur, ac Tartaris extirpata, partim Polonorum & Lithuanorum ad-  
 iuncta est imperio, partim in nomen & ius de se ortorum Moschorum transiit. Extant e-  
 tiam nunc permulti, ducale nomen, sed plerique nudum propemodum & inane reti-  
 nentes: Inter Polonos uero nulla ducum superest memoria. Hi nunc sunt Poloniae, qua-  
 tenus hinc eam descripsimus fines: hæc partes. Est autem Regio tota fere plana & apri-  
 ca, maximè quæ ad occidentem solem & septentrionem uergit, & quæ penitus orienta-  
 lis est Podolia, ac uel nomine ipso decliuitatem præ se fert, uicinorum Moldauia, Russiae Polonia unde  
 & Vngariae montanorum intuitu. Minor Polonia itidem atque Russia, quo propius dicta,  
 accedit ad fines Vngariae, hoc magis montana est, & syluestris. Quo longius autem in-  
 derecedit, eò lenius decliuis est, magisque culta & meliore gleba. Tamen in meditul-  
 lio quoque Sendomiriensis satrapia aliqua ex parte leniter montosa seu uerius cluo-  
 sa est. Prussia pleraque omnis excepta Marieburgensi satrapia, qua ad Habum & mare  
 uergit

Prussia Regia

Culmensi. Ma-  
rieburg. & Po-  
meran. satrap.  
varmia.Michalouien.  
tra. Prussia ducalis.Prussia uetus  
diuisio.Russia Regia,  
siue rubra.

Podolia.

Russi duces.

Hist. Pol. lib. 3.

Polouicijs

Gothi.

Solum Polon-

icum quale.

Russiae Polonia unde

dicta.



Montes Poloniae.

urgit collibus molliter & ad fertilitatem, amœnitatemq; commodè distincta est. In quibus nonnulla Cuiusvis. Montes Sarmatici, qui Poloniam & Russiam ab Ungaria di-  
munt, ardui & sylvestres, non ignoti sunt etiam ueteribus Geographis & Historicis: & in his celebris est in primis Carpathus, quem nos Crempacum, ni fallor, uocamus: Alij Biesciadi, Modra, Turza, Vapienna, uernacula lingua appellari, externis ignoti sunt. In medietate uerò minoris Poloniae Lysecius est, quasi tu dicas caluum, siue caluastrium, in quo monasteriorum est S. Crucis nomine, lignoq; celebre: & Vauelus, arce Cracouiensi, quam suo ipsius nomine nobilior, & is, in quo situm est Cienstochouiense monasterium, quem

Vbertas.

clarum Latine Monachi, ni fallor, incolæ appellauere. Syluestris sanè fuit superioribus temporibus pleraq; omnis Polonia: Ex eone autem tempore, ex quo habitari coepit, an postea pestium, belorumq; incommodis eò redacta, non liquet. Sed Sigismundi senioris, filijq; eius Sigismundi Augusti optimorum & mitissimorum, sapientiumq; regum studio diuturnam pacem nacta, nunc ubiq; diligenter excolitur, frugum leguminumq; ferax, &

Sylua.

pratis abundans. Nec tamen deest etiam nunc sylvarum copia. Neq; eam ea penitus exciduntur & extirpantur, partim propter pascua & mellificia, partim propter ædificiorum materiam, & ligna mitigando frigori utilia ac necessaria, partim etiam propter saxos, uel arenosi soli sterilitatem. Sunt autem sylvae pleraq; piceae, quernae, faginae, & abiegnae: Ac piceae quidem ferè in planis & arenosis locis, abiegnae & faginae in montanis, quernae in utrisq; sed uberiore gleba præditis. Multae sunt etiam in planis iuxta ac montanis locis mixtim omni genere arborum refertae, & pascuis optimae. Ex his abietes, tiliae, piceae, quercus, apum aluearijs grauidae fiunt, materiamq; ædificijs nauium ac domorum, malis, tabulis, & uasis aptam, ut & taxi, & terebinthi, suppeditant. Quercus & fagi etiam pastum uberem porcis, ferisq; præbent: Omnes autem focorum, & tornacum, furnorumq; ignibus

Trigoris & gelu uis.

alimenta subministrant. Tanta est enim uis frigoris in his regionibus interdum, ut radicitus arescant arbores, & aqua ex ædificiorum loco effusa, priusquam terram contigerit, in glaciem concreseat, Lacus quidem & paludes, & flumina duobus, tribusue mensibus hybernis, nonnunquam autem uel in quintum, ac sextum usq; glacie concreta, non modo pedibus, uerum etiam equitibus & curribus ac plaustris, quamuis oneratis, multis simul longo spacio peruia & secuta præbent itinera. Equidem quodam tempore ultima die mensis Martij Vistulam in Masouia per firmam adhuc glaciem cum curru & quadrigis, & aliquot equitum comitatu transiui. Hac etiam præterita hyeme in Prussia glacialis piscatio in lacubus post initium Nouembris coepta, durauit per totum Martium: gelu autem per

Pomaria.

totum Aprilem. In tanta autem cœli intemperie pomaria tamen sunt non infrequentia, & fructuosa, ad Vistulam præsertim, & in suburbanis Cracouiensibus, Sendomiriensibus, Varfauiensibus, Torunensibus, Gedanensibus: Elbingensibus item, Fraumburgensibus, Veliscensibus & Bochnensibus, licet remotioribus à Vistula, totoq; tractu submontano atq; Sciriciensi. In quibus pirorum, malorum, prunorum, persicorum, cerasorum, & nucum

Vinea.

bonitas, & uarietas certat cum Vngaricis & Italicis. Sunt & uites, quarum uuae in minore Polonia esui quidem non insuauis sunt, præsertim si æstas & autumnus temperiem suam seruent: sed uinum inde expressum acerbius, ubi defecatum est. Aliquanto suauius & copiosius exprimitur apud Crosnam Silesiae in finibus maioris Poloniae. Apud Toruniam quoq; in Prussia uinea coli coepere non infeliciter, ut audio. Neq; negat solum Polonicum castaneas, mora, cotoneas, ficus, amygdalas, pepones, melopepones, herbas & flores omnis generis, & alias hortenses Italiae delicias, & palatinarumq; lanocinia, si adhibeatur cultura diligentior, & à gelu custodia. Nec metalla, fossiliaq; desunt in montanis:

Metalla.

plumbi quidem intermixto argento apud Ilcussum, Slawcouiam, Chranouiam, & Nouagoram oppida satrapiae Cracouiensis, & in finibus Silesiae: Argenti uiui apud Tustanum in Russia: Aeris & Lazurij, & plumbi item apud Chencinos: Ferri plurimis in locis syluestribus: Nitri apud Visliciam & alibi: Salis apud Bochnam & Veliscam in satrapia Cracouiensi, & apud Haliciam, colomeiam, Solum (quod quidem à sale nomē habet) & alijs compluribus in locis Russiae. Ac in Russia quidem id ex aqua ex profundis puteis hausta decoquitur, & partim in modum farinae, uel niuis minutum relinquitur, partim in frustula conformatur: In tractu uerò Cracouiensi, partim lapidea duritie solidum instar ingentium saxorum, & rupium in subterraneis specubus, altè lateq; excauatis, & uillas, templa, oppidaq; superædificata sustentantibus, ferro excinditur, comminutumq; deinde, & mola tritum, ad usus hominum accommodatur, partim & ipsum ex aqua iniectis lapidel

Salinae.

salis frustulis & quiscuilijs, quae secantibus id abraduntur, decoquitur. Color lapidei in massa liuidus est ferè, ac luto respersus. Candidum, & in modum chrystalli pellucidum rarius est. Tritum candet aliud alio magis. Coctum uerò despumatis sordibus candidissimum redditur, niui non dissimile. Fertur in salinis Bochnensibus reperiri quiddam pici con-

cietas



cretæ simile, quod uocant carbunculum: Quod tritum & epotum soluat aluum. Ibidem exaudiuntur nonnunquam canum, gallorum, & aliorum animalium assemblatæ uoces in profundissimis specubus: idq; mali & incommodi alicuius imminenti portento uulgo habetur. In maiore quoque Polonia apud Pincum salinæ sunt, uerum tenuiores. Sunt etiam in confinio Osuencimensis territorij & Scepusij aquæ salsa, unde salem coctum uidimus regi exhibitum. Salinæ tamen nullæ sunt. Porro in desertis Podoliæ, & Boristheni uicinis locis lacus est, cuius aqua sereno & ardente sole in solidum salem concreuit, ita ut homines cum iumentis & curribus in eo, tanquam in glacie, uersentur, secumq; in frusta arbitrato suo auehant. Quamprimum autem pluit, soluitur illa glacies non sine periculo insistentium. Apud Biezzum uero siue Beciam oppidum in submontana regione, uitreolum effodi, ac in uiridem, lapideamq; duritiem decoqui nuper coepit: *Copperwas-fer*, hoc est, æris aquam Germani, & nostrates item appellant. Antiquitus autem id conficitur ad æris metalla in Scepusio. Marmor quoque & alabaster quibusdam locis effodiuntur. Est in maiore Polonia prope Sremum oppidum collis, ubi (res incredibilis, sed à multis confirmatur) ollæ, amphoræ, cacabi, & aliarum figurarum uasa fictilla sponte nascuntur, & sub terra effodiuntur mollia, in aërem autem prolata durefcunt. Vidi unum atque alterum, quod inde erutum esse dicebatur, rude, nec satis bene conformatum. Porro in mari Sarmatico Prusiam alluente colligitur succinum. (Ambram etiam externi uocant) Quod fluctibus appulsum ad littora, homines nudi obuam euntes paruis retibus excipiunt & extrahunt, molle primum, sed mox in aëre durefcit, tornoque ac scalpro uarie conformatur. In lacubus quoque nonnullis à mari remotioribus id reperitur: ut in Pissia Episcopi Varmiensis, modicum tamen. Quin & in editioribus locis fossa altius humo fertur inueniri. Spumane maris concreta id sit, an succus & guma arboris, an quippiam aliud, non est huius loci disputare. Est sane leue & pellucidum: Estq; fuluum & candidum: Candido maius precium. Ferunt, si incendatur, odore eius uenenata necari. Visuntur in nonnullis frustulis formicæ, muscæ, culices & alia insecta, non arte, sed uel opificio naturæ, uel fortuitis casibus inclusa. Aquis irrigua est pleraq; omnis Polonia, sed fluuios nauigabiles non multos habet: Præcipui sunt Vistula, Donaiecius, Sanus, Wieper quasi quis dicat Porcum, Varta, Notessius, Nester, Prutus, Bugus, Bohus siue Bogus, Pripetius, Narua, Dreuancia. Nam Odra, in confinio Morauia & Silesiæ existens, & per hanc secundum Poloniæ limitem, perq; Marchiam ac Pomeraniam ulteriorem permeans, infra Scecinum in Venedicum sinum decurrit. Olim intra fines Poloniæ tum oriebatur, tum decurrebat. Nieper Russiam albam, eiq; confinem Podoliæ alluens, longo tractu in pontum Euxinum apud Ociacouiam munitionem Tartaricam sese exonerat, ortus in Moschouia. Boristhenes is est ueteribus Græcis & Latinis, omnium scriptorum consensu, præter Bernardum Vapouium. Qui similitudine nominis, ut credibile est, adductus, Boristhenem uult esse Berezinam: qui in Nieprum ab æstiuo occasu influit, minor eo & ignobilior. Vistula in Cessinenfi ora è Sarmaticis montibus exoriens, uersus æstiuum occasum & septentrionem primum, mox uersus orientem aliquantisper, deinde à Sendomiria uersus septentrionem rursus per minorem Poloniam decurrit. A Varlauiâ uero rursus ad occasum æquinoctialem, & mox æstiuum flexus, Masouiam interluit: Dobrinumq; à reliqua Cuiauia dirimit. Vbi autem Prusiae fines attingit, in septentrionem reflexus, deinceps mediam eam diuidit. Supra Marieburgum autem in duos alueos præaltis aggeribus obiectis sectus, insulam insignem & fertilem, quam Zulauam maiorem uocant nostri, efficit, & nomen amittit. Ac sinister quidem alueus, qui maior est Leniuuca, dexter uero Nogatus uocatur: Quorum hic in Habum lacum tribus ostijs, ille uero duobus partim in eundem Habum, partim in mare infra Gdanum sese exonerat, longitudinis quidem gradu 41. latitudinis uero 54. Fontes autem Vistulae sunt longitudinis itidem 41. gradu, latitudinis 49. minuto 20. Fluens autem amplius centum milliarium Polonicorum spacio Vistula, Solam, Premsam, Scauam, Donaiecium, Vislocam Ropa auctam, Nidam, Sanum, Vieprum, Pilciam receptis Dreucia & Volboria, Bsuram, Naruam cum Bugo, Dreuanciam, Berdam, Ossam, & Motlauiam minora flumina excipit: & Osuencium, Zatoriam, Cracouiam, Cazimiriam, Sendomiriam, Varlauiam, Ploscum, Vladislauiam, Toruniam, Culmam, Grudentum, Quizinum, Nouum, Gneuum siue Meuam, Marieburgum, Derlauiam, & Gdanum urbes & oppida non ignobilia præterfluit. Arces item Lipoueciam, Neopolomice, Corcinum Zauichostum, Ceruenscum, Monasterium, Zacrocinum, Vifegradum, Sochaciouiam, Dobrinum, Bobrounicos, Racianzum, Sluzouiam, Dybouiam, Niessouiam, Starigradum, siue Althausum, & Suece, & adhaerentes eis uicos alluit. Donaiecius (quod nomen paruum Danubium significat) ex eisdem Sarmaticis iugis non longè à Vistulae fontibus paulò orientior exortus, per Scepusium &

Lacus salis in Podolia.

Vitreolum.

Olla sponte nascentes.

Succinum.

Fluuij.

Odra.

Berezina. Vistula.

Flumina Vistulae influentia. urbes oppida &amp; arces ad Vistulam sitæ.

Donaiecius.



um & Submontanum tractum decurrit, Sorstenumq; & Musinam, & Melstinum arces & Sandeciam oppidum, ubi Popruto augetur, præterlapsus, non longè ab Opatouecio uico Vistulæ miscetur. Sanus è Biesciadis iugis longitudinis gradus 44. latitudinis 48. minuto 30. nascens, & uersus septentrionem & occalum æstiuum profluens, posteaquam Liscum, Sobenum, Sanocum, Brozouiam, Præmisliam, Radimnum, Iaroslauiam, Lezeiscum, Russiæ arces & oppida prætergressus est, Vislocumq; alium à Visloca, & uiarum minores fluuios in se recepit, apud Sendomiriam oppidum longitud. grad. 44. ferè, latitud. 50. minuta 30. Vistulam & ipse subit. Varta apud Cromolouiam satrapia Cracouiensis oppidum ortus, longitudinis gradu 40. minut. 50. latitudinis gradu 50. min. 30: per Siradiensem satrapiam, & maiorem Poloniam uersus occasum æstiuum ferè decurrit, Olstinum, Censtochouiam, Mestouiam, Siradiam, Vartam, Vneouiam, Colum, Coninum, Pyldros, Sremum, Curnicum, Posnaniam urbem, Obornicos, Stobniciam, Vuroncos, Siracouiam, Mezichodum oppida & uicos cum adiunctis arcibus, & Landisbergam ueteris Marchiæ præterfluens, Nytumq; Vuresniam, Velinam, Prosniam, Ogram, & Notesium minores fluuios excipiens: Et apud Costrinum oppidum in Odræ Silesia occurrentem, influit longitud. grad. 37. latitud. 52. minut. 50. Notesium uerò apud Crusiciam Cuiuuiæ oppidum è Goplo lacu existens, & ipse per maiorem Poloniam uersus occasum hibernum means, Pacossum ambit, Labissinum, Naclum, Pilam, Vscæ, Dretnumq; arces & oppida præterlabitur. Nester, quem Tyram ueteribus uocari uolunt, in Russia è Sarmaticis iugis non longè à Tybisci & Sani fontibus ortus, initio uersus Aquilonem profluit, deinde ad ortum conuersus, Bistriciam, Lipam, Seretum Russicum, alium à Valachico, Sbrucium, Smotricium, Vsciam, & Moraquam ignobiliora flumina absorbet, & Zidaciouiam, Haliciam, Cefsibiefos, Ceruonum, Chocinum Valachia, & alia quædam oppida præter lapsus, infra Pocuce Podoliam à Valachia longo spacio diuidit: Ad extremum deflexo nonnihil in meridiem alueo, super Bialogrodum urbem Scythicam, siue Turcicam, quæ & Moncastrum dicitur, in Pontum Euxinum, siue continenter ei Obidouum lacum influit longitud. grad. 53. latitud. 47. minut. 30. Bugus in Russia & ipse non longè ab Olesco oppido, longitud. grad. 46. latitud. 49. exoriens, & primum in occasum, mox in Septentrionem secundum occidentale latus Volyniæ tendens, postremo ad occasum reflexus, ubi Polessem tractum (receptis Rata, & Muchauccio fluuijs) eueniens est, & Buscum, Grodecum, Grodlum, Lubomliam Russica, Bresteq; Ianouiam, Drohicinum, Polessem, & Cameneciam Masouiticam oppida prætergressus est, apud Serocium uicum longitud. grad. 43. latitud. 52. minut. 40. Naruæ à septentrione & ortu æstiuo è Lithuania profluente egrè miscetur, nigrorem suum retinens aliquamdiu: Nec multo inferius uictor Narua apud Nouiduorum oppidum Vistulam subit. Est autem peculiaris Naruæ natura, sicut & Dlugoffus annotauit, quod non fert uenosa animalia, usque adeo, ut serpentes, qui nauibus Bugo delatis adhæserint, edito sibilo refugiant, cum primum aquam eius fluminis attigerint. Pripetius in Chelmenfi tractu è palude non longè à Lubomlia existens longitud. gradus 47. latitud. 50. præter occidentem & septentrionale latus Volymia diuersus à Bugo per Russiam albam longo spacio uersus Orientem solem progreditur, & cum nonnullis alijs, tum Styro, Turo, Slucio, Suslocio grandibus fluuijs auctus, Nieprum siue Boristhenem supra Kiouiam subit, longitud. grad. 51. latitud. 53. ferè. Bohus autem, siue Bogus è palude ortus in finibus Podolia long. grad. 49. latitud. 49. minut. 30. itidem per Russiam albam meridionalior longo terrarum actu ad ortum tendit: ad extremum deflexo in Meridiem cursu, & ipse in Boristhenem non longè ab ostijs eius long. grad. 55. lat. 48. sese exonerat. Prutus è iugo montium Sarmaticorum long. grad. 46. minut. 50. latitud. 47. minut. 30. uersus aquilonem in Pocuce delapsus, & Colomeiam, Sniatinumq; præterlapsus, inde per Valachiam siue Moldauiam primum orientalis, deinde australis uersus Bulgariam in Danubiū decurrit, long. grad. 52. lat. 45. ferè. In Prussia uerò Alla siue Alna, & Passaria, non longis inter se spatijs orti, uersus septentrionem fluunt: Et Passaria quidem infra Olstinecium, siue Hochsteinum (ut uocant Germani) ducale oppidum existens, Morango, Libstadia, Brunsberga, & Helgebeila oppidis præteritis, Habum lacum subit, long. gradu 42. minu. 30. latitud. 54. Alla uerò supra Allesteinum S. Collegij Varmiensis arcem & oppidum, cui etiā nomen dedit, oriens, præteritis Vartemberga, Gutestadia, Heilsberga, siue Allesberga Varmiensibus, & Barthestino, Sipelbeino, Fridelandia, Allemburgo ducalibus oppidis, apud Velam Prægoles, ab ortu hiberno per ducalem Prussiam decurrenti, miscetur, & cum eo infra Koenixbergam, hoc est, Regium montem, urbem longitud. grad. 43. latitud. 54. Habolacu recipitur. Dreuantia uerò non ita longo ab ijs interuallo oriens, diuersoque meatu uersus Austrum fluens supra Toruniam à Vistula excipitur. Atque hæc de fluminibus,

nunc



nunc sufficient. Lacubus piscosis in primis abundat Prussia. In his nominatissimus est Habus, cuius modo mentionem fecimus: quem etiam recens mare uulgò uocant. Ad quindecim miliaria in longitudinem inter Gdanum & Regium montem urbes secundum mare patens, & ab eo angusta insula, quæ Neringa appellatur, disiunctus: In latitudinem uerò duo miliaria plus minus. Ac Elbingam quidem urbem non longo spacio adspicit, eiq; portum efficit, eiusdem nominis flumine nauigabili influente. Tolkemitam uerò, Fraumbergam, (cui basilica Varmiensis in modum arcis munita impendit) Balgam, Bran deburgum, & Fisshausum oppida & arces alluit, receptisq; ut dixi, Vistula & Prægola, & alijs minoribus fluminibus, apud Lochstete arcem mari miscetur. Hoc aliquanto amplior lacus alter est eodem nomine, cognomento Curonienſis, in Prussia ducali, in quo sunt ostia Nemenis fluij (Memelam uocant Germani) per Lithuaniam defluentis. Inter hos duos Habos & mare peninsula est, quæ & ipsa Neringa, sed Curonienſis appellatur, arces & oppida continens. Secundum hos est Drusus siue Draufenus lacus in Marieburgensi ſatrapia, unde Elbinga fluius profluit: Partecinus Lubnus, Reusina, & Viecininus in Culmenſi: In Pomeranica uerò Stuurzonagaci, quasi quis stratum uel factum aggerem dicat, inter Choiniciam, Slochouiam, ac Tucholiam oppida, septem miliarium spacio longus, quinque latus: Vnde Berda fluius profluens, per Crempſcum, Lubonum, & Charſiconum minores lacus in Vistulam influit infra Bydgostiam. Nec ignobiliores his sunt Vſdice, Lubſcus, & Olsiecinus in eodem tractu: Alij minores. Sunt & in Varmienſi ditione non pauci. Præcipui uerò Dadaius, Zainus, Vadangus, Piſſia, Blanke, quasi albus, Sinſer, Lingenaus, Lemanglus, Ellingus, Plauticus, Vulpingus, Clebergus, Coſnicus, Obelus, Marangus, & ali j complures. Sunt & in ducali Prussia multi & grandes, quos omittimus. Habet & maior Polonia & Cuiavia nonnullos, piscososq; in quibus Goplus princeps est, quinque miliaria patens in longum, ſemis in latum: Secundum hunc sunt Blendnus, Pouizus, Sielinus, Sanus, Piednicia, Niezamyslus, Vonieſca, Lomunice, Pcieuus, Lubſtoui, Drauſcus, Noblun, Tulangus, Ielen, & Lednicia, in cuius insula Gneſnenſis basilica initio condita fuiſſe, indeq; propter difficilem aditum, in eum, in quo nunc est, locum translata eſſe putatur, quemadmodum Dlugoffus memorat. In Cuiavia uerò Tur, Lanſcus, Bielſcus, Lubotinus, Orlie, Berdouus, Borimoui, Creuianta: Et in Dobrinienſi tractu Gorznus, Mocoui, & Scampſcus, minores aliquanto ſuperioribus. Pro lacubus minor Polonia, Sileſia, Ruſſia, ac Podolia piscinas habent arte manuq; factas permultas & grandes. Non carent tamen & lacubus, Lublinenſis maximè & Chelmenſis tractus. E quibus Biale, hoc est, Albus, per antiphrasim ſic dictus, prætereundus non est: Cuius aqua Aprili & Maio menſibus ſuſcos reddit lauantes: Piſces autem pinguiſſimos proſert, qui braſmi, à noſtratibus autem Cleſci j uocantur. Est & in Beſſenſi lacus Crinice, non amplius, uerum profundus. De quo illud memorabile annotauit item Dugloſſus, quod certis temporibus altero uel tertio quoq; anno cum mugitu fluctus attollens exhauritur propè ad fundum uſque, aquis uſcini montis cæuernas ſubeuntibus: Atque ibi tunc facile præhenduntur piſces in aqua uadabili. Poſt dies aliquot ea reſluit. In cæteris lacubus, atque etiã in maioribus piſcinis & fluminibus hyberno tempore commodiores ſerè ſunt piſcationes, quàm æſtate, pertuſa certis interuallis glacie, reti q; per maius foramen in aquam immiſſo: quod longis funibus ad perticas alligatis hominum equorumue opera longo ſpacio in diuerſum tractum, cõeuntibus rursus piſcatoribus alio foramine piſcibus reſertum extrahitur. Sunt autem eadem genera piſcium in lacubus & piſcinis. Vtrobique enim ſunt lupi, ſiue lucei, praſmi, perca, rhombi (ſi modo ſic appellandi ſunt ij, quos nos Carafſios dicimus) ſumi, ſendacij, cirtæ, ſiue certæ, à delitijs, ni fallor, apud Germanos nomen ſortitæ, tineæ, anguillæ, ruboculi, carpones, quos reginas uocant Itali, Latini Cyprinos, quemadmodum uult Ioannes Dubrauius Olomucentis Episcopus. Tameſi minus frequentes hi ſunt in lacubus, quàm in piſcinis: In quas paruuli tanquam in uiuaria ſtudioſè includuntur. Ferunt etiam lacus nonnulli eos, quos ſuluiſas & ſielauas noſtrates, Germani Marenas uocant. Piſcis eſt dulcis & ſapidus, aleci ſimilis: Fluiuatiles uerò ſunt cum iſdem ſerè omnes, tum delicati in primis, truta, barbo ſiue mullus (Paruenam uocant) fundulus, oculata, quæ lampreda quoque dicitur, aloſa, ſiue borbocha, cuius iecur potiſſimum eſt in delicijs, à noſtratibus Mientus uocatur: Item quæ Lipien, ſliz, berzana, ucleia, iaſdez, & quæ bialariba, hoc eſt, albus piſcis à noſtratibus appellatur: quibus Latina nomina dare non habemus. Quanquam quid uetat Alberti Magni, & aliorum ſcriptorum, qui eiufmodi res perſecuti ſunt, exemplo, eos uernaculis nominibus ad Latinum ſonum conformatis appellare? Quod in ſuperioribus quoque nonnullis factum eſt. Cancris & unguillis abundas in primis Nida fluius. Anguillis etiam & Stintis Habus, & ali j nonnulli lacus Prusiæ. Marinis piſcibus non

Lacus Habus

Neringa insula

Habus Curoa nienſis.

Elbinga fluius

Varmienſis lacus.

Goplus.

Piſcina.

Biale lacus.

Crinice.

Piſcationes hybernae.

Piſcium genera.

Piſces fluiuatiles.



Salmones &  
Sturiones.

Aquarum mi-  
ra natura.

Therma.

Fera.

Bifons siue  
Zubr.

Onager &  
Alce Los.

Vrus siue  
Thur.

Panthera.

Castor.

Bifontium ue-  
natio.

non admodum abundat ea regio. Nobiles autem præcipue sunt haleces, quos haringas Germani uocant, quorum sale conditorum maximus est uulgò usus in tota Polonia, atq; adeò in Lithuania quoque, Boemia, Silesia, Morauia & Vngaria. Tanta eorum copia est. Sed in Prussia pauci præhenduntur: A Cymbrica autem Chersoneso, & Scandia, & ex Oceano Germanico plurimi & optimi nauibus eò importantur. Pomuchla non desunt, neque passeress. Salmonem siue esocem, & sturionem inter marinòsne, an fluuiatiles numerem, nescio, utrobique quidem præhenduntur: Sed è mari sursum fluminum certis temporibus enatant, transilientes obstacula. In quibus etiam insidiosis capsis collocatis capiuntur. Tantò sunt autem suauiores, quantò longius à mari et Habo recesserint. Quin uniuersè pisces ij, qui in fluuijs iuxta ac lacubus & mari uicitant, sapidiores sunt in fluuijs, quàm in mari, uell lacubus capti. Non est hic prætereunda quarundam aquarum non uulgaris natura. Est in Scepusio riuus ex arduis mōtib; profluens, cuius guttæ in lapideam duriciem cōcrescunt, ita ut ex ijs sponte existant fulcra sustentantia canales, quibus riuus ille ad moletrinas deducitur. Est & fons siue lacus pestilentē aquam & uaporē emittens, cuius non modo gustu, sed etiam afflatu animalia & aues necātur. Sunt etiam nōnullis in locis Poloniae scaturigines tepidarum aquarum, sulphuris & aluminis odorem redolentium, quibus scabies & ulcera hominum & iumentorum curantur. Sed nos ab aquis & aquatilibus ad terrestres animantes transeamus. E ferarum animantium genere fert hæc regio copiam leporum, dorcarum, sciurorum: cuniculorum quoq; alicubi: Ceruorum etiam, & aprorum, & urforum, & luporum nonnullis in locis. In primis autem Nepolomicensis & Radomienensis saltus nobiles sunt Ceruorum uenationibus. Et horum autem, & Onagrorum atq; Bifontium Prussia ducalis, eiq; finitima Masouia ferax est, & in primis Podolia: ubi agminatim in campis non modo hæ feræ, uerum etiam feri equi pascuntur. Est autem bifons prægrandis, uerum perniciosissima fera, magnis & introrsus leniter incuruis cornibus nigris armata, quibus equum cum sessore correptum in sublime identidem iactat, & arbores mediocri crassitudine euerit. Magnitudinis eius illud quoq; est argumentum, quod in capite eius inter cornua, duo imò tres etiam homines possunt considerare. Habet uillosum & hispidum corium, & sub mento palaria. Caro eius sale condita in delitijs est magnatibus & principibus. Cornu sonorum, & ob id uenatoribus in usu est: Zubrum seu Zambrum uocant nostrates: Imo & Græci recentiores: Onager uerò Los appellatur. Alcem hanc esse uolunt: De qua scribunt Plinius, & nōnulli alij ex ueteribus. Fera est longis cruribus, & auribus, aliquanto maior equo, colore cesio & fusco, mas capite cornuto: Cuius ungula posteriorum crurum, si autumnii initio spiranti adhuc descentur, expetitur, comitali præsertim morbo laborantibus salutaris. Ferunt etiam capreas montana loca Vngaria finitima. Ceterum Vri, hoc est, boues syluestres, quos nos Thuros dicimus, in solis Masouiticis syluis apud Vyskitcos extant. Et harum quidem ferarum carnes aptæ sunt humano esui: Cultui uerò pelles subministrant panthera, siue is est lupus ceruarius (Ris appellatur à nostratibus) maculosas uentre & pedibus: quæ partes maxime in precio sunt. Martes, siue Mardures, quas cunas dicimus, uulpes, lupi, Rosomaci, Lutræ item & castores amphibia. Atq; horum castorum, inquam, caudæ etiam inter delicatos cibos, & pro piscibus habentur, reliqua carne inutili propemodum. Extruit autē sibi hoc animal cubile ligneum in marginibus fluminum & lacuum, cameris compluribus alijs super alias distinctum, ac secundum incrementum aquæ domicilium mutat, ita ut cauda nante reliquum corpus in sicco maneat. Pellem habet in dorso hispidam, sed mollem: unde fimbriæ fiunt exornandis uestibus hibernis & pileis. Urforum quoq; uolæ cum digitis esitantur: pelles etiam stragulae uestis usum præbent. Quin & amicitie his famulos ceperunt ij, qui feroculi uideri uolūt. Cuniculi, lepores, & sciuri cultui iuxta ac esui apti sunt. Sunt etiam in Podolia animalia sciurorum, uel cuniculorū magnitudine, in cauernis degentia, uarias & maculosas pelles habentia, quæ & ipsæ ad uestitum, & pallia foeminarum expetuntur. Crzecicos uulgò uocant. Omni autem genere ferarum magis abundat Lithuania propter uastitatem syluestrem. De bifontium uenatione scire operæ precium est, quod in campis Podolicis segregati ex agmine singuli ab equitibus sagittarijs ordine ingirum dispositis conficiuntur. Vnus enim post alium feræ adequitantes, iaculantur, citatisq; equis refugiant. Efferrata autem illa ictu & uulnere, refugientem insequitur. Interim ferit eam alius. Quem illa rursus priore dimisso insequitur, donec defatigata labore & uulneribus concidat. In syluis uerò ij deprehensi opportuno aliquo loco deiectione arborum à rusticis hominibus ad id coactis, quasi intra sepes includuntur, plures etiam quàm singuli, ita ut effugere inde non possint. Deinde extructa ex tempore principi & magnatibus ac foeminis cauea siue tabulato editori, ex quo tuto spectare possint, uenatores cum uenabilis ad suam quisq; arborem disponuntur. Mox ab equitibus strepitu & clamore, admissuq;



admissuq; canum fera excitata ē uepretis in medium propellitur. Quæ a uenatore post arborem latente, ut cuique maximè appropinquarit, uenabulo petitur, efferataq; ictu, arborem, cuius obiectu ille se tegit, cornibus petit, & cum arbor sit gracilior, quàm ut ambobus cornibus in eam possit impingere, fronte ac toto corporis nisu in eam incumbit, cornibus utrinq; prominentibus. Urget interim semel adactum in præcordia ferrum uenator, sensim cedens appetenti se feræ, ac circum arborem giranti: nec desunt canes grandiores morlibus adiuuantes, donec ea exanimata, uel defatigata prorsus cōcidat. Quod si uenator ictum frustratus sit, aut minùs opportunè intulerit, aut a fera etiam correptus, & proculcatus fuerit, aliquis ē uicinioribus rubrum pannum feræ obiectat. Hoc enim colore maximè efferatur. Ibi ea dimisso priori, hunc petit recipientē, se ad suam arborem, & ab eo feritur, & conficitur. Lingua eius contactus uitatur, qua longiùs exerta attrahit ad se hominem, si uel extremā ueltis eius oram contingat. Est enim ea scabra. Urſi uero, quamuis prægrandes, & iam uiui capiuntur, reti implicati, uenatoribus compluribus simul accurrentibus, & ligneis furcis caput, pedesq; ferè ad terram deprimentibus, donec ea fune cōstringatur. Constricta in arcam ligneam concluditur, ita ut se commouere nequeat, & auehitur. Vnde post, ubi libitum est, ad spectaculū, & urbanam, uel campestri uenationem emittitur. Sic autem colligatur, ut uno tractu funis ex arca prominentis soluatur. Vidimus aliquando in spectaculo equulum, & quidem castratum, cum urſo prægrandi cōmissum. Qui ex interuallo accurrens obuerso tergo calcibus urſum petebat, & refugiebat, urſo ad stipitē, laxiore tamen fune alligato. Sed alia persequamur. De iumentorum genere bobus, & equis abundat Polonia: camelis, asinis, & mulis caret. Aliundè ij nonnunquā adducuntur, sed non durant. Ouium item, & caprarū ferax est: auium quoq; magnam habet copiam. Præter altilis autē, nempe gallos gallinaceos domesticos iuxta ac Indicos (qui nuper adeo inuecti sunt) anseres, anates, & columbas in delitijs hæ sunt: Pygargus, quē quidam Bistardam uocant, eò quod tardior sit propter molē corporis, & uix a terra euolet, pavo, grus, cygnus, perdix, bonosa, coturnix, sturus, siue starnus, & quæ Cietrzeuu, & Cieciorca, & Glussetz, quasi furdaster, a nostratibus uocantur. Et ut rapaces aquilas, falcones, accipitres, miluios, uultures, nisos, ardeas, & multas alias mittamus, minorum quoq; auicularū aptarum esui ingens est copia. In his nobilis inprimis ea, quæ in solis ferè Louiciensibus campis cum niue existit ac disparet auicula, passere nō multo maior: quam a niue Sniegulam uocamus. Turdus rarior est, itemq; Pardua, quam ita uocamus nomine uernaculo, quando Latinū non habemus. Auis est syluestris, gallina nō multo minor, in campis Russicis, & Podolicis. In iisdē reperiuntur coturnices uirentibus pedibus, quarū esus spasmus inducit. Ex auibus maiores atq; teneriores sub hyemis initii gregatim auolant, uereq; nouo redeunt: nonnullæ minores, uelut hirundines, & Cypseli, implicitis inter se pedibus, & alis conglobatæ in lacus, paludes, & piscinas sese immergunt, ac uere nouo emergunt, & explicantes sese euolant. Hiberno quidem tempore reti bus extractæ a piscantibus sine ullo sensu, & motu, & ad ignē admotæ, uel in hypocaustis calidis positæ reuiuiscunt, & euolant, sed statim læsæ frigore, uel ignis calore, atq; uapore insolito emoriuntur. Cæteræ hyemis tolerantiores in syluis, uel circum domos, & uillas uitam degunt. Nec plura nunc de situ, ubertate, & omni descriptione Poloniæ. Genti Polonæ sicut originem, ita & linguā communem esse cum Boëmīs, Russis, Moschis, Croatis, Morauis, Silesijs, Cassubijs, Bulgaris, Rascijs, Serbis, Illyris, & uniuerso nomine Slauico, seu Venedico alibi exposuimus. Tamen si Dialectis ea tam uaria est, ut nonnulli ex his populis ægrè, & uix se inuicē intelligant. Ceterum ab alijs omnibus linguis ea prorsus diuersa est. Nisi quod multa instrumentorū, operum, & aliarum rerum ad opificia, & cōmunem uitā pertinentium uocabula a finitimis, & priscis, ni fallor, incolis Germanis mutata est. Sunt hodieq; nō modò mercatores, & opifices Germani multi sparsim in urbibus habitantes, uerum oppida penè tota, & pagi pleni utentium lingua Germanica in Submontana regione, eiq; finitimis Russia, & Scepusio, itemq; in extrema ora maioris Poloniæ, deductis eò, sicut & in Silesiam, & in Prussiam, quodam tempore Germanorū colonijs, & multis de plebe compendij sui causa subindè immigratibus. Quin & equestres quædam familie antiquitùs ē Germania ducunt originē. Cuius rei argumento sunt stemmata, siue insignia, & eorū nomina. Sed iam ij, atq; etiam oppidani, & pagani diuturnitate temporis ac domicilij, & connubijs magna ex parte in Polonos transierunt. Libenter autē & Poloni propter multum usum, & cōmercia cum Germanis cōdiscunt linguā Germanicam. Libentiùs etiā Latinam, propter sacrorum ritus, & sacerdotia, scribēdiq; usum, qui uulgatissimus fuit antiquitùs hac lingua cū in priuatis scripturis, & epistolis, tum in actis publicis, ac diplomatis, mandatis, edictis, decretisq; principū, & omnium iudicū, & magistratuum. Estq; etiam nunc, aliquando tamen minùs in usu. Nostræ enim lingua

urſorum uenatio.

Animalia domestica.  
Aues.

Sniegulam.  
Pardua.  
Coturnices  
Russicæ.  
Auicula redi-  
uiue.

Lingua Polonica.  
Hist. Pol. li. i.

Germanicæ  
lingua usus.

Latine linguæ  
usus.

h neq;



neq; tam copiosa est, quàm alia, neq; scriptu, lectuq; facilis. Sed Prussia incolæ, cum maxima ex parte Germani, aut è Germanis oriundi sint, in conscribendis actis iudiciorum Germanica lingua magis utuntur uulgò, mixtim Polonica, & Germanica loquētes. Prisci Prussi, quorum pertenuēs adhuc extant reliquiæ, peculiarem habuerunt, habentq; ab utraq; penitus diuersam. In Russia, meridionali præsertim, iam ferè usitator est Polonica dialectus, quàm uernacula, ex quo gens ea Polonorum celsit imperio, Polonis propter ubertatem soli, & militiam aduersus Tartaros libenter ibi figentibus domicilia. Sunt etiā in Russia, Podoliaq; Armeni, mercaturam exercentes: Hebrei uerò longè frequentiores, etiam in cætera Polonia, præter Prussiam, sparsim oppida, & uicos incolentes. Vtriq; sua lingua utuntur: sed & Polonica, uel Russica: Hebrei uerò passim & Germanica. Penetrant & Itali mercatores atq; opifices in urbes primarias nostra ferè memoria. Estq; nonnullus, eius linguæ usus etiam apud Polonos elegantiores. Libenter enim ij peregrinantur in Italia. Pagis autem, & uicis potissimū, atq; etiam oppidis gens Polona antiquitus habitat: quibus ferè castella, & arces adiunctæ sunt, dominorū, & præfectorum domicilia.

**Habitatio** Vrbes Cracouia Vrbes munitas atq; cultas non multas habet. Princeps est Cracouia in minore Polonia, regum, & regni domicilium: quæ cum ædificiorum priuatorum iuxta ac publicorū splendore atq; munitione, tum rerum omnium ad uictum, cultumq; corporis pertinētium, & mercium exoticarū copia, emporio, magnis ad uitā degendam commoditatibus, hominumq; frequētia, ciuilitate, & elegantia facillè primū locum obtinet, & cum clavis Germaniæ, Italiæq; urbibus certat. Germanis autem mercatoribus abundat antiquitus, neq; caret Italis. Habet opportunitatē Vistulæ fluuij, quo pisces, ligna, & omnis ædificiorum materia, & alia quædam è uicina Silesia importantur. Nonnulla etiam cum alio, tum in Prussiam deportantur, & inde merces exoticæ reportantur. Habet itē suburbana ampla, & frequentia, & cum hortis atq; pomarijs delicatis, tum uiuarijs piscium, & prædijs culta, ac temperie cœli amœna. Adiuncta sunt ei duo oppida: à Meridie quidē Cazimiria, ponte ligneo iuncta interlabente Vistula. Est tamen intermedius urbi, & ponti cōtinens uiculus, cui nomen est Stradomia. Quē flexus Vistulæ tria latera ambientis, & influentis in eū Rudauæ occurfus facit insulam. A Septentrione uerò pomerijs urbis cōtinens est Cleparia, nō tamen cincta mœnibus, ut est Cazimiria. Habet & arcem peramplam Cracouia, à latere Australi in colle seu rupe, Vistula, & Stradomia imminētē, mœnibus, turribusq; munitam, & magnificis regiæ ac basilicæ, in qua sedes est Episcopi, duorumq; præterea delubrorum, & aliarum priuatorum domuum ædificijs exornatam. Regiam quidem Sigismundus rex senior nostra memoria in eam, quæ nunc uisitur, formam, amplitudinem, & splendorem redegit. Habet Academiam quoq; omnium disciplinarum atq; doctrinæ studijs, & professione florentem. Olim tamen, quàm nunc honestis disciplinis, & frequentia Præceptorū iuxta ac studiosorum florentiorem, cum principes uiri ornamentis patriæ magis fauerent, ac studerent, necdum uel Lutheranismō infecte, uel ferro Turcico diuexata, & ferè subactæ essent gentes finitimæ. Sita est autem urbs ea nō procul à finibus Silesiæ, Vngariæ, & Russiæ, longitudinis quidem gradu 42. latitudinis uerò 50. Secundū hanc sunt haud ignobilia oppida in eadē minore Polonia ac diocesi Cracouiensi, Lublinum, tricesimo sexto milliario uersus ortū æstiuum, longitudinis 45. ferè, latitud. amplius 51. gradu: nō spaciosum quidem, sed benè exædificatū, & externarum gentium Christianarum iuxta ac barbararū, emporium nobile: deinde Sendomiria, Sandecia, Tarnouia, Biezzum, siue Becia, Vislicia, Ilcussum, & Osuencimum in Silesia. In maiore Polonia Posnania urbs est, æmula Cracouia, quinquaginta milliarijs ab ea distans, longitudinis quidē gradu 39. lat. uerò 52. min. 30. itidem cōmercijs, & emporio Germanorum exculta. Quæ & ipsa Academiam, opera, & sumptibus Ioannis Lubrantij episcopi nostra ætate fundatam, sed à successoribus eius neglectā habet. Nunc tamen ea cura, & munificētia Episcopi Adami Conarij instauratur. Habet & arcem, & basilicā, sedemq; Episcopi cū oppidis Srodca, & Valisseuo, interlabēte Varta flumine disiunctā. Secundū hanc sunt oppida Calissia, Gnesna, uetustate, & Archiepiscopi sede, basilicāq; nobilis, Vuschouua, quam Freistadium Germani uocant, Costenum, & Slupcia Episcopi. In Russia Leopoli longitud. grad. ferè 46. latitud. 49. sita, quinquagesimo à Cracouia milliario. Vrbs est satis munita, duas arces adiunctas habens, emporio, ciuiumq; elegantia, & humanitate florens, ac sede alterius Archiepiscopi, & aiorū episcoporum, nempe Armenici atq; Russici non ignobilis. Sunt etiā oppista Præmislia, & Crosna: quorum Præmislia arce munita, & duobus Episcopis, Latino, siue Catholico, & Russico cohonestata est. Chelma quoq; itidem duos habet Episcopos: sed propter oppidi, seu uici immuniti infrequentiam, Tartaricasq; excursions, catholici Episcopi cathedra Crasnostauiam translata est. In Podolia Camenecia est, urbs cū arce, natura loci, manuq; permunita, triginta milliarijs benè lōgis distans.



distans à Leopoli uersus ortum hybernū, longitudinis gradu 49. ferme, latitudinis ue-  
 rò 48. minut. 30. Habetq; & ipsa suum Episcopū. In Masouia Varfauia est longitud. 33. *Varfauia.*  
 lat. 52. grad. & minut. 20. pari fere spacio, hoc est, quadraginta milliarijs à Cracouia, & Pos-  
 nania. Deinde Ploscum basilica nobile, & Episcopo, eiusq; Episcopi oppidum Pultouia *Ploscum.*  
 cum arce, & Lomza. In Cuiauia sunt, Breste, & Vladislauia sedes, & oppidū Episcopi, cū *Vladislauia.*  
 arce, quam Stanislaus Carnouius Episcopus nuper splendidiorē, & magis habitabilem  
 reddidit. In Prussia uerò Gdanū, siue Dantiscum, octogesimo ferme à Cracouia milliario,  
 à Posnania uerò quadagesimo, à mari uno ferme: longitud. quidē gradu 41. minut. 30.  
 lat. uerò 54. minut. 20. urbs est ē tribus oppidis coagmētata, portu, naualibus, & horreis  
 nobilis: copia, & uarietate mercimoniū partim maritimorū ex toto Occidēte, & Septen-  
 trione, partim terrestriū ex diuersis mundi partibus, & fluuiatilium, maximē Vistulæ præ-  
 terlabentis opportunitate abundans: munitione firma, ciuium, & conuenarum industria  
 ac diligentia culta. Quæ anno superiori, dum opus hoc primū editur rebellis facta, uirtu-  
 te, & dexteritate fortissimi, prudentissimiq; regis Stephani post insignem cladē, & diutur-  
 nam obsidionem clementer in deditiōē redacta est. Gdano proxima dignitate nunc est *Torunia.*  
 Torunia, uiginti quatuor milliarijs intorsum uersus Posnaniā, & Cracouiā ab eo di-  
 stans, & in ripa Vistulæ sita, longit. gr. 41. lat. 32. duobusq; oppidis distincta. Olim em-  
 porio, & omnibus rebus florentior. Sed Gdani incrementa eam non paruis detrimentis  
 affecere, & in frequentem reddidere. Quod ipsa itidem Culmæ prius usu uenerat: quæ ci- *Culma.*  
 uitas ea dignatione fuit antiquitūs, ut ab ea cætera omnis Prussia, atq; etiam Masouia ple-  
 raq; ius peteret: quod inde etiamnum Culmense dicitur. Viguerunt in ea non ita pridem *iūs Culmense.*  
 etiam bonarum literarū studia. Nunc ea pro amplitudine sua infrequens est admodum:  
 cumq; superiori tempore in ditione Regia fuisset, nunc paret Episcopo, qui inde nomen  
 habet. Tamen cathedra eius est in oppido Culmense, uno milliario inde distāte. Elbin- *Elbinga.*  
 ga etiam Prusiæ est gemina, permunita, & copiosa: nisi, quod quoq; luminibus, ut ita di-  
 cam, officiūt, ab altera parte Gdanū, ab altera Regius mons, siue Kœnixberga, uicing, &  
 maiore commoditate portuum copiosæ urbes. Est autem Regius mons, ducalis Prusiæ  
 caput, tribus oppidis, & arce magnifica, nostraq; memoria etiam basilica, & sede Episco- *Regius mons,  
siue Kœnix-  
berga.*  
 pi Sambienſis insignis: terrestri quidem itinere decem octo milliarium, per Habum uerò  
 aliquantō minore interuallo à Gdano distans, long. gradu 43. latitud. minut. 30. Prægo-  
 la flumen oppida intersecat, & uno ferme milliario infra ea in Habum influit. Minoribus  
 item oppidis frequens est admodum utraq; Prussia, & quidem nec incultis, nec immuni-  
 tis. In regia, primarium est Marieburgum, cū ipsum per se mœnibus, turribusq; permu- *Marieburgū.*  
 nitum, tum arce amplissima, & munitissima nobile, situm ad Nogatum brachium Vistulæ,  
 sexto ab urbe Gdano milliario. Propter adiacentis autem insulæ, cuius mentionem su-  
 præ fecimus, ubertatem glebæ, pagorumq; frequentiam, & cultum, copiosum, & frequēs.  
 Ea uerò insula in palustri olim restagnantis Vistulæ solo operibus, & præalti ac firmi ag-  
 geris obiecta ad utrunq; fluminis brachium effecta, magno hominum labore non sine  
 periculo ab inundatione defensatur. Maior ea uocatur. Minor autem appellatur, conti- *Minor.*  
 nens ei ad occidentale Leniuuæ latus, & ad Motlauiam, Gdanūq; pertinēs planicies:  
 & ipsa palustris olim. Nunc autem fossarū ductibus exulta, & facta compascua. Marie- *Heilsberga.  
Fraumberga.  
Brunsberga.  
Stanislaus.  
Hosius  
Cardinalis.  
Oppida Prusiæ.*  
 burgo non multum ulla recedit Allesberga, siue Heilsberga, Episcopi Varmienſis domi-  
 cilium. Cathedra enim supra Fraumbergam est, quemadmodū superius attigimus. Inſitio  
 uerò, Brunsberga ea fuit collocata. Quod ipsum quoq; oppidum geminum, permunitū,  
 frequens & copiosum est, ita ut inter primarias urbes Prusiæ numerari queat. Quam nu-  
 per uir amplis. Stanislaus Hosius, S. R. E. Cardinalis, & Varmienſis Episcopus unā cum  
 sacro eius ipsius Ecclesiæ collegio studijs literarū atq; doctrinæ nobiliorem reddidit, no-  
 bis adiutoribus, & in religione Catholica cōseruat, collegio religioso eorum hominum,  
 qui de societate Iesu uocantur, in ea collocato. His oppidis non multum cedunt Gute-  
 stadia, Allesteinum, Resla, Vormata, Melsacum, Vartemberga, Seburgum in eodem tra-  
 ctu ac diœcesi Varmienſi. In Pomerania, Tucholia, Choinicia, Stargarda, siue Starigro-  
 dum, Nouum, Gneum, Derfauia. In reliqua Prussia, Neimarcū, Brodnicia, Stuma, Gru-  
 dentum, Lubauia, Razinum, & inter hæc interiectum ducale, Quizinum, quod Germa- *Pomesanienſis  
Episcopatus.*  
 ni Marieuerder uocant, non ita pridē sedes Pomesanienſis Episcopi: cuius diœcesis insu-  
 lam quoq; maiorem, & Stumenſe territorium complectebatur: nunc ea caret Episcopo.  
 Hæc omnia oppida, & ipsa per se mœnibus cincta sunt, & ferē arces ualidas, & benē ex-  
 dificatas, sed uetustas adiunctas habent. In cætera quoq; Polonia nō infrequentia sunt op-  
 pida (aut si uicos appellare malimus) pleraq; sine ullis mœnibus, nec nisi ligneis edificijs  
 præter templā, & castella, siue arces adiunctas. Sunt itē arces in editioribus locis, & rupi-  
 bus extructæ, nullis adiunctis oppidis: Melsinū, Tencinum, Landiscorona, Ogradene-  
 cia,



- Monasteria.** cia, Lipouecia, Olstinum, Pilcia, Softernū, Soben, Ocecū, Viſnice. Sunt & monasteria ad munitionem pariter, & commoditatem habitatorū exadificata, & uicis, pagisue non longè distantibus frequentata: Tinecense, Mogilense, Miechouiense, Andreouiense, Bresceniense, Stananticense, Copriuunicense, siue Pociuunicense, Lyſſecense, Cienſtochouiense, Vitouiense, Suleouiense, Landense, Lubinense, Ceruenscense, Paradisense, Mogilnense, Treimeſnense, Secechouiense, Vangrouecense: & Sarnouicēse, Pelplinense, Oliuense, Zoucouiense in Prussia. Pagi plerique omnes ad lacus, riuos, & flumina ſiti ſunt, ſparſim duplici, ut plurimū, ordine diſiectis agreſtium domicilijs. In his caſe ſunt lignea, uel lutea, humiles, pleraque omnes ſtramentis, nonnullæ aſſereculis interiecte, præter prædia, domosque dominiſſorum, quæ ampliores ſunt, & cultiores. In Prusiſcis tamen pagis egreſſes Germani minùs inculte habitant: oppidani uerò cultiùs etiam lateritijs ſerè domibus interiectu tributum firmatis, & ad omnem cōmoditatem inſtructis: quæ tamen pleraque ſtramentis tectæ ſunt: nonnullæ lateritijs tegulis. Vrbes longè ſunt cultiores, niſi quòd habent domos anguſtiores. Cæteræ uerò Poloniae vrbes primariæ laxioribus domibus, nec minùs cultis habitantur. In quibus cū Germani mercatores ſuperiori ætate lateribus, & lapidibus elegantius edificare cœpiſſent, nunc Poloni quoque eodē ſtudio tenentur, illosque ſuperare contendunt: nec in urbibus modò, ſed etiā in uillis lautiùs habitare ſtudent, Italoꝝ ſerè opificum opera, & induſtria. Hypocaustorum permagnus eſt uſus maiore parte anni in tota Polonia, præter Caſſubiam, & Prusiæ partem quandā: ubi agreſtes per hybernū tempus accenſo in medio domicilij foco, cum pecudibus, iumentis, ac cæteris animalibus, & auibus domeſticis in ſordibus, foetore, atque fumo (ſicet non deſint ampla fumaria) uitā degunt, ſicut & in Samogitia, & alijs ad Septentrionē uergentibus regionibus. Quanquā hypocausta quoque agreſtium duntaxat, pleraque fumoſa ſunt, (ut quæ furnis ad coquēdos cibos, & panes intus extructis calorem excipiant, & fumatijs magna ex parte careant) Et anſerem, anatum, gallinarumque cum pullis ſuis, ac ouicularum quoque, capellarum, uitelorum, ac ſucularum, propter hybernū gelu, admiſſi, & recepti ſordida. Balnearum item excaſſatarum frequens eſt Polonijs uſus æſtate iuxta ac hyeme ad abluenda, & leuanda ſudore corpora. In quibus mares ſeoriſum lauant à foeminis. Veſtium genus neque unum eſt, neque certum, aut ſuum cuique ordini, cōditioni, ætati, & generi hominum. Exoticis delectantur plurimi. Foeminae paſſim cum alio cultu uario, tum uiroꝝ amiculis utuntur. Quanquam id nouum eſt. Reticulis tamen, aut lineis uelis ſive flammeis eę capita integunt. Puellæ antiquitus nuda capita fertis aureis, gemmatis, uel ſericis, uel floreis, uel herbaceis redimitæ progrediuntur in propatulū. Sed nunc eæ atque etiā matronæ pileis ſericis, pellibus ſuffultis, itidē ac mares ſerè tectę incedunt. Viſtus genti antiquius uulgò, & in plebe, agreſti præſertim & uicana, ſuccidia, lactarijs, piſciculis, oleribusque potiſſimū conſtat. Nunc multi ueruecina quoque, & uitulina, & bubula carne uiſtitant: quarum carniſum fora in pagis quoque apud templa, & parœcias feſtis diebus inſtituuntur. Urbanis, atque nobilitati uiſtus eſt dapſilior: & iam lautior etiam, menſæque cum altilibus, tum feris animalibus, auibusque, & piſcibus lautis inſtructæ: in quibus permagnus eſt aromatum, neque exiguus ſaccari, & alioꝝ exoticorum condimentorū uſus: nec oleribus exquisitis eę carent. Nec deſunt bellaria, aliæque lautitiæ cū domi natae, tum exoticæ. Triticej panis, uinique uſus non ita pridē inoleuit apud elegantiōres. Nunc quidē utroque multum utitur etiam uulgus in conuiuijs: uino quoque præſertim in minore Polonia uicina Vngariæ, & Morauie. Nec obſtat præcium. Cæterū ſiliginē panis, & cereuiſiæ promiſcuus eſt uſus in tota Polonia. Fit autem cereuiſia in Prussia quidē ex ordeo, in cætera uerò Polonia etiam ē tritico minutatim mōlito, ſeu cōfracto, & aqua decocto cū lupulo. Admiſcetur nonnunquā tritico ſiligo, uel ſpelta, uel auena. Mel quoque itidē cum lupulo aqua decoctum in frequenti uſu eſt: Ruſſis præſertim, & Podolijs, apud quos permagna eſt apum, & mellis optimi ex dictamo, & alijs benè olentibus herbis ac floribus collecti copia. Nec Prusiſis, & Maſouijs mel deeſt: qui & ipſi itidē id decoquunt. Medonem uulgò uocant. Solet autem is condiſi Varſauiæ peculiariter ſucco ē cerasis, rubiue malis expreſſo, aut aromatibus: & pro ratione condimentorū, Kerſtrangi, Malinici, ac Troinici nomen accipit. Color hominū ſerè candidus eſt: capillus flauus, uel magis albicans: ſtatura mediocris, aut mediocrem paulò excedens, habitudo corporū ſucculenta. Niſi quòd foeminis, & maximè puellis nobilioribus, urbanisque ſtudio eſt, ut ſe reddant curatura ſunceas, quemadmodū inquit ille. Alioqui formæ atque teneritudinis non magna ab ijs adhibetur cura. Fucare autē faciem, & capillos tingere, indecorū habetur. Sed eſt in uiris iuxta ac foeminis naturalis quædam formæ bonitas, ingenuo rubore tincta. Ingenia Polonorum ſunt aperta, & candida, & falli, quā fallere magis apta: nō tam irritabilia, quā placabilia: minime proterua aut pertinacia: imò ualdē tractabilia, ſi cōmodè ac placidè tractentur. Ex



tur. Exemplis autem inprimis ij commouentur: & sunt principibus, & magistratibus suis satis morigeri. Ad comitatem, ciuilitatem, benignitatem, & hospitalitatē prompti, ita ut ignotos, & externos non modò libenter suscipiant hospitio, sed etiā inuitent, & omni officio prosequantur: & non modò ad conuictum atq; familiaritatē quorumlibet faciles, uerum etiam ad mores, & imitationem eorum, cum quibus uiuunt, externorum præsertim, flexibiles. Iuuentutis laxior est paulò, & neglectior educatio. Sed ea naturæ bonitate commpensatur. Ad Scholas quidem, & Magistros mittere mares liberos, & Latinis teneram ætutulam imbucere, omnibus pauperibus iuxta ac diuitibus, nobilitati ac plebi, oppidanæ præsertim, studium est. Multi pædagogos domi alunt. Itaq; ne in medio quidem Latio quis reperiatur tam multos uulgo, cum quibus Latine tamen loqui possit. Puellæ quoq; nobiles, & urbana, uel domi, uel in monasterijs uernacula, imò & Latina lingua legere, & scribere discunt: adultiores, puellæ quidē reifam. culinariæ præsertim, & pecuariæ curandæ, lanificioq; seu linificio potius, atq; textrina, & acu pingendi arti manus admouent: mares uerò agriculturæ, uel opificio cuiuspiam, uel mercaturæ, uel magistratuum, & procerum, sacerdotum uel opulentiorum ministerijs, & affectationi sese addicunt. Multi domi cum parentibus uitam degunt, eosq; in refamiliari curanda subleuant, ac decedentibus eis, patres familiæ facti, rem suam agunt. Complures libenter peregrinantur, dispendiorum reifamiliaris negligentes, egestatisq; & omnium, quæ peregrinantes consequuntur, incommodorum tollerantes. Externa enim magis, quàm domestica admirantur. Itaq; linguas earum gentium, ad quas peruenerint, cupidè, & facile discunt. Quinetiam in uictu, cultuq; corporis, & moribus noui aliquid peregrè afferre student, indeq; elegantia laudem quarunt. Quod iam ad opiniones quoq; de religione proserpsit. Sunt autem docilia hominum ingenia, & ualent quocunq; intenduntur: sed alienis inuentis perdiscendis ea magis accommodant, quàm ut noui aliquid ipsi excogitent, & excellere magnoperè uillare studeant. Id adeò fit, siue quod uni alicui arti, & studio non libenter sese addicunt, sed multa nosse cupiunt: siue incuria, segnitie, laborisq; fugitatione, quæ plerisq; in rebus peculiaris est huic genti: præsertim quòd homines, ad quorum uisum ferè liberalia iuxta ac mechanica studia referuntur, mediocritati contenti, exquisitam artificum, & operum præstantiam nò magnoperè requirunt: seu deniq; quod ditiores ocio, delitijsq; sese dedunt, relicta tenuioribus ingenij, & industriæ exercercitatione: hos uerò cum sit difficile, ut ait Philosophus, egentem benè operari, præsidijs uitæ comparandis distineri, & alienis non nunquam ab ingenio suo studijs, & negocijs implicari necesse est. Atq; ubi, quod satis est, compararint, & ipsi ferè superiorum similes euadunt, uel reifam. tuendæ cura, litiumq; anfractibus, uel potentiorum consecratione distrahuntur, idq; siue ambitionis stimulis incitati, siue quo se, suosq; certo aliquo præsidio ab aliorum iniurijs, & contumelijs uindicent. Nescio enim quomodo fit, ut ad uitæ commoda, & ornamenta non modò comparanda, sed etiam tuenda non satis præsidij sit, hac nostra præsertim ætate, in solis animi, & ingenij bonis, & in legibus ac iure communi. Non tam autem ad artes mechanicas tractandas Poloni apti esse uidentur, quàm ad studia doctrinæ. Nisi fortè illas contempsere potius, quàm assequi nequiuerent. Externis quidem plerisq; opificibus antiquitus usi sunt, & utuntur etiam nunc non paucis. Bonarum literarum atq; doctrinæ studia accuratius consecrantur, in primis ij, qui his præsidijs ex humilitate, sordibusq; domesticis emergere cupiunt, aut qui sua uel parentum uoluntate ad sacerdotium animos adiiciunt. Seueriores autem disciplinas ad nostra usq; tempora potissimum consecrati sunt Poloni. Nò desuere nobis sanè superioribus tēporibus insignes mathematici, Astrologi, Dialectici, & Philosophi, atq; etiā Theologi, ij præsertim, qui uocantur Scholastici, cū instituta Cracouiæ ante centum septuaginta annos Academia, Magistri eius generis Lutetia, Pragaq; acciti, admirationi essent uulgo, & primoribus, atq; ipsis etiam regibus. Humanitatis, & linguarum eruditarum studia diu neglecta iacuerent: nec solùm apud maiores nostros, uerum & alibi, fatali quadam temporum conditione. Proinde non erat, unde nostrates ea discerent post acceptas cum religione Christiana literas, & cultum uitæ mitioris. Quò factum est, ut illi quoq; qui tunc docti habebantur, & erant, nihil prope modum literis mandarent, nec in publicum sibi edendum esse ducerent, si quid fortè exercitandi sui, aliorum uel docendorum causa conscripsissent. Neq; sanè expedita erat edendi ratio, cum careret Polonia typographis. Ita doctorum uirorum memoria cum ipsis pariter extincta est. Nunc certè posteaquam animaduersum est, in precio esse linguarum, eloquentiæ, humanitatisq; studia, cupidè ea quoq; nostrates amplexi sunt, sed ad usum ciuilem, & uulgarem magis, quàm ad gloriam. Non desuere tamen nostra hac ætate, neq; nunc desunt, cum in studijs humanitatis, & eloquentiæ, tum in omni genere doctrinæ magni quidam, & excellentes uiri, qui cum commoda uitæ honestissimis disciplinis, &

Hospitalitas.  
& ciuilitas.

Educatio.

Peregrinatio.

Studia.

Aristoteles.

Doctrina sua  
dia.Academia Cra  
couien.

Eruditio.



Ouidius.  
Rei familiaris  
cura.

Temporum di  
uersa ratio.

Controuersia-  
rum transactio-  
nes.  
Rei militaris  
studium.

Compotatio-  
nū commoda,  
& incommoda.

Luxus Polono-  
rum.  
Aequales hau-  
sus.

Ordines, &  
status hominū

gloriæ, siue utilitati publicæ posthabuissent, eò euaserunt, ut admirationi sint, si non suis, certè externis, incorruptius iudicantibus. Sed eos recensere nunc necesse non est. Nec medicinam posthabent, posteaquā ea uulgatis delicatior, & laxiore uictus ratione morbis, in precio esse cœpit. In alijs minùs elabobant, propterea quòd minùs ea conducere uidentur ad cōmoda, & ornamenta uitæ comparanda. Non est enim nouum, plurimos mortales hunc finem studijs, laboribusq; suis statuere, patresq; similes illius habere, de quo canit Poëta quidam: Sæpè pater dixit, Studium quid inutile tentas? Rem porrò familiarem diligentius curare non ita pridem, & eodē propè tempore, quo bellorū incommodis uacui, luxum, splendoremq; consecrari cœpimus. Sed in ea minor est uulgò parta tuendi ac dispensandi, quàm acquirendi diligentia. Maiores quidem nostri comparandis diuitijs nō magnopere incubuere, satis habentes, sine magna cura, & labore, unde in diem propemodū, si non laute, non dure quidem certè, nec parcè cum suis uiuerent. Itaq; tranquilliores tunc res domi erant. Minùs appetebatur alienum: minùs erat litium: minùs iurgiorum atq; cædium: minùs fraudium, & periuriorum. Maior autem erat fratrum, & agnatorum, cognatorum, affiniumq; inter ipsos concordia, & beneuolentia. Maior nō modò parentum, sed etiam quorumuis natu grandiorum reuerentia. Perrara finium regundorum iudicia. Herciscundæ uerò familiæ nulla propemodū. Cæterorum enim cognatorū, aut uicinorum natu maiorum interuentu, & intercessione componebatur, si quid ulla de re exortum erat controuersie, quod ipsi inter se uicini, uel necessarij transigere familiariter nequiuissent. Res militaris quoniam cū instituto gentis, tum temporum quadā conditione in honore fuit superioribus, atq; adeò omnibus ferè seculis, extitere multi uirtute bellica præstantes uiri maximè nostra memoria. Non ita pridem extincti. Et quamuis in diuturna pace, & ocio, extant etiam nunc nonnulli. Nec emarcuit uulgò in Polonis uigor ille animorum, laudisq; bellicę studium, si qua se usquam offerat idonea uirtutis exercendæ occasio. Meditationem, & exercitationem uiri sapientes requirunt. Idq; ideò fortasse, quia defunt uirtuti sua præmia, & quod ignauo ocio, & conuiujs plusculum indulgetur. Ad hæc autem, & festas epulas conueniunt plerunq; uicini, & necessarij inter se ad unum aliquem uiri soli, uel pariter cum fœminis. Nec turpe habetur, puellas quoq; interesse, & earum colloquia, conuiuia, choreasq; à iuuenibus frequentari, parentibus earum, cognatisue natu maioribus præsentibus. Atq; ita plurima conciliantur matrimonia. Nec raro in eiusmodi conuiujs similitates, & inimicitia abolentur, & uel dissolute, uel nutantes amicitia reintegrantur. Quamquam intemperantioribus compotationibus interdū cruentæ quoq; pugne inter conuiuas amicos, & necessarios accenduntur, iurgijs plerunq; inter uilliora seruitia coortis. Potantibus enim dominis, nec illa à poculis arcentur. Quin illiberalis conuiuator habetur, cui curæ non est, ut seruitia conuiuiarum benè pasta ac pota sint. Quò fertiliores enim sunt hæc regiones, eò magis indulgent homines uulgò crapula, prolixioribusq; conuiujs, & compotationibus, ita ut multi eum solum ducant fructū laborum atq; diuitiarum suarum. Vigent autem passim inter mares compationes ad æquales haustus non solū in conuiujs, uerumetiam in cauponis, ad quas uulgus cōpotandi causa cōuenire solet: eoq; prouecta est hæc licentia, ut quod profestis diebus partū est, festo die potando ferè prodigatur. Atq; inde fit, proserpentē potandi etiam profestis diebus, & ocij consuetudine, & inertia; ut angustiore re familiari utantur multi: præsertim cū nemini curę sit, quid priuatus quisq; gerat negocij, unde, & quomodo sese sustinet: & fructuosa sit autem dominis, & magistratibus illa potandi licentia. Etenim nō exigua, & tributorum, & uectigalium publicorū iuxta, ac priuatorum portio ē cauponis corrogatur. Exolefcit tamē senlim apud honoratiores illa ad æquales haustus potandi cōsuetudo, eorum studio, qui apud eas gentes, quę humanitatē studiosius colunt, peregrinati sunt. Sed lautitia in uictu, potuq; magis ac magis indies inolefcit. In cultu quoq; corporis, uestiumq; numero, uarietate, ac precio maior luxus existit. Nec solū exoticis pannis, & pellibus, uerumetiam serico, & purpura uestiri, & argento, auro, margaritis, gemmis exornari mos inoleuit, inferioribus quibusq; præstantium genere, honore, uel facultatibus exempla cupide amplectentibus: nullis autem legibus sumptuarijs modum in uictu, cultuq; corporis cuiquam ordini, aut homini præscribentibus. Quò planiora autem, & absolutiora sint omnia, quæ de gente Polona persequimur, ordines, & genera hominum describamus: quæ descriptio Reipublicæ quoq; fundamenta continebit. Distinguitur populus Polonus partim genere, partim ex religione sumpto uitæ instituto. Ac genere quidem in equestrem ordinem, siue nobilitatem, atq; plebem distribuitur: religionis autem instituto in sacrum, & profanum ordinem. Liceat autem nobis eum, qui fanorum atq; sacrorum administrationem non habet, profanum appellare, uulgò Ecclesiasticum, & laicum, uel spiritualement, & secularem statum, & ordinem uocitant. De his posterius: nunc de nobi-



nobilitate, & plebe. Nobilitas Polona ad regimen atq; defensionem cæteræ multitudinis, regionisq; segregata est. Atq; inde qui sunt huius ordinis, antiquitus milites, nunc equites ferè ab equestri militiâ, cui sunt obnoxij, à Latinè loquentibus, & scribentibus appellantur: uernacula autem lingua Schliachta, à generis nobilitate, mutuato, nisi fallor, à Germanis uocabulo, (quasi *Geslechter*) uocantur, & Ziemianie, quasi agrarij, uel, ut uulgò interpretantur, terrigenæ, à terra, & agris, quos ferè colunt, & habitant antiquitus, hæreditarios, precioûe, seu principis beneficio partos. Habet autem nobilitas multas, & magnas prærogatiuas, quæ partim regum, & principum munificentia firmatæ sunt, partim moribus, & institutis inualuere: quæ magna ex parte sparsim opportunis locis huic, & historico operi à nobis insertæ sunt. Regi quidem ea soli ferè subiecta est. Iudicatur tamen ad præscriptum legum, & à magistratibus regni, & regijs, quemadmodum posteriore libro ostendemus. Ex cæteris, priuatis præsertim, nemo nobilitatem cum agris, & pagis subiectam habet, nisi fortè in Russiâ antiquitus, & præseo ducû gentis iure. Habet etiâ Cracouiensis Episcopus in Seueriensi ditione: habet & Varmienis, eiusq; ipsius Ecclesiæ collegium: quin & Plocensis Præpositus: & alij fortasse. Licet tamen homini nobili, siue equiti scultetiam, ut uulgò uocant, siue aduocatiam, in bonis alienis paganis iuxta ac oppidanis uoluntate domini obtinere: (de Scultetijs autem, & Aduocatijs posteriore lib. o dicemus) Licet etiam priuati conditione in urbem, uel oppidum cuiuslibet commigrare, saluis personæ suæ prærogatiuis, nisi is decus nobilis amittat. Nobilitas porro genere censetur, & meritis, adiuncto uitæ instituto. Habentur enim nobiles, quorum maiores, aut parentes uirtutis ergò in eum ordinem allecti, militiæq; adscripti, & gentilicio signo donati sunt, quiûe ipsi hæc meruere uirtute sua. Sed præstabilius habetur, nobilem natû esse, quâ factum. Nasci autem nobilem patre simul, & matre nobilibus oportet legitimo coniunctis matrimonio. Quanquam nec plebeia mater liberorum nobilitatem minuit, dummodo pater sit nobilis. Nothi quamuis nobilibus, & illustribus orti, nō censentur in familijs, neq; nobilitatis prærogatiuis fruuntur. Conferendi porro huius decoris, hoc est, nobilitatis, potestati solus habet princeps: idq; uel suo ipsius iudicio, & beneficio facit, uel interueniente testimonio, & quasi adoptione clarorum, & principum alicuius familiæ uirorû, stemma, & gentem suam cum eo, qui ita creatur nobilis, communicantium. Eiusmodi tamen creatis nobilibus obtinere, & possidere bona terrestria statuto quodam nouo non licet. Sed posteritas eorum pari cum alijs natis equitibus iure esse incipit. Amittitur porro nobilitas decreto principis, ob admissum dedecus, & atrox aliquod facinus. Contaminatur etiâ, & abdicatur quodammodo, si quis desertis militiæ, & agriculturæ studijs, sordidum quæstum faciat arte mechanica, uel tenuiore, & minutioribus mensuris ac ponderibus utente mercatura, & cauponatione. Est autem pari dignatione Polonica omnis nobilitas: nec est ullum in ea patritiorum, comitumûe discrimen, exæquata quodam tempore omnium conditione. Nuper adeo paucis quibusdam, parentum, uel ipsorummet amplitudine atq; meritis, & principum beneficio Comitum decus denuo partum est. Ducû, qui peculiares haberet dominatus, uel territoria, nunquam aliud genus fuit apud Polonos, quàm id, quod à Boleslao Kriouosto principe propagatum fuit, cum is principatum inter liberos diuisisset. Verum id iam defecit. Russi habuerunt antiquitus suos duces, habentq; etiamnum, qui dudum Lithuanicæ ditionis fuere, aut sunt etiamnum, & Volynij. Neq; enim subactis, uel in deditione acceptis ea prærogatiua adempta fuit. De Prusforû, & Curonienfum ducibus post attingemus. Multæ sunt nobilitatis Polonæ gentes, & quasi tribus, nō locis, & regionibus, uerû signis quibusdam gentilitijs, quæ arma, & insignia uocant, eorumq; appellationibus distinctæ, quæ singulæ rursus multas stirpes, & familias cognominibus, & agnationibus distinctas complectuntur. Verbi gratia, Leliuio rû gens, cuius signum est, noua luna supernè stellâ inter cornua cōtinens in cœlestino scuto, Tarnouiam, Pileciam, Melstiniam, & alias nōnullas honestas, & amplas familias comprehendit. Signa uerò gentilitia, siue insignia partim à rebus, quarum sunt notæ, quemadmodum Topororû ab ascia, partim ab euentu, ut Ielitorum à uisceribus transfixis appellationem habent: plurimorum ratio obscura est. Nisi fortè à primis conditoribus gentium ea sumpta sunt. Neq; enim olim, ut nunc, ab arcibus, uillis, & pagis, quibus dominabantur, denominabantur equites: sed undelibet sumpta, aut indita nomina, ad longam posteritatem, amisso etiam, uel commutato patrimonio, rectè trans mittebant. Qualia super sunt etiam nunc multa cum alibi, tum in Submontano, & Sciriciensi tractu, & in Russiâ. Ut sunt Herborth, Dunin, Iordan, Gladis, Pienianscus, Pirschala, Omita, Farureius, & alia eiusdè generis. Nunc malût pleriq; de arcib; oppidorû, & pagorû nominibus deflexa paululû per dominationē in Ski, siue ki uoce appellari. Ea uerò deflexio, uel adiectio syllabæ à latinè loquentib; & scribentibus in ius cōmutatur, ita ut à Choina Choinski, & pro eo latinè

Nobilitas.

Milites, &amp; equites.

Ziemianie.

Nobilitatis prærogatiuæ.

Nobiles qui.

Nothi.

Nobilitas à quo, &amp; quomodo confertur.

Nobilitatis amissio.

Nobilitas æqualis.

Comites. Duces.

Gentes, &amp; familie nobiles unde appellate sint.

Cognomina nobilitatis unde, &amp; qualia.



Signa, siue insignia nobilitatis Poloniæ.

Nobilitatis habitandi, & uiuendi ratio.

Fœminarum studia.

Comitatus.

Choinius, à Crasne Crasinski, & pro eo Crasinius, à Lasco Laski appelletur. Caterū pro eo non Lascius, sed Lascus dicitur. Quod nos in historia secuti sumus, perspicuitati orationis, & externorum auribus inseruiens. Idem ueteres historicos Græcos, & Latinos in barbaris nominibus factitasse animaduertimus. Interdum autem sine hac deflexione, uel adiectione, arcis, uel oppidi, uel pagi nomen, unde quisq; ortus, uel cuius dominus est, cum præpositione de, uel à, uel ab, uel in, cognominis loco usurpatur, à magnatibus præsertim, & clarioribus: ita ut uerbi gratia, in Tencin, uel à Gorca, uel de Felstein, quis appelletur. Obseruaturq; in his uulgo discrimen quoddam, non magis à Polonis, quam à Germanis, & Boëmis: qui itidem utuntur huiuscemodi appellationibus. In enim præpositionem ipsi ferè attribuunt, qui domini sunt locorum: ceteras, etiam ipsi, qui inde duntaxat orti uel oriundi sunt, etiamsi ibi non habeant, ubi pedem figat. Gentilitiorum autem signorum, quæ quidem quærendo inuestigare potuimus, appellationes hæc sunt: In quibus enumerandis ordinè primarum literarum, & uernaculæ linguæ sonum seruabimus. Abram, siue Valdorff: Amadei: Bialina: Biberstein: Bodulia: Bogoria: Boitza: Brog: Bozestado: Buincia, siue Buincza: Byliny: Cioleke: Copaczina: Coumia: Cielantcoui: Coruitz, siue Bies: Choleua: Cotfitz: Corab: Corciak, siue Corczak: Dambroua: Dambroua altera: Dembno: Doliua: Dolenga: Drzeuicza: Druzina: Drija: Dzialossa: Godziemba: Gosdoua: Grabia: Griph, quod & Suieboda: Gryzima: Grzimala: Habdanc: Herburthoua: Helm: Ianina: Iasirzemhiec: Ielita, siue Koslarogi: lednorezec: Iunossa: Korsboc: Kerdei: Labentz: Larissa: Leliua: Liada: Leuart, siue Leopardus: Lodzia: Lzauia: Lis, quod & Murza: Mozela: Morskicot: Mandrostca: Nalencz: Niesobia: Nieczuia: Nouina, Oliua: Osmarog: Odrouanz: Ostoia: Orlia: Olobog: Ouada: Oxa: Pilaua: Pirzchala: Poualia, siue Ogon: Poboze: Pogonia, Polucosia: Prauada: Pomian: Przeginia: Prus: Prus alterum: quod & Nauilki: Prosnia: Raura: Raduan: Roza, Rogala: Ruchaba: Rolia: Scheliga: Slepouuron: Socolia: Seruicaptur: Schilde: Staricon: Starza: quod & Osforia: Strzemien: Strzegomia: Sternberg: Srenaua: Sulima: Suuirczek: Sirocomlia: Schumberg, siue Cotfiza: Suuinca: Tarnaua: Topor: Topacz: Trzaski: Tramby: Varnia: Vieniaua: Vuczelie, Vieuissoua: Venzik: Vadua: Vierzinkoua: Zabaua: Zadora, siue Plomien: Zagrobia. Duorum nomina non tenemus, ea sunt albæ aquilæ anterior pars dimidia à capite cauda tenus, erecta, cum duabus stellis à tergo: & quinque rosæ albæ in quincuncem collocatæ. Vnde simul & ex gente Iasirzembecia ego maternum genus duco: pater uero meus è Pirzchalia, & Osmarogia. Nihil autem uetat his nostrum quoq; adiungere, quo me unâ cum fratribus meis, & omni posteritate nostra optimus Rex Sigismundus Augustus ornauit, dimidiam aquilam pectore tenens, naturali colore, extensis alis, laurea corolla circum collum redimitam in rubro scuto impartitus. Cui Ferdinandus Rom. Imperator electus, immortalis memoria dignissimus, cum legatione apud eum eiusdem regis nomine in septimum annum fungeret, gentilitium Austriacæ familiæ suæ stemma, rubram in albo scuto teniam per transversum ductam subdidit, & duo nigre Imperialis aquilæ capita galeæ coronatæ superposuit. Cuius autem minus liceat cuipiam à se parto, quam ab alijs relicto decore gaudere? Et hæcenus quidem de nominibus gentium Polonæ nobilitatis nobis dictum sit. Signa, origines, familiasq; describere, longū, & operosum esset, ne dicam infinitū. Antiquitus sparsim nobilitas in agris habitat, in sua quisq; uilla, uel castello, uel arce, rem familiarē operis, & laboribus adscriptitorum suorum, uel mercenariorum curans, & agricultura, gregū, armentorum, & apiariorū fructu, itemq; uenatione, & aucupio nō modò sustentans sese cū domesticis suis familijs, uerumetiā honestas diuitias comparans uendēdis ipsi, qui supersunt usui domestico, quæq; desunt inde uicissim comparandis. Matres autem familias, & puellæ nobiles lanificium, & linū, canaliciumq; & rem pecuariam tractantes non dedecet uendere ea, quæ ex huiusmodi re familiarari, & fructibus eius supersunt usui domestico. Quin & culinæ curā eæ gerunt, exceptis illustrioribus, & senatorijs, quæ hæc pleraq; dedignātur, aut pedissequiariū opera peragūt. Iter facientes, fœminæ quidem carpentis, uehiculis, aut curribus uehuntur: mares uero uel ipsæ, uel equis potius pedestrem incedere per uiam, longiorē præsertim, minus honorificū uulgo habetur: nisi paupertas necessitatē imponat. Iam autem lautiores, & elegantiores de nobilitate in urbibus domicilia figere, uillis, & rusticis prædijs relictis, incipiunt. Prodeuntem in publicū nobilem uirum iuxta ac fœminam affectis maribus, fœminā uerò etiam puellis pedissequis stipari, honorificū habetur. Et in eum usum alit quisq; domus suæ famulitiū pro modo facultatū: idq; simili figura, & colore uestium, nō sine sumptu, & luxu uestiri usitatū est. Aluntur & equi complures. Equitantes enim aut uehentes herum famuli honoratiores, non nisi per urbem, uel ad suburbana pedestres affectantur. Ac Senatores quidē primarij pedestres iuxta ac equestres, medijs ferè inter affectas mares.

Ince-



incedunt, honoratioribus antecedentibus: cetera uero turba cum pueris subsequente. In cetera nobilitate affectæ omnes heros sequuntur. Matronas autem, & puellas nobiles matres quidem antecedunt, fœminæ subsequuntur, præter filias, & quæ in filiarum loco habentur, & sorores puellas, quæ secundum anteambulones proximè matrem, uel sororem præcedunt. Spectatur autem in famulis, & pedissequis, cum usus ad ministeria, tum statura, forma, elegantia, & genus. Nec deest copia equestrium, ac nobilium iuuenum, qui uel studio ciuilitatis, prudentiæq; usu rerum comparandæ incitati, uel tenuitate fortunarum adacti, uel præsidij contra uim potentiorum sibi, suisq; comparandi causa, non modò in magnatum, & episcoporum, sacerdotumq; ac doctorum clientelas, uerumetiam in parium, ac tenuiorum, inferiorumq; nonnunquam, eorum præsertim, qui magistratus gerunt, aut aliquo sunt numero in aula principis, aut opibus, industria, eruditione, gratiæue populari ualent, affectationem, & ministerium parua, uel nullo mercede à parentibus, & propinquis traduntur, uel ipsi sese addicunt. Duratq; ea seruitus, quoad utrique, hero, inquam, & seruo, siue clienti placet. Multi etiam de ditioribus necessariorum, & amicorum liberos pio quodam, & honesto iuuentutis educandæ studio ultro sibi in familiaritatem, & ministerium adsciscunt. Ad eundem modum, & fœminæ fœminis famulantur. Nec pudendum aut dedecori affine est genus hoc seruitutis, sed liberale, & sociabile: nec rara est in eo uicissitudo, ita ut eum quis habeat in ministerio, cuius parentibus ipse seruiuerit: honestaq; habetur hæc iuuentutis equestris educandæ ratio, æquabilitatē quandā etiam in equalibus fortunis cōtinens: Et multos ex humili loco ac tenui fortuna nō modò ad mediocres, uerumetiam ad summos nonnunquā honores, amplissimasq; facultates, & opes ipsorum uirtus, herorumq; beneficentia prouehit: idq; maximè conciliandis luculentis coniugijs, uel sacerdotijs. Honestatis magna semper à nobilitate ratio habita est. Fraudē facere, promissum fallere, peierare, mentiri, probrosum, & infame semper habitū est, atq; etiam nunc habetur, quamuis in maiore, quàm olim, habendi studio, & licentia. Quod si quid eiusmodi in probri loco cuiquam obijciatur, præsertim ab eiusdem ordinis uiro, non tam legibus, & magistratuum iudicio, & auctoritate, quàm ferro, manuq; uindicatur. Dissimulare quidem probrosum habetur. Locitamen ratio ducitur. Plebeis minor est cura dignitatis, atq; pomposa ambitionis, exceptis urbanis fœminis, quæ & ipse benè cultæ, & una aut altera pedissequa comitatē incedere studet: uita autē laboriosior, & sollicitior tam mulierum, quàm uirorum, nullo ferè sexus discrimine, nisi quod fœminæ opificia non exercent, neq; uecturam, ueq; negociandi gratia peregrinantur. Vicina tamen oppida intra fines regni adeunt, domiq; negociantur. In iudicio standi ius non habent. In plebe autem numerantur, quicumq; nobiles, siue equites nō sunt, siue sint agricolæ, olitores, apiarij, & pecuarij, siue opifices, & operarij, siue caupones, propolæ, uectores, & mercatores, & siue in agris, quemadmodum superius attigimus, pagis atq; uicis uitā degant, siue in oppidis, & urbibus. Ac urbes quidem, & oppida à mercatoribus, opificibus, & propolis habitantur. Vici autem, & pagi, & suburbana prædia ab aratoribus, olitoribus, pecuarijs, & apiarijs. Caupones uero, molitores, operarij, uectores, iumentorumq; locatores, utrobique sunt. Sunt autē aliquantò meliore, & liberiore cōditione urbani, & oppidani, quàm agrestes. Ac census quidē annuum utriq; dominis suis pensitant, uerū agrestes, & uicani pleriq; omnes operas præterea gratuitas ad colendos eorū agros, & alios usus domesticos, non solum manuiarias, uerumetiam cum iumentis ipsi, per se, uel per mercenarios, & operarios suos præstant. Nec aliò cuiquam commigrare inconsulto domino licet: ita ut uideantur esse glebæ adscriptitij, nec multū à seruis differant, præsertim ut nunc sunt tempora. Cmetecie, seu Cmetones uulgò uocantur. His autem deteriore conditione sunt hortulani, qui hortos colunt. Vtriq; Chlopi appellantur: quam appellationem, uelut probrosum, non fert nobilitas. Habent sanè in eos domini uitæ, necisq; potestatem: præter eos, qui ab ineunte ætate literarū studijs, sacrorumq; ministerio sese addixerunt. In plebe urbana nō desunt, qui rem lautiozem per famulos, & uicarios administrantes, ipsi ocio, honestioribus studijs, uel delitijs uacant. Multi lautius, & sumptuosius uictitant: atq; inde cresunt rerum precia, & non pauci ex ijs ad egestatem rediguntur. Et hæcenus quidem de nobilitate, & plebe. Iam de sacro, siue Ecclesiastico ordine. Quod ut planius fiat, de religionibus prius pauca attingamus. Christianam religionem Polona gens, abiecto semel impio dæmonum cultu, sexcentis amplius annis constanter retinet, religiosèq; colit, hereticarum nouationum insolens, & impatiens ante nostram ætatē. Nuper adeo nostra memoria Lutherana primū, mox etiam Berengariana, seu Caluiniana labes à mercatoribus, & bonarum literarū studiosis iuuenibus, leuitate animorum, & curioso studio nouitatis inductis peregrè inuecta, multorum animos infecit. Quod olim etiam de Hussitica, & Vicesica extremis Vuladislai Jagellonis Regis, & primis filiorum eius Vuladislai, &

Famuli & Pe  
dissequæ.

Nobilitatis sta  
dia.

Plebs.

Plebei qui

Urbanorum, &  
agrestium disa  
crimen.

Religio, &  
pietas Polono  
rum.

Hereses in Po  
lonia.

lai, &



Prussorum re-  
ligio.

Masouiorum  
religio.

Russorum reli-  
gio, & schis-  
ma.

Latini.

Armeni.

Iudei.

Sacer Ecclesia-  
sticus ordo.

Plebei arce-  
tur in nonnullis  
honoribus ec-  
clesiasticis.

Sacri ordinis  
distinctio.

Res numaria.

lai, & Cazimiri temporibus (cū horum iuxta ac illius ætas contemneretur) usū uenire cœperat. Sed Principum, & Episcoporum uirtute, authoritate, studio, ac diligentia, cæterorumq; procerum pietate, grauitate, & constantia malū altius radices agere permissum non est. Itaq; retinuerunt ij tunc cum prisca religione etiam dignitatem, authoritatemq; suam, & Rempub. Quæ qui nunc uiuunt, utinam posteris etiam suis relinquant. Iam non solum ille, quas dudum memorauī, uerumetiam Picardorum, Anabaptistarum, Ariano- rum, Pneumatomachorum, Trideitarum, Photianorum, Ebionitarum, Recutitorum, & nescio quæ non pestes: prohi nefas, Poloniam, laxatis semel licentia habenis, agminatim inuadunt, & prætextu, seu uerius abusu libertatis, præeuntibus nonnullis de nobilitate, sibi quisq; religionis magister, atq; adeo rex, & lex esse incipit. Sed hæc alibi prolixius deplorauimus. Prussi aliquantō posterius Christo nomina dedere: citius autem, & cupi- dius Lutheranismi dogma amplexi sunt, urbani præsertim, & qui sunt Germanici sangui- nis, propter mercatorum, & opificum Germanorum frequentiam, & commercia, & le- ctionem librorum importatorum ē Germania. Quum enim ea colluuiēs hominum qua- si ad pileum uocata, semel Ecclesiasticæ disciplinæ iugum excussisset, à magistratibus, si- ue timore, siue peruersa animi inductione, & ob iusiurandum præceptoribus suis in Ger- mania datum, eodem inclinatis, imò redemptis etiam, non modò non repressa est, sed ma- gis etiam confirmatur, & incitatur. Multi tamen adhuc pia maiorum instituta retinent, præsertim ubi magistratus officium suum faciunt, alienum non usurpant. Masouij tena- ciores antiquæ religionis, & pietatis, à profanis nouationibus ferme abhorrent. Abhor- rent etiam Russi. Græcos autem hi sequuntur, quos ab initio religionis Magistros ha- buere, & cum ijs à nobis, hoc est, à Romanæ, & catholicæ Ecclesiæ consensu sese per sa- crilegium schisma præcidunt tanta pertinacia, ut nihil commune habere uelint cum Lati- nis. Sic enim nos appellant, qui in cultu diuino publicè Latina lingua utimur, & cū sapien- tibus, & sanctis maioribus ipsorum Græcorum iuxta ac nostris summā Romani Pontifi- cis dignitatē, & authoritatē in uniuerso Christianorū populorum cœtu agnoscimus. Nec in multis præterea à nobis ij dissentiunt: & quidē ritibus, & institutis ecclesiasticis magis, quàm dogmatibus religionis. Vulgant autem diuortia, quauis leui de causa. Plurimi ta- men ex ijs, ex quo tempore Polonorum ditione tenentur, ad nos, & Romanæ Ecclesiæ so- cietatem, & instituta transierunt, eodemq; cum cæteris Polonis iure sunt. Armeni oppi- da quædam Russiæ, Podoliæq; incolentes, suis & ipsi ritibus, suæq; lingua in sacris utun- tur. Non abhorret ij tamen sicut accepimus, à Romana Ecclesia, & Rom. Pōtifice: Quin principatū eius in uniuersa Christi Ecclesia agnoscunt. Hebræi uerò, quibus aliundē pul- sis, Russiæ, & Lithuanix, ac totius ferè Poloniæ oppida referta sunt, suā retinent religio- nē: nisi forte superstitio, uel impietas ea potius dici debet. Feruntur etiā Tartari Ceremissi in uno aut altero oppido Podoliæ suis uti ritibus, & impietate Mahometana, quemadmo- dū, & Lithuanici. Quorum indelubro apud Trocos nihil præter pileum turbinatū, qua- libus uulgò ea gens utitur, in suggesto editiore positum ante multos annos aspeximus. Sed mittamus barbaros incolas, cum falsis suis religionibus, & ad institutum nostrum re- uertamur. Tam apud Russos igitur, & Armenos, quàm apud Polonos, qui Christi Dei, ac magistri institutis conuenienter pietatem colunt antiquitus, certus est ordo eorum homi- num, qui religioni, sacrisq; peculiariter moderantur, & inseruiunt, nō genere, sed eorum, penes, quos eius rei potestas est antiquitus, & iam inde ab temporibus Apostolicis (Epi- scoporū inquā) authoritate, segregatione, & initiatione, siue consecratione à cætera omni multitudine distinctus: quē sacrū, & Ecclesiasticum, & spiritualem dici supra memorauim- us. In quo non modò Episcopi, & sacerdotes, uerumetiam cæteri sacrorum administri, monachi, monachæq; censentur, ē pleibeio iuxta ac equestri ordine allecti. Vtriusq; enim antiquitus iam inde ab initio patuit adytus ad hunc ordinem. Patrum demū, aut auo- rum nostrorum memoria ab Episcopalis non tam functionibus, quàm sedibus, & pri- marijs quarundam opulentiorum basilicarum, siue Ecclesiarū, ut uulgò uocant, cathedra- lium honoribus, quæ prælaturæ, & canonicatus dicuntur, plebei (Theologis, Iureconsul- tis, & Medicis aliquot exceptis) excludi cœpere. Quod iam ad Abbantias quoq; & mo- nasteria (ubi ex professo mundana omnia abdicantur) inducitur. Secernitur etiam sacer ordo uestitu, & cultu corporis à cætera multitudine. Sed & inter se non modò à cæteris sacerdotibus Episcopi, & ab utrisq; monachi, uerumetiā ipsæ inter se monachorū, & mo- nacharū sectæ partim figurā, partim colore uestiū, partim toto uitæ instituto distinguun- tur. Quæ quoniam cōmunia sunt Polonis cum cæteris Christianis populis, persequi hīc prolixius necesse non est. Proinde distinctis ordinibus, reliquam rei fam. Polonicæ ratio- nem paucis concludamus. In magna rerum omnium copia, ut fit, maior aliquantō fuit su- perioribus temporibus, quàm nunc est, argenti, & auri, reiç numariæ penuria, præsertim

cū



eum auri, & argenti metalla nulla extarent, & minùs nota essent nostris maioribus trans-  
 marina mercimonia. Neq; proprium habebant numum Poloni, sed externis, & maxime *Monetae*  
 Boëmicis usi sunt aliquandiu. Cœpit deinde ante ducentos, ni fallor, annos à Cazimiro  
 magno rege æs, & argentum signari ad exemplum Boëmorum. Aureos uerò numos pri- *Aureus.*  
 mus omnium Sigismundi Augusti pater nostra memoria signauit, bonitate, & pondere  
 Vngaricorū. Tametsi Alexandri quoq; fratris eius aureum numum uidimus. Sic autem  
 creuit iam auri preciū, ut propè duplo carior nunc sit aureus numus, quàm fuit auorum  
 nostrorum memoria. Id adeo, partim propter luxum, & crebriorem auri usum, exporta-  
 tionemq; ad externos, partim quia deterior nunc esse fertur reliqua moneta, cum ponde- *Grossus.*  
 ris diminutione, tum æris admixtione. Est autem ea multiplex. Ac grossus quidem argen-  
 teum numisma est cum admixto ære, olim uicesima octaua, nunc quinquagesima secun-  
 da, uel tertia, imò iam quarta, & quinta pars aurei Vngarici, sexagene, siue copæ sexagesi- *Copa.*  
 ma, marcæ quadragesima octaua, floreni tricesima, fertonis duodecima: scoti uerò dimi- *Marcæ.*  
 dia. Sic uulgò dicuntur pondera, siue genera, quibus pecuniam numeramus, & compu- *Floreni.*  
 ramus. Sunt & minores grosso numi. Medians quidem grossi dimidium, nona ferè parte *Ferto.*  
 superans cruciatum Germanicum, sed iam exæquatus. Solidus tertia pars grossi, terna- *Scotus.*  
 rius sexta, obulus uerò decima octaua. Atq; hi quidem nunc ærei sunt in albat: superiori *Medians.*  
 tempore habuerunt admixtum argentum, ut etiam nunc habent grossi, & mediantes. Ar- *Solidus.*  
 gentei uerò sunt trigrossus, ac segrossus, hic quidem sex: ille uerò tribus grossis æstimatio *Ternarius.*  
 ne par. Vtrumq; primus signauit Rex Sigismundus senior: sed iam pauci extant. Expor- *Obulus.*  
 tantur enim, & conflantur ab auaris ludæis, mercatoribus, & argentarijs apud gentes fini-  
 timas. Permagnus est autem etiam nunc apud nos usus externæ monetæ, quæ pro merci- *Mercimonia.*  
 bus undelibet importatur. Magna sunt enim nunc, si unquam aliàs, Polonis uariarum  
 rerum cum cæteris gentibus commercia: quanquam commutatione mercium permul-  
 ta peraguntur. Exportantur autem in primis, siligo, triticum, ordeum, auena, & alia le- *Que expor-*  
 gumina, linum, lupulus, coria bouum, sebum, alutæ, mel, cera, succinum, pix, cinis, mali, as- *tantur.*  
 feres, cæteraq; materies fabricandis nauibus, & ornandis domibus apta. Cereuisia quoq;  
 & herba quædam tingendis lanæ, & serico idonea. Iam uerò & bouum, ueruecum, & e-  
 quorum permagna uis non modò finitimis, uerum etiam remotioribus populis suppedi-  
 ditatur. Ac equi partim propter pernicitatem, & laboris, incommodorumq; tolerantiam,  
 partim propter molliorem incessum à remotioribus etiam populis expetuntur. Impor- *Que aliunde*  
 tantur autè uicissim aliundè panni non modò sericei, & aurei, sed etiam lanei, lineiq; sub- *importantur.*  
 tiliores, aulæa, tapetes, & alia parietum, equorum, & hominum ornamenta, quorum opi-  
 ficia minùs exquisita sunt apud Polonos, licet non desit materia, & alijs gentibus suppe-  
 ditetur. Margaritæ item, & gemmæ, & pelles sabellinæ, pantherinæ, siue lupiceruariæ, her-  
 mellinæ, mardurinæ, murium ponticorum, uulpinæ, lupinæ, ursinæ, & aliarum ferarum,  
 quarum maiorem copiam producunt interiores Septentrionis, Orientisq; syluæ. Husio-  
 nes quoq; siue Mariani, & haleces, & alia falsamenta, & uento, uel sole durati pisces mari-  
 ni. Adhæc argentum, æs, orichalcum, & chalybs cum facta, tum infecta. Bouum etiam co-  
 piam auget uber pascuis Valachia, siue Moldauia, & Besserabia: sicut equorum Vngaria.  
 Vina plurima ex eadem Vngaria & Morauia. Ex Austria, Rhetia, Slauonia, Italia, Creta,  
 & Græcia importantur etiam, sed pauciora. Gdanum autè Renense, & Gallicum, & Hi-  
 spaniense, Canariense quoq; & Creticum nauibus aduehitur. Porro aromata, & uaria e-  
 duliorum condimenta atq; cupediæ, quæ unâ cum uino, & pannis aureis ac sericeis gen-  
 tem hanc atq; regnum uehemèter exhauriunt, de longè ab Oriente, & Occidente impor-  
 tantur. Harum autem rerum atq; mercium exportandarum, & importandarum commer- *Populi cū qui-*  
 cia sunt Polonis, maritima quidem cum accolis sinus Venedici, & Oceani Germanici, *bus cōmercia*  
 Pomeranis, Mechelburgensibus, Holsacijs, Danis, Frisijs, Hollandis, Brabantis, & alijs *sunt Polonis.*  
 Belgis, Gallis, Liuronibus, Moschis, Sueonibus, siue Suetis, Noruegijs, Anglis, Scotis,  
 Hispanis etiam & Lusitanis. Itemq; per Pontum Euxinum cum gentibus Turcicæ ditio-  
 nis: terrestria uerò cum Germanis, Morauis, Silesijs, Boëmis, Vngaris, Italis, Moldauis,  
 Moschis, Armenis, atque Turcis. Sed iam hunc librum claudamus, altero Reipub. Polo-  
 næ rationem descripturi. Ac primùm quidem de Magistratibus, & muneribus publicis  
 persequemur: deinde uerò iudiciorum, comitiūrum, & belli rationem explicabi-  
 mus, sic tamen utrobicq; ut Prussos ad calcem operis uitandæ  
 perplexitatis causa reseruemus.



POLONICARVM RERVVM,  
POLONIÆ MARTINI CROMERI  
LIBER ALTER.

De Republica & Magistratibus Polonorum.

Monarchiam  
Poloni ample  
stuntur.

Hist. Pol. li. 2.  
Regni Pol. or-  
rigo.  
Hist. lib. 3.



Hist. lib.  
Regni resum-  
ptio.  
Hist. lib. 11.

Hist. lib. 14.  
C 15.  
Principis po-  
testas.

Regia potesta-  
tis finis.

Regis electio.

Iusiurandum  
Regis.

Coronatio.

De tribus primis, & simplicibus Rerum publ. formis, quæ uel u-  
nius, uel paucorum imperio, uel multorum, omniumue quadam  
æquabilitate iuris continentur, unius principatum Poloni sem-  
per, præter duo quædam tempora, de quibus in historia memo-  
rauimus, amplexi sunt, bonis plerunque, & moderatis, & à ty-  
rannide alienis usi principibus. Fuitq; contenta Polonia princi-  
pis, siue Ducis nomine, & imperio, donec Otto tertius eius no-  
minis Imperator Rom. Boleslaum cognomento Chobru (Cha-  
brum uulgò uocant) paulò post susceptam religionem Christia-  
nam: hoc est, anno post Christum natum millesimo, & primo,  
regio diademate, & honore dignatus est. Nec tamen ultra quartum Regē tunc is honos  
mansit apud hanc gentem. Nam post alterū Boleslaum, prioris pronepotem, ducētis am-  
plius annis, Principes Polonorum regio nomine abstinerūt. Deinde uerò anno Christi  
1295. reuocatum, & renouatum id in Præmislo, manet in hanc diem: Et quidem ad ex-  
ternos plerunq; liberis liberi populi suffragiis delatum, cum antea Poloni externū princi-  
pem non habuissent. Ac neque ex alia familia per quadringentos amplius annos, quàm  
ex, quæ à Piasto duxit originem. A centum & amplius octoginta annis regnauit per-  
petua successione Iagellonia magnorum ducum Lithuanie progenies. Non hæredita-  
rio tamen, sed electionis iure. Fuit autem initio liberior dominatus principis: & nullis  
propemodum legibus astrictus, infinitam non modò omnium rerum, sed etiam uitæ, ne-  
cisq; omnium potestatem habens. Post susceptam uerò publicè religionem, tempera-  
re ea cœpit primū pñs monitis, atq; doctrina Episcoporum, & sacerdotū (quibus nunc  
præclara scilicet refertur gratia, tunc permagna erat eorum dignatio, & autoritas) ac cæ-  
terorum Christianorum populorum imitatione, & moribus. Deinde uerò bellatricis no-  
bilitatis meritis, & obsequiis: fortassis autem & contentionibus multa de suo iure remit-  
tentibus, & indulgentibus equestri ordini regibus, & principibus. Nunc sanè angustis  
finibus regia potestas in sacrum, & equestrem ordinem, & utrique subiectos homines at-  
que bona, circumscripta est: Ac in sacerdotes quidem iam inde ab initio susceptę religio-  
nis Christianæ rex nihil prorsus iuris habet. De equitis uerò capite, & fama, non nisi in co-  
mitijs cum Senatu iudicat, certis aliquot causis exceptis. Senatu autem inconsulto neq;  
bellum cuiquam facit, neque fœdus publicè cum quòquam icit, neque tributa, uectiga-  
lia, ac telonia noua instituit, neque alienat quicquam de bonis regni, neq; rem ulla-  
ma iorem ad Rempubl. pertinentem statuit, aut facit. Porro leges nouas condere, pecuniam  
extra ordinem publicè imperare, monetam signare, successorem sibi designare, ne cum  
Senatu quidem potest absq; consensu cæterę nobilitatis, siue equestris, & militaris ordi-  
nis. De quo ferè magistratus etiam publici, & Senatores leguntur: ita ut penes eum ordi-  
nem nunc sit propemodum summa Reipubl. Itaq; nunc regnū, & Respubl. Polonorum  
à ueteri Lacedæmoniorum, uel huius temporis Venetorum Reipubl. ratione non multū  
differt. Ius creandi Regis penes Senatum est, de quo paulò post dicemus. Atq; id etiam  
equester ordo sibi uendicare cœpit, ita ut tum demum in eo ratum sit Senatus iudicium,  
si assentiatur cætera nobilitas. Non temerè tamen disceditur à stirpe regia mascula, si qua  
extat. A nouo rege iusiurandum exigitur in hanc sententiam: Quod secundum leges,  
& instituta maiorum regnaturus sit, & suum cuiq; ordini, & homini ius, priuilegiumq;  
& beneficium, à prioribus collatum, saluum conseruaturus, neq; de Regni finibus, & bo-  
nis quicquam diminuturus, quin amissa etiam ab alijs pro uirili iua recuperaturus. Vicis-  
sim autem senatus omnis in uerba eius iurat. Inauguratur autem (si tamen hoc uerbo uti  
fas est) olim quidem in Gnesnensi, nunc uerò in Cracouiensi Basilica ritu solenni Chri-  
stianorum ab Archiepiscopo Gnesnensi sacris operante, ac duobus proximis Episcopis:  
unctusq; inter scapulas sacro oleo ante aram maximam, ubi etiam sacrosanctam Eucha-  
ristiam uenerabundus accipit, & corona aurea redimitus, accepto in dextram sceptro, &  
in leuam pomo aureis, in editiore folio ex tempore preparato collocatur, omnibusq; rite  
peractis coronatus in regiam reducitur. Postridie pompa itidem solenni coronatus in fo-  
rum urbis equo uehitur, Senatoribus equestribus, episcopis quidem ponē sequentibus:  
profanis uerò antecedentibus longo ordine. E quibus tres primores pomum, sceptrum,  
& stri-



& strictum gladium proximè ei præferunt. Ibi erectum ex tempore tabulatum sublime cum ijs pedester conscendit, & in editiori folio collocatur. Sedentem senatus paulò inferior ordine circumsidet. Deinde assurgens ille, uersus quatuor mundi partes gladium uibrat, rursumq; residens, eius contactu siue leni ictu inter se scapulas cuiusq; nobiles & equites auratos creat: quod perinde est, ac si baltheo militari donet. Urbani autem & oppidani magistratus in uerba nqui regis iurant. Inde ritè peractis omnibus, in arcem cum eadem pompa reditur, & festis epulis indulgetur. Nec multo diuersa est regine inauguratio: quæ fit præsentem, deducente, & postulante pro ea rege. Deducit autem eam coronatam etiam ad forum rex ipse quoq; coronatus cum simili pompa. Sed non iuratur in uerba regine, nec ei defertur ulla potestas aut iurisdicção. Vectigalia principis aliquanto luculentiora & ampliora olim fuere, quàm nunc sunt. Pensitabant enim ei omnes agrestes & adscriptitij quotannis tributum poradlinè, quod nos rastrale dicere possumus (Regale etiã uocatur) in iugerum, seu laneum & mansum, ut uulgò uocant, duodenos grossos, & quidem latos siue Prageneses: qui dimidio eos, qui nunc sunt in usu, grossos uernaculos excedunt. Quin si bonitatem & pondus argenti spectes, quadruplo, quemadmodum earum rerum periti affirmant, melior tunc erat grossus quàm nunc est. Pensitabant & alias quasdam cū numarias, tum pecuarias, frumentarias, auenarias, & aliarum rerum pensiones: nec modo agricolæ, sed & oppidani: Quin & equites siue milites non penitus immunes erant. Et iumenta autem hi ei, quacumq; iter faciebat, alij secundum alios suppeditabant, & canes cū uenatoribus eius alere necesse habebant. Ne monastica quidem & alia ecclesiastica bona initio prorsus erant libera ab huiusmodi oneribus ac tributis. Quorum appellationes uidere licet in uetustis principum diplomatis: Nempe przewod, powos, stroza, stan, pouuo loue, targoue, Croua, poduody, Voginia, Narzas, sep, poduorouue, Opolia. Libere autem principi erant ubiq; piscationes atq; uenationes: Alijs non erant, ne in suo quidem cuiquam fundo, absq; peculiari principis indulgentia. Multæ quoq; maleficiorum principis dependebantur. Quæ cū ita essent, cumq; permagna esset rerum omnium ad uictū pertinetium uilitas, & necdum maritima cum externis populis commercia extitissent, aut uulgata essent, non distrahebantur fruges, & alij fructus prædiorum principis, quæq; ex pensionibus in cellam eius comportata erant, hec ad unum aliquem totius regni locum (quod non sine graui agrestium pressura futurum erat) conuehebantur: sed in præfecturis afferuabantur. Cumq; ad officium principis pertinere existimaretur, non desidem & unicuique loco affixum hæere, sed obire omne regnum, & fines eius tueri, & omnium usibus sese exponere, querimonias afflictorum audire, ius dicere, tenuiores à potentiorum iniurijs uindicare, quoquo is uenerat cū equitatu & comitatu suo aulicis, eius præfecturæ fructibus & prouentibus alebatur, quoad ei manere ibi libuisset, opusue esset, siue quoad horrea, cellæq; sufficerent, seu deniq; descriptis cuiq; præfecto pro ratione perfecturæ, & prouentuum certis temporum spacis. Atq; hoc illud est, quod scriptores quidam externi rerum Polonicarum imperiti ante nostram memoriam in eam partem acceperunt, & literis mandarunt, quasi rex Polonus egestatis causa regnum suum obire perpetuò necesse habeat, quo à suis hominibus quasi precario sustentetur. Ceterum postea cum principes uel certo se loco continere, uel bellis distenti peregrè diutius abesse cœpissent, distrahi cœpere fructus prædiorum, qui præfectorum cum sua cuiusq; familia moderatis usibus superessent. Remissæ sunt deinde principum beneficentia sacro & equestri ordini, & utriusque adscriptitijs & subditis pleræq; omnes pensiones & onera. Nunc sanè equestris & ecclesiastici ordinis homines nihil regi pensitare necesse habent. Ac ne oppidani quidem eorum, aut agrestes adscriptitij, præter binos grossos uernaculos de manso, siue laneo (quæ idem sunt) pagano, & eo quidem solo, quem adscriptitijs ipse sibi colit. Nam qui sacerdotibus & equitibus coluntur, itemq; suburbanis & scultetorū (de quibus post attingemus) agri ab ea quoq; pensione immunes sunt. Ne subseruiunt quidem principi sacerdotum & equitum homines agrestes & oppidani, præterquàm ad arces tempore belli reficiendas, atq; etiam nouas, si id è senatusconsulto fiat, condendas. Non ita pridem abbates & Præpoliti monasteriorum certas pensiones, quæ Stationes uulgò dicuntur, regi denuo pensitare: cœperunt. Adscriptitij quoq; ipsorum ad colendos principi agros, subuectiones, & pensiones quasdam frumentarias reuocantur, quo præfectorum regionum præsidio tutiores sint ab iniurijs improborum. His autem exceptis, soli præfecturarum adscriptitij in suis quicq; præfecturis agros colendo, & uectigalia pensitando rem familiarem principis sustinent: Quæ nunc tamen aliquanto exquisitius curatur, quàm olim. Habet is etiam e metallis mediocre uectigal. In ijs autem conductiarum operarum usus est: Quarum impensa deducta, reliquum cedit principi. Omnium uerò metallorum in Polonia fructuosissimæ sunt salinæ. Sed habet in ijs equester ordo hanc prærogatiuam, ut in usum suum domesticum

Regine coronatio.

Vectigalia principis. Poradline siue rastrale tributum.

Grossi Prageneses siue lati.

Pensionum principis nomina.

Princeps Poloniam obibat.

Error quorundam scriptorum.

Vectigalium immunitio. Cmetones. Rastrale siue regale tributum.

Opera subditorum sacerdotum &amp; equestrium. Stationes.

Metalla.



Nobilitatis  
prærogatiua  
in salinis.  
Telonia.  
Telonium ue-  
tus & nouum.

Alienationes  
regi interd-  
ictæ. Alexandri  
R. statutum.  
Impense Prin-  
cipis.

Leges Polono-  
rum.

Consiliarij si-  
ue Senatores  
regni.

Senatorum ge-  
nera & nume-  
rus.

Archiepiscopi.  
Episcopi.

Senatorum nu-  
merus & ordo  
recentior ad  
calcem operis  
adscriptus est.  
Rufforum Epi-  
scopi.

mesticum statis anni temporibus aliquanto minoris erat saltem, quam ceteri homines. Et telonijs quoque mercium & uectorum prouenit uectigal principi. Cæterorum hominum nemo ius ullum habet instituendi & exigendi teloni, præter peculiarem regis indulgentiam: idque ob necessariam extra ordinem refectionem uiarum, pontium, & aggerum. Cæterum nau- lum à traiectu fluminum in suo cuique solo instituere licet. Duplex autem est telonium: ue- tus & nouum. Ac uetus quidem exile est, quod ab ijs penditur, qui intra fines regni nego- ciantur. Nouum uero maius aliquanto, quod bouum, equorum, coriorum, frumenti, lanæ, ceræ, sebi, & aliarum mercium, quæ ad exterarum oras exportantur, & earum, quæ aliunde im- portantur nomine pensatur. Vtriusque immunitatem habent ecclesiasticus & equester or- do, modo ne mercaturam quis exerceat, hoc est, uenire ea exportet, quæ ipse aliunde emerit, ac non de suo pararit. Si quis tamen boues emptos suo pabulo & frumento per hyemem aluerit, perinde habetur, ac si domi eius nati sint. Publicæ quoque ciuitates nonnullæ habent immunitatem ueteris teloni. De nouo fuit superiori tempore controuersia inter equestrem or- dinem atque regem. Hæc igitur nunc sunt perpetua principis uectigalia: Quæ distrahere, aut addicere cuiquam iure hæreditario re, Alexandri regis lege prohibetur. Atque ea lex neglecta post, & ante paucos annos acerbius reuocata, multos conturbauit, & non exi- guos motus excitauit: qui nondum prorsus sopiti sunt. Extra ordinem nihil à quoquam, ni- si forte à ludæis, regi pensatur. Ex his autem uectigalibus is cum domestica familia sua sese sustentat: inde comitatu suo aulico stipendia præbet: inde in legationes, dotes, & elocatio- nes filiarum, arcium præsidia, & facta tecta, uiarum publicarum refectiones, machinas & apparatus bellorum, præmia bene merentium de se ac de republ. & in alios usus impen- dit: Inde & senatoribus ferè, ac magistratibus publicis, & nonnullis sacerdotibus certi ac per- petui redditus antiquitus constituti sunt, partim pietate & beneficentia principis attributi, partim accepto in usus necessarios precio uenditi. Et hætenus quidem de principe siue re- ge ac uectigalibus eius. Iam de legibus. Legum scriptarum nullus fuit usus apud Polonos uetustioribus temporibus: Nec ullæ extant antiquiores ijs, quas Cazimirus magnus rex condidit: Quæ sanè pauculæ sunt. Nec multæ ijs à successoribus eius adiectæ sunt. Extre- mis demum ferè temporibus Sigismundi senioris, & regnante filio eius Sigismundo Au- gusto magis ac magis exarsit, & longius progressus est pruritus & libido nouarum legum condendarum, & antiquiorum mutandarum. Quo fit, ut hæc propemodum exolescant: nouæ autem uix, aut ne uix quidem inoleant: sed utraq; hæc quidem nouitate, illæ uero uetustate sua in contemptum uulgo ueniant, maxima reipublice pernicië. Earum autem condendarum potestas est simul penes regem, senatum, & nuncios nobilitatis, nec nisi in comitijs. Statuta regni uocantur. Præcis temporibus uia lex erat Rex siue princeps: Qui cum unus in tam amplo regno omnia neque præstare, neque prouidere, ac ne iudiciorum qui- dem difficultates rectè explicare posse uideretur, & lubricus autem, procliuisque ad tyran- nidem gradus in summa potestate esse soleat, adhibiti sunt ei Senatores siue Consiliarij, qui & consilia actionesque eius ad salutem reipubl. & iudicia ad iustitiæ & æquitatis trutinam dirigerent, & monitis, consilijsque salubribus, quasi uiuis quibusdã legibus pro re na- ta cum animum eius informarent, tum potestatem modificarentur. Hic est Senatus Re- gius, multo amplior modo, quam olim, certo hominum numero constans, quos Senato- res & Consiliarios regni appellamus. Qui non nisi iurati ad hoc collegium, & ad consiliu admittuntur. Et perpetuum est hoc munus, quoad uiuit quisque, certis annexum honorib. & magistratibus, partim Ecclesiasticis, partim profanis. Sunt autem in Senatu antiquitus, Archiepiscopi duo, septem episcopi, Palatini quindecim, Castellani quinque & sexaginta. Archiepiscopi sunt, Gnesnensis in maiore Polonia, Leopoliensis in Russia. Episcopi ue- rò, Cracouiensis in minore, Posnaniensis in maiore Polonia. Vladislauensis in Cuiavia & Pomerania, qui tamen iam à certo tempore Posnaniensem loco anteit: Plocensis in Ma- souia. In Russia Præmisliensis & Chelmenis: Camenecensis in Podolia. Qui omnes, quo ordine nunc à nobis enumerati sunt, eum perpetuo seruant in senatu, dicendaque sententia, & in publicis celebritatibus. De Prussicis suo loco dicemus. Sunt quidem præterea tres Russici & Græci schismatis episcopi in Russia, quos ipsi Russi Vladicas uocant, nimirum Leopoliensis, Præmisliensis, & Chelmenis: qui una cum sectatoribus suis, & alijs Russi- cis itidem episcopis, qui sunt in ditione Lithuanica, à Kiouienſi metropolita, & à Patriar- cha Constantinopolitano, quod ad religionem & initiationes attinet, dependent. Habet & Armeni suum episcopum. Sed neque hic neque Russici pertinent ad regium consiliu. Su- perioribus seculis, cum latius paterent uersus occidentem solem fines Polonia, Vuratisla- uienſis quoque & Lubussensis episcopi, & Camenensis, in senatu sua loca habebant: Atque etiã nunc duo priores in prouincia Gnesnensi cæsentur. Et nostra memoria habuit uterque certa bona in Polonia. Nunc Camenensis episcopatus in ducum Pomeraniæ, Lubussensis in Marchio-



Marchionum Brandeburgensium faucibus, Vuratislauiensis in regum Boemiæ ditione est. Secundum episcopos in Senatu sunt Palatini hoc ordine: Cracouiensis & Pofnaniensis, alternis vicibus inter se priora & posteriora habentes loca & suffragia: Deinde Sendomiriensis, Calissiensis, Siradiensis, Lenciciensis, Brestensis, Vuladislauiensis, siue Iuniuuladislauien. Leopoliensis siue Russia, Podolia, Lublinensis, Belsensis, Plocensis, Masouia, & Rauensis, Castellani, Cracouiensis, Voiniciensis, Sandecensis, & Biecenensis in satrapia siue Palatinatu Cracouiensi: Pofnaniensis, Medirecensis, Rogofnensis, Sremensis, Prementensis, Criuiniensis, & Santocensis in Pofnaniensi, Sendomiriensis, Visliciensis, Radomienensis, Zauichostenfis, Zarnouiensis, Malogostenfis, Polanecensis, Cechouiensis in Sedomiriensi: Calissiensis, Gnesnensis, Landensis, Naclensis, Biechouiensis, Camenensis in Calissiensis: Siradiensis, Rospirensis, Spicimiriensis, Velunensis & Conariensis in Siradiensi: Lenciciensis, Brezinenfis, Inouulodensis, & Conariensis alius in Lenciciensi: In Brestensi, Brestensis, Crusuiciensis & Coualientis: In Iuniuuladislauienti, Iuniuuladislauiensis, Bydgostiensis, & Conariensis item alius, itemq; Dobrinensis, Ripinensis, & Slonensis in terra Dobrinensis: In Russia, Leopoliensis, Præmisliensis, Haliciensis, Sanocensis, & Chelmenfis: In Podolia unicus Camenecensis: In Lublinensi item Lublinensis: In Belsensi Belsensis: In Plocensi Plocensis, Racianzensis & Siepercensis: In Masouia Cyrnenfis, Voznensis, Varfauiensis, Viffegradensis, Zacrociemensis, Ciechanonienfis, & Liuenfis: In Rauensi Rauensis, Sochaciouiensis, & Gostinensis: In Silesia unus Osuencimensis, Palatinum ea non habet. Ex his Castellanis, qui primi in unaquaque satrapia modò à nobis enumerati sunt, cum inter se seruant ordinem, quo palatinos recensuimus, excepto Cracouiensi, qui ex quodam tempore palatinos omnes loco suffragioq; anteit. Voiniciensis item et hic proximus Gnesnensis prærogatiua quadam inter Calissiensis & Siradiensem Castellanos interiecti sunt. Cæterorum hic esse legitimus ordo existimatur, ut Rauensi, qui superiorum extremus est, proximus sit Sandecensis: deinde Medirecensis, Visliciensis, Biecenensis, Rogofnensis, Radomienfis, Zauichostenfis, Landensis, Sremensis, Zarnouiensis, Malogostenfis, Velunensis, Præmisliensis, Haliciensis, Sanocensis, Chelmenfis, Dobrinensis, Polanecensis, Præmentensis, Criuiniensis, Cechouiensis, Naclensis, Rospirensis, Biechouiensis, Osuencimensis, Brezinenfis, Crusuiciensis, Bydgostiensis, Camenensis, Spicimiriensis, Inouulodensis, Coualientis, Santocensis, Sochaciouiensis, Gostinensis, Voznensis, Varfauiensis, Racianzensis, Siepercensis, Viffegradensis, Ripinensis, Zacrociemensis, Ciechanouiensis, Liuenfis, Slonensis: extremi tres Conarienses: In quibus primum locum is, qui est in Siradiensi satrapia, medium qui in Lenciciensi, ultimum qui in Inouuladislauienti, obtinet. Sunt item in Senatu Magistratus quidam & administri principis, quos officiales regni uocant: Nempe Marefcallus, siue Marefalcus, qui magnus dicitur, Cancellarius, Procancellarius siue Vicecancellarius, ac thesaurarius. Est etiam unus de magistratibus aulicis, seu curiæ principis, Marefalcus curiæ: Putantur etiam duo præfecti seu Capitanei, nempe maioris Poloniae, & Cracouiensis ad consilium pertinere. Sed perrarò usù uenit, ut ij nò aliquo alio honore Senatorio præditi sint. Horum autem omnium magistratuum loca & suffragia in consilio sunt secundum Castellanos eò, quo hic à nobis conscripti sunt, ordine. Nisi si quo alio eminentiori honore ij cohonestentur: Quod fit plerumq;. Hoc igitur est consilium publicum apud Polonos, & Senatus regius siue regni, sex & nonaginta consiliarijs constans: Quorum alij uocantur maiores, alij minores consiliarij. Sunt autem maiores, Archiepiscopi, Episcopi, Palatini, primarij aliquot satrapiarum Castellani usque ad Siradiensem fortassis: Cæteri omnes minores: qui postèrius in consilium adhiberi cœperunt: & excluduntur nonnunquam à consilijs secretioribus. In hoc senatu censentur etiam Prussici consiliarij. Verum de his & omni republ. Prussica separatim postèrius persequemur. Accessere nuper (posteaquàm hæc nos conscripsimus) & Lithuanici cū antiquitum quos Sigismundus Augustus Rex ad numerum eorum adiecit. Eos quoq; alij loco referuabimus. Porro Secretarij admittuntur quidem & ipsi iurati in Senatum, sed ut auditores modo, & quasi seminarium quoddam senatus: Neq; locum habent in consensu consiliariorum, neq; dictionem sententiæ. Ex his autem unus primi siue maioris Secretarij nomen & honorem obtinet, de quo plura paulò post: Duo referendarij siue supplicum libellorum magistri sunt. Putantur & succamerarij aditum habere ad locum habendi senatus, claudendi & aperiendi ostij causa, idq; in suo tantum quisq; territorio. Iam & Senatorum, primariorum præsertim, filios adolefcentes admitti in Senatum non inusitatum est. Quàmquam solent & ij sacramento adigi in numero secretariorum, quo liberius inter sint consilijs. Conuocantur autem Senatores à principe ad consilium, præsentem quidem quoties opus est: qui uerò longius absunt, non nisi arduis de causis, utpote ad comitia, uel celebratis alicuius gratia, nimirum ad nuptias principis, seu liberorum eius, aut si quis socius & obnoxius

palatini.

Castellanorum  
ordo.voiniciensis.  
Gnesnen. Castellano-  
rum lo-  
ca.Magistratus  
pertinentes ad  
consilium pu-  
blicum.Consiliariorū  
numerus.  
Diuisio.

Secretarij.

Referendarij.

Consilij conu-  
candi ratio.



obnoxius regno dux in uerba principis iuraturus sit. Cum ijs uero, qui adsunt, princeps pro re nata consultat. Nisi forte res grauior ac difficilior incidat, quæ plurimum consilio & consensu sit explicanda, uelut de indicendis comitijs. Tunc enim absentes singuli per epistolas regias consuluntur, maiores præsertim. Atque hæc de genere, numero, ordine & munia officia. officio senatorum siue consiliariorum regni suffecerint, si unum illud addiderimus, quod subseruiunt ijs quoque principi & reipubl. quoties opus est, domi quidem in iudicijs cum alijs, tum recuperatorijs, quas commissiones uulgò uocamus, foris autem in legationibus obeundis, aut si quid aliud publicè cum dignitate peragendum est. Cum autem ijs certis magistratibus & honoribus præditi sint, habent etiam præter commune senatorium munus, curamque totius reipubl. peculiaria officia pro diuersitate magistratuum siue honorum attributa. Ac Archiepiscopi quidem & episcopi officia quæ sint, nemini Christiano incognitum est: Nec ullum ijs peculiare habent in Polonia, præ cæteris nationibus: Nisi quod Archiepiscopus Gnesnensis perpetua quadam Pontificis Max. legatione fungitur, & legatus natus sedis apostolicæ appellatur. Quo nomine ampliorem habet iurisdictionem: de qua suo loco attingemus. Habet etiam primatis honorem ab eadem sede apostolica, absque eo, quod est antiquo gentis instituto, & prærogatiua primas regni, & princeps senatus. Proinde penes eum est potestas indicendi comitia, conuocandi senatum, senatusque consulta definiendi & edicendi, absente rege, & regno uacante. Palatini munera sunt, esse ductorem copiarum suæ satrapie in expeditionibus bellicis: indeque nomen habet lingua uernacula, ut Voieuoda dicatur, quasi dux belli, siue copiarum. Palatinus autem dicitur Romanorum imitatione, apud quos sub imperatoribus non obscurum erat nomen, honosque comitum palatinorum. Porro in pace palatini est, in sua cuiusque satrapia conuentus nobilitatis instituere, ijsque, & iudicijs præsidere: præcia rebus uenialibus præter tempus comitiorum & belli imponere: ponderum & mensurarum curam gerere. Iudæorum quoque patrociniū & iudicia ad palatinum pertinent. Castellani quasi legati sunt Palatinorum, ductoresque & præsides nobilitatis sub suo quisque palatino. Appellantur autem Castellani etiam uernacula lingua mutuato à Latinis uocabulo, à castellis siue oppidis, eorumque territorijs, quæ singuli singula habent attributa: non quod dominatum, iurisdictionem, aut curationem in eis habeant, sed legationem tantum bellicam, cuius modo fecimus mentionem: plerique etiam certos redditus anniuersarios: Indeque suam quisque denominationem sumit, uidelicet, ut Voiniciensis, uel Sremensis, uel alius cuiuspiam loci Castellanus uocetur. Vocantur etiam persæpe nomine uernaculo domini, loci appellatione in kiuelski syllabam deflexa, uerbi gratia, pan Pohnanski, pan Ploski. Solus autem Cracouiensis Castellanus, præter nomen & redditus, nihil habet commune cum alijs: Sed liberum is honorem habet, absque ullo prorsus munere, præter commune Senatorium. Tam Palatinum autem, quam Castellatum lege esse non licet quenquam in ea satrapia, in qua nullum proprium habet fundum, seu bona terrestria. Vocanturque ijs utrique uulgò communi uocabulo dignitarij, quasi dignitate & honore præditi, addito ferè satrapie, seu terræ nomine. Magistratus uero siue officiales regni ab officijs & functionibus quibusdam publicis, quibus funguntur ad uniuersam rempubl. pertinentibus, hanc sumunt communem appellationem. Nam peculiaria eorum nomina superius iam indicauimus: Quibus singulis REGNI nomen adiungitur, ut, uerbi gratia, Marefalcus, & Cancellarius regni dicatur, eodemque modo cæteri. Officia uero singulorum hæc sunt. Marefalcus quidem magister est aulae regie, & administer consilij publici, penes quem ius est conuocandi senatum iussu regis, uel primatis, præstandi silentium & audientiam, faciendi potestatem dicendæ sententiæ, legatos externos introducendi, eijcendi è consilio eos, qui ad id non pertinent, pronuntiandi decreta regia in causis infamiae & capitalibus, promulgandi ad populum senatusconsulta, moderandi pompis publicis, hospites illustres suscipiendi, compescendi motus inquietorum atque turbulentorum non modo circum senatum & in publico, sed etiam in priuatis principis coenaculis & habitaculis, animaduertendi in delicta, quæ in loco & oppido domicilij siue hospitij regij, uel comitiorum admittuntur, denique in comitijs & in comitatu regio diuersoria distribuendi, & imponendi rebus uenialibus præcia: unde etiam uectigal seu tributum forale ipsi prouenit. Marefalcus etiam est in aulicum regis comitatum & ad ministros mensæ regie, aliorumque munerum aulicorum (profanos præsertim) iurisdicção, censura, & animaduersio: eoque gestat is in publicis conuentibus, & regi in propatulum prodeunti præfert erectum sceptrum ligneum, siue baculum. Cancellarius & Vicecancellarius, nominibus & loco distincti, sed potestate & munere exæquati, diplomatis, edictis, mandatis, epistolis, & alijs scripturis regijs conscribendis atque signandis, quæque ad eum mittuntur accipiendis, & legendis præfunt. Itaque in potestate sua habent signa regia, Cancellarius quidem maior,



ius, Vicecancellarius uerò minus. *Authoritas eorum eo usque patet, ut multa inconsulto principe signare: quæ uerò contra leges esse uidentur, iubenti illi negare possint. Dant etiam responsa regio nomine, & quibus de rebus consilium haberi debet in senatu proponunt: denique senatus consulta, regiaque & comitialia placita ac decreta literis mandant, & in publicum edunt. Sunt etiam ij cognitores priuatarum querimoniarum, & prouocationum ab urbanis & oppidanis, præfectorumque iudicijs, ad regium tribunal deuolutarum: Secretarijs, scribis, sacerdotibus, concionatoribus, & cantoribus aulicis, ceremoniisque ecclesiasticis moderantur: præsertim, qui est de sacro ordine. Lege enim, quamuis non antiqua, alterutrum ex ijs sacri, alterum profani ordinis esse oportet, cum antiquitus soli ferè sacerdotes eo munere fungerentur. Sunt autem ij in proxima expectatione honorum sui uterque ordinis. Sed neque sacerdoti cum episcopo, exceptis Premisliensi, Culmensi, Chelmensi, & Camenecensi, neque profano siue seculari cum ullo palatinatu uel Castellania retinere munus hoc licet, præter peculiarem indulgentiam, aut conuiuentiam: Est autem usitatum, ut de Vicecancellario fiat Cancellarius propter loci & sententiæ dicendæ prærogatiuam. Thesaurarius ipso nomine indicat munus suum. Est enim promus & condus thesauri regij, symbolorum siue insignium regni, quæ sunt, corona, polum, sceptrum, & gladius, suppellectilis & redituum regionum, scripturarumque & monumentorum publicorum: author & moderator quorumuis quæstorum, curatorum, atque dispensatorum principis, & rationum reddendarum exactor, monetariæ officinæ magister, stipendiorum tam militarium, quam aulicorum solutor: reddendæ principi rationi obnoxius. De Marescalco curiæ, & præfectis, referendarijs, & secretarijs dicemus postea. Numerantur etiam inter Magistratus & officiales regni, duo duces exercitus: quorum alter generalis & supremus exercituum regni capitaneus, alter campi ductor, seu campestris Capitaneus dicitur. Ac ille quidem dux est & moderator belli secundum principem, & uicarius principis. Ducit exercitum, capit locum castris, acies instruit, dat signum pugnae & receptus, commeatus & annonæ curam in bello gerit, præcia rebus uenalibus imponit, ponderibusque & mensuris earum modum statuit, & in deliquentes animaduertit. Campestris uerò, huius est quasi Vicarius à principe datus, excubiarum potissimum explorationumque curam gerit, & mercenarijs militibus, illo præsertim altero absente, præest. Neuter tamen in senatu locum habet: Quin temporarij esse perhibentur, neque inter magistratus regni habiti superioribus temporibus. Longè minus autem alij quidam, qui & ipsi nostra ferè memoria pro magistratibus regni haberi, & appellari cœpere. Neque tamen in Senatu locum habent, neque functionem ullam ad uniuersum regnum pertinentem: li uerò sunt, gladifer, pocillator siue pincerna, structor mensæ, quem incisorem uocant, dapifer, subdapifer, magister culinæ, qui dapibus apparandis & cocis regijs præest. Et certè aut ijdem sunt terrestres Cracouiensis satrapia, aut ea sola de omnibus nullos habet. Itaque nos quoque de sententiâ peritiorum inter terrestres honores & magistratus eorum officia exponemus. Dicuntur autem terrestres honores & magistratus, qui non uniuersi regni, sed terrarum atque satrapiarum sunt peculiæ. Officia terrestria uulgo appellantur: & his qui præditi sunt, officiales terrestres. Sunt autem ij Succamerarius, Capitaneus, gladifer, uexillifer, pincerna, subpincerna, incisfor, subdapifer, dapifer, tribunus, iudex, subiudex, notarius, thesaurarius, uenator, agaso siue equorum curator. Habentque certas suas functiones siue curationes antiquitus in sua quisque satrapia siue tractu, ac terra, ut uulgo loquuntur: quarum quælibet olim, discripto in multos dominatus regno suum ducem habuit. Eius autem hi fuerunt administri peculiæ. Nunc magna pars solum nomen nudumque honorem retinent. Quales sunt gladiferi, pincernæ, subpincernæ, incisores, dapiferi, subdapiferi, ac thesaurarij: nisi quod in extraordinarijs iudicijs, quas commissiones uocant, regijs mandatis subseruiunt, & in colloquijs assident. Tametsi etiam nunc ij peculiaribus suis muneribus fungi rectè posse existimantur in suo quisque tractu, à quo denominationem habet, quoties eum princeps adit: Nempe ut gladifer Posnaniensis in Posnaniensi satrapia gladium ipsi præferat in solenni pompa: pincerna poculum administret: incisfor siue structor mensam apponat: dapifer dapes inferat: subdapifer dapiferum cum sceptro seu baculo præcedat, subpincerna potus curam gerat, thesaurarius condus ac promus pecuniæ sit ac suppellectilis eius. Cateri sanè funguntur etiam nunc ferè suis muneribus. Ac uexillifer quidem in bello uexillum præfert exercitui suæ satrapia: Tribunus custos est arcis in suo quisque tractu, durante bello: Itaque uacationem habet militiæ: Venator uenationibus & syluis præest: Agaso equitio siue armento equorum: Iudex causis & controuersiis priuatis nobilitatis disceptandis & iudicandis præsidet unâ cum subiudice: qui eius est socius, non uicarius, loco tantum inferior. Notarius scriba est & actarius iudicij: Sed habet ipse quoque in iudicijs ius dicendæ sententiæ, consuetudine magis, quam legum præscripto. Caterum*

*Thesaurarij officium.*

*Regni symbola.*

*la.*

*Duces exercitus siue capitanei.*

*Magistratus quidam alij.*

*Officiales sen magistratus terrestres.*

*Gladifer.*

*Pincerna.*

*incisfor siue*

*structor.*

*Dapifer.*

*Subdapifer.*

*Subpincerna.*

*Thesaurarius.*

*Vexillifer.*

*Tribunus.*

*Venator.*

*Agaso.*

*Iudex.*

*Subiudex.*

*Notarius siue*

*scriba.*

*rum*



**Succamerarius.** rum Succamerarius (ut eius partes postremo loco explicemus, licet honore omnibus his antea) olim fortassis praefuit cubiculo & cubicularijs principis in sua quisque terra: Nunc regendis modo finibus agrorum ac bonorum terrestrium praest: Quem itidem atque iudicem, subiudicem, & notarium iuratum esse oportet. Habetque et ad id munus obeundum uicarios, & ipsos iuratos in singulis territoriis singulos, qui camerarii uocantur, siue cubicularij, propterea fortassis, quod antiquitus ministri cubuli principis ad id munus legabantur a succamerario. Nunc is eos sibi legit arbitrato suo ex equestri ordine eiusdem territorij, & iureiurando adigit, mutatque quoties uult. Cracouiensis Succamerarius praeter ea praerogatiua praeditus est, ut ialaru eius ipsius tractus arbiter sit & inspector. **Cracouiensis.** Capitaneorum officia statim exponemus. Ceterum hi, de quibus modo egimus, non omnes in omnibus satrapiis sunt, neque in singulis singuli. Et Cracouiensis quidem satrapia succamerarium, gladiferum, dapiferum, tribunum, iudicem, subiudicem & notarium habet singulos: **Posnaniensis.** Posnaniensis ceteros quidem habet itidem singulos: Succamerarios uero, iudices, subiudices & notarios binos. Habet enim hosce terra Vrschouensis peculiares, quae a Polonia quodam tempore seiumcta fuit. **Sendomiriensis.** Sendomiriensis satrapia ceteros quidem & ipsa singulos habet praeter tribunum, quem etiam Prissouiense territorium non ita pridem suum habere coepit. **Calisiensis.** Calisiensis item eisdem omnes habet singulos. **Siradiensis.** Siradiensis structorem & subdapiferum caret: gladiferum, pincernam, dapiferum, habet singulos: succamerarios, uexilliferos, iudices, & notarios binos. Habet enim hos Velunense territorium suos, ex quo tempore auulsum fuit a Polonia, sicut arbitrator. **Lenciciensis.** Lenciciensis gladiferum, structorem, et subdapiferum non habet, ceteros habet singulos. **Brestensis.** Brestensis. Inouuladislauensis uero gladiferum unum habet, structorem & subdapiferum nullum: Reliquos omnes binos. Habet enim Dobrinenis terra peculiarem succamerarium, uexilliferum, pincernam, dapiferum, tribunum, iudicem, subiudicem, & notarium. **Russica.** Russia quinos habet succamerarios, uexilliferos, pincernas, dapiferos, tribunos, iudices, subiudices, & notarios: Nempe Leopoliensem, Præmislensem, Sanocensem, Haliciensem & Chelmensem: gladiferum, structorem, & subdapiferum nullum. **Podolica.** Podolia itidem nullum de his tribus: Reliquos uero singulos, exceptis tribunis, quos duos habet, Camenecensem atque Trebouulensem. **Lublinensis.** Lublinensis satrapia gladiferum, structorem, & subdapiferum nec ipsa habet: uexilliferum, pincernam, ac dapiferum singulos, ceteros binos. **Lucouiense.** Lucouiense enim territorium peculiares habet succamerarium, tribunum, iudicem, subiudicem, & notarium. **Belsensis.** Belsensis succamerarium, uexilliferum, pincernam, dapiferum, iudicem, subiudicem, & notarium habet singulos, ceteros non habet. **Plocensis.** Plocensis succamerarium, pincernam, dapiferum, ac tribunum singulos, iudicem uero & subiudicem notarios binos (Habet enim hos Zauucrense territorium suos) Structorem ac subdapiferum ea satrapia caret: **Rauensis.** Rauensis uero structorem item & gladifero: Subdapiferum unum habet: reliquos autem ternos, territoriis distinctos, uidelicet Rauensem, Gostinensem, & Sochaciouensem. Masouia iudices habet undecim, totidem quot territoria: Nimirum Cynensem, Vitznensem, Varfauensem, Nurensem, Vyssegradensem, Zacrocimensem, Ciechanouiensem, Lomzensem, Ostrolencensem siue Zembrouiensem, Rozanensem, & Liuensem: Subiudices & notarios totidem: Succamerarios uno minus: Zembrouiense enim territorium eo caret: Pincernas atque dapiferos octonos. Rozanense enim & Liuense, atque idem Zembrouiense territoria hos non habent: Vexilliferum ne Lomzense quidem: Subdapiferum autem neque haec ipsa, neque Nurense, neque Vyssegradense: Porro subpincernas & thesaurarios totidem, quot subdapiferos habet Masouia, nempe quinque: Subpincernam item Rauensis satrapia habet: Brestensis: uero thesaurarium: Cetera omnes neutrum: Magistrum culinæ nulla praeter Cracouiensem, si modo non regni is est. Agasonem nulla, praeter Russia: Venatores solum Cracouiensis, Posnaniensis, Siradiensis atque Lenciciensis singulos: Sendomiriensis uero & Masouitica binos. Haec quidem Vitznen. & Lomzensem: Illa uero Sendomiriensem & Radomiensem. Habent & Osuiciensis & Zatoriensis terrae suos iudices singulos: Habet etiam Seueriensis ab episcopo. Ceterorum terrestrium magistratum nullum habet Silesia, praefectis siue capitaneis exceptis: De quibus iam dicendum est. Capitaneus, quem praefectum recte dixerimus addito nomine arcis, cui praest, custos est ac defensor non solum arcis regiae, uerum etiam pacis atque tranquillitatis publicae in sua quisque praefectura, quam a ui tutam debet praestare & uindicare, & furibus, latronibusque repurgare. Itaque iurisdictionem, coercionemque habet late patentem, non modo in agrestes & oppidanos, uerum etiam in equestri ordinis homines: Qua de re accuratius suo loco tractabimus. Adhuc omnium aliorum iudicum, ecclesiasticorum iuxta ac profanorum sententias ad extremum executioni mandat, si executores alij nolint, uel non proficiant. Gerit etiam curam commodorum & reddituum principis, qui ex re familiari, ac sensibus & pensio-



pensionibus oppidanorum & agrestium proueniunt. Et omnino arces, & uillae, seu rustica  
 praedia cum suis sartis tectis, & oppida, pagique principis in ditione praefectorum sunt. Solus o-  
 mnium Cracouiensis praefectus licet amplissimam iurisdictionem habeat, tamen sartorum te- *Cracouiensis*  
 ctorum arcis, & reddituum principis curam non habet. Est enim magnus procurator eius arcis, *praefecti priuilegium.*  
 qui utrumque hoc onus sustinet. Nam Posnaniensis praefectus licet maiores etiam prerogatiuas *Magnus pro-*  
 & iurisdictionem in tota maiore Polonia obtineat, atque ob id generalis maioris Poloniae ca- *curator arcis*  
 pitaneus uocetur: curat tamen sarta tecta arcis Posnaniensis duntaxat, & redditus regio eius. *Cracouiensis.*  
 de territorij. Cetera enim territoria iurisdictioni eius subiecta, habet ferè suos curatores, quos *Maioris Polon-*  
 etiam minus propriè praefectos appellamus: de quibus post agemus. Oportet autem praefectum *niae generalis*  
 esse equestris ordinis, agros & fundos proprios in ea ipsa praefectura, cui praeficitur, habere. *Capitaneus.*  
 Nec externo autem, nec regio, uel ducali genere orton conferri praefecturam fas est. Nec *De praefectura*  
 duas cuiquam habere licet: Ac ne unam quidem, primariam duntaxat & iurisdictione praeditam, *ris leges.*  
 cum primaria Castellania uel Palatinatu eiusdem satrapiae, Posnaniensi & Cracouiensi exce-  
 ptis: In quibus non idem ius est. Ne Silesice quidem cadunt sub hanc legem. Habet praefectus qui-  
 libet suum uicarium, quem Vicecapitaneum uel Burgrabium uulgo uocant. Nos subpraefectum *Vicecapita-*  
 fortassis non inepte dixerimus, penes quem est uicaria praefecturae totius potestas, & rerum *neus.*  
 iudicarum executio. Habet & alterum administrum statuum, ac certis temporibus peragi  
 solitorum iudiciorum, quem iudicem castrensem dicunt. Vtrumque arbitratu suo creat & *iudex castren-*  
 abdicat: Sed utrumque iuratum idem, atque ipsum praefectum, & ex equestri ordine esse, *sis.*  
 certaque bona terrestria in ea ipsa praefectura habere oportet. Nec eundem iudicem & sup-  
 praefectum, terrestrem uel & castrensem iudicem esse fas est. Habet item praefectura quaeque  
 actuarium iuratum, quem notarium castrensem nominat. Non sunt autem satrapij, uerum *Notarius ca-*  
 arcibus ac territoriis ferè, quae distinctae uocantur distinctae praefecturae: Nonnullae etiam *strensis.*  
 complura territoria in se complectuntur. Sunt uero haec totius Poloniae praefecturae: In ma- *Praefectura to-*  
 iore quidem Polonia unica generalis, Posnaniensis, Costensis, Vuschouen. Calisien- *tius Poloniae.*  
 se, Gnesnensis, Pysdrensis, Coninensis, Kcinen- & Nacnensis territoria complexa: In minore  
 autem Cracouiensis, quae praeter primarium, alia tria territoria, uidelicet Prossouien-  
 anzen- & Lelouien- in se continet. Praeter eam sunt, Sandecensis & Biecen- praefectu-  
 ra cum iurisdictione. In Sendomiriensi uero satrapia sunt: Sendomiriensis, Radomien-  
 (Stenzic- quoque territorium dudum complexa,) quod iam peculiarem praefectum ha-  
 bet. Corcinen- quae & nouae ciuitatis dicitur, Chencinen- & Opocinen- & Pilsnien- In  
 Lublinensi eiusdem nominis praefectura est, & Lucouien- In Siradiensi Siradien- quae  
 et Schadcouien- quoque & Radomscen- & Petricouien- territoria annexa habet: Velu-  
 nen- item & Ostressouien- In Lenciciensi unica est, tria habens territoria, nimirum  
 Lencicien- Brezin- & Orlouien-. In Cuiavia Bresten- & Crusicien- item & Coura-  
 lien- & Pradecen- territoria adiuncta habens: Iuniuuladislauen- cum annexo Byd-  
 gostien- territorio: & Bobrounicen-, Dobrinen-, Ripinen- & Lipnen- territoria  
 complexa. In Russia Leopoliens-, Præmisl- & Sanocen-, Halicien-, Chelmen-, &  
 Crasnostauen-. In Podolia Camenecen- & Trebouuilen-. In Belsensi satrapia  
 Belsen-, Buscen-, Grodlen-, & Grabenecen-. In Plocensi unica cum tribus alijs ter-  
 ritorijs, Zauucren-, Mlauen-, Srenen- siue & Srenscen-. In Masouia Cyren-, Vizen-  
 sis, Warsauien-, cui Nuren- quoque territorium paret, Vyssegrodens-, Zacrociemen-,  
 Ciechanouien-, Lomzen-, Rozanen- (in qua est & Macouien- territorium) & Li-  
 uenen-. In Rauen- uero satrapia tres praefecturae sunt, Rauen-, Gostinen-, & Sochacio-  
 uien-. In Silesia sunt Osuicimen- & Zatoriens-. Praeter has praefecturas sunt & aliae *Praefecturae si-*  
 de superioribus ferè detractae, quae peculiariter, quamuis minus Latine, tenentur, earumque *ne iurisdictione*  
 praefecti tenentarij uulgo uocantur: qui partim non habent sua territoria, partim habent, ue- *ne, siue tenent.*  
 rum sine ulla iurisdictione in nobilitatem. Nam ea est penes ueros praefectos, quibus ex  
 tenentur uoluntate Regia propter utilitatem, uel aliqua alia de causa detractae sunt. Sunt autem  
 ij tenentarij curatores modo regionum praediorum atque reddituum, & castellorum, plebisque  
 subiectae, non dissimili conditione magni procuratoris arcis Cracouiensis. In his leges ea,  
 quae de praefecturis dudum commemoratae sunt, locum non habent. Omnium autem praefectuum *Praefecturae*  
 rarum redditus partim ex agricultura, & re pecuaria, partim e molis frumentareis & syluis, *reditus & ad-*  
 partim e censibus, & pensionibus agrestium & oppidanorum proueniunt, & uel certo pa- *ministratio.*  
 cto praefectis locantur a principe, uel eorum fidei committuntur, ita ut rationibus reddendis  
 obnoxij sint. Condonantur etiam interdum ob eximia merita. Oppignorari quoque praefe-  
 cturas non inusitatum est, eas praesertim, quae iurisdictione carent, quaeque non sunt primarie cuiusque  
 satrapiae. Sed ita demum id legitimum est, si rata reddituum portio quotannis de capite deducatur.  
 Quod cum in desuetudinem abiisset superiori tempore, comitiorum decreto nunc reuocatum  
 est. In his uero praefecturis, quae iurisdictionem habent, si usus reipublicae oppignationem  
 requirat,



*Sandomirien-* requiratur, etiam assensu senatus comitali opus est. Sola Sandomiriensis privilegio quodam  
*sis praefectura* neque oppignerari, neque locari perpetua locatione potest. Habent & episcopi, & proce-  
*privilegium.* res, atque equites locupletiores nonnulli arces & praefectos suos: Sed hoc nomine prin-  
*Praefecti alij* cipi nequaquam obnoxios. Habet arx Cracouiensis peculiariter decem custodes, qui  
*praeter regios.* Burgrabi, sumpto à Germanis uocabulo, appellantur, sine ulla potestate, praefecti autho-  
*Burgrabi Cra* ritati obnoxios: Qui pacis iuxta ac belli tempore nocturnas, atque etiam diurnas, quādo  
*contingentes.* opus est, excubias per se, uel per administratos suos seruant: Habentq; militiæ uacationem:  
*Zupparij siue* & eo nomine ambitur id munus à multis, & à rege confertur. Salinae & alia metalla ha-  
*salinatores.* bent suos curatores & administratos iuratos, & rationibus reddendis obnoxios. Praest au-  
 tem salinis Bochnensibus & Veliscensibus, earumq; administris & operis unus salinator,  
 quem Zupparium Cracouiensem uocant. Russicis item unus, quem Russicum appellat.  
 Est & honorata haec utraq; curatio. Sed neque in regni, neque in curia, neq; in terrestrib.  
*Telone.* magistratibus numeratur: Quemadmodum neque telong, siue questores teloniorum, ne-  
*Exactores tri-* que tributorum atque exactorum publicarum exactores. Et ij uerò utriq; rationibus red-  
*butorum.* dendis obnoxij sunt. Telonae quidem, si non redemerint telonia: Quod faciunt plerunq;  
 Hos omnes in hunc locum terrestrium magistratuum coniungere libuit, propterea quod e-  
 orum curationes ad praefectorum officia nonnihil accedunt. Scribam quoque siue nota-  
*Notariis the-* rium thesauri regij nihil uetat his adijcere, quem rex ipse edit, ac thesaurario uicarium ad-  
*fauri.* iungit. Est & scriba castrensis, quem etiam notarium campestrum uocant, mercenariorum  
*Scriba castren-* militum conscriptor, & solutor stipendiorum. Sunt etiam à terrestribus magistratibus nō  
*sis.* multum diuersa ministeria quaedam in aula principis, quae officia curiae dicuntur. Quo-  
*Officia curiae.* rum administri terrestrium plerorumq; & regni officialium (quorum sunt cognomines)  
 quotidianis ministerijs in aula principis funguntur, fidemq; suam principi ad suum quis-  
 que ministerium iureiurando obstringunt. Sunt autem ij: Marefalcus, Thesaurarius, seu  
 Vicethesaurarius, Succamerarius, Referendarij duo, pincerna, structor mensae, subdapi-  
 fer, dapifer, magister culinae, & praefectus curruum. Nuper etiam his accessere, Vexillifer,  
 ac ductor aulicae militiae. Qui omnes addito nomine curiae, à superioribus magistratibus  
 & officialibus cognominibus suis distinguuntur: Nempe ut Marefalcus curiae, thesaura-  
 rius curiae, atque eodem modo alij dicantur. Nec suo an & Secretarij in hunc ordinem re-  
 ferri debeant, licet nullum peculiare certumq; munus attributum habeant, sed ad nutum  
 principis praesto sint in obeundis eius nomine legationibus, in scriptionibus & lectioni-  
 bus publicarum & Regiarum scripturarum, in acciendis ac deducendis ad regem, uel in  
 senatum illustribus hospitiibus & legatis principum, in exquirendis & referendis senten-  
 tijs aegrotorum, & à consilio absentium primariorum senatorum, in recognoscendis pro  
 principe locis, factis, & causis controuersis, regionum praesertim hominum & administro-  
 rum inter ipsos, uel cum magistratibus suis, & si qua sunt alia honesta, & cum dignitate  
 coniuncta ministeria. Numerus eorum certus non est. In his eminet unus, qui appellatur  
*Primi Secreta-* primus seu maior Secretarius. Is absentium Cancellariae praesidium uicem supplet in aula  
*rij officium.* & comitatu principis: Nec tamen, ut illi, gestat signum regium, sed quoties opus est, peti-  
 to ab ipso annulo signatorio tam diplomata publica, quam epistolas ipso praesente signat.  
 Quod si is quoq; ablit, peragit ea quispiam de ceteris Secretarijs, quem princeps iusserit.  
 Habet autem primus quoque Secretarius secundum Cancellarium & Vicecancellarium  
 praerogatiuam capeffendi honores publicos & magistratus, qui uacauerint: In arbitrio ta-  
 men regio positam. Habet & locum honoratum supra omnes officiales terrestres & aulic-  
 cos, excepto Marefalco. Marefalcus curiae absente Marefalco regni agit omnia, quae illius  
*Marefaldi cu-* muneris sunt: A praesente etiam socius adhiberi solet ac debet ad ea, quae sunt maioris mo-  
*riae.* menti peragenda, praesertim cum eo pariter principi erectum sceptrum. Thesaurarius item  
*Thesaurarij* Thesaurarij regni absentis uices gerit, adhibeturq; & ipse à praesente ad pleraque omnia.  
*curiae.* Succamerarius, est magister cubiculi atque cubiculariorum puerorum, aliorumq; do-  
*Succamerarij.* mesticorum principis administratorum: Sub cuius potestate est suppellex ad lectum & cu-  
 biculum principis, cultumq; corporis pertinens. Ianitoribus quoque idem praest. Re-  
*Referendarij.* ferendarij, supplicum libellorum magistri sunt, & quærimoniis hominum audiendis,  
 Cancellariisq; ut uerbo legis utamur, referendis praesunt. Quinetiam in liubus urbanis di-  
 sceptandis praesto sunt eidem Cancellariae, eiusq; permissu exponunt regi cū consilio cau-  
 sas & controuersias litigantiū. Nuper adeo sententias quoq; rogari coeperunt in regijs iudi-  
 cijs. Sūt aut duo pari potestate, alter ecclesiastici, alter profani ordinis. Ductores copiarū,  
 magistri stabuli, magistri culinae, & praefecti curruum quae sint officia, ipsa eorum nomina  
 satis ostendunt. Cæterorum munera iam sunt explicata in terrestribus officijs & curatio-  
 nibus. Eadem enim sunt horum, atque illorum: Sed cedunt hi illis praesentibus in sua cui-  
 que satrapia siue terra. Haec autem omnia honorata sunt ministeria: Minus illa, in-  
 terioris



terloris cubiculi seruatoris, curatoris lecti, atque dispensatoris. Ceterum stipendiarij & aulici principis equites, Concionatores, & sacrifici, quamuis honorato sint loco, tamen inter officiales non censentur: Multò minus stipatores siue satellites, cubicularijq; & pueri: Sed perpetui sunt administri principis, & praesto sunt ipsi iter facienti, & quouis loco manenti. Ac sacrifici quidem per uices operantur sacris quotidie praesente rege. Canunt etiam festis diebus, benedictionesq; & gratiarum actiones ritu Christiano ad mensam eius peragunt. Concionator sacris concionibus fungitur. Aulici uero (sic enim uocantur) equites equis stipendia merent, praesidij, honorisq; regij causa, & equestrem eum uel curulem equestres ferè comitantur. Qui equitatus numerosus est atque splendidus, nobili iuuentute constans. In qua sunt complures magistratibus & officijs non modò aulicis, uerumetiam terrestribus praediti. Ei uero Marefalsi moderantur. Caeteri ministri non habent necesse equos alere. Itaque pedestres prodeuntem in publicum principem deducunt. In solennibus tamen pompis non inusitatum est, ut equites quoque aulici pedestres equestrem principem antecendant. In longioribus autem itineribus ij, qui equis non merent, uel regijs, uel oppidatim suppeditatis, uel conductitijs equis aut curribus uehuntur. Ex his stipatores, praesidij causa sunt circum principem: Quod tamen recens est in Polonia: sed auget maiestatem principis. Cubicularij & pueri praesto sunt ad quauis domestica ministeria. Sed cubiculariorum peculiaris usus est in acciendis in senatum & ad regem consiliarijs, & perferendis quoquo uersus, literis, mandatis, edictisq; regijs. Quam ad rem oppidatim & uicatim eis mandato principis equi subministrantur: Quae subuectiones, & lingua uernacula poduodae uocantur: Cursum publicum Latini uocant. Incedentem in publico principem, aulici quidem antecedunt, stipatores praelongis securibus more peditum Germanorum armati latera eius cingunt: Cubicularij uero cum pueris subsequuntur: Sed ita, ut & aulici proceribus atque senatoribus profani ordinis, & cubicularij, pueriq; episcopis ac secretarijs ecclesiastici ordinis proxima principi loca honoris causa concedant: Nisi forte regem regina sequatur. Tunc enim episcopi quoque & secretarij cum proceribus antecedunt: Reginam uero longus ordo sequitur nobilium matronarum & puellarum. Haec igitur est ratio uniuersa aulae & comitatus regij. Mitto enim cantores, abaci custodem, mapparium, canum uenaticorum curatores, dimensorum distributores, ianitores, tibicines, tubicines, opifices, & alia uilliora ministeria. Quae magna est turba, & sumptibus principis alitur. Et quoniam omnia persequimur: Volumus quidem certè: habet etiam regina suum comitatum, nec modò puellarum & matronarum, quae in gynaeceo sunt, sed etiam puerorum cubiculariorum, & aulicorum, & in his peculiares administros siue officiales. In primis magistrum curiae, qui omnibus praestit, Reginamq; prodeuntem cum sceptro antecedit: & magistram curiae, matronam gynaeceo moderantem: Deinde Cancellarium, uel Secretarium: Cuius sunt munera, literas nomine reginae conscribere, & signare, & legere, et compellantibus eam responsa dare. Quod quidem nescio an cum magistro curiae commune habeat. Est autem & hic discrimen inter Cancellarium & secretarium, quòd hic non gestat signum reginae, sicut illa: sed ab ea, quoties opus est, utendum accipit. Habet regina etiam thesaurarium suum, & pincernam siue pocillatorem, & structorem mensae, & subdapiferum, & dapiferum, & culinae ac stabuli magistrum singulos: Itemq; dispensatorem, abaci custodem, mapparium, & ianitores eodem, quo regij sunt honoris discrimine: Quibus omnibus uictus, uestitus, & mercedes à rege praebentur. Indidem ipsius quoq; reginae mensa instruitur, res uestiaria, mundus muliebris, & iumenta comparantur. Quod si ea regi superstes sit, uidua de suo, ac de fructibus & redditibus eorum bonorum, quae rex ipsi dotis ac donationis propter nuptias nomine de amplissimi consilij sententia attribuerit, sese cum uniuerso comitatu suo deinceps sustentat. Atque haec de magistratibus regni, terrestribus, & aulicis nobis decursa sunt. De ecclesiasticis magistratibus, honoribus, ministerijs & curationibus, quales sunt secundum Archiepiscopos & episcopos, suffraganeorum, abbatum, praepositorum, Decanorum, Archidiaconorum, scholasticorum, cantorum, custodum, cancellariorum, uicariorum in spiritualibus, officialium, commissariorum, ministrorum, priorum, custodum siue guardianorum, poenitentiariorum, parocorum, quos etiam plebanos uocant, non est operae precium hic nos persequi: Ne de collegijs quidem, canonicorum, monachorum, & monacharum, fratrum conuentualium, uicariorum, psaltarum, mansionariorum, & si qua sunt alia. Neque enim peculiare quicquam habent apud Polonos praeter ceteris gentibus & nationibus Christianis, neque ad rem publ. pertinent, exceptis Archiepiscopis & episcopis, & si quibus fortè praeterea peculiariter quaedam reipubl. munera, quorum superius mentionem fecimus, mandantur. Magnus tamen, ut par est, honor eis & omnibus sacerdotibus habetur solo sacerdotij nomine: Maior etiam olim habebatur: id quòd è uetustioribus literarum titio.

Alia ministria aulica.

Aulici equites.

Stipatores siue satellites.

Cubicularij &amp; pueri.

Cursus publicus seu poduodae.

villiora ministeria.

Reginae comitatus.

Magister curiae.

Magistri curiae.

Cancellarius siue secretarius.

Administri reginae.

Ecclesiastici honores &amp; magistratus.

Ecclesiastici ordinis dignitates.



rarum monumentis deprehenditur. Omnes autem ij episcoporum & Archiepiscoporum potestati & iurisdictioni subiecti sunt, præter, si qui pontificis maximi, cuius eximia potestas est, auctoritate exempti sunt. Plebes urbanae, oppidanae, uicanae, & agrestes partim principi parent, partim proceribus & equitibus: partim certis sacerdotijs attributæ sunt. Reguntur autem à suis quæq; dominis, eorumq; præfectis ac procuratoribus, ex equo & bono siue ex arbitrio magis, quàm certis legibus. Quanquam non carent tamen suo quæque iure: Quod non est unius modi, quemadmodum posterius ostendemus. Præter dominos autem, eorūq; præfectos & procuratores, habet plebs quæq; oppidatim, uicatim, & pagatim suos magistratus. Ac in pagis quidem sculterum, siue aduocatum hæreditarium uocant, qui est quasi deductor ac defensor colonie: qui uel ipse per se, uel per uicarium suum, quem & ipsum aduocatum, seu iudiciale, uocant, cum adiunctis aliquot ex aratorum numero scabinis (sic appellantur iudices, siue assessores iudicij) ius dicit. In ciuitatibus autem & oppidis & uicis præter hos, sunt etiam consules. Ita uocamus eos, qui à ueteribus decuriones appellantur: penes quos est ciuitatis cuiusque gubernatio & custodia: in delinquentes animaduersio: publicorum commodorum administratio, curaq; ædificiorum & sartorum tectorum publicorum. Inter eos autem unus præsidet magister ciuium, quem uulgò proconsulem uocitant, qui eos, quoties opus est, conuocat, & in consilium adhibet. Nam leuiores sine illis ipse gerit. Consulum non idem est ubiq; numerus. Habent item singulæ opificum societates & contubernia in qualibet ciuitate & oppido suos magistratos, & his adiunctos aliquot seniores. In maioribus urbibus sunt etiam ædiles unus & alter de numero decurionum delecti, pecuniæ publicæ quæstores, & sartorum tectorum curatores. In oppidis uerò & uicis communiter hæc à decurionibus curantur. Hos magistratus in oppidis præsertim, iuratos esse oportet, præter aduocatos hæreditarios. Nullos autem communes magistratus pagi inter se, neq; ciuitates habent. Hæc de plebeijs magistratibus. Creandorum magistratuum, & honorum mandandorum in Polonia nō una est ratio. Olim episcopi ex præscripto sacrorum canonum à collegijs primariorum sacerdotum, quæ capitula cathedralium ecclesiarū uulgò nominant, legebantur: Nunc princeps, umbratili quadam electione illis relicta, aut ne relicta quidem, solus arbitratur suo edit episcopum, & pontifici max. cōmendat, (quod fiebat etiam à collegijs) ut eius auctoritate approbatur, præficiatur, & ab alijs episcopis consecratur. Cœperunt autem sic editi siue nominati indulgentia uel conuiuentia quadam admitti ad consilia publica, priusquam approbentur à pontifice: Non item ad functiones sacras, & iurisdictionem ecclesiasticam, & administrationem bonorum. Sed à morte episcopi collegium sacrum distributis inter se curationibus bona uacantia administrat: Excepta Gnesnensi diœcesi, quæ peculiarem habet Oeconomum, etiam uiuente Archiepiscopo. Ius autem dicit in ea iuxta ac in alijs diœcesibus uacante sede unus aliquis, quem collegium administratorem temporarium renunciauerit. Abbatum & præpositorum eligendorum ius collegia monachorum hætenus retinuerunt: Sed iam uix retinent, ab episcopis primum, deinde à regibus etiam labefactatū & uiolatum. Ad electionem quidem certè Regius assensus, & episcopi auctoritas accedat oportet. Cæterum in sodalitijs & conuentibus fratrum mendicantium neutrum horū requiritur. Ne in inferioribus quidem & quasi uicarijs locupletiorum monasteriorum curationibus, quas ferè præposituras uel prioratus uocant. Prælati & canonici ecclesiarum cathedralium partim à pontifice max. partim ab ipsarum episcopis alternis mensibus creantur. Primariorum tamen secundum episcopos in unaquaq; ecclesia prælatorum, & nonnullorum canonicorum edendorum, siue commendandorū, & ut uulgò loquuntur, præsentandorum ius regi concessum est pōtificum superiorum indulgentia. Indultū est idem ius etiam priuatis quibusdā, præsertim episcoporum curatoribus, in alijs quibusdā sacerdotijs. In paroccijs uerò & alijs minoribus sacerdotijs usitatum & legitimum est, ut ius edendi sit penes eos, unde profecta est dotatio cuiusq; sacerdotij, uel in quorum bonis id, prouentusq; eius siti sunt, sic tamen, ut penes episcopum sit approbatio editi, & reprobatio, si non sit idoneus: aut si plures pariter edantur, dñi iudicatio. Quod de illis quoq; qui à rege, uel alio quopiam profano commendantur, siue præsentantur intelligendum est. Vocantur autem patroni usitato iuri pontificio nomine, collatores etiam uulgò, qui ius hoc edendi, siue præsentandi habent: Quibus inuitis obrudi sacerdotem siue beneficiarium per legem non licet, ne pontificis quidem maximi auctoritate: nisi ij sese indignos eo iure reddiderint, aut intra tempus legitimum uti eo neglexerint. Obruso pœna est proscriptio. Quæ sic obiter, & præter institutum propemodum hic nobis perstricta sunt. Ad proprios reipubl. Polonæ magistratus reuertamur. Palatinos & Castellanos, & reliquum omnem Senatum regni princeps legit, & iureiurando obstringit sibi & regno siue reipubl. Idem confert præfecturas, cæterosq; omnes magistratus, honores & ministeria publica.

Sed in



Sed in magistratibus regni illud receptum est, ut non nisi in comitijs renuncientur. In iudice uero & subiudice, & scriba siue notario terrestribus ita est adstricta legibus potestas principis, ut nobilitas eius satrapiae siue territorij, cuius iudex, uel subiudex, uel scriba decessit, conuentu instituto authore & praeside palatino, quatuor patresfamilias equites eligat: de quibus princeps unum, quem uult in locum uacantem surrogat. Abrogari uero magistratus, aut honor ullus nemini potest, nisi per maximam uel mediam capitis diminutionem, hoc est, libertatis, ciuitatisue, siue nobilitatis & bonae famae amissionem: aut si quis alium magistratum, honoremue adeptus sit, quem cum priori retinere iure non possit. Ipse se quisque abdicare arbitrato suo potest. Praefectura, & metallorum, teloniorumque curatione princeps amouere quemlibet, quando uult, potest, nisi cui ipse promiserit, ac diplomate cauerit, ut ad certum tempus, uel quoad uixerit amoueri nequeat. Aulico item magistratu & ministerio amouere quocumque regi licet. Non temere tamen id facit, nec ferè sine nota ignominiae: nisi lex iubeat. Exactores tributorum annui ferè creantur à rege, uel comitali placito. Plebeios magistratus partim domini, uel praefecti creant, partim ipsi sibi ciues & oppidani legunt, praeter Cracouiam, ubi Palatinus ius legendi senatus habet, abrogandi non habet: Nec nisi morte, aut maxima mediaue capitis diminutione honor is amittitur: Ex omni etiam numero uiginti quatuor consulum, quotannis octo, quos uult, Palatinus rebus gerendis praeficit, quos praesidentes uocant: de quibus certo ordine singuli fiunt magistri ciuium in sex hebdomadas. Nec multum diuersa est ratio consulum in alijs quibusdam ciuitatibus & oppidis: Nisi quod praefecti in suae quisque ditionis oppido unum aut alterum legendi facultatem habent. Cazimiriae, Clepariae, & Prossouiae magnus procurator arcis Cracouiensis, cum in legendis consulibus, tum in alijs rebus praefecti uicem obtinet. Idem aduocatum & scabinos iuris supremi Theutonici siue Magdeburgensis legit. Caeteros autem scabinos, ipsi consules siue decuriones in sua quisque ciuitate & oppido legunt, & sacramento adigunt. Cracouiae aduocatum quoque iudiciale. Caeterum Scultetus siue aduocatus haereditarius in quouis oppido, uico atque pago semel à domino constitutus magistratum hunc, obnoxium ipsi domino ad equestre ministerium, reisque publicae ad expeditionem bellicam, etiam adhaereditas transmittit. Quin & in externum transferre assentiente domino potest. Est tamen ius fasque domino amouere scultetum, & aduocatum haereditarium contumacem aut inutilem, perfoluto ipsi precio, quod habet inscriptum in diplomate, uel secundum aestimationem emolumentorum atque aedificiorum. Nisi quid enorme & priuatione dignum is commiserit. Quo quidem iure multi sic abuti coepere ad augenda commoda sua, ut scultetis & aduocatis haereditarijs sine ulla culpa electis prorsus, uel in ordinem reductis, agros eorum praedijs suis adiunxerint, iudicij uero iudiciales aduocatos arbitrato suo praeficiant. Reditus magistratuum regni exigui, terrestrijs uero & aulicorum nulli ferè sunt. Ne urbanorum quidem & oppidanorum, & agrestium ulli ferè certi sunt. Honorem Poloni satis amplum & luculentum uirtutis & honestorum laborum praemium esse duxerunt, etiam sine compendio: quod minus generosi animi magis plerumque consecretantur. Sunt tamen certae mercedes, & quasi sportulae, quae iudicibus iudiciorumque administris penduntur à litigantibus. Primores aliquot Palatini & Castellani, mediocres tamen habent redditus, partim ex agris & praedijs, partim è salinis, uel telonijs, siue alijs quibusdam pensionibus à principe antiquitus in omne tempus attributis. Episcopi nonnulli per amplos habent, unde non modo ipsi commodè & cum dignitate uiuere, & senatoria munera laute sustinere, uerum etiam inferioris ordinis sacerdotes, socios & administratos suos rectè alere ac tueri, & omnem cultum diuinum cum dignitate administrare, & egenis denique liberaliter subuenire queant. Habent etiam decimas omnium segetum publico principum ac totius Poloniae consensu iam inde ab initio susceptae religionis Christianae attributae, & alijs quibusdam pensionibus postea uel cumulatim, uel commutatas: indeque cum alijs quibuslibet sacrorum administris, tum parocis, praelatis, & canonicis certas portiones antiquitus segregarunt. Habent & luculentos fundos, praedia, pagos, oppida, arces, & territoria, partim praefectorum itidem principum & regum, partim priuatorum munificentia adiecta. Ne abbatum quidem, ac caeterorum sacerdotum, priuariorum praesertim, quos praelatos uocant, & monasteriorum, atque etiam parocorum pijs & honestis usibus male prospexit similis pietas & beneficentia. Ipsi etiam superiorum temporum episcopi, abbates, & sacerdotes successoribus & posteris suis permultum addiderunt, patrimonia sua, uel empta aliunde bona, censusue sacerdotijs adiungendo, templorumque splendorem, aedificiorum atque donariorum omnis generis magnificentia augendo, quo augustiorem cultum diuinum redderent. Atque haec omnia cum ipsis adeo personis ecclesiasticis maiorum legibus ac principum benignitate immunita sunt à plerisque omnibus muneribus & oneribus. publicis

iudicis, sub iudicis, & notarij electio.

Magistratus et honores perpetui.

Plebeiorum magistratuum creatio.

Cracouiensis consulum creatio.

iudicum iuris supremi creatio.

Scultetus siue aduocatus haereditarius.

Reditus magistratuum.

Episcoporum, & aliorum sacerdotum redditus.

Praefectorum Poloniae diuina cultus augendi studium.

Benignitas de Quo in pios.



*Iudicia.  
Ecclesiastica  
iudicia.*

*Ecclesiastici  
fori causa.*

*Iudices eccle-  
siastici.*

*Archiepiscopi  
Gnesnensis iu-  
risdictio.*

*Executio rerū  
iudicatarū ab  
ecclesiasticis iu-  
dicibus.*

*Terrestria iu-  
dicia.*

*Iudiciorū ter-  
restrium loca.*

Quo prolixior autem fuit hominum in ordinem sacrum munificentia superioribus tem-  
poribus, hoc erant abundantiores & ipsi, qui de suo liberales erant, licet minus curæ labo-  
risque rei familiari impenderent. Nunc passim in alienas donationes ac decimas inuaditur  
longè maiore auaritiæ, rapacitatisque infamia, quam egestatis releuatione. Atque id tentatur  
etiam (proh nefas) placito & auctoritate comitiorum publica, qua refrenari potius talis  
priuatorum hominum temeritas & iniustitia deberet: ut fuit refrenata antiquioribus con-  
stitutionibus & magistratuum seueritate laudabiliter iuxta ac utiliter. O tempora: ô mo-  
res. Nos ad institutum nostrum reuertamur. Multi tamen è sacro ordine nullos habent cer-  
tos redditus: sed partim Episcoporum & opulentiorum non modò sacerdotum, uerume-  
tiam profanorum stipendijs, partim ceteræ multitudinis quotidiana beneficentia & qua-  
si stipe uitam sustentant. Quales ferè sunt etiam ij, qui uocantur mendicantium conuen-  
tus, siuè collegia. Sed nos honorum & magistratuum omni fermè ratione explicata, ad iu-  
dicia transeamus. Eorum autem ratio uaria & perplexa est in Polonia. Habet ordo eccle-  
siasticus, quemadmodum & apud alios Christianos populos, sua, quibus cæteri quoque  
homines, nobiles pariter ac plebei obnoxij sunt aliquatenus in ijs præsertim causis, quæ  
cum religionis, aut personarum, rerumue sacrarum ratione aliqua ex parte connexe sunt:  
Quales sunt, de institutis & ritibus religionis, quæque his aduersantur de impietate, hæresi,  
schismate, magia, incantationibus, fœnore, sacerdotiorum cauponatione, quam Simoni-  
am uulgò uocant: itemque de decimis, & fundis, & quibusuis censibus ac redditibus ecclesi-  
asticis, decæde, ui, & in iniuria sacris initiato homini, reiue, aut locò sacro, seu sacerdotij  
fundo illata. Adhæc de iure patrocinijs siue patronatus, quod uocant, & de sacerdotiorum  
iure quæuis controuersia, item quæ de iure matrimonij & natalium, & de miserabilium,  
egentiumque personarum iniurijs, quæque ex obligatione in foro ecclesiastico facta, oriun-  
tur. Testamentariæ causæ profanorum hominum in hoc æquè ac profanis foris disceptan-  
tur, dummodo extra iudicium testamenta sint condita. Aliter enim, in eo foro disceptan-  
tur, in quo sunt cõdita. Nisi quid fortè legatum sit pietatis ergò, & ad piam causam, ut uul-  
gò loquuntur, hoc est, templis, ecclesiarumue ministris, aut egenis: Quæ causa propria est  
ecclesiastici iudicij. Est autem iudiciorum ecclesiasticorum summa penes episcopos: quo-  
rum uices gerunt ij, quos uocant uicarios in spiritualibus, Cancellarij, & officiales: Inter  
quos unus, qui est primarius, generalis appellatur: Cæteri foranei. Ab episcopis, eorumque  
uices gerentibus prouocatio est ad Archiepiscopos: Et ad Gnesnensem quidem ab ipso  
etiam Leopoliensi Archiepiscopo. Idque eo nomine, quod ille est legatus perpetuus, siue,  
ut uulgò loquuntur, natus sedis apostolicæ. Pertinent autem ad eius prouinciã hi Epi-  
scopi: Cracouiensis, Vuladislauensis, Poseniensis, & Plocensis in Polonia, Vuratislau-  
ensis in Silesia Boëmicæ ditionis: Lubussensis in Marchia Brandenburgensi, Vilnensis in  
Lithuania: & Medniciensis in Samogitia: Olim Culmensis quoque in Prussia, & Camenẽ-  
sis in Pomerania sub eo fuere. Sed auulsi sunt postea. Ad Leopoliensem uerò, Pramisljen-  
sis, Chelmenensis, Camenecensis, Lucensis, siue Luceoriensis, atque Kiouiensis. Extrema tan-  
dem prouocatio est ad pontificem max. antiquissimo Christianæ religionis instituto. O-  
mnes autem iudices ecclesiastici iudicant, siue adeò iudicare debent è præscripto ecclesia-  
sticorum & pontificiorum canonum: Et præter diras siue censuras, & interdicta ecclesia-  
stica, habent ius quoddam coercendi fontes, in sui quidem ordinis homines laxius, in pro-  
fanos autem restrictius, ita ut contra hos ad executionem rerum iudicatarum, urbanorū,  
ac terrestrium magistratuum opem ad extremum implorare necesse habeant. Nec ij iure  
eis deesse possunt, aut debent. Habent & profani inter se nobiles iuxta ac plebei sua iudi-  
cia: quibus sacris initiatum aut sacerdotio præditum præesse non licet. Ac nobilitas qui-  
dem terrestribus iudicijs peculiariter subest: quæ à iudice, subiudice & notario terrestrib.  
exercentur, alibi quidem quater, alibi sexies quotannis, alibi uerò singulis mensibus: Nisi  
fortè iudex, subiudex, aut notarius desit: aut bellica expeditio, uel comitia, colloquiaue (de  
quibus paulò post dicemus) interueniant. Tunc enim silent iudicia nobilitatis, non terre-  
stria modò, sed & alia. Sunt autem in qualibet satrapia siue palatinatu certa oppida, in quibus  
ius hoc dicitur nobilitati, in eo ipso territorio bona, agrosque haberi. Nec euocari quæ-  
quam è suo territorio licet, nisi ipse certa obligatione nominatim ab hac prærogatiua re-  
cesserit. Cæterum qui nulla habet bona terrestria, conueniri hoc iure non potest. Ne sacer-  
dos quidem, exceptis causis finium regundorum, & adscriptitij alieni profugi, cæsi, uel  
uulnerati: aut si ullo alio, quam sacerdotij nomine bona terrestria possideat: Oppida uerò  
ac territoria iudiciaria hæc sunt: In Cracouiensi quidem satrapia Cracouiensis arx, Prossõ-  
uia, Xianzum, Lelouia, Biezzum, Cichouia. In quo oppido & Sandecense territorium iu-  
dicatur: In Poseniensi, Posenania, Costenum, & Vuschoua: In Sendomiriensi, Sendomi-  
ria, Radomia, Opocinum, Chencini, Vislicia, Pilsna: In Calisiensi, Calissia, Gnezna, Pyf-  
dr



dri, Coninum, Keina, Naclum. In Siradiensi, Siradia, Schadcouia, Petricouia, Radomsci. Itē Volunia, & Ostressouia: in Lenciciensi, Lencicia, Brezini, & Orlouia: in Brestensi, Breste, Crusuicia, Couale, & Prædecia: in Inouuladislauensi, eiusdem nominis oppidū, & Bydgostia. Itemq; Dobrinum, Ripinum, & Lipnum: in Russica Leopoldis, Præmislia, Sanocum, Halitia, & Chelma: in Podolica, Camenecia, ac Trebouulia: in Lublinensi, Lublinum, & Lucouia: in Belsensi, Belsum, Buscum, Grodlum: in Plocensi, Ploscū, Plonscum, Bielscum, Razianzum, Zauucrze, Mlauua ac Srenscum: in Masouia, Cyrscum, Viza, Varlauia, Nur, Vissegradum, Zacrocinum, Ciechanouia, Lomza, Zembrouia, Rozanum, & Liua, in Rauensi Raua, Gostinum, & Sochaciouia. In Silesia uerò Ostiencimense, & Zatoriense territoria suos utrumque peculiare habet iudices, qui cum delectis de nobilitate ius dicunt, Præfecto præsidente. Ad eundem modum, & Seueriensis Episcopi Cracouiensis ditio suum habet. Olim in Silesia ipsi duces in sua quisque ditio-  
ne iudicijs præsidebant. His iudicijs disceptantur pleræq; omnes causæ nobilitatis priuatae ac ciuiles, quemadmodum loquuntur iureconsulti, ac ciuilitè institute. Regundorum finium controuersia hoc ipso quidem iudicio primū disceptatur inter equites, uel inter equitem, & sacerdotem. Sed ad extremum ad Succamerarium terrestrem remittitur: qui in rem præsentem ueniens, ipse per se, uel per uicarium suum camerarium illius territorij eam definit, certisq; metis atque signis fines controuersos designat. Atque hæc est unica Succamerariorum iurisdictio. Cæterum si cum regijs bonis equiti sit controuersia, non apud terrestre, & Succamerarij iudicium ea disceptatur. Sed princeps equite postulante edit recuperatores aliquot de senatu ac terrestribus magistratibus, siue officialibus eius satrapia, in qua est controuersia: quos commissarios appellamus. Inter quos etiam Succamerarius esse solet: qui in rem præsentem uenientes iudicium id peragunt. Idem fit, si sacerdotalis fundus, & ager cum regio controuersos fines habeat: nisi quod Episcopus quoque eius dioceseos editis à principe recuperatoribus unum, aut alterum de suis adiungit. Eadēq; ratio est petendi recuperatores à principe in causa Herciscundæ familie, siue diuidundæ hæreditatis inter fratres, & propinquos. Quanquam hoc iudicium etiam præfectus exercere potest. Criminales uerò causæ de stupro, incendio, latrocinio, & ui armata alienis ædibus illata ad præfectorum, siue capitaneorum in sua cuiusq; præfectura iudicium pertinent. Ciuiles item, quæcunque aduersus eos equites instituuntur, qui certos agros, & bona terrestria nulla habent, & qui licet habeant, obligatione tamen sua ei foro obnoxios sese fecerunt, aut merent publica stipendia, aut sacris initiato homini damnum, uel iniuriam intulerunt, aut alienum adscriptitium detinent, aut obstaculis deniq; liberam fluuij nauigationem impediuerunt, aut si quis executionem rei iudicatæ prohibeat. Dicit autem ius præfectus in arce, aut alio loco publico suæ quisque præfecturæ sexta quaque septimana per se ipse, uel per uicarium suum iudicem castrensem. Atque hæc sunt iudicij castrensis causæ. Officij uerò sunt, rerum iudicatarum executio: uiduorum de bonis dotalibus eiectionum, & aliorum spoliatorum restitutio: itemq; in depræhensos in scelere, & recenti, ut dicunt, crimine, aut si quis rem alienam apud se depræhensam non reddat domino repetenti. Adhæc in turbatores conuentuum, & iudiciorum, & qui uetitis armis utuntur: in tolerantibus censuras Ecclesiasticas ultra annum in iniustos teloniorū exactores, & in sacerdotes, qui iuri patronatus profanorū hominum derogant, aut profanos præterius ad forum Ecclesiasticum euocant, animaduersio. In quibus causis quouis tempore cuius quærēti præsto esse debet præfecti autoritas per seipsum, uel sup præfectum suum: cuius iurisdictio ad causas officij pertinet, si præfectus ipse ius non dicat. Denique furti suspectos præhendendi, reosq; iudicandi, & supplicio afficiendi ius habet præfectus, & sup præfectus eius. Equestres tamen nō nisi eos, qui ter ab eodē crimine damnū editi, & in album furum relati sunt. Porro status controuersia, hoc est, cum de genere cuiusquā ambigitur, & ea causæ, quæ infamia, confiscationis bonorum, uel capitatis poenam (præter eas, quas dudum præfectis attributas esse exposuimus) annexam habent, atque etiam de eadē equitis, ad solius principis iudicium pertinent. De quibus is in comitijs demum cum senatu cognoscit. Præter, si maleficium in loco domicilij principis ipsius, & sub aspectu eius patratum sit: Tunc enim, si author recenti, & calenti, quod aiunt, facinore comprehendatur, absque citatione princeps eum ipse per se, uel per Mareschalcū iudicat. De personalibus uerò causis ciuilibus, aut ciuilitè institutis, quæ alioqui ad forum terrestre, uel castrense pertinent, princeps itidem quouis loco ac tempore cum ijs, quos ad manum habet, consiliarijs citatum iudicat. Quæ citatio curialis, & post curiam uocatur. Sed eius usus ita restrictus est, ut ea in minore Polonia contra eum, qui in maiore tantum agros ac domicilium habet, non ualeat: neque contra. Id autem iudicium regionum terminorum nomen habet. Vbi etiam in præfectos, & administratos suorum bo-

Terrestres iudicij causæ.  
Succamerarij iudicium.

Commissaria iudicia.

Capitaneorū, seu præfectorum iurisdictio.

Castrense iudicij, & officij.

Regij iudicij causæ.

Citatio post curiam.  
Regij termini.



*Exactores iniusti ubi conueniuntur.*

*Iurisdictio bellica.*

*Appellationes seu prouocationes.*

*Colloquia, & generales termini.*

*Silestioru prouocationes.*

*Iudiciorum coeperdinatio*

*Appellatio. Motio.*

*De prouocationibus ubi cognoscatur.*

*Referendarij, iudex, subiudex, & notarij terrestres in iudicijs regijs.*

*Duellum, siue singulare certamen.*

*Statuta regni, et Masouioru.*

*Res iudicata.*

rum bonorum, & redituum, quod ad munera eorum attinet, quicumq; & undecumq; sint, princeps ipse sibi, instigatore, ut uocant, officij petente, & cuius postulanti ius dicit: ac de prouocationibus quoq; ab officio castrensi ad se delatis cognoscit. Iniustus tributum publici exactor etiam apud Episcopum, Palatinum, uel Castellatum loci recte conuenitur. Belli autem, & expeditionis publicae tempore, cum silent omnia supra memorata fora, penes principem est ius omne, & iudicium eorum, quae in castris, & in ipsa expeditione flagitiose aut scelerate admittuntur. De iniurijs quidem, damnisq; datis in expeditione bellica palatini, uel castellani cuius querenti contra suae quisq; satrapiae, uel territorij homines ius dicunt. Si quis autem non pareat, principi deferunt. Ab omnibus porro iudicijs nobilitatis prouocatio est ad principem: nisi quod eae quae sunt a terrestribus iudicijs, in colloquijs fere prius disceptantur. Appellatur autem colloquium, peculiare palatini cum dignitarijs, ut uocant, ac terrestribus magistratibus iudicium. Quod semel quottannis autumnii tempore in qualibet satrapia, siue palatinatu exerceri debet, prouocationem a terrestribus, & castrenlibus eiusdem satrapiae iudicijs disceptandam causa. Quod etiam terminos generales uocant. Vbi & alienationes, & obligationes bonorum terrestrium recte fiunt. Ab hoc itidem ad regem est prouocatio. Silestij soli colloquiorum usum non habent, neq; principem, sed uicinarum duorum, triumue principatuum iudicia appellant, in eisq; acquiescunt. Verum id quoq; iam exoleuit, pleraq; omni nobilitate in ius terrestre Polonicum sese transferente. Fuit aliquando in comitijs facta mentio instituendae in Polonia nouae iudicii decuriae, quae de omnibus prouocationibus absq; prouocatione cognosceret, quale est in Gallia, quod Parlamentum uocant. Sed non placuit, summam iudiciorum cuiquam, praeter principem concedere. Quod fit, ut principe plurimis, & uarijs iudicijs distento, & alijs multis, & grauib; tam ampli regni negocijs distracto, lites in multos annos comperendinentur, non sine dolore, & querimonia multorum, praesertim augescente indies cupiditate hominum, nulla aut exigua certe temere litiganti, & prouocanti, & iniusto iudici poena imminente. Vnde capitales existunt inter necessarios quoq; & cognatos inimicitijs, cedens innumerabiles patrantur, coactisq; hominibus, & iustis prope exercitijs nonnunquam configitur, dum offensus longa iudicii comperendinatione, armis ius suum quisq; persequi ac tueri contendit. Sed ad prouocationes redeamus, earum duplex est ratio. Est enim appellatio, qua inter litigantes solos disceptatur, iuste ne, an iniuste iudicatum sit. Motio uero est, in qua iudex a quo prouocatum est, necesse habet tueri sententiam suam, ut si iniqua, & legibus aduersa fuerit, ipse pudeat, mulceaturq;. Quod tamen iam ferme exoleuit. Vtrobique autem regio uel colloquiorum iudicio iniustum decretum rescinditur, uel corrigitur, uniuersaq; causa disceptatur ac diiudicatur, etiam si ab interlocutoria sententia prouocatum sit. Tamen non temere admittitur eiusmodi prouocatio. Cognitionum quoq; principis de prouocationibus non una est ratio. Nam de ijs, quae fiunt a colloquijs, non nisi in comitijs cum frequenti senatu cognoscit. Ad eundem modum de ijs etiam, quae fiunt a terrestribus iudicijs. Nam de ijs quoq; recte a rege cognoscitur in comitijs, si prius ea instituantur, quam colloquia. Itaq; indiscriminatim prouocari solet ad colloquia, uel ad comitia. De ceteris uero prouocationibus, quae fiunt ab alijs iudicijs, etiam extra comitia cognoscit is cum ijs consiliarijs, quos ad manum habet, quouis tempore, & loco: sed tamen intra fines regni modo. Foris enim nemo equitum sistere se principi necesse habet ulla ex causa, exceptis fiscalibus. Tam in comitijs autem, quam extra ea in iudicijs regijs adhibetur in consilium etiam supplicum libellorum magistri, siue Referendarij: itemq; iudex, subiudex, & notarius eius satrapiae siue territorij, in quo iudicium exercetur, praeter, cum de prouocatione ab ipsorum iudicio facta cognoscitur. Habentq; ij postremi omnium dictione sententiae. Atq; his fere foris atq; rationibus nobilitatis iudicia peraguntur. Nam barbaricus ille mos, & a religionis Christianae institutis alienus, prouocandi aduersarium ad singulare certamen, & ferro usq; ad necem, uel deditionem de iure, & iniuria, ueroq; & falso decernendi, nihil habet commune cum iudicio. Quod tamen nostra memoria semel tantum a Sigismundo rege seniore admissum est. Cum autem liberrimus sit nobilitati Poloniae armorum usus, ad iudicium tamen terrestre, & castrense, & ad comitia nemini armato uenire licuit antiquitus: nunc ea lex propemodum obsoleuit. Ecce autem, dum nos hoc opus, typographo altera editionem parante, recognoscimus, prodijt in lucem noua forma supremorum iudiciorum, in proximis praeteritis comitijs Varsouiensibus promulgata, & edita. Iudicatur autem nobilitas suis legibus, quae paucae sunt, & constitutiones, uel statuta regni uocantur (tamen Masouij peculiaria habent) uel moribus, uel ex aequo, & bono, siue adeo iudicii opinione. Magnam autem in ijs iudicijs uim habet exemplum, & res in simili causa a principe iudicata. Per magnam item, ne dicam nimiam, iusiurandum. Magnus est etiam usus preconum, quos ministeriales terrestres appellant, ma-



lant, magnaꝫ eis fides habetur, itidem ac tabellionibus in iure ciuili Romano, & Pontificio. Sed sunt ij ferè illiterati, plebei, & rusticani homines, palatini, uel delegati cuiuspiã Regij arbitrio, nec semper exquisito delectu creati. Verùm in omni ferè functione sua unũ, aut alterum equitem testem adhibeant oportet. Actori nulla est pœna, si causa cadat, uel eam non prosequatur: ac ne litis quidem impensas reus soluit. Reus condemnatus, si iudicatum non soluat, mulctatur, & pigneratur. Condemnatur autẽ actori in ciuili causa, quanticunq; is litem iureiurando interposito existimauerit. Licet tamen iudici ante iussurandum eius æstimationem moderari. Si non paruerit rei iudicata, reus condemnatur in duplum: quod per lucrum appellant: prior enim condemnatio lucrum dicitur. Si duplũ ad certam diem non exoluerit, præfecti regij eius territorij, in quo reus bona, uel domicilium habet, opem actor implorat. Ex decreto autẽ præfecti bona rei possidenda ei traduntur, adiecta certa multa, quod uadium uocãt, si is prohibuerit. Sin iterum id fecerit, duplicatur multa: sin tertiu, triplicatur, quæ uadia duplicata, & triplicata appellatur. Quæ tamẽ sublata iam sunt. Et post interpositũ unum uadium, reus si pergat esse contumax, proscribitur. Proscriptus uerò, si ui sese nihilominus, suaq; tueatur, cuncta illius præfecturæ nobilitas contra eum armatur. Ac ipse quidẽprehenditur: bona uerò eius à præfecto possidentur, donec de redditibus eorũ non modo iudicatum, sed multæ etiã, & uadia soluantur. Indicta uerò causa, hoc est, non citatum, neq; conuictum equitẽ, qui modò agri aliquid habeat,prehendere nulli magistratui ac ne principi quidẽ licet, præter furem à seruis pœnæ inter conscios, & complices ter editũ, aut in maleficio quouis deprehensum, aut qui satis dare nolit, uel non possit. Præfecto remissiori in executione rei iudicata pœna est, abrogatio præfecturæ: nisi fortẽ eam oppigneratã teneat. Tunc enim centũ marcarum multa ipsi à principe irrogatur, detrahenda de summa eius capitali, quoties officiũ suum non fecerit. Oppidanis uerò, & plebeis magistratibus equitem etiam in scelere deprehensum sine præfecti autoritate iudicare omninò fas non est. Sed sufficiant hæc nunc de iudicijs nobilitatis. Neq; enim omnẽ iudiciorum rationem, & formã persequi hĩc nobis propositum est. Habet plebs peculiaria iudicia, in pagis quidẽ simplicissima, quæ uel ab aduocatis iudiciarijs, & scabinis, uel à scultetis, uel à præfectis, siue dominis, eorumũe procuratoribus, & administris sine strepitu, & figura iudicij exercentur. In urbibus uerò, & oppidis exactiora sunt: quibus equites quoq; qui in ijs domicilia, & ius ciuitatis habẽt, sunt obnoxij in causis ciuilibus duntaxat. Ea uerò partim penes aduocatũ, & scabinos, partim penes decuriones, siue cõsules, & magistratũ ciuium sunt, partim etiã penes magistr̃os contuberniorũ. Consules ac magistr̃i contuberniorum sine strepitu, & figura iudicij iudicãt, hi quidem singuli cum adiunctis sibi primoribus, siue senioribus de leuioribus causis, sui quisq; generis opificum. Consules uerò de quibusuis proprietatis modo, & possessionis rerum soli, & hæreditatis, itemq; capitalibus atq; sanguinarijs exceptis: quæ ad scabinorũ & aduocati iudicium peculiariter pertinent. Parui momenti causas etiã magister ciuiũ solus cognoscit. A quo itidẽ, atq; à magistris contuberniorũ, ad confessum consulu est prouocatio. Ab his porrò ad Regem. Inoleuit tamen multis in locis mos, ut prius præfectus, uel qui præfecti loco est, appelletur. Atq; inde demũ ad Regẽ prouocetur. Idq; de regijs modò oppidis intelligendum est. Nam quæ alij cuiuspiam subsunt, in ijs prouocationes fiunt ad eorum dominos. Ab ijsq; sine prouocatione iudicatur. Sed si quis aduersus eum, qui ipsi non subest, iniuste iudicauerit, siue per se, siue per uicarium, & procuratorẽ suum, uocari potest eo nomine in ius, cui est obnoxius. Porrò Episcoporum, & aliorũ Ecclesiasticorũ hominum subditis opem superioris (nempe Episcopi, uel Archiepiscopi, uel Pontificis max.) contra uim, & iniuriam dominorum suorum implorare licet. In iurato autem iudicio (sic enim uocatur id, cui scabini cum aduocato iurati præsident) accuratior seruatur processus iudiciarius. Exerceturq; id ferè inter cõciues quintodecimo quoq; die nisi is festus sit. Externis uerò, & hospitibus postulantibus, quoties opus est, exponitur. Atq; hoc quidem emptũ dicitur, illud expositũ. Est & tertium genus iudicij huius, quod magnũ uocant, ac ter statis anni temporibus, ob grauiores causas magistro ciuiũ præsidente exercetur. A iurato autem iudicio legitima est prouocatio ad aliud quoddam iudicium primariũ urbium. Quod quidẽ duplex est, itidẽ ac leges, quibus oppidani, & agrestes ferè utuntur. Neq; enim ijsdem ij cũ nobilitate legibus tenentur. Ac in Masouia quidem, ubi ius Culmense uiget, ad Warsauiensem, uel Plocensem, hinc porrò olim quidẽ ad Culmensem, nunc autẽ ad Torunensem in Prussia ac magistratũ, atq; inde demũ ad Regem prouocatur. In ceteris uerò partibus Polonia, ubi iuris Teuthonici Magdeburgensis usus est, olim ad Magdeburgẽsem ciuitatẽ prouocabatur. Sed Cazimirus magnus rex aliud quoddam iudicium in arce Cracouiensi instituit, quod iuris supremi Teuthonici, siue Magdeburgensis appellauit. In quo aduocatus cum septem scabinis, magno pro-

Preco siue ministris ter  
restris.

Executio rerũ  
iudicatarum.

Nobiliũ præ  
bentio.

Capitanei ne  
gligẽtis pœna

Plebis iudicia:  
Rusticana.  
Vrbana.

Magistrorum  
contubernio-  
rum iudicia.  
Consulum iu-  
risdictio.

Scabinorum  
iudicia.

Nobilitatis, et  
sacerdotũ op-  
pida non sub-  
sunt iurisdic-  
tioni regie.

iuratum iudi-  
cium.

Prouocationũ  
& leguratio,  
quibus oppi-  
dani utuntur.  
Culmense ius.

Magdeburgẽ  
se.

Iudicium iuris  
supremi Teu-  
thonici.



curatore eiusdem arcis presidente, non tamen iudicante, iudicant de prouocationibus, quæ sunt à iuratis quarumvis ciuitatum, & oppidorum iudicijs. Inde uerò prouocatio est ad aliud iudicium, quod sex ciuitatum dicitur. In quo eiusdem Cazimiri instituto binæ certorum oppidorum decuriones, siue consules Cracouiam conuenientes in arce ius dicunt sine prouocatione. De quo in historia fusiùs persecuti sumus. Cognoscit autem princeps de prouocationibus ijs, quæ ab urbanis, & rusticis iudicijs ueniunt, & omninò de controuersijs plebeiorum suæ ditionis, atq; etiam de quærimonijs aduersus præfectos suos, ubi libet, etiam extra regnū, & cum quibus uult consiliarijs. Sæpè etiam consiliarijs, & Referendarijs, aut Secretarijs earū cognitionem delegat, sed ita, ut ipse tamen ad extremum ijs referētibz statū controuersia, decernat: præsertim si causa ad equitē pertineat. Soli Cracouienses ciues hoc præditi sunt priuilegio, quod à Senatu urbano non nisi ad principem est prouocatio, & quod eius, itemq; Cazimiriensis, & Clepariensis ciuitatum causa ab eo non nisi Cracoui iudicantur. De quo disceptare non est huius loci. Habent & sculteti, siue aduocati hereditarij pagorū, & oppidorum nonnullis in locis inter se perculiaria iudicia. A quibus itē ad ius supremū Teuthonicum, & inde ad sex ciuitates, uel ad principem prouocatur. Iure autē suo quisq; iudicatur, præter quod causa cædis, & uulnerum Polonico tantū iure iudicantur: quo reus actoris iureiurando peragitur. Ac in recenti quidem crimine comprehensus, eadē capitis luit supplicio. Post interpositam uerò uiginti quatuor horarū morā, ad certam, & de lege constitutam capitis æstimationē damnatur: quæ diuersa est equitis ac plebei. Pro plebeio capite partim domino eius, partim liberis, & hæredibus cæsi cedit multa: pro equestri uero, solis liberis, & hæredibus exoluitur. Equiti tamen pro equitis cæde ultra multam pœna est, etiam carcer annuus. Sed Maioriorum legibus carceris pœna soluitur is, qui profugus annū torum exulauerit. Ceterum plebeio equitem interfecisse capitale est, nisi transigat cum actore. Vulnerum certæ sunt æstimationes. Fit autē contemptu harum pœnarū, & capiendæ ex multa pecuniæ, ut crebrescant magis indies iurgia, cædesq;. Executio rerum iudicarum cōtra oppidanos, & urbanos penes magistratum est in sua quemq; ciuitate, aut si is negligat, domini, uel præfecti auxiliū imploratur. Et hætenus quidem de iudicijs. Comitiorū ratio nobis deinceps exponenda est. Duabus autē de causis ea habentur: propter consultationes de re republ. & propter iudicia. Cū enim Polonis, quemadmodum suprà memorauimus, ea potissimum forma reipubl. placuisset, in qua penes unū quidem esset iudiciorum, & rerū omnium in libello, & in pace summa, sed ut is rerum agendarū, & iudicandarum cōsilia cum compluribus consiliarijs communicaret: hi porro cum propter alias functiones publicas tum etiā propter curam rei suæ familiaris, ad latus principis assidui esse non possent, placuit, ut ij ad certum locum, & diem conuocarentur à principe, ad exercenda cū ipso iudicia, consiliaq; de republ. capienda. Hæc sunt comitia publica: quæ etiam generales regni conuentus uocant. Qui olim simplicioribus, & melioribus sæculis bidui, uel tridui spacio peragebātur. Augescentibus deinde iudicijs, & rebus agēdis, extrahi cōpère in longius tempus comitia: sic tamen, ut pro re noua, & insolita annotarit Ioannes Dlugossus, in nonnum diem ea extracta esse. Atq; hæc fuit uetustorum comitiorum ratio. Posteriori tempore, hoc est, a uorum serē nostrorum memoria cum uniuersa nobilitate, & una de omnibus ciuitate Cracouiensi cōmunicata sunt comitia: cōeperuntq; adhiberi legati nobilitatis, siue, ut uulgò loquuntur, nunciij terrarum, hoc est, satrapiarum atq; territoriorū, & ciuitatis Cracouiensis, principio quidem unam ob rem, quemadmodum in historia ex Dlugosso retulimus. Nempe sciendū in bellum tributū causa. Deinde uerò, cū siue incuria principum, siue consiliariorū conuiuentia, multa, quæ ad salutē, & amplitudinem reipubl. pertinebant, negligi, & nobilitatis prærogatiuæ minui uiderētur, ad alias etiā consultationes de republ. accedere cōeperunt, nō ut consiliarij, sed ut monitores principis atq; consiliariorum, & custodes libertatis, & prerogatiuarū nobilitatis, ac legū publicarum. Laudabile sanē, & salutare in primis genti Polonæ (si eo rectē utatur) institutū, & ad optimē constitutarum olim rerumpubl. Romanæ, & Lacedæmonia mores accedens. Quarum in altera Ephori, in altera tribuni plebis principū, & potentium libidini, inertiq;, & inuiti administrationi reipubl. obiecti erant. Nunc igitur sine nuncijs terrarum non habentur legitima comitia. Atq; eam ob rem quoties ea debent institui, indicuntur prius à rege nobilitati cōuentus, quos uocant particulares, ad certos dies, certa q; oppida. Maioribus quidē Polonis, hoc est, Posnaniensis, & Calissiensis satrapiarū equitibus Srodam: Cracouiensi uerò satrapie Prossouiam: Sandomiriensi Radomiam: Siradiensi Schadcouiam, excepto Velunenſi tractu, qui suum peculiarem conuentum Veluni habet: Lenciciensi Lenciciā: Cuiuijs Radeouiam: Dobrinenſes tamen separatim Ripini cōueniunt: Russis Wiſnam, præter Chelmenſes, qui & ipsi Chelmæ suum habent: Podolijs Cameneciam: Lublinenſi satra-

Sex ciuitatum  
iudicium.

hist. lib. 12.

de prouocatio

nibus ab urba

nis iudicijs u-

bi princeps co

gnoscat.

Cracouiensis

ciuitatis priui

legium.

Scultetorum

iudicia.

Hamidij iu-

diciū, et pœna

Executio ur-

banorum iudi

ciorum.

Comitiorum

ratio.

Comitia ue-

tusta.

Nunciij terre-

stres.

Cōuentus par-

ticulares.



ks in Sy-



*Belli gerendi  
ratio.*

*Pœna non mi-  
litantium.  
Militie immu-  
nitatem qui  
habeant.*

*Restis, seu re-  
stium literæ.*

*Bellicæ leges.*

*Bellica expedi-  
tio non indici-  
tur sine comi-  
tijs.*

*Nobilitatis of-  
ficium.*

*Oppidanorū  
munus in bello*

*Mercenarij mi-  
lites.*

in Synodis. Ad quas ab illo euocantur. Est autem ius, mosq; Petricouia, Lencicia, aut Louicia prouincialem synodum tertio quoq; anno, nisi res maiorem celeritatē, aliumue locum episcoporum consensu postulet, institui: & adhiberi in consilium abbates, & præpositos monasteriorum, & collegiorum sacrorum primariorum (quæ capitula cathedra- lia uocantur) legatos binos, uel singulos duntaxat. Sed nos à synodis, & comitijs ad bellū transeamus. Id autem in hac gente à nobilitate geri usitatū, & legitimū est antiquitus: quæ cuncta equestris militat, quemadmodum antea diximus, idq; pro modo bonorū, & reddituum facere debet. Sed cū nulla publicè instituta sit bonorum æstimatio, modus hic fidei cuiusq; creditus, labente in deterius disciplina, & fide, arbitrarius factus est, non sine reipub. totius incommodo, & iniuria. Arbitrarium est, & genus armorum. Tenuiores, & qui equum alere non possunt, pedestres militant. Sculteri quoq; siue aduocati hæredita- rij, & quicunq; fundos terrestres hæreditarios habent, non sunt immunes à militiā. Mul- tatur autem agris, & bonis omnibus, si quis paterfamiliās à bello abfuerit, aut filium a- dultum, fratremue, qui ipse separata bona, & militandi necessitatem non habeat, pro se non miserit. Ceterum pupillis impuberibus, ægrotis, senio confectis, & uiduis per neces- sarios, & famulos militiam obire licet. Habent autem uacationem militiæ tribuni terre- stres, præfecti arcium in finibus regni sitarum, uicarij cæterorum præfectorū iurisdic- tio- nem habentium, Vicecapitanei, & Burggrauj, & qui republ. causa absunt. Habet item or- do cunctus Ecclesiasticus, præter eos sacerdotes, qui bona terrestria hæreditario, seu alio- quouis, quā sacerdotiorū iure, & nomine obtinent. Euocatur ad bellum nobilitas anti- quo more, dimissis quoquo uersis per præfecturas literis signo regio consignatis: quæ de inde in pertica resti alligatae (unde restium nomen acceperunt) à præponibus, siue mini- sterialibus terrestribus ad dignitarios, & officiales, siue magistratus, primoresq; nobilita- tis cuiusq; præfecturæ sublimes, & conspicuæ circumferuntur, & in foris urbium, & oppi- dorum alta uoce publicantur. Ter autem id fieri oportet interpolatis quaternis septima- nis: nisi decreto comitali tempus id accidatur, binæq; testes coniungantur. Post tertias demū restes domo se quisq; mouet ad suæ satrapiae conuentum ad certū locum, certamq; diem indictū. Inde porro auctore ac ductore palatino cū sui quisq; territorij Castellano ad constitutum à principe propè fines regni locū pacati proficiscuntur. Verum hoc quoq; ut alia nonnulla rectè à maioribus instituta, augescēte indies equitū licentia, conniuen- tiaq; magistratuum, in desuetudinem abiit, magno non modò sacerdotium, uerum etiā regionum, & ipsius nobilitatis prædiorum, & adscriptiorum incōmodo, damnoq;. Ne- cesse autem habet princeps equestris ordinis homines ab hostibus in bello captos redi- mere, ac damna amissorum equorum, quæ ij extra fines regni acceperint, exoluere. Captū uerò hostem, nobilem præsertim, is qui cepit, principi tradere debet, acceptis pro eo duo- bus florenis. Vsu uenit nonnunquā, ut hæ copiae diuidantur à principe de sententia am- plissimi consilij. Ac cæteris quidem aduersus hostem proficiscentibus, unius aut alterius satrapiae nobilitas, uel plurium, si opus sit, ad præsidium eius oræ, unde item belli aliqua est suspicio, relinquatur. Hæc est apud Polonos belli gerendi ratio: Hoc robur militiæ, in equitatu situm. Hæ sunt opes, & uires gentis: hæ copiae, externis penè incredibiles, & cū quibusuis maximarum gentium opibus ac diuitijs comparandæ: quibus olim principes Poloni res magnas, & præclaras gesserunt, non domi modò illata bella propulsando, sed foris etiam hostes ulciscendo, fines imperij longè, lateq; proferendo, & amicis atq; socijs succurrendo. Sed cū abuterentur ij nonnunquam obsequio nobilitatis, eamq; crebro- rum ac diuturnorum, minimeq; necessariorum incommodis exercerent, lege cautum est, intra hos ducentos annos, ut ne liceat regi bellum facere sine comitijs, & assensu amplis- simi consilij: & ut nobilitas fines quidem regni quoties, & ubi opus est, absq; ullo stipen- dio tueri necesse habeat, non sine principe tamen, præterquā in interregno. Cæterū ex- tra fines ne ad ullam militiam educi possit inuita, nisi acceptis à rege in quemlibet hasta- tum equitē quinq; marcis, quod perindè est hoc tempore, ac quinq; coronati Gallici, uel Italici. Peditatus nullus est ferè apud Polonos præter mercenarium, si quē princeps con- duxerit. Mittunt quidem ei oppidani currus commeatu onustos cum peditibus. Verum is peditatus non multus est, sternendis, muniendisq; uijs, quā armis tractandis accom- modatior. In extrema tamen necessitate, & grauiori bello, euocata ad expeditionem no- bilitate, oppidani quoq;, & agrestes decimum quēq; peditem decreto comitali armant & expediunt. Cū autem lentior sit expeditio hæc uniuersa, & nonnunquam ciuibus, & amicis magis, quā hostibus incōmodare soleat, excogitata est ratio conducendī mi- litis mercenarij pedestris, & equestris ad subitarias Tartarorum, & aliorum hostium ex- cursiones reprimendas, expugnandas munitiones, & alios militares labores subeundos aptior, & promptior. Quæ copiae pariter cum decanis, centurionibus, turmarū, & cohorti- um du-



rum ductoribus, tribunisq; militaribus ab alterutro duce exercitus longè laxiori potestate, & seueriore disciplina, quàm in expeditione publica reguntur. Est autem stipendium trimestre in equitem quidem senum, in peditè uerò quaternorū florenorum antiquitus constitutum. Perexiguum id sanè est, nisi in magna alioqui rerum omnium ad uitam, partumq; pertinentium copia, & uilitate, longè leuius etiam precium rebus uenali bus bellica lex imponeret, & charitas patriæ, studiumq; bellicæ uirtutis, & gloriæ, & spes adipiscendorum publicorū honorum magis, quàm uilla merces iuuentutē multitudine, & ocio abundantem ad facienda stipendia excitaret. In hoc uerò stipendium publicè confertur pecunia, tributo, quam exactiōe uulgò uocant, agrestibus ac oppidanis, regi iuxta ac nobilitati subiectis, imperato. Quò illi non inuiti agrorum, domorumq; suarū uexationem redimunt: si modò redimunt, mercenariorum etiam militum, non contentorū stipendijs suis, licentia, & rapacitate indies magis ac magis progrediente, & nec sacerdotū, nec nobilitatis, atq; adeò neq; regis ipsius bonis abstinēte. Id autem tributū ex agris quidem in laneum seu mansum (certus agri modus is est) ex oppidis uerò ostiatim penditur. Quinetiam uenalis cuiuslibet potus nomine in oppidis iuxta ac in pagis pensitatur. Pendunt & molitores de moletrinis quiddam: & sculteti siue aduocati de suis agris, itemq; equites ij, qui nullos habent adscriptitios, & plebei, qui neq; domos, neq; agros habent, & arte aliqua, uel opera sua uictitant. Doctores, magistri, & scholastici, & qui literarū, doctrinæq; studijs uacant, immunes sunt. Est & aliud quoddam tributum, in magna necessitate aliquando plebi uniuersæ, exceptis scholasticis, imperatum. Quod quia de singulis capitibus pendeatur, capitale dictum est. Imponit nonnunquā & ipsa sibi nobilitas cum rege, & proceribus tributum de agris, uel de censibus suis pensitandum, si usus, & necessitas postulet. Nonnisi in comitijs autē hæc tributa sciscuntur ac decernuntur, & quidem consentientibus consiliarijs pariter, & nuncijs terrestribus. Caterum Ecclesiasticus ordo unā cum bonis, & hominibus suis iam inde ab initio susceptæ religionis Christianæ non modò militiæ perpetuam, sicuti superius attigimus, uacationem, sed tributorū etiam publicorum immunitatem habet in Polonia. Verū ipse superiori tempore oppidanos, & agrestes suos tributis, quæ cæteris imperatur, ultrò reipubl. gratia subiēcit. Nunc iam pro lege habetur, ut quoties regijs & equitū subditis tributum imperatur, nec hi exortes sint. Pensitant ipsi etiam nonnunquam sacerdotes cum Episcopis rogati, urgente necessitate, & charitate patriæ suadente, de suis sacerdotijs certam redituum suorum portionem. Quam pensionem contributionē appellant. Eius uerò decernendæ ius est penes synodū prouincialem. Exigendæ uerò penes eos, quibus episcopi cum primario suo collegio in sua quisq; diocesi mandauerit. Superiorum autē illorum tributorum, quæ plebi atq; etiam nobilitati imperantur, exactio plerunq; regis arbitratu, nonnunquā de senatus atq; nuntiorum sententia per satrapias compluribus imponitur. Nec diutius id munus durat, quàm ipsum tributum. Dispensatio penes regem ferè, & thesaurarium regni manet. Nonnunquam tamen & ipsa alijs comitiū decreto mandatur. Nuper adeò excogitata est noua ratio comparandæ in defensionem regni, militemq; mercenarium pecuniæ. Rex enim benignis. Sigismundus Augustus quartā partem reddituum regiorū in eum usum perpetuò reipubl. concessit. Quæ pacis tempore in fiscum, in arce Rauensi constitutā, deponitur. Atq; hæc habuimus in præsens, quæ de ratione belli, ac de uniuersa repub. Polonica in medium afferemus. Si quid præterea requiritur, è recentioribus comitialibus constitutionibus petatur. Prussia Regia nobis reliqua est, quæ quamuis eodem cū Polonis regna contineatur, tamen quia peculiare consilium publicū, peculiare leges, peculiaria iudicia, & comitia, ærariumq; & belli gerendi rationē à reliqua Polonia diuersam habet antiquitus, de his nūc separatim persequamur. Nec abs re fortasse fuerit, si de ducali quoque obiter attingamus. Igitur ea pars Prusiæ, quæ nunc ducalis dicitur, ex eo tempore, ex quo deuictis barbaris populis sub iugū Christi missa est, simul cum episcopis suis Sambiensi, & Pomesanienti ad nostra usq; tempora ordini Teuthonicorū Crucigerorum, qui se de hospitali S. Mariæ militiæ Hierosolymitanæ dixere, paruit. Cuius ordinis præses Magister generalis, socij uerò administrationis, & præfecti territoriorū præceptores, & commendatores appellati sunt. Qui cū pro amicis, & socijs, Polonorū hostes facti essent, armis eorū adacti quodā tempore, unā cum episcopis in uerba regis Poloni iurarunt, & aliquandiu maiestatem eius comiter cōseruauerunt. Sed cū id deinde aliquoties, & ad extremum nostra memoria Alberto Marchione Brandenburgensi Magistro, uiro excelsi animi, & rei militaris perito, authore detrectassent, Sigismundus rex senior, ut se & posteros suos illa perpetua defectionum, bellorumq; molestia liberaret, & Poloniæ, Lithuaniaq; tranquillitatem maiorem præstaret, fractis ijs bello, & ad necessitatem deditionis reductis, & partim decedentibus è Prussia, partim habitu, & religione abiecta manentibus, illum

Stipendia equitum, et peditum.

Tributa, siue exactiōes.

Capitale.

Ecclesiastici ordinis immunitas.

Quarta regio rum reddituum.

De Prussia.

Ducalis Prussia.

Albertus Marchio Dux in Prussia.



*Prussia feudalis facta.* ipsum Albertum sororis suæ filium singulari clementia pro Magistro Ducem in Prussia iussit esse, hæreditariumq; principatum ipsi cum fratribus, & posteris eorum maribus attribuit, ea lege, ut ij in uerba regis Poloni ritu solenni iurarent: cum centum equitibus hastatis, quoties & ubi usus postularet, ei militarent: & in senatu regni locum haberent itidem, ac Magister habuisset. Extant pacta conuenta. Ex eo igitur tempore pars illa Prussiae ampla, & copiosa, duarumq; episcoporum suppressione auctior, sub duce esse coepit, summam omnium rerum potestatem, regi tamen Polono obnoxiam, habente, & arbitratu suo consiliarios sibi legente, & prefecturas, magistratusq; mandante. Vtinam quidem is sacra intacta reliquisset. Nec plura nunc de ducali Prussia. Regia uero, ex quo à Crucigerorum imperio ad Polonum nomen (unde ferè detracta erat) ante centum annos sese recepit, recepta ea quidem est à Polonis in societatem iuris, & reipublicæ, sed leges tamen suas, & instituta à Tenthonib. ferè hausta, uel post subactos, & ferè extirpatos priscos, & barbaros Prussos, deductione coloniarum à Germania importata retinuit. Consiliū quoq; à senatu regni sciunctum obtinuit. Habuit etiam initio suum gubernatorem, à rege datū.

*Regia Prussiae respubl.* Sed postea suppressus est his magistratus. Regiam autem appellamus, quæ Regi Polonorum immediate (ut uulgari uerbo utar) subiecta est. Cuius partes primariæ sunt, Culmensis, Marienburgensis, & Pomerania citerior. His annumeratur etiam Warmiensis episcopa. Quæ licet Episcopo suo, & collegio sacro, siue Capitulo prorsus immediate subiecta sit, nec omnia cum superioribus eius partibus habeat communia: quemadmodū paulo post explicabimus, non segregat tamen sese à Regia, priuilegijs suis utens, fruens. Vtitur autē omnis ferè Prussia, ducalis iuxta ac regia, iure municipalī, quod Culmense uocatur. Quod tamen non satis certum est in hanc usq; diem. Eruiat id quidem ē tenebris, & colligitur, sed nondum in lucem prodit. Solæ Elbingensis, Brunsbergensis, & Fraumburgensis ciuitates Lubecense amplexæ sunt, uel secum fortassis attulere. Et quoniam utrumq; id paucis capitibus continetur, in cæteris recurritur ad Saxonicum, & Magdeburgenicū: indeq; etiam ad Romanum, quibus de rebus neq; Culmensi, aut Lubecensi, neq; Magdeburgensi, & Saxonico iure, neq; plebiscitis ciuitatum, aut constitutionibus regijs cautū est. Dedit enim constitutiones, & leges quasdam sapientissimus rex Sigismundus senior, partim totī Prussiae Regiæ, partim Gdanensi ciuitati peculiariter. Easq; auxit optimus eius filius Sigismundus Augustus, cum in ea urbe esset anno post Christum natū 1552. Quibus conscribendis nos adsumus. Non ita pridem etiam cum idem rex comitali decreto clarissimos, & prudentiss. aliquot senatores ad Elbingensem, & Gdanensem ciuitates corrigendorum quorundam erratorum, & abusuū causa cum summa potestate delegasset, condiderunt ij leges nonnullas, rebus, locis atq; temporibus accommodatas. Quas nuper is, qui fuit princeps eius legationis, uir amplissimus, Stanislaus Carnouius Vladislauensis Episcopus in lucem edidit. Vectigalia regia non ampla sunt in Prussia: eaq; proueniunt potissimū ē ciuitatum pensionibus, agris, & prædijs insularis, & præfecturis: quarum tamen pleræq; donationibus, uenditionibus, & hypothecis in impendia bellorum superioribus temporibus accisæ, aut prorsus alienatæ sunt. Quod itidē alijs quoq; uectigalibus in ciuitatum ius translatis factum est. Verū ea detrimenta crebris tributis, populariter in gratiā regis scitis, uel decretis superiori tempore cōpensabantur. Metallorum ea regio ferax non est: fruges non maligne profert, & linū, & lupulum: easq; merces trans mare mittit. Mittit & materiā fabricandis nauibus, & uasis, exornandisq; domibus aptā, & ceram, & cinerem, & bubula coria, imō & carnes. Sed hæc ei ferè suppeditat Russia, Samogitia, & Lithuania: quin & frugū, & aliarum rerū ad uictum pertinentium maiorem copiam eadē regiones, & Masouia: cæteraq; Polonia ratibus, & nauibus fluuiatilibus subministrant. Accipit autē ea uicissim transmarinis cōmercijs uina, oleum, aromata, saccharum, sal, & alia condimenta mensarum, telam item & pannos laneos iuxta ac sericeos, & quas præterea mittit Lusitania, & India diuites cupedias: eaq; omnia Polonis, & Lithuanis Prussia transmittit. Hinc est uulgō simul, & nobilitati res lautior, uestitusq; & habitatio cultior. In uictu quidem frugalitas prisca adhuc ferè retinetur. Vtinam compotationes essent moderatiores. Sed est id commune uitium Septentrionalium populorum. Ex tamen compotationes Prussis ordeacea cereuisia crassiore ferè peraguntur. Vini non magnus est usus. Distinguuntur Prussi, itidem ac Poloni, sacro, & profano ordine: nobilitate ac plebe. Sed paulo meliore est conditione plebs in Prussia, quā in reliqua Polonia. Eodem quidē cum nobilitate iure, & iisdem legibus utitur, pre rogatiuis modō quibusdam inferior: per quas tamē plebei neq; à bonis terrestribus, neque ab honoribus, & magistratibus, neq; à sacerdotijs, neq; à consilio publico arcentur. Nec nobilitas modesta, & frugalis eos dedignatur. Quin decedit ea quoque unā cum sacro ordine nonnihil de immunitate sua Reipubl. & concordia gratia. Sacerdotibus iustus



Iustus honos habetur, à catholicis præsertim. Monachi, & monachæ, cum nostra memoria doctore Luthero domicilia sua reliquissent, manent ea etiam nunc propemodum uacua, & ruinosæ, aliquot exceptis: quæ sanè infrequentia sunt, & incolentes ea contemptibiles. Regis potestas in Prussia minùs est restricta, quàm alibi. Senatus constat duobus Episcopis, tribus Palatinis, totidem Castellanis, totidem Succamerarijs, & tribus primarijs ciuitatibus: quarum non mediocris est potentia. Earum uerò bini consules legati siue nuncij pro singulis habentur, & alternis dicunt sententias. Episcopi sunt, princeps, senatus, & moderator, Varmienſis. In qua Episcopa me Pius eius nominis quintus Pontifex max. ultro petente D. Sigismundo Augusto Rege, amplissimo Cardinali Stanislao Hosio (ipso libentissimè assentiente) ante sex annos Coadiutorem (ut uocant) dedit, successoremq; designauit, & collegium sacrum acceptauit. Sed reuertamur ad institutum. Est ergo princeps senatus Prussici Varmienſis Episcopus: huic proximus Culmēſis, qui olim eum antebat. Quorum hic Teuthonum Crucigerorum opera quodā tempore de Gnesnensi prouincia detractus, Rigenſi addictus fuit, uehementer accisus redditibus, & episcopa, ecclesiæq; in ditionem ordinis ipsius redacta: ille uerò, Varmienſis inquā, initio quidem Rigenſis Archiepiscopi metropolitica authoritatē agnouit. Nunc uerò multis annis in nulla prouincia censetur, & soli subest in rebus Ecclesiasticis Romano pontifici: Magistri, & ordinis dominatum nunquam agnouit, amicitiam, & societatem, cum & ipse plerumq; Germanici esset sanguinis, libenter coluit: nec sine malo ac detrimento suo, & Ecclesiæ suæ. Ad regnum uerò Poloniae post reliquā Prussiam peculiaribus pactis cum rege Cazimiro initis sese adiunxit. Vladislauienſis Episcopus habet non contemnendas possessiones in Pomerania. Atq; ea tota ferme in diocesi ipsius est, indeq; Pomeraniæ quoq; Episcopi titulū is usurpat, sed ad Prussicū consilium nō pertinet. Palatini sunt, Culmenſis, Marienburgēſis, qui antehac Elbingenſis dictus fuit, & Pomeranicus: Castellani, Culmēſis, Elbingenſis, & Gdanenſis: Succamerarij itidem atq; Palatini. Ciuitates, Torunenſis, Elbingenſis, & Gdanenſis, in singulis satrapijs, siue palatinatibus singulæ, eundem ordinē seruantes inter se in consilio, quem sui palatini. Hoc est conciliū Prussicū. Consiliarios terrarum Prussiæ uocant: quos & ipsos more aliorum iuratos esse oportet. Varmienſis tamen Episcopus diuersam ab alijs iusiurandi rationē, & formulā pacto præscriptā habet. Nam is, si Rex est in Prussia, ipso præſente: sin minùs, nonnullis magistratibus Prussicis ad id delegatis in arce Marienburgēſi, præeunte uerba aliquo Episcopo, iurat. Ciuitatū delegati iniurati ad consiliū admittuntur, aliquōne priuilegio, an per abusum, nescio. Habent autem consiliarij Prussici sua loca, & ius dicendæ sententiæ in amplissimo totius regni Polonici consilio. Verum ea loca aliquot annos post auctū Lithuanorum accessione senatum aliqua ex parte uariata sunt, ita tamen, ut nihilominus Episcopi inter Episcopos, Palatini inter Palatinos, Castellani inter Castellanos confideant. Ad calcem operis huius ea singula secundum nouam constitutionem comitalem inter alios notata sunt. Palatinorum iurisdicctio, & authoritas in Prussia maior est, quàm in cætera Polonia. Penes eos sunt multæ, & supplicia delinquentium, rerumq; iudicarum executio. Tranquillitatem quoq; publicam in agris, & extra urbes ij præstant. Castellani, & Succamerarij eodem sunt iure, quo in Polonia. De Episcopis paulo post dicemus. Præter hos autem magistratus, habet Prussi thesaurarium, præfectos arcium, siue capitaneos, gladiferos, iudices, & scabinos: uerū ij non pertinent ad consiliū. Thesaurarius est, qui pecuniam omnem, & rationes à præfectis, & administris regionum bonorum, & prouentuum, atq; etiam tributorum publicorum exigit, & uel ipse administrat, uel thesaurario Regni tradit. Olim is Oeconomus fuit, seu procurator Marienburgēſis. Gladiferos singulos habent Culmenſis, & Pomeraniæ satrapiæ. Iudices nouem sunt. In Culmenſi quidem, & Marienburgēſi satrapijs singuli in Pomeranica uerò septem, nempe totidem, quod territoria. Sunt autem ea, Słouchouienſe, Tucholiēſe, Suecēſe, Derſauienſe, Zucouienſe, Puſcēſe, & Mirachouienſe. Habentq; singuli iudices in consilio scabinos iuratos aliquot. Præfecti arcium, & reddituum regionum in sua quisq; præfectura curam, & administrationem habent. Iurisdicctio nem nullam ferme habent, præsertim in nobilitatem, neq; in oppidanos amplam: in agrestes ampliorem. Solus Marienburgēſis, neq; reddituum regionum curam gerit, neq; in agrestes iurisdicctio nem habet: arci modò præest, eiusq; præsidio: quod perpetuum est. Cæterum constitutione quadam, ampliores is cæteris præfectis, & magistratibus prærogatiuas habet, uelut generalis locum tenens Regis in Prussia. Reddituum uerò, & subditorum regionum, & sartorum tectorum eius ipsius arcis curationem habet thesaurarius. Igitur primaria totius Prussiæ præfectura Marienburgēſis est: cui Polonus antiquitus præficitur. Nunc primus de Prussis, è Polonia tamen oriundus, ei præest uir uigilantissimus, & omni genere uirtutum ornatissimus, mihique amicissimus, Ioannes Costka, nuper,

Ordo Ecclesiasticus in Prussia.

Senatus, sine consilio Prussie.

Varmienſis, et Culmenſis episcopi.

Vladislauienſis etiam Pomeraniæ Episcopus.

Varmienſis Episcopi iuramentum.

Consiliarij Prussie ad Senatū Regni pertinent.

Palatinorum potestas.

Magistratus Prussici.

Thesaurarius.

Gladiferi iudices.

Pomeraniæ territoria.

Præfecti.

Marienburgēſis præfectus.



Ioannes Cost-  
ca palatinus  
Sandomirien-  
Præfectura  
Prussicæ.

Varmienfis  
dioceseos ius  
et prærogati-  
ua.

Canonicorū  
et Prælatorū  
Varmienfis  
creatio.

Episcoporum  
Pruss. designa-  
tio.

Magistratū  
Prussicorū cō-  
ferendorū ius.

Ciuitatū Prus-  
sicarum magi-  
stratus, et ad-  
ministratio.

Consules.  
Magistri ci-  
uium.  
Scabini.

Scultetus.  
Burggrauij ci-  
uitatum.

nuper, Palatinus Sandomiriensis à Rege Henrico creatus. Secundum hanc in eadem sa-  
trapia sunt hæ præfecturæ, Stumensis, Gneuenfis, Nouensis, & Stargardenfis, siue Stari-  
grodensis. In Culmensi, Brodniciensis, Grudētina, Radinensis, Golubensis, Rogoznen-  
lis, Brathianensis, Coualienfis, Copriunēfis: in Pomeranica, Slochouiensis, Suecensis,  
Tucholiensis, Dersauiensis, & Puscēfis. Torunensem uerò, Elbingensem, & Gdanensem  
præfecturas ciuitates ipsæ sibi regia indulgētia, & ex pacto uendicarunt, & per magistra-  
tus urbanos administrant. Episcopi cum collegijs suis suos, & ipsi habēt arcium atq; ter-  
ritiorum Præfectos, & Burggrauios, suosq; iudices, & aduocatos, & oppidanos magi-  
stratus. Habent & Cancellarios, & officiales suos in causis Ecclesiasticis uterq; Episco-  
pus. Habent enim utrāq; iurisdictionem, & amplissimam potestatem in suos. Varmienfis  
quidem episcopa in nulla cēsetur satrapia: uno autē, & non interpolato ambitu in modū  
principatus bona certis finibus peculiariter circumscripta, & arcibus atq; oppidis excul-  
ta habet: eaq; sic diuisa, ut duas partes Episcopus, tertiā collegium siue capitulū obtineat.  
In his utrūq; subiectam nobilitatem habent, & liberam iurisdictionem, ab omni Regionum  
magistratuum iurisdictione exemptam. Præterea pertinet etiā Elbingensis ciuitas cū suo  
territorio ad Varmiensem diocesim: quamuis iam aliquandiu hæretica labe infecta con-  
niuentibus regibus, & suffragantibus nonnullis magistratibus, ab ecclesiastica Episcopi  
iurisdictione sese subtrahere nitatur. Bartenæ quoq; terra, & Natangia ante 200 annos e-  
iusdem episcopi iurisdictioni subiectæ fuisse, & supra sex millia mansorum tunc Episcopo  
Varmienfi per fraudem, & iniuriam Cruciferorum detracta esse memorantur. Subditi e-  
piscopi, & collegij Varmienfis eodem, quo ceteri Prussi iure municipali utuntur. Sed ha-  
bent etiā peculiaria, inter se autem cōmunia instituta: quæ *Landtsordnung*, hoc est, terræ  
constitutiones uocant. Conuentus etiā communes habent. Ad eos autem nobilitas, ci-  
uitates, & sculteti cum liberis (de quibus postea dicemus) euocati, pro se quicq; binos, uel  
plures etiā ē singulis territorijs procuratores, siue legatos mittunt, ijs de rebus, quæ incon-  
sultationem ueniunt, cum Episcopo, & legatis collegij cōstituturos. Ceterū ea nobilitas  
omnis, & aduocatus, & ciuitates, præter iuliurandū, quo partim in Episcopi, partim in sa-  
cri collegij uerba iurant, nouo quoq; Regi, ac deinde decimo quoq; anno ei ipsi ex pacto  
fidem suam obstringunt. Tamen de 10 anno in desuetudinē abiit, sublata causa, hoc est,  
pacatis prorsus rebus Prussicis, & extirpato ordine Teuthonicæ militiæ. Iurant etiā sacer-  
dotes, quando certū aliquod sacerdotiū adipiscuntur: Primarij tamen, qui prælati, & Ca-  
nonici cathedr. appellātur, intra mensem, posteaquā in id collegiū cooptati sunt. Eos autē  
pontifex quidē max. creat, collegiū uerò unā cū Episcopo eligit alternis mensibus: ex-  
cepto Præposito, qui à Rege editur, siue præsentatur, ab Episcopo præficitur. Sed neq; is,  
neq; ceteri tres prælati locum, & suffragium habent in collegio, siue capitulo, nisi sint et-  
iam canonici. Culmensis Ecclesiæ collegium ad quatuor canonicos redactum est. Qui  
singuli à cæteris unā cum episcopo cooptātur. Ipse autem episcopus à solo rege designa-  
tur, à pontifice max. creatur. Ceterū Varmienfis ex pacto recentior ē quatuor canoni-  
cis indigenis à rege propositis, unus ab eius ipsius Ecclesiæ collegio deligitur: deinde hic  
quoq; a pontifice renunciatur, & confirmatur. Ac tum demū sacris pontificalibus ad  
præscriptum Ecclesiasticorum canonum initiatur. Magistratus terrestres in Prussia  
quoq; itidem ac in Polonia, à Rege creantur: iudex tamen ex aliquot à Palatino cum di-  
gnitarijs, & cætera nobilitate de confessu scabinorum delectis, ab eo editur: Scabini soli  
à palatino cum ceteris dignitarijs illius loci creantur. Sunt autem & Prussici magistratus  
omnes perpetui, præter præfectos: qui regis arbitratu mutari possunt, nisi beneficio ac di-  
plomate regio sibi prospexerint. Ciuitates à decurionibus, seu consulibus, & quidē Ger-  
manicæ linguae, & sanguinis (Polonos enim pro externis habent, & neq; ad artes mecha-  
nicas perdiscendas admittunt) reguntur: quorum non idem ubiq; certus tamen est nu-  
merus. Et ipsi ius habēt cooptandi, quos uolunt, in sua collegia, quoties uacat locus, eoq;  
maiorē sunt dignatione, & authoritate, quādo uolunt, & obsequentiore habent plebem.  
His præsent magistri ciuiū à decurionibus, ac de numero ipsorum delecti, & ipsi, itidē  
atq; decuriones perpetui, in primarijs quidem urbibus quaterni, in cæteris uerò oppidis  
bini, per uices annum gerentes magistratum. Habent item singulæ ciuitates iuratos iu-  
dices, siue scabinos, qui à decurionibus, siue consulibus leguntur: & ipsi autem perpetui  
sunt, nisi fortē in numerum consulum cooptentur. Neq; enim eundem consulum, & sca-  
binum esse licet, præter Elbingam, & Brunsbergam: ubi pars consulum loco scabinorum  
iudicia exercet. Ceterū unus ē consulibus eis præficitur, quem scultetum, uel iudicem  
uocant. Primariæ tres ciuitates etiā præfectos habent singulos, ut dudū memorauimus,  
quos uocant Burggrauios, & eos quidem annuos ferē. Qui tranquillitatis urbana, ac to-  
tius territoriij curam gerunt, causasq; priuatarū iniuriarū, & sanguinarias iudicant, & pro  
ijs mul-



ijs multas irrogant. Hunc solum Magistratum rex in ciuitatibus creat, sed nonnisi unum  
 ē sex, uel octo ē numero consulum eiusdem ciuitatis ab ipso collegio delectis, ijsdem autē  
 consules ex omni ciuium numero; Gdani quidem centū uiros, alibi uerò pauciores deli- *Capita mult-*  
 gunt, qui sint capita multitudinis, & quasi tribuni plebis: cum quibus cōmunicant non- *tudinis.*  
 nunquam consilia de republica, & ex ijs cognoscunt postulata plebis. Visantur enim coi-  
 tiones multitudinis, propter externorū omnis generis hominum frequentiam, ne quan-  
 do in seditionem erumpāt, ut nonnunquam factum est. Iudicia nobilitatis iudices terre- *Iudiciorum*  
 stres cum suis scabinis, præsidente palatino, bis quotannis exercent in certis oppidis. In, *ratio.*  
 famiæ tamen causa, & litatus controuersia, itidem ac in Polonia, ad regis iudicium perti-  
 net. A terrestribus iudicijs prouocatio est ad consiliarios Prussiarum: inde uerò ad Regem.  
 In oppidis uerò iudiciaria potestas ferè omnis est penes consules, exceptis paucis causis, *Iudicia urb. ma*  
 quarum mentionem dudum fecimus, & si quæ sunt aliæ ad Burggrauios, uel palatinos  
 pertinentes: sed eam ipsi consules, quod ad priuatum hominum inter ipsos controuer-  
 sias attinet, cum iurato iudicio, cuius mentionem dudum fecimus, communicant. Ab *Prouocationis*  
 eo uerò iudicio in primarijs quidem ciuitatibus ad consules ciuitatis cuiusq; in ceteris au- *ratio.*  
 tem oppidis ad consilium totius Prussiarum: inde porro utrinq; ad regem prouocatur. Rex  
 uerò de quibuscumque prouocationibus uilibet, & cum quibus uult, cognoscit. Plerunq; e-  
 tiam cognitionem delegat Cancellarijs, & iureconsultis. Alioqui priuatum neminem ē  
 Prussia regi euocare licet, exceptis ijs causis, quæ sunt fisci, & iudicij regij propriæ. Magi-  
 stratus terrestres iuxta ac urbanos euocat de ijs duntaxat, quæ in magistratu perperam &  
 præter officium suum egerint: uel, si mauult, consiliarijs Prussicis eas delegat, in comitijs  
 cognoscendas. Delegat etiam uel ijsdem, uel quibus uult, causas fisci sui, finium regundo- *Com. missaria*  
 rum cum suis bonis, ac diuidundæ inter fratres, & cognatos hæreditatis. Quasuis item a- *iudicia.*  
 lias ab alijs ordinarijs iudicibus per prouocationem ad se deuolutas. Comitibus bis quo- *Comitia Prus-*  
 tannis habentur in Prussia statis temporibus, Maio quidem Mense Marieburgi, Septem- *sica.*  
 bri autem extremo Grudenti. Ex iustis tamen causis ea quoq; loca mutari possunt. In ijs  
 comitijs à consiliarijs de Republ. in commune consultatur, siue ultro, siue ex præscripto  
 regio: de prouocationibus terrestrium, & oppidanorum iudiciorum cognoscitur: & o-  
 mnino iudicia uel à rege delegata, uel si qua sunt alia, exercentur. Cum ducalibus quoq;  
 Prussis, seu duces ipsius legatis nonnunquam Elbingæ ex fœdere, uel Marieburgi, con-  
 stituta certa die, conuentus habentur, & consultationes de legibus, & alijs rebus commu-  
 nibus, & controuersis. Non ita pridem in Prussia quoq; nuncij nobilitatis, & minorum *Nuncij.*  
 ciuitatum in comitijs adhiberi cœperunt, tributū sciscendi causa: cuius decernendi pote-  
 statē neq; rex, neq; consiliarij soli usurpant. Ad regni quoq; comitia nuncij nuper adeo  
 mitti cœperunt. Sciscitur autē cereuisiarium tributū plerunq; in usus publicos, uel in gra- *Tributū apud*  
 tiam regis: uocaturq; id uulgò cisa, uel accisa. Nonnunquam etiā de censibus, agris, do- *Prussos accisa.*  
 mibus, bonis, & facultatibus, estimatione facta, certa portio pensitanda decernitur. Var- *Varmiensiū*  
 mienlis Episcopi subditi nihil habent negocij cum comitijs. Solus ijs interest, & præest *libertas.*  
 Episcopus, ac deinde de ijs, quæ ibi constituta sunt, ad peculiare conuentum suorū refert:  
 de tributo præfertim. Nec temerè ij dissentire solent ab Episcopi sui, & conuentus Prussi-  
 ci sententia. Nihil tamen uetat, ipsos quoq; arbitrato suo, autoritate Episcopi, & Capitu-  
 li preunte, peculiares leges, & ut uocant, ordinationes sibi condere, tributumq; sciscere.  
 Quinetiam magistratus primariarum ciuitatum non rarò imperant ciuibus suis tributū  
 peculiare, & operas, aliq; onera in usus publicos urbium suarum, adhibitis capitibus ple-  
 bis. Portus maris tres habet Prussia, Regia quidem Gdanensem, & Elbingensem: quorum *Portus Prusa-*  
 hic in Habum lacum, illē rectā in mare procurrit: ducalis uerò Regiomontanū, siue Kœ- *sia.*  
 nixbergensem, quā Pregola fluuius in Habum influit. Atq; hic quidem cum portorijs, &  
 omni iurisdictione, & impendijs in ducis: duo uerò reliqui in ipsarum ciuitatum, quibus  
 adiacent, & magistratus potestate sunt. Verū is tamen, magistratus inquā, sine permis-  
 su, uel mandato regio claudendi, & aperiendi portus potestatem non habet. Quod de tri-  
 buto quoq; decernendo itidem nuper constitutum est. Quod ad bellū attinet, si qua uis  
 hostilis ingruat Prussiarum, domesticis, communibusq; plebi cum nobilitate uiribus depel-  
 litur. Ac nobilitas quidem cū proceribus equestribus militat, Sculteti item & liberi: (quos  
 ita uocāt, propterea quod & ipsi ab operis, & laboribus, quos rustici dominiis suis præ-  
 stant, gratuitam immunitatem habent, mediū quodammodo inter nobiles, & rusticanos  
 agricolas: ferunt tamen nonnulla onera extra ordinem) ciuitates equitatum atq; pedita-  
 tum suppeditant: rustici peditatum tantum. Hæc ante institutam coadunationem (que  
 necdū maturuisse uidetur) de Prussia, & in uniuersum de Polonia nobis σαφές ποιν, quod  
 aiunt, ἡ πόλις ὁ δὲ λαὸς sunt exposita. Quæ cum ciuibus nostris, tum externis non ingrata fo-  
 re speramus. Sic autem fiet, ut minùs peregrinentur in historia nostra.

Operæ



**O** Pereprecium nobis uisum est, coronidis loco hic adijcere nomenclaturas, & ordinem amplissimi Senatus Regij, quemadmodum in comitijs Lublinsibus ante quatuor annos constitutus est, & nonnihil ab antiquo (quem priore libro recensuimus) mutatus, posteaquam Lithuani sese cum Polonis penitus coniungere, & in unum Reipublicæ corpus coaluere. Qui tamen ordo non tam accuratè in confesso, quàm in dicendis sententijs, & ferendis suffragijs seruatur.

SENATORVM REGNI POLONIAE CVM CON-  
iunctis ei ditionibus dignitates, & ordo, secundum constitutionem  
Comitalem Lublinsensem, anno M. D. L X I X.  
editam.

*Archiepiscopi duo.*

Gnesnensis.  
Leopolienſis.

*Episcopi 13.*

Cracouiensis.  
Viladislauienſis.  
Vilnensis. } alternatim.  
Posnaniensis. }  
Plocensis. } alternatim.  
Varmiensis. }  
Luceoriensis.  
Præmislensis.  
Samogitia, siue Mednicensis.  
Culmenſis.  
Chelmenſis.  
Kiouienſis.  
Camenecensis.

*Palatini cum quibusdam alijs eximijs inter  
eos interfertis 35.*

Castellanus Cracouiensis.  
Palat. { Cracouiensis.  
Posnaniensis.  
Vilnensis.  
Sendomiriensis.  
Cast. Vilnensis.  
Palat. { Calisſienſis.  
Trociensis.  
Siradiensis.  
Castel. Trociensis.  
Palat. Lenciciensis.  
Capitaneus Samogitia.  
Palat. { Brestensis.  
Kiouienſis.  
Iuniuuladislauienſis.  
Russia.  
Volynensis.  
Podolia.  
Smolenscensis.  
Lublinsensis.  
Polocensis.  
Bellenſis.  
Novogrodensis.

†  
Palat. { Plocensis.  
Vitepscensis.  
Masouia.  
Polesensis, siue Podlascensis.  
Rauensis.  
Brescensis.  
Culmenſis.  
Mscislauienſis.  
Marieburgensis.  
Braslauienſis.  
Pomerania.  
Minscensis.

*Castellani maiores 30.*

Posnaniensis.  
Sendomiriensis.  
Calisſienſis.  
Voiniciensis.  
Siradiensis.  
Lenciciensis.  
Samogitia.  
Brestensis.  
Kiouienſis.  
Iuniuuladislauienſis.  
Leopolienſis.  
Volynensis.  
Camenecensis.  
Smolenscensis.  
Lublinsensis.  
Polocensis.  
Bellenſis.  
Novogrodensis.  
Plocensis.  
Vitepscensis.  
Czernenſis.  
Polesensis, siue Podlascensis.  
Rauensis.  
Brescensis.  
Culmenſis.  
Mscislauienſis.  
Elbingensis.  
Braslauienſis.  
Gdanensis.  
Minscensis.  
†  
*Castellani minores 49.*  
Sandecensis.

Medire



Medirecensis  
 Visliciensis  
 Biecentis.  
 Rogoznensis  
 Radomiensis  
 Zauichostensis  
 Landensis  
 Sremensis  
 Zarnouiensis  
 Malogostensis  
 Velunensis  
 Præmislensis  
 Calissiensis  
 Sanocensis  
 Chelmenis  
 Dobrinensis  
 Polanecensis  
 Præmentensis  
 Criuinensis  
 Czechouiensis  
 Naclensis  
 Rospiensis  
 Biechouiensis  
 Bydgostiensis  
 Brezinensis  
 Crusiciensis  
 Osuizeniensis  
 Camienensis  
 Spicimiriensis  
 Inouulodensis

Coualiensis  
 Santocensis  
 Sohaciouiensis  
 Varfauiensis  
 Gostinensis  
 Visnensis  
 Raciaznensis  
 Sieprencensis  
 Vissogrodensis  
 Ripinensis  
 Sakrocziemensis  
 Ciechanouiensis  
 Liuenis  
 Slonensis  
 Lubaciouiensis  
 Conariensis in Siradlensis Palatinatu  
 Conariensis in Lenciciensi  
 Conariensis in Iuniuuladislauiensis.

*Officiales Curia 10.*

Marescalcus Regni Poloniae  
 Marescalcus Lithuaniae  
 Cancellarius Poloniae  
 Cancellarius Lithuaniae  
 Vicecancellarius Poloniae  
 Vicecancellarius Lithuaniae  
 Thesaurarius Poloniae  
 Thesaurarius Lithuaniae  
 Marescalcus Curia Polonicae  
 Marescalcus Curia Lithuanicae.

*Finis librorum II. Martini Cromeri, de Situ, populis, moribus, magistratibus,  
 & Republica regni Polonici.*

**MATHIAE AMICHOV MEDICINAE DOCTORIS, ET CANONICI CRACOVIENSIS PRAEFATIO, in libros II. de Sarmatia Asiana atque Europea.**



**L**ICET multi fuerint qui orbem & partes eius descripserint, tamen utramq; Sarmatiam transilientes, nihil ferè de ea scripserunt, nisi quod quidam in genere de hac & illa mentionem fecerunt, sed adeò obscure, ut nihil certi hinc colligere possis, quibus figmenta multa & meras nugas immiscuerunt, dum ultra Sarmatiam ad oceanum Septentrionalem campos ponunt Elysios, ubi, scilicet, aura sit temperatissima, uita placidissima & perpetua, omni referta iucunditate: homines uero multorum seculorum confecti ætate & tædioso grauati senio, sponte sese in oceanum præcipirent, quo miseræ senectutis euadant molestias. Scripserunt quoq; illic reperiri terrænascentia ambrosia, succo prædulci & odore suauis, quibus homines quasi paradisi fructibus diu in uita conseruentur: itemque terram producere aurum in magna copia, & nutrire griphones, aues horribiles raptu uiuentes, quæ equum cum sessore in altum leuare queant, atq; aurum effodi & exportari prohibeant. Aiunt præterea illic solem & lunam, cæterasq; stellas perpetuo gyrantes & lucentes, dies temperatissimas & iucundissimas constituere. Verum hæc omnia conficta sunt, carentq; ueritate. Ponunt etiã moderni scriptores Tartarorum terribilem gentem indigenam esse Asianæ Sarmatiæ, & à seculo Scythiam inhabitantem, quum tamen constet eam esse gentem nouam & aduenticiam, à partibus orientis mutatis sedibus, paulò plus ab hinc trecentis annis Asiæ Sarmatiam ingressam, antehac uerò incognitam, quemadmodum ab initio huius libri indicabo. Sed & montes, Alanos, Hyperboreos & Rhiphaeos in orbe terrarum uulgatissimos in illis Septentrionalibus regionibus affirmauerunt, ex quibus nominatissima flumina originem trahere dixerunt, nempe Tanaim, Boristhenem maiorem & minorem, atq; Volham ingentem fluuium: sed quum id à uero alienum sit, hodierna do-



cente experientia, non sine causa reijcimus quidquid ueteres somniarunt de his montibus & fluminum originibus. Nam scimus & experientia didicimus prædicta tria flumina Volham, Tanaim & Boristhenem maiorem ex Moschonia originem ducere: minorem uero Boristhenem, quem Aristoteles Diaboristhenidem uocat, ex Rulsia superiori erumpere, & in maiorem Boristhenem transire. Montes autem Hiperboreos, Riphæos & Alanos scimus & uidimus illic non esse, nec dicta flumina ex eis, sed ex planicie terræ scaturire, id quod sequenti libro clarissimè indicabimus, nihil nisi quod uerum scimus & experti sumus scripturi. Immutata quidem sunt præfca regionum illarum uocabula, id quod alijs quoque accidit terris & habitationibus: sed nos ea intacta non præteribimus, indicaturi quid ueteres senserint, quibusque usi sint uocabulis, & in quæ hodie migrarint. Aperuit nobis rex Portugalliæ nauigationibus suis regiones Indicas & Aphricanas ad meridiem expositas, & rex Poloniae, qui Tartaris & Moscuitis confinis est, indices patefacit nobis per militiam suam plagam Septentrionalem cum gentibus, quæ ad oceanum Aquilonis sunt expositæ, & extenduntur in Orientem.

MATHIÆ A' MICHOV DE SARMA  
TIA ASIANA ATQVE EVRO  
PEA LIBER I.

De duabus Sarmatijs in genere.

CAP. I.



TRIQUIORES duas Sarmatias posuerunt, unam in Europa, alteram in Asia, sibi inuicem coherentes & contiguas. In Europiana sunt regiones Russorum seu Rutenorum, Lithuanorum, Moscorum & eis adjacentes, ab occidente flumine Vissæ, & ab oriente Tanai inclusæ: harum regionum gentes olim Getæ nuncupabantur. In Asiatica uero Sarmatia, nunc commorantur & degunt plura genera Tartarorum, à flumine Don seu Tanai ab occidente usque ad mare Caspium ab oriente contenta. Horum imperia, genealogiæ, ritus & mores, latitudoque terrarum, flumina & circûcirca adiacentia in subscribendis explanabuntur.

De ortu & aduentu Tartarorum.

CAP. II.

**A**Nno domini M. CCXI. apparuit grandis cometes in diebus mensis Maij, octo-  
decim diebus durans, & supra Poloucos, Tanaim ac Russiam gyrans, caudamque  
in occasum porrigens, & aduentum Tartarorum significans: unde sequenti an-  
no gens Tartarorum in illam diem ignota, occiso ut fertur proprio rege David,  
de submontibus Indiæ, confluentibus pluribus nationibus Septentrionis ad Poloucos ue-  
nit. Polouci siquidem fuerunt gentes secundum latus Septentrionale Euxini maris com-  
manentes, ultra paludes Mæotidis, quos alij Gothos appellant. Polouci autem lingua Ru-  
tenorum sonant & interpretantur uenatici seu rapaces, quia sæpenumero inuadentes eos  
spoliabant, & bona ipsorum rapiabant atque abducebant, quemadmodum & Tartari hi-  
sce temporibus faciunt. Itaque Tartaris ingredientibus, terras Poloucorum, postularunt per  
ambasiam, ipsos principes Rutenorum, ut uniuersis copijs & potentijs se adiungerent,  
quoniam par exitium & discrimen eos, sicut & Poloucos expectaret. Superuenerunt au-  
tem & Tartarorum nuntij denuntiantes ducibus Russiæ, ne immiscerent sese bello & ad-  
iutorio Poloucorum, sed potius exterminium eorum tanquam aduersariorum procura-  
rent. Russiæ uero immaturo usi consilio, nuntijs Tartarorum comprehensis & occisis, per-  
rexerunt exercitualmente Poloucis in adiutorium, terra marique uidelicet Mscislaus Roma-  
nouic cum militia Kionien. Mscislaus Mscilauic cum militia Halicien. Item cæteri duces  
Russiæ Vladimir, Rurikouicz: duces Cirneouien. & duces Smolnenses. Iunctique exerci-  
tui omnium Poloucorum peruenerunt in Protolce, & abinde singuli ascensis equis, uene-  
runt duodecim stadiis ad fluuium Kalcza, ubi iam Tartari castra metati fuerunt, & illico  
respirandi spatio non dato, Tartari in eos irruerunt, & contritis ac diffugientibus Polou-  
cis acies Rutenorum disiciuntur, plurimaque cæde peracta bini duces Mscislaus Kionien.  
& Cirneouien. captiuantur. Reliqui fugientes (abominabile dictum) à Poloucis socijs, per  
quorum terram fugam maturabant trucidabantur. Equites quoque propter equos, pedites  
propter uestes occidebantur, & in aquis suffocabantur. In illa ergo die Ruteni in pessimum,  
horrendumque inciderunt periculum, quale in terris Russiæ nunquam auditum est. Ea-  
que prima clades extitit, quam Ruteni à Tartaris pertulerunt. Mscislaus autem Mscilauic Hal-  
icien. dux dum ad naues fugiendo peruenisset, superatis fluuijs persequutionem Tartaro-  
rum ue-



rum ueritus naues abrupti præcepit, abindeq; fugax in Halic pauore & trepidatione ple-  
nus peruenit. Vladimirus aut Rurikouicz fuga & ipse saluatus in Kiou perueniens, sedē  
accepit Kiouien. Alia uerò omnis multitudo Rutenorū dum ad naues fugiendo peruenis-  
set, & eas abruptas offendisset, in mœrorem uersa, dum undas tranare non posset, fame cō-  
tabescens illic consumpta est præter paucos duces & aliquos eorum milites, qui in lembis  
fluuios traiecerunt. Præterea anno domini millesimo, ducentesimo, uigesimo octauo, in  
maxima multitudine Tartari Russiam ingredientibus, uniuersam terram Renefanska uasta-  
uerunt, ducem occiderunt, senes & impuberes necauerunt, reliquam multitudinem in ca-  
ptiuitatem abduxerunt, castra incenderunt. Iterum hyeme eiusdem anni uenerunt Tarta-  
ri in terram Susdalarum & ea uniuersa uastata, ducem Georgium & filios eius, pluresq; a-  
lios Susdalarum principes interfecerunt, castrum Rostou incenderunt, captiuos & præ-  
dam pro libito abduxerunt. Sequenti quoq; anno in Smolnensem & Cirnyecouien. regio-  
nes uenientes, eas crudelissima cæde, nulli ætati parcentes peruastauerunt, castra & fortali-  
ticia ex quibus duces & milites præ timore suggerant, incenderunt, & onusti captiuorum  
multitudine in terras suas redierunt.

De crudeli uastatione Poloniæ & Hungariæ per Tartaros.

CAP. III.

**P**ost prædicta, Tartarorum horrenda uastatio ex ordine narrationis subnectenda  
est. Anno domini millesimo, ducentesimo, quadragesimo primo, Tartari in Rus-  
siam uenerunt, & Kiou amplissimam urbem & metropolim Rutenorum magni-  
ficè constructam funditus deleuerunt. Habuit siquidem præfata urbs portas & *Kiou metropo-  
lis Russiæ.*  
turrez firmiter ædificatas, & aliquarum portarum tecta deaurata & splendentia, habuit &  
usq; nunc habet Metropolitanum de ritu Rutenorum seu Græcorum, plurimis Vladicis  
& episcopis à Danubio per Moldauiam, Valachiam, Russiam, & Moskouiam præsiden-  
tem, in Kiouia iam post destructionem non residentem. Habuit insuper ecclesias supra tre-  
centas ornatissimas, quarum aliquæ in campis inter uepres & arbuta in hanc diem per-  
manent, & stant desolatæ pro latibulis ferarum: ex quibus binæ ecclesiæ, uidelicet sanctæ  
Mariæ & sancti Michaëlis aliquas laminas tecti adhuc tenent deauratas, quas Tartari præ-  
datum uenientes, & inspicientes altim bassina uocant: altim bassina, id est, aureum caput  
habentes, quia partem tecti deaurati habent. Hac uerò tempestate in monte ubi olim ca-  
strum Kiouien. stabat, Lithuani domini illius loci, fortalitium amplum de roboribus & li-  
gnis extruxerunt & tenent. Itaque tota Russiæ cum sua metropoli & Podolia omniuaq;  
pessundata, Bathus Tartarorum Imperator uolens Hungariam ingredi, misit ducem Petā  
nomine cum magno exercitu uastatum Poloniam. Aiunt Poloni Bathum regem Tarta-  
rorum Poloniam, Slesiam, Morauiam uastasse: ueritatem tamen historia eorum, sicut & chro-  
nica Hungarorum referunt, Bathum non fuisse in Polonia, sed duces ipsius, qui trucidatis  
tyrannis & principibus Rutenorum, receptaq; præda, in oppidum Lublin & Zauichost,  
uicinijsq; eorum, reduxerunt eam in Russiam, festinanterq; redeuntes, expugnauerunt  
Sandomiriam cum castro. Illicq; occiderunt abbatem Pokrzyunien cum fratribus eius,  
& magnum numerum utriusque sexus nobilium & ignobilium uirorum ac matronarum  
ad conseruandum uitam Sandomiriæ collectorum. Inde exeuntes per Wisicam, in Skar-  
bimiriam uenerunt, & reuertebantur prædam deducturi in Russiam. Dumq; statua tene-  
rent ad fluuium Zarna, apud uillam quæ maior Thursko uocatur, irruit in eos Vlodimi-  
rus Cracouien. palatinus cum militibus Cracouiensibus. Vbi inter pugnandum omnis  
captiuorum multitudo diffugiens, in propinquas syluas se recepit: superati tamen sunt  
pauci à multis, Vlodimirus palatinus Cracouien. cum suis à Tartaris. Verum strage suo-  
rum perculsi, Tartari, per syluam Stremech in Russiam recesserunt, & in supplementum  
acceritis plurimis Tartaris cum fremitu & ira in Poloniam redierunt, & quia maximum  
exercitum habuerunt, ad Sandomiriam peruenientes, bifariam diuiserunt eum, minoreq;  
exercitum in Lancitiam, Siradiam & Kuiauiam destinarunt cum principe Cadano, quem  
Poloni Caydanum nuncupant, qui nullo obice apparente uastauerunt crudelissimè illos  
tractus cedibus atq; igne. Maior autem exercitus Tartarorum, cuius ductor fuit Peta Tar-  
tarorum princeps uersus Cracouiam iuit, omnem oram transitui propinquam, cæde &  
incendio peruastans. Occurrunt ergo ei in uilla Chmelik prope oppidum Sidlou. Vlo-  
dimirus palatinus, Clemens Castellanus Cracouien. Pacoslaus palatinus, Iacobus Racibro-  
uic Castellanus, Sandomirien. cum nobilibus & militibus Cracouiensibus & Sandomirien-  
sis. Et facto conflictu cum una turma Tartarorum, ipsaq; attrita pedem referente, & ad al-  
teram præstantiorem turmam se diuertente, Poloni certamine priori fessi, pauci à pluri-  
mis aduerso pectore confossi ceciderunt: reliqui uerò in fugam conuersi, per itinera nota *Polonorum  
clades.*  
euaferunt. Ceciderunt in eo conflictu desiderati Christinus Sulkowic de Nyedued, Nico-



laus Vitouic, Albertus Stanpotic, Zementa, Grampina, Sulislaus, milites strenui, & alij plures ualidi. Ex quorum strage tantus pauor irreplit, ut alij in alias regiones fugerent: agrestes uero cum pignoribus & pecoribus in paludes & syluas, & inuia se conderent. Sed & Boleslaus Pudicus dux Cracouiæ & Sandomiriæ cum Grzimislaua matre, & Kinga coniuge sua primum uersus Hungariam in castrum Pieninide propè oppidum Sandecz, postea uero in Morauiam ad monasterium Cisterciensium effugit. Tartari autem post cladem apud Chmelik peractam, Cracouiam in die cinerum peruenerunt, & eam uacuam hominibus inuenientes (omnes siquidem in abdita diffugerant) in ecclesias & domus incendio sauiuerunt. Ecclesiam uero sancti Andreæ tunc extra muros Cracouiensium extantem, uallantes oppugnabant, expugnare tamen non ualuerunt, quoniam pluribus Polonis magnæ ui & fortitudine se & sua illic defendentibus, irritò cœpto recesserunt, & in Vratislauiam perrexerunt, eam similiter ut Cracouiam desertam habitatoribus, sed & conflagrata habitationibus reperientes. Ciues enim Vratislauienses pauore consternati, ferè omnibus relictis, pretiosioribus duntaxat festinè raptis, fugam inierunt: quod gentes ducis Henrici de arce uidentes descenderunt, & opes cum uictualibus in arcem inducentes, urbem cum tectis eius flammis exusserunt. Et Tartari in urbe nil reperientes, castrum uallarunt, & post aliquot dies obsidionem soluentes (ut aiunt) orationibus & lachrymis Cessai prioris ordinis Prædicatorum & fratrum eius in castrum admissorum depulli, recesserunt. Interimque feria secunda paschæ Tartari qui Kuiauiam uastauerunt, superuenientibus simul iuncti in Leguiczam profecti sunt. Dux etenim Henricus secundus sanctæ Heduijs filius per illud tempus ibi collegerat gentes & armigeros, tam nobiles quam agrestes maioris Poloniae & Slesiae. Aduenerant & principes cum suis militibus Myeczlaus Kazimirides dux Opoliensis, Boleslaus filius Depoldi marchionis Morauiae expulsi, qui Syepiolka cognominatus est, & Pompo de Holsterno magister cruciferorum de Prussia cum fratribus sui ordinis, insuper & cruci signati plures. Quumque ex oppido Legnice duceret agmina, & ea obequitaret, lapis de summitate ecclesiae beatæ Mariæ decidit, parumque absuit, quin caput ducis Henrici diriperet, quod reuera infaustum omen fuit. Suburbana itaque oppidi Legnicensis prætergressus, quatuor acies instruxit & ordinauit. Primam de cruce signatis uoluntarijs, & de auri fossoribus oppidi Goltberck, alijsque peregrinis militibus: hanc Boleslaus Syepiolka filius marchionis Morauiae ducebat. Altera acies fuit militum Cracouiensium & maioris Poloniae, hanc Sulislaus frater Vlodimiri olim palatini Cracouiensis circa Chmyelik occisi ductitauit. Tertiam aciem gubernauit Myeczlaus dux Opoliensis, in qua erant milites Opolienses, & Pompo magister Prussiae cum fratribus & militia sua. Quartam aciem ipsemet dux Henricus ex præstantioribus militibus Slesiae, & maioris Poloniae, ac pretio conductis militibus rexit. Totidem erant Tartarorum agmina, sed robore & frequentia pugnatorum præstantiora, ita ut unum agmen eorum omnia Polonorum agmina excederet. In campo igitur qui Bonus campus dicitur, porrecto, & in omnes partes lato uterque exercitus quinto idus Aprilis, aliàs feria secunda post octauas paschæ conuenit. Primumque cruce signatorum & aurifossorum exercitus cum Tartaris magno impetu congressus, uelut teneræ aristæ à grandine percussæ, à sagittis Tartaricis obritus est. Deinde duo agmina sub gubernatione Sulislai militis, & Myeczlai ducis Opoliensis consistentia, pugnare cum tribus Tartarorum agminibus ingressi, ualidam in Tartaris stragem ediderunt, ita ut pedem referrent, & fugam inirent. Quidam autem celerrimo cursu circa utrumque exercitum discurrens, terribili uoce clamauit. Byegayce byegayce, quod sonat, fugite fugite, Polonis terrorem incutiens. Quam uocem Myeczlaus dux Opoliensis audiens, deserto prælio fugit, & secum magnam partem militum traxit. Quod uidens dux Henricus, ingemiscens dixit, Gorze se nam staio, id est, peius & moleste nobis accidit: inducensque suam quartam aciem fortissimorum militum, tres acies Tartarorum à duabus aciebus Polonorum disiectas prostrauit, & in fugam conuertit. Quarta autem acies Tartarorum, & maior omnium cum suo duce Peta superueniens, horribili impetu bellum intulit, & bellum acerrimum inter utrosque durauit, magnaque ex parte Tartaris cecis, & in fugam spectantibus, quidam Tartarorum uexillifer ualde magnum ferens uexillum, in quo chiliter Graeca depicta erat, talis X, & in summitate hastilis imago teterrimi & nigerrimi coloris cum barba proluxa, coepit incantando fortiter caput imaginis quatere, ex quo illico fumus & nebula horrendi & intolerabilis foetoris in Polonos diffusa est, ut penè exanimati, & inualidi ad bellum redderentur. Clamore itaque horrendo eleuato, in Polonos Tartaricus exercitus conuersus, acies eorum quæ interim integræ erant, dirupit, & eas magna strage affecit. In qua dux Boleslaus filius marchionis Morauiae dictus Syepiolka, & Pompo magister crucisignatorum de Prussia cum multis insignibus militibus necati sunt. Dux uero Henricus corona à Tartaris circumfusus est, ut à tergo & fronte cederetur, iamque suis omnibus



omnibus una pugnantis prostratis, ad extremum circa eum non nisi quatuor milites uersabantur. Sulislaus frater olim Vlodimiri palatini Cracouiensis, Clemens palatinus Glogouiensis, Conradus Konrathouicz, & Ioannes Iuanouicz, qui quanta potuerunt ui & conatu principem Henricum ex praelio educentes, ad fugiendum disponebant: sed ducis equus fauciatus subsistebat. Tartari igitur ne Henricus euaderet, ueloci cursu consequuntur cum tribus praefatis militibus, quarto Ioanne Iuanouicz ab eis segregato uallauerunt, cum quibus aliquanto tempore decertabat: Ioannes uero Iuanouicz equum recentem a Rocislao aulico ducali receptum, penetratis hostium cuneis duci administrauit. Quo ascenso dux sequebatur Ioannem Iuanouicz, uiam per medios hostes ei parantem. Ipse quoque in cursu uulnerato, & euadente, dux Henricus intercipitur, & tertio circumuallatur: dumque audacissime contra Tartaros dimicaret, & manu sinistra eleuata, Tartarum sibi obuium feriret, ab altero Tartaro lancea sub ascella transfixus, ex equo demisso brachio moribundus defluxit: quem Tartari ingenti strepitu inconditarum uocum facto capiunt, & extra locum certaminis quantum esset geminus Balistae iactus pertractum, framea caput absciderunt, corpusque insignibus omnibus despoliatum nudum reliquerunt. Occisa est in eo praelio multitudo nobilium Poloniae, inter quos clari & insignes fuerunt Sulislaus frater Vlodimiri palatini Cracouiensis, Clemens palatinus Glogouiensis, Conradus Konrathouic, Stephanus de Virbna, & Andreas filius eius, Clemens filius Andreae de Pelznica, Thomas Pyorkouic, Petrus Kussa & caeteri. Corpus ducis Henrici post cladem in sexto digito sinistri pedis uix cognitum, & repertum per Annam coniugem eius in medio chori ecclesiae sancti Iacobi apud fratres minores Vratislaviae sepultum est. Pöponius uero magistri Prussiae, & militum insigniorum supra expressorum, in eodem monasterio sancti Iacobi Vratislaviae corpora tumulata sunt. Boleslai autem filij Marchionis Morauiae funus in Lubens in choro conuerforum humatum est, super caetera corpora fidelium in loco praelij sepulta, Ecclesia in hanc diem durans constructa est. Maxima uictoria de duce Henrico & Polonis Tartari potiti, lectis spolijs unicuique interemptorum unam auriculam absciderunt, & nouem saccos grandes ad sciendum numerum occisorum repleuerunt. Ducis autem Henrici capite in longiori hasta erecto ad castrum Legnicz (oppidum enim metu Tartarorum exustum fuerat) applicuerunt, mandantes ut duce eorum occiso, castrum eis aperirent. Castrensibus conuenienter respondentibus, quod pro uno duce occiso plures duces filios occisi haberent. Illi uero circa Legnicz uastatis & incensis uillis in Othmuchou se receperunt, ubi quindecim diebus statiuam continuando, omnem regionem per circuitum uallauerunt. Exinde Ratiborien. oram adeuntes, in Bolesisko octo diebus commorati, in Morauiam secesserunt, & Venceslao rege Bohemiae in castris se continente, eam plus quam uno mense incendijs & caedibus uastauerunt: ab Olomunc septimis castris in Hungariam peruenerunt, & maiori hordae ipsius Bathi quae Hungariam intrauerat sese confociauerunt.

*Nobilium Po-  
lonorum stra-  
ges.*

*De cruenta uastatione Hungariae per Bathi imperatorem Tartarorum.*

CAP. IIII.

**B**Athi uastata & ad nihilum redacta Russiæ, Hungariam cum quinquies centum millibus ingredi contendebat. Resistentem ergo inter montes Sarmaticos, & in clausa dicta Russiæ introitum prohibentem, comitem palatinum Hungariae a Bela quarto rege Hungariae cum gentibus missum praefatus Bathi obruit & expugnauit, festinanterque exurendo oppida & uillas ad Titiam fluium qui uulgariter Cisa appellatur, ex montibus Sarmaticis uersus meridiem in Danubium fluentem peruenit. Et exinde gentes Tartarorum excurrentes, Vatiæ cum sua cathedrali ecclesia uastauerunt & incenderunt. Ad Pest quoque ubi rex Bela quartus exercitum contra Tartaros colligebat, ibant & redibant, aliquando appropinquando, nonnunquam uero fugiendo, prout est mos pugnandi Tartaris. Quumque copiosum exercitum, tam ex nobilibus quam spiritualibus rex Bela coadunauerat, aduersus Tartaros procedens ad fluium Titiam applicuit, & castra metatus est, adhibitaque custodia mille armatorum ad pontem, putabat Tartaros non transire fluium, quoniam altus est, limosus multum, & impermeabilis. Tartari autem qui multo maiores fluuios transierant, inuento uado Titiam noctu transnatarunt, & in aurora exercitum Hungarorum cum Bela rege eorum undique circumdederunt, missisque densis, & quasi infinitis sagittis, uelut quum grando nebulosus ac densus cum fragore descendit, Hungaros perturbauerunt, multos occidendo, plurimos uero uulnerando. Hungari ergo ueluti impræparati, & absque ordine contrauenientes cadebant. Quod alij uidentes, meticolosi clam discedebant & fugiebant. Tartari uero tanquam astuti, linebant eos per medius sui transire. Vnde Colomannus frater regis sic, & rex Bela quartus tanquam ignoti euase-

I 3 runt.



runt. Reliquos uerò conclusos Tartari crudelissimè ad unum necauerunt. Inter quos spiri-  
rituales maiores ceciderunt, Mathias Strigoniensis archiepiscopus, Vgolinus Colocen.  
archiepiscopus, Georgius episcopus laurien. Reynaldus episcopus Transsylvanien. & ec-  
clesiæ Nitriensis episcopus, Nicolaus Scibinien. præpositus Vicecancellarius regis, Eradi-  
us archidiaconus Bachiensis, magister Albertus Strigonien. archidiaconus. De alijs autè  
secularibus nobilib. & ignobilibus ferè infiniti occisi sunt: & qui fugerāt cōsequeuti in uis  
necati iacuerunt. In Pest etiā multi plebani collecti in ore gladij superuenientib. Tartaris  
perierunt. Rex autè Bela quartus properè fugit ad metas Austriæ, ubi captus & detētus fuit  
per ducē Austriæ: tandem dimissus ad reginam coniugē suam perueniens, secessit in Scla-  
uoniam, illic usq; ad persequutionem Cadan cōmoratus. Vastata itaq; Hungaria ex una  
parte Danubij, in hyeme proxima gelato Danubio in partem alterā penetrauerunt, & se-  
des inter Iaurinum & Strigonium fixerunt, ubi in hanc diem fossæ & tumuli habitationis  
eorum cernuntur. Ex quo loco præfatam trans Danubium regionem spolijs, incendijs &  
occisionibus crudelissimè affligerunt. Quumq; in Tartariam secedere proponerent, diui-  
so exercitu, princeps Cadan aduersus regem Belam in Sclauoniam diuertit. A cuius facie  
terrītus rex, ad mare, tandem ad Polam ciuitatem fugit. Cadan autem quemadmodum  
cum Bathi constituerat, pertransitis & uastatis Bosna, Seruia & Bulgaria substitit circa Da-  
nubium, donec chorda Imperatoris Bathi superueniret. At Bathi post discessum Cadan ual-  
lauit & expugnauit Strigonium urbem, illa tempestate nobilem, cuius incolæ erant uarij  
mercatores, Almani, Gallici & Italici: & quia thesauros quos Tartari expetebant in terra  
suffoderant & occuluerant, idcirco omnes necauerunt, nulli sexui, nulliq; ætati parcentes:  
destructaq; Strigonio, secus Danubium transeuntes ad exercitum principis Cadan ope-  
rientem & expectantem peruenierunt. Tandem iuxta paludes Mæotidis uia priori in Tar-  
tariam abierunt. Tempus autem quo Tartari Hungariam affligerunt, & multimodè ua-  
stauerunt, erat ferè biennium.

*Quomodo Innocentius papa quartus misit ad Cham Tartarorum, ne Christianos persequeretur: & quomo-  
do fidem Mahumeti suscepit. CAP. V.*

**D**iscedentibus Tartaris tota Europa contremuit, & principes Christianorum ti-  
more perculsi, ne redirent consulebant inuicem. Innocentius quoq; papa quar-  
tus ex consilio Lugdunen. fratrem Ascelinum ordinis prædicatorum cum plu-  
ribus fratribus eiusdē & aliorū ordinū ad eos misit, anno domini M. CCXLVI.  
qui per Almaniā & Bohemiam in Vratislauriam uenit, exceptusq; & ueneratus est à Bo-  
leslao Slesiae & Vratislauriae duce. Exinde transiens ad Lancitiam peruenit, à Conrado du-  
ce Mazouie cum suis, relictus et hospitatus. Dehinc ad Cracouiam deductus, à Boles-  
lao pudico, genitriceq; eius Grimislaua, & à Prandotha ordinario loci benignè suscepti  
& habitati sunt, pluribus pellib. subtilibus prouisi, supra id quod proprio ære potuerunt e-  
mere, quoniam principes Tartarorum sine munere adire nephas est. Tulit autem fortuna,  
ut esset apud Boleslaum pudicum principem Cracouiae atq; Sandomiriae, Vasilko prin-  
ceps Rusiae, nepos matris suæ: huic itaq; cōmendati, in Rusiam per ipsum deducti sunt:  
ad Kiouiam uerò uenientes, equos acquisiuerunt pro conditione terrarum Tartarorum  
ualescentes, qui pedibus aquam & pabulum sub niuib. sibi quærent. Tandem ex Kiou  
procedentes, plures duces Tartarorum pertransierunt donec ad Cham seu Imperatorem  
Tartarorum applicuerunt. Cui legatione domini Papæ Innocentijs quarti exposita, postu-  
lauerunt ut deum uniuersorum agnosceret atq; coleret, & eum quem misit Iesum Christū:  
utq; gentem Christianam crudeli nece, quemadmodum fecit in Polonia, Hūgaria & Mo-  
rauiā non perderet. Et accepto responso, quod Cham per quinquennium gentem Chri-  
stianam non inuaderet, per eandem uiam ad dominum apostolicum cum literis Imperato-  
ris Tartarorum redierunt. Habes in speculo historiali Vincentij libro XXXII. hanc hi-  
storiā, quam cautè legas necesse est, quoniā in aliquibus superstitiosa est. Post discessum  
legatorum Christianorum superuenerunt legati Saracenorū, persuadentes Tartaris, ut se-  
ctam & fidem Mahumeti acceptarent, tanquā faciliore & tolerabiliore, uoluptatibus ple-  
nam, uirisq; belligeris competentiore, Christianorum autem religionem confutando  
dicebant esse otiosorum, imbecillium, & idololatrarum imagines colentiū: Saracenorum  
uerò legem multis utilitatibus atq; uoluptatibus refertā, & cæterarum religionum ui & ar-  
mis expugnatricem, ut superbos debellaret, humiliatis uerò tributum constitueret. Placu-  
it barbaris & ipsi primum Imperatori Bathi & omnibus Tartaris, tanquam uiris cordatis  
audacibus & sensualibus persuasio Saracenorum, ideo illam & non alteram susceperunt.  
Et quum dicant Eissa Rocholla, id est, Iesus est spiritus domini: Mahumet uerò Rossolai,  
id est, Mahumet est iustitia dei, noluerunt spiritum dei Iesum benedictum spiritualiter ui-  
uere do-

*Vincentij histo-  
ria fabulosa.*



Vere docentem acceptare: sed iustitiam dei, hoc est Mahumet carnaliter & tanquam bestiam sensualem in spurcitijs uolutantem, ab omnipotenti deo iuste in lacu pœnarum die ac nocte cruciandam amplexati sunt. Itaq; ex tunc uelut & nunc Mahumetum uenerantes sequuntur. Pentateucho Moyli obediunt, circumciduntur, & legalia obseruant, campanis carent: se quotidie lahi illo illoloh, quod in Latino sonat: Non est deus nisi unus deus, clamant. Ingenue se profitentur Ismaelitas, quia de Ismael ortos: Christianos uerò dzintis, id est, paganos, & gaur, id est, infideles, & sine religione appellant. Celebrant uelut alij Saraceni, tria in anno festa, primum kuiram, id est, oblationis pasca in memoriam oblationis Isaac, quando Abraam multarum gētium pater præcepto dei ipsum necare & offerre proposuerat. In isto festo offerunt arietes, aues, alites &c. Aliud festum colunt pro animabus, tunc uisitant sepulchra suorum maiorum, operibus misericordiæ insistant, & alunt pauperes. Tertium festum agunt pro se suaq; salute. Pro primo festo ritè peragendo triginta diebus ieiunant, pro altero uno mense, pro tertio duodecim diebus.

*De moribus Tartarorum, & de contentis in terra eorum. CAP. VI.*

**T**artari sunt homines ut frequenter staturæ mediæ, pectore, & scapulis ampli, facie lati, naso simi, colore tetri & deformes, robusti uirib. & fortes, famē, frigus & æstū facillè patientes: equitatu ab ineunte ætate & arte sagittadi gaudentes. Omnia sua secū ducunt, uagi & instabiles loco, cū uxoribus pueris atq; pecorib. in cāpis degūt. Ciuitates, uillas & domos non habent. Pro hyeme ad releuandū à frigore, ad mare Caspiū diuertūt, quoniam illic ratione maris tēperie aeris inueniunt. Ad æstatem in suā regionē redeūt. Aliqui eorū unam porcā, duas, tresue in longū per iugera tria, quatuor & ultra sulcant, arāt, & milio seminant, inde cibos & bairā, id est, pastas faciunt. Non habēt frumentum, nec aliquod aliud legumen, pecora & pecudes plurimas tenent, præcipuè caballos & caballas pro equitatu & uictu ualentes. Incidunt & uulnerant equos, cruoremq; & per se, & cū milio uorant: carnes pecudū, pecorum & equorum comedunt etiā semī crudas. Caballos pridie tum sponte, tum morbo mortuos exciso loco apostemato perlibeter comedunt. Bibunt aquam, lac, & ceruissiam ex milio coctam. Aquam Turchi & Tartari uocant Su: interdū Tartari dicunt Suha, id est, aqua. Ceruissiam autē miliarē seu ex milio factā, buzā nominant, eandē Ruteni Bracha uocant. Laudant lac, præsertim komiz, id est acetosum, eo quod stomachū eorū confortet, & medicinam purgatiuā faciat. In conuiuijs & cum hospitibus aduenisq; bibunt Araka, quod est lac sublimatū, quod mirabiliter & cito inebriat. Non furantur, neq; fures inter se patiuntur, rapto tamen uiuere uicinos spoliando periucundum & deificum est apud eos. Nō sunt artificia inter eos, nec pecuniæ, sed res pro rebus commutant. Verum in horda Zauolhensi, inceperūt aspros, id est, argēteos obolos Turcorū accipere & tenere. In horda uerò Prekopen. ducatos acceptant. In horda Nohaiska res pro rebus dant, uasri & perfidi sunt exteris, sibi inuicem uerò & suis omnibus fidelissimi. Indumenta sæpenumero ex filtro & lana alba grosse & planè facta gerūt. Oponce plurimum diligunt, in expressione huius nominis præponūt literā, i, ioponce, & nō oponce nuncupantes, & est palliū album spissum inconlute pro imbribus & fluuijs benè utile. Terra eorum terra plana & absq; montibus, absq; lignis & arboribus, graminibus duntaxat abundans. Vias non habent, neq; nauigia, sed per dies iter suum computāt, ut terra Zauolhensium Tartarorum citissimæ equitationis, à flumine Volha ad mare Caspiū est quasi triginta dierū: equitant una die uiginti milliaria magna Germanica, pedib. non gradiuntur nec itinerant. Feræ apud eos reperiuntur, cerui, damæ, dorcæ, & snak, quod est animal quātitatis ouis, in terris alijs non uisum, lana griseum, duo parua cornua habens, cursu uelocissimum, & esus carniū eius suauissimus. Et dum grex snak in aliquo campo inter gramina cōspicitur, Cham seu Imperator Tartarorum cum suorum multitudinem equestres uadunt, & omniuaq; circundant in altissimis graminibus delitesceres. Dumq; tympanis incipiunt sonare, tunc snak tāquam metu percussæ, rapidissimè hinc atq; illinc ab una parte circumstantium ad alteram procurrunt, & iterum atq; iterum decursando uadunt, usquequo fatigati deficiant, tunc irruentibus Tartaris cūm, clamore occiduntur.

*De finibus & metis Tartarorum Zauolhensium. CAP. VII.*

**C**lauditur terra Chā & Tartarorū Zauolhensīū ab ortu solis mari Caspio seu Hircano. A' Septētrione cāpis longissimè, latissimèq; protēsis. Ab occasu fluminibus Tanai & Volha. A' meridie partim mari Euxino seu Pōto, partim altissimis montibus Iberiæ & Albanæ. Mare Caspiū uocant Ruteni Chualens ke more: & est mare non ab Oceano, sed à fluminibus illic defluentibus congestū. Fluunt multa ac



Tartari crini-  
ti.

Don flu.

Edel flu.

magna flumina in aluearium illius maris, de ripis altis impetuosè & quasi per saltum ex alto in medium decidentibus, & iuxta ripas sub ipsas transeuntibus iter præbentibus. Vnde fit ut ibi in æstate à Persis & Medis refrigerium quærat: & in hyeme ratione euaporatio-  
 nū temperies cōflatur. Iuxta illud mare & post ad orientē, ut Ruteni proferūt, sunt Tartari criniti, quos Tartari Calmuchī & paganos nūcupant, quoniam ritū Mahumeticū non cō-  
 lunt, nec crinis capitis abradunt, quemadmodū Tartari oēs radunt, præter adolescentes, q-  
 rafa coma binos radios crinū ab aure dextra, & alium à sinistra usq; in brachia prominen-  
 tes, in signum innubilitatis aut uirginitatis relinquunt. Ab occasu sunt flumina Tanais &  
 Volha. Tanaim Tartari Don appellāt, qui secundū fontes suos ex ducatu Resensco à du-  
 ce Moscouiæ occupato, uersus septentrionē fluit. Post flectitur in meridiē, & tribus ostijs  
 paludes Meotidas ingreditur: imò ipse paludes Meotidas causat. Sunt iā circa Tanaim ar-  
 bores, pomaq; et alij fructus: sunt & mellificia quercina nonnulla, & pauciora de pino. In-  
 de est quod Tartari sanctū Don dicunt: quia iuxta illū, uictum ex fructibus, melle & pisci-  
 bus reperiunt. Volha fluuius Tartarice Edel nuncupatus, ex Moscouia profluit, ex fontibus  
 septentrionalibus & occidentalioribus quā Tanais: qui quum ad septentrionē flu-  
 eret, longo Tanaim circūiēs interuallo, deflectitur in orientē & meridiē, & uiginti quin-  
 q; ostijs seu fluminibus in mare Euxinum delabitur. Distat Tanais à Volha quin-  
 q; hebdomadarum itinere, ad minus ueloci cursu trium hebdomadarū equitatione, uel plus. Et est  
 Volha triplo maior quā Don. Viginti quin-  
 q; aut partitiones, seu particularia flumina ipsius Volhæ sunt magna: minora autem ex eis sunt tanta, quantus Tyberis Romæ, aut  
 Vissa post Cracouiam. Sunt multū pisciosi præfati fluuij, ita quod framea Tartari, cæteri-  
 q; transeuntes in ripa stādo pisces cū aqua decurrentes secant & tollant. Est iuxta hos fluuios  
 Tanaim & Volna air, id est, calamus aromaticus, qui & brostuorse dicitur, in maxima co-  
 pia Ibidē reuponticū, quod Tartari nominant cinireuent, crescit: & cinireuent nomen est  
 Persicū. Itē cucilabuca, uel ut alij exprimūt hilcabucha: & in Latino sonat oculus cornicis:  
 & est multæ calefactionis. De ortu horū fluminum Don & Edel, quum de Moscouia tra-  
 ctauero clarius dicam. Quoties aut Tartari Zauolhenses in terras nostras spoliatū ire ua-  
 dunt, & per hæc & alia flumina absq; nauigio, alligatis sarcinis desuper, coniugibusq; &  
 pueris in dorsis equorū sedentibus, ipsimet caudas caballorū tenentes transnātant, & rapi-  
 nas, crudelitatesq; plurimas inferunt. Ad meridiē uersus mare Caspium sunt mōtes Iberie  
 & Albania, quos Rutenia gēte Piasihorsci Circaci, quasi quinque montani Circaci uocāt.  
 Inter illos siquidē montes sunt Gazarorū gentes, quas ut Morauica Legenda depromit,  
 sanctus Cirullus & Metudius fratres, per Michaēlem imperatorem Constantinopolitanū  
 missi, ad fidē Christi conuerterunt, & usq; nunc fidem & ritum Græcorū profitentur: sunt  
 homines bellicosi, in tota Asia & Aegypto acceptabiles. Apud hos Tartari Zauolhenses  
 tela comparant. Verum hac ætate Græci illas gentes Abgazari & Abgazeli nominant, et  
 uicinæ iuxta illos sunt gentes Circasi & Mengrelli, oēs de ritu Græco per beatum Cirul-  
 lum in fidem Christi reducte. Inde sanctus Cirullus rediens ex mari Euxino seu Pōtico (in  
 quo omnipotens deus mirabilis & gloriosus in sanctis suis, dederat habitaculum & eccle-  
 siam marmoream per manus angelorum sancto Clementi structam, quam singulis annis  
 in festo sancti Clementis & septē diebus, mari recedente & siccato, securē circumfusi inco-  
 læ aggrediebantur, sanctum dei uenerando, collendo & extollendo) sustulit corpus sancti  
 Clementis, & in Morauiam prædicaturus Christum dominum secum tulit & asportauit.  
 Deinde Romam euocatus, & per papam Nicolaum citatus, prædictum corpus sancti Cle-  
 mentis Romam detulit, & in ecclesia sancti Clementis honorifice deposuit. Ipse Cirullus  
 cum Metudio fratre in eadem basilica beati Clementis Romæ sepultus: sed non reperta ossa  
 illorum, quantum liber summè desiderata in eadem basilica quæsit. Ex montibus Circas-  
 forum piacihorski, seu quinque montium fluit magnus fluuius Tirk in Tartarico nuncu-  
 patus, rapidissimo cursu lapides secum uoluens, & multos pisces, in mare Caspium deflu-  
 it. Post hunc ex eisdem montibus fluuius Cohan, minor quā Tirk, in prænominatum  
 mare Caspium descendit.

De genealogia imperatorum trans Volham incolentium.

CAP. VIII.

Horda.

**Q**uatuor sunt hordæ Tartarorum, totidem imperatores eorūdem, scilicet horda  
 Zauolhensium, horda Precopensium, horda Cofanensium, & quarta horda  
 Nohacensium, quintamq; addunt quæ imperatorem non tenet, & nuncupant  
 eam Cazacca: de his inferius dicetur. Horda in Tartarico multitudinem si-  
 gnificat. Principalis ergo horda est Czahadaiorum siue Zauolhensium,  
 quæ Tak Xi, id est, capitalem hordam, uel homines principales & liberos sese nomi-  
 nat, tum quia nulli subiicitur, tum quia ab ipsa cætera hordæ propagatæ sunt. Ob hoc &  
 Mosco.



Moscouitæ magnam hordam Zauolhensium hordam appellant. Inde etiam imperator eorum Ir Tli Xi lingua ipsorum, hoc est, liber homo dicitur. Dicitur & Vlu cham, quod sonat magnus dominus, siue magnus imperator: ulu enim magnus, cham uero dominus & imperator est. Eundem aliqui magnum canem dixerunt, & male interpretati sunt: quia Vlu cham non significat magnum canem: cham etenim cum aspiratione dominum & imperatorem: & cham sine aspiratione cruorem & nunquam canem sermone Tartarorum designat. Produunt itaque & referunt Tartari, quod quædam uidua concepit & peperit filium nomine Cinkis, & quum filij ipsius tanquam adulteram necare uoluerunt, finxit & excusauit se non ab homine, sed à radijs solis concepisse. Cui figmento filij credentes matrem liberam dimiserunt. Natus ergo eius Cingos uel Cinkis, homo fortis humilis, creuit in uirum magnum & fortem: & is fuit primus propagator & sator imperatorum Czahadaiorum seu Zauolhensium. Huius filius fuit Iocucham gentilis & paganus. Iocucham genuit Zaincham tertium imperatorem, qui in orbe terrarum, & maxime in Polonia, Hungaria & Russia dicitur Bathi. Iste destruxit Gothiam & Russiam, & uastauit Poloniam, Slesiam, Morauiam & Hungariam, prout à principio dictum est. Idem Bathi fuit gentilis primum: tandem sectam Mahumeti persuasus cum Tartaris suscepit, quam in hanc diem tenent & sequuntur. Quartus imperator ex Bathi genitus fuit Temir Cutlu, & interpretatur ex Tartarico felix ferrum: temir felix, & cutlu ferrum: erat siquidem felix & bellicosus. Iste est ille Tamerlanes in historijs celebratus, qui totam Asiam uastauit, & usque ad Aegyptum pertransiit. Iste imperatorem Turcorum Pesaitem primum conflixit, & captiuatum catenis aureis alligauit, & post in breui dimisit. Iste habuit exercitum duodecies centena millia. Fuit & alius princeps Tartarorum eo tempore Acsac Cutlu, quod in Latino sonat claudus, uel claudum ferrum: quoniam claudus erat, sed ferox. Is multa bella feliciter gessit, & ciuitatem magnam in terra Czahaidi, id est, Tartarorum Zauolhensium, nomine Cumumedezar expugnando desertauit, & in solitudinem redegit. Stant domus illius ciuitatis muratæ uacua, & ecclesiæ olim Gothorum trecentæ in ritum Mahumeticum & Mesquitas absque habitatoribus redactæ. In castro illius ciuitatis sit sepultura imperatorum Zauolhensium. Quintus imperator ex Temir Cutlu progenitus fuit Temir Czar. Iste dicitur, per Vitoldum ducem Lithuanie & Vladislaum regem Polonie in auxilium contra cruciferos Prusie euocatus fortiter pugnans ferro occubuisse. Sextus imperator ex Temirczar genitus fuit Macmetczar. Ex isto genitus est Achmetczar septimus imperator & achmet sermone Tartarorum exponitur componibilis. Achmet genuit Sziachmet octauum imperatorem. Sziachmet sonat quasi religiosus achmet: & Tartari cognominant ipsum Siachmet, quod est martyrizatus Achmet: quia per Lithuanos captus detinetur, in Couno incarceratus, iste euocatus per Albertum regem Polonie, & per Alexandrum magnum ducem Lithuanie in solatium contra Mendligeri imperatorem Precopensium Tartarorum anno domini millesimo, quingentesimo uenit sub hyemem cum sexaginta millibus pugnatorum: mulieres uero & pueri fuerunt supra centum millia: & quia hyems fuit horrida, intensiusque frigoris, coniunx eius per imperatorem Precopensem clam uocata, frigus & inedia non ferens, in Precopa Siachmet marito suo cum magna parte exercitus fugit. Itaque Siachmet militibus diminutus, & intensissimo frigore pressus, per Mendligeri Precopensem oppugnatus, disiecto eius exercitu conflictus est, & cum trecentis equis uersus Baiazerem Turchorum imperatorem fugit. Quumque in Bialigrod, quod sonat album castrum iuxta mare ponticum peruenisset, intellexit se captiuandum mandato imperatoris Baiazeris: idcirco præpeti cursu retro cum quinquaginta equis fugit, & in campos propè Kiou euasit. Capitaneus uero Kiouiensis per exploratores de ipso certior redditus, circumdedit eum cum suis & captiuauit, in Vilnamque Lithuanie misit, unde aliquoties fugerat, & consequutus, comprehensus & reductus est. Alexandro autem rege Polonie & magno duce Lithuanie conuentionem generalem in Bresce Rutenorum agente, aduenit mandato eius Sziachmet ex Vilna, & magnifice per regem Alexandrum ad unum milliare obuiam sibi eunti susceptus est: deinceps in Radom per Polonos, ut reduceretur in Tartariam trans Volham, conductus aliquot millibus armatorum leuis armaturæ, decretum est: & ut competentior reductio, & à suis laudabilior susceptio fieret, præmiserunt Cazac Soltan fratrem germanum Sziachmet: qui trans Volham peruenit, & cum Albugerim czar patruo Sziachmet in Czahadai terra eorum cognata moratur. Siachmet uero pro expeditione armatorum in Lithuaniam transiens, ad suggestionem Mendligeri Precopensis imperatoris captiuatus est denuo per Lithuanos, & in Couno, quod est castrum iuxta mare Balteum, detrusus ac incarceratus est, uerè Siachmet, id est martyrizatus, à suis nuncupatus.

Vlu cham.

Tartarorum  
Catalogus im-  
peratorum.

Quod



Tartarorum  
perfida seui-  
tia.

Prodigium.

**N**on possunt Tartari in quiete uiuere, quin semper uicinos impetant ac inuadant, prædamq; ex spolijs hominum ac pecorum abigant & reportent, & hoc commune est omnibus hordis Tartarorum, ab exordio & ingressu eorum in hanc diem: unde pauca pro multis exemplificando. Anno domini millesimo, ducentesimo, quinquagesimo quarto ingens Tartarorum exercitus ex multis legionibus conflatus, & per gentes Rutenorum atq; Lithuanorum adauctus, cum ducibus Tartarorum Nogay & Thelebuga post festum sancti Andrea in terram Sandomiriensem aduenit, transiensq; per glacies induratas fluuiæ Vislæ, tam ciuitatem, quam ecclesias eius incēdit, castrumq; in quod uniuersa Sandomiriensium regio cum uxoribus, pignoribus, ac fortunis confugerat cinxit, & illud nocte ac interdix expugnauit: sed quum non præualuisset, duces Rulsæ Vasilco & Leo filij Danielis regis Rulsæ dolose sua serūt omagium & subiectionem præstituros propter securitatem, quod Sandomiriensi fecerunt. Tartari autem fide uiolata clamore ualido & concursu inuecti in castrum, omnes crudelibus supplicijs truculentissimè enecauerunt, fluxitq; sanguis occisorum de colle arcis tanquam quidam riuus in Vislam. Alios uero homines occidere fastidientes, tanquam gregem cumulos in Vislam impulerunt & submerferunt, effusiq; e Sandomiria Tartari ducatum præbentibus Rutenis, in Cracouiam uenientes, & eam uacuum habitatoribus reperientes, in tecta & ualitudinarios sæuierunt, tribusq; mensibus grassati, nullam resistentiam passi, onusti præda in Tartariam reuersi sunt. Præterea apud Cracouiam puer natus uix semestris (mirabile dictu) articulata uoce Tartaros uerturos & Polonorum capita præcisuros prædixit. Cunctis tremantibus interrogatus, an ipse etiam Tartarorum aduentum timeret, respondit plurimum sese timere, quum inter alios suum caput essent præcisuri. Et ecce sub intensissimis frigoribus & densissimis niuib; ferocissima gens Tartarorum famem sedatura, ducibus Nogay & Thelebuga primum in Lublienses & Mazouia, & post in Sandomiriensium, Siradiensium & Cracouiensium oras in numero locustarum uenit. A castro & ciuitate Sandomiriensium, cum ignominia & strage, militibus qui in præsidio erant, strenuitantibus repulsi plures ecclesias, monasteria & munitiones obtinuerunt & incenderunt. Ad Cracouiam autem in uigilia natiuitatis Christi applicantes, & eam expugnari adorsi, aliquot insignes eorum amiserunt, ululatuq; edito ab ea discesserunt, & depopulationem cum spolijs longius extenderunt. Dux Lescio niger de uiribus suorum militum diffidens, in Hungariam cum Griffina sua coniuge secessit. Et Tartari grassantes ad alpes Pannonias & ad Slesiam peruenerunt. Terris itaq; prædictis spoliatis, sacerdotibus, lactantibus, & senibus trucidatis, cum ingenti præda hominum ac pecorum abscesserunt, quum apud Vladimiriæ Rulsæ parentes uiginti unum millia de uirginibus duntaxat nondum nuptis computauerunt: ex quo multitudo cæterorum uiuorum & fœminarum poterit æstimari. Eodem ferè tempore Tartari per Cumanos inducti, Hungariam cædibus, & spolijs usq; ad Pest uastauerunt: & in ea ab octaua epiphaniarum usq; ad festum paschæ commorati sunt. Item eodem anno Tartari imperium Constantinopolitanum inuasērunt, & pluribus hominibus trucidatis, multa loca desertauerunt. Vnde ex his liquet, quod Tartari nunquam sine spolijs uiuunt, & quod uicinas gentes turbant & inuadunt; ueluti istis annis Tartari Precopenses sæpenumero Valachiam, Rulsiam, Lithuaniam & Moscouiam affligunt. Tartari uerò Nohaienses & Cosanenles Moscouiam inuadunt, & spolijs atque cædibus implent.

Que gens, que natio habitat in Scythia.

CAP. X.

**Q**uum sint trecēti & sex anni, quod Tartari ingressi occupauerūt Sarmatiā Asiaticā seu Scythiā, pulsaret forsā quēpiā dubitatio, quēnam gentes inhabitarent præfatā Sarmatiā Asiaticā & nunc, & priscis tēporibus Scythiā appellatam. Ad hoc ex præcedētib; facile est secundū historias respondere, quoniā Gothi illas terras tēpore aduentus & ingressionis Tartarorū incoluerūt, à uicinis Polouci nūcupati, quod sermone Sclauorū, Rutenorum & Moscouitarū rapaces & spoliatores sonat: quia tunc Gothi quemadmodum nunc Tartari tanquam canes uenatici uicinas inuadentes nationes molestabāt ac spoliabant. Sed altius exordiēdo dicamus quod secundū Ptolomæum Pheludianum in secundo Quadripartiti, angulus Aquilonis septētrionalis, ubi nunc residēt Tartari, est de partitione trianguli signorū septentrionalium aureorū: dominaturq; in eo Saturnus cū signo aquarij, qui reddit præfatū angulum ferocem & horredum secundum incolas eius: sic enim inquit idem Ptolomæus: Qui in confinib; terrarum Sarmatiæ & terræ Ascardæ conuersantur, Aquario & Saturno assimulantur: unde maioris sunt crudelitatis, qualitatesq; animarū suarū ferocissimæ. Hæc ille. Maligne siquidē est influentiæ



fluentia ille falcifer Saturnus, & humano generi infestissimus, suis contrarijs qualitatibus frigiditatis & siccitatis semper contrarius. Ex illo ergo angulo consurrexerunt & usq; in hanc diē insurgunt nationes rigidae & crudeles, humanum genus perturbātes, secundum quod Hieremias primo capitulo dixit: Ab Aquilone pādetur omne malum, super omnes habitatores terre. Quod si cui placeret examinare, manifestissimum et uerum, quia diuinū oraculum, apparebit. Ibi enim historia, & Ptolomaeus in loco praallegato tradunt mulieres quae Amazones dicuntur, habitasse, illis tēporibus terror mundi: nam fragilitate sexus *Amazon.* abiecta, plures terras uexauerunt, Asiamq; minorē occupauerunt, & Ephesum famosam urbem construxerunt. His deletis & exterminatis successerunt aliae nationes Scythae cōmuniter nuncupatę, orbi terrarū ut plurimum molesti. Tandem superuenerunt Gothi, qui & Gethae uocantur, quorū captiui à Grecis, & comicis eorū Geta, & à Dacia Dacus & *Gethe.* Dacus, tanquam sclauū & serui tēti & nuncupati fuerunt. Hi longo tempore possederunt illas terras, ciuitatesq; & castra mutauerunt: praeda ut semper uixerunt, donec ex luhra à finibus septentrionalis Scythiae superuenerunt luhri, qui postea Hugui, deinde Hungari *Hungari.* sunt dicti. Hi Gothos sui multitudine presserunt & expulerunt. Ciuitates tamen & quaedam castra non obtinuerunt. Gothi pulsi alienas sedes intrauerunt: primumq; Alanos, Roxolanos, Rutenos & Vandalos eiecerunt: tandem iuxta mare Ponti commorati, Bulgariam, Thraciam, & imperium Constantinopolitanum inuasērunt, quos Zeno imperator perhorrescens & suspectos habens, ad Italiam liberandam de manibus Odoacri Eruli misit, prout infra dicetur. Vandali uerò & Alani uagi, à Constantino Magno sedem petierunt, & pro mansione Pannonias acceperunt. De his specialiter inferiùs tangetur. *luhri.* Iuhri autem multiplicati per flumina magna transeuntes, ut fertur, per uenatores ceruam sequentes ducti & animati, terras Russorum intrauerunt, & Pannoniam properē aggressi sunt: praeficientesq; eis Attilam in ducem, ferē toti Europę molesti fuerunt. Deinceps Gothi q sup remāserant, pace oblata multiplicati sunt, & Tartaros inuasores, imò & exterminatores, prout in principio huius operis diximus, acceperunt. Hec summarie de habitatoribus Sarmatiae Aliaticae dicta sunt. In sequentibus autem ampliùs & particulariùs dicetur.

De Gothis.

CAP. XI.

**G**othi de Scythia pulsi partim in Taurica insula, & iuxta eam, iuxtaq; mare Ponti cōmorati sunt: partim uerò cū Ragaso rege eorū plus quā ducenta millia Italia inuasērunt: & quū Roma tremere, & tantā potentiam expauesceret, multitudo eorū in aspero montis Fesulani iugo inedia cōsumpta est: captusq; & in uinacula coniectus est Ragasus rex: exercitus uerò eius tanquā pecudes disiectus, trucidatus, & uenundatus est. Hi autē qui circa Tauricam & Pontū sederūt, bifariam diuisi sunt, & qui cum duce Alarico ad occasum in Italiam & Galliam profecti sunt, Visigothi, id est, occidētales Gothi uocati sunt. Qui uerò cum principe Frigiderno in locis suis ad mare pōti permanserunt, Ostrogothi, hoc est, orientales Gothi sunt appellati. Exinde apertum & manifestum est, unde Ostrogothi & Visigothi dicti sunt. Patet, etiam, quod Gothi sub rege Dacia in Gothia degentes, friuolē & ineptē eis nomina Ostrogothorum & Visigothorum appropriant, quum non de ipsis, sed de his quos diximus circa Pontum & Mysiam commorantibus, & illis ad Gallias transeuntibus, orientales et occidentales Gothi primum & tēre dictum sit. Illi autem in Gothia, in septētrione ad oceanum in terra algidissima, haud in oriente degunt: maleq; & absurdē aliena nomina eis usurpant. De hoc uide Paulum Diaconum libro decimo sexto, capite secundo. Orientales quoq; Gothi Mysiam & Thraciam, ceterasq; Constantinopolitani imperij prouincias ingressi sunt, quos imperator expauescens, & ab Imperio Constantinopolitano semouere cupiens, cum Theoderico rege eorum ad liberandam Italiam contra Odoacrū misit. Hi per Seremium & Pannoniā gradientes, quum prope Aquileiam circa fluuiū Sontium se suaq; iumenta reficerent & pabularent, Odoacrum cum grandi exercitu uenientē, & eis oppugnationē inferentē fuderunt. Qui fugiens Romam peruenit: & quia clausas ei portas reperit, retrocedēdo ad Ra-uennā cucurrit: quē Theodericus obsidione cinxit, & post trienniū cum eo compositione facta, dolo occidit, totiq; Italiae dominatus est. Qui autē reges Gothorum in Italia, Gallia, & Hispania fuerunt, de facili ex historicis colliges: quoniā de his non est mihi intētio principalis scribendi. Iuhri autē siue Hungari, de Sarmatia Asiana in Pannoniā abeuntibus, reliquiae Gothorum auctae & multiplicatę sunt, quas Tartari ab oriēte superueniētes in toto deleuerūt: sed & ciuitates, castraq; demoliti sunt, ut solū in Taurica insula residui reperi-entur. Verum lanuenses ex Italia Theodosiam seu Cassam urbem famosam in Taurica insula sub ipsis obtinuerūt, & coloniam fecerunt. Tandē Tartari de familia Vlanorū, de quibus infra dicetur, per portum septentrionalem insulam ingressi, totam cum oppidis, pagis & cām.



& campis occupauerunt, ducibus de Mancup, qui generis & lingue Gothorum fuerint, duntaxat castrum Mancup retinentibus. Postremo Mahumet octauus Imperator Turcorum, auus moderni Selambeci imperatoris, Tauricam insulam comprehendit, Cassam expugnauit, Tartaros Precopenfes seu Vlanos cum toto Cheroneso homagiales sibi fecit, & ultra insulam ad septentrionem, castrum Azau in ripa Tanais incastellauit, & in hunc diem Turci tenent. Binos quoque duces & fratres de Mancup unicos Gothici generis linguagij superstites, ad spem gregis Gothorum prolificandorum, gladio percussit & castrum Mancup possedit. Sicque Gothi penitus tam circa Sarmatias, quam in Italia, Hispania, & Gallia extincti sunt, nec eorum genealogia amplius compareret.

De Alanis, Vandalis &amp; Sueuis.

CAP. XII.

**A** Lanis fuere gentes in Alania regione Sarmatiae Europianae, flumini Tanai contigua & conterminae: & est regio plana, sine montibus, paucas sinuositates & colles habens: caret colonis & habitatoribus, quoniam ab inuasoribus eieci & dispersi, in alienis prouincijs consumpti & extincti sunt. Stant campi Alaniae late profusi, tam Alanis quam aduenis possessoribus. orbat ac deserti: duntaxat interdum Cazaci eam pertranseunt, quarentes, ut moris eorum est, quem deuorent. Cazac Tartaricum nomen est, Cozac uero Rutenicum, ualens in lingua Latina seruilis stipendiarius, grassatorem seu reyteronem: spolijs enim uiuunt, nulli subiecti, gregatim latissimos & uacuos campos tres, sex decem, uiginti, sexaginta, &c. numero percurrentes. Crescit in illa terra calamus aromaticus uberrime, tartarskiezele a Polonis nomine a Tartaris mutuato nuncupatus: quoniam non longe a Tartarorum regione crescit & multiplicatur. Ast Vandali sunt & fuerunt populi Germaniae, ut suis traditionibus celebrant Plinius, Suetonius Tranquillus, & Cornelius Tacitus, secus flumen Vandalum a regina eorum in libamen & sacrificium dijs suis pro uictoria ex inimicis adepti, sponte in ipso submersa appellatum. Hoc flumen Istula & Visla uocatur. Ut autem de Vandalis completior historia referatur, accipiendum est, quod Sclauum ex laua filio Iaphet per Helisam procreati sunt. Noe siquidem genuit Sem, Cham, & Iaphet. Iaphet uero lauan quartogenitum & fratres eius. lauan iuxta mare Ionium & Aegeum Graecos edidit & multiplicauit, simul & Helladicos & Aeolios, Sclauosque per filium suum Helisam propagauit: a lauan enim Ionium mare dictum est: Hebraei quoque Ionios & Graecos lingua eorum lauan uocitant. Haec est sententia Iosephi de filiis Noe. Sclauum itaque mox post Graecos ad occidentem terras possederunt, Seruiam, Rusciam, Dalmatiam, Mysiam, Bulgariam, Bosniam, Croaciam, Pannoniam & Sclauoniam. Fuerunt autem principes Lech & Czech bini fratres, lauan nepotes, de femore Helisae descendentes, Croaciam ac Sclauoniam per Crupam fluuium rapidum & uelocem determinatas, forte cum cognatione & familijs eorum inhabitantes, regiam, locumque principalem suae residetiae in Pleri castro ac uillagio eius nominis tenentes: uilla usque in hodiernum diem cum suo nomine Pleri permanet ad fluentia Crupae, plures inhabitatores & colonos, nostro aeuo etiam linguagij Sclauonici habens. Castrum uero demolitum solas ruinas & fundamenta arcis demonstrat. Quum autem ex multiplicatione hominum & genealogiarum Dalmatia, Croacia & Sclauonia eas non comprehenderet, sepe numero iurgia & caedes inter fratres, principes & cognatos pullabant. Quapropter praefati duces Lech & Czech uitando pessima facinora, parricidia & mortes hominum animo concordii & consilio salubri, collectis rebus & gentibus eorum, per familias et colonias cum tota suppellectile, quantulaeunque tunc habebatur, relictis sedibus natiuis, ad occidentales diuerterunt regiones exploratum ire & percontari nouas sedes. Sciebant namque orientales meridionalesque regiones colonis & habitatoribus occupatas atque refertas: & idcirco frustra eas aggrediendas & quaerendas. Profecti itaque peruenire in Morauiam & Bohemiam, & lustrata uniuersa illa regione, uasta quidem & nondum culta perspecta & aura eius salubri, & gleba fertili, fixerant tetoria in monte qui Rzip dicitur: coepitque Czech frater minor, loci amoenitate delectatus, a maiori natu germano suo Lech plurimis instantijs petere terras Morauiae & Bohemiae in hereditatem suam, posterorumque suorum perpetuandas & populandas: Lech autem ad obeundam & nutriendam beneuolentiam fraternam, consensit uotis, petitionibusque Czech, & ualedicens processit cum suis uersus orientem & septentrionem, deueniensque in terras incultas, a nemine unquam habitatas, Slesiae & maioris Poloniae, suos suaque omnia exposuit & firmavit: multiplicatque Lechite, qui & Poloni, in his locis maioris Poloniae & Slesiae creuerunt Deo uolente in maximo numero, & impleuerunt Vandaliam, id est, Poloniam, iuxta flumen Vandalum, qui nunc Visla nominatur. Impleuerunt Pomeraniam, Cassubiam, & totam regionem secus mare Germanicum, ubi nunc est Marchia, Lubec & Rostoc usque ad Ventsualiam, sortitique sunt uarias nominationes secundum uarietatem locorum, quae inhabitant

Bohemi & Poloni ex Sclauis.



runt: & hi, qui penes fluuium Sueuum, nunc in Teuthonico Spre, seu Spreua dicti commorati sunt, Sueui nuncupati: & alij iuxta eos Burgundi, à casis, & aceruis, quos lingua sua Polonica Brogi uocant, appellati sunt: sicq; de reliquis, Dreuianæ, & Trauianæ à copia lignorum, & graminum nomina perceperunt. Tempore autem imperatoris Augusti, ut refert Bergomensis in supplemento Burgundorum, octuaginta millia ex Septentrione uenientes, ripas Rheni infederunt, quos Drusus, & Tiberius nepotes Octauiani, ut refert Paulus Orosius, expulerunt, & repedare in cognatas sedes compulerunt. Tandem Drusus Rhenum, & Albim fluuios transeundo pugnauit. Albis fluuius est per Bohemiam, & Misniam usq; in mare Germanicum decurrens, Labia in Bohemico nuncupatus, & in Sueuos, & Burgundos incidit, quibus cū cruentissimam pugnam egit cū uictoria. Sed uictor Drusus in eodem prælio per ferocissimam Sueuorum gentem necatus occubuit, & in Maguntiam relatus sepultus quieuit. Exinde Cæsar Octavianus, ut mitescerent sub mitiori cælo, Sueuos, ut inquit Suetonius Tranquillus, traduxit in Galliam, atq; in proximis Rheno agris collocauit: ubi urbs Augusta in honorem imperatoris Augusti structa est: qui translati in hanc diem Sueui à priori patria, & Vindelici à linguagio Vindelicorum atq; Sclauorum, nominantur, ipsaq; urbs Augusta, Vindelicorum Augusta dicitur. Hæc referunt præfatus Suetonius Tranquillus, & Martinus in sua Martiniana parte secunda, sub descriptione Cæsaris Augusti: tametsi Sueui de prouincia eorum cis mare Germanicum sita educti fuerunt: alij tamen Poloni, Vindelici, & Sclauj intrauerunt, & illam regionem repleuerunt. Vnde tempore Valentiniani imperatoris, ut dicit Orosius, & Bergomensis in Supplemento, Burgundi iterum ex Septentrione de terra Vindelicorum surgentes, ad Rhodanum fluuium pertransierunt, & quia pacificè illas terras caluerunt, à uicinis eorum intacti, Burgundiam ex suo nomine uocatam constituerunt. Sed Vindelicos circa Lubec, Rostoc, Mekelsburg, & fluuium Sueuū imperatores Henrici, tanquam gentiles Christum colere nolentes expugnauerunt: sicq; ad extremum Henricus tertius deuictis prædictis gentibus Teuthonicos in eorum loca induxit, & locauit. Refert quoq; historia Henrici tertij, quod quatuor reges Vindelicorum capti, diebus festis, & diebus coronationis suæ lebetes, & caldaria in ignominiam eorū ad coquinam eius ferebant. Et uerum quidem est, quod usq; in hodiernam diem perdurant Vindelici, seu Sclauj in illis locis circa Lubec, Rostoc, Misnam, & Marchiam, non in urbibus, sed in pagis, & uillagijs, præcipuè hi, qui Sarbi, & Vindæ uocantur, permanent, & nomina Polonorum atq; Vindelicorum prisca in nominatione locorum, castrorum, & ciuitatum. Nam Lubec, Rostoc, Mekelsburg, &c. nomina sunt Polonica.

*Continuatio narratio, de Vandalis, Alanis, & Sueuis.*

CAP. XIII.

**E**Xpulsi Alani è suis sedibus ad Vandalos declinauerunt, & simul Pannoniam intrauerunt, ipsamq; quasi sexaginta annis inhabitauerunt: postea rempublicam Romanorum inuadentes Gallias afflixerunt: & exinde (ut referunt historici) ad Vandaliam, seu Poloniam redierunt, & usq; ad tempora Stiliconis commorati sunt: intuleruntq; ut ex quibusdam signis conijcio, immensam multitudinem argenteorum, cum figura, & effigie Adriani Imperatoris, prout titulus, & superscriptio ostendit. Quam monetam in hanc diem est reperire apud Polonos secus decursus aquarum, & illuuiâ pluiarum, & in campis in cultura agrorum, uocantq; eam ruricolæ denarios Sancti Ioannis Baptistæ, propter expressam imaginem capitis, & colli ad similitudinem capitis Sancti Ioannis in disco. Tempore autem Honorij Imperatoris Stilicon comes Romanus cupiens filio suo Eucherio apicem, & culmen Imperij conquirere, Vandalos, Sueuos, Alanos, & Quados concitauit ad arma, & ad perturbandum dominium Romanorum. Qui in Gallijs debacchantes, diuina, & humana pessundarunt, atq; destruxerunt. Deinde Gothi cedentes Hispanias penetrauerunt, & nunc has, nunc illas terribili mente affligerunt. Deinceps ad Aphricam occupandam per Bonifacium principem Rom. euocati transierunt, & illam ferro, & igni uastantes conquisiuerunt. Primo itaq; anno Gratiani, puta anno Domini tricentesimo, octuagesimo primo, & deinceps super Vandalos de regno Poloniæ exeuntes regnauit Modigisilus annis triginta. Post hunc filius eius Gundericus in Hispanijs annis sedecim: hic capta Hispali, quum manus in Ecclesiam ipsius ciuitatis extendisset, à dæmone correptus interiit: cui Gensericus frater successit, ut refert Paulus Diaconus, ab Hispanijs ad Aphricam transiens, cunctam penè Aphricam ferro, flamma, rapinis crudelissimè deuastauit, fidem catholicâ impietate Ariana infectus subuertit, episcopos profligauit. Sub hoc turbine, teste eodem Paulo diacono, & Possidonio beatus Augustinus episcopus Hipponensis, ne suæ ciuitatis ruinâ cerneret, expletis annis uitæ suæ septuaginta sex, migravit ad Christum. Deinde Gensericus Carthaginē in-

m uadit,



Uadit, atq; capit cum ualidissimo exercitu: ex Aphrica aduectus Romam spoliat, multa millia captiuorum cum regina Eudoxia, & duabus filiabus in Carthagine duxit, quam Trasamundo filio suo in matrimonium copulauit: Campaniā, & Appuliam flammis consumpsit, Capuam, & Nolam pari ruina strauit. Inter has procellas uir pijsimus Paulinus Nolanæ urbis episcopus, pro cuiusdam uiduæ filio sese in seruitutem tradidit. Regnauit Gensericus annis quadraginta octo. Eo mortuo successit Honoricus filius eius, qui effugatis amplius quam CCC XXXIII catholicis Episcopis, & Ecclesijs eorum clausis, plebem uarijs supplicijs affecit, & quidē innumeris manus, & linguas abscidit: illis tamen expeditissimè loquentibus, ut refert beatus Gregorius in tertio libro Dialogorū, & Paulus Diaconus in gestis Romanorum. Tandem iudicio Dei percussus, scatens uermibus miserabiliter expirauit. Post hunc Guntamundus nouē annis regnauit. Post quē Trasamundus, qui ducentos, & uiginti episcopos in Sardinia exilio relegauit. Deinde anno Domini quingentesimo, uigesimo regnauit Hildericus filius eius ex Eudoxia filia Valentiniani Imperatoris à Genserico captiuata genitus. Hunc pater Trasamundus ad mortē ueniens, sacramenti nodis astrinxit, ne unquam in regno suo catholicis consuleret. Qui mox patre mortuo antequā regnum susciperet, omnes catholicos ab exilijs iussit reuocare, & episcopis ecclesias reformare. Regnauit annis octo. Hunc Gilimer perimens, annis quinque post eum regnauit, qui tantæ crudelitatis fuit, ut nec parentibus parceret. Tandē Belisarius patritius à Iustiniano Imperatore missus est ad Aphricā, qui magnas copias Vandalorū fudit, regemq; eorum Gilimerū uiuum capiens catena argentea uinctū Iustiniano Constantinopolim misit. Sic Vandalorum regnū in Aphrica destructū est. Habes ex prædictis, quod Vandali, Sueui, & Burgundi fuerunt de regno Poloniae, à locis Poloniæ, quæ inhabitantur, appellationē, & nomina sortiti, linguam, & sermonē Polonicum profitētes, & loquētes. Habes secundò, quod præfati populi Vandali, Sueui, & Burgundi, Germani, & non Sarmatæ, neq; Scythæ fuerunt. Ideò Sigisbertus, Vincētius in speculo historiali, & ceteri antiquiores, inconcinne, & iniuste Scythas fuisse scripserunt. Collige tertio, quod prædictæ gentes non de Scandia insula, sed de Polonia oriundi, partem Europæ occidentalem, & Aphricam perturbauerunt. Vnde non rectè antiquiores dixerunt eos Scythas ex Scandi nauia insula, quum Scythia propriè sit post Tanaim in Asia ad Orientem: Scandia uerò, siue Scandinauia fuit, & est ad Occasum solis post mare Germanicū in Septentrione, Daciæ cohærens, quā rex Daciæ possidet multis millibus passuum à Scythia distans. Valdè ergo indistinctè ac impertinenter iam dictæ gentes, Alaniq; Gothi, & Huni ab inexpertis de Scandia dicuntur exiisse, quum in ea nunquā fuerint, nec eam penetrauerunt, aut contigerunt. Collige quartò, quod Poloni, & Bohemi, Sueui, & omnia genera Sclauorū post diluuium in hanc ætatem in suis sedibus, & cognatis regnis permanent, & non aliundè superuenērunt. Nec est uerū quod falsus est Blondus (salua uenia tanti historici, in alijs doctissimè scribentis, & modernorum, sequaciumq; eorum) quod Sclauī à Tanai, & Bosphoro ascenderunt in Illyricum, Dalmatiam, & Croaciam. Lech quoq; & Czech principes Polonorum, & Bohemorum ad Occidentē diuerterunt, & terras Vandalorum post egressum ipsorum in Gallias intrauerunt, quum Sclauī in ipsorum prouincijs, & in principes Lech, & Czech in Polonia, & Bohemia à diluuiō in nostram ætatem permanerunt, permanent, & Deo fauente permanebunt. Veruntamen Ruteni cum suis principibus ascenderunt eo tempore, & alijs de Russia, & Bosphoro in Illyricum, & Croaciam, & spolia referebāt pinguis, nec illic permanerunt. Etiam exeunt de Vandalia, seu Polonia armigeri sexaginta millia, nonnunquā centum millia ad oppugnandum hostes: nec per hoc desertatur regnū Polonorum, quum ciues, mercatores, & coloni agrorum in oppidis, & uillagijs intacti permanent absq; desolatione, & sic quod non sint loca ingrediendi, & occupandi exteris: sicut fuit, & tempore Honorij Cæsaris, quando Vandali pugnatores duntaxat, exiuerant in Gallias. Et adhuc inquit historici, quod regressi Vandali, qui primū Gallias affligebant, sedes eorum in Vandalia inhabitauerunt: ergo alij ipsas non occupauerunt. Collige quintò, quod linguagium Sclauorum amplissimū est, & diffusum, plurimas terras, & prouincias possidens, uelut sunt Seruij, Mysij, Rasci, seu Bulgari, Bosnenfes, Turco hac tempestate subiugati, uelut sunt Dalmatæ, Croatæ, Pannonij, Sclauī, Carni, Bohemi, Morauī, Slesitæ, Poloni maiores, & minores, Mazouitæ, Pomerani, Cassubitæ, Sarbi, Ruteni, Moscouitæ: hi omnes Sclauī, & Vindelici sunt, per amplaregna inhabitantes. Sed & Lithuani iam sclauonizant: Nugardi quoq; Plefcouienfes, Snolnenfes, & Ohulici. Vide chronicas eorum, & cosmographias. Collige sextò, quod cis mare Germanicum Poloni, Sueui, & Burgundi, consumpti, & exterminati sunt per Henricos imperatores, duntaxat Sarbis, & Vindis, seu Vindelicis adhuc manentibus, ut expressum est supra.

Lingua Sclauorum latiss.



**I**huri de Iuhra terra Scythiæ septentrionalissima, & frigidissima, iuxta Oceanum Septentrionis, à Moscouia ciuitate Moscorum ad Orientem, & Septentrionem quingentis miliaribus magnis Germanicis distante, ascenderunt, & uenerunt per terrā planam ad meridiem in regionem Gothorum in Scythia, ubi nūc Tartari Zahadaienses, seu Zauolhenses degunt, presseruntque sui multitudine, & eiecerunt Gothos de Gothia in Sarmatiam. Quumque coaluissent, & penē in infinitū multiplicati fuissent, audientes à uenatoribus, qui ceruā sequentes transierant flumina Volhæ, & Tanais, quod esset terra Sarmatarū Europæ fertilior, & auræ mitioris, coaceruatim præfata flumina transnantes, Sarmatas, & Rutenos conflixerunt, Gothosque insequentes cum eis in Mysia, & Thracia bellarunt, & eos superarunt: intrantesque Pannoniam solo uino, & regionis ubertate delectati, mansionem in ea fixerunt: Maternum, & Tetricum capitaneos Romanorum cum eorum gentibus aggressi conflixerunt, & Materno occiso Tetricum in fugā uerterunt: præterea regem elegerunt, & supra se constituerunt uirum uasum, animosum, & strenuum, Attilā nuncupatum, quē Hungari suo idiomate Ethele uocāt. Is aduocatis, & recensitis multis regibus, & gentibus, Gallias ingressus, eas tyranniter, & crudeliter uasta uit. Et quum ad campos Cathalaunicos longē, lateque patētes deuenisset, Aetius patricius cum Romanorū cohortibus, cum Theodorico rege Gothorum, multisque alijs gentibus aduersus eum accelerabat. Quo comperto Attila aruspices de uictoria cōsuluit, qui inspectis extis superatum iri, inferioremque ipsum in illo bello fore dixerunt, adiicientes, quod maior de inimicis occideretur: putabatque Attila, quod Aetius supremus dux partis aduersæ caderet, aliquo modo de morte ipsius gaudens (terribilis enim uisa est ei potentia Aetij) acies ordinauit, & instruxit, cauteque ad uesperum, nō in meridie tubas canere iussit, & congregi. Vbi numerosissimus populus cæsus est, & Theodoricus rex Gothorum, nō Aetius, quod Attila optabat, cecidit, & occubuit. Attila uidens se uictum, se & suos inter currus in medium castrorū recepit: nox enim aderat: præcepitque e sellis equitum in struem congestis focum accendere, ut si impeteretur, præcipitaret sese in ignē, & arderet potius, quam in manus hostium deueniret. Altera autem die Thorismundus filius Theodorici Regis Gothorum, ultum iri cupiens necem genitoris, contra Attilam acies instruebat. Aetius uerō suspectam habens potentiam Gothorum tanquam & Hunorum, persuasit Thorismundo, ut omiſsa pugna ad possidendum solium paternum properaret, ne frater eius regnum præoccuparet: quo permotus discessit, Aetiusque & omnis exercitus ipsius solutus recessit. Tunc Attila exhilaratus, spes iniquas ultionis coquebat, & e loco secedens, urbem Remensem obsedit, & expugnauit, sanctumque Nicasium eiusdem urbis præfulem cum sorore eius Eutropia, & omnibus ciuibz trucidauit. Ad Trecas autē quum accessisset, occurrit ei pontifex sanctus Lupus, & percontando dixit: Tu quis es? Cui ille: Attila sum (inquit) flagellū iræ Dei. Et Lupus arrepto freno equi eius intorduxit eum cum suo exercitu in ciuitatem, dicens: Bene ueneris flagellum iræ Dei. Ille autem cum suis cæcitate percussus, ut aiunt, pertransiit urbem in partem alteram pacificus. Mulier autē pauperrima habens decem filias, timore perculsa de suburbio fugiebat, filiam postremā editam, & in bimatu natam, in sindone ad collum ligatam gestabat, duasque minores puellulas in iumento, quod ante se pellebat, portabat: reliquæ filiæ circumcirca matrē gradiabantur, & ambulabant. Hanc quum bellatores Attilæ conſequuti sunt, filiæ eius terræ, ad matrem cōcurrerunt. Mater autem stupida, & sui incompōs, uiso fluuio properanter currebat, uolens se præcipitare, & in fluuio submergere. Sed milites eam inſequuti in ripa fluuij rapuerunt, & cum filiabus ad Attilam perduxerunt. Quæ supplex ad terram precabatur. Cui Attila misertus, datis pluribus nummis, & uestibus, liberam cum prole sua dimisit. Sed & alijs, qui cum ea adducti fuerunt propter ipsam pepercit. Deinceps Attila in Germaniam descēdit, castraque, oppida, & uillas eius uastabat, donec audiret, quod Aetius, & Gothi denuō nouum militem contra eum pararent: quo permotus ad Pannoniā abſcessit, & renouato exercitu uir ultius in Italiam per Steiram, & Carinthiā properabat. Ab exploratoribus autē certior redditus, quod Aetius, & innumera gentes in radicibus alpium opperirentur eum, declinauit, & diuertit ad Dalmatiam, & Histriam, euerſisque notabilibus urbibus, iuxta mare Adriaticum ad Aquileiam uenit, & eam per triennium obsedit. Et quum uictualia obſessoribus etiam in longinquo defecissent, militesque præ inedia contra eum murmurare, cœpit iterum obequitare urbem, prospiciens qua parte impeteret eam, & dirumperet: uiditque auem, quæ ciconia uocatur, pullū suum e summitate arcis rostro in propinquum arundinetum portare, sic consequenter & aliū: & exclamans dixit, auem præſciam futurorum, nosse urbem perditam iri, ideo fugere: &



*Attilæ mors.**\* Huni alijs.**Mors piscis.*

inualefcens contra ciuitatem cœpit eam, & more tyrannico omnes, quos in ea reperit, in ore gladij trucidauit. Eo tempore urbs magnifica, & prapotens Venetiarum ob metum Attilæ extructa est. Progrediens autem ad Lombardiam Attila, crudeliter afflixit, & uastauit eam. Quumq; ad Rauennā uenisset, aduolauit Leo Papa, obnixē, & humiliter supplicans, ut à uastatione urbis Romæ, & totius Italiæ supersederet, & cessaret, quod fecit. Et dum pugnatōres eius admirantes ad inuicem replicarent, quod Attila neminē timeret, nisi bina animalia, lupum, & leonem, de pontificibus propter quos genti eorum pepercit, parabolam sumētes. Respondit Attila: Maturum uirum clericali habitu indutum iuxta Leonem cum gladio bisacuto stetit, & uibrato gladio mortem ei comminasse, nisi pacem redderet, petitorē exaudiendo. Abscessit itaq; & in Pannoniam redijt. Celebransq; nuptias cum una pulcherrima uirgine, multum uini haulit, & in nocte inter cubandum apoplexia suffocatus, centum & uiginti quatuor annis ætatis expletis interiit, & sanguis per nares, & os ipsius fluxit. Illa nocte Marcianus Imperator in Constantino- poli per somnium uidit Attilæ arcum fractum: arcubus enim gens luhrorum potissimē utebatur. Defuncto autem Attila, insurrexerunt inter Hungaros dissensiones, digladiationes, & strages, ita ut plures eorum occisi perirent, reliquos cum Chaba filio Attilæ rex Gepedarum, & alij olim Attilæ subiecti de Pannonia expulerunt, qui Gothiam per paludes Mæotidas transierunt, tria uerò millia ex eis inter eundem de Pannonia segregauerunt se ab eis, & in Transsylvania manserunt, & ne à uicinis impeterentur, Siculos in uulgarī eorum Czakle se nominauerunt. Qui autem trans Mæotidas, & mare Euxinum penetrauerunt, sæpenumerò reminiscētes fertilitatis, abundantiaq; panis, & uini ipsius Pannoniæ, suis posteris disserebant, & narrabant, utq; in Pannoniam redirent, hortabantur. Factumq; est, ut post mortem Attilæ anno tricesimo primo, recensitis pugnatōribus ducentis, & sedecim millibus, uiam patrum eorum ingressi, iuxta paludes Mæotidis per Sarmatiam, in Pannoniam peruenerint, temporibus Constantini Imperatoris quinti, & Zachariæ Pape, uidelicet anno Domini septingentesimo, quadragesimo quarto. Primumq; in lazyges ascēderunt, & illic septem capitaneos elegerunt unicuiq; eorum propter insultum inimicorum triginta millia pugnatōrum consignantes: & ut melius ab hostibus tuerentur, septem castra cuiq; capitaneo unum assignando, rude & grosse de terra fecerunt, & erexerunt, à quibus septem castris in hanc diem Septem castrensis dicitur. Præterea miserunt exploratum ire Pannoniam quendam ē suis militibus Cusid appellatum. Is offēso, & reperto Rege Pannoniæ Suyatoplug nomine: Sclauus hic erat: nam & tota Pannonia terra Sclauorum fuit, licet Romani eis capitaneos, & armigeros extraneos præficiēbant, ipsam nomine luhrorum aduenarum præsalutando, equum album cū sella, & freno deauratis obtulit, & parum terræ, aquæ, & herbæ ab eo postulauit: quod rex Suyatoplug concessit: estimabat enim agricolas fore tanquam hospites aliquid piam terræ pro cultura exposcere: idē subridens, ait: Habeant, quantum uolunt. Cusid ergo lagenam terræ, alteram aquæ Danubij, tertiam graminis reportauit, & quæ egit, suis exposuit. Iuhri cognoscentes Pannoniam terram feracem, & optimam esse, nomine primi præfecti Arpad nuncupati, Suyatoplug intimarunt, ut per amplius in terra eorum, pro equo albo, sella, & freno deauratis empto non maneret. Is serō intelligens bellum ei imminere, exercitum coadunabat. Iuhri autem festinē accelerantes ad regem prope Danubiū uenerunt, & facta pugna Pannonios cum rege, eorum prosligauerunt. Rex quoq; Suyatoplug à facie eorū fugiens in Danubiū incidit, & aquis uehementibus absorptus periit. At Iuhri Sclauos incolas Pannoniæ trucidarunt, terramq; eorum in hanc horam possiderunt, Sclauis undiq; in finibus Pannoniæ remanentibus, & inhabitantibus. Accipe primò, quod Iuhri à Iuhra regione Scythiæ, de qua oriundi exiuerunt: uocati sunt, & usq; in nostra tempora à Bohemis, Polonis, & Slauis \* Hugari appellantur, ab alijs autē Hugui, tandem, & Hungari dicti sunt. Accipe secundò quod idem linguagium, & loquela, pronuntiatioq; acuta sunt luhrorum in Hungaria, & illorum, qui in Scythia in Iuhra degunt. Verū Hungari in Pannonia Christi colæ sunt, & politiores, abundantioresq; in omnibus. Iuhri autē in Scythia usq; adhuc idololatæ sunt, & agrestes. Accipe tertio, quod Iuhra Septentrionalissima est abiq; altissimis, & inaccessibilibus montibus, nec tantis, ut sunt alpes iuxta Italiam, neq; sicut montes Sarmatici. Non rectē ergo quidam historici tradiderunt, dicentes Huguos exisse de prouincia eorum de montibus maximis, & inaccessibilibus. Enimuerò sunt montes in Iuhra cum densis syluis patentes, & benē permeabiles, quantitatis medię, & altitudinis, petrosi, & saxosi quales sunt per totum Septentrionē in fine terræ iuxta Oceanū Septentrionis. Et scias, quod ex Oceano Septentrionis quidā pisces idiōmate Moscouitarum mors nuncupati, in summitatem montis mari adiacentis scādunt, & dentem fricando se in ascendēdo appendunt, de culmine montis deorsum in

partem



partem alteram prolabuntur, & cadunt, quos Ihuri, & cæteri incolæ Septentrionis capiunt, dentes eorum, qui ponderosissimæ sunt grauitatis, in Moscouiam mittunt, & post ad Turcos, & Tartaros. De quibus manubria, & tenacula ensium, framearum, & cultello rum faciunt, ut impetuosiores ictus grauitate adiuuante impellant. Accipe quartò, quod montes Riphæi, & Hyperborei non sunt in rerum natura, non in Scythia, non in Moscouia, nec usquam locorū: & quum ferè omnes Cosmographi asserāt Tanaim, Edel seu Volham, Dzuina, & magnos fluuios ex prædictis montibus effluere, conficta conficti, & potius fabulosa in experti scripsere. Fluit Tanais, Volha, & maxima flumina ex Moscouia, de terra plana, cœnosa, & nemo rosa, nullis mōtibz obsita, prout de Moscouia, quū peruentum fuerit, dicam, si deus annuerit. Bone lector hic est barathrū profundissimum propter clarissimos scriptores montes Riphæos, & Hyperboreos ponentes. A' quorū contradictione ueritas ipsa me tueatur, & defendat, pro omnibus argutis rationibus, experientiam rerum opponendo, ut qui non credit, uideat, & experiatur, quod ita est, quemadmodum dixi. Accipe quintò, quod Ihuri in Iuhra Scythiæ non colunt agros, non seminant, non habent panem, uinum aut cereuissiam, degunt miserrimè in syluis, & foueis subterratis, piscibus uescendo, & ferarum, quarum copiam habent, & aquam bibunt, pellibus induuntur ex diuersis animalibus in unū consuendo, pellem lupi, cerui, uulpis, marduris, &c. Misera ergo regio est sub polo arctico, ut dixit Hippocrates in lib. de Regionibus, aëre, & aqua. Subiecti sunt duci Moscouiæ, & pendunt pro tributo pelles fabello rum, schismorum, & similium, quoniam alijs donatiuis carent. Accipe sextò, quod aliqui famosi Cosmographi, & historici in illo angulo ad mare Septentrionis temperatissimas regiones confinxerunt, in quibus propter temperiem, & auram placidissimam beatè, & diutissimè uiuant, donec tædio affecti, de montibus sese in Oceanum præcipitent. Hoc totum fabulosum est: qualis etenim beatitudo sit non habere panem, merū, & cætera delectabilia: qualis temperies est, continuū frigus, quod illic est pati. In solstitio hyemali perpetuam, & continuam noctē sentire. In solstitio uerò æstiuo permanētes, & parū tepentes soles uidere: sed hæc omitto. Accipe septimò, quod in Iuhra, & locis Septentrionis nō effoditur aurum, argentum, nec aliæ mineræ. Nec correspondent fabulæ, quod illinc essent griffi, & magnæ aues prohibentes fodere, & efferre aurum. Vnde secundū hoc dico, contrarium authoribus antiquis, quod griffi nō sunt in rei ueritate in illa parte Septentrionis, nec in alijs partibus orbis. Assertur autem ad nos auis quædā rapina uiuens, quantitatis aquilæ, sed alis, & cauda prolixioribus quā aquila, in similitudinē accipitris, & uocant eam Moscouitæ Kiczoch: nostri uerò homines uocāt ipsam Byalozor, quasi albicās splendor, quia subalba est secundū uentrem. Hanc omnes rapaces aues, accipitres, falcones, & cætera rapto uiuentes in tantū metuunt, quod inspecta ea tremunt, & cadunt, & extinguuntur. Accipe octauò, quod in Septentrione post Gothiam, Sueciam, Finlandiam, Iuhram, & post mare Caspiū nō sunt monstrosi homines, scilicet monoculi, bicipites, canina capita habentes, &c. sunt nobis similes, rarè sparsim, & ab inuicem distantes, pauci numero habitātes, colore ut frequenter liuidi, propter frigus liuiditatem corporis eorū imprimens. Hæc uera sunt, & qui scripsit, uerum scripsit, & scimus quia uerum est testimonium eius.

Error Cosmo-  
graphorum.

De Turcis. CAP. XV.

**H**Actenus diximus de quibusdam nationibus ante aduentum Tartarorum, Sarmatiam Asianam; seu Scythiam per tempora, & tempora inhabitantibus, si de Amazonibus, de Scythis, de Gothis, & Iuhris, seu Huguis. Consequenter dicemus de ualidis gētibus Czahadaieñ. originaliter disseminatis, quales sunt Turci, Vlani, seu Tartari Prezecopenses, & Tartari Cosanienses: item Tartari Nohaiēñ. Et primò de Turcis pauca dicamus. Post aduentum Tartarorum ex Oriente, in terram Gothorum, quam ipsi Czahadaieñ. uocant, anno quasi nonagesimo. Quidam miles magni Cham nomine Otumanna, fortis humilis, & fortuna tunc obscurus, uiribus tamen corporis robustus, & audax, propter certas, ut ei uidebatur iniurias, è Tartaris in quadraginta equis secedens, cœpit occultè in Cappadocia montes, & adytus opportunos occupare, & ex opportunitate loci, & temporis prædas agere: ad quem plurimi grassatores, ut fit in huiusmodi genere hominum, confluerunt, & coaluerunt uehementer, ita ut quod prius occultis insidijs egit, palām & pari Marte tunc cœperit oppida, ciuitates, & gentes intradere, & occupare. Et quia non reperit resistentes, ipse celer, manu audax, & dexteritate fortunatus per terrores, comminationes, & per aliquarum ciuitatum direptiones, occupauit, & possedit Cappadociam, Pontum, Bithyniam, Asiam minorem, Pamphiliam, & Ciliciam. Itaq; ex ipsa familia Otumannorum, siue Turcorum originem duxit, quia ab Aquilone pandetur omne malum super uniuersam terram. Quod autem Turci propa-

Otomannus è  
quo Turc. im-  
perat. Otum-  
manni.



go soboles sit Tartarorum, identitas morum, loquela, & pugnandi demonstrat. Nam habitum, modumque equitandi, & curte infedendi, sagittis quoque, & arcubus pugnandi eundem habuerunt, & nunc ut plures habet cum Tartaris. Sermonem etiam, & linguagium Tartarorum connatum habent: non differt loquela Tartarus, & Turcus, nisi modice, uelut exemplariter diceretur, sicut Italus, & Hispanus, uel Polonus, & Bohemus. Otumano ex humanis raptus, filius eius Archanes secundus rex Turcorum successit, audacia, & ambitione patri haud absimilis, sed disciplina rei familiaris longe peritior: quo factum est, ut dominium, & imperium a patre coeptum, suapte industria auxerit, & conseruauerit. Deinde tertius rex subsecutus est filius Archanis nomine Ammurates, hic Graecis dissentientibus, & Imperatore Trapesuntino, & Constantino de imperio certantibus, in adiutorium per Trapesuntinum Imperatorem pretio euocatus, & in Thraciam per Hellespontum traiectus, uaser, & astutus euentum belli prorogauit, atque protraxit, donec Graecis uiribus, & diuitiis fractis, & eneruatis, occasione habita, in eos arma uertit, & Thraciam occupauit. Eo defuncto Pesaites quartus rex filius surrexit, qui rerum maximarum cupidus, Macedoniam, Thessaliam, Phocidem, Boeotiam, Atticam sui iuris effecit. Bulgarosque, & Illyricos assiduus excursionibus debilitauit, & suburbia egregiae urbis Constantinopolitanae spoliavit, & ciuitatem obsidione atque fame in tantum excruciauit, ut Imperator Constantinopolitanus ad Italiam, & Galliam auxilia mendicaturus profectus sit. Sed Deo disponente, Temir cultu magnus Cham Tartarorum, quem historici Tamerlanem dixerunt, affligendo, & tanquam fulgur Asiam pertranseundo, incidit in Pesaitem praeparatum, & occurrentem ei, quem profligauit, & captiuatum catenis aureis alligauit, & abduxit, breuisque dimisit, qui paulo post obiit. Post hunc quintus rex Alpinus appellatus regnauit. Aduersus istum Sigismundus Hungariae, & Bohemiae rex ac Romanorum Imperator copiosum duxit exercitum. Collatisque signis, tumultuose fusus castra reliquit, & paruo nauigio uix per Danubium turpem sibi inuenit salutem. Amplius sextus in ordine rex Turcorum Mahumetes tributa grauiam imposuit, excursionibusque fines sui imperij sui dilatauit: praeterea sublato Mahumete morte, filius eius Ammurates secundus regnauit, hic Thessalonicam urbem illustrem euerit, Cyprum, & Aetholiam subegit, Tribulos, Illyricos, & Hungaros uastauit: Vladislaum Poloniae, & Hungariae regem in primis feliciter pignantem, ultimo congressu ad lacum Varnensem, Ioanne Hunyad cum Hungaris e praelio secedentibus superauit, & misere cum suis occidit, elatusque uictoria, Peloponnesum ui coepit, & muros Isthmi Corinthiaci funditus deiecit: uita denique functus, Mahumetem filium octauum regem reliquit, qui Constantinopolim anno M. cccc. liii. die ultimo Maii, post obsidionis quartum, & quinquagesimum diem, summa ui, & extrema oppugnatione coepit. Peram subinde opulentissimum oppidum per deditiorem demolitis muris accepit, Bulgariaque, & Rascia potitus, Smyderou magnificentissimum castrum Rasciae supra Danubium situm adeptus est, & ex eo Dalmatiam, & Croaciam in solitudinem redegit, Stiriam quoque, & Austriam penetrauit. Deinde Nigropontum sub Venetis expugnauit, Theodosiam, nunc Cassam nuncupatam, in Taurica insula, lanuensium coloniam una cum praefata insula expugnauit, & comprehedit, binosque principes de castro, Mancup (ut fertur) postremas Gothorum reliquias gladio percussit, & Mendligeri Imperatorem Tartarorum in praedicta Chersonneso Taurica, ui iuris fecit: Moldauiam, & Valachiam uastauit, & cum Venetis sedecim annis continuus pugnauit, cum Husacasan rege Persarum similiter continuum bellum gessit, saepe uictus, nonnunquam & ipse uictor fuit. Obiit prima die Maii, anno Domini millesimo, quadringentesimo, octuagesimo primo, in Constantinopoli sepultus: pro ipso Turci Baissetus filium eius ad imperium assumpserunt. Zeliabus uero minor natus filius Mahumeti indignatus ad Soldanum Aegypti currens, & exercitum comparans, cum Baisseto infeliciter pugnauit, & ad Rhodiensem fugit, quem Magister ordinis Rhodiensis captiuum in Franciam misit, & postea Alexandro Papae sexto obtulit. Ludouicus autem rex Galliarum ad Apuliam consequendam per Romanam transiens Zeliabum a Domino Papa per contractum accepit, & inter eundem ueneno, an fatigatione itineris, incertum est, extinxit. Expugnauit autem Baissetus nonus rex Turcorum, Ciliam, & Album castrum in Moldouia. Modon quoque insulam, & urbem eiusdem nominis, sub Venetis ui, & obsidione conquisiuit. Cum Sophi rege Persarum saepe pugnauit, & quasi semper succubuit. Dum autem senuisset filius ipsius Selimszabeg, quem nostri homines Selēbeg uocant, imperium sub eo arripuit, & Baissetus ad insulam, in qua nutritus erat, deductus breui occubuit. Decimus rex Turcorum Zelembeg modernus surrepto imperio, fratres suos necauit, & extinxit: deinde minax Christianis, praecipue Pannoniae bellum inferre proposuit. Deus autem omnipotens excelso suo iudicio aduersus eum Sophi regem Persarum concitauit, & aliquot praелиis conflictum superare



perare concessit. Tribus autem Imperatoribus postremo dictis Constantinopolis sedes imperij, quondam secunda Roma dicta, domicilium assiduum factum est, ita ut à circumcinctis incolis, præsertim à Sclauis, non Bysantiū, nec Constantinopolis, sed Czarou domus, id est, domus Cæsaris diceretur, & est Constantinopolis triquetra figure, duobus angulis mari adiacens, tertio campos prospectans: eius ambitus decem, & octo milliaria Italica continet, non habet grandia palatia, nisi thermas, & scholas philosophantium magnifice nouiter structas: templum uero sanctæ Sophiæ, hoc est, sapientiæ Dei, qui est Christus uera sophia patris, egregie olim ædificatum, per Mahumetem imperatorem secundū Turcorum deiectum est, & stabulum ferarum factum. Roma uero Italiæ rotundæ figuræ, ambitu murorum triginta duo milliaria continet, ferè duplo ambitu Constantinopolis excelsa, & habet septem colles, & palatia præciosa.

*De familia Tartarorum vlanorum, siue Precopensem. CAP. XVI.*

**A**ltera soboles, & genealogia ex Tartaris Zauolhenſibus deriuata est Tartarorum Vlanorum, ab Vlano inuasore insulæ Taurice cognominata. Vlana puella est, & uirgo, & quia Vlani de uirgine, & puella genitus est sine legitimo thoro, Vlani nuncupatus est, suisq; posteris in Cherioneſo Tauricano nomē indidit. Etiam uirgines imprægnari, & concipere absq; uiro apud Mahumetistas nullum miraculum est, quum apud ipsos hoc sapius contingat, & prædicetur. Est autem Taurica insula inter paludes Maotidas, longitudinis uiginti quatuor milliaria: latitudinis uero quindecim milliaria, habet tres ciuitates, Solat, Kinkel, Caffam: & duo castra, Mankup, & Azau. Solat Tartari appellant Chrim, & Cæsarem Precopensem, exinde Chrimensem Imperatorem uocant: & ciuitas illa domus exiles habet, & est deserta pro maiori parte. Alia ciuitas minor est Kinkel, & supra eam in rupe alta est castrum ex lignis, & argilla factum. In hac rupe (ut fertur) draco commorabatur, & trucidabat homines, & iumenta, propter quem incolæ fugientes, habitationes propinquas uacuas reliquerunt, & quia Græci, & Itali insulam inhabitantes gloriosam Dei genitricem Mariam precati sunt, ut eos à dracone liberaret, uiderunt successu temporis candelam ardentem intra rupem: inciderunt ergo, & secuerunt gradus ascendendi in rupe: & peruenientes ad candelam ardentem, imaginem sanctissimæ genitricis Mariæ conspexerunt, coram quam lumen arsit, draconemq; desubtus per medium ruptum iacentem. Egerunt itaq; gratias de tam miranda liberatione, & draconem in frustra sectum, proiecerunt extra rupem, & quia incolæ glorificantes beatam uirginem ad imaginem eius ascendebant ueneratum. Acigeri Cæsar Precopensis contra fratres suos pugnans, exemplo eorum motus, supplicauit beatæ uirgini Mariæ, ut eum adiuuaret, uotum uouens, quod uirginem benedictam remuneraret. Nam Mahumetici uenerantur beatam Mariam, profitentes eam uirginem absq; thoro uirili, magnum prophetam Iesum benedictum concepisse, & peperisse. Quis quæ adiuutus superaret suos amulos, binos equos, quos habuit, meliores uendidit, & exinde cera emptæ, maxima duo lumina, siue candelas fecit, & ante imaginem coram ardere quotannis iussit, quod in hanc usque diem per subsequentes Imperatores continuatur. Tertia ciuitas est urbs Theodosia, nunc Caffa dicta, quam expugnauit sub laniensibus Mahumetes secundus Imperator Turcorum: castrum uero Mankup, quod est uersus Occasum à Caffa, præfatus Turcus Mahumetes ui accipiens, binos fratres principes, & dominos castrum Mankup, ut dicitur, reliquias ultimas Gothorū gladio occidit. Azou quoque castrum circa ostia fluij Tanais situm in castellauit, & Turci usque nunc tenent. Tartari uero Vlani ab ingressu insulæ in campeſtribus eius, ut est innata consuetudo Tartarorum, degunt, & extra insulam iisdem campeſtria Sarmatiæ Europianæ iuxta paludes Maotidas ad mare Ponti usque ad Album castrum occupando possident. Ingressumq; in insulam, seu introitum ad Occasum Solis fecerunt aggerem de terra longitudinis unius milliariis, in modum pontis sternentes, rude tamen, & semiplenè, ita ut aquæ maris in aliquibus locis aggerem pertranſeant. Insula ergo antiquitus Taurica dicebatur, nunc uero Prezekop, quod sonat fossatum, quoniam aquæ circumdederunt, & eam protegunt, tanquam fossata aquis plena ciuitates: sed hæc hæcenus. Videamus deinceps genealogiam. Post Vlani in Taurica regnauit Tachtamis Czar, qui unâ cum Vitoldo duce Lithuanie cōtra fratrem suum Temir Cutlu Czar Imperatorem Zauolhenſem pugnauit, & superatus est. Ex Tachtamis Czar filius eius Szidachmet Czar regnare uoluit: sed Acikerei Czar expulit eum, & ipsemet pro eo regnauit. Szidachmet autem pro auxilio in Lithuaniam perrexit, & captiuatus per Lithuanos cum uxore, & filiis in castro Couno incarceratus est, ibi cum coniuge, & filiis mortuus in diebus Cazimiri tertij Regis Poloniæ, & magni ducis Lithuanie, defuncto Adzigeri Czar: quia septem filios



reliquerat, senior filius Haider nominatus obtinuit imperium. Mendligeri uero unius ex præfatis filiis ad Imperatorem Turcorum confugit, & accepto subsidio, & uxore à Turco, disperfit & eiecit Haider, & Iamurci cum alijs fratribus. Hi ad luam Vasilouicz Moscouiæ ducem fugerunt, qui suscepit eos, & ducatum Cofanensem eis donauit. Ex Mendligeri Czar nouem filij nati sunt, primus Mahumet Cerei, alter Achmet Cerei, tertius Machmut Cerei, quartus Berhi Cerei, & est submersus dum prædam ageret per fluuium in Valachia, anno Domini M. D. X. Quintus Burnas Cerei, sextus Mubarec Cerei, septimus Sadech Cerei, octauus, & noni nomina non teneo. Nunc pro patre suo regnat Mahumet Cerei Czar. Et scias quod licet Tartari Przecopenses magis ciuiles, mitioresq; ratione aurq; sexti climatis, quod inhabitant deberent esse, tamen nõ deseruerunt priscam suam lupinam rapacitatem, & ferinam crudelitatem, sicut bestiales, qui campos, & syluas inhabitant, & nõ ciuitates nec uillas. Inuadunt enim singulis annis, uastant, & depredantur Russiam, Lithuaniam, Valachiam, Poloniam, & quandoq; Moscouiam.

De Tartaris Kofanensibus, & Tartaris Nahaensibus. CAP. XVII.

**T**ertia horda Tartarorum Kofanensium nuncupata est sic à castro Kofan supra flumen Volha circa metas Moscouiæ sito, penes quod commorantur. Et exiuerunt de principali horda omnium Tartarorum uidelicet de Tartaris Czahadien. siue Zauolhen. sicut & ceteri Tartari omnes. Habet autem prædicta Cofanensis horda quasi duodecim millia pugnatorum: in necessitate autem, quando aduocant alios Tartaros, ad triginta millia bellatorum constituunt. Istorum principes, & facti eorū, genealogiaq; non scribuntur, quoniam homagiales sunt ducis Moscouiæ, & pendunt ex arbitrio eius in uiuendo, in bellando, & duces sibi eligendo: idcirco quod de Moscorum principe dicitur, de ipsis poterit accipi, & adaptari. Quarta horda recens, & noua, ultimò ex Tartaris Zauolhenensibus orta est Occasorum, siue Tartarorum Nahaen. Nam postquam Occas insignis seruus, & miles magni Cham, habens triginta filios, occisus est: filij secesserunt à capitali horda Zauolhen. & iuxta castrum Sarai degere coeperunt ante hunc annum Christi, millesimum, quingentesimum, decimum septimum, circiter septuaginta annos, uel paulò minus, subitoq; in immensum creuerunt, intantum, ut hac tempestate numerosissima, & maxima surrexerit horda ipsorum. Isti sunt Septentrionales, & frigidiores omnium Tartarorum, Moscouiæ à parte Orientali adiacentes, & sæpenumero eam inuadentes atq; spoliantes. Dominantur inter eos filij, & nepotes Occas. Non habent pecuniam, nec monetam, sed res pro rebus uendunt, puta pro seruis, pro filiis, pro pecoribus, & iumentis.

## MATTHIÆ A MICHOV DE SARMATIA EUROPEA, LIBER II.

De Russia, de tractibus eius, & abundantia, & contentis in ea.

CAPVT I.



**P**OSTQUAM diximus de Sarmatia Asia, quæ Scythia uocatur, restat dicere de Sarmatia Europea, & in ea primùm occurrat Russia, olim Roxolania dicta. Latus eius Orientale adiacet flumini Tanai, & paludibus Meotidis, secernentibus Asiam, & Europam. Priscis autem seculis Alani habitauerunt ad flumen Tanais: deinde iuxta illos ad Meridiem Roxolani. Hæ autem gentes in toto deletæ perierunt, campi q; latissimè patentes spectantur, deserti, solis feris, & cosacis, seu prædonibus perujs, prout supra dictum est. Post hos supersunt reliquæ Circassorum uersus Meridiem, & sunt gentes ferocissimæ, & bellicosissimæ, genere, & lingua Ruteni. Deinde est castrum Oczarcou nuncupatum, quod Imperator Tartarorum Przecopensium extruxit, in dominio Lithuanorum, & post quasi duobus miliarijs ab Oczarcou in Meridiem sequitur Dzassou, & fuit castrum, quod ante tempora nostra demolitum est: à Dzassu, in Byaligrod, quod Turci occuparunt, sunt sex miliaria. Sequitur Podolia ad Occasum, Moldauia, & Valachia contermina ad Meridiem: ad Orientem uero campis Tartarorum, & Taurica insula: hæc est terrarum fertilissima, Cereisq; & mellis feracissima. Nam agro rude culto, & parùm inuerso atq; exarato, frumentoq; superfeminato, tribus annis spontè frumentum germinat, ita tamen, quod colligendo tempore messis segetem, aliquidpiam granorum permittatur, in terram decidere, ad



re, ad surgendum ex eis frumentū in anno sequenti, sine cultura, & sine agri aratura. Gramen quoq; & pascua tam citō ac uberrimē fundit, & prodit, ut perticam in tribus diebus supercrecendo contegat, & aratrum in locis graminosis derelictum in paulo pluribus diebus, graminibus sepiat, & cooperiat. Examina uerō apū non solū in mellificijs, & arboribus cauatis mellificant, uerū in ripis, & terra spōrē mella reponunt. Contingitq; sepe numero, ut examina apū superuenientia, & priores apes exterminātia, ruricolę aduolātia agmina apuin trucidant, aut aquis mergant, ut quę præsuerunt, hereditariē mellificarent, & manerent. Postea ad montes Sarmaticos habitat genus Rutenorum, quibus præsident nobiles Polonorum. In Kolomya, in Zidazou, in Sniatin, in Aoatin, in Busco, &c. Sub eisdem montibus sunt tractus Halicienses, olim Gallicia dictus, & Prezemiſſienſ. & inter montes Sarmaticos tractus Sanocensis. In medium Ruffiæ tenendo est Leopoliensis terra, & urbs in ea benē munita eodem nomine nuncupata: habens duo castra, superum, & inferum, & est metropolis Ruffiæ. In Septentrionem sunt tractus Chelmenſis, & Belzenſis, terraq; in medio iacens. Clauditur autem Ruffia à Meridie Sarmaticis montibus, & flumine Tyras, quem incolę Nieſtr appellant. Ab Oriente finitur Tanai, & Meotidibus, Tauricq; insula. À Septentrione Lithuania, ab Occasu uerō Polonia. Ex Moscouia autem aduenit Boryſthenes, ab incolis Dienpr nuncupatus famoſus fluuius, per Lithuaniam, & Ruffiam currens, & sub Smolensco, & sub Kiou labens, in hunc ab Occasu circa Chmyelnick oppidum confurgens, Boh non exiguus fluuius illabitur: & quū mensus eſſet Boryſthenes, quaſi trecenta milliaria Germanica, in mare Ponti cadit. Amplius terra Ruffiæ quum ſit fertilis, abundat melle, & medone, potu ex mellē factō, adducitur, & uinum ex Pannonia, & uinum ex Moldauia atq; Valachia, quibus adiacet: ſed & uinum Græcum ex Græcia, & eſt forte: etiam ceruiſiam ad nutum habet. Abundat equis, bobus, & ouīū gregibus, abundat cera in maxima copia, abundat pellibus mardarum, ſchiſmorū, uulpium, & bouum. Abundat fluminibus, quibus irrigatur, & aquis piſculentis, ita ut ubi aqua inuenitur, & piſces in ipſa reperiuntur: non impiscantur ſtagna, & piſcinæ Rufforum, ſed ubicunq; aquę reperiuntur, illic & piſces de rore cœli (ut aiunt) demittuntur, abſq; hominū cura, & impſcatione: ſuntq; in tractu Leopoliēſi lucei magni, & laudabiles, & in partes tanquam in laminas diuiſibiles. Abundat Ruffia calamo aromatico in terris uerſus Tanaim, & paludes Maotidas. Item reupontico in eiſdem terris, & in Lithuania, ſic & pluribus herbis, ac radicibus alibi non uilis. Abundat tota terra Ruffiæ granis tinctorum, quę copioſiſſimē excrescunt: & quum priſcis temporibus ad Ianuam, & Florentiam urbes Italicis importarentur, nunc uix aliquid de eiſdem colligitur, ſereq; in toto fruſtrata, & non collecta pereunt. In tractu Chelmenſi ramī pini arboris deſecti, & in terra iacentes, in anno aut in duobus in ſaxa, & ſilices uertuntur: eſtq; ibi creta ſeu terra alba in copia, quę ad nos ducitur. Eſt & ſal, quod in lacu Kaczibeio temporibus ſiccis colligitur, & quia propē eſt Oczarkou caſtrum Tartarorum, intercipiuntur, & capiuntur interdum per Tartaros ductores ſalis unā cū plauſtris ducentis quandoq; & trecētis. In terra quoq; Prænemiſſienſi, & in Drohobiz ſal coctum, & in bolos ac portiones collectū reponitur. Præterea in Ruffia ſunt plures ſectę: eſt enim religio Chriſtiana Romano pōſifici ſubiecta, & illa regit, & præualet, quanquā ſit exigua numero. Eſt *Ruſſitarum religio.* altera ſecta Ruthenorum amplior, quę ritum Græcorum inſectatur, totam Ruffiam adimplens. Eſt tertia ſecta Iudæorum non uſurariorum, uelut ſit in terris Chriſtianorum, ſed laboratorum agricolarum, & mercatorum magnorum, præſidentq; ut ſapē teloneis, & exactionibus publicis. Eſt quarta ſecta Armenorum, præcipue in ciuitate Kamyenyecenſi, & Leopoliēſi. Hi ſunt mercatores peritiſſimi, ad Caſſam, Conſtantinopolim, ad Alexandriam Aegypti, ad Alkairum, & partes Indiæ penetrantes, & merces afferentes. Ruteni habitu, & Eccleſiaſticis officijs Græcos inſequuntur, habentq; proprias literas, & abecedarium, inſtar & proximum Græcis. Hebræi ſimiliter Hebræorum literis utuntur, & diſciplinis, uerum etiam artes liberales, Aſtronomiam, & Medicinam perſcrutantur. Armeni ſuo ritu gaudent, & literis. Inter ſanctos colunt plus Taddæum Apoſtolum, afferentes, quod eos conuerterit, & fidem Chriſti docuerit. Deinde & Bartholomæum ſanctum Dei Apoſtolum uenerantur, per quem multos articuloſ, ut afferunt de fide acceperunt: habent magnifica, & plurimū decora Eccleſiaſtica apparamenta, planetas, & ornatus non ſciſſos, ſed omniqua; rotundos, libros, calices, & cæteram Chriſtianorum ueteranorum ſplendidam ſuppellectilem. Quō autem ad ſpirituales præſides, & paſtores, Chriſtianorum archipræſul eſt Leopoliēſ. Metropolitanus Rufforum, & Lithuanorum, habens ſub ſua ditione Kiouiēſ. Kamyenyecenſ. Prænemiſſienſ. Chelmenſ. Luceriēſ. & Medniēſ. epiſcopos. Rutenorum metropolitanus eſt Kiouiēſ. quę olim metropolis Ruffiæ fuit: habet ſubiectos Vladicas, & Epiſcopos de ritu Græco in Moldauia, & Valachia



lachia usque ad flumen Histri, seu Danubij, unum in Russia Chelmensem, alterum in dominio Lithuanorum Vladimiriensem, siue Brestensem, tertium Pinsci seu Murouisci, quartum Polocensem, quintum Lucensem, sextum Smolensem, & passim omnes alios Vladicas ac episcopos in terris Moschorum, & in Septentrionem de iurisdictione Moschorum protensorum. Isidorus Metropolitanus, olim Kiouien. lingua, & doctrina Græcus peritissimus, tempore Eugenij Papæ quarti ad concilium Florentinum in centum equis iuerat, & unione ecclesiæ Romanæ percepta in Russia redierat: hunc Moscouitæ obedientiam Romanā eis prædicantem spoliauerunt, & in necem extremam impulerunt. Sequuntur Ruteni doctores & Theologos Græcorum, præcipue Basilium magnū, Gregorium Nazanzenum, & Ioannē Chrysostomum. Gregorium Nazanzenū eorum sermone Bogoslou nuncupāt, quod in Latino sonat, laudans deum. Acceptant & nostrum sanctum Gregoriū Papam Romanū, præcipue in libris Moralium, quē translātū legunt, & lingua eorum Byessednic, quod ualet concionantē, persuadentem, uel prædicantem uocant. In ecclesijs Rutenorum lingua Seruiorū, quæ est Sclauonica, diuina celebrāt, legunt, & cantant, in ecclesijs Armenorum sermone Armeno, in synagogis Iudæorum lingua Hebræa orant. Christiani autē ritu Romano Latino sermone cantant, orant, & legunt. Et scias quod in fluminibus Russia, & Lithuania, præcipue in Boristhene, & Boh, tempore æstatis multiplicatur ephimere, & sunt uermes, & uolatilia alata, quaternis, interdum senis alis oriuntur, & generantur, manē currunt super aquas, & uolant super ripas circa meridiem: in occasu autem solis extinguuntur. De his loquitur Aristoteles primō de Historijs animalium, & in Problematibus, & medici de febre ephimera.

De Lithuania, &amp; Samagithia.

CAP. II.

Litalia.

Vilno.

Lithuanie eymologia.

**M**agnus ducatus Lithuaniae est regio latissima, in ea sunt plures duces Lithuaniae, & Russia: unus autem præses, & monarcha, cui cæteri omnes subsunt, magnus dux Lithuaniae uulgō nuncupatus. Aiunt autem uetustiores, & antiquitatum relatores, quod quidam Italici propter Romanorum dissensiones deferentes Italiam ingressi sunt terras Lithuaniae, & nomen patriæ Italia: genti uerō Itali non indiderunt: quæ per pastores terra Litalia, & gens Litali, litera præposita cœpit nuncupari. Ruteni autē, & Poloni eorum uicini maiore immutationem facientes, usque in hodiernā diem terram Lithuania, gentes uerō Lithuanos appellant. Hi primū condiderūt oppidum Vilno, eleuationis poli quinquaginta septē graduum, & ex nomine ducis Vilij, quo cum illas regiones ingressi sunt, Vilno uocauerunt, fluminibus quoque circa ipsum fluentibus Vilja, & Vilna ex eiusdem ducis nomine indiderunt nomina. Samagithiam autem de suo sermone sic nominarunt, quod lingua eorū, terra inferior sonat. Aliqui autem ignari historiarum, à lituo, quod est cornu, & tuba uenatorū, eō quod regio illa plures uenationes exerceat, Lithuaniam appellari uoluerūt, quod ad effectum, non ad historiarum originem spectat. Hæc gens Lithuanorum annis superioribus adeo obscura, contempta, & uilis apud Rutenos fuit, ut principes Ciouien. ab ea sola perizomata, & subera ob egestatem, & soli natiui sterilitatem in signum tantummodò subiectionis exigerent: donec Vithenen dux Lithuanorum rebellionem primū contra Rutenos inducens, & seipsum ducem inter populares cōstituens, astu principes Russiae aggressus cōflixit, sensimque adeo creuit uiribus, ut iugo principibus Russiae iniecto, etiam in tributa eos redigeret sibi pendenda, quæ per plures ætates Rutenis ipse penderat. Posterique duci Vithenen succedentes furtiuis lupinis, & subitis incursionibus finitimas gentes Russiae, Prussiae, Mazouiae, & Poloniæ inuadebāt, & diripiebāt: donec fratres Cruciferi Teuthonici ordinis beatae Mariæ per Conradum ducē Mazouiae aduocati, & in auxilium assumpti, Prussiaui, & continuis armis cōquilita, Samagithas, & Lithuanos aggressi, debellare, captiuare, & opprimere pluribus oppugnationibus cœperunt, tamdiu donec ad Olgerdū, & Ceystutum duces Lithuaniae successiue peruenerūt. Fuit autē Olgerdus magnus dux Lithuaniae, cuius filius erat Iagello, postea baptizatus, & Vladislaus nominatus, in regē Poloniae coronatus. Frater autem ipsius Olgerdi fuit Ceystuth, maximus expugnator, & persecutor Christianorū, qui inter pugnandum cū cruciferis Teuthonicis in Prussia ter captus, terque astu, & mira euasione cōtra uoluntatē Cruciferorum liberatus ē uinculis fugerat. Huius Ceystuth filius fuerat Vitaudus, seu Vitoldus macie uirtutis princeps: Iagello autem, qui postea, & Vladislaus, sub treugis pacis captiuado Ceystuth, & filiū eius Vitaudum, Ceystuth in carcere occidit: Vitaudū uerō in uincula coniecit. Tandē à Cruciferis, & Christianorum exercitibus sæpenuerō Iagello pressus, deo miserante ad Polonos declinauit, fideque Christiana cum fratribus suis, quos octo in numero habuit, unda baptismatis ablutus, & in Regem Poloniae coronatus, Hedwigim filiam Ludouici Hungariæ, & Poloniæ regis



regis illustrissimam, ac speciosissimā in consortem accepit, anno Christi millesimo tricentesimo, octuagesimo sexto, die Iouis, quarto decima Mensis Februarij, quę fuit sancti Valerij. Cępitq; pręfatus rex Vladislaus secundū promissā uigilare, & instare, ut gentē Lithuanicā à tenebris erroris ac idololatria expurgaret, assumptis quoq; secū Bodzanta archiepiscopo Gneznenſi, & pluribus uiris Ecclesiasticis atq; religiosis. Item regina Hedwig, Semouito, & Ioanna Mazouia, Conrado Oleſnicenſi ducibus, & compluribus baronibus, anno Domini millesimo, trecentesimo, octuagesimo septimo, in Lithuaniam intrauit, & baptisma suscipere Lithuanos procurauit. Colebant autē ab origine Lithuani numina, ignem, syluas, aspides, & serpētes: ignem, qui per sacerdotē lingua eorum zinzc nuncupatum, subiectis lignis adolebatur: syluas autē, & lucos sacrosanctos, & habitacula deorum putabant: aspides uerō atq; serpentes in singulis domibus uelut deos penates nutriebant, & uenerabantur. Rex itaq; Vladislaus ignem sacrum putatum in ciuitate Wilnensi, barbaris inspectantibus, extingui, templum, & aram in quibus fiebat hostiarū immolatio dirumpi, syluas uerō succidi, & confringi, serpentes quoq; necari pręcepit, barbaris flentibus deorum suorum falſorum exterminium, contra regē autem nec inuſitare audentibus, mirantibus quoq; quod Poloni sacrorum uiolatores ignis syluarū & serpentum intacti, illęſiq; à dijs eorum, secūs quā ipsimet quoties uiolabant, fuerunt. Exterminatis itaq; idolis, gens Lithuanorū per aliquot dies de articulis fidei, & oratione Domini per sacerdotes Polonos, magis tamen per regē Vladislaum, qui linguam gętis nouerat, edocebatur, & sacra baptismatis unda renascebatur: largiente pio rege Vladislao singulis ex popularium numero post susceptū baptismā, ex panno de Polonia adducto nouas uestes: qua prouida liberalitate effecit, ut natio illa rudis, & pannosa, lineis in eā diem cōtenta, fama huiusmodi liberalitatis uulgata, pro cōsequendis laneis cateruatim ad suscipiendū baptismā ex omni regione accurreret: & quoniā laborerat immensus unumquemq; credentium baptizare singillatim, mandante rege multitudo sequeſtrabatur in turmas, & cuncos, & uniuersis de qualibet turmarū benedicta aqua sufficienter conspersis, cuiuslibet turmę, & uniuersis, qui in ea constiterant, nomen uſitatū Petrus, secunde Paulus, tertię Ioannes, &c. fœminis per turmas diuisis, Catherina, Margareta, &c. iuxta numerum turmarum imponebatur. Militaribus tamen spiritalis impendebatur baptismus. Fundauit insuper rex Vladislaus in Wilna Ecclesiam cathedralem sub titulo sancti Stanislai patroni Polonorum, principalemq; aram in loco ubi ignis, qui falsō perpetuus credebatur, constituit, ut error gentilis fieret cunctis patentior. Constituit etiam in eadē Ecclesia Wilnensi episcopum uirū spectatę uirtutis Andreā Vazilo, natione Polonū, genere nobilem, de domo accipitrum, professione fratrum ordinis minorū, olim Elizabeth reginę Hungarię confessorē, & prędicatorem insignem episcopum Cretenſem. Eodē quoq; Vladislao rege instante, Samagithia fidem Christi, & baptismā suscepit. Ad cognoscendam autem naturam prouincię, & gentis illius, animaduerte, quod regio Samogithia est Septentrionalis, & gelida, Lithuania, Liuania, & Prusię contermina, syluis, collibus, & fluminibus circumlepta, in hos tractus distincta, scilicet, Iragola, Myednici, Chroſſa, Rosena, Viduki, Vyelunya, Celthini, Czethra, gentes regionis procera, & altę staturę, agrestes, & incultę, paucę, & castigatę uictu uiuentes, sitim aqua sedare solitę, rarō ceruisia, aut Medonę auri, argenti, aris, ferri, uini illa tempeſtate expertes, & ignarę: apud quos licitum erat unī uiro plures habere uxores, & patre mortuo nouercam, fratreq; glotem in uxorem accipere: nullus illic ſtubarum, nullus ædificiorum nobilium, sed tantummodō tugurij unius usus, uentrem distentum, & porrectum: extrema uerō habens coarta, ex ligno, & culmo ſtructura largiūs ab imo ſenſim operis incremento edificiū in arctiūs cōgitur, in carinę, seu Galeę maximę ſimilitudinē elaborata, in cacumine fenestra una ſu perne lumen reddens, ſubter quam focus, & cibos parabiles coquens, & frigus, quo regio pro maiori anni parte conſtricta est repellens, in ea domo ſe, uxores, pignora, ſeruos, ancillas, pecus, armentum, frumentum, & omnem ſupellectilem condunt: gens ad diuinationes, & auguria procliuis. Pręcipuum numen Samagiticum erat ignis, quem ſacroſanctum, & perpetuum putabant, qui in montis altissimi iugo ſuper fluuiū Neuyasza ſito aſſidua lignorum appoſitione à ſacrorum ſacerdote alebatur. Accedens itaq; Vladislaus rex turrim, in qua conſiſtebat, incendit, & ignem diſſecit, & extinxit. Succidit deinde per milites ſuos Polonicos ſyluas, quas non ſecūs, quā ſanctas, & deorum habitacula Samagithię (iuxta illud Poëticum: Habitarunt dii quoq; ſyluas) uenerabatur, in eam caliginem mentis prolapſi, quod & ſyluę pręfata, & aues, feręq; in illis conſiſtentes ſanctę forent, & quicquid in illas ingrederetur, ut ſanctū deberet cenſeri, uiolanti quoq; nēmus, ſeras, uel alites, manus aut pedes dæmonum arte curuabantur. Maxima itaq; Barbaros tenebat admiratio, quod Polonorum milites nemus ritu eorum excidentes, nulla læſio qua-



*Mortuorum parentationes.* sio qualem ipsi in se frequentius experti erant, sequeretur. Habebant præterea in syluis præfatis focos, in familias, & domos distinctos, in quibus omnibus charorum, & familiarum cadauera cum equis, sellis, & uestimentis potioribus incendebant: locabant etiam ad focos huiusmodi ex subere facta sedilia, in quibus escas ex pasta in casei modum præparatas deponebant, medonemq; focis infundebant, ea crudelitate illusi, quod mortuorum suorum animæ, quorum illic combusta fuerant, nocte uenirent, escasq; se exsatiarent. Insuper prima Octobris die, maxima per Samagittas in syluis præfatis celebritas agebatur, & ex omni regione uniuersus utriusq; sexus conueniens illuc populus, cibos, & potus quilibet iuxta suæ conditionis qualificationem deferbat, quibus aliquot diebus epulati dijs suis fallis præcipue Deo lingua eorum appellato Perkuno, id est, tonitru, ad focos quisq; suos offerebat libamina. Rex itaq; Vladislaus primùm eos pater noster, deinde symbolum docuit, quoniam nullus sacerdotum linguam Samagitticam nouerat, & unda baptismatis ablui iussit. Vnus autem ex maioribus Samagittarum pro omnibus respondit: Ex quo, inquit, serenissime Rex, dij nostri ueluti inertes, & languidi à Deo Polonorum deleti sunt, deos nostros, & sacra eorum deserimus, & Deo tuo atq; Polonorum fortiori adhæremus: sicq; baptizati sunt. Rex autem in Myedniki cathedralem Ecclesiam sub honore, & titulo sanctorum martyrum Alexandri Theodori, & Euancij, in alijs autem locis Ecclesias parochiales fundauit, & illis dotem sufficientem cõsignauit, & inscripsit. Mednicensis Ecclesiæ primus episcopus Matthias origine Almanus, in Vilna tamen natus, eò quod linguam Lithuanicam, & Samagitticam norat præfectus est, & consecratus. Contigit autem in prima plantatione, dum Samagittæ per magistrum Nicolaum Vazic, fratrem ordinis prædicatorum regium prædicatorem per interpretem instruerentur de fide, creatione mundi, & lapsu primi hominis Adæ, unus Samagittarum sufferre sermonem prædicantis non ualens in hæc uerba prorumpit: Mentitur, inquit, illustrissime Rex iste sacerdos, asserit mundum creatum esse, quum sit homo nō longæuæ ætatis: sunt etenim inter nos plures annorum numero seniores eo, centenarium numerum supergressi, qui creationem nullam recordantur: sed solem, & lunam, cæteraq; sydera semper eisdem motibus luxisse referunt. Rex autem Vladislaus iubens eum silere, declarauit magistrum Vazic creationem mundi non asseruisse in diebus suis incepisse, sed longè antè, puta ante sex millia annorum, & paulò plùs, ordinatione diuina prouenisse. Contulit autem rex Vladislaus magnum ducatum Lithuanix, & Samagittix Alexandro Vitoldo fratri suo patrueli: is quia acer, & animosus erat pugnando, adiecit Lithuanix ducatum Pskou, quæ Plefcouiam appellant. Deinde alterum ducatum Nouogrodien. qui Nugardia agnominatur. Tertium ducatum Smolnensem suo dominio apposuit. Factaq; in circuitu pace, in Orientem penetrauit, & incidens in Hordam Tartarorum multitudinem eorum, in Lithuaniam appulit, ac in certo territorio Lithuanie locauit usq; in hanc diem permanentē. Congestoq; fortiori exercitu, iterū in Tartariam perrexit, & iuperatis fluminibus, in planiciem diffusè porrectam circa flumen Vorzschla, quartadecima die Augusti peruenit. Ibi occurrente ei Imperatore Zauolhensi Temirkudu, quem scriptores Tamerlanē nuncupāt, cum infinita ac innumerabili Tartarorum multitudine, de treugis, & pace utrinq; tractabant: concordia tamen nequaquam à Tartaris acceptabatur. Vitoldus igitur à suis persuasus cum custodibus corporis sui retrorsum abiit, & in Lithuaniam fugitiuè rediit: exercitus uerò ipsius ab infinita multitudine Tartarorū obrutus, in toto deletus est. Præterea Sigismundus rex Romanorum iaciendo inter Vitoldum, & Vladislaum fratrem eius regem Polonix fomitem discordiarū, coronam Vitoldo promisit, & in regem Lithuanorum sublimari persuasit: uerū quum asferretur corona per loca tutiora Marchix, & Prusix, nobiles maioris Polonix sese opposuerunt, & cum exploratoribus in custodia permanendo, in loco, qui Turzagora uocatur, legatos Imperatoris Romanorū oppetiebantur, & expectarunt. Illi uerò rem infectā cognoscentes, terrore perculsi retrocesserūt, Vitoldus autem de hoc certior factus præ tristitia ab anthrace inter scapulas orto, uitam cum principatu finiuit, anno Domini millesimo, quadringentesimo, trigesimo. Post mortem Vitoldi Vladislaus Iagello rex Polonix Suitrigellum fratrem suum in ducem Lithuanix anulo suo inuestiuit, & substituit: qui immemor beneficii, cõtra Vladislaum Iagellonem tumultuauit, & bella gessit, propter quod rex Vladislaus principi Sigismundo de Starodup suggessit, commisitq; ut ducatum Lithuanix sub Suitrigello surriperet. Apparente igitur comete exili supra illum ducatum, dux Sigismundus de Starodup Suitrigellum expulit, & ducatū magnum Lithuanie possedit. Hunc Sigismundus Iuan dux Czarthoriensis, genere, & secta Ruteus post aliquot dies occidit. Ingrediebatur siquidē ex consuetudine ur̃sa ad tabernaculum ducis Sigismundi. Ruteni itaq; more ur̃sæ ostium tabernaculi fricabant, & mouebant: quo audito dux Sigismundus ur̃sam aduenisse putando,



ostia aperuit, & à Rutenis uulneribus concisus occubuit. Aeneas de Picolominibus scripsit, non hunc Sigismundum, sed Vitoldum sicut præmissum est, per suos in forma ursæ delusum interfectum. Sed inscijs relatoribus credidit, & erroneè scripsit, quemadmodum simili errore ductus, plurima de Lithuanis, plurima & de Polonis cōficta literis tradidit. Posteriq; historiographi errantē erroneè sequentes, ipsius Aeneæ absurditates & loca, atque mores illarum nationum nunquam uisa, aliter quàm fuerunt, & quàm sunt, tanquam uera literis demandare non erubuerunt: quum experientia præteritorum atque præsentium ipsum & ipsos inexpertos, & aliter quàm res habeat scribentes redarguat. Successit duci Sigismundo de Starodup, Kazimirus Vyladislai Iagellonis tertius natus in magno ducatu Lithuaniae, quem ferè quinquaginta annis gubernauit, sub cuius extremis & ultimis annis Iuan dux Moscorum auulsit, & sibi appropriauit ducatum Nouogrodensem, aliàs Nugardiam seu Nouogrodiam nuncupatum. Post Kazimirum in Lithuania dominatus est Alexander filius eius quartogenitus, cuius temporibus præfatus Iuan dux Moscorum principatum Mozaisensem, longitudinis septuaginta, latitudinis totidem miliarium, & castra quadraginta subripuit. Alexandro uita functo, Sigismundus modernus in magno ducatu Lithuaniae successus est, sub cuius Dominio Vasilio Moscouiae dux & principatum Pleskou, quem Pleskouiam appellant, & ducatum Smolnensem expugnauit & possedit.

*De amplitudine & contentis magni ducatus Lithuaniae.*

CAP. III.

**A**mplitudo magni ducatus Lithuaniae est talis. A mari Balteo seu Prutenico ad Vilnam capitale ciuitatem Lithuaniae sexaginta miliaria, à Riga uero ad Vilnam recto itinere septuaginta miliaria: eundo uero super Poloczko ut cōmuniter uadunt, erunt à Riga in Vilnam centum miliaria. Deinde à Vilna in Kiou sunt centum miliaria. A Kiou usq; ad confluentiam, ubi iunguntur fluuij Dniepr et Boh, quos Græci Borysthenem, maiorem & minorem appellant, sunt decem diætæ, quæ faciunt septuaginta miliaria, ibi steterat castrum Dzaisou, quod destructum est, & ibi est finis Domini Lithuanorum, quum prius protēdebatur ad Byaligrod, quod Latini Album castrum nuncupant, & ipsum Turci expugnarunt & possident: circumcirca uero Tartari in campis degunt: Ista est cōputatio uersus meridiem, quinimò uerius dicam inter orientem & meridiem. Iterum ex transuerso computando, à Patzou & metis Lithuaniae in Vilnam sunt octuaginta miliaria: sed à Cracouia per eandem uiam usq; in Vilnam sunt centum & uiginti miliaria. A Vilna in Smolensco centum miliaria, à Smolensco in Moscuam ciuitatem Moscorum centum miliaria, & sunt miliaria Germanica magna. Prima autem & capitalis ciuitas in Lithuania est Vilna, est tanta, quanta Cracouia cum Kazimiria Clepardia, et omnibus suburbijis: uerum domus non sunt coherentes sicut in nostris ciuitatibus, sed usq;è mediant horti & pomaria: habet Vilna bina castra murata, superum in monte, & inferum in basso. Nouigrod uero, quam Latini Nugardiam uel Nouogardiam uocant, fuit de possessione magni ducatus Lithuaniae, per ducem Vitoldum armis conquisita, & est Nouigrod in amplitudine paulo maior, quàm Roma, quia Roma in ambitu continet triginta duo miliaria Italica, quæ faciunt sex miliaria Germanica, & duo miliaria Italica supersunt. Nouigrod autem continet integra septem miliaria, aliàs trigintaquinque miliaria Italica. Item Nouigrod lignea habet ædificia, Roma uero murata. Distat Nouigrod à mari Balteo duobus uel quasi tribus miliarijs. Et fuerunt, adhucq; sunt in ea ditissimi mercatores: intantum quod apud quemlibet mercatorem iuxta refectorium est Crancz, id est reservaculum loco testudinis, in quod argentum, aurum & res pretiosæ conquisitæ proijciebantur absq; numero. Vnde Iuan, quod sonat Ioānes princeps Moscorum anno Domini millesimo quadringentesimo septuagesimo nono, surripiedo Nouigrod de manib. Kazimiri magni ducis Lithuaniae, huiusmodi thesauros Nouogrodien. exhaustit, & trecentos currus ad summum implendo, duntaxat de auro, argento & unionibus pretiosis, in Moscouiam abduxit. Et quia in eadem Nouigrod perniciofa consuetudo inoleuerat sicariorum & raptorum, saepeq; aliquo reo inuento uel designato pulsabatur campana prætorij ubi centum senatores tanquam iudices sedebant, omnes more illius patriæ barbam protensam nutriendes: uulgus autem audito sono campanæ, concurrebat de tota ciuitate, ita quod quilibet hospes duos acciperet lapides in brachio, & filij hospitem similiter. Quumq; reus per senatores condemnaretur, lapidibus adstantes obruebant, & interficie-

n bant



bant eum, tumultuososq; ad domum condemnati currentes, diripiebant omnia bona occisi, & area domus postea uendebatur, & pecunia exinde pro Republica confiscabatur. Idcirco Iuan dux Moscorum praefatus apprehensa & possessa Nouigrod in quinque famosioribus plateis quinque capitaneos cum armigeris constituit ad sedandum et prohibendum solitos tumultus, inuasiones & spolia. Est in Nouigrod castrum Deczen nuncupatum, in eo principalis ecclesia est sancti Sophie, id est, saluatoris, & est tecta aureis laminis splendentibus, suntq; in eadem Nouigrod septem monasteria Zirnkoru, id est, nigroru monachorum de regula sancti Basilij, & distant a seinuicem fere uel propere per medium milliare. In primo monasterio B. Mariae uirginis sunt mille monachi, in altero sancti Georgij septingenti, in tertio sexingenti, in quarto quadringenti: sic consequenter in alijs monasterijs. Sunt & ecclesiae sanctorum plurimae, & solius sancti Nicolai, quem Rutheni inter alios sanctos plus colunt: ecclesiae sunt totae, quot sunt dies in anno. Habet eleuationem poli Nouigrod sexaginta sex graduum, & in aestate circa solstitium aestiuale post occasum solis apparet lux coeli usq; in ortum solis, ut artifices, sartores, sutores, & ceteri mechanici suere & laborare possint. Post Nugardiam Septentrionem est Suetia & Filandia usq; in Oceanum Septentrionis. Pskou urbs nobilis murata & magna, minor tamen quam Nouigrod, adiacet Moscouiae & Lithuanie, hanc Latini, Pleseouiam appellant, inhabitatores ipsius omnes sunt lingua & ritu Ruteni, barbam non radunt, & crines capitis non tondunt, habitum uero in toto deferunt Alemannicum. Habet terra Pleseouie triginta castra murata, & sunt uersus Liouoniam, & non sunt tam bona castra in Moscouia, neq; in Lithuania. Tota autem terra Pleseouiae sexaginta milliaria in longitudine, & quadraginta in latitudine continet. Vassilo modernus princeps Moscouiae per compositionem & tradimentum seniorum adeptus est, & possidet Pskou, deposuitq; campanam, ad cuius pulsus tota ciuitas confluebat, & iniuriantes opprimebat. Contra pactum quoq; & promissa sua abegit Vladicam, id est, episcopum loci, & plures nobiles ac ciues Pleseouiae, & locauit in ciuitate Moscua, & alijs locis Moscouiae. Deinde uersus orientem est Poloczko castrum & ciuitas magna, & pertinet ad ducatum Smolensco, possidet eam magnus dux Lithuaniae. Post hanc ad orientem est Smolensco castrum & ciuitas ex roboribus structa, & fossis profundis munita, ipsa autem terra seu ducatus Smolensco continet in longum sexaginta aut septuaginta milliaria Germanica. Praeterea linguagium Lithuanicum est quadripartitum, primum linguagium est Iaczuingorum, ut horum qui circa castrum Drohicin inhabitant, & pauci supersunt. Alterum est Lithuanorum & Samagitharum. Tertium Prutenicum. Quartum in Lothua seu Lothihola, id est, Liouonia, circa fluuium Dzuina, & Rigam ciuitatem. Et horum quanquam eadem sit lingua, unus tamen non plene alterum intelligit, nisi cursiuus et qui uagatus est per illas terras. Habuit hoc linguagium quadripartitum tempore idololatriae pontificem maximum unum, quem Criue appellabant, morantem in ciuitate Romoue a Roma dicta, quoniam hoc linguagium de Italia iactat sese aduenisse, & habet nonnulla uocabula Italica in suo sermone. De isto Criue & ciuitate Romoue in legenda Sancti Adelberti pontificis & martyris legitur. Et scias quod in Prussia iam pauci proferunt Prutenicum, subintrauit siquidem lingua Polonorum & Alemanorum: sic & in Lothua pauci uillani profitentur hanc linguam, quia subintrauit Alemanicum. In Samagithia autem, quae est longitudinis quinquaginta milliariarum, & in Lithuania, quae in longum triginta milliaria continet, in uillis Lithuanicum loquuntur, & in magna parte Polonicum profitentur: nam & sermone Polonico sacerdotes eis praedicant in ecclesijs. Insuper scito quod hoc linguagium quadripartitum totum est de obedientia & fide Romanae ecclesiae, in alijs autem prouincijs circumiacentibus, ut in Nouigrod, in Pleseouia, in Poloczko, in Smolensco, & in meridiem usq; post Kiou Ruteni sunt omnes, & Ruthenicum seu Sclauonicum loquuntur, ritumq; Graecorum obseruant, & obedientiam Constantinopolitano patriarchae praestant. Amplius sunt in ducatu Lithuaniae Tartari circum Vilnam, & habent proprias uillas: colunt agros more nostro, laborant & uehunt merces, ad mandatq; magni ducis Lithuaniae omnes ad bellum assurgunt, loquuntur Tartaricum & colunt Mahumetem, quia Saracenorum sectam profitentur. Insuper sunt Hebraei in Lithuania, praesertim in ciuitate Troki, hi laborant & mercantur telonea & officia publica tenent, de usurisq; non uiuunt. Post hoc de fluminibus dicamus. A parte orientali dominium Lithuanorum terminant fluuij, Oskol, Iugra, Donyecz, id est, paruus Don, & est paruus Tanais, hi & plurimi alij in Tanaim decurrunt. Item ex Dominio Lithuanorum post castrum Vesnya, quod dux Moscouiae Modernus Vassilo



occupauit, ortus est Dniepr, seu Borysthenes ex terra plana lutosâ, ex stagnis in densis syl-  
uis, & fluit sub Smolensco & sub Kiou, tandem emensis quasi trecentis milliarijs Germa-  
nicis, in mare Ponti incidit. Item Vilâ alius fluuius triginta milliarijs ad orientem Vilnæ  
ciuitatis ortum cepit, & sub castro Vilnensi cum alio fluuio minori Vilnâ dicto, & initium  
eius duobus milliarijs à præfata ciuitate Vilnâ computatur, commiscetur, unaq; ad ma-  
gnum fluuium Niemen influunt. Niemen autem fluuius ualde flexuosè decurrit, naues  
desert & merces: post castrum Couno in mare Prutenicum cadit. Item Dzuina magnus  
fluuius fontes habet in Moscouia, & in Dominio Lithuanorum, fluit sub castro Vitepsk,  
deinde sub Poloczko: hostia eius circa Rigâ ciuitatem Liuania, ubi in mare cadit, & scias  
quod quemadmodum in superioribus præmissi tria magna flumina prope se inuicem ori-  
untur, scilicet, Dniepr, Dzuina, & Volha: oriuntur, inquam, in locis planis, nemorosis, pa-  
lustribus, non ex montibus Hyperboreis, non Riphæis, nec aliquibus montibus qui in  
natura minimè sunt, duntaxat figmento olim Græcorum tâquam in rei ueritate existerent  
gloriose & ampullose prædicati sunt, & quod præfata flumina ex ipsis erumperent ac ori-  
rentur per sequaces historicos cosmographos & poëtas in experte descripti, decantatiq;  
sunt, quum usquam compareant: plana siquidem est terra per totum, unde illa ortum du-  
cunt. Et Dniepr qui est Borysthenes ad meridiem fluit usq; in mare Ponti incidens. Dzu-  
ina grande flumen ex Moscouia erumpens, ad occasum solis per dominia Lithuanorum,  
& per Liuaniam labens iuxta ciuitatem Rigam, in mare Balteum descendit Volha maxi-  
mus fluminum etiam ex Moscouia oriens, in Septentrionem tendit, reuersusq; in orien-  
tem, longinque circuit Tanaïm: tandem conuersus in meridiem per Scythiam seu Sarmat-  
iam Asianam & campos planissimos Tartarorum peruagatus, in uiginti quinque flumi-  
na magna partitus, mare Euxinum ingreditur. Distat Tanaïs Volha in Tartaria itinere sex  
hebdomadarum, ad minus trium aut quatuor uelocissime currētibus. Sunt & alia in Lithua-  
nia & Moscouia multa flumina & stagna magna: parua uero flumina & riui sine numero  
in maiora defluunt. Omnia piscosa abundanter, ita quod in illis terris ubi aqua, ibi & pi-  
sces: & sunt pisces sapidiore & delectabilioris gustus quàm in regionibus nostris, piscine  
& fodinæ pro aquis & impiscationibus tanquam inutiles illic non fiunt. Amplius in du-  
catu Lithuaniae panis rusticorum nigerrimus est non cribratus, ex siligine aut hordeo unâ  
cum fufuribus: dominorum uero & potentum panis delectabilis de pura simlagine tri-  
tici albissimus pinfitur & habetur: uino carent, nisi quod aliud ducitur, præcipue uinum  
Rhenense, & ex occidentalibus regionibus per mare Germanicum & Balteum, adductum  
alicubi reperitur, medone & spisso, & tenui, & uario modo cocto abundant, & illo reficiuntur  
& inebriantur. Ceruisias coquunt diuersimode & ex uarijs granis, puta frumento, sili-  
gine, hordeo, auena, millio, &c. & non sunt sapidae: uulgius autem ut semper aquam bibit:  
oliue & fructus dulces ac delicati illic non crescunt, algida etenim & frigida est prouincia.  
Armenta habent omnis generis & feras sylvarum, plus quàm in orbe Christianorum re-  
periantur: saltus, deserti, & syluæ sunt magnæ, decem, aliquando quindecim milliariorum,  
nonnumquam & uiginti quinque milliariorum: ad latera desertorum & sylvarum uillæ & habi-  
tatores inueniuntur, & idcirco quia magna nemora sunt, magnæ feræ & multæ abundan-  
tissimæ uiuentur & capiuntur, uri & boues syluestres, quos lingua ipsorum thuri & zum-  
brones uocant, onagri, & equi syluestres, cerui, damæ, dorcæ, capræ, apri, ursi, mardures,  
scismi, & cætera genera ferarum. Insuper aues abundant & ficedulæ, quamuis illic uinæ  
non sunt, aduolant & impinguantur, atq; cum suauitate eduntur. Estq; in Lithuania &  
Moscouia animal uoracissimum & inutile, quod alibi non comparet; rossomaka nomi-  
natum. Quantitatis canis, faciei catti, corporis & caudæ ut uulpis, colore nigrum, cada-  
ueribus uescitur, inuentoque cadauere, intantum uorat, ut extendatur & infletur tanquam  
tympanum, repertaq; angustia, stricta inter arbores intrat & intrudit se cum uiolentia pre-  
mendo, ut uiolenter comesta uiolētius egerat, sicq; extenuatum denuo cadaueri accurrit,  
& ad summum impletur, cum uicissitudine expressionis, & ad morticinium reuersionis,  
donec totum absumat & deuoret. Et forsan natura tam insatiabile animal in illis regioni-  
bus producit, ut homines simili uoracitate laborantes redarguat. Quoniam potētes quū  
conuiuari coeperint, sedent à meridie in mediū noctis continuo cibo & potu sese opplen-  
do, & à mensa quoties natura propellit assurgendo & egerendo iterum & iterum uorant  
usq; ad uomitum & amissionem discretionis & sensus, tuncq; inguinis & capitis quæ sunt  
discrimina nesciunt: estq; illa consuetudo perniciosa in Lithuania & Moscouia, magis ue-  
ro & absq; rubore in Tartaria. Est etiam in illis terris Lithuania, Moscouia & Tartaria ab



origine consuetudo uenditionis hominum : serui natura uenduntur à dominis suis tanquam pecora, pueriq; eorum & uxores: quinimo pauperes homines, libero uentre nati, uictu carentes, uendunt filios & filias suas, interdum & semetipsos, ut apud patronos siliquis & grossis cibis saturentur.

De Mosconia.

CAP. IIII.

**M**oscouia est regio longissima, latissimaq; nam à Smolēsko usq; ad Moscuam ciuitatem sunt centum milliaria, à Moscuua ad Volochda cētum milliaria. Et Volochda est prouincia, & fluuius per ipsam labēs eodem nomine uocatur, à Volochda ad Vsczuga centum milliaria, ab Vsczuga ad Viathka centum milliaria: & ista quadringenta milliaria sunt de regione Moscouiæ, & sermo per totum est Ruthenicus seu Sclauonicus. Ultra prædicta à Viathka ad regionem Permſca centum milliaria, inde ad terram Vahulczka triginta milliaria, & hæc Scythiæ confinis est. Et istæ prouinciæ subiectæ sunt duci Moscouiæ, additisq; terris ad Septentrionem & orientem ab eodem duce Moscouiæ possessis, Iuhra & Corela quæ sunt in Scythia, erunt quingenta milliaria Germanica magna. Verum Moscouiæ non per milliaria nostra computant, sed per uerſt: et uerſt est quinta pars milliarij Germanici. Numerant itaque à ciuitate Moscuua ad Vlodomiriā ciuitatem decem & septem milliaria Germanica: abinde ad Vsczuch quingenta uerſt: iterum ab Vsczuch ad Iuhram quingenta uerſt. Intra Moscouiam autem sunt multi ducatus. Est ducatus seu terra Moscouiæ, de qua triginta millia pugnatorum nobilium ad bellum egrediuntur, agrestium uerò sexaginta millia. Est & ducatus seu terra Tuczkā, de qua quadraginta millia armatorum nobilium duntaxat ad bellum prodeunt. In hoc ducatu capitalis ciuitas Tuerd nuncupatur, & est ciuitas grandis lignea de lignis ædificata: in ea sunt Ecclesiæ lignæ centum & sexaginta: castrum etiam ligneum est, & sunt in ipso nouem oracula seu ecclesiæ: principalis est Sancti saluatoris, & illa duntaxat est murata: sub hac ciuitate & castro amplissimus fluuius Volha labitur. Ducatus Chelmsci, de quo septem millia pugnatorum exeunt. Ducatus Zubsczouski, de quo quatuor millia armatorum. Ducatus Klinſki, de quo duo millia bellatorum prodeunt, ad terram Tuerden. annumerantur. Item ducatus Kubensis triginta milliaria in longum continens. Ducatus Iacoslauien. quadraginta milliaria de terra habēs. Ducatus Szuherſien. uiginti milliaria terræ habens. Ducatus Szachouensis triginta milliaria in longum continens: omnes sunt in milliarijs Moscouiæ in longum computatis. Insuper ducatus Rzezensis, de quo quindecim millia baronum seu nobilium armatorum euadunt, & fluuius nominatissimus Tanais de ipso oritur. Item ducatus Sufdalorum, & plures ei adiacentes desolati & destructi sunt per Tartaros. Est & terra Tartarorum Cozanska, Horda nominata, triginta millia pugnatorum producens, principi Moscorum subiecta, in campis iuxta castrum Cozan, quod dux Moscouiæ possidet: & alluitur magno flumini Volha, degens. Moscuua est ciuitas principalis satis magna, bis maior quam Florentia Thusciæ, aut bis maior quam Praga Bohemiæ urbs. Praga dico quæ extat & quam tu uidisti: non Praga, quam quidam nouus historicus fictè astruit longissimam trium dierum itinere ciuitatem, quod fabula est: uerum Moscuua lignea est, non murata, plurimas habens plateas, & ubi una platea finitur, altera non statim incipit, sed campus mediat. Inter domos quoq; sepes mediant, ita ut domus sibi inuicem non cohæreant. Nobilium domus sunt maiores, plebeiū uerò humiles. Fluit per medium ciuitatis, et sub castro ipsius fluuius eiusdem nominis cum ciuitate, Moscuua appellatus, & est tantus, quantus Multaua in Praga, aut Arnus in Florentia. Castrum autem quod est in medio ciuitatis, in plano, est castrum bonum muratum tantæ amplitudinis, ut Buda in Hungaria, habet tria propugnacula: & cum his turres magnæ simul computatæ sunt decem & septem, tegulis latericijs tectæ, sed unus murus: in eo castro ecclesiæ sunt sedecim, tres muratæ, scilicet, sanctæ Mariæ, Sancti Michaelis, & sancti Nicolai, reliquæ sunt de ligno. Palatium ducis in præfato castro est muratum ad instar Italicum nouum, non amplum, nec magnum: tres curiæ nobilium sunt muratæ, aliæ domus ligno constructæ, stube omnes nigræ. Aliæ ciuitates Moscorum sunt minores, & castra minora omnia de lignis fabrefacta. Præterea terra Moscouiæ plena est boscis ac syluis, aquis quoq; fluminibus, piscibus & feris, quemadmodum Lithuania referta, sed frigidior & Septentrionalior, unde pecudes & pecora parua sunt, & mutila absq; cornibus, quasi semper, ppter frigus: homines uerò procera, altæ, & robustæ stature sunt, bibunt aquam, medonem, & quasiecz, id est, fermentatos liquores. Arant & sulcant ligno sine feramen-



ramento, & arplicant frondibus arborum supra seminata ab equis tractis, raroq; propter intensa & longa gelua segetes maturescunt, ideo messes sectis frugibus in stubis desiccant, maturant & tritulant. Sæpenumero autem utuntur calefacientibus aromatibus, sæpe & sublimatis, de aromatibus, de melle, uel alio calefactorio, ita ut & de auena aquam ardentem siue sublimatum faciant & bibant ad effugandum & repellendum algorem & frigus, alioquin ex frigore congelaret. Carent uino & oleo, & ne inebrientur, princeps terre prohibet ne medo aut liquor inebrians in aliqua domo reperiat sub priuatione uite, nisi bis aut ter in anno ex admissione principis. Monetam habent argenteam puri argenti, dzingis nominatam, maiorem & minorem, formæ oblongæ, quadrangularem, non orbicularem, non politam, nec bene planatam. Estq; terra diues argento, & custodia undiq; clausa, ut nedum serui & captiui, sed & liberi, indigenæ & aduenæ exire absq; literis ducis nequeant, & hæc hæcenus. Flumina in Moscouia sunt plurima, aliqua autem maiora scitu digna enumerabo. Tanais nominatissimus fluuius à Tartaris & Moscouitis Don nuncupatus, fontes & originem habet in Moscouia propè in ducatu Rezensi. Consurgit de terra plana, sterili, limosa, paludinea & nemorosa. Quumq; ad orientem solis processisset usque ad metas Scythiæ & Tartariæ, declinat ad meridiem, & perueniens ad paludes Meotidas, illic ostia tenet & ingreditur. Est tantus Tanais, quàm dicerem triplatum Tyberim post Romam in mare Tyrrenum decurrentem, aut quantum Danubium in duplo circa Budam. Et doctrina astrologorum tenet, quod Tanais sit eius longitudinis cuius & Nilus fluuius Aegypti, puta circa sexaginta gradus longitudinis. Et sicut Nilus à meridie ad mare Alexandriæ descendit, sic Tanais à septentrione in Mæotidas & mare Ponti defluit. Nec piget repetere quod supra dixi, alia magna flumina ex Moscouia esse orta, uidelicet Ezuina, Volha, & Dniepr seu Borysthenem. Et quum Moscouia sit regio plana, non montosa, prædicta flumina in distantia non ualde longinqua à se inuicem ex terra plana, nemorosa & paludinea oriuntur, maximusq; fluminum ille Volha, in Tartarico dictus Edel, tendens in septentrionem, procedit ducentis milliarijs usq; ad Nisni nouigrod, quod sonat inferius nouum castrum, & est in terra Moscouiæ: & illic accurrit & ei coniungitur magnus fluuius ex media Moscouia procedens, Occa cognominatus. Deinde octuaginta milliarijs germanicis Volha sub castrum Cofan, quod dux Moscouiæ possidet, tandem sub castrum Sardi, quod Tartari tenent, fluit deinceps uersus meridiem uiginti quinque fluminibus tantis ut est Tyberis Romæ, & alijs multo maioribus influit in mare Euxinum. Accipiat itaque lector tua humanitas, & contra omnes aduersantes tueatur, & dicat quod prælibata flumina non de montibus, nec de radicibus montium, quoniam ibi montes sunt nulli, oriuntur & fluunt. Accipiat secundo, quod montes Hiperborei & Rhyphæi, de quibus emanasse illa flumina ab aliquib; fabulosè scriptum est, nec in Moscouia, neque in alijs partibus septentrionis sunt: recteq; dicetur confictos esse, & nusquam existere, nisi forte in libro scripti aut picti, & non in terra reperiri affirmarent. Accipiat tertio, quod in dominio Moscorum, quemadmodum & in terris Turcarum, homines de loco in locum, & de territorio in territorium ad incolendum transferuntur, & alijs pro his commutati mittuntur & locantur. Accipiat quarto, in Moscouia unam linguam & unum sermonem esse, scilicet Rutenicum seu Sclauonicum in omnibus satrapijs & principatibus, sic quod etiam Ohylci, & qui in Viathca degunt Ruteni sunt, et Rutenicum loquuntur, unamq; sectam & religionem instar Græcorum tenent, omnesq; Vladicæ, id est, episcopi, qui plurimi sunt, patriarchæ Constantinopolitano subsunt, & confirmationem ab ipso postulantes obedientiam promittunt, præter Tartaros Cofanenses, qui ducem moscorum recognoscunt, Mahumetum unam cum Saracenis uenerantur, & linguagium Tartarorum loquuntur, etiam præter alienigenas ad septentrionem in Scythia commorantes, qui sermone & linguis proprijs loquuntur, & idola colunt, prout in sequenti capitulo dicitur. Accipiat quinto, quod post terram Viathca nuncupatam in Scythiam penetrando, iacet magnum idolum Zlotababa, quod interpretatum sonat, aurea anus seu uetula, quod gentes uicinæ colunt & uenerantur, nec aliquis in proximo gradiens aut feras agitando & in uenatione sectando uacuis & sine oblatione pertransit: quinimo si munus nobile deest, pellem aut saltem de ueste extractum pilum in offertorium idolo proijcit, & inclinando se cum reuerentia pertransit.



De regionibus Scythiæ Perm, Baskird, Iuhra & Corela, per ducem Moschouia  
subiugatis. CAPVT V.

**P**ost Moschouiam sunt gentes & regiones inter septentrionem & orientem in fine Asiae septentrionalis, quæ propriè Scythia dicitur, principi Moschouia subiecta, per Iuan ducem Moscouia principaliter subiugata, scilicet Perm, Baskird, Czirmeissa, Iuhra, Corela. Perm monosyllabum est, inde terra Permsee, bisyllabè Permsea pronunciando: & fuit regio idola colens, quam Iuan dux Moscorum citra annos uiginti baptisma percipere coëgit, more Rutenorum seu Græcorum: & posuit eis Vladicam, id est, episcopum, nomine Stephanum, quem barbari post discessum ducis uiuū excoꝛiauerunt & necauerunt, reuersusq; dux afflixit eos, & alium denuo præfulem constituit, sub quo tanquam noui Christicolæ, Rutenorum schisma & ritum profitentes permanent. Aliæ uerò regiones præexpressæ in fidelitate & idolatria persistunt. Colūt solem, lunam, stellas, bestias sylvarum, & quod eis occurrit: habent propria linguagia & idiomatica. In terra Permsea proprium idioma, in terra Paskirdorum proprium, in Iuhra proprium & in Corela etiam proprium. In his regionibus non arant, non seminant, panes non habent, nec pecunias: feris sylvarum, quæ apud eos abundant, uestuntur, & non nisi aquam bibunt: morantur in densis syluis, in tugurijs ex uirgultis factis. Et quia syluæ illas terras contexerunt, homines syluestres & ferinos effecerunt. Sunt uelut bestia ratione non utentes, uestimenta de lana non habent: pellibus teguntur rude & grosse, consuantes uarias pelles in simul, ex lupo, ceruo, urso, sabellis & scismis & cæteris, prout fors obtulerit. Et quia ipsorum terræ mineras non nouerunt, pro homagio duci Moschouia mineras non pendunt, sed pelles animalium syluestrium quibus abundat. Proximiores oceano septentrionis, ut Iuctri & Coreli, piscantur & capiunt balenas seu uitulos et canes marinos, quos ipsi uor uol appellant, & ex cute eorum parant redas, bursas & caletas, axungiam autem pro imaginatione seruant & uendunt. In Iuhra & Corela: sunt aliqui montes mediocris turmoris, non altissimæ elationis, prout quidam putauerunt & scripserunt. Supra montes autem oceani qui mediocres sunt per totum septentrionem oceano adiacentes, scandunt ex mari pisces mors nuncupati, dente se supra montē continendo, fricando, & ascensum promouendo: dumq; ad summitatē montis peruenerint, ad ulteriora gressum promouendo, ad alteram partem montium uolitando decidunt. Hos illæ gentes colligendo dentes eorum satis magnos, latos & albos pondere grauissimos capiunt: & Moschouitis pendunt atque uendunt: Moschouia uerò his utuntur: ad Tartariam quoque & Turciam mittunt, ad parandum manubria gladiatorum, framearum & cultrorum, quoniam grauitate sui maiorem ac fortioꝛem impressiōem impingunt, & præbent impellentibus, laborantibus, præliantibus, & occidentibus. Et memineris quod supra dixi, hanc esse illam Iuhram regionem Scythiæ, de qua egressi sunt Iuhri, à posterioribus Huni & Hungari dicti, qui ad Gothiam ascendentes uehementer multiplicati transierunt maxima flumina circa paludes Mæotidas, intraueruntq; in Pannoniam, & secundo regressu eam occupauerunt, possederunt, & in hanc diem tenuerunt, suntq; eiusdem sermonis & loquelæ præcisæ, nisi quod addiderunt nostri Hungari aliqua uocabula ex Sclauonico idiomate, earum rerum quæ in Scythia & Iuhra non reperiuntur. Verum in Pannonia Iuhri sunt Christicolæ: in Iuhra uerò patres eorum idololatæ, politioresq; & cultiores sunt Hungari in Pannonia, omnibus delitijs plenî, quamuis in toto syluestres sunt, bestiales, & in frigidissima regione miserrimè degentes. Insuper memineris in his regionibus Scythiæ ad oceanum septentrionis non esse magna flumina, sed esse quasdam rupes & montes mediocris molis, & non excellentissimæ celsitudinis inaccessibilesq; uelut aliqui historici antiquiores protulerunt & scripserunt. Potius itaq; secundum experientiam dixissent, de nemoribus & densis syluis eos exiisse, quàm de inaccessilibus montibus.

Finis lib. 2. Matthiæ à Michouia, de Sarmatia Asiana atq; Europea.

SIGISMVN.

Homines sine  
pane uiuunt.



## SIGISMVNDVS LIBER BARO IN

HERBERSTEIN, NEYPERG,

ET GVETTENBERG, &amp;c.

## DE LITHVANIA.



Lithuania Moscouiæ proxima est, non autem de sola prouincia, sed regionibus illi adiacentibus, quæ sub Lithuania nomine comprehenduntur, nunc loquor. Hæc longo tractu ab oppido Circas, quod ad Borysthenem situm est, in Liunioniam usq; protenditur. Porro Circassi, Borysthenis accolæ, Rutheni sunt, aliq; ab his quos supra ad Pontum in montibus habitare dixi. His nostra tēpestate præficebatur Eustachius Tascovvitz, (quem cum Machmetgirei rege in Moscouiam unā profectum fuisse, supra dixi) uir belli peritissimus, astutia singulari: qui cum crebra cum Tartaris commercia haberet, sæpius tamen eos fudit.

quin & ipsum Moscum, cuius aliquando captiuus fuerat, in magna sæpe pericula adduxit. Eo anno, quo nos Moscouiæ eramus, miro astu Moscos profligauit: dignaq; mihi res uisa est, quæ hoc loco ascriberetur. Tartaros quosdam habitu Lithuanico in Moscouiam deduxit, in quos, ceu Lithuanos, nullo metu Moscos irruituros sciebat. Ipse dispositis loco opportuno insidijs, Moscos ulciscentes præstolatur. Tartari depopulata parte Seyverę prouinciæ, Lithuaniam uersus iter arripiunt: indeq; mutato itinere, cum Lithuaniam tenuisse cognouissent, Mosci Lithuanos esse rati, mox uindictæ cupiditate magno impetu in Lithuaniam irruunt: qua uastata, cum præda onusti redirent, ab Eustachio ex insidijs circumuenti, ad unum omnes ceduntur. Qua re cognita, Moscus Oratores ad Poloniae regem, qui de illata sibi iniuriâ conquererentur, misit. quibus rex: Suos non intulisse, sed iniuriâ ultos esse, respondit. Ita Moscus utrinq; delusus, damnum cum ignominia ferre coactus est.

Infra Circassos nullæ habitationes Christianorum sunt. Ad Borysthenis ostia, Otzakhovv castrum & ciuitas, quadraginta miliaribus à Circass, quam Tauricæ rex non ita diu Poloniae regi ademptam possidebat. Hanc nunc Turcus tenet. Ab Otzakhovv ad Albam, circa ostia Thiræ, quæ ueteri nomine dicitur Moncastro, quatuordecim miliaribus ab Otzakhovv, in Præcop quatuordecim miliaribus. A' Circass circa Borysthenem ad Præcop quadraginta miliaribus. Supra Circassos septem mill. per Borysthenē ascendendo, Cainovv oppidum occurrit: à quo decem & octo miliaribus est Chiouia, uetus Russiae metropolis: quam magnificam & planē regiam fuisse, ipsæ ciuitatis ruinae, monumentaq; quæ in ruderibus uisuntur, declarant. Apparent adhuc hodie in uicinis montibus ecclesiarum, monasteriorumq; desolatorum uestigia, præterea cauernæ multæ, in quibus uerustiss. sepulchra, corporaq; in his nōdum absumpta uisuntur. Ab hominibus fide dignis accepi, puellas ibi ultra septimum annum rarò castitatem seruare. Rationes uarias audiui, quarum nulla mihi satisfacit: quibus, mercatoribus abuti quidem, sed abducere minime licet. Nam si quis abducta puella deprehensus fuerit, & uita, & bonis, nisi Principis clementia seruatus fuerit, priuatur. Lex etiā ibidem est, qua externorum mercatorum (si qui ibi fortè decesserint) bona aut regi cedunt, aut eius præfecto: id quod apud Tartaros & Turcas, in Chiouiensibus apud se mortuis obseruatur. Ad Chiouiam monticulus quidam est, per quem mercatoribus uia aliquanto difficiliore transeundum est: in cuius ascensu, si fortè currus aliqua pars frangatur, res quæ in curru portabantur, Fisco uindicantur. Hæc omnia D. Albertus Gastol Palatinus, Vilnensis regis in Lithuania uice gerens, mihi retulit. Porro à Chiouia ascendendo per Borysthenem triginta miliaribus, Mosier ad fluiuium Prepetz, qui duodecim miliaribus super Chiovv Borysthenem influit, occurrit. Thur fluiuius piscosus influit Prepetz, à Mosier autem ad Bobranzko, triginta. Inde ascendendo uiginti quinque miliaribus, peruenitur in Mogilevv, à qua Orsa sex miliaribus abest. Hæc iam enumerata secundum Borysthenem oppida, quæ omnia in Occidentali littore sita sunt, regi Poloniae: Orientali uerò, Moscouiæ principi subijciuntur: præter Dobrovvnā, & Mstislavv, quæ Lithuaniae ditionis sunt. Traiecto Borysthene quatuor miliaribus Dobrovvnā, indeq; uiginti Smolentzko deuenitur. Ex Orsa nobis iter fuit in Smolentzko, & tum Moscouiam usq;.



Borisovvo oppidum uiginti duobus ab Orsa in Occidentē milliariis abest, quod Beresina fluuius, qui infra Bobrantzko Borysthenem influit, præterlabitur. Est autem Beresina, ut oculis conspexi, amplior aliquanto Borysthene, ad Smolentzko. Planè puto hunc Beresinam, id quod etiam uocabuli sonus indicare uidetur, ab antiquis Borysthenem habitum fuisse. nam si Ptolemæi descriptionem conspexerimus, Beresina fontibus magis quàm Borysthenis, quem Nieper appellant, conueniet.

Lithuania porro quos Principes habuerit, quando Christianismo initiata fuerit, ab initio satis dictum est. Huius gentis res ad Vitoldi usq; tempora, semper florebant. Si bellū aliudē ipsis immineat, suaq; aduersus hostium uim defendere debeant, uocati quidem, ad ostentationē magis quàm ad bellum instructi, magno apparatu ueniunt: uerū delectu habito, citò dilabuntur. Quod si qui remāserint, hi equis, uestibusq; melioribus, quib. instructi nomina dederunt, domū remissis, cum paucis quasi coacti, ducem sequuntur. Ceterum magnates, qui certum militum numerum suis sumptibus in bellum mittere coguntur, data duci pecunia, se redimentes, domi remanent: eaq; res adeo dedecori nō est, ut militiæ præfecti, ducesq; publicē in cōuentibus, castrisq; proclamari faciant, si qui uelint, numerata pecunia exautoratos domū redire posse. Tanta autem inter hos quidlibet agendi est licentia, ut immodica libertate nō uti, sed abuti uideantur, Principumq; bona impignora possideant: adeo, ut Principes in Lithuaniam uenientes, suis, ni prouincialium ope subleuentur, uectigalibus ibi uiuere non potuerint. Gentis habitus oblongus, arcumq; Tartarorum, hastam uerò & scutum Hungarico more gerunt, equis bonis, iisdemq; castratis, sine soleis ferreis, quos mollibus coërcent lupatis, utuntur.

Vilna est caput gentis: ciuitas ampla, intra colles sita, ad confluxum fluuiorum Velie & Vilnæ. Velia autem fluuius aliquot infra Vilnam milliariis, Crononem influit. Cronon autem, oppidum Grodno, nomine haud ita dissimili, præterlabitur, Prutenosq; populos quondam ordinē Teutonicorum subiectos (quibus nunc Albertus Marchio Brādenburgensis, posteaquā se regi Poloniæ subdidit, cruceq; & ordine deposito, hæreditarius præest) à Samagitis, eo loci quo Germanicū mare illabitur, dirimit: ubi est oppidum Mumel. nam Germani Crononem Mumel, patrio uerò uocabulo Nemen appellant. Vilna porro nunc est muro cincta, multa templa, ædesq; lapideæ in ea exædificantur, in qua episcopalis sedes est, quam tunc Ioannes regis Sigismundi filius naturalis, uir singulari humanitate præditus, tenebat, nosq; in reditu nostro humaniter excepit. Præterea parochialis ecclesia, & aliquot monasteria, & præcipuum Franciscanorum de obseruantia cœnobium, maximis sumptibus extructum, excellit. Multo plura tamen sunt Ruthenorum templa in ea, quàm Romanæ obedientiæ. In Lithuanie principatu sunt tres Romanæ obedientiæ episcopatus: Vilnensis scilicet, Samagithiæ, & Chiouiensis. Rutheni uerò episcopatus in regno Poloniæ & Lithuanie, aut suis incorporatis principatibus, sunt, Archiepiscopus Vilnæ nunc degens, Polocensis, Vvolodimeriensis, Lucensis, Pinski, Chomensis, Præmissiensis. Lithuani melle, cera, cinere, quibus potissimū abundant, quæstum faciunt, quæ magna ab eis copia Gedanū, deinde in Holandiam deferuntur. Picem quoq; & asseres ad fabricandas naues, frumentum quoq; Lithuania abundē præbet. Sale caret, quod uenale ex Britannia habet. Quo tempore Christiernus Daniæ regno eiectus, mareq; piratis infestū esset, sal non ex Britannia, sed ex Russia portabatur: quo etiamnum utitur apud Lithuanos. Nostra tempestate apud Lithuanos duo potissimū uiri bellica laude clari fuere: Constantinus Knes Ostroski, & Knes Michaël Linzki. Constantinus ut plurimum Tartaros fudit: non occurrendo multitudinē prædantium, sed præda onustos sequebatur: cumq; redirent ad eum usque locum, in quo se omni metu solutos, respirandi & quiescendi commodum spaciū habere putabant (is locus erat illi notus) cumq; eos inuadere constituisset, monuit suos, ut sibi ea nocte cibaria pararent. nam se eis nullam ignis copiam in nocte futuram, esse facturum. Itaq; sequenti die cōtinuato itinere, cum Tartari noctu nulla flamma aut fumo apparēte, putarent hostes regressos, aut dilapsos, eoq; & equos in pascua dimitterent, mactarent, uorarent, & se somno dederent: Constantinus primo diluculo inuadens, magnis cladibus eos affecit. Knes uerò Michaël Linzki, qui cum adolescens adhuc in Germaniam uenisset, & apud Albertum Saxonie ducem eo tempore in Frisia bellum gerentem strenuē se gessisset, ac per omnes militiæ gradus magnum sibi nomē peperisset, Germanorumq; apud quos adoleuerat moribus imbutus, in patriam rediisset, apud Alexandrum regem magna authoritate ac summo loco fuit: adeo ut rex arduas quasq; res ex eius iudicio ac arbitrio constitueret. Accidit aut, ut cū Ioanne Savverinski Palatino Trocensi,



censi, regis causa in dissensionem ueniret, ubi compositis tandem rebus, in uita regis omnia quæta inter illos manebant: at mortuo rege, manebat Ioanni alta mente repositum odium. nam ex eo priuatus erat Palatinatu. Tum ipse & complices, atq; amici, apud Sigismundum regem, qui Alexandro successerat, crimine affectati imperij, ab æmulis quibusdam delatus est, & proditor patriæ nominatus. Cuius iniuriæ Knes Michaël impatiens, cum sæpe regem appellasset, rogassetq; ut cõmuni iudicio, quo tantum crimen à se depellere posse dicebat, causam inter se & Savversinski actorem discerneret: cumq; rex illius petitioni locum non daret, in Hungariam ad Vvladislaum regis fratrem proficiscitur: à quo literis & Oratoribus, quibus ad cognoscendam suam causam rex admonebatur, impetratis, tentatisq; omnibus, cum causæ suæ cognitionem à rege impetrare nō posset, indignitate rei permotus Michaël, tale facinus se aggressurum, regi dixit, quod ipsi sibiq; aliquando foret mœrori. At cum domum iratus se recepisset, quendam ex suis hominem sibi fidum, cum literis mandatisq; ad Moschouia Principem mittit. Scripserat autem, si Princeps securam, liberamq; ad se uiuendi copiā, datis in hanc rem literis, atq; addito iuramento, sibi promitteret, eaq; res honori, emolumentiq; sibi apud Principem foret, se castris quæ in Lithuania possideret, alijsq; ui aut deditiōe occupatis, ad se deficere uelle. Eo nuncio Moscus, qui uiri fortitudinem & dexteritatem cognitam haberet, mirificè exhilaratus, omnia quæ à se Michaël peteret, datis ut uolebat literis, iuramentoq; addito, se facturum recepit. Rebus ita apud Moscum ex sententia confectis, Michaël ulciscendi libidine flagrans in Ioannem Savversinski, qui tum in uilla sua circa Grodno erat (in qua ego postea semel pernoctauit) toto impetu fertur, eumq; ne elabi posset, dispositis circum ædes militum stationibus, immisso percussore quodam Mahumetano, in lectulo dormientē opprimit, obtruncatq; : qua re peracta, ad castrum Miensko cum exercitu progressus, ui illud, aut deditiōe occupare nitetur: sed Miensko occupatione frustratus, alia subinde castra oppidamq; aggressus est. Interea cum regis in se copias aduenire, seq; illi lōgè imparem esse intelligeret, obmissa castrorum oppugnatione, in Moschouiam se cōtulit: ubi à Principe honorificè exceptus est. nam Lithuaniam illi parem non habere sciebat. Vnde magnam de eo spem conceperat, se eius consilio, opera, industria, uniuersam Lithuaniam posse occupare, qua spe haud prorsus frustratus est. Nam communicatis cum eo cōsilijs, Smolentzko insignem Lithuania principatum denuò obsedit, & eam uiri huius industria magis quàm uiribus cepit. Vnus enim Michaël, militibus qui in præsidio erant, omnem urbis defendendæ spem, sua præsentia ademittit: eosq; & metu, & pollicitationibus, ut castrum proderent, permouit. Quod eo audacius maioreq; studio faciebat, quoniam Basilus, si Michaël Smolentzko quacumq; arte potiri posset, se castrū cum prouinciā adiacente perpetuò sibi concessurum promiserat. Quibus tamen promissis adeò ille postea nō stetit, ut Michaëlem de pactione se appellantem, uana tātum spe lactaret, atq; illuderet. Qua re uehementer Michaël offensus, nondum abolita è pectore Sigismundi regis memoria, cuius gratiam, opera amicorum quos in eius aula tum haberet, se facile consequi posse sperabat, ex suis quendam sibi fidum ad regem mittit, seq; si quæ grauius in se commisisset, condonaret, rediturum pollicetur. Grata hæc legatio regi fuit: nuncioq; continuò publicæ fidei, quas petebat, literas dari mandauit. Verum cum Michaël literis regijs non prorsus fideret, quo tutius redire posset, à Georgio Pisbeck, & Ioanne de Rechenberg, equitibus Germanis, quos ea autoritate apud regem, eiusq; consiliarios esse sciebat, ut regem uel inuitum possent ad seruandam fidem cogere, similes literas efflagitauit, impetrauitq;. Sed cum eius rei nuncius in Moschi custodias incidisset, captusq; esset, repatēfacta, Principiq; celeriter significata, Michaël Principis iussu capitur. Eodem tempore nobilis quidā ex Trepkonum familia, adolescens Polonus, à Sigismundo rege ad Michaëlem Moschouiam missus erat: qui ut mandata regis commodius exequi posset, perfugam se simulabat. Is quoque haud meliore fortuna usus, à Moscis capitur: & cum perfugam se diceret, neq; sibi fides adhiberetur, adeò arcani continens fuit, ut etiam grauius tortus, id non reuelaret. Porro cum Michaël captus, in conspectum Principis in Smolentzko adductus fuisset: Perfide, inquit, digna te pro meritis pœna afficiam: ad quæ ille: Perfidiæ crimen, quod mihi impingis, non agnosco. nam si tu mihi fidem, promissaq; seruasses, fidelissimum me in omnibus seruitorem habuisses. Sed cum te eam floccifacere, meq; à te insuper eludi uiderē, graue mihi in primis est, ea quæ animo in te conceperam, me exequi non potuisse. Mortem ego semper contempsit, quam uel ea causa libenter subibo, ne uultum tuum Tyranne amplius conspiciam. Deinde Principis iussu in magnam populi frequentiam in Vviesna abductus,



ductus, ubi supremus belli Praefectus, proiectis in medium grauibus, quibus uinciendus erat, cathenis: Princeps te, inquit, Michaël maxima (ut scis) dum fideliter seruires, gratia prosequeretur. Postquam autem prodicione fortis esse uoluisti, hoc te secundum merita tua munere donat. Simulq; cū dicto, cathenas illi iniici iubet. Qui dum ita spectante multitudinē cathenis constringeretur, ad populum conuersus: Ne captiuitatis, inquit, meae falsa apud uos fama spargatur, quid fecerim, curq; captus sim, paucis aperiam: ut uel meo exemplo, qualem Principē habeatis, quidq; quisq; uestrū de eo sperare debeat, aut possit, intelligatis. Ita orsus, totius sui in Moschouiam itineris rationem, quāq; Princeps scriptis literis, addito iuramento, sibi promississet, neque ulla ex parte promissis stetit, referebat. Cumq; sua de Principe expectatione falsus esset, uoluisse denuō in patriam redire: idco se captum esse. Qua iniuria cum praeter meritum afficeretur, mortem se nō magnopere refugere, praesertim cum sciret, communi lege naturae omnibus aequē moriendum esse. Et cum corpore ualido, ingenioq; ad omnia uersatili esset, multum etiam ualebat cōsilio, ferijs, iocosisq; rebus aequē idoneus, planeq; (ut aiunt) omnium horarum uir: qua animi dexteritate multum sibi gratia, authoritatisq; apud omnes, Germanos praesertim, ubi educatus fuerat, conciliauerat. Tartaros, Alexandro rege imperante, insigni clade profligauerat: neque à Vvitoldi morte, Lithuani tam praeclearam à Tartaris uictoriam unquā reportarunt. Hunc Germani uoce Bohemica, Pan Michaël uocabāt: qui cum, ut homo Ruthenus Graecorum in fide ritum ab initio, eoq; post obmisso, Romanum sequutus fuisset, quo Principis in se iram, indignationemq; leniret, mitigaretq;, in uinculis denuō Ruthenicum assumpsit. De eius liberatione, nobis in Moschouia existentibus, multi praecleari uiri, in primis autem Principis cōiunx, quā sibi ex fratre neptis erat, apud Principem laborabat. Intercedebat pro eo etiam Caesar Maximilianus, literasq; speciales in priore mea legatione ad Principem nomine suo dederat: quibus tamē usq; adeo nihil effectum est, ut mihi tum nec aditus ad se patēret: imō ne uidendi sui copia dabatur. In altera uerō legatione, cum fortē de liberatione eius tractaretur, saepius à Moscis interrogabat, an hominē nouissem: quibus equidem, quod in rem suam fore putabam, nomen me duntaxat eius aliquando audiuisse, respondi. Atque Michēl tum liberatus ac dimissus fuit: cuius neptim Princeps, uiuente adhuc priore uxore cum duxisset, tantam spem in eo ponebat, ut filios suos illius uirtute à fratribus in regno tutos fore crederet: tutorem deniq; filiorum suorum testamento instituerat. Mortuo dein Principe, uiduam lasciuientē cū identidem increparet, prodicionis crimine ab ea insimulatus, captusq; infelix moritur. Qua re patrata, non longē post, ipsam quoq; ita sauientem, ueneno sublatam: adulterum uerō Ovvitzina dictum, in partes laniatum ac dissectum aiunt.

Vvolinia, inter Lithuaniae principatus, gentem bellicosiores habet.

Lithuania admodum syluosa est. Paludes ingentes, & multos fluuios habet: quorum alij, ut Bog, Prepetz, Thur & Beresina, Orientem uersus Borysthenem illabuntur. Alij uerō, ut Boh, Cronon, & Narevv, Septentrionem uersus decurrunt. Coelum inclemens, animalia omnis generis parua habet: frumento quidem abundat, sed seges rarō ad maturitatem peruenit. Gens misera, & graui seruitute oppressa. Nam ut quisque famulorum ceterua stipatus, domum coloni alicuius ingreditur, impunē quiduis facere, res ad uitae usum necessarias rapere, absumere, crudeliter etiam colonum uerberare licet. Colonis quauis de causa ad dominos suos absq; muneribus aditus non patet. quod si etiam admittantur, ad Officiales & Praefectos relegantur: qui nisi munera accipiant, nihil boni decernūt, constituuntūc. Neq; uerō hec solum tenuium ratio est, sed etiam nobilium, si à proceribus impetrare quippiam uolunt. Audiui à quodam primario Officiale apud Regem iuniorē, qui dixit, Vnumquodq; uerbum in Lithuaniam aurum esse. Regi quotannis imperatam pecuniam pro defendendis regni finibus pendunt. Dominis, praeter censum, hebdomadatim sex dies laborare: Parocho denique ducta, uel mortua uxore, liberis similiter natis, aut uita defunctis, eo quo confitentur tempore, certam numerare pecuniam coguntur. Tam dura porro seruitute à Vvitoldi tēpore in hunc usque diem detinentur, ut si quis fortē capite damnatus fuerit, de se ipso, iubente Domino, supplicium sumere, suisq; manibus se suspendere cogatur. Quod si fortē facere recusauerit, tum crudeliter cāsus, atq; immaniter excarnificatus, nihilominus suspenditur. Hac seueritate effectum est, ut si Iudex aut Praefectus in re praesenti constitutus, reo moram fortē neccenti, minatus fuerit, aut solummodo dixerit, Festina, Dominus irascitur: tum miser grauissima uerbera extimescēs, laqueo uitam finit.



**F**eras habet Lithuania, præter eas quæ in Germania reperiuntur, Bisontes, Vros, Alces, quos alij onagros uocant, equos syluestres. Bisontem Lithuani lingua patria uocant Suber: Germani improprie Aurox, uel Vrox: quod nominis uero conuenit, qui planè bouinam formam habet, cum bisontes specie sint dissimillima. Iubati enim sunt bisontes, & uillofi secundum collum & armos, barba quadam à mento propendente, pilis muscum redolentibus, capite breui, oculis grandioribus, & toruis, quasi ardentibus, fronte lata: cornibus plerumque sic diductis & porrectis, ut interual- lum eorum tres homines bene corpulentos insidentes capere possit: cuius rei periculum factum perhibetur à rege Poloniae Sigismundo, huius qui nunc regnat Sigismundi Augusti patre, quem bene habito & firmo corpore fuisse scimus, duobus alijs se non minoribus sibi adiunctis. Tergum ipsum ceu gibbo quodam attollitur, & priore, & posteriore corporis parte demissiore. Qui uenantur bisontes, eos magna uir, agilitate & solertia præditos esse oportet. Deligitur locus uenatui idoneus, in quo sint arbores iustis diremptæ spacijs, truncis nec crassis nimis, ut facile circumiri possint: nec paruis, ut ad tegendum hominem sufficiant. Ad has arbores singuli uenatores disponuntur, atque ubi canibus persequētibus exagitatus bison eum in locum propellitur, qui primus ex uenatoribus sese profert, in eum magno impetu fertur. At is obiectu arboris sese tuetur, & quæ potest percutit uenabulo feram: quæ ne sæpius quidem icta cadit, sed incensa magis ac magis rabie, non tantum cornua, sed etiam linguam uibrat: quam ita scabram & asperam habet, ut uenatorem solo uestis eius tactu comprehendat & attrahat: nec antè relinquat, quam occidat. Quod si quis fortè circumcursitando & feriendo delassatus respirare cupit, is fera obijcit pileum rubrū, in quem & pedibus, & cornibus sæuit. Si uero alteri in idē certamen non confecta fera descendere libet, ut fieri necesse est, si salui illinc abire uelint: is eam facile in se prouocat, si uel semel sono barbaro Lululu succlamarit.

Vros sola Masouia Lithuaniae contermina habet: quos ibi patrio nomine Thur uocant, nos Germani propriè Vrox dicimus. Sunt enim uerè boues syluestres, nihil à domesticis bobus distantes, nisi quod omnes nigri sunt, & ductū quendam instar lineæ ex albo mixtum per dorsum habent. Non est magna horū copia: suntq; pagi certi, quibus cura & custodia eorum incumbit: nec ferè aliter quàm in uiuarijs quibusdam seruantur. Miscentur uaccis domesticis, sed non sine nota. Nam in armentum postea, perinde atque infames, à cæteris uris non admittuntur: & qui ex eiusmodi mixtione nascuntur uituli, non sunt uitales. Sigismundus Augustus rex mihi apud se oratori donauit exenteratum unū, quem uenatores eiectione de armento semiuuium confecerant: recisa tamen pelle, quæ frontem tegit, quod non temerè factum esse credidi: quanquam cur id fieri soleret, per incogitantiam quandam non sum percontatus. Hoc certum est, in precio haberi cingulos ex uricorio factos, & persuasum est uulgo, horum præcinctu partum promoueri. Atque hoc nomine regina Bona, Sigismundi Augusti mater, duos hoc genus cingulos mihi dono dedit: quorum alterum serenissima Domina mea Romanorum Regina, sibi à me donatum, clementi animo accepit.

Quæ fera Lithuanis sua lingua Lofs est, eam Germani Ellend, quid' nam Latine Alcen uocant: Poloni uolunt onagrum, hoc est, asinum agrestem esse, non respondente forma. Sectas enim ungulas habet: quanquam & quæ solidas haberent, repertæ sint, sed id perarū est. Animal est altius ceruo, auribus & naribus prominulis, cornibus à ceruo nonnihil diuersis, colore item magis ad albedinem tendente. Cursus est uelocissimī: non quocætera animalia modo, sed gradarij instar. Vngulæ, tanquam amuletum, contra morbum caducum gestari solent.

In desertis campis circa Borysthenem, Tanaim & Rha, est ouis syluestris, quam Poloni Solhac, Mosci Seigack appellant, magnitudinis capreolæ, breuioribus tamen pedibus: cornua in altum porrecta, quibusdam circulis notata, ex quibus Mosci manubria cultellorum transparentia faciunt: uelocissimī cursus, & altissimorum saltuum.

Samagithia proxima Lithuaniae est prouincia, in Septentrionem ad mare Baltheum, quæ Prussiam quatuor milliariū Germanicorum spacio à Liuania diuidit: nullo oppido, aut castro munito insignis. Huic ex Lithuania à Principe Præfectus, quem sua lingua Starosta, quasi seniore appellat, præficitur, neque temerè is, nisi grauissimas ob causas, officio mouetur: sed quoad uiuit, perpetuò manet. Episcopum habet Romano Pontifici



tifici subiectum. In Samogithia hoc in primis admirandum occurrit, quod cum eius regionis homines procera ut plurimum statura sint, filios tamen alios corporis magnitudine excellentes, alios perpusillos, ac planè nanos, ueluti uicissitudine quadam, procreare solent. Samogithæ uestitu uili, eoq; ut plurimum cinericio utuntur. In humilibus casis, ipsiq; oblongioribus uitam ducunt, in quibus ignis in medio conseruatur: adquem cum paterfamilias sedet, iumenta, totamq; domus suæ supellectilem cernit. Solent enim sub eodem, quo ipsi habitant, tecto, sine ullo interstitio pecora habere. Maiores uorum cornibus propoculis etiam utuntur. Audaces sunt homines, & ad bellum prompti: lorice, alijsq; plurimis armis, præcipuè autem cuspidè, & eo breuiore, uenatorum more, in bello utuntur. Equos adeo paruos habent, ut uix credibile sit, ad tantos labores eos sufficere posse: quibus foris in bello, domiq; in colendis agris utuntur. Terram non ferro, sed ligno proscindunt: quod eo magis mirandum, cum terra eorum tenax, & non arenosa sit, quæq; pinus nunquam crescit. Araturi ligna complura, quibus terram subigunt, locoq; uomeris utunt, secum portare solent: scilicet, ut uno fracto, aliud atq; aliud, ne quid in mora sit, in præputi habeant. Quidam ex prouinciæ præfectis, quo prouinciales grauiore labore leuaret, multos ferreos uomeres adferri fecerat. Cum autem eo, sequentibusq; aliquot annis, segetes aliqua cœli intemperie expectationi agricolarum non responderent, uulgusq; agrorum suorum sterilitatem ferro uomeri adscriberet, nec aliud quicquam in causa esse putaret, Præfectus ueritus seditionem, amoto ferro, suo eos more agros colere permisit. Prouincia hæc nemoribus, syluisq; abundat, in quibus horrendæ quandoque uisiones fieri solent. Sunt etiamnum illic idololatræ complures, qui serpentes quosdam quatuor breuius, lacertarum instar, pedibus, nigro obæsoq; corpore trium palmarum longitudinem non excedentes, Givvoites dictos, tanquam penates domi suæ nutriunt: eosq; lustrata domo statis diebus ad appositum cibum prorepentes, cum tota familia, quoad saturati in locum suum reuertantur, timore quodam uenerantur. Quod si aduersi quid illis accideret, serpentem Deum Domesticum malè acceptum ac saturatum esse credunt. Cum priori ex Moschonia itinere rediens, in Troki uenissem, referebat hospes meus, ad quem fortè diuenteram, se eodem quo ibi eram anno, ab eiusmodi quodam serpentis cultore aliquot aluearia apum emisse: quem cum oratione sua ad uerum Christi cultum adduxisset, utq; serpentem quem colebat occideret, persuasisset, aliquanto post cum ad uisendas apes suas eò reuersus fuisset, hominem facie deformatum, ore aurium tenus miserabilem in modum diducto offendit. Tanti mali causam interrogatus, respondit, se, quod serpenti Deo suo manus nepharias iniecisset, ad piaculum expiandum, luendamq; poenam, hac calamitate puniri: multaq; grauiora, si ad priores ritus suos non rediret, eum pati oportere. Hæc quamuis non in Samogithia, sed in Lithuania sunt acta, pro exemplo tamen adduxi. Mel nusquam melius, nobiliusue, quodq; minus ceræ habeat, albumq; sit, quam in Samogithia, reperiri aiunt.

Mare quod Samogithiam alluit, quodq; Baltheum, quidam Germanicum, alij Prutenicum, nonnulli Veneticum: Germani uerò alludentes Baltheo, Pelts appellant: Sinus propriè dicitur, interluit namq; Cimbricam Chersonesum, quam hodie Yuchtland, & Sunder Yuchtland Germani: Latini uerò, nomine inde pariter sumpto, luciam uocant. Alluit & Germaniam, quam Bassam dicunt, incipiendo ab Holsatia, quæ Cimbricam contingit: dein Lubicensem terram, item Wisnariam, & Rostok, Magnopolensium Ducum ciuitates, totumq; Pomeraniæ tractum, id quod nomen eius loci indicat. Pomorijæ enim Slauonica lingua idem est, ac si diceres, iuxta mare, seu maritimum. Inde Prussiam, cuius metropolis est Gdanum, quod & Gedanum & Dantiscum appellatur, alluit. Porro Ducis Prussiae sedes est, quam Germani Regium montem appellant. Eò loci certo anni tempore, succinum mari innatans, magno hominum periculo, propter subitum maris accessum & recessum aliquando, piscatur. Samogithiam uix III. miliaribus contingit: atque longo tandem tractu Liuoniam, & eam partem quam uulgò Khurland, Curetos absque dubio uocant, & regiones quæ Mosco subsunt: Vinlandiam denique, quæ Syvetensium ditionis est, unde etiam Venedicum nomen originem duxisse arbitrantur, circumluit. Ab altera autem parte Syvetiam contingit. Totum autem Daniæ regnum, quod insulis maxime constat, in hoc sinu continetur: exceptis lucia & Scandia, quæ cōtinenti adherent. Gotlandia quoq; insula in regno Daniæ subiecta, in hoc sinu est: ex qua pleriq; Gothos prodixisse putabant: cum tamen longè angustior sit, quam quæ tantam hominū multitudinem capere potuisset. Præterea si Gotthi ex Scandia progressi fuissent, ex Gotlādia

in Syve



in Svuetiam, et iterum reflexo per Scandiam itinere (quod rationi minimè consentaneum est) oportuisset eos reuerti. In Gothia insula adhuc Vujsby ciuitatis ruinae extant, in qua omnium illac praeternauigantium lites ac controuersie cognoscebantur, ac constituebantur: eò etiam ex longinquis illis maritimis locis causae ac negotia deferebantur, prouocabanturq;.

Liuonia prouincia in longitudine secundum mare protenditur. Huius metropolis est Riga, cui Teutonici ordinis magister praest. In ea, praeter Rigensium archiepiscopum, Riualiensis & Ofsiliensis episcopi sunt. Oppida habet complura: praecipue autem ciuitatem Rigā ad fluuiū Dvina, non longè ab ostijs: item Revvaliā & Derbteñ. ciuitates. Revualiam Rutheni Rolivuan: Derbt uerò Iuryovugorod appellant. Riga nomen suum utraque lingua retinet. Fluuios nauigabiles, Rubonem & Nerviā habet. Huius prouinciæ Princeps, fratres ordinis, quorum primi Cōmendatores uocantur, item procures & ciues, Germani ferè omnes sunt. Plebs ut tribus ferè linguis utitur, ita in trēs ordines seu tribus est diuisa. In Liuiam ex Germaniæ principatibus, Iuliacensi, Geldrensi, & Monasteriensi, quotannis noui & seruitores & milites deducuntur: quorum pars inde mortuorum, alij in eorum locum qui defuncti annuo officio, quasi manumissi in patriam redeunt, succedunt. Insigni equorum copia adeò abundant, firmiq; sunt, ut hactenus tam regis Poloniae, quàm magni Ducis Moschouiae hostiles & frequentes in agros eorum incursiones fortiter sustinuerint, seq; strenuè defenderint.

Anno Domini 1502, mense Septembri, Alexander Poloniae rex, magnusq; Lithuaniae Dux, Magistrum Liuiensem Vualtherum à Pletenberg, pactionibus quibusdam induxit, ut ipse instructo exercitu Moschouiae Ducis prouincias aggrediretur: pollicitus, ubi is hostilem terram attigisset, cum magno se exercitu affuturum. Sedenim Rex cum ad constitutum tempus, sicuti receperat, non uenisset, Mosciq; cognito hostium aduentu, ingenti multitudine magistro occurrissent, isq; cum se desertum uideret, neq; sine summa turpitudine periculoq; retrocedere posset, suos primùm pro tēpore paucis adhortatus, mox exoneratis tormētis, strenuè hostem aggreditur: primoq; impetu Ruthenos dissipat, atq; in fugam conuertit. Cum autem pro numero hostium pauciores essent uictores, grauioreq; armatura praepediti, hostem longius persequi non possent: Mosci re cognita, recuperatis animis, denuò in ordines redeunt, atq; Pletenbergi peditum, qui circiter mille quingenti instructa phalange hosti se opposuerunt, aggressi strenuè cadunt. In ea pugna Praefectus Matthaeus Pernauer, cum fratre Henrico, & uexillifero Conrado Schvartz, periēre. Huius uexilliferi egregium facinus memoratur, nam cum hostium telis obrutus, confectusq; diutius stare non posset, priusquam occumberet, alta uoce uirum aliquem fortem, qui uexillum à se reciperet, inclamabat, ad cuius uocem Lucas Hamersteter, qui se ex Braunsuicensibus ducibus, illegitimo tamen thoro, oriundum gloriaretur, illico accurrens, uexillum ex moribundi manibus capere nitebatur, quem Conradus, siue quòd suspectam haberet illius fidem, siue quòd tanto honore indignum esse arbitraretur, tradere recusauit. Cuius iniuriā Lucas impatiens, educto gladio manum Conradi cum uexillo amputat. Conradus nihilominus uexillum altera manu & dentibus mordicus apprehendens, tenet, laceratq; Lucas uexilli fragmentis arreptis, proditisq; peditum copiis, ad Ruthenos deficit. Huius defectione factum est, ut quadringenti ferè pedites ab hostibus miserè trucidarentur: reliqua turba cum equitatu seruatis ordinibus, ad suos incolumes rediēre. Huius cladis autor Lucas, postea à Moscis captus, atq; in Moschouiam missus, in aula principis aliquandiu honesto loco fuit. Verum is acceptae à Moscis iniuriā impatiens, ex Moschouia clam ad Christiernum Danię regem postea profugit, à quo tormentis prefigitur. Cum autem pedites aliqui, qui ex ea clade euaserant, in Daniam elapsi, illius prodicionem Regi indicassent, nec cum eo unā militare uellent, rex Christiernus eum in Stockholm misit: mutatoq; post regni statu, Iostericus, aliàs Gustaus Suetiae rex, recuperata Stockholm, Lucam ibi inuentum, numero familiarium suorum ascribit, & Vuiburg oppido praeficit: ubi cum nescio cuius criminis se insimulari cerneret, ueritus grauiora, denuò in Moschouiam se recepit: ubi ego illum honorificè uestitum, inter Principis stipendiarios uidi.







sentiendum sit, ipsa me humanitas sua, simul & eruditio monuit: satius uerò est modestum uideri me suarum laudum præconem, si minus, quàm fert animus, hoc in loco retulero, quàm affectatæ laudis suspitione premi, dūmodo fatear nihil esse, quod adeò de me merito uiro non debeam.

b Latior.) Nam ab Istulæ fontibus ad Tanaim, circumq̃, Euxinum uersus multo erat Melæ temporibus spaciosior, quàm in ora Septentrionalis littoris, cuius magna ignota pars fuit.

c Visula.) Mira nominis uariatio: nam Visula, Iustula, Iustilla, Istula, Vistula uocatur. Vistula.  
Oritur in Carpathijs, qua in Iaziges, & Marcomannos Polonia imminet: in Codanum egreditur non uno ostio, & amplissimo, antequam Dantiscum attingat alueo, ubi mira piscium copia. Dantiscum clarum & opulentum aduectis mercibus oppidum, aëre ob uicina, quæ palustri humore mandent, nonnihil insalubri, memorabile uerò ætate nostra Ioannis Dantisci nomine, iureconsulti, poetæ, & Sigismundi Poloniæ regis (quod fidei suæ & Dantiscum.  
eruditioni debebatur) secretarij. Ioan. Dantiscus.

d Ad Istrum.) Ideo Ptol. non Istula tantum, sed & montibus, qui in Iaziges imminet, & Germaniæ parte terminari ait.

e Armis.) Hodie quoque equitatu maximè præstant, habentq̃, qui arcubus antiquo gentis more utantur.

f Urbibus.) Clarissimæ sunt hodie Cracouia & Posnania inter plurimas. At maiores multò in Lithuania, & ea ora, quæ in Tauricam Chersonesum, & Euxinum spectat, sitæ: inter quas eminet Vilna præcipuè, tum & Orscha arx munitissima, Kyou Ruthenorum metropolis, & in Podolia cæteris munita Camyenyetz, quam Latine ob situm loci faxeam cognominant. Quod si quis ad terrarum, regniq̃ amplitudinem respicit, non erit adeò celebris oppidis Polonia. Constat autem ampliorem esse, quàm tota sit trans Pyrenæos Hispania. Polonia magnitudo.

g Nestatis.) Omnia hæc abolita migratione, ut credo, gentium. Similia his libro primo, de Amazonibus, & secūdo libro de Scytharū fœminis retulit. Id magis miremur, cur totus is tractus in Scythiam usque adeò apibus abundet, ut ceræ, mellisq̃ nusquam maior copia sit. Nec artem ibi expectant, nec industria iuuari uolunt, sibimet aluearia intra roborum excauata latera construunt, adeo ut grauissimas hyemes iuxta faciliè ferant. Est hæc terra planè suis prædita floribus, & per æstiuā nullos magis sol aspicit, quādo longissimus est dies, qui animali ad labores nato breuibus umbris operam intercipit. Sarmatia apibus abundat.

h Equitare.) Scribit libro octauo Plinius, Sarmatas equos habere tolerantissimos laborum, quos cum iter acturi sunt, inedia pridie præparant, exiguum tantum potum impertientes, atq̃ ita per centena millia, & quinquaginta continuo cursu euntibus insident. Idem & Scythicarum gentium more herbarijs quibusdam succis corpora tinxerunt, fuitq̃ adeò agrestis uictus, ut pulte alerentur, farinæ crudæ equino uel sanguine, uel lacte admixto.

Durant crudelitatis reliquiæ in Tartaris, qui pars quidem Sarmatarum sunt, sed & Scythicis immanes morib. Vaga illa gens, & incertis contenta sedibus, nec aliud lucri, quàm quod præda adiicit, improuisis incursum maxime noxia, profundis & trucibus oculis, ac ferè cæsis, turbinato craneo, & circū tempora capite presso. Plerosq̃ nuper Cracouia, & haud ita pridem aliquot Viennæ in ipsis catenis uidimus: ac nescio, an uiderit Apollinaris, qui de iisdem tum uere, tum eleganter in Panegyri ad Artemium Augustum sic refert: lacet sub axe ursæ Gens animis, membrisque minax, ita uultibus ipsis infantū suus horror inest, cōsurgit in arcum Massa rotunda caput, geminis sub fronte cauernis. Visus adest oculis albertibus, acta cerebri. In cameram uix ad refugos lux peruenit orbes. Horum semper iustum numerum, qui diuersum opus faciant, compeditos, & ergastularios habet in arce sua Cracouiana rex Sigismundus: equina his carne nō est cibus alius gratior. Certe fides, si equum utcumq̃ morbidum indicaueris, rem egisti gratijs dignam, adeunt, cadauerosum extrahūt, suocq̃ in carnario euiscerant, carnibusq̃ partim assis, partim elixis, gradū in fornice focis circumfidentes hiantem exaurant uoluptatem. Cum Cracouia essem, leonem catulum, qui in aula tum forte mortuus erat, euiscerabant, celebriq̃ deuorabant conuiuiō, adstantibus etiam nobis, & feritatem demirantibus, ridiculo nutu, ut comessemus, inuitatis. Equorum ossibus mirè expolitis, & faberrimè efformatis manubria scuticarum præmuniunt, intus uisenda arte cultros cū in uaginam condentes, quorū in itinere pro Tartarorū more possit esse usus. Equidē cum ē Cracouia Bochniā uisum abissiēm Tartarorum immanitas.  
Sidonius.  
Tartari hippophagi.  
o 2 Salinas,



Salinas, & Ioannis Boneri Salinarum præfecti beneficentia in arcem Bochnianam hospitio receptus essem, à Iano de Oleschincky Damiani domino, qui tum Boneri vicem gerebat, uiro & uirtutibus, & literis iuxta claro, humanissimè tractatus, inter cætera mihi homo Scythia ostendebatur, præterquam quod agreste Sarmaticum fidibus ludebat, ad nocturnas tantū uigilias natus: qui nec minis, nec uerberib. ab esu demortuarū feliū, canūq; deterreri potuit, clanculum uel è cœno cadaueribus, quibus uesceretur, raptis, asisq;.

i Virginitas.) Cogitur enim esse uirgo, si nullum occiderit. Est ergo pœna, cum sit maxime honorificum, id manu consequitam fœmellam, ut nubere possit. Nihil horum hodie usuuenit, præter miram in plerisq; Sarmatis equitandi agilitatem. Vulgare est medio in cursu ex equo in equum insultare, idq; sine mora, sine casus metu. Quod ipsum anno ab hinc tertio in Pannoniæ claro oppido Posonio, cum illuc ad Vladislaum Vngariæ regem frater Sigismundus uenisset, spectaculi gratia (nam nostri mirabantur) iterū, iterumq; exhibuerunt, ut mihi retulit Victor Gāpus Viennensis, iureconsultus clarissimus, & dignus omni fide homo, qui tum cum Cæsareis oratoribus Posonium profectus, crebris illis ludis interfuit. Cornelius Tacitus author grauissimus in his maximè, quæ ad Christianorum historiam nihil attinent, libro Augustæ historiæ 17. equitatum Sarmaticum commendans. Mirum, inquit, dictu, ut sit omnis Sarmatarum uirtus uelut extra ipsos, nihil ad pedestrem pugnam tam ignauum: ubi per turmas adueniēre, uix illa acies obstiterit.

Victor Gāpus  
inrecon-  
sultus.

Salifodina Sar-  
maticæ.

Liber aurem hoc in loco, quoniam dignissima res est, nec aliena proposito, utpote de terræ insignibus locis commētantibus nobis, salifodinas Sarmaticas orbi patefacere, præsertim quod hanc admirandam naturæ fœcunditatem à scriptoribus, quos equidem uiderim, Latinis, aut historiæ penuria, aut certe experientiæ inopia, siue (quod suspicor) raris alibi gentium Salinis, copia, magnitudinēue Sarmaticis illis respondentibus, neglectius traditam uideam. Nec uerò facile aut Arabum Carras illas, iuxta quas è salis frustis, ut Plinius tradit, aqua ferruminatis ædificia exstruuntur: aut Oromentum Indiæ montem, è quo salis glebæ lapidicinarum more caduntur, quantum scriptorū lectione consequi animus potest, ualde mirabitur, qui Sarmatiæ aut Bochniæ, aut Veliscum uidit. Duobus in locis cæditur metallicus atq; fossilis, oppidis utrobique ob mortalium frequentiam, & operum magnitudinem, enatis. Horum propius Veliscum uocant, à Cracouia passibus plus minus. 8. mil. alterum Bochniæ. 30. maximum millibus distans cum arce perelegante, à Salinarum præfecto, quem sua lingua Zupparium uocant, habitata.

Veliscum.

Velisci situs equus in septentrione, ad meridiem & ortum molli assurgit cliuo, altiusq; atq; altius: proinde montanis extantibus, agri, quemadmodum & Bochniæ, iuxta ferè silesiles sunt. Intra oppidulum prope sacram edem uno hiatu, quem ipsi Schibum nominant, in illa tenebrarum regna descenditur. Fossa ipsa undique præceps, roboribus in quadratum ferè contignatis altissimè demittitur, fune prægnandi è machina pendente, quo glebæ, salis, quas Bancas ipsi appellant, ex uarijs cauernis ad eius fauces deuolutæ, tandem in lucem, extrahuntur. Qui descendunt, restibus ex subere ima in parte craticulæ in modum contextis, & grandem illum ad funem nexis insident, manibus sese retinentes, atq; altero crure ad funem applicito, quò minus, qui ita pendet, uacillet. Bini frequenter iunctis lateribus pensiles intromittuntur, ita tamen ut septeni atq; etiam octeni ordine appensi demittantur: Stupentibus autem & inexpertis antea periti rerum fossiores intermiserunt, qui altera in manu lucernam gestantes, pede alterutro funem immani altitudine fluctuantem regunt, ne, in compacta quadrato robora si impingat, leuissimè sedentes excutiat, e necetq; casu. Cum ad fundum, peruentum est, ocysimè sese primi explicant, funemq; diuersum in cuniculum trahentes, sequentibus consistendi relinquunt locum.

Puteorum al-  
titude.

Hic primus per puteum, qualem diximus, introitus est tantæ altitudinis, ut subtus stantibus nullus unquam cerni dies queat, & omnis desuper clamantium uox euanida sit, nec quicquam eo modo ab his, illisue significari queat. Stipulas accensas et carbones deijciunt, qui supernè astant, illis inuicem funem magno nixu crispantibus, aut grandi malleo contignata robora in imo quatitibus, talem impetum pedibus magis, quam auribus horum excipientibus. Hic mutus signorū modus est. Aduenis non rarò, qui descendere aut nolūt, aut nō audent, putei altitudo indicat straminis succenso fasciculo, iniectoq; uisu sequentibus eum, qui astant, hoc modo altitudinis parte deprehensa. Nec facile periculum in igne fuerit, udis semper primarum faucium roboribus. Velisci uno tantum puteo (ita uocare libet) descenditur, Bochniæ pluribus: sed uno tamen frequentissimè demissis operarijs, ex alijs interim salis micis extractis: & Bochnia quidem profunda, & undique decliu

Bochnia.

planicie



planicie iacet, Velisco, ut dixi, prominente. In huius fodinis amœniora omnia sunt uisui. nam uix usquam periculosus timidis etiam & insuetis intus gradus est, & in latera abeuntes cuniculi ita panduntur, ut erectus queas incedere. Bochniæ in profundum omnia abeunt, altissime subsidentibus fossis, graduq; insuetis præsertim periculosissimo. Ab puteorum lateribus scalæ demissæ tenuibus ferramentis, funiculisq; roboribus annectuntur, exilibus subtus proceribus nixæ, & operariorum frequētia detritæ plerunq; à quibus profossarum specie abeuntibus, crebro flectendus sit gradus, idq; immani subtus altitudine, qua quidem ab ignaris primum sine metu descenditur, lucernis proxima tantum illuminantibus non etiam profundum aperientibus. Magno uerò metu ascenditur cogitantibus præsertim, quantum inanis altitudinis subsit, quamq; pendulo nitantur gradu, qui uadunt. Equidem ut de me dicam, non raro terra mariq; cum timuerim mihi, haud leuibus in periculis uersatus, nunquam tamen frequentius, præsentiusq; de morte cogitauī, quam cum naturæ noscendarum opum cupiditate uictus, in Bochnianum illud barathrum descendissem: de quo etiamnum ita cogito, ut incolumem me omnia uidisse gaudeam, non amplius quacumq; occasione oblata uisurus.

Velisci, cum demissi essemus per primum puteum, uario ac perplexo, & uere quosuis Labyrinthos uincente cuniculorum ambitu, in antra non parum spatiosa ducebamur: cæmeras appellat Sarmata, è quarum lateribus ingentes micæ ferreis cuneis, malleisq; cædebantur. Vix autem fidem ceperit, quantum omnia salis politissima munditie resplendescant. Ac Velisci quidem quo magis in latera cuniculos adigunt, eò salem salsiorem, mundiorq; deprehēdūt profunditate ferè sterili, aut micis certe obintermixtā glareā impuris. Rarissime uero (id q; infodinis metallicis Carinthiæ obseruaui) in his usuuenit, ut ligneis colūnis, aut fornicib. cōpaginatis tellus, ne fidat opprimatq; operarios suspendatur. Solidæ sunt perinde effossis salis rupibus cryptæ, nec temere unquam inde periculum euenit, sicut nec uapor usquam noxius, aut fumus pestilens strangulat. Solo casu quotannis sunt, qui percunt fractis interdum scalis, ac non raro glebis pregrandibus, dum attrahuntur, & rumpitur funis, miserabili clade recidentibus: Porro & primo in descensu periculum est præfens, si funiculi siue restes, quibus insidere solent demittendi, disrumpantur. Operarij merces soluitur, non à tempore, quod in his cauernis nullum est, sed operis modo æstimatione facta. Instituta quoque ad eam rem regula, & in salis (mirum) glebis uirium & laboris indicia insunt: hoc modo dispar salarium recipientibus, nec unquam desidia eludentibus qui cædunt. Cūmq; nullæ sint illic lucis, & tenebrarum uices, sit ut nec uigiliarum, nec somni modus ullus existat, semper laboratur, opera tamen per uices fortuitas distributa: ut primi graues micæ forma quadrata, sed oblongiori excidant, mox sint, qui demolientes, per multiplices eas cuniculos sub introitum primi putei trahant, ut tandem in lucem attollantur, quibus ab opere uacantibus, postremi succedunt, qui tenui mercede puluerem salis conuerrunt, & fragmenta legunt, in ueteres & exhaustas ea fossas conijcientes, aut in factitiij salis usus extrahentes, humeris portantes, & certatim sub ipsa puteorum trahētes ora, ut attracta demum edantur. Ad hanc autem operam & iuuentus conducitur, cum illa non nisi à robustissimis perficiatur.

Fontales uenas Veliscenses fodinæ passim habent, cæterum modicè scaturientes, quas canalibus è cryptarum ambagibus commodum in puteum corruuatas mox dolijs attolunt, coquuntq; harenosi salis iniectis fragmentis. Velisci enim & Bochniæ non tam factitiij salis, quam factitiij copia est. Ille solidis è rupibus cæsus paulò est amarior recēs, mox cum aëre superno inuaditur, extractus dulcescit, sitq; optimus. Hic paulò salsior aqua, ut dixi, & fragmentis extractis coquitur, grandi subiecto igne, uelut in Germaniæ, Galliæq; locis pluribus. Bochniani micæ, statim ut editæ sunt, probant, puræ sint nec ne, glareæ siue argillæ uenis interturbatas confestim in frustra, ut coquantur, findentes. Puriores intergras uendunt, non pondere, sed magnitudine tantum æstimata. Mirum autem adeò facile frangi salem, cum nostro ab aëre humescere cœperit: rursus, dum in cauernis est, leuiorem & duriusculum esse, extractum ingrauescere maxime.

Albertus noster ex terreo cōbusto, crassoq; & aqueo commixto, ac terrefrigiditate cōgelato, salem natura calidum, & siccum constare autumat: porosum uero esse, & hiare rimis subtilibus: unde coniectura sit minime audax, leuem esse salem, dum sicco in aëre trahitur, mox nostro, qui humidior est, per hiantes poros hausto, grauiorem fieri, ac facile frangi posse, quoniam laxior, molliorq; factus sit. Plin. 3. li. 7. capite, prodidisse ait quosdam, leuissimū intra specus suos salem esse, qui in lucem uniuersam prolatus uix credibili pondere

Scalæ.

Saline Veliscenses.

Merces pro labore.

Operum uices.

Vena fontales.

Sal fragilis. Albertus.

Plinius.



*Bochniarum  
salina opero-  
rior.*

*Bochniæ sali-  
nae altitudo.  
Ludouicus  
Decius.*

*Salis gemmæ.*

*Salis factitiij  
ratio.  
Plinius.*

*Tacitus.*

*Salis in Sarma-  
tia montes.*

*Glebarum sa-  
lis pondus.*

*Magnum è Sa-  
linis uestigal.*

*Rudolphus  
Agricola.*

*Ioannes de O-  
leschincky.*

dere ingrauescat. Cuius euidentem causam putauit esse à cuniculorum madido spiritu sic adiuvante molientes, ut aquæ solent, in quibus grauiora pondera facile mouentur. Mihi certè prior causa magis arridet, qui sum expertus siccum, calidum, acutum, & perquam subtilem in his fodinis aërem esse, ut suadent obambulantes, & nudi etiam Cyclopum more laborent Bochniæ, ocreatis tantum, & braccis pudibunda uelatis, qui fodiunt. Micæ, cum ad supremi putei fauces peruenire, appensæ funi iumentis extrahuntur, pregrandem rotam anhelò & in circumreducto gyrañtibus cursu. Et Velisci quidem leuiori opera omnia constant, Bochniæ magnus in extrahendo labor est, cum quòd multis in locis extrahitur, tum etiam quòd ex altissimis fossis interim per cuniculos trahitur, interim machinis subtilis fabrefactis attollitur, donec hac & illac uario flexu per cryptas prouolutus, & sexies minimum subterraneis illis machinis sublatus, demum ad supremi introitus fauces conuoluitur, ut claram in lucem attollatur. Cumq; Velisci fossæ sint præter cameras, alicubi octodecim scalarum altitudine, quarum nulla breuior sit octo cubitis, multis interim longioribus: constat Bochniæ, præter primarum faucium immanem profunditatem, in altissimam fossam octoginta scalarum altitudinem durare, & quotidie fieri altiore, innumera salis excisa copia. Scalas numerauit Ludouicus Decius noster regi Sarmatiæ à secretis, & Iano Bonero Salinarum præfecto à rationibus, amoenissimi ingenij, & eximiæ doctrinæ homo, mihi sanè nonnullo metu perturbatori, tum & alia demirato, quorum gratia ueneram, id ipsum obseruare non dabatur. Bochnianæ glebæ puriores, salioresq; existimantur. Vtrobique per reliqui salis rupes uenæ quædam euegantur pellucidæ, & crystalli modo nitidæ salis gemmæ, ut recentiores cognominant, cuius præcipuus est in medicinis usus, apparent & uenæ extincto carboni nigriore similes, quarum materiam aurei pondere contritam, & modico uino sumptam alueum soluere aiebant. Sal qui coquitur, uisendæ magnitudinis patinis ex ære, ferroue factis non sanè profundis, nec crassis admodum infunditur, ubi aquis flammæ in bulientibus concretus, & sidens sal, postquam incanduit, extrahitur. Quod Plinius intellexit, quando scripsit in Gallia, Germaniæq; ardentibus lignis aquam salis infundi. Et libro tredecimo Tacitus in Hermunduris salem prouenire ait, non ut apud alias gentes, eluuiæ maris, arescente unda, sed super ardentem arborum struem fusa, ex contrariis elementis igne atq; aquis concreta, &c. Et hic quidem quamuis in metallico illo siue fossili acutior paulo, saliorq; esse solet, parum tamen à natiuo sale abest acuminis uis. Mirum uerò inter tot fecundæ naturæ miranda opera spectaculum, tanta altitudine solidos salis demitti montes: & cuniculis in tanta spatia adactis, ad lucernarum lumina moles subterraneas excauari. Nullus illic dies uelut Cimmerijs olim, nulla nox, sed umbræ tantum sine cœlo. Porro & adeo altum silentium inest, ubi ab opere uocatur, ut manes inesse loco credas. Velisci non raro ingentium sese templorum specie camere offerunt, immanibus salis columnis extantibus, quibus superiora solido & ipsa concreta sale, ceu fornices quidem sustinendis montibus enati imminet, grauissimo sese pondere admirabili quadam operariorum industria librante. Bochniæ mille quingentorum pondus Germanicorum graues micæ extractas uidimus: hæc autem Romana pondus tria milia æquant. Aiebant interdum maiores cædi, neq; id difficile creditu æstimantibus, salis illic non glebas tantum, sed montes etiam esse. Ex ingenti uero illo Sarmatiæ thesauro maius eius regni principi uestigal est, quàm plerisque esse ex auri, aut argenti fecundissimis fodinis possit. Etiam si hoc, quicquid est emolumenti, uix æstimandis sumptibus constat. Illud non præterierim, in multis Sarmatiæ locis copiar salis euidentia uestigia spectari, in quibus tamen fodere lege cauente prohibentur, qui adhabitant, ne rei precium euilescat, & detrimentum emolumento maius fiat. Veliscensem fodinam quatuor plus minus horis bona parte collustrauimus, comitantibus nos Rudolpho nostro Agricola. Benedicto Vadiano fratre, & adolescentibus duobus Cracouiæ Seuerinorum familiæ, spectatissimæ indolis, qui unâ se in horrendam illam altitudinem demisere. Solus Agricola, cui caput est natura uertiginosum, & ex studijs debile, nullusq; omnino ad scandendum incautus animus, tantisper donec extraheremur, & nostro redderemur cœlo, nos operiebat. Bochniæ iidem ferè nobiscum descenderunt, ducente nos & singula diligenter commostrante Ioanne de Oleschincky, Damiani domino, uiro præter humanitatem & candidissimos mores imaginibus etiam & literarum peritiâ claro. Cui pro singulari beneuolentiâ & liberalitate sua, non satis uidebatur in hominem peregre aduenam collatum officij, quòd unâ periculosa uectura demissus in fodinas esset, quòd omnia indicasset, & exposuisset, nisi sexta ferè hora demum reductus, cum fessum, squalidumq; cerneret, & lauandum curare.



curaret, & apparatusissimo prandio in regia arce exciperet, toto sodalizio nostro biduano hospitio incredibili humanitate tractato. Porro ne is quidem beneficentiæ finis erat, postmodum nos in uillam suam Damianam deduxit, fertili agro ad piscosi amnis ripam extructam, & undique amoenissimo nemore clausam, in qua iucunda deambulatione facta, rursum elegantissimo & planè saluari prandio non tam ferculorum apparatu, quàm morum & facilitatis suæ comitate mirificè exhilarauit: additis mox, qui nos compendiaris itineribus Cracouiam reducerent. Quid ni autem fatear, summam beneficentiæ me Ioanni Bonero debere salinæ utriusq; prefecto? qui simul acituros nos Bochniâ intellexit (iam enim Veliscum uideramus) literis actutum præmissis, ut his modis cum uniuerso sodalizio exciperemur, curauit. Est hic uir grauissimus, prudentissimusq; autoritate, & gratia nullis sanè in Sigismundi regis aula cedens, præterea exterorum (ad Rhenum enim natus est) prius, qui tantis fortunæ ornamentis, tantaq; dignitate apud Sarmatiæ principes inclaruerit. Ac de salis quidem fodinis Sarmaticis hætenus.

Ioannes Bone-

rus.

## DE SARMATIA COMMENTARIO.

LVS HARTMANNI SCHEDEL, ARTIS  
MEDICAE DOCTORIS.



Sarmatia est nimis uasta & ampla regio, sed inculta & in solitudine posita, & sub rigidissimo æthere iacet. Hæc ex ortu Moschos & Tanain fluuium habet: A meridie Dacos & Pannonas: Ab occidente Bohemos, Morauos, Slesios, & Teutones: à septentrione mare Germanicum & Sinum Codanum. Id uero quod regni nomen tantum sortitur, Poloniam uocant. Hæc duo nomina habet. Nam eam partem terræ ubi sita est Cracouia, minorem Poloniam nominat: At ubi Posnania & Gnesna surgit, maiorem nuncupant. A Craco autem primo duce usque ad ætatem primi Boleslai non nisi duces illic imperitabant. Temporibus autem primi Othonis Cæsaris Boleslaus clarissimus dux fuerat. Non is de quo in uita diui Stanislai dicemus. Nam ille nepos eius fuit, qui ex monacho huius Boleslai filio natus fuerat. Iste igitur Boleslaus regem Franciæ & Germanas gentes uictici manu infestabat. Tandem sub Othone Cæsare tali bello finem dedit & foedus cum Germanis & Gallis contraxit. Otho autem Cæsar uidens tanti principis animi magnitudinē, quam toti Germaniæ & Sarmatiæ notam fecerat, se cum Boleslao duce in Sarmatiam contulit ut & imperium, & potestatem eius planius perspiceret. Quem illustris dux summis honoribus in Posnam suscepit. Nam tribus ante urbem millibus Passuum, aut longius fericas lanas, muriceasq; uestes auro, argentoq; decoratas per uiam, qua Cæsar iturus erat, prosterni iussit. Et post ingressionem Cæsaris in urbem Posnam cuiusq; licitum fuerat illa deferre & deportare. Illic magnificis, splendidissimisq; conuiujs & Theatris, ceterisque cærimonijs Cæsarem uenerabatur ut nulla, quàm aurea, illic foret suppellectilia: quæ post quoslibet cibos in puteos, quorū fundi nemo certus erat, deijci ac deperdi iubebat. Multas alias pompas ac munificentias Cæsari Othoni instaurabat, quæ satis amplè Sarmatica historia enarrat. Iamq; uidens Cæsar tanti principis liberalitatem, & mentis sublimitatem, diuitiarumq; abundantiam nō ab re animo duxit tantum clarissimum ducem corona regia dignum fore. Eum itaq; regali sceptro ac diademate exornauit, ac cæteris dignitatibus sedem regiam requirentibus celebrauit. Ne autem Boleslaus iam illustris rex tanti erga Cæsarem beneficii ingratus uideretur, brachium diui Adelberti antistitis, quem Pruteni nefanda morte trucidarunt, pro munere Cæsari obtulit. Iamq; aucto regni imperio usque ad annos salutis nostræ. M. CCCC. aut paulo antea rex Poloniæ dum absque prole discessisset. Tandem dux qui Lithuanis ac Russiæ præsidebat, in regem electus fuit qui idola antea coluit. Sed eo tempore quo illi regium sceptrum deferrebat. Christianam religionem cum omni terra, cui præerat, suscepit. Itaq; Lithuanos ac Russitas ad regnū Sarmatiæ sic adiunxit, ut nō nisi absq; certa cōditione dissolui possint. Is ergo illustrissimus princeps Prutenos, maritimas germaniæ gentes, sauiissimo bello subiugum duxit ac imperium amplius extendit: Vbi insignes urbes extant Dantiscum & Thuronia. Est & clarissima arx Marienburgum cui similis nemo mortalium uidisse fertur multis uarijs structuris, mœ-



ris, mœnibus, turribus ac fossis munita, ut nulli inimicorū tutus sit ad arcem accessus. Amplius imperium ante aliquot annos fuerat: infestante tamen Tartarorum & Turcarum perfidissima gente magnū toti Sarmatiæ damnum illatum est. Nam terra, quæ post Russiam uadit, quam gens Podoliam uocat, tota exusta & in solitudine posita est: ut & necessitatem peregrinantibus ferre non possit quamuis fertilissima sit: ita ut gramina in altitudinem unius celsi uiri excrescant: & apibus, & melle tota redolens ut non satis illis locus sit ubi mella deferant. Sub arboribus nanq̃ aut uirgultis & syluis fauos sic educunt. Hercynium autem celebratissimum nemus, quo in tota Europa nihil præstantius, Sarmatiam totam percurrit & circa Cracouiam saltus suos extendit: per quos ire potest unusquisq̃ usq̃ in Lithuaniam & Scythiam. Tantis brachijs regionem illam totam peruagatur, ferarum maximos educens greges. In ea uerò syluæ parte, quæ septentrionalior est, bissones fert: quæ ferox ac immanis bellua est, humanum genus maximè perosa: ad uescendū quidem maximè conueniens: Formam autem gerit citrini coloris: frontem latam & cornua fert, ut nec uenationi satis aptum sit nisi maximis, uarijsq̃ laboribus. Metallum uerò nullum quam plumbum Sarmatia fert: non alia quàm Saturni causa: qui terram rigido infestat frigore. Salis autem maxima copia est, qua cæteræ longinquæ gentes utuntur. Quod maximum præstat toti regioni emolumentum: qua nulla regi ipsi maior in toto regno gaza extat. Nam sub terra exciduntur ingentia salis saxa. Extra terram autem aliud sal ex aqua decoquitur. Est & Sarmatia ferax & uberrima tellus omni genere fructuū & quicquid ad pascendum, humanum corpus expetit. Nunc addenda est clarissima proles illustrissimi principis Vladislai, de quo antea diximus. Is tres, (ut quidam ferunt) uxores habuit, ex quibus duos susceperat filios, quorum unus natus maior Vladislaus uocabatur, alter Casimirus. Vladislaus autē post mortem patris regio insignitus fuerat imperio. Itaq̃ Hungariæ & Bohemiæ, & Poloniæ regnis præsidebat, ubi clarissima gesta militari manu faciebat, ac imperium & Christianam religionem amplificabat. Nam regi Turcarum tantum terrarum depopulatus fuerat, ut & ante Cōstantinopolim castrametaretur: ubi dum sauiissima bella erga Turcas gereret ac utraq̃ pars crudelissimo conflictu decertaret, Pannonones uersis tergis fugā dabant ac regem cum paucis Sarmatiæ copijs in tantā hostiū multitudinem reliquerunt. Casimirus uerò dux Lithuanis, & Russiæ præerat. Inde dum casus regius genti notus fuerat, Casimirus per Sarmatias in regem declaratur, qui filiam ducis austriæ, sororem Ladislai, qui regno Bohemiæ & Hungariæ præsidebat, in uxorem duxit. Ex ea sex suscepit filios & quinque filias. Primogenitus uerò Vladislaus uocatur. Hic adhuc iuuenis existēs in imperium regni Bohemiæ electus fuit, mira quadam animi magnitudine ac optimis consilijs pollens. Ob quod dum Matthias rex Hungariæ discessisset & regnum Pannoniæ adeptus est. Huic erat proximus frater cui Casimirus nomen paternum datū fuerat, qui summo ingenio ac prudentia claruit, tandem morbo inualecente periit. At huic successit illustrissimus princeps Iohānes Albertus, iam futurum toti orbis spectaculum. Is plurima illustria gesta militari bello apud Tartaros ac cæteras gentes edidit. Post patris autem obitum regno successit, ubi fauente illi prospera fortuna regnū uirtute sua & optimorum, doctissimorumq̃ uiro- rum cōsilijs gubernat. Inclytus uerò dux Alexander quartus natus regius est, cui fortitudine & mentis sublimitate parem tota Sarmatia uix tulit. Hunc ob eius constantiam Lithuanis post mortem patris in ducem susceperunt, qui & maximum toti Sarmatiæ decus esse existimatur. Post hunc sequitur Sigismundus celebris princeps, qui paterna sequitur uestigia. Is multis egregijs gestis claret si illi aliquid foelix fatum aspiraret. Celeberrimus autē Fridericus princeps ultimum natorū locum obtinuit, qui innata animi ingenua uirtute relinquens uanos principum tumultus & inquietam uitam ad sedem tranquillio- rem sese contulit. Vnde Episcopus Cracouiensis electus ad Archiepiscopatum Gnetznensem postea deuenit. Hī omnes clarissimi quinque principes hanc usq̃ in ætatem, magnificè ac celeberrimè uitam ducunt. Inter filias uerò quinque, prima nupsit Georgio duci Bauariæ: Secunda Friderico Marchioni Brandenburgensi, Tertia duci Pomeraniæ. At duæ reliquæ innuptæ apud matrem uitam ducunt.



## DE SANCTO STANISLAO EPISCOPO

*Cracouiensi, Patrono Sarmatiae.*

**D**iuitius Stanislaus, uir magnæ apud Deum auctoritatis, totus Sarmatiæ patronus & signifer, natus anno salutis nostræ M. viij. in rure quod Sczeppanovvò uocant nobilibus ac claris parentibus quorum cura fuit in templis diuino seruitio incumbere, & Deum pijs placare precibus. Is dum in iuuentutem deuenisset, patris monitu in celebre gymnasium Lutetia deuenit ubi optimarum literarum studijs summam operam dabat: unde multis uirtutibus floruit, sacro autem, diuinoq; iuri præcipue insistebat: non ea quæ huius ætatis iurisperiti questus causa solent ut maiorum dignitatû honorem adipisceretur: sed ut si quando locus, statusue, aut conditio sua ferre posset, ut tantum miseris, quantum potentibus, orphano, pupilloue iustitiam administraret, & unicuiq; æquo pondere, quod suum esset iubente id lege, redderet. Tandem paternas sedes rediens, Cracouiâ inclitam Sarmatiæ urbem deuenit. Illic ob uirtutem & scientiam suam canonicali dignitate fungitur. Mortuoq; antistite, cœlestis numinis prouidentia in præsulis sedem declaratus fuit. Hunc dum semper optimo ordine statum deferret, curabat sacram religionem ac diuinum cultum amplificare. Empto tandem rure à quodam milite, eoq; mortuo, amici illius uillam eandem iure hæreditario à diuo præsule repetere conabantur. At ille testimonium huius stipulationis, emptionisq; proferre non potuit. Nam hi qui huius rei satis edocti fuerat, propter illorum potentiam latebant. Vir ergo sanctus orationibus ac ieiunijs incubuit, confususq; summi Dei potentia, qua se iam diu munitum cognouerat, accedens ad tumulum defuncti militis, à quo rus illud emerat, & euoluto lapide & arena, pia & deuota oratione Deum obtestabatur, & mortuum illum per quatuor annos in uitam reduxit. Eumq; coram tyranno Boleslao apud quem tale ius agebatur, constituit: Astantibus illic suis aduersarijs, cæterisq; regni optimatibus: quo se emisse uillam apertè demonstrauit: iamq; sæuus Boleslaus fœdo, turpiq; luxu insistebat, ac omnem in suas gentes perfidiam & tyrannidem exercebat: ac illustres uiros, egregiosq; ciues nefandis, dirisq; supplicijs excruciebat. Stanislaus uerò Christi uates haud longius id ferendum existimabat. Itaq; regem intrepidus adiens ut talibus cœptis desineret illum obiurgabat. At ille magis in dies facinus exercebat. Tandem à præsule in sententiam excommunicationis ponitur, quare tyrannus Boleslaus ignarus præ furore, quid ageret, dimisit satellites suos ut præsulem quocunq; esset loco, trucidarent. Eo tempore diuus Stanislaus in sacellum diui Michaëlis, quod super rupellam in Casimiri urbem conditum est, deuenerat, gratissimum illic Deo offerens sacrificium: hunc in locum dum ministri regij deuenissent, iamq; ter ingredi templum conarentur, ter iterum pulsi, diuina potentia in tergum cadebant. Id postquam ad regias aures deuentum fuisset, magno fremitu rex Boleslaus in sacellum properat: ubi sanctum præsulem iam sacrificia offerentem immani uerbere ac sæuissimis ictibus trucidat. Tandem per ministros in frustra partitus, extra urbem deijcitur, ut uolucres illud uncis, rostris diuellerent: sed diuina sic agente prouidentia aquila illic aderant, quæ preciosum corpus in unum collegerunt, summaq; diligentia id seruabant quousq; ciues ipsi maximo, uenerandoq; ritu in rupellam honorificè sepelirent. Tandem in numerum sanctorum relatus, ut præmissum est, in arcem regiam ad templû diui Vventzeslai deductus in <sup>aranea</sup> tumba multis miraculis corruscat quæ populus multo thure ac precibus indies ueneratur.

## DE CRACOVIA VRBE REGIA SARMATIAE.

**C**racouiâ urbem regiam, inferendam, haud absurdum esse duxi. Nam celebris <sup>Polonia</sup> Germania ciuitas est teste Ptolomæo optimo, lucidiorq; Cosmographo quæ eam Corrodunum appellat. Strabo autem Germaniam diffinit, quantum Rhenus & Albis in se clauferint. Nos ea causa sanè non indignam urbem Sarmatiæ foro censemus. Hanc à prima eius origine repetendam satis dignam esse putauimus. Sed ne prolixiori, ambiguaue oratione narrando fabulari uidear, breuiter de eius situ quippiam narrare constitui. Cracouia igitur illustris urbs Sarmatiæ quam Poloniam uocant ad ripam Istulæ non longè ab eius fontibus sita est. Hæc à Craco primo duce condita fuisse, & ipsius nomine celebrata esse à multis dicitur. Hæc altis primum mœnibus cingit & propugnaculis & cellis turribus: post paruo muro & ob uetustatem ruituro simili. Tandem uallis ac fossis: ut imminentibus hostibus facilior aditus prohibeatur. Hæ quædam pisci-

narijs



narijs aquis repletæ: quædam uirgultis frutice ac graminibus uirent. Post aggerem uerò qui ualli imminet, amnis non late fluens Rudijus dictus, totam ciuitatem circumluit. Hic rotarum orbem agit, qui cererem saxis conterunt & emolliunt. Deductus tandem per subterraneos cuniculos & cannas toti urbi satis undarum præbet, Portæ urbis septem. In ea uerò plurimæ pulcherrimæ ac egregiæ ciuium domus: ac plurima ingentia templa. Præcipuum diuæ uirginis Mariæ in medio urbis extat cum duabus arduis, celsisq; turribus. Sunt & illic multa monasteria ubi multus deuotorum, religiosorumue patrum cœtus fulget. Ad ædem namq; gloriosissimæ Trinitatis sic uocatam est celebris ordo prædicatorum. In ea uerò sacra æde multæ sanctitatis uir beatus Iacinctus nondum in numerum sanctorum relatus, magnis miraculis redolet, diui Dominici comes: qui adhuc uiuens tres mortuos in uitam reduxit. Ad templum uerò sancti Francisci est ordo fratrum minorum non reformatus, ac cætera multa monasteria. Est & templum non longè à porta Istulæ quod ad sanctam Annam uocant: ubi beatus cantus celebris huius urbis gymnasijs doctor multis miraculis & prodigijs fulget, quamuis nondum in catalogum sanctorum ascriptus sit. Hanc iuxta sacram ædem situatum est ingens celebre gymnasium, multis clarissimis, doctissimisque uiris pollens, ubi plurimæ ingenuæ artes recitantur, studium eloquentiæ, Poëtices, Philosophiæ, ac Physiæ: Astronomiæ tamen studium maximè uiuet, nec in tota germania (ut ex multorum relatione satis mihi cognitum est) illo clarior reperitur. Illic iam maximè Phœbus colitur, qui & eorum cruda elimat ingenia ac polita reddit. Has ædes diuus Vladislaus illustris Sarmatiæ rex dum ex Prutenorum littorali Sarmatiæ gente saeuissimo conflictu uictoriam duxisset (cuius quidem belli plurima clarissima monumenta hanc usq; in ætatem in arce regia, de qua paulò post dicemus superstant) magnis opulentijs extruxit, libertatibus & stipendijs summis celebrauit, nec incolæ urbis Sarmatico more uiuunt quos crudeles & ignauos Sarmatas præci dixerunt. Sunt namq; illic clarissimi ciues, uirtutibus, prudentia, & comitate insignes, humanitatem & hospitalitatem liberaliter & familiariter erga quosq; peregrinos offerentes. Victus illis splendidior quàm cæteris Sarmatis. Ex omni delicato genere cibi, potus illis frequentior est, aqua hordeo & humulo decocta. Is quàm necessitas ferre potest si sumitur, profecto nihil naturæ humanæ & ad corpus ipsum alendum conuenientius quicquam reperi potest. Sub arce uerò intra ciuitatem extat & aliud insigne collegium, ubi Academia iuris ac legum pollet. Ad urbis uerò septentrionale latus adiacet paruum oppidum nullis quidem mœnibus cinctum, quod Clepardium uocant. Nihil dignum scriptum in ea quàm egregia sacra sedes diui Floriani strenui Christianæ fidei militis: Quam diuus Vladislaus de quo antea meminimus canonicatu, cæterisque dignitatibus ac muneribus refecit, & doctoribus gymnasium artium regentibus colendam reddidit. Rupes autem ac crepidines nimia altitudine erectæ, sic ut iam cœlum sustentare uideantur: Tandem arenis congestæq; terra obductæ, ingentem collem efficiunt, qui ea parte, quæ in Boream tendit, urbi imminet, & ex alio latere niuosum carpathum altè tumentem respicit. Quam collis partem insignis Europe fluius, Istula, quondam Germaniæ terminus, alluit: qui ex carpathi radice paruo quidem fonte profiliens longius magis magisque tumet, ita ut iam undarum auctus mole, quæ ex Pannonicis montibus sese in eum præcipitant, trabes & ingentia robora, uariasq; lignorum structuras deferat. Tandem ubi imbribus ac cæteris fluminibus magis tumuerit, rates ac onerarias naues secum ad germanicum Oceanum in sinum Codanum deducit, ubi trino uasto ore spumofus sese euoluens nomina deperdit. In eo autem colle primum est ingens templum in decus diui Vventzeslai ducis Bohemiæ conditum: ubi omnium illustrissimorum uirorum monumenta ac sepulturae extant, multis opibus, varijsq; artibus exstructæ marmoreo, allabaastroq; lapide exsculptæ, quas maximo ritu ac pompa celebrari consuetum est. In medio autem templi extat celebre monumentum, in quo clarissimus Christi miles diuus Florianus requiescit. Sunt & in eodem colle duæ sacræ edes, diui Michaelis & sancti Georgij. Post egregiæ nobilium curiæ accedes sacerdotum qui noctu, dieq; templa uenerantur. Post primum ingens regia sedes maximis ac varijs structuris condita, quæ totius regni Capitoliū est, ubi tota regni gaza congeritur. Hinc principibus declaratur imperium, nam regalis corona hic maximis custodibus obseruatur. Extra collem autem est monasterium fratrum minorum religiosius ordinem seruans. Nec longè ab eo monasterio extat cœnobium sacrarum uirginum. Huic ex opposito ad portem ipsum est insigne hospitale & sacra ædes sanctæ Hedwigis. Ad aliam uerò Istulæ ripam extat clara ciuitas (quam Casimirum uocant) iam rege sic uocato condita,

quam



quam Istula ubi sub arce regia se diuiferit, totam circumluit ac penè insulam reddit. Est in ea insigne phanum diuę uirginis Katharinę, ubi ordo Augustinensium floret. Tum & templum quod ad sacro sanctum corpus Christi uocant, ubi canonici regulares inhabitant. Ac ceterę alię sacrę ædes. Extant & clarissima monumenta uetusti collegij iam insolita, quod illustris regina Hedvvigis construxerat. Plurima præclarã præterea in his urbibus a uetustissimis temporibus gesta sunt per illustrissimos reges ac principes. Sed breuitati imitati finem his imposuisse dignum statuimus.

LAVRENTII CORVINI NOVOFO-  
RENSIS ODE SAPHICA ENDECASYLLABA:  
DICOLOS TETRASTROPHOS PEONICE DE PO-  
lonia & eius Metropoli Cracouia.

**T**erra diffusis spaciola campis  
Tenditur longę genuinam sub arcton,  
Mille quam durus renouat Feracem,  
Sarmata bobus.

Hanc licet multi latices amœno  
Alluant riuo: tamen inter amnes  
Pulchrior multas nitrens peragrat  
Vistula gentis.

Cerulum tollens caput à nuosa  
Rupe: torrenti similis rapaci:  
Deinde congesto patulos fluore  
Fertur in agros.

Regia celsus sinuosus urbis  
Præterit muros: ubi Græcus horum  
Auctor agresti statuisset fertur  
Iura colono.

Hic sibi pulchram Ioue nata sedem  
Pallas elegit: teneramq; uirgo  
Imbuit summi patris erudita  
Dote iuuentam.

Edocet formis uarijs solutum  
Lite discordi chaos: & latentis  
Prima naturę peritura nullis  
Semina seclis.

An Deus nubescit tonent aquosę  
Aëris spissis: trisidum ut iacentes  
Fulmen in terris iaculatur iclu  
Sæpe fragoso.

Vnde Brumales ueniunt pruina,  
Et uapor largo resolutus imbrĩ  
Flabra uentorum: resiliq; magni  
Terribios æstus.

Cur situs chari è regione fratris  
Roscidus Lunę globus it sub umbram,  
Sæpe mortales piceam tuentes  
Lampada terrens.

Aureus crispo ueniens ab Indo  
Phæbus: astrorumq; sui meatus  
Hic uiros lustrat nimium profunda  
Mente capaces.

Pegasi sanctę laticis puellę  
Hic sonant plectro modulos canorę  
Colle Cirrheo & sapiens relicto  
Ludit Apollo.

Educat pulchras Venus hic puellas  
In Iouis summi thalamos ituras:  
Poma quę solę teneant Atlantis.

Aurea dignę  
Aut odoratis sedent in herbis  
Quę nemus myrrhæ redolet Sabæum

Fundit & rubri pelagi niuales  
Concha lapillos.  
Pulchrior uirtus latet in uenusto  
Corpore, à nullo interitura fato:  
Dotibus cuius ueniunt per æuum  
Omne cauendę.

Nec procul multa specus excauatus  
Arte: sub fauces Herebi profundas  
Tendit: & ditis tenebrosa nigri  
Tartara pulsat.

Intus obscurę posuere noctes  
Turbidis sedem tenebris opacam  
Aetheris picti iubar expolium  
Vsq; perosa.

Nam nec Aurora radijs: nec ullo  
Sole lustratur: superum per axem:  
Siue sub terras ruit ad sepulchri  
Orbis alumnos.

Huius è cæcis latebris amara  
Exeunt rupes salis: & sub auras  
Turbinis magni superas citata  
Mole trahuntur.

Sudat occultis specus hic cauernis  
Pontis æterni laticem, is rigorem  
Contrahit puri salis, ut calenti  
Æstuat igni.

Ista Saturni senioris astro  
Liuido: & pigro remeantis orbe  
Terra fecundis nimium dehiscit  
Fœta metallis.

Mille nec longę rapidis equorum  
Curribus fertur glebus inquietus.  
Siue Sol lucem uehit: aut opacas  
Luna tenebras.

Inde connexum subitura cælum  
Aera in exhaustis latebrosa uenis  
Et simul surgit rudis impoliti  
Lamina plumbi.

Hæc uiros tellus alit, alma uasta  
Mole proceros: Viadri fluenta  
Vistula, aut quales nemorosa radunt  
Flumina quercus.

Martij crebro procures capeffunt  
Arma in hostiles ruitura turmas  
Et ferunt pulchris spolijs onusti  
Sæpe trophæum.

Quę tuis summa pater incolæ artis  
Fixa delubris tibi consecrarunt  
Rursus ut dextro patrios reuisam  
Marte penates,

CARMEN



CARMEN CVNRADI CELTIS P. L.  
AD VISTVLAM FLVIVM, VBI ORTVM ET  
EXITVM EIVS DESCRIBIT ET DE VESON-  
tibus & eorum uenationibus agit.

**V**istula carpathi ducens radicibus ortum  
Quæ sua Pannonijs anrea dona ferunt  
Hic ubi præcipiti consurgit uertice *æquor*  
Pulsans æthereum per iuga celsa polum  
Inde citus triplicem Cracouinam tendis ad urbem  
Sarmatici regis mœnia celsa rigans  
Hinc Masouina uagus te obliquas maior in arua  
Qua patet Herciniæ portio uasta meæ  
Horrida uillosos, quæ pascit sola uiscentes  
Et ualidos uros: monstra stupenda fera,  
Belua uasta: micans oculis: & cornibus uncis  
Et nigrum Hirsutam corpus habet faciem  
Pendula promissis gestat palearia uillis  
Quæis strumæ in morem guttura crassa tument  
Cornibus elatis uenientem occurrit in hostem  
Et iacit in cælum corpora pressa uagum  
Arboreos truncos annosaque robora quercum  
Ventilat: ut uiuat per uaga rura caput  
Quam cum uenator rigidis prosternere syluis  
Apparat: hanc pulchro decipit ingenio.  
Nam primum hanc iaculis, tento uel prouocat arcu  
Ut furiat lasus belua cruda toris  
Inde citus capit ille fugam, se robore tutans  
Quod petiit impactis cornibus illa suis  
Se pressisse putans fugitiuum cornibus hostem  
Sequitur in gyrum robora uasta terens.  
Ille feram (trunco se tutans) saepe lacescit  
Figit & in tetram spicula sæua cutem  
Sic ubi iam toto lassata corpore uires,

Cessit & exanimis impetus ille ferus:  
Mox alij circum iam stantes more coronæ  
Conficiunt iaculis corpora uasta suis  
Hinc propior codano Prutenas tendis ad urbes  
Vistula: teutonice littora gentis habens  
Quæ nunc Sarmatico seruit malefida tyranno  
Germanum Dominum forte perosa suum  
Hic multas urbes: ualidas construxit & artes  
Teutonicus miles: pallia flaua gerens:  
Scilicet ut Scythicos possit retinere tumultus  
Effera barbaries dum sua castra mouet:  
Vrbi ibi torna suas tollit sub sydera turres  
Et Marieburgum maximum in orbe decus  
Quod uagus in triplici circumdatus Vistula fossa  
In codanum triplici plurimus ore fluens  
Hic ubi præclaro munita est prussia portu  
Vrbibus & populis diues in orbe micans  
Quas inter claro Dantiscum lumine surgit  
Qualiter eois Phæbe resurgis aquis  
Sed quondam Gedonum, Gothorum à nomine dictum  
Hincque sinus Codanus nomina clarus habet  
Ad cuius tractum: bellum memorabile gestum est  
Inter teutonicos Sarmaticosque uiros  
Heu pudet: aduerso paria est uictoria marte  
Hostibus ut barbas desecuere truces.  
Vistula germanæ quondam ceu terminus oræ  
Sic mihi iam fesso finis amoris eris  
Et ueluti excedit, qui accepit uulnera bello  
Sic cedo primo lasus amore puer.

ADAMI SCHROTERI SILESII ITER  
SALINARIVM SARMATICVM.

**V**er erat, & Tauri fulgebat sidere Phæbus:  
Spirabat pulso miior aura gelu:  
Cura mihi subijt quando lustrare salinam  
Vnde uenit duplicis copia magna salis:  
Hic ubi Sarmatico se iactat in orbe *Viliscum*:  
Millia quod Gracchi distat ab urbe duo.  
Tunc ego ferratis iniectis ora lupatis  
Torqueo, cornipedis tergoe uectus equi.  
Mœnia sed postquam ueteris regalia Gracchi  
Et Clarij linquo culta theatra ducis:  
Vix tuas ueniens subeo Casimiriæ portas:  
Transgressus ripas, Vistula magne, tuas  
Ecce mihi sese mons latus, & arduus offert:  
Qui mihi cum socijs prætereundus erat.  
Qui quod sacratam Benedicti continet ædem:  
A cultore suo nomen adeptus habet.  
Collis in hoc uiridi surgens ferit æthera uultus:  
Miror, an humana ducat ab arte situm.  
Calmine pyramidi similis, radice rotundus  
Deprimat illius firma columna caput.  
Qui uelut excubias omnes agat alius in horat:  
Cracouia patulos undique spectat agros.  
Omne Cracouiam dextro qui condidit urbem,  
Gracchus, consilij, ære, manuque potens:  
Fertur in hoc corpus quondam posuisse sepulchro:  
Hic ubi templa pius iam Benedictus habet.

Quæ mihi dum socius sic uerba recenset amicus:  
Phæbus ad Oceani labitur ælius aquas.  
Ne ue premat subitis me nox inopina tenebris:  
Vltierius celerem calcas adurget equum.  
*Viliscæ* Vix salis plenum, cursu properante, *Viliscum*,  
Cultaque magnifici uidimus arua soli:  
Vidimus & circum cliuofos undique colles:  
Et loca spicifera non satis apta Deæ:  
Quæ sed in Hesperias sol mergitur aureus undas,  
Vrbis habent æquum grata uireta situm.  
Aix iacet egregijs illæ circumdata muris:  
Optima magnanimitis, conueniensque uiride  
Suppa Sarmatico Suppam dicunt sermone: quod olim  
Hoc sit ab exigua nomen adepta casa.  
Hanc ubi præterij: uenerandaque templa Deorum,  
Opposito Suppis ædificata loco:  
Vix paludosa superaui dura plateæ:  
Excepit hospitio me quoque Tencha suo.  
Hospes equi motus strepitum, citus aduolat: & me  
Omnibus saluum gaudet adesse bonis.  
Hinc mensis fessis discumbimus arte paratis:  
Ad partes ueniunt uina, dapēsque suas.  
Multaque de rebus uulgaribus, inter edendum,  
Materiaque placet de grauiore loqui.  
Hospes facundo dum plurima differit ore:  
Miscet amabilibus seria dicta iocis.

Cracouia.

Casimiri urbs.

Vistula fl.

Mons D. Benedi.

Sepulchrum  
Gracchi.



Tunc ait: o iuuenes, quoniam cognoscere uultis:  
 Inuenti quæ sit caussa, & origo salis:  
 Scite, Boleslaus cum Sarmata regna teneret,  
 Nomina qui sancti casta pudoris habet:  
 Confortem quærens thalami, quæ ferret amanti  
 Gaudia legitimi, pignora chara, toris:  
 Magnanimum regni pius aduocat ille senatum:  
 Iussa legunt procures, conueniuntq; simul.  
 Mittitur ad Belum subito legatio regem:  
 Imperij dominum, Pannonis ora, tui:  
 Cuius præstantem rex poscit Sarmata natam:  
 Exemplum uers quæ pietatis erat.  
 Annuit ipse parens: regi despondet & illam:  
 Illa sui sequitur iussa uerenda patris.  
 Cum uero patrijs ad nos secessit ab oris:  
 Liqueat & optati regna paterna soli:  
 Argenti uarijs cum nollet & illa grauari  
 Dotibus: innumeras namq; ferebat opes)  
 Res (ait) est iucunda quidem, nec inutilis aurum  
 Albasq; sub patrijs orta metalla iugis:  
 Non tamen hæc cuius fatum lachrymabile donat,  
 Inq; casa raro pauperis esse solent.  
 Quam potius talem mihi da, pater optime, dotem.  
 Conueniens Iro quæ sit, & apta Midæ.  
 Si tibi concedunt talem pia numina dotem,  
 Accipe nil tibi mens nostra negabit, ait.  
 Protinus ad patrias proficiscitur ipsa salinas,  
 Gemmasq; qua digitos exiit, ima petit.  
 Inde Polonorum Cunigundis ut inclyta regi  
 Iuncta, fauore ducem, demeruiq; pari:  
 Nescio, quo, causa uisendi, tempore uenit:  
 Et nostros ferro scindere iussit agros.  
 Annulus, in patrias quem miserat ante ruinas,  
 Cernitur: & puri copia magna salis.  
 Carpinus interea genialis fercula cœnæ:  
 Hospite tam gratis ora mouente sonis:  
 Lataq; iucundis iubet interponere mensis  
 Gaudia, festiuos ore, manuq; modos.  
 Sed, mihi de uestris: mens est audire Salinis,  
 Inquam: plura uelis commemorare precor.  
 Ad nostras trino descenditur ore fodinas:  
 Subterrassq; tribus faucibus iur, ait.  
 Nomen habet regis, sacro iunctissima templo:  
 Quæ primùm regno protulit alma salem.  
 Altera Seraphij titulum sortitur, habetq;  
 Hoc quæ præcipuas tempore præbet opes.  
 Tertia magnanimi meritis laudata Boneri:  
 Inuentoris habet nomina clara sui.  
 Hic & aquæ puteum montis fecere magistri:  
 Tollitur ad superas hinc salis unda plagas:  
 Quæ cum ferratis fuerit benè cocta patellis:  
 Dat purum nobis utilis ecce salem.  
 Sic ait: & uerbis hospes solatur amicis,  
 Præbuit & fesso pocula multa bonus.  
 Donec, ubi quartam nox iam transegerat horam,  
 Mollihus intulimus membra leuanda toris.  
 Postera lux oritur: tepidis sol clarus ab undis,  
 Formosum nitido retulit ore diem.  
 Coschuitius patriæ non ultima gloria gentis,  
 Ad puteum famulo me properante uocat.  
 Hinc ad Seraphij conscendo concaua montis

Ora: precans claro dextra fata uiro.  
 Lignea præ ualido circumdata machina ferro,  
 Quatuor intrepidis acta mouetur equis.  
 Illi prægrandis, robustaq; restis adheret:  
 Omnia quæ superis extrahit apta plagis.  
 Postea montanis induti uestibus, imus  
 Huc ubi nigra uagis faucibus ora patent.  
 Illic turba stetit trepido concussa timore,  
 Ima timens tremulos ad loca ferre pedes.  
 Prendimus inde manu fellas & subere textas:  
 Quilibet ad funem, quas ligat arte suam.  
 Vt tibi assueti, rutilantem lampada gestant:  
 Et ne letantur, cum pede quisq; cauet.  
 Ut tetigere solum primi, se quilibet aptè  
 Explicat, ut nobis possit & esse locus.  
 Terricolæ circum fauces stant undiq; fratres,  
 Indusys cincti: lampada quisq; gerens.  
 Grandibus & peris præcincti membra, lucernis  
 In quibus apta ferunt pinguis sæua bonum.  
 Protinus anfractus uarij, uarijq; meatus  
 Ostendunt miras, significantq; uias.  
 Non ego tot curuis ambagibus atria Cretæ  
 Dædaleas credo composuisse manus.  
 Dumq; ita per saltos alacres erramus hiatus,  
 Longius & cupidi continuamus iter:  
 Venimus ad latas cameras (sic Sarmata dicit)  
 Quæ spatio superant magna theatra suo.  
 Quæ uelut excelsis firmantur templa columnis:  
 Neue ruant, solido de sale fulera premunt  
 Grandes uolebant ad fauces undiq; massas:  
 Nocte, dieq; frequens quilibet urget opus.  
 Ille latus cuneis findit, ferroq; rigenti:  
 Ille secat glebas sub pede sæpe graues.  
 Ille ferit stando, iacet hic, sedet ille supinus:  
 Et quod quisq; potest aptius, istud agit.  
 Paruula conuerunt teneri segmenta ministri  
 Carpentisq; trahunt alta sub ora suis.  
 Præterea montes destillant undiq; guttas:  
 Sed nihil hæc nobis attulit unda mali.  
 In puteum siquidem deducta canalibus altum,  
 Tollitur ad nostras utribus hausta, casat.  
 Sic igitur multas sub montibus erro per horas:  
 Vtremq; fessi uix potuere pedes.  
 Dumq; salis uideo tam puros undiq; montes:  
 Fulua quibus cedit diuitis unda Tagi:  
 Cernitur inferius nobis immane barathrum:  
 Scilicet à festo nomina Solis habet.  
 Frustra leuant salis hinc bissegni magna ministri:  
 In medio rota stat lignea, fune grauis.  
 Hæc ego cum uidi: satis est potuisse uidere,  
 Aio: iuuent alios ista theatra uiros.  
 Ad putei tandem sic uenimus ora patentis.  
 Languebant tarda corpora lassæ mora.  
 Istibus ingentes strepitus, sonitusq; mouemus:  
 Pulsantes ferro robora querna graui.  
 Cum primùm pedibus nostrum sensere tumultum:  
 Demittunt restem, nosq; paramus iter.  
 Pensilibus uecti fellis, sic reddimur auris:  
 Dulce fuit, rursus cernere posse diem.  
 Tunc ego: iam satis est celebres uidisse salinas:  
 Carmine uicturas tempus in omne meo.



**I**ANE canens gelidis repetebam sæpè sub antris:  
 Cur nullo nobis tempore scripta dares.  
 Fortè tuum reris uatem mer sum esse profundo:  
 Pandit ubi tristes Sarmatis ora specus:  
 Multaq; de umbris ceduntur saxa caernis:  
 Quæ niueum tribuunt igne soluta salem.  
 Vel saltem poteras paucis mandare:ualet  
 Celtis, & infernas i rediure domos.  
 Sed redij superas dextro Ioue uiuus in auras:  
 Lustrani Stygij tristia regna canis.  
 Alcide similem uideor subijisse laborem:  
 Et socia Theſeu, qui rapis arma manu.  
 Illaq; iam rigido uolui tibi scribere uersu:  
 Quò noſter ſolium pignus haberet amor:  
 Eſt ſpecus, immenſis pandens cum faucibus ora:  
 Suppoſitumq; uident lumina nulla ſolum.  
 Sed face candenti diſtanti longa notatur:  
 Fax ubi inexhauſta luce fatiſcit humo.  
 Ora ſpecus circum latiffima machina ſurgit:  
 Quam rota cum rapidis turbine uerſat equis:  
 Robora tranſpoſitum per multa uolumina funem  
 Pleſtuntur: curuo pondera dente trahens.  
 Lubricus hic cæcum mortales mittit in antrum:  
 Aërium præbens irrequietus iter.  
 Huic ego ſum tremulus toto cum corpore uinctus:  
 Vt fueram tristes auſus adire domos:

Quas neq; lucifluis colluſtrat lumine Phæbus,  
 Nec radijs penetrat lucida facta ſoror.  
 Cum Ioue candenti fugit hinc Cyllenius ales:  
 His neq; ſub ſpecubus Mars uiolente rubet.  
 Nec Veneris flammæ rutilant hoc orbe remoto:  
 Palciſcitq; ſenis lurida ſtella latet.  
 Plauſtra nec undiq; ſibi monſtrant æquora nauis,  
 Illa nec arctophylax regna ſepulta uidet.  
 Cæca ſed hic uolitant tenebroſo ſydera mundo:  
 Sydera, quæ nullum ſunt pariura diem.  
 O mihi quàm magno trepidabant corda pauore,  
 Pendula liſtiores dum mea membra ligant:  
 Et mea Tartarea condunt ubi corpora uſte.  
 Nullus erat toto uiuus in ore color.  
 Dumq; inter uitam medius, mortemq; uolarem:  
 Dædalei timui fata ſubire fabri:  
 Et mea ſignaſſent fatalem nomine terram  
 Celtica: quæ fuerant, IANE, canenda tibi.  
 Sed modò cum ſuperas rediſſem ſeſpes in auras:  
 Oblectat tales ſæpè ſubiſſe ſpecus.  
 Quippe ea, quæ uidi, ſtatui mortalibus olim  
 Pandere: quot pœnas Tartarus acer habet.  
 Interea rigidum deponè à fronte Catonem:  
 Et ſomno curas, triſtia pelle mero.  
 Decipimur uotis: & tempore fallimur: & mors  
 Deridet curas: anxia uita nihil.



IACOBI PRILVSII DE PROVINCIIS POLO-  
nicis, & quibusdam Regum diplomatis Tractatus: ex statuto-  
rum libris ab illo publicatis exscriptus.

## CAPITVLVM I.

## De Magno Ducatu Lithuaniae.



LITHVANIA, est Regio in Sarmathia, quæ ab Oriente Scythiam: à Meri-  
die Poloniam minorem, ab Occidēte Mazouiam, à Septentrione Liouoniam,  
Samogitiam, & Moschouiam haber. Et licet hic Ducatus ad ducēta ferè mil-  
liaria Germanica quaquauersum pateat: Gens tamen Lithuanorum supe-  
rioribus annis (æquè ac Regio multis sui locis sterilis & inculta est) obscura  
& contempta, Duciq; Kiouien. tributaria fuisse memoratur: donec Virthenes  
Dux quidam eorum sumptis uirium incrementis negaret ei tributum: quin  
& iugo Principibus Russiæ uicissim iniecto, eos ad tributa sibi pendenda a-

degerit. Nec longo post tempore, IAGELL O Magnus Dux Lithuaniae, circa annū 1386.  
Hedvigi filia Ludouici Hungariae, & Poloniae Regis in uxorem ducta, Sacro baptismo tin-  
ctus, Vladislai nomen, unaq; Regnum Pol. Baronum Regni consensu accepit. Prætereaq; se-  
cum fratres quatuor & gentem Lithuanam, confractis eius idolis, lucisq; incensis, & exem-  
plo suo, & tunicarum in concursantem pannosam plebem largitione ad fidem Christi conuer-  
tit: fideq; neophytos opera Polonorum primis rudimentis doctrinae Christianae instruxit: ac  
insuper Ducatum suum Lithuaniae, Samogitiae, & Kiouiae, cum Alexandro Vitouudo, alijsque  
fratribus suis Regno Poloniae incorporauit, & uniuit perpetuò. Hic primus Lithuanum no-  
men adeò illustrauit, ut & Polonia ab hoc primū Regē, eiusq; successoribus, tam literarū, quàm  
armorum gloria florere, amplissimiq; Regni nomen habere cœperit. Qualisq; & quantus hic  
uir fuerit in Magistratu declarauit. Habuit autem fratrem Alexandrum Vitouundum in rebus  
gerendis quasi Thesaurum. Hic enim loco fratris Lithuanis Magnus Dux relictus, adiecit suo, &  
fratris Ducatui Ducatum Plescouensem, Ducatum Nouogrodiens. & Ducatum Smolenscens.  
qui an in curia Principum, an perfidia praesidiorum à Moschis intercepti, Lithuanisq; detracti  
sunt, scire non possumus: certè qui nostrorum Principum uelit, haberet satis materiae ad paran-  
dam sibi gloriam, atque adeò nominis immortalitatem, in recuperanda defectrice Silesia, & Po-  
merania ab una parte Reg. & in repetendis ijs Ducatibus, quos dicimus à Moschis esse interce-  
ptos, parte ab altera: item Oczakouiò à Scythis, nisi quod interdum iniquior etiam pax iustis:  
bello est anteferenda.

## ARTICVLVS I.

## Magnus Ducatus Lithua. Reg. Poloniae.



IN NOMINE DOMINI AMEN, Ad perpetuam rei memo- 1257  
riam, debitores sumus Spiritualis alimoniae salutaria illis pocu- 126.  
la ministrare, quibus praesidentes temporalium commodorum 127.  
praestamus suffragia: ut quos ad corporis necessitatem susten- 128.  
tamur, salutis etiam ipsis, quantum nostra sufficit facultas, mi-  
nisteria porrigamus: ne dum temporalibus insistimus profecti  
bus, uitae commoda negligere uideamur. Et unde dona bene-  
dictionis, & brauium expectamus sempiternum, inde uitae de-  
trimenta sentiamus, & praemijs destituti adoptatis nulla labo-  
ris nostri commoda consequamur. Expedit perquirere, &

debita attendere ratione, ut dū hominibus impartimur carnis beneficia, meditemur qua-  
liter ipsis coelestia praebeamus alimenta: & quos in hoc saeculo transitorijs rerum condi-  
mus copijs, illis uiam aeternae beatitudinis demonstramus, quatenus & hic nostrae muni-  
ficentiae cognoscant praesidia, & tandem futurae gloriae compendia per exercitia directio-  
nis nostrae apprehendant, in omnium SALVATORE. Proinde nos VLADISLAVS  
Dei gratia Rex Poloniae, nec non terrarū Cracouiae, Sandomiriae, Siradię, Lanciciae, Cu-  
iauię, Lithuaniae Princeps supremus, Pomeraniae, Russiæq; Dominus & haeres, &c. Et  
ALEXANDER, aliās Vitouudus Magnus Dux Lithuanie, nec non terrarū Russię Domi-  
nus, & haeres, &c. Significamus tenore praesentiu, quibus expedit uniuersis, praesentibus,  
& futuris praesentium notitiam habituris, quomodo terras Lithuaniae, & earum incolas



nostro subditos dominio, in quos sæpè liberalitatis nostræ manum extendimus, & profectui ipsorum intendentes, multa frequentia, statum, & conditionem eorum semper studiimus facere meliorem. Feruenti desyderio cupientes in assumptæ fidei deuotione iugiter solidare, & fundare. Vt ipsos altissimus, quo præstante lumen fidei per nostram operam receperunt, ad laudem, & honorem sui nominis, & eiusdem fidei catholicæ augmentum gratiæ suæ charismate confirmaret. Cum eos sæpè munificentia nostræ dōnis refecimus, lummo perè affectamus Spiritualibus gratijs refouere, & per quæq; legitima studia, & labores id feruentius mancipare. Qui ut se in fidei constantia commodius exerceant, & crescāt de uirtute in uirtutem, iugum seruitutis, quo hætenus fuerunt compediti, & constricti, de ceruice ipsorum deponentes & soluentes, ex innatæ nobis benignitatis clementia, ipsis libertates, immunitates, gratias, exemptiones, & Priuilegia dari catholicis solita, iuxta continentiam articulorum subscriptorum, tenore præsentium concedimus, & largimur. Et primo quāuis eo tempore, quò almo Spiritu inspirante fidei catholicæ recepta, & cognita claritate, Coronam Regni Poloniæ assumpsimus pro Christianæ religionis incrementō, & bono statu, & commodo terrarum nostrarum Lithuaniae prædictarum, ipsas, & cum terris ac dominijs ipsis subiectis, & connexis. — Præfato Regno nostro Poloniæ appropriauimus, incorporauimus, coniunximus, uniuimus, adiunximus, confœderauimus, de consensu unanimi nostro, & aliorum fratrum nostrorum, & omnium Baronum, Nobilium, Procerum, & Boyaronum eiusdem terræ Lithuaniae uoluntate accedente, & assensu: Volentes tamen terras prædictas Lithuaniae propter hostiles insultus, & insidias Cruciferorum & eis adhaerentium, ac aliorum quorumcunq; inimicorum, qui præfatas terras Lithuaniae, & Regnum Poloniæ demoliri nituntur, & in ipsorum destructionem machinantur, in certitudine, securitate, & tutela melioribus reponere, & eis perpetuum commodum procurare, easdem terras, quas semper cum pleno dominio, ac iure mero, & mixto, hætenus habuimus, & habemus usq; modò à progenitoribus nostris, & ordine geniture, tanquam Domini legitimi, Baronum, Nobilium, Boyaronum uoluntate, ratihabitione, & consensu adhibitis, prædicto Regno Pol. iterum incorporamus, inuisceramus, appropriamus, coniungimus, adiungimus, confœderamus, & perpetuè annectimus: decernentes ipsas cum omnibus earum dominijs, terris, Ducatibus, Principatibus, Districtibus, proprietatibus, omniq; iure mero, & mixto Coronæ Regni Pol. perpetuis temporibus irreuocabiliter, & irretrahibiliter semper esse unitas. Caterum omnes Ecclesias terrarum Lithuaniae prædictarū tam Cathedrales, quàm Collegiatas, Parochiales, & Conuentuales uidelicet Vilnens. & ceteras in eis erectas, & erigendas, fundatas, & fundandas in omnibus ipsarum libertatibus, immunitatibus, priuilegijs, exemptionibus, & consuetudinibus uniuersis conseruamus. Harum serie mediante iuxta consuetudinem Regni Poloniæ. Barones etiam, Nobiles, Boyari terrarum nostrarum Lithuaniae prædictarum, donationibus, priuilegijs, & cōcessionibus ipsis per nos datis, impartitis, & collatis, duntaxat Catholici, & Romane Ecclesiæ subiecti, & quibus clenodia sunt concessa gaudeant, participant, & fruuntur, prout Barones, & Nobiles Regni Pol. suis potiuntur, & fruuntur. Item Barones, & Nobiles prædicti bona ipsorum paternalia pari iure obtineant, sicut Barones Regni Pol. sua noscuntur obtinere, & donationes nostras, super quibus literas obtinent, à nobis efficaces, & fulcitas perpetui roboris firmitate similiter obtinebunt, & liberam habebunt ipsa uendendi, commutandi, alienandi, donandi, & in usus suos conuertendi facultatem: nostro tamen consensu ad hoc specialiter accedente. Sic tamen quod ipsa alienando, commutando, uel donando coram nobis, uel nostris Officialibus iuxta consuetudinem Regni Pol. resignabunt. Item post mortem patrum liberi non debent bonis hæreditarijs priuari, sed ea cum suis successoribus possidere, prout Barones, & Nobiles Regni Poloniæ sua possident, & in usus conuertunt beneplacitos. Similiter uxoribus suis dotalicia in bonis, & uillis, quas ex successione paterna, uel concessione nostra perpetua habuerint, uel sunt habituri, poterint assignare, prout in Regno Pol. assignantur. Filias autem, sorores, consanguineas, & affines suas præfati Barones, & Nobiles terrarum Lithuaniae copulare poterint, uiris duntaxat Catholicis, & tradere coniugio iuxta beneplacitum suæ uoluntatis, & iuxta consuetudinem Regni Pol. ab antiquo obseruatam. His autem libertatum concessionibus non obstantibus Barones ad constructionem, & erectionē castrorum, uias expeditionales facere, & tributa dare iuxta antiquam consuetudinem astringantur. Hoc specialiter expresso, Quod omnes Barones, & Nobiles terrarum Lithuaniae, fidelitatem, & debitam ac Christianam fidei constantiam nobis uidelicet Vladislao Regi Poloniæ, & Alexandro, aliàs Witoudo Magno Duci Lithuaniae, & successoribus nostris tenere debent, & seruare, prout Barones, & Nobiles Regni Pol. suis Regibus tenere soliti sunt, & serua-



& seruire: super quo Barones Boyarones, & Proceres terrarum Lithuaniae prædicti iuramentum nobis iam præstiterunt, prout clariùs in literis ipsorum, quos cum Baronibus Regni Poloniae sibi inuicem concesserunt, continetur. Pari modo sub fidei sacramento, & sub bonorum suorum amissione, nullis Principibus aut Baronibus, uel alijs cuiuscunque conditionis hominibus terris Regni Poloniae aduersari uolentibus, consilia, fauorem, & auxilia ministrabunt, uel præstabunt: sed eos tanquam hostes terræ, & dominorum Lithuan. totis uiribus prosequantur, & ad nullum alium respectum habebunt, nisi ad nos, & ad nostros successores, prout hanc ipsam Barones, & Nobiles prædicti pro se & pro suis posteris per fidei sacramentum cautionem præstiterunt, & fecerunt. Item dignitates, sedes, & officia, prout in Regno Pol. instituta sunt, instituentur, & locabuntur: in Vilna scilicet Palatinus, & Castellanus Vilnens. & demùm in Troki, & in alijs locis, ubi nobis uidebitur expedire, iuxta nostræ beneplacitum uoluntatis perpetuis temporibus duraturis. Et huiusmodi Dignitarij non eligantur, nisi sint fidei Catholicae cultores, & subiecti S. Romanae Ecclesiae, nec etiam aliqua officia terræ perpetua, ut sunt dignitates, Castellanus, &c. nisi Christianae fidei cultoribus conferantur, & ad consilia nostra admittantur, & eis intersint, dum pro bono publico aliqui tractatus celebrantur. Quia sæpè disparitas cultus, diuersitatem inducit animorum, & consilia patent talibus diuulgata, quæ traduntur secretè obseruanda. Item omnes, quibus huiusmodi libertas, & priuilegia conceduntur, nunquam nos Vladislauum Regem Poloniae, & Alexandrum Vitouudum Magnum Ducem Lithuaniae, quò adusq; uixerimus, & nostros successores Reges Polon. & Duces Lithuaniae, à nobis, & nostris successoribus statuendos, & locandos deferant, uel recedant ab eisdem, sed sub fide, & honore pariter, & onere iuramenti, fideliter, & firmiter nobis, & successoribus nostris adhærebunt fauoribus consilijs, & auxilijs perpetuis temporibus, & in æuum. Hoc etiam addito, quod prædicti Barones, & Nobiles, &c. Lithuaniae post mortem Alexandri, aliàs Vitouudi Magni Ducis moderni nullum habebunt, aut eligent pro Magno Principe, & domino Lithuaniae, nisi quem Rex Polonig, uel ipsius successores cum consilio Prelatorum, & Baronum Polon. & terrarum Lithuaniae duxerint eligendos, statuendos, & locandos. Similiter Prelati, Barones, & Nobiles Regni Poloniae, Rege Poloniae sine liberis, & successoribus legitimis decedente, Regem, & Dominum non debent ipsis eligere sine scitu, & consilio nostro, uidelicet Alexandri Magni Ducis, Baronumq; & Nobilium terrarum Lithuaniae prædictarum, iuxta tenorem, & contenta priorum literarum. Præterea prædictis libertatibus, priuilegijs, & gratijs tantummodò illi Barones, & nobiles terræ Lithuaniae debent uti, & gaudere, quibus arma, & clenodia Nobilium Regni Polon. sunt concessa, & cultores Christianae Religionis Romanae Ecclesiae subiecti, & non schismatici, uel alijs infideles. Item omnes literas quascunque Regno Polon. & terris Lithuaniae ante octo, uel septem annos, ac post, uel circa coronationem nostram concessimus, & dedimus tenore præsentium confirmamus, ratificamus, approbamus, & robur perpetuum imponimus eisdem, habent. ipsas præsentibus pro insertis. Hoc etiam addito specialiter, & expresse, quod præfati Barones, & Nobiles Regni Polon. & terrarum Lithuaniae Conuentiones, & Parlamenta quando necesse fuerit in LVBLIN, uel in RARCZO VV, & aliàs in locis aptis de consensu, & uoluntate nostra celebrabunt pro commodo, & utilitate Regni Polon. & terrarum Lithuaniae prædictarum meliori. Præterea nos ALEXANDER, aliàs Vitouudus de consensu Serenissimi Principis domini Vladislai Regis Polon. fratris nostri charissimi eligimus ad arma, & clenodia Nobilium Regni Polon. terrarum nostrarum Lithuaniae Nobiles infra scriptos, quos ipsi Regni Pol. Nobiles simul cum omnibus, qui ex eorum stirpe originem suam ducunt, ad fraternitatis, & consanguinitatis consortia receperunt. Et primò Nobiles Lelyua, Monyuid Palatinum Vilnens. Item Zadora, Palatinum Iauunum Trocen. Rauya, Minigal Castellatum Vilnen. Lyssy, Sunigal Castellatum Trocens. Iastrembcy, seu Lazanky, aliàs Bolesthy, Nagora uocatos, Nemir, Trambki, Hostikonem. Topory, Butrym. Item Labancz, alias Skrynscy, Goligunt, Poraye, Nicolaum Bylymin. Dambno, Koreuuam, Odrouasz, Vyschegerd. Vaduicz, Petrum Mondigerth. Dria, Nicolaum Tauutigerd. Habdanyecz, Iohannem Gastoldi. Polkoza, Volczkonem Kukua. Grifones, Butouudum, Srzenyaua, Iadaldum, Pobodze, Kalonem, Grzymala, Iohannem Rymouidouicz, Zaramba, Ginet Konczeuicz, Pyrszchala, Dauuxa, Nouina, Nicolaum Boynar, Dzalofza, Volczkonem Kokuthouicz, Kopacz, Gedoruoch, Rola, Dangyel, Sirokomla, Iacobum Myngyel, Cattus Marinus, Voysznar Vilcoleuicz, Pouala, Georgium Sangauu. Item Pomyan, Saka, Doliaua, Naczkonem. Sarza, Tuerbuth, Dolanga, Monstuild, Bogoria, Stanislaum Vissygin, Ianina, Voyszym Danczykouicz, Bichaua, Monstold,



Suuinka, Andream Deuuknethouicz, Rolda, Minimund Sefnikouicz, Sulima, Bodyuil. Item Nalancz, Koczani, Lodza, Myczusch, Gelithoue, Gerdud, Korczakoue, Czuppam, Byala, Moydylonem Czuszolouicz, Vanzyk, Koyczanum Sukouicz, Czoiek, Iohannem Euil, Godzamba, Stanislaum Buthouutouicz. Ofmorog, aliàs Geralth, Surgutes de Kyefzlinn, &c. Quibus quidem armis, clenodijs, & proclamationibus, prædicti Nobiles, Proceres, & Boyari terrarum Lithuaniae extunc, & in postea perpetuis temporibus ubilibet gaudeant, potiantur, prout ipsis præfati Nobiles Regni Polon. uti frui consueuerunt, & potiri. Ut autem corroborationis, & cautela uberioris omnia præmissa accipiant firmitatem, presentes fecimus Sigillorum nostrorum munimine corroborari, presentibus, & consentient. ac ratum habent. Reuerendis in Christo patribus Dominis Nicolao Gnesnens. Archiepiscopo, Alberto Cracouiensi. Iohanne Vuladislauien. Petro Poznan. Iacobo Plocensi. Nicolao Vilnen. Iohanne Electo Leopoliensi. Metropolit. Matthia Præmisl. Michaële Kiouien. Gregorio Vulodimir. Sbigneo Kameneczen. Electo Ecclesiarum Episcopis Chelmens. & cæteris Ecclesijs uacant. Necnon Magnificis, ualidis, & strenuis Cristino Crac. Castell. Iohanne de Tarnou Craco. Nicolao de Michalouu Sandomirien. Sandiugio de Oftrorog Poznan. Matthia de Vansfosse Callis. Iacobo de Konyeczpole Siradiensi. Ioanne Ligeza Lanciciensi. Matthia de Labissyn Brzesten. Ianusio de Kosczyelec Gneuucouien. Palatinis. Michaële de Bogumilouicze Sandomir. Iohanne de Szczekoczyn Lublin. Dobeslao de Olesznicza Voinien. Floriano de Rokithnicza Vislicien. Cristino de Kozyeglouy Sandec. Martino de Kolikouo, Clemente de Mocrsko Radomien. Domarath de Kobelany Biecen. Mosticio de Staffouu Poznan. Ianusio de Tuliskouu Calissien. Martino de Kalinouu Siradien. Petro de Vuloszczoua Dobrzyn. Alberto de Koscyol Brzesten. Iohanne de Lanakossyn Lanciciensi. Cristino Krussuiciensi. Ioanne de Lacuchouu Zauichosten. Martino de Lubnicza Brzezín. Stanislam Gamrath Polanecen. Iohanne de Bogumilouicze Cechouien. Matthia Koth Naklen. Grottone de Iankouicze Malogost. Iuano de Obichouu Strzemen. Ianusio Furman Miedzyrzecen. Castellanis. Sbigneo de Brzezye Regni Polon. Marschalco, Petro Szaffranycz Succamer. Martino de Vuroczimouo Vexillifero Cracou. Paulo de Bogumilouicze Cracou. Nicolao de Strzelcze Sandomir. Nicolao de Czarnkouu Posnan. Iaka Kalissien: Andrea de Ludbranc. Cuiuien. Petro de Vidaua Siradien. Nicolao de Suchydol Lublin. Petro de Thur Lanciciensi. Iudicibus. Actum in oppido Hrodlo circa flumen Bug in Parlamento, seu congregatione generali, die secunda mensis Octobris, sub anno Domini 1413. datum per manus Reuerendis. in Christo patris, domini Episcopi Cracoui. supremi Cancellarij Regni Polon. nobis syncerè dilecti. Scriptum uerò per manus Cyolkonis Canonici Sandomiriensis secreti nostri Notarij.

Prælati Lithuan. incorporant se Regno Polon. ac Regi Polon.  
se subiiciunt, quem unà cum Polonis  
eligent.

Tempore Vu-  
ladislai Iagel.  
de Ducatu Ma-  
gno ad Regnū  
assumpti, 1401.

**I**N NOMINE DOMINI AMEN. Tunc enim multis errorum, & dubiorum incommodis prudenter occurrimus, cum gesta ætatis nostræ literarum apicibus, & Sigillorum appensionibus cōprehendamus. Proinde nos Prælati, Principes, Barones, Nobiles, terrigenæ terrarum Lithuaniae, & Russiae, uidelicet Iacobus diuina prouidentia Vilnensis. Ecclesiæ Episcopus, Dux Iuanus Olgimunti cum filijs suis, uidelicet Andrea & Senikone, & cæteris, Mungaylo Gedygolds fratre, & cæteris, Czupurna Marschalco Senikon lamunti, Fedorius Leonis cum Iuszkone fratre germano, Gassouu cum filio Khalnusz, Gineyd cum filio Milus, & cæteris, Kinunth cum filio, Dauxha, Strzygoil Karikonis, Gyntolth Astok cum fratre germano, Dorgi Gastolth cum Przehhindo fratre germano, Nemira cum fratribus suis germanis, Szagaylo, Olizaie Vessilonis, Voinad Russylouicz, Kieffgaylo, & Kumbold Volimontonis cum suis cæteris fratribus germanis, Goligin, Roman Mileykonis cum fratre Volczkone, & cæteris Voyssyund cum filio, Radiuilo, Volochko Kauothmonis cum fratribus Butoldmuntigailo, Hanus Montigerdonis cum fratribus suis, Douogin Vissigirdonis, Draunti cū Vesskone filio, Volczko, uel Vtruicz, Volczko Konssouutouicz, Dogirdi Voinis, Vrdzich cum fratribus, Goligind, Veydimin, Heschis Selkouicz, cum cognationibus, & Genealogijs suis: necnon tota uniuersitas omnium & singulorum Nobilium, & terrigenarum prædictarum Lithuaniae & Russiae terrarum, quorum quamuis nomina singulatim hic non sunt expressa, ipsorum tamen consensus ad suprascripta adest, ac si pro infertis ha-



fertis haberentur. Proinde significamus, quibus expedit uniuerfis. Quomodo eo tempore, quo Prælati, Principes, Barones, & Nobiles, & communitas terrarum Regni Pol. diuina cooperante clementia, Sereniss. Principem dominum Vuladislauum Regem Pol. supremum Ducem Lithuaniam, hæredem Russiam dominum nostrum gratiosiss. de gentilitatis erroribus educen. in Regem, & Dominum ipsorum assumpserunt. Nos quoque ipsius uestigia sequentes, almi Spiritus gratia eruditos ad ipsorum consortium Catholicum inuitantes de tenebris erroris uetusti, per assumptionem S. fidei orthodoxæ receperunt. Cum quibus in fide facti unanimes, & consortes ad perfectionem Catholicorum operum merito, & opportunè debemus per concordiam perpetuè adspirare. Pro eo prædicto Domino Vuladislao Regi Pol. &c. Et ipsius Coronæ, Regno, ac Regnicolis Pol. firma fide, & inuiolabili sponsione, promissimus, & tenore præsentium promittimus, toto posse, & uiribus contra insultus quorumlibet hominum eis assistere, & eos nullo exquisito coloris fūco unquam deferere, sed ipsos sine dolo, & fraude, scilicet Regem, & Coronam, Regnum & Regnicolas Pol. & eorum necessitatibus perpetuè adiuuare, eorumque profectus, utilitates, commoda, & bonum commune peragere, salubri, & fidei dispositione, uelut nostrum proprium: quod & ipsi nobis pari modo tenebuntur facere uiceuerfa. Demum quia prædictus Dominus Vuladislauus Rex, &c. Dominus noster gratiosus ex speciali confidentia magnifico, & præclaro Principi domino Alexandro, aliàs Vitouudo Duci Lithuaniam, &c. ipsum in partem suæ sollicitudinis assumens supremum Principatum terrarum earundem Lithuaniam, cæterorumque dominiorum suorum Ducatus dedit, & contulit, & ipsum in eis de manu sua statuit, ad uitam eiusdem domini Ducis Vitouudi terminum ultimum & extremum. Pro quo eundem dominum Vuladislauum Regem constantiori fiducia prosequi uolentes, & prout iustum est, ipsum reddere certiore firma sponsione, & irreuocabili promisso sibi tenore præsentium promittimus, quod supremus prædictus principatus terrarum Lithuaniam, & cæterorum dominiorum Ducatus unà cum bonis, & cæteris patrimonialibus ad eundem dominum Ducem Vitouudum pertinentibus, & cum omnibus castris fortalicijs districtibus, territorijs, & eorum incolis post decessum ipsius ad ipsum dominum Vuladislauum Regem, ac ad Coronam Regni huius Pol. iuxta tenorem literarum per prædictum dominum Ducem Vitouudum eidem domino Vuladislao Regi, & Coronæ eius datarum debent plenè & integrè deuolui, & redire. Et nos etiam, cum nostris posteris atque successoribus post decessum domini Ducis Vitouudi promittere prædicto domino Vuladislao Regi Coronæ, & Regno Pol. adherere, subijci, obsequi, & seruire sine dolo, & fraude, toto posse, & uiribus tenebimur, & præter ipsum ad Coronam Regni eiusdem nunquam nobis alios, uel alium dominum, uel dominos assumemus. Illo etiam non omisso, quod si dominus Vuladislauus rex prædictus (quod Deus auertat) sine prole decesserit, extunc sine scitu, & consilio eiusdem domini Ducis Vitouudi, & nostro pariter, Principes, Prælati, Barones, Nobiles, & communitas terrigenarum terrarum Regni Pol. prædicti sibi Regem & dominum non debent eligere, seu locare, cum quibus firmam mutuam, & constantem seruantes assistentiam, in dulcedine fidei, & uisceribus Iesu Christi perpetuam & irreuocabilem tenebimus unionem. In quorum omnium fidem & testimonium, euidentiamque plenior pro perpetuo robore Sigilla nostra præsentibus sunt subappensa. Actum, & datum in Vilno ipso, die S. Priscæ Virginis, & Martyris. Anno Domini 1401.

Vuladislauus tertius Rex Polon. confirmat Iura, & Priuilegia Sigism.

Magno Duci Lithuaniam super Ducatu Magno per D.

olim Vuladislauum suum genitorem eidem

Sigismundo concessa.

**I**N NOMINE DOMINI AMEN. Ad perpetuam rei memoriam, nos VULADISLAUS tertius Dei gratia Rex Polon. Necnon terrarum Cracoui. Sandom. Si-  
rad. Lancic. Cuiau. Lithuaniam Princeps supremus, Pomerania, Russiamque Dominus, & hæres, &c. Significamus tenore præsentium, tam præsentibus, quam futuris notitiam habituris. Quod ex quo præclarus, & Magnificus Princeps dominus SIGISMUNDVS Dei gratia Magnus Dux Lithuaniam, Russiam, &c. patruus noster percharus omnem synceritatis constantiam erga Regnum Polon. nostrum, & nostram Regiam præsentiam semper gessit incorruptè. Cuius rei nos memores, & pergrati, dignum censuimus sibi proinde cordis puro zelo occurrere, & omnium, qua decet gratitudine, hanc fidem, & constantiam integram compensare. Vnde ex certa nostra scientia, suf-

Vulad. Iag.  
Re. 1438.



ficientissima deliberatione prehabita, animo beneuolo, & uoluntate nostra ultronea nostrorum Prælatorum, & Baronum salubribus freti consilijs, ipsi domino SIGIS. Magno Duci nostro charissimo iura, literas, & priuilegia, quæ à nobis, & fœlicis memoriæ genitore nostro domino Vuladislao Rege Pol. super Ducatu Magno, & quibuscunq; bonis, & libertatibus sub quibuscunq; datis, & tenoribus existunt, quæ hic habere uolumus pro insertis, in omnibus earum punctis, conditionibus, positionibus, particulis, & clausulis uniuersis, ratificamus, innouamus, gratificamus, approbamus, & præsentis scripti patrocinio confirmamus: decernentes ea robur obtinere perpetuæ firmitatis. Promittimus insuper in uerbo nostro Regio præsentibus, & spondemus easdem ipsius literas, iura, & priuilegia ritè, & iustè emanata per omnia rata atq; grata habere, & inconcussa iugiter, & inuiolabiliter obseruare, & de eis satisfacere. Harum, quibus sigillum nostræ Maiestatis est appensum testimonio literarum. Datum in oppido Pyotrkouu, in Parlamento generali, feria tertia proxima post festum S. Lucie Virginis, Anno Domini 1438. præsentibus ibidem Reuerendis, & Reuerendis in Christo patribus Dominis Vincentio S. Gnesnen. Ecclesiæ Archiepiscopo, & Primate, Sbigneo Cracou. Vuladislao Vuladislauens. Episcopis, & Andrea de Bnyn Electo confirmato Ecclesiæ Posnan. ac magnificis Nobilibus, & strenuis uiris, Ioanne de Czyzouu Castell. Cracouens. Dobeslao de Senno Sandomir. Martino de Slauukouu Calisicens. Alberto de Male Lanciciens. Iohanne de Lichni Brzesten. Iarando de Grabye Iuniuuladislauens. & Petro Odrouasz de Sproua Leopoliens. palatinis. Dobrogostio de Szamotuly Posnan. Clemète Vtropka de Strzelcze Sandomir. Laurétio Zaramba de Kalinoua Siradiens. Castellanis. Iohanne de Oleznicza Marschalco, & Andrea de Lubino Thesaurar. Reg. Pol. & alijs Dignitarijs, Baronibus, militibus, & nobilibus, testibus circa præmissa. Datum per manus Magnifici, & Generosi uirorum Ioannis de Konyeczpole Cancellarij, & Petri Voda de Szczekoczin Vicecancel. Regni Poloniæ nobis syncerè dilectorum.

Ad Relationem Magnifici Iohannis  
de Konyeczpole R. P. Cancel.

Tempore Iohann. Alb. Regis Polon. & Alexandri Magni Ducis Lithuan. Barones, & Consiliarij Magni Duc. Lithuaniae confirmant Inscriptiones per antecessores eorum cum Regno Pol. factas.

**I**N NOMINE DOMINI AMEN. Ne gesta ætatis nostræ tempus, & uetustas aboleret, inuentum est, ut ad memoriam posteritatis literarum apicibus, & testium annotatione deducantur. Proinde nos Prælati, Barones, Nobiles, & uniuersitas Terrigenarum Magni Ducatus Lithuaniae, uidelicet Albertus Vilnens. Iohannes Luceorient. Martinus Mednicens. Ecclesiarum Dei gratia Episcopi: Nicolaus Radziuilouicz Palatinus Vilnens. & Magni Ducatus Cancellarius, Dux Alexander Iurgeuicz de Hollsani Castell. Vilnens. & Capitan. Grodnens. Iohannes Iurgeuicz de Zabrzeze Palatinus Trocens. ac supremus Magni Ducatus Marschalcus, Stanislaus Ianouic Castell. Trocens. & Capitaneus terræ Samogitarum, Georgius Paczouic Polocens. Gregorius Oficzkykouic Curie Marschalcus & in Merec, Nicolaus Nicolai Radziuilouic Pincerna Ducalis, & in Byelsko, Iacobus Douoynouic Drohien. Stanislaus Potraszkouic Lidens. Iohannes Lithaor Nouogrodens. Stanislaus Michaëlis Pothkouic Brzestens. Albertus Iauonic Vexillifer, & Caunens. Nekrasz Volothkouic in Belzyca, Petrus Radyuilouic Succamerarius, & in Eyxyschki, Niemira Grzymalic Mielnicens. Nicolaus Iundylouic in Dubicza, Georgius Montontouic, Alexander Motigordouic Capitanei, Marschalci, & Tenutarij. Significamus tenore præsentium, quibus expedit uniuersis. Quomodo licet uniones, & fœdera inter hæc dominia, uidelicet Regnum Polon. & Magnum Ducatum Lithuaniae, terrasque eisdem subiectas, à temporibus longè retroactis sub Rege Polon. Vuladislao, aliàs Iagello, & sub Magno Duce Lithuaniae Alexandro, aliàs Witouudo inita, & constituta hucusque inuiolatè seruentur. Postquam uerò Sereniss. Principes Domini nostri gratiosissimi super ipsa dominia, in Regem Polon. Sereniss. Dominus IOHAN. ALBER. in Magnū uerò Ducem Lithuaniae Sereniss. Dominus ALEXAN. Domini nostri gratiosiss. diuina dispositione assumpti sunt, placuit Prælati, Baronibus, & Nobilib. Regni Pol. fratribus nostris, similiterq; ipsi no-



ipsi nobis iam de facto fecerunt, & per nostras nouas literas, & inscriptiones antecessorum nostrorum super huiusmodi foederibus confirmaremus. Quarum quidē literarum uerbum de uerbo tenor sequitur, & est talis.

IN NOMINE DOMINI AMEN. Ad perpetuam rei memoriam. Sator rerum omnium, cuius oculus penetrat uniuersa, & scientia nunquam extinguitur, in rebus humanis, quas obliuionis caducis momentis constat subiacere, ut memoria earum remaneat, apices literarum alti consilij prouidentia ordinauit: quarum praesidio rerū ordinationes, pacta, & tractatus conseruantur. Proinde nos Moniuitus Palatinus Vilnen. Iaurinis Palatinus Trocens. Mingal Vilnen. Sungal Trocen. Castellani: Nyenir Ostyk, Butrym Gollignith, Nicolaus Bilim. Koreyoua, & Vissygert, Petrus Montigerd, Nicolaus Tauutigerd, Iohannes Gastouudy, Volczko Kulua, Boffouudus Iadath Ralo, Iohannes Rimouidouic, Ginenth Konczeuic Doxa, Nicolaus Byeinar, Volsko Kochutouic, Iacobus Mingel, Voyssnar Virkolouic, Gregorius Sangauu, Saka Nacko, Verbuth Monstyuild, Stanislaus Vyssygin, Voysschin Damenkouic, Monstfold, Andreas de Vknethouic, Munimunth de Sefnikouic, Roduil, Koczanus, Miczuch, Gerdud, Czuppa, Voydzilo Kofsylouic, Koczanus Sukouic, Iohannes Eyuid, Stanislaus Buthouuthouic, Surgutes de Ressynki, &c. Significamus tenore praesentium, quibus expedit uniuersis praesentibus, & futuris praesentium notitiam habituris. Quod, quia Serenissimorum Principum dominorum, Vuladislai Regis Pol. &c. & Alexandri, alias Vitoudi Magni Ducis Lithuaniae dominorum nostrorum gratiosis. concessione, & indulto. Arma quibus uti insolitum fuit nobis, contraria consuetudine obstitit. ad insigniendum nominis, nobilitatisque nostrae titulum, a Baronibus, Nobilibus, & Proceribus suis ordine geniturae contraxerunt, recipimus, & ad gratias, libertates, & immunitates, priuilegia, & exemptiones, & multa alia beneficia, & praerogatiuas, quae nobis per dictos dominos gratiosos Vuladislai Regem Pol. & Alexandrum Magnum Ducem Lithuaniae munifica sunt concessa largitione, & literarum patrocinio munita, interuentu ipsorum, & studio promoti exitimus, & prouecti, promiseruntque suis patentibus literis adhuc qua poterint diligentia bonum commodum, & profectum status nostri, & honoris ubilibet promouere, & nunquam in aduersitatibus nostris, & necessitatibus nos deserere, sed semper contra omnium inimicorum nostrorum insidias, & insultus auxilijs, consilijs, & fauoribus suis prosequi, & iuuare: horum intuitu uolent, tot beneficiorum merita compensare, & ipsis dignas uices pro eis impendere, ne disparitatis in nobis aut ingratitude contagia, & inaequalitas literarum cernerentur uendicare: sed ut semper unanimis identitas inter nos remaneat, & uoluntas animorum: sicut idem cultus, & Religio fidei obseruatur, uniuersaliter uniuersali, & singulariter singuli nostris nominibus, ac uice omnium Nobilium, Boyaronum, Procerum, & incolarum terrarum Lithuaniae bona fide in uerbo nostro constanti, & fideli omni dolo, fraude, & colore amputatis & remotis, promittimus, pollicemur, uouemus, spondemus, & Iuramenti nostri ministerio strictius nos obligamus. Nunquam praefatos Praelatos, Barones, Nobiles, & Proceres Regni, & ipsum Regnum Pol. praedictum in omnibus eorum necessitatibus, & aduersitatibus deserere, sed semper ipsis contra omnium inimicorum eorum insidias, & insultus, consilia, auxilia, & fauores fideliter ministrare. Et nulli lites, bella, aut guerras praeter scitum, & uoluntatem, & consensum, consilium, & requisitionem ipsorum, & eorum successorum indicere, facere, uel mouere, praefatosque dominos Vuladislai Regem Pol. & Alexandrum, alias Vitoudum Magnum Ducem Lithuaniae, & eorum successores Reges Pol. & Duces magnos Lithuaniae nullis temporibus deserere, quoquomodo, sed semper ipsis sine dolo & fraude fideliter adherere omni consilio, auxilio & fauore. Praeterea promittimus, prout supra: Quod defuncto praefato Domino Vitouudo Magno Duce Lithuaniae nunquam eligemus, assumemus, & recipiemus in Magnum Ducem Lithuaniae, uel dominum, nisi quem praefatus dominus Vuladislai rex, si uita potietur longiore, uel eius successores, & Praelati, Barones, Nobiles, & Proceres Regni Pol. duxerint eligendum, statuendum, uel locandum. Et uiceuersa Praelati, Barones, & Nobiles Regni Pol. Rege praefato, quod absit sine liberis, & successoribus legitimis decedendis sine scitu & consilio illustris domini Alexandri, alias Vitoudi Magni Ducis Lithuaniae, si superstes remaserit, & nostro, eligere non debunt. Ut autem corroborationis, & cautelae uberioris omnia praemissa accipiant firmitatem, fecimus sigillorum nostrorum munimine roborari. Actum in oppido Hrodlo circa flumen Bug, in Parlamento, seu congregatione generali die secunda mensis Octobris, anno Domini 1413. Proinde nos Praelati, Barones, Proceres, & Nobiles Magni Ducatus Lithuaniae praefati, prauidentes, quia uetustate temporum multa in ambiguitatem ueniunt, per quam ne quid incommodi eueniat, dignum censuimus prouidere: Volentes igitur ne articulus



culus de Electione Sereniss. dominorum nostrorum, tam Regis Poloniae, quam Magni Ducis Lithuaniae in praefertis literis breuitate uerborum contextus, aliquid ambiguitatis in posterum inducat: cupientesque praefatos Praelatos, Barones, & Proceres Regni Polon. in ipso Articulo Electionis pares nobis, ut dictum est, efficere. Adijcentes de claramus: Quod defuncto Magno Duce Lithuaniae sine scitu & consilio praelatorum, & Baronum, Procerum, & Nobilium Regni Pol. fratrum nostrorum ad Electionem Magni Ducis noui non procedemus, sed cum ipsis pariter, si uocati tempore congruo uenire uoluerint, Magnum Ducem, & Dominum eligemus. Pariformiter defuncto Rege Pol. praefati Praelati & Barones Regni Polon. sine scitu & consilio Praelatorum, & Baronum Magni Ducatus Lithuaniae ad Electionem noui Regis non procedant, sed pariter cum Praelatis, & Baronibus Magni Ducatus Lithuaniae, si uocati tempore congruo uoluerint, Regem & Dominum eligent. Quibus ita, ut praemittitur stantibus, & in posterum obseruandis, de certa scientia omnium aliorum Praelatorum, Baronum, & Procerum & Nobilium Magni Ducatus Lithuaniae fratrum nostrorum inscriptionem praefertam praedecessorum nostrorum suscipimus, ratificamus, suscipimusque, & confirmamus per praesentes. OBLIGAN. se nostris nominibus ac uice omnium Praelatorum, Baronum, Procerum, & Nobilium Magni Ducatus Lithuaniae, bona fide in uerbo nostro constanti, & fideli, omnino dolo, fraude, & colore remotis, promittimusque pollicemur ac uouemus, & nostri iuramenti praestiti onere, & ministerio strictius nos obligamus: ipsam praefertam Inscriptionem cum reformatione, & declaratione Articuli de Electione Sereniss. dominorum nostrorum, ut praemittitur, in omnibus suis articulis, clausulis, punctis, & sententijs firmatum tenere, perpetuoque & inuiolabiliter obseruare. Et si quae aliae singulares inscriptiones inter nos Praelatos & Barones Magni Ducatus Lithuaniae ac Praelatos, & Barones Regni Polon. forent, quae communem utrinque honestatem lederent, quas antecessores nostri non tenuerint, tales nos quoque non recepimus, neque tenebimus. Ut autem omnia praemissa perpetuae firmitatis robur obtineant, praesentibus literis Sigilla nostra subappendi iussimus. Datum Vilnae in Conuentione generali, quarta & uigesima mensis Iulij, in uigilia S. Iacobi Apost. Anno Domini 1499.

DE CAPTA AC REPETENDA SMOLENSKO  
Sig. ad Imp. fragmentum Epistolae.

**Q**uantum ad res Magni Ducatus Lithuaniae attinet, quae nos plus iusto exercent, ita scire dignetur Maestas uestra. Arx nostra Smolensko, totiens ab hoste nostro, Moschorum Duce armis petita, totiens uarijs artibus, & dolis tentata, cum superioribus annis longè maioribus uiribus, maioreque apparatu oppugnaretur: tamen strenuè & uiriliter se defendebat, in fideque stabilis permanlit. Nunc ignoramus, quo facto, nulla insigni oppugnatione concussa, nulla memorabili clade, uel strage accepta, praeterea frumento, ceterisque rebus ad uictum pertinentibus omnifariam abundant, uanissimis tandem pollicitationibus illecta, scelere, & perfidia quorundam, cum militum mercenariorum, tum primorum eiusdem regionis nobilium, portas hosti aperuit, eique sese tradidit. Nos ea re ita, ut decuit, permoti, & penè obstupefacti, implorata diuina ope cum gentibus nostris, quas Dei benignitate, & numero, & uirtute non contemnendas habemus, illuc proficiscimur. Iamque in procinctu sumus, fretique diuino auxilio, dabimus operam, ut nostra primum uindicemus, & tandem iniurias illas ulciscamur.

ARTICV.



## ARTICVLVS II.

## De Regni Ducatibus ad ferenda onera uniendis.



Vanquam inter Polonos & cæteras gentes, quæ eis uario iure confœderatæ sunt, tot mutua beneficia & necessitudines, quasi quædam sacrosancta uincula intercesserint, & iam ex diuersis populis quasi unam ciuitatē fecerint, ut in participandis aliquibus commodis, uel leuandis communibus oneribus alteras alteris meliore, uel deteriore esse conditione non deceat. Nihilominus præsens rerum facies, & bellorum uis Regno undiquaq; imminuentium hortatur, atq; exigit, ut omnes Prouinciæ, tametsi suis quælibet iuribus domi censeantur, bello maiore ingruente, communibus uiribus hosti erant obuiam: quis enim Deus sponsor illis erit, ut se saluas & incolumes fore credât, si quod absit, re malè gesta semel à Polonis peccetur in prælio? Annón absimile proditiōis fuerit, societatis necessitudinem, unionis uincula, atque etiam deditiōis officium præferre: laborum autem, sumptuum, & periculorum nolle fieri participem? sed uel quasi in portu expectare, quid de pugnantis Mars constituat: uel saltem quasi cum fundastare post principia, euentum periculi expectando? Quod si etiā illa ipsa unio non intercesserit, at certè satis iusta causa communibus uiribus tuendi Regni esse putatur: naturæ & Reip. consortium: idq; interdū fideles Christi, quibus si desit fides erga proximum, frustra etiam nomen eius sine reportant: superstitiosè etiam nomine socios, reuera autem alienos sese appellant. Quod si hæc uel illa Prouincia hanc, uel hanc libertatem prætendat, neque se teneri ad belli onus dicat, omninò hæc libertas quasi Reipubl. insidiosa temporari rescindenda esse uideretur: ne si tum disceptetur de ea, cū iam esset pro summa rerum confligendum, ad seruitutem æternam nobis, quod absit, iter aperiat. Si enim Lithuani sponte sua se omnia ferè onera tuendi Regni nobiscum diplomatis suis submiserunt: qua tandem excusatione ipsimet hodie, aliæque gentes uti possunt? quæ uel in solo Polono confederunt, uel Regno sese addixerunt: quò minus hoc faciant, nemo sanus uider. Adde quod nisi illarum quoque Nobilitas gladium pro Repub. uibret, suasque copias copijs Regni, tanquam membrum capitis adiungat: de dignitate etiam sua ac officio non mediocriter periclitetur, ac excidat, ut iusta causa dari nequeat, propter quam, uel ciuib; socijs, uel hæredibus aduenæ, uel emptoribus ex contractu quæsitū opem ferre non teneantur, sed contra ociosi & securi in laborantes ac bellantes spectare: uanis tamen titulis militiæ turgere, & prærogatiuis Nobilitatis frui debeant. Si enim Palatinus Transyluaniæ temporis uos exercitus Ludouico Regi Hungariæ iam contra Turcam in acie ad Moaczouium stanti, & dimicanti coniunxisset: fortassis Rege saluo, ac triumphatore, Hungaria etiamnum incolumis staret: quæ non magis potentia hostium, quàm inobedientia ciuium nunc discerpta, & in æternam seruitutem, nobis, proh dolor, neque illam iuuantibus, neque delicta nostra illius exemplo emendantibus redacta esse uideretur.

## Rex Ducatus ad ferenda onera Regno uniat.



Vñ compertum ab omnibus habeatur, quod VIRTUS VNITA, FORTIOR, solidiorq; esse consuevit ipsa diuisa: promittimus nos operam daturus, ut Magnum Ducatum Lithuanicæ, terrasq; Prussicæ, & alias terras in finibus Regni consistentes ad unionem redigamus. Et quantū possibile factū erit, onera omnibus communia cōmuniter ferenda, simul, quæ monetam æqualem communiter recipiendam imponemus: præsertim cū Conuentum utrisq; dominijs præfatis ad hoc perficiendum constituerimus.

## SIMILIS.

Cum uarijs exemplis docemur, uires in unum collectas multò plus posse, quàm dispersas: & uideamus, quod VNITA VIRTUS MVLTOTIOR est, quàm diuisa. Id nos diligentius animo nobiscum reuoluen. cū uideamus Regno nostro maiora nūc & grauiora, quàm unquam antea pericula impendere, quò facilius ea à nostris, nostrorumq; ceruicibus propulsare possemus, omnia nos facturos pollicemur, ut quibus possimus honestis rationibus, Ducatus nostros Lithuanicæ, Zathorien. & Osuaczinen. atq; unā terras nostras Prussicæ eò adducamus: ut quum in Regni nostri periculo situm quoq; periculum agi uideant, neq; hoc ruere possit, quin illæ quoq; terræ eodem labefactatæ motu concitant: omnes suas uires cum Regni uiribus coniungant. Quò, si potens hostis uim aliquā nobis inferre conetur, coniunctis ANIMIS ET COPIS in unum collectis, facilius eam arcere possimus.

## SIMILIS.

Sigism. Craco.  
1510.

Idē Sig. Craco.  
1539.



## SIMILIS.

Cum subditi nostri Regni Polonię ex Comitibz generalibus ante annum Petricouig habitis, tam per nuncios, quam per literas, nobis tum Vilnę agentibus a nobis peteret: ut dominium nostrum Magnus Ducatus Lithuanie, cum Regno Pol. uniretur, tam bello contra communem hostem sustinendo, quam etiam in alijs negocijs & pacis antiquis, uicinę ac fraternitati hinc inde conseruandę causa pernecessarijs. Et quamuis cum pro ratione postulationis ipsis respondissemus, attamen cum in presentibus Comitibz Regni consultando de perpetua defensione contra potentes hostes utriusq; dominij nostri tam Regni, quam ipsius Magni Ducatus Lithuanie cum Consiliarijs nostris, & terrarū nuncijs longiorem defensionem Regni, nisi annuam constituere non potuimus: pretereaq; ad Consiliarios Magni Ducatus nostri Lithuanie intimauius, ut illi etiam hoc anno consimilem defensionem, cum Regno nostro Polon. contra communes hostes in finib. tenerent. Interim autem pollicemur Consiliarijs nostris, & nuncijs terrarum Regni Polonie: quia hoc anno subditos nostros Magni Ducatus Lithuanie adducere uolumus, ut consimilem defensionem cum Regno Polonie contra communem hostem in finibus tenerent. Quod autem ad pacta, seu inscriptiones, & conuentus ipsius Ducatus & Regni communes attinet: in eo nihil certę adhuc facere potuimus. Quandoquidem Consiliarios ipsius Ducatus circa nos non habuimus, attamen hoc responsi Consiliarijs nostris, & terrarum nuncijs dedimus, quia cum aliquid utile, dignum, & perpetuum in Regno constitueretur: facilius nobis esset apud Consiliarios nostros Magni Ducatus ipsius hoc obtinere, ut illi similiter, causa Reipub. suę & Regni, ad consimiles Constitutiones consentirent: quod cum fiet, pollicemur subditis nostris Regni Polonie, quia uolumus Consiliarios nostri Magni Ducatus Lithuanie ad hoc ducere: ut illi etiam in omni re, nō minus sibi, quam Regno utili, in bonoq; ordine, & Constitutionibus, ac defensione eisdem conformiter conueniunt, iuxta pacta, seu Inscriptiones ac Priuilegia inter utraq; dominia facta, & recepta.

## AN HAEC VNIO SORTITA SIT SVVM EFFECTVM.

## Terra Drohicien. Iuri Polonico adscribitur.

Sigism. Craco.

1543.

**I**N NOMINE DOMINI AMEN. Ad perpetuam rei memoriā. Ordinationes Regum & Principum pro subditorū comodo quomodolibet factę, ut potissimum firmę ac stabiles essent, tam literarū munimentis, quā testium fidedignorū annotatione perennari cōsueuerunt. Proinde nos Sigisf. Dei gratia Rex Polonia, Magnus Dux Lithuanie, Samogotieq; dominus & hæres. Significamus tenore presentium, quib. expedit uniuerfis presentib. & futuris, harū notitiā habituris. Quod licet Nobiles, & Terrigenę nostri Districtus Drohicien. de speciali cōcessione prædecessorum nostrorū huius Magni Ducatus nostri Lithuanie Ducū, iure Terrestris Polonico, more Nobilium Terrigenarū in Regno nostro Polonie degentiū gauderent, & uterentur, haberentq; de super literas, & munimenta eorundem prædecessorum nostrorū, uidelicet Sereniss. olim Principū foelicis recordationis, Kazimiri genitoris, & Alexādri germani nostrorū charissimorum Polonia Regū, & huius Ducatus Lithuanie Ducū, successiuę concessa: quia tamen in eisdē literis seu Priuilegijs corā nobis ad præsens originaliter productis & exhibitis, multa cōperimus articulatim superuacaneę descripta, quę in libris Statutorū Regni nostri Polonie specificę, & per expressum continētur, & iuxta nonnulla, quę in pernicię, iacturam, & oppressiōē non modicam eorundē subditorum uestrorum fuere adiecta: Hoc idem ius Polonicū eisdem subditis nostris Nobilibus & Terrigenis priuilegiatis, & non priuilegiatis, hoc est, ius habentibus, & non habentibus Districtus præfati Drohicien. presentib. & futuris, eorumq; successoribus, coniunctim & diuim, de certa scientia & gratia, fauoreq; speciali Ducatibus nostris, de nouo iterum dandum & conferendum duximus, damusq; & cōferimus in omnibus punctis, articulis, & cōditionibus, prout in libris Statutorum Regni Polonie latiūs continentur, in eodem Districtu nostro tenen. & obseruan. omnes & singulos articulos Iuri prædicto Polonico ac iusticię quomodolibet contrarios, in literis, & priuilegijs præfatis prædecessorum nostrorum prædictorū, uti præfertur, expressos, & specificatos, oppressiōem huiusmodi subditorū nostrorum præfatorum in se continen. & in nihilū redigen. cassāq; & mortifican. ac extinguen. perpetuō, & in æuum, tenore presentium mediante. Preter illum articulū, quo median. præfati prædecessores nostri Officiales, seu Ministeriales uulgo Lithuanico Dzyeczkye nuncupatos, contra ipsos Nobiles, & Terrigenas eiusdem Districtus, nunquam deinceps fore dan-



fore dandos prohibuerant: quos quidem Officiales primò expressos, nos quoq; dandos esse præsentibus prohibemus quomodolibet in futurum: uolens & districtè præcipiens. ut omnes & singuli Officiales terrestres, & Castren. Districtus prædicti Drohicien. pro tempore existentes, quilibet eorum pro suo interesse, Nobiles, & terrigenas nostros prædictos ad cuiuscunq; instantiam uidelicet, tam Nobilis, quàm ignobilis, Rutheni, Iudæi, Armeni, Christiani, & Pagani, Citatos, ac literis Citationum intercisis, non nisi sermone, & characteribus Latinis iuxta consuetudinem iuris Terrestris Polonici conficiendis legitime euocatos, pro causis tam paruis, quàm magnis, nullis exclusis, secundum hoc eodem ius Polonicum, & ordinationes in libris Statutorum Regni nostri Poloniæ specificè contentas, non aliter, quàm nunc & in futurum iudicarent temporibus æuiternis. Et quamuis iure ipso Polonico laudabiliter prouisum sit, ut in singulis terris eiusdem Regni nostri homines possessio nati, & indigenæ ex incolis cuiuslibet terræ, seorsum, & non extraneæ personæ singulis officiorum Terrestrium, & Castrensiū in casu uacationis præficiantur in hætenus: pro maiori tamen cautela, & securitate prædictorum subditorum nostrorum Drohicien. præsentis priuilegio nostro id ipsum singulariter instituimus, & ordinamus, ut in eodem Districtu Drohicien. huiusmodi Officiales terrestres per liberam electionem indigenarum, & uniuersorum Nobilium conuentionaliter congregatorum, de iure communi Regni fieri solitam, ad eadem officia sua totiens, quotiens per decessum uacatura, non nisi cum ratihabitione nostra Ducali, successorumq; nostrorum Magni Ducatus Lithuanie Ducum, Castren. uerò pro arbitrio nostro duntaxat ex eisdem incolis, & indigenis Districtus prædicti Drohicien. per nos, & successores nostros Lithuanie Duces, dummodò uterq; ipsorum Officialium Romanæ religionis essent, deinceps instituerentur, de omnibus & singulis causis subditorum nostrorum prædictorum coram se legitime exortis, motis, & mouendis, statutis à iure temporibus, modo præmissis cognituri, confirman. esse. Nihilominus in hoc moribus, & consuetudinibus approbatis, & approbandis terræ Cracou. tam diu, quoadusq; omnes aliæ consuetudines iudiciariæ uniuersarum terrarum Regni nostri prædicti per nos, uel successores nostros Poloniæ Reges, aut eos, quorum interesset, inuicem cœquarentur. Casu uerò, quo aliquis Terrigenarum nostrorum Drohicien. prædictorum, aut quispiam alius in iudicio Terrestris, uel Castren. Drohicien. sententiam contra se latam reportauerit: qua mediante crederet sibi quomodolibet præiudicatum iri. Ex tunc instituimus & ordinamus, ut in eiusmodi præiudicio liceat unicuiq; taliter cōdemnato, à sententia iudicis, & Capitanei nostrorum prædictorum uelut iniqua & erronea ad nos, & successores nostros Lithuanie Duces, cum parte sua aduersa legitime appellare, & coram nobis, successoribusq; nostris cum eadem parte aduersa iusticiam suam experiri meliorem, iudici, & Capitaneo illatis, quietisq; propterea manētibus, prout in terris Mazouie, & præsertim in terra nostra Plocen. teneri, & obseruari est consuetū. De pœnis uerò iudicialibus per partes uictas legitime luitis, ad sortem nostram, & successorum, Officialiumq; nostrorum, & etiam partis uincentis, ex ui perlucrorum, uel quomodolibet aliter spectantibus per Officiales nostros Castren. & Terrestr. præsentis, & futuros Drohicien. exigendis, ac de Kmetonibus eorundem Terrigenarum nostrorum Drohicien. fouen. manu tenen. Mellificijs quoq; seu Apiasterijs ac iniuriarijs, & damnis quomodolibet inde secutis, & iusticia uicinis, cū subditis Nobilium, & Terrigenarum pro quacunq; re ministranda, cuiuscunq; ritus utrinq; aut cōditionis essent: necnō captiuandis, & nō euocandis ad quodcunq; iudiciorum nostrorum eisdem Terrigenis de proprio eorum Districtu Drohicien. pro quibuscunq; eorum excessibus, totoq; processu iudiciario ac inscriptionibus, & alijs rebus quibuscunq; per singulos iudices, & Capitaneos nostros Drohicien. pro tempore existentes, nō aliter uolumus obseruari, nisi quemadmodum iure ipso Polonico iuxta Constitutiones prædecessorum nostrorum in toto Regno nostro hætenus teneri, & obseruari solitum est, ac cōsuetum. Ordinamus etiā ac instituimus, ut in singulis Citationibus, Literalibus, Terrestribus Sigillum Terrestris Districtus Drohicien. infra depictum equum sellatum uno homine armato, litera S. ad perpetuam memoriam nominis nostri præincto, in se cōtinens, applicaretur, subimprimereturq; totiens, quotiens fuerit opportunum. Quod quidem Sigillum suprā descriptum præsentis priuilegio nostro ipsi Districtui Drohicien. & incolis eius pro tempore existentibus, quoad præfatam necessitatem iudiciariam, ac pro armis Terrestribus Drohicien. de nostræ celsitudinis clementia tribuendum, cōcedendumq; duximus, prout tribuimus, & cōcedimus, perpetuis temporibus, per eos, quorum interest obseruandum. Ut itaq; præmissa omnia per nos cōcessa robur obtineant perpetuæ firmitatis, præsentis literas nostras scribi, Sigilliq; nostri Magni Ducatus Lithuanie iussimus, & fecimus appensione communiri. Actum, & datum Vilnæ, die Dominico



Latare, Anno Domini 1516. presentibus ibidem Reuerendo in Christo patre domino Alberto Episcopo, ac magnificis, & generosis Nicolao Radziuilouic Palatino Vilnen. & Cancellario, Gregorio Olczykouic Trocen. & Marschalco Curia, Alberto Gastold Polocan. Iohanne Zabrzezinski Nouogroden. Palatinis. Andrea Douoynouic Succamerario, Georgio Hlinicz Capitaneo Brzesten. Iohanne Sczytouic, Nicolao Iundylo-  
uic, & Iohanne Hlebouic Marschalcis: ceterisque Dignitarijs, & Officialibus Curia no-  
strae circa praemissa testibus fide dignis sincere nobis, & fidelibus nostris dilectis. Datum  
per manus praefati Magnifici Nicolai Radziuilouicz Palatini Vilnen. & Magni Ducatus  
Cancellarij sincere nobis dilecti.

Sigismund. Rex significat:

Relatio eiusdem Magnifici Nico-  
lai Radziuilouic Palat. Vilnen. &  
Magni Ducatus Lithu. Cancell.

Item Bielscen. Districtus iuri Polonico adscribitur.

**I**N NOMINE DOMINI AMEN. Ad aeternam rei memoriam. SIGISM. AV-  
GUST. Dei gratia Rex Poloniae, Magnus Dux Lithuaniae, Russiae, totiusque Prussiae,  
Samogitia, Mazouiae, &c. Dominus, & haeres. Significamus tenore praesentium,  
quibus expedit uniuersis praesentibus, & futuris harum noticiam habituris. Quia  
cum in hoc Conuentu generali ex clementia nostra singulari ad petitiones, supplicatio-  
nesque uniuerforum Ordinum, Magni huius Ducatus nostri Priuilegia omnia & singu-  
la a maioribus nostris habita omnium hominum incolarum eiusdem approbauerimus,  
id quod ex literis, seu diplomate nostro super ijs per nos illis dato & concessio uidere est.  
Tamen cum esset nobis specialiter supplicatum nomine uniuerse Nobilitatis terrae Bi-  
elscen. & Territoriorum eius per quosdam e medio eorum, uidelicet Iohannem Myens-  
ki, & Martinum Vissenski lalbrzyk, huc ad praesentem Conuentum missos. Quia quam-  
uis habeant Priuilegium ex concessione Sereniss. olim Alexandri Regis Poloniae, &  
Magni Ducis huius Ducatus nostri Lithuaniae patrum nostri desideratissimi, quibus per-  
missum fuerat, ut consuetudinibus, & iure Polonico uterentur, & gauderent, prout & ha-  
ctenus usi sunt, & gaudebant. Sed quia in eiusmodi Priuilegio essent quaedam, quae a iu-  
re, legibus, & consuetudinibus Polonicis discrepant, & diuersa sunt. Quare summo stu-  
dio a nobis orauerunt, ut sublatis exceptionibus eiusmodi omnibus, quae a iure, legibus,  
& consuetudinibus iuris Polonici, quo ipsi sic utuntur, discrepant, & disconuenient,  
potius illis permitteremus, ut in uniuersum, & ut dicitur totaliter, & plene consuetudi-  
nibus, & iuribus Polonicis uterentur ipsi, & eorum posteris perpetuo. Quorum nos sup-  
plicationibus clementer annuentes, & inhaerentes maiorum nostrorum Magnorum Du-  
cum Lithuaniae uestigijs, uolentesque eosdem obligatores, & alacriores ad optime de no-  
bis, & Reipub. huius Magni Ducatus nostri Lithuaniae bene merendum facere. Cum u-  
niuerso Senatu nostro decernimus, ut deinceps semper perpetuis temporibus uniuerse  
Nobilitas incolae terrae Bielscen. & eius Territoriorum, seu Districtuum omnium gau-  
deant, & utantur iuribus, legibus, & consuetudinibus Polonicis, perinde atque Nobilitas  
terrae, seu Districtus Drohicien. ex speciali concessione maiorum, seu predecessorum nostro-  
rum felicis memoriae Magnorum Ducum Lithuaniae ex praerogatiuis ipsis datis, concessis, &  
legitime emanatis, quas & hic uolumus habere pro expressis, haecenus utitur, & gaudet.  
Decernens insuper omnes alios quoscunque abusus isthic contra leges, constitutiones, &  
iura Polonica haecenus existens. & siue ex Priuilegijs aut consuetudine, seu potius desue-  
tutine aliqua, aut improbitate etiam aliquorum Officialium, aut cuiusvis Magistratus,  
siue quacunque alia ratione exceptos, specificatos, uel reseruatos, & introductos esse tol-  
lendo, & abrogandos, prout eosdem & per praesentes tollimus, & abrogamus perpetuo.  
Volentesque deinceps semper futuris perpetuis temporibus uniuersos & singulos Di-  
gnitarios, seu Officiales Terrestris, & Castren. & alios quosvis praesentes, & futuros iam  
constitutos, & in posterum constituen. non aliter se debere, nec posse gerere erga illorum  
Territoriorum incolas, quam secundum praescriptum iurium, legum, & consuetudinum  
Polonicarum praesentium, & futurorum, quibus Districtus Drohicien. gaudet. Alioqui  
si quid in contrarium fuerit in praemissis per quempiam hominum attentatum, id decer-  
nimus nullum & inualidum, eiusque modi attentatores, poenis seu multis in iuribus Po-  
lonicis constitutis, & contentis, puniendos & multandos semper perpetuo. In quorum  
omnium fidem, & testimonium praemissorum, Sigillum nostrum est appensum. Datum  
Vilnae in Conuentione generali, die uigesima tertia mensis Februarij, Anno Domini  
1547. praesentibus Reuerend. in Christo patribus, & Magnificis dominis strenuis ac ge-  
nerosis



nerosis militibus. Paulo Vilnens. Georgio Luceorien. Venceslao Mednicens. Episcopis. Iohanne Hlebowic Palatino Vilnens. Cancellarioque nostro, & tenutario in Broysko, & Boryssouu, Gregorio Oficzkyouic Castellano Vilnens. Tenutario Vpientens. Iohanne Iuriouic Duce Dubrouicens. Palatino Trocent. Tenutario Mobilouicent. Hieronymo Chodkieuicz Castellano Trocent. Capitaneo Samogitient. Nicolao Iohannis Radziuil Marschalco terrestri Tenutario Szouulen. Stanislae Douoyno Polocen. Alexandro Chodkieuic Nouogroden. Stanislae Petri Kiszka de Cyethonouiecz Vitebliens. Palatinis. Andrea Sanguskuuicz Duce de Kossyr Capitan. Luceorien. Iuano Harnostay Marschalco Curie, & Thesaurario terrestri Praefecto Slonimen. Nicolao Georgij Radziuil pocillatore, Iohanne Iohannis Radziuil structore mensae, Stanislae Nicolai Kyezgal Dapifero, Gregorio Chodkyeuz Succamerario, Nicolao Petri Olechnouicz Giadifero, Nicolao Andrussouicz Praefecto equisonum nostrorum, Tenutario Ozensi, & Perelomen. Nicodemo Iohannis a Cyethonouiecz Melnicen. Nicolao Alberti Narbuth Kreuen. & Moziren. Praefectis, Marschalcis, alijsq. Officialibus, Dignitarijs, ac Consiliarijs nostris fidelibus nobis syncere dilectis.

SIMILITER Districtus Mielnicen. Regno Poloniae incorporatus est: eius tamen Priuilegij copiam habere non potui.

### ARTICVLVS III.

#### Lithuaniam à Mazouia Commissarij dislimitent.

**P**rouidentes difficultatibus, & grauaminibus subditorum nostrorum Regni, & Magni Ducatus Lithuaniae, quae occasione granicierum inter eadem dominia, & Mazouiam, tum inter Magnum Ducatum, & Regnum saepe contingunt. uolumus, & decernimus, ut quoties opus fuerit, per nos Commissarij deputentur, & mittantur nostris expensis prouidendi, ad faciendas easdem granicies, & iniurias componendas, occasione illarum, hinc inde exortas, quatenus absq. querentium onere iusticia eis ministraretur. Sigism. Craco. 1510.

#### DE EODEM.

Dietae, & iudicia antiqua inter Ducatus Lithuaniae, Prussiae, & Mazouiae in locis solitis pro omnibus iniurijs & uiolentijs subditorum ex utraq. parte fieri debent de caetero, & innouari, iuxta antiquam consuetudinem, & processus terrestres.

### CAPITVLVM II.

#### De Ducatu, & terris Russiae.



Tuerustis Polonorum annalibus, & linguae similitudine docemur, Lechi à quo Poloni & Czechii, à quo Bohemi ducunt originem, fratres fuisse Russum, à quo Russia, & Prussum, à quo Prussia sunt appellatae. Tamen si ergo utraq. Proincia, partim stirpe propriorum Ducum deficiente, partim eorū posteris, iure belli subactis, ad corpus Regni Polon. pertineat. Ipsa tamen Russia non minus cum VVLADIS. IAGELLONE, & ALEXANDRO. Vitouu-

do ultimis ferè Ducibus Lithuaniae atque suis spontanea ad Regnum accessione, regum Poloniae haereditaria, ac propria esse uidetur. Atque ob id ita praeter ceteris ciuitatem Polonam accepit, ei que coaluit, & est unita, ut magis nomine, quàm re ipsa à Polonis in communicatione ciuitatis, & usu iuris distinguatur. Qua de re constitutiones Regni ex illorum consensu confectae uideantur. Nam linguam, scripturam, ac religionem ad Archetypum Graecorum adhuc retinent, cum nostri Maiores, haec Aboriginum communium munimenta haereditaria deferentes, Latinos potius in his omnibus sunt secuti. Nostrae autem & Ruthenicae gentis ad Christum conuersio ferè in ea tempora incidit, quibus uniuersalis Ecclesia quatuor orbis terrarum partibus definita, ob calicem sacrati cruoris, & uxorem Sacerdotis

(quae duo Graeci secundum praecceptum Domini, & Apostoli etiamnum retinent) temeritate Patriarcharum, est, pro dolor, diuisa.

sa, atque perniciosissimo exemplo diuisa.



Russia uno Iure cum Reg. Polon. gaudeat.



**T**EMPOLlicemur, quod omnes terras nostras Regni Poloniae etiam terram Russiae includendo (saluis tamen aenae contributionibus, de quibus nobis ad tempora uitae nostrae sola Russia respondebit) ad unum ius, & unam legem communem omnibus terris reducemus, reducimusque adunamus, & unimus, tenore praesentium mediante.

Russia omnibus Reg. libertatibus fruatur.

**A**D supplicationem terrarum Russiae uolumus, & decernimus, ut de omnibus fugitiuis Statutum Regis Alberti obseruetur: & quod Nobilitas illarum terrarum, sicut in alijs terris Regni a solutione teloneorum, & foralium sit libera, atque exempta, & in alijs eadem gaudeat libertate.

Alia ergo omnia Statuta Regni incolis seruiencia, Russiae quoque municipibus seruiunt, quae suis locis uideantur.

Nusquam, nisi in Russia pixides deferantur.

**N**EMO deinceps tempore pacis, siue eques, siue pedes, pixides breues, quas Rucznicze uocant, deferre audeat: ab hac tamen Constitutione terras Russiae liberas esse uolumus, quae parata arma contra insultus hostium habere semper solent, & debent.

Terra Belzen. Regno adscribitur.

**I**N NOMINE DOMINI AMEN. Ad perpetuam rei memoriam. Quoniam acta mundi auita subito detergeret obliuio, nisi ea literarum soliditas, & testium adnotatio memoriae commendaret aeternae. Proinde nos KAZIMIRVS Dei gratia Rex Poloniae, necnon terrarum Cracouiae, Sandomiriae, Siradiae, Lanciciae, Cuiaviae. Magnus Dux Lithuaniae, Russiae, Prussiaeque: necnon Culmen. Elbingen. Künigszbergen. & Pomeraniae heres, & Dominus. Significamus tenore praesentium, quibus expedit uniuerfis & singulis, praesentibus & futuris, harum notitiam habituris. Quomodo recensentes, & in animis reuoluentes: quanta puritatis affectione, & fidei integritate constantia, Barones, Milites, Nobiles, Terrigenae, & Procere terrae Belzen. sincere, grate, & fideles nostri dilecti personam, & Regnum Maiestatis nostrae uenerati sunt, ad nos tanquam Dominum naturalem heredem, uerum & legitimum, ac indubitatum successorem suum, & ad Coronam Regni nostri Poloniae, a qua transactis temporibus exciderant, uiceuersa redierunt, & accesserunt: seque Regno, & Coronae tanquam pars suo toto inuiscerauerunt, uniuerunt, incorporauerunt, & appropriauerunt. Quae quidem terra Belzen. iusto titulo, iure legitimo hereditario, & succedaneo, nos & nullum alium contingebat, atque contingit, & concernit. Horum itaque Terrigenarum Belzen. fidelitatis constantia, zelo dilectionis, maturitate consilij, & sagaci prouidentia, Regali consideratione merito digestis & reuolutis, ac debite pensatis, & intuentes ad eorum statum honorem, commodum, salubremque profectum, pio & sincero mentis affectu: quemadmodum ex assumptae dignitatis nostrae debito tenemur, & pro officio solliciti aspirantes, ipsos in nostram, & successorum nostrorum manu tuitionem, & protectionem Reg. & Coronae reassumpsimus, incorporauimus, appropriauimus, & uniuimus, tenoreque praesentium reassumimus, incorporamus, annectimus, appropriamus, & unimus perpetuo, & in auum. Promittentes, ipsos, & eorum quemlibet in omnibus ipsorum iuribus, libertatibus, emunitatibus, gratijs, praerogatiuis, dignitatibus, honoribus, & officijs tenere, & obseruare. Inprimis itaque pro praedicta eorum fidei, & iusta adhesionem, & subiectionem iure defendere, agere, manutueri, & eos euincere, contra quaecumque personam cuiuscumque dignitatis Imperialis, Regalis, aut Ducalis fuerit, aut cuiuscumque status, conditionis, & praeminentiae extiterit, dum per quempiam uexarentur, seu impeterentur, quo modo pro ipsorum huiusmodi adhesionem, similiter ab insultibus uiolentijs bellis, & alijs molestijs quibuslibet protegere, defensare, tueri, & realiter ac effectiue opponere, intercedere, & liberare. **I**TEM terram nostram Belzen. cum ipsius Districtibus Lubacouien. Lopaczyn. Scheuulozien. Grabouicen. & Hrodlen. saluam & integram, prout fuit, & in haecenus



hactenus est conseruata suis limitibus, metis & terminis dudum tentis, obseruabimus, tenereq; & obseruare uolumus, nullos Districtus, aut Villas ab eadem remouen. alienan. seu diminuen. Item omnibus personis, tam Ecclesiasticis, quàm Sæcularibus ciuitatum, & oppidanis Priuilegia ipsorum per antecessores nostros Reges, & Duces data & concessa iusta, legitima, & sufficientia ritè, & rationabiliter emanata, ac in nulla sui parte uiciata seu suspecta confirmamus, ratificamus, & approbamus per præsentis. Vbi uerò aliquibus personis forent per uoraginem ignis absumpta, seu casu infortunij amissa, & de hoc persufficiens testimonium probatum fuerit præmissa innouare, atq; dare uolumus, & spōdemus. Item ex quo ex obligatione, & inscriptione pecuniarum Capitaneis in aliqua terra inscriptarum sæpius indigenæ eiusdem terræ uarijs grauantur modis, oppressionibusq; & molestijs afficiuntur: pollicemur, quod præfatam terram Belzen. in pecunijs nullipiam obligabimus, aut inscribemus ullò unquam tempore. Quod si per obliuionem, aut alium casum quemcunq; nos inscribere contingeret, talem inscriptionem præsentibus extunc prout, extunc cassamus, annulamus, ac nullius roboris esse, & fieri decernimus per præsentis. Item nullum extraneum cuiuscunq; conditionis existat, in Capitaneum terræ Belzen. præficere, & præferre debemus, nisi Terrigenam eiusdem terræ possessionatum. Item uolumus omnimodè dignitates, honores, officia, in terra Belzen. consistentes, & consistentia æquo modo circa iura & consuetudines ipsorum, quæ & quas temporibus prædecessorum nostrorum Regum, & etiam Ducum obtinebant conseruare in eodem numero, & permanere. Quas quidem dignitates, & officia dum uacare contigerit, nulli extraneo, nisi indigenæ benè conseruato illius terræ, in qua dignitas aut officium uacauerit dabimus, & conferemus. Item quod nulli terrigenæ de terra Belzen. & ipsius Districtibus ad alias terras seu Districtus euocentur, sed penitus iuxta consuetudinem aliarum terrarum Regni nostri iuribus ipsorum, & libertatibus utantur, & gaudeant. Item conuentiones, colloquia generalia, termini particulares, & iudicia iuxta ritum, & consuetudinem in talibus dudum tentam & obseruatam in terra præfata. Quemadmodum in alijs terris Regni nostri debent habere progressum, & processum. Item nullus terrigena possessionatus per nos, aut Capitaneos nostros, nisi iure conuictus captiue tur, iuxta Priuilegia aliarum Regni nostri terrarum, & cōsuetudines. Item omnes & singuli Kmetones Spiritualium & Sæcularium personarum in dicta terra consistentium de quolibet laneo possesso pro festo Sancti Martini singulis annis exactionem, aliàs podymne per duos grossos monetæ, & numeri communiter in Regno curren. nobis, & successoribus nostris dabunt, & exoluent more terræ Leopoliën. & aliarum Regni nostri terrarum: alias autem collectas, & exactiones in Regno nostro insolitas, & inconsuetas, etiamsi tempore Ducum huiusmodi fuissent in frumentis, bladis, aut auena, uel pecunijs exactæ, uel solutæ, de nostra Regia benignitate cassamus, & annullamus. Item cuilibet Terrigenæ nostro limites, & granicies cum bonis nostris Regalibus habere petenti dare tenebimur, ipsas à signis metallibus & scopulis cōsuetis distinguen. uolumus iuxta modum aliarum terrarum in Regno obseruatum. Item quodocunque terra nostra Leopoliën. ad bellicam expeditionem se mouerit, aut necessitate incumbente eundem procurauerit, Præfata etiam terra nostra Belzen. seu Nobiles & terrigenæ eiusdè cum ipsis Leopoliënsibus quotiescunq; fuerit necesse tenebuntur & debebunt, ac omnino sunt obligati pariter & astricti proficisci, bellicosè, & transire, & non aliàs, eo tamen iure & modo, quò terra Leopoliën. ad expeditiones se mouere consueuit, & solita est. Animaduertendum autem præfatos Nobiles, terrigenas & Procures ad nos tanquam ad Dominum & hæredem ipsorum legitimū affectum habere specialem, horum prætextu, uolentes ipsorum legitimū affectum habere specialem, horum prætextu, uolentes ipsos fauore nostro speciali prosequi, & eorum Kmetones quoslibet præfatam terram Belzen. inhabitant. ab omnibus & singulis exactionibus, angarijs, præangarijs, castrorum ædificijs, & pontium laboribus, & reparationibus eximimus, absoluiamus, ac liberos & absolutos facimus perpetuè. Secundum morem aliarum Regni nostri terrarum. Præterea generaliter & singulariter omnes alios articulos libertates & iura alijs terris Regni nostri data, & cōcessa, & præsertim terræ nostræ Leopoliën. si quæ hîc omissa foret, pro insertis habere uolumus, & habemus. Eademq; extendimus & referimus ad terram Belzen. In cuius rei testimonium Sigillum nostrum præsentibus est appensum. Actum in Brzesczye, feria tertia festorum solennis Paschæ. Anno Domini 1462. Præsentibus Reuerendo patre Domino Iohanne de Brzesczye iuris utriusq; Doctoris Electo Ecclesiæ Cracou. & Regni Pol. Vicecancell. necnō magnificis & generosis, Petro de Opporouu Lancicien. Nicolao de Kosceyec Brzesten. Palatinis. Iacobo de Dambno regni Pol. Vicethesaur. Nicolao de Borzylouicz Zauichosten. Sbigneo Bank de Gora Malogostien. Castellanis. Nicolao



Spoth de Vola Sandomirien. Ianussio Koluczski Iuniulad. Vexilliferis. Ioanne de Ostrog Iuris Doctore, Nicolao de Brudzyeuo Subpincernæ Calisien. & Capitaneo Bresten. Iaroslao Brzozoglouy Subiudice Iuniuladisl. Stanislae Marschalkouicz de Brzezye, & Iohanne Szynouiec de Zandouicze Curienfibus nostris, & alijs pluribus fidedignis testibus ad præmissa. Datum per manus eiusdē Reuerendis. patris domini Iohannis de Brzezye Electi Ecclesiæ Cracou. Regni Pol. Vicecancell. syncerē nobis dilecti.

Ad Relationem eiusdē Reuerendis.  
patris domini Iohannis de Brzezye  
Iuris utriusq; Doctoris Electi Eccle-  
siæ Crac. R. P. Vicecancell.

## CAPITVLVM III.

## De Terris, &amp; Ducatu Prussiae.



**Q**UANTVM uerò Prussum (à quo Prussiam dici legimus) Lechi authoris nostræ gentis fratrem fuisse, & eas Prouincias ita inter sese diuississe, nihil dubitemus: non minore tamē argumento Prussia Iuris Polonici semper extitisse: inde apparet, quod longè post Lechi, & post Gracci familiā extinctā, Interregnumq; Palatinorum, Lesko tertius Dux, & Monarcha Poloniae, ante Pyastri etiam tempora uiginti & uni filijs suis terras maritimas, nempe Rugiam, Cassubiam, Pomeraniam, Holsatiam, Sgorzelitiam, iam Brandenburgum, Myedzybozen, quæ tunc est Meindenburgum, Lymam nunc Lymburgum, Bukouiecz, alias Lubecum, Lukouu nunc Mackelburgum, & Prussiam est partitus. Quod quidem & alij omnes Reges Polonorum, & sepè, & liberè fecerunt, usq; ad tempus, quò Marianis militibus, ex Hispanijs pulsīs, Ius utendū illius Prouinciæ dederunt, ut fideliter contra infideles eis suppetias ferrent. Tamen si autem cælum, & solum illi boni Cruciferi uerterint, ingenium tamen & fidem mutare non poterant: namq; pro hostibus hospites, pro externis dominos suos omni genere doli atq; fraudis impetere non desierunt: quoad Reges Poloniae perfidiosum illud genus militum, cum secus nulla ratione reuocari ad officium superbi, in fideq; constabiliri perfidi potuerunt (ut Hercules Anteam) multis cladibus attritos, ferro tandem sustulerunt, & Ius suum antiquum ac hereditarium in Prussia, abolita nefaria religione, recuperarunt. Et tamen ne D. Sigism. non equè pius parcendo subiectis, ac fortis debellando superbos uideretur ex conditionibus pacis sponte sua partem ipsius Prouinciæ, Illustri Principi, ac fortiss. uiro domino Alberto Marchioni Brandenburg. ex sorore nepoti suo, in feudum concessit: simulq; pro infelicitis religionis titulis, Ducis titulo eundem foeliciter insigniuit. Et quoniam feudum, seu beneficiarium fundum certis cum solennitatibus conferri paulò antè dixi, & solere dari uidimus: ea quæ de hoc genere ceremoniarum in commentarijs Cancellariæ Regiæ tradita reperi, hūc, uti arbitror non intempestuè, adijcienda esse putauī.

## Mos præstandi homagij Regi Polon.



**V**AN aliquis Princeps Regi præstiturus est homagia, Rex coronatus in solio suæ Maiestatis residere, & ad latus suum habere Prælatos, & Barones, Consilij Regni sui debet: ad quem Princeps præstiturus homagia cum suis Baronibus, & homagialibus, & Vassallis, Banderium habens in manibus ad sedem solij Regalis uenire, & præcedere debet eques. Et descendens iuxta solium ex equo suo, atq; cum reuerentia ad Regem, coronamq; Senatus eius accedendo, ista uerba in hunc modum proferre, uel saltem in hanc sententiā dicere tenetur. **SERENIS. REX.** Ego Serenitati uestre homagium facio, & præsto cum omnibus terris & hominibus nostris, & peto tuitionē Serenitatis uestre, & circa iura, & in iure meo Ducali, & dignitatibus conseruari. Post hæc autem sic tacto signo Crucis iurare astringitur. **CLEMENTIS. REX.** Ego homagium præsto, & promitto sine dolo, & fraude V. S. & Coronæ Regni Poloniae cū omnib. terris & hominibus nostris fidelitatem, & esse fidelis, &c. sic me Deus adiuuet, & hæc sancta Christi crux. Quo facto, Rex ipsum accipere in suam tuitionē, & ista uerba ad præstantē homagium dicere debet. Nos accipimus te in nostram protectionē, & circa omnes dignitates, & circa omnia iura Ducatus tui tanquā principem nostrū relinquimus, ac post ea, osculetur eū & recipiat Rex de manib. Principis Branderiū, & illud frangatur, & proijciatur extra sedem. Omnes autē Vassalli & homagiales Principis homagia facientes, debent etiam post eum transire, usq; ad sedē solij Regalis, portantes singuli in manibus uexilla parua, seu minora. Et eadem etiā iuramento præstito post uexillum Principis proiectum ad terram



ad terram proijcere debent. Itaq; Banderium Principis præcedere, Vassallorum uero sequi ipsum debet. Post hoc autem Rex debet recipere à Principe recognitionem facti huiusmodi litteralem sub Sigillo Ducali.

Pax & concordia inter Vuladislauum, Regem Pol. & Conradum de  
lungingen, Magistrum Prussiae, ratione finium  
regundorum.

**I**N NOMINE SANCTAE ET INDIVIDVAE TRINITATIS, Amen. Frater Conradus de lungingen, Magister generalis Ordinis Beatae Mariae, hospitalis Ierosolymitan. de domo Teuthonica: Vniuersis praesentibus & futuris, praesentium notitiam habituris, Salutem, & rei gestae ad perpetuam memoriam cognoscere ueritatem. Cum auctor pacis, ad unitatis & pacis spiritum, suis rigorosis mandatis quotidie nos inuitet. Dignum arbitramur, ut inueteratae displicentiae, guerrae, & offensae, contra Sereniss. Principem & dominum, dominum Vuladislauum Regem Pol. supremum Ducem Lithuaniae, & haeredem Russiae: suosq; progenitores, quod ad terras Lithuaniae, & Russiae, per nos, nostrum quoq; Ordinem, intuitu orthodoxae fidei, diutius exagitatae, in pacem perpetuam, remissionem, & concordiam committentur. Hinc est, quod nos de expresso consensu comceptorum nostrorum, cum dicto Sereniss. domino Vuladislao, anno, die, & loco infra scriptis. Certum terminum placitorum concorditer celebrauimus: super pace inter nos & terras Ordinis nostri ex una: & supra dictum dominum Regem, & terras suas, uidelicet, Lithuaniam, & Russiam, parte ab altera: facienda perpetuo & firmanda, uarijs praemissis tractatibus, tandem (ut sequitur) concordauimus in hunc modum. In primis promissimus, & praesentibus bona fide promittimus, quod ex nunc, & in antea tenebimus pacem inuiolabilem, & concordiam cum supradicto Magnifico domino Vuladislao Rege Poloniae, suis catholicis haeredibus, & successoribus, ac Prelatis & Ecclesijs, omnibus quoq; terris suis per Lithuaniam & Russiam, terrarumq; incolis perpetuis temporibus obseruare. Nec unquam uolumus, & debemus aliquam ligam inire, aut facere, contra dictum Vuladislauum, suos quoq; Catholicos successores terrarum Lithuaniae, & Russiae, cum dominis, aut alijs hominibus, & rancore quolibet postposito: Omnes & singulas iniurias nobis, & nostris per se, uel per alios quomodolibet illatas, remittimus, penitus & offensas. Insuper limites, & terminos inter nostros, & dicti domini Regis terras: uidelicet, Lithuaniae, & Russiae, distinguere fecimus, & modis distinguimus infra scriptis. In primis incipiendo in quadam insula Sauuin, dicta uulgariter, litta, in fluuio dicto Memla, habente in se insulam Romeyuueider. Quae quidem insula tota apud Ordinem permanebit temporibus affuturis: ab hinc directe progredien. ad fluuium dictum Noruesse, in decliuo seu uillae continuae, sub sylua dicta Heyligenth. Ab hinc dictum fluuium sequendo in medijs fluctibus, usq; ad Vyssulten, ascendendo abhinc linealiter & directe eundo ad quendam lapidem magnum dictum Roda, iacentem in fluuio dicto A. & Roda uulgariter nuncupatum, ab isto lapide, ascendendo super stagnum dictum Sinarden: abhinc directe eundo, usq; ad uiam uulgariter nuncupatam, Der Brengeische weg: abhinc directe usq; in Nouenrithen: abhinc linealiter procedendo uersus finem, seu aciem mericæ, dictae uulgariter Heyde, ad locum, ubi fons oritur à dicto fontis ortu procedendo, per directum in solitudinem, quandam, communiter Viltuisse dictam: ubi fluuius Eglosse, ortum habet, ab hinc directe eundo, per medium dictae solitudinis, usq; ad terminos & gades illorum, de Ploschkou: & hi omnes termini siti sunt uersus Liuaniam: Ascendendo uero uersus Prussiam, termini subscripti, per dictum Ordinem perpetuo, sine quolibet contradictionis obstaculo habebuntur: incipiendo à supradicta insula Sauuin, in directum procedendo, usq; ad fluuium dictum Suppe, ab hinc procedendo ad locum ortus sui: ab hinc progrediendo usq; ad fluuium, qui effluit à lacu dicto Mothensehe, & dicitur communiter Methensli: ab hinc per descensum fluuii, usq; in fluuium dictum Beber: deinde dictum fluuium sequendo usq; ad milliare: prope fluuium, qui Nare dicitur, & ab hinc directe eundo, usq; in dictum fluuium Nare. Caterum pro nobis nostro Ordine, omnibus nostris successoribus, renunciamus omni impetitione, & iure, quae in praedictis domini Regis Vuladislai terris, uidelicet Lithuaniae, & Russiae sitis terminos superius expressos uersus dictas terras, habuimus, uel habere uidebamur: in super terre, & dominia de magno Nouohroden, qualitercunq; siue per nos: nostrum Ordinem: aut supradictum Sereniss. dñm Vuladislauum, aut per suos coniunctim, & diuissim acquisitae fuerint: uel alias qualitercunq; ad nostrum Ordinem deuenierint, easdem ac eadem dictus dñs Rex obtinebit: nec



unquam bona fide quominus easdem detineat, impediemus. Præterea uolumus, quod homines sæpè dicti domini Regis, & suorum successorum in terris Lithuanæ, & Russiæ constituti, in omnibus terris Ordinis mercari, & negociari liberè ualeant: absq; teloneis, alijsq; exactiõibus, quos etiam defenden. tenebimur, sicuti nostros, saluis tamẽ teloneis, ab olim institutis, ac quibuslibet edictis nostris editis, & edendis in terris Ordinis, quibus nostri arctantur, & dicti domini Regis, suorumq; successorum homines per Lithuaniam & Russiam sunt arctati. Item ordine nostro in expeditione communi cum prænominato domino Rege, & suis successoribus: & ipsorũ hominibus per Russiam, & Lithuaniam, existente, quotquot ipsi captiuauerint, suos habeant, ut captiuos. Excessus quoq; prædicti domini Regis: suorumq; successorum homines in prædictis terris, qualitercumq; commissos, Capitaneus exercitus eorundem: eosdem liberè iudicabit. Excessus uerò communes per utriusq; exercitus homines commissos, Capitanei utriusq; exercitus, simul & communiter iudicabunt. Nullos insuper armigeros, dominos, milites, uasallos, uel alterius cuiuscunq; generis homines, etiam si Christi fideles fuerint: in damnum seu præiudiciũ, dicti magnifici domini Vuladislai, aut suorum unquam per terras nostras scienter ire permittemus: sed impediemus & prohibebimus iuxta posse. Deniq; omnes proscriptos, seu bannitos, de supradictis terris, præfati domini Regis nõ recipiemus ad terras nostras: maximè qui in sui uindictam, homicidia, uel incendia, eiusdem domini Regis, uel suorum successorum hominibus in præmissis terris Lithuanæ comminantur, & Russiæ. Præterea per terras dicti domini Regis, suorumq; successorum Catholicorum, uidelicet Lithuanæ & Russiæ, contra quoscunq; nunquam traducemus exercitum, aut traducere per quemcunq; faciemus, nisi expressè fuerit de uoluntate dicti domini Regis, suorumq; successorum: qua obtenta damnum nequaquam ipsis, ac ipsorum hominibus inferremus. Præterea promittimus, quod nullos fratres: & consanguineos ipsius domini Regis fugatiuos, seu alios quoscunq; erroneos, per quos dominus Rex, & Regnum Pol. ac terræ Lithuanæ & Russiæ possent molestari, durante pace, debemus ad terras nostras recipere uel fouere. Omnia uerò singula præmissa, in articulis præmissis, & eorum quolibet contenta, bona fide promittimus, pro nobis, totoq; ordine nostro firmiter ac inuiolabiliter obseruare: nec unquam contraueniemus, aut contrauenien. procurabimus per quoscunq; arte, ratione, ingenio, de iure, uel de facto: consilio, uel auxilio, publicè uel occultè. In quorum omnium euidentis testimonium, & fidem, de & super omnibus præmissis, præsentis literas nostri maioris Sigilli munimine mandauimus communiri. Datum in fluuio dicto Visla, prope castrum Razyanz diocesis Vuladislai. feria quinta proxima ante festum S. Trinitatis, Anno 1404. Harum rerum testes sunt, Reuerendi in Christo patres, & domini, dominus Arnoldus Episcopus Culmen. & dominus Iohannes Episcopus Pomezanien. ac honorabiles, & religiosi uiri fratres Ordo, & commendatores.

Priuilegium pacis, & concordia per Vuladislauum Iagellonis, tunc Pol. & postea Hungariæ Regem in Brzescye Cuiauia factæ, cum Paulo de Rusdoff Magistro Prussiae, quæ facta erat Anno Domini 1436. præsentibus Magno Duce Lithuanæ Sigisf. eiusq; filio Michaële. Item Ducibus Stolpensi, & Mazouia, & uniuersis de Regno, & de Magno Ducatu Lith. Prælati, Baronib. & Consiliarijs, in fine Priuilegij subscriptis, quod sic sequitur.

**I**N NOMINE DOMINI AMEN. Ad perpetuam rei memoriam: Conuenit actus hominum, qui uetustate cadunt, & successu temporis in obliuionem uertuntur, solidis scripturarum, & testium fundamentis commendare, in quorum custodia nullis marcescunt temporibus, semper iugis perennationis memoriæ incommutabiles seruantur. Proinde nos Vuladislauus Dei gratia Rex Poloniae, necnon terrarum Cracouia, Sandomiria, Siradia, Lancicia, Cuiauia, Lithuanæ Princeps supremus: Pomeraniae, Russiæ, &c. Significamus tenore præsentium, quibus expedit uniuersis præsentibus, & futuris notitiam præsentium habituris. Quomodo cum diuini dispensatione consilij, huius Regni recepimus gubernacula, ad hoc quoq; tantum in terris obtinuimus principatum, ut propensiori cura, & uigilantia nostra, semper studia extendamus, per quæ pacis desideranda tranquillitas inter Christi fideles: ex quorum discordia: non solum terrarum, & urbium: sed Prouinciarum atque Regnorum resultant excidia, prout in plerisq; lugen-



lucenda, atq; calamitosa exempla mortalibus exhibent argumenta: procurari queant, & procurata auctore pacis, de throno suæ ineffabilis Maiestatis, utq; potentia concludi, & medijs salutaribus stabiliri ac extolli foelicibus incrementis. Et attenden. quod non nisi in pace pacis opifex Deus perfectè coli ualeat: & ea nihil in mundo exoptari possit præciosius, aut desyderabilius concupisci. Hinc est, quod nos non absq; interna compalsione: & graui cordis amaritudine recensentes, quot & quanta mala ex guerris, & dissensionibus procedant: quotq; ex contentionibus, & bellis, si ea mortales agant, odia hominū non sine etiam animarum, & æternæ salutis dispendijs, ac excidijs ciuitatum, prouinciarumq; & terrarum, ac in illis degentium interitus subsequantur. Diuinus deperit cultus, & sanguinis effusio oritur. Cumq; talium discordia atq; bella: non solū se, suosq; sed etiam alios plurimos tractura sunt, uerisimiliter in præcipitium & ruinam. Propterea supremis affectibus exoptantes, ut non crescant iurgia, sed iuxta magistram bonorū omnium charitatem, quæ nihil sapit extraneum, nil asperum, nil confusum, imò propria uirtute nutrit concordiam, dissociatos iungit, pacem, & unitatem consolidat. Ad laudē, & gloriam omnipotentis Dei, & Beatæ Mariæ uirginis gloriosæ, totiusq; Ierarchiæ cœlestis, propagatione fidei, cultū iusticiæ, & religionis Christianæ salutiferū incrementū, à guerris defendendis, excidijs, displicentijs, odijs, rancoribus, & offensis. Inter nos Vladislau regē Pol. & c. Sigism. Magnum Ducem Lithuanie, & c. prædictos, & inclytū Kazimirum germanū nostrum Semouitū, Kazimirum, Vladislau, Boleslau, Mazouia ac Boguslau Stolpen. & Pomeraniæ Duces, Regū Pol. terrasq; nostras Magni Ducatus Lithuania, Russia, Mazouie, Stolpen. & Voyeuodā Moldauia, & alia dominia nobis subiecta ex una: & magnificū ac religiosum dominū Paulum de Ruzsdorff Ordinis Beatæ Mariæ Teuthonicorū Ierosolymitani, & Ordinē suum ac terras eiusdē Ordinis, Prussia, Almannia, Liuania, & alias omnes ei subiectas parte ex altera: nouissimē graui offensione, & iactura exortas: nostræ mentis propositū retrahere decreuimus: & ea quæ duratibus huiusmodi controuersiarū, & guerrarum turbinibus: circa bonū Reip. sunt diruta & destructa, per pacis integritatē ad statum cupien. reducere quietū & tranquillum. Cum eisdem Magistro: fratribus & Ordine ipsius terris Prussia, Almannia, & Liuania subditis, & sequacibus eorundem perpetuæ pacis: & inuolabilis fœderis unionem: elegimus, assumptimus, suscepimus, & iniuimus, eligimusq;, suscipimus, assumimus, & iniimus tenore presentium mediante omni tempore perpetuē duraturā. Quam sub fide & honore ac iuramentis corporaliter præstitis: sine dolo & fraude promittimus uigore præsentium obseruare, & ut ipsa unio cū tanta deliberatione & maturitate cōcepta, ad firmum & constantem ordinē iugiter obseruandū reducat: ipsam per articulos infrascriptos omninō duximus regulandum. Inprimis quod inter nos Regē Magnum Ducē, & Duces prædictos, Regnū Pol. Magnum Ducatū, & terras Lithuania, Samogitarū, Russia, Mazouie, Stolpē. & Voyeuodā Moldauie, & aliorum dominiorū, & subditorum nostrorū ab una: & prædictum Magistrū generalem, & Ordinē: terras, & subditos ipsius, tam in Prussia, Almannia, quā Liuania & noua Marchia, parte ex altera: omnes dissensiones, cōtrouersias, & damna inter partes hincinde facta: dimissa, & totaliter sopita debent esse. Nec illorum de cætero aliqua mētio, aut memoria, & signanter in querelis, aut in detractiōe partium: coram quibuscunq; personis habeatur, aut fiat: sed nec una partium ad infamiam alterius partis suggeret, consentiet, auxiliū dabit, & fauorem publicē uel occultē, & quantum in ea parte fuerit, dilationes, & detractiōes huiusmodi fieri nō admittet, sed potius prohibebit. Item quod omnia bona Ecclesiarū, Gnezn. Vladislau. Plocen. & Poznan. Prælatorum, Abbatum, Monasteriorum, Conuentuum, & aliarum quarumcunq; personarum Sæcularium, & religiosarum: quæ sunt in terris Ordinis prædicti situata, debent circa iura omnia: tam Ecclesiastica, quā Sæcularia, & omnes aliquas consuetudines, quæstus, decimas, castra, uillas, prædia, curias, & alias utilitates, emolumenta, & proventus quibuscunq; nominib. nuncupentur, conseruari, nec aliquibus nouis consuetudinibus, seruitijs & onerib. aggrauari. Quodq; eadē bona non alienentur, nec pro eorū alienatione instetur per partes sine consensu Prælatorum Spiritualium. Omnes autem census, decimas, proventus, & alias obuentiones qualescunq; in terris Ordinis consisten. quos & quas Magister & Ordo Reuerendis. in Christo patribus dominis Archiepiscop. Gnezn. Vladislauiens. & Plocen. Episcopis, alijsq; Prælati Sæcularibus, & Regularibus Regni Polon. per biennium subleuauerunt, plenē & integrē restituant, & restitui faciant: medietatem infra hinc ad festum Purificationis Mariæ, reliquam uerò ad festum Paschæ proximē affuturum in ciuitate Thorunen. quittancebus de solutione à præfatis Prælati receptis, & quod bona, & decime Reuerend. patris Domini Vladislai Episcopi Vladislauien. nouiter, & quomodolibet arrestata relaxentur. Item ut omnis suspicio, &



cio, & hostilis respectus hinc inde inter nos, & partem Magistri generalis, & Ordinis sui in toto euellantur. Volumus quod ligæ, confederationes, & inscriptiones quæcunque sunt, uel fuerunt inter Magistrum generalem, præceptores per Almanniam, & Liouoniam & Ordinem ipsorum, Prælatos, Nobiles, ciues & subditos ipsorum, cum Duce Boleslao, aliàs Suuidrygal. Prælati, Ducibus, Boyaris, & subditis terrarum Lithuanie, Samogitie & Rusie factæ, debent esse cassæ, inanes, irritæ, & in nihilum redactæ. Ipsiq; Magister, & Ordo, Prælati, Nobiles, Ciues, & subditi ipsorum, debent præfatum Ducem Suuidrygal, deferere, & dimittere perpetuis temporibus, & nunquã eidem aut alteri cuiuncq; Magno Duci Lithuanie, & Rusie auxilia & cõsilia contra nos, & successores nostros, & Regnũ nostrum, ac etiã præclarum Principem dominum Sigism. Magnum Ducẽ Lithuanie modernum, Magnumq; Ducatum Lithuanie præstabit, nec aliquas ligas, suggestiones, & cõfederationes in damnum nostrũ, aut Regni facient in perpetuum cum eisdem, imò nec aliquem alium tenere, & reputare debent pro Magno Duce Lithuanie, & Rusie, nisi qui cum nostro cõsensu, & Regio (quemadmodũ præfatus Dux Magnus Sigism. modernus est electus, iuxta dispositionẽ dudũ factam inter Regnũ Pol. & terras Lithuanie) electus sit, & positus in Ducatum, nec etiã permittent ipsum Suuidrygal de terris seu per terras & dominia Ordinis ipsorum damna aut impedimẽta Regno Coronæ nostris, Ducatui Magno Lithuanie, & Ducatib. prædictis inferre, nec ipsum publicẽ, uel occultẽ per se, uel submissas personas iuuare, aut subleuare quouis modo. Itẽ ut huiusmodi pacẽ perpetuã & concordia sub certiori attentionis firmitate, & robore custodiamus, seruemus & promittimus, sine dolo & fraude, sub fide, & honore, ac onere præstiti iuramẽti. Quod ad nullius hominis uiuentis requisitionem, inductionẽ, suggestionem, persuasionẽ, uel mandatum etiã quacuncq; dignitate præfulgeat, Papali, Imperiali, uel Regali, aut cuiuscuncq; cõgregationis legitime, personarũ Ecclesiasticarum, uel Seculariũ, debemus, uel poterimus cõtrauenire ipsis in parte, uel in toto expressẽ, manifestẽ, uel occultẽ, per se, uel alium, seu alias quascuncq; personas submissas Spirituales, uel Sæculares, neq; eas taliter, aut quocuncq; modo uiolare, etiamsi modernus Imperator, aut successores sui Imperatores personaliter cũ exercitu contra Magistrũ, & Ordinem se mouerẽt, nõ debemus ei nec successores nostri assistere ope, consilio, auxilio uel fauore. Item quod medius fluuius Druanza sit limes inter Regnum nostrum, & terras Ordinis: nec fiat in eodem fluuio aliquod molendinũ in limitibus, & ripis communibus. Et præcipue in loco Lubicz dicto, in quo aliàs factũ fuerat, sic quod idẽ fluuius suum antiquũ meatum habeat: quodq; residuum aggeris unã cum ponte maneat, sine omni clausura diuturna, & nocturna prostrata publica, nec nouum ibidẽ molendinum deinceps erigatur. Quo per descensum intrante flumen Visla, iterũ descendendo, per Vislam inferiũ ipse medius fluuius Visla erit iterũ limes inter Regnum Pol. & terras Magistri, & Ordinis Prusie, cum omnibus suis insulis, piscaturis, iuribus, & obuentionibus uniuersis, nullis exclusis penitus, & exceptis: usquequò ipsa medietas prædicti fluuij Visla tanget locũ limitum, quẽ quondam Sereniss. Princeps dominus Kazimirus diuæ memoriæ Rex Pol. cũ Magistro Prusie dicto Dufmar, inter terras Bidgostien. & Pomeranie certis literis, & signis notabilib. limitauit, descripsit, & distinxit. Castro Iasyenyecz in terris Ordinis remanente. Ita tamen quod castrum Nyessouua cum territorio suo, & uillis Murzynouo, Orlouuo, Nouauyecz, & alijs uillis, molendinis, & uisibus ad dictum castrum, & territorium, cum omnibus castri territori, ac uillarum prædictarũ borris, syluis, & utilitatibus: aquis quoq; & earum decursibus cum pleno & totali dominio, ac cum medietate nauigij in flumine Visla, & eius prouentibus, & insulis ac piscaturis, iuribus, libertatibus omnibus & singulis ad ipsa spectantibus ab antiquo, nullo penitus alicui præter nos, & coronam Regni Polon. iure in eisdem castro, & territorio ac uillis reseruato remaneat circa nos, & Coronam Regni Pol. perpetuẽ, & in æuum. Sic tamen quod nulli subditorum saluo censu debito, & solui consueto per hanc cessionem in iuribus ipsorum in insulis, & molendinis præiudicium generetur. Et si nos in iuribus ipsorum ipsos tollerare noluerimus: extunc licitum sit nobis iuxta antiquam taxam, prout ab antiquo inter se uendere consueuerunt, huiusmodi iura comparere, & soluere: quemadmodum Sereniss. Princeps diuæ memoriæ dominus Vuladislaus genitor noster charissimus, & Corona Poloniae pacificẽ & quietẽ tenuit, à tempore concordie circa locum Melno iacentem, in terris Ordinis, inter castra Radzin, & Rogozno circa flumen Ossa, die sancti Stanislai Episcopi, & martyris de mense Septembri factæ, ad receptionem, & occupationẽ eorundem per Magistrũ, & Ordinẽ de anno Domini 1431. attentatam. Specialiter addito, & expresso, quod omnib. hominibus, & mercatoribus cum quibuscuncq; rebus, cuiuscuncq; generis præcij, uel ualoris existant proficiscentibus liberum sit uendere huiusmodi res seu merces absq; impedimento,



dimento, & compulsa, & stare, siue manere cum eis, aut eas in ciuitate Nyessoua locanda cōseruare, uel transire cum eis, quò placebit, siue per terram, siue per fluuium V'sla, infra, uel suprà, uel in Thorun, aut alia loca in terris Ordinis cōstituta. Item incipiendo ab eo loco, in quo prædicti limites per dominum Kazimirum Regem Pol. & Magistrum Prussie facti, & in eorundem literis expressi terminantur, & desinunt in procedendo ulterius, usq; ad introitum fluminis Notesz, siue Byrzuennik obseruabimus istum modum, & ordinem. Quòd si de prædictis limitibus poterint bonæ famæ tres homines pro parte nostra, & Coronæ, & tres pro parte Magistri, & Ordinis electi, uisis utriusq; partis literis, iuribus, & possessionibus, & alijs legitimis documentis concordare stabunt limites taliter cōcordati. Vbi autem nō possent electi illi homines boni cōcordare, extunc sortes ab utraq; parte mittantur, quamcunq; aut partem fors cōtigerit sic emissã. Pars reliqua, quã fors ipsa non tetigit, debet sex personas, quas placebit de parte prædicta eligere, quæ personæ sic electæ postquam iuramento corporali limites inter partes prædictas: sic de limitibus discrepantibus firmauerint: limites illi, sic iuramento firmati, pro signis & limitibus inter Regnū Pol. & nouæ Marchiæ perpetuè remanebunt. Testes autē illius partis, cui sortes aduenerunt, in processu limitum prædictorū castra, ciuitates partium prædictarū ex hac fortium accessione nō attingent, nec mouebuntur: aut pro sua parte aliquāliter uendicabunt, sed partes superius expressæ castra, ciuitates ab antiquo tentas, absq; impedimēto fortium obtinebunt. Ita tamen quòd pons in fluuiō Draua circa Ochczeth cum libero transitu perpetuò manebit: hoc additò, quòd si in parte Magistri, seu Ordinis cesserit, & in eius structura negligentia cōmissa fuerit, licitum sit nobis, aut Capitaneis nostris huiusmodi pōtem nouum cōstruere, & antiquū reformare: quotiens fuerit opportunū. Et ne in posterum de huiusmodi personis, & testibus superscriptis aliqua difficultas oriat, nos Reuerend. in Christo patrē dominū Franciscum Episcop. Varmien. & honorabiles, ac religiosum Volff de Saulzen cōmendatorem in Ostrorode, & strenuū Iohannem de Sayse pro huiusmodi cōpositoribus, & honorabilem ac religiosum Cōradum de Erbinghauschen, Hermannū Reussop Thorun. Henricum Forrothdanen. Præcōsules cum superscriptis, Episcopo Cōmendatore, & Iohanne pro testibus in casu, quo fors Magistrum, & Ordinē tetigerit, duximus nominandos, & eligendos, qui ad faciendum præmissa cum nostris, per Magistrū, & Ordinē nominatis & electis, cōueniant nostri in Bydgostiam, ex parte Ordinis in Suuece, in crastino Natiuitatis Mariæ proximè uenturo, aliundē huiusmodi limites, sicut præmittitur, distinguendos, ulterius processuri. Postquam autem uentum fuerit per limites prædictos, sic ut præmittitur distinctos iuramento, quādo limes ille fluuiū Notesz, & Birzuennik insiliet, ipse fluuius Birzuennik medius erit limes perpetuus inter Regnū Pol. & terram nouæ Marchiæ, & iterū ubi Birzuennik cum Notesz cōfluit, medius fluuius Notesz erit limes: ita quòd Ordo, & subditi eius ipsum flumen ascendendo dimidium milliāre, & descendendo similiter medium milliāre, ac uersūs Regnū dimidium milliāre pro pascuis pecorū, & pecudum quorumcūq; ac pro receptione argillæ, calcis, lapidū, lignorū, tam pro igne, quā ædificijs castri, & oppidū liberum habeant usufructum, & similiter homines, & subditi Regni, & Coronæ dominio, & proprietate apud Regnū nostrum remanentibus. Teloneum autē aquaticum, & terrestre cum pōte, & ipsius structura, secundū antiquam cōsuetudinem absq; ampliori augmento prædicti telonei, apud Ordinē remanebunt. Piscaturam etiā præfatus Ordo solus liberam in eodē flumine Birzuennik, seu Notesz, ascendendo, & descendendo, ut præmittitur per medium milliāre, à ponte, qui ducit uersūs Poloniā obtinebit, eo saluo, quòd Villa Trzebyessouu in suis limitibus piscandi liberā habeat facultatem. Hoc adiecto, quòd in eodē dimidio milliari ascendendo, & descendendo fluuiū Birzuennik, & etiā uersūs Regnū similiter per medium milliāre, aliquod fortalitium nō erigatur. Item postquam uentum fuerit ad limites per aquam, ubi fluuius Birzuennik, siue Notesz taliter procedendo inferius, ut suprà dictum est, uersūs Lanczberg super differentiam ibidem ex opposito prædicti oppidi consurgente, pars utraq; uidelicet nos, & Magister ac Ordo elegimus nobis pro iudice Reuerend. in Christo patrē dominū Christophorum Episcopum Lubuczen. in quem partes ipsæ de alto & de basso cōpromittent, & ad festum S. Trinitatis proximū ibidem circa Lanczberg adducēt, & productis coram eo iuribus, & probationib. legitimis in termino, seu terminis cōpetentibus ab utraq; parte laudū, & pronuntiationem, quā usus cōsilio sapientum super omnibus differentijs inter Regnū, & oppidū prædictum Lanczberg tulerit, ambæ partes huiusmodi sententiā suscipere, laudare, emologare, & seruare sub fidei puritate tenebuntur. Volumus etiam, & decernimus per presentes, quòd teloneum, & depositum uulgariter, & ablata, Magister, & Ordo restituere teneatur. Et si aliquis subditorum, de tenis,



aut dominijs nostris uellet ad terras Ordinis ratione incolatus se transferre, licet potest, & liberè recedere absq; quouis impedimento, aut arresto personæ, & bona sua uendere, aut de eis disponere iuxta beneplacitum libere uoluntatis: pari modo uolumus de bonis in terris Magistri, & Ordinis ablati seu occupati obseruari. Item omnes coadiutores, & adherentes, qui in fauore nostri, & Regni nostri Pol. coadiutorum, & subditorum nostrorum, Magistrum & Ordinem Prusiæ diffidârunt, ab omni impetitione Magistri, & Ordinis prædicti sint liberi, & soluti. Item omnes apostatæ Ordinis prædicti in regno nostro, & terris Lithuaniae, Samogitarum, Mazouiae, Russiæ, & Stolpen. & alijs dominijs Regni nostri, & terrarum prædictarum commorantes, ne diutiùs in suis peccatis tollerentur, de Regno nostro, & dominijs nostris prædictis, per nos, & Officiales nostros exire compellantur, & deinceps hijs, & alijs in eisdem nullatenus foueantur. Item quod nullus Mercator, seu alius homo cuiuscunq; conditionis existat, aut bona ipsius propter delictum, seu debitum alterius arrestetur, molesteretur, uel turbetur, nec etiam captiuetur. Item si uectores, & aurigæ bona, seu merces Mercatorum pro precio ducentes telonea, seu loca datiarum præterierint, ipsi duntaxat in rebus, & equis suis proprijs puniantur, & quod propterea bona Mercatorum, non debent occupari, nec detineri. Item sylua Babsko circa Fredelanth in Districtu Naklen. impignorata Ordini pro certa summa redimi poterat per impignorantem, uel per Regnum soluta summa Ordini, pro qua extat obligata, & in literis desuper confectis continetur. Item datio, siue exactio dicta Funthomezol super qua præcis temporibus, & hætenus, controuersia inter Magistrum, & Ordinem ac Mercatores terrarum Poloniae, Magni Ducatus Lithuaniae, & Ducatum prædictorum uertebatur, & pendebat ex certis causis indecisa, talem ponimus ordinem. Quod Mercatores Regni Ducatus Magni, & Ducatum prædictorum, præter alia quæcunque grauamina, & solutiones impoliterum imponendas quibuscunque nominibus nuncupentur, respondeant Ordini de eadem duntaxat, si aliquandò contigerit, ipsos cum bonis suis in nauibus proprijs nauigare ultra mare. Ita tamen, quod si ciuitates maritimæ libertate, & absolutæ uia iuris fuerint ab eadem, quod ciues, mercatores, & indigenæ Regni, & terrarum Polon. Lithuaniae, Mazouiae, Russiæ, à solutione huiusmodi sint similiter liberi, & excepti. Et illa omnia, quæ ab eis à tempore, quo præsens pax perpetua est firmata ratione huiusmodi exactiois sunt recepta, integraliter restituantur per Ordinem prædictum mercatoribus Regni, Ducatus Magni, & Ducatum prædictorum uiceuersa absq; recusatione, & renitentia, qualicunq; interruptione, cõsuetudine, præscriptione, & diuturnitate nõ obstantibus. Si uerò per cõcordiam extincta fuerit, ad restitutionem receptorum minimè teneantur. Aliæ autem omnes, & singule actiones, quibuscunq; uocitètur nominibus à mercatorib. terrarum Regno Pol. Ducatu Magni Lithuaniae, & Ducatibus prædictis subiectarũ, ut præfertur indigenis in terris Magistro, & Ordini subiectis. Et specialiter exactio quedã dicta Logebal, & Fyrken nullatenus de cetero exigatur. Nec nos Rex dux Magnus Lithuaniae, Duces Mazouiae, & Stolpen. imponemus aliquod nouum teloneum in grauamen, & præiudiciũ duntaxat subditorũ Ordinis prædicti, & si quod nouũ est impolitum in terris nostris, & Ducatib. prædictis à tempore cõcordiæ circa locũ Melno factæ, omninò deponatur. Teloneis & depositis antiquis semper saluis. Item cũ medietas nauigij circa Thorun suprã dicti, cũ medietate pecuniarum de ipso prouenientiũ nobis uigore priùs habitæ, & præsentis cõcordiæ, in perpetuũ heredibus & successoribus nostris debeatur. De collectore pecuniarũ ex ipso sic inter nos existit cõuentum ordinatum & cõclusum, quod is, qui per nos, & successores nostros ad ea fuerit deputatus cõueniat cum cõmendatore Thorunen. pro tempore existẽti. Vno anno in oppido Thorun, & alio in Nyessoua, & sic semper uicib. alternatis collectorũ huiusmodi singulis annis simul cõstituant. Qui sub præstito iuramẽto pecunias collegerit dieb. Dominicis in manus utriusq; præsentet equali portione diuidendas solutis præcij famulorum, & reparatione nauũ de cõmuni. Et si alteri parti ille collector pecuniarum nõ placuerit, anno elapso tã Capitaneus, siue ad ea deputatus, quã cõmendator cõuenientes, ut suprã, alium eligat, quotiens fuerit opportunũ. Seruitia uerò per famulos nauigij prædicti, quæ Szaruek appellatur fieri cõsueti partibus prædictis, similiter alternatis septimanis, & parib. uicibus impendatur: & tunc pars quelibet in sua septimana ipsis prouideat de expensis, modo, & forma, sicut hætenus est eis prouisum. Itẽ si aliqui de terris Regni nostri Ducatus Magni, & Ducatũ prædictorũ subditis Ordinis iniuriã intulerit, & super eo Capitaneus, uel alius Officialis noster requisitus iustitiã non fecerit, extũc pro negligẽtia huiusmodi ab officio est deponẽdus, nisi de innocẽtia sua iuramento proprio & corporali se purgauerit. Similiter ex alia parte, si cõmendator, uel Officialis Ordinis prænominati, in reddenda iustitia in præmissis negligens fuerit, pari modo



modo destituatur: Et nihilominus successor iustitiam teneatur facere expedita requirenti. Si uero is qui pro iustitia ratione delicti, uel alias requirit, simplex fuerit Terrigena, & iustitiam facere recusaret, aut negligeret, ex tunc damna iustitiam requirenti, per Capitaneum seu commendatorem de bonis Terrigenæ prædicti compensentur & soluantur, nisi simili se purgauerit iuramento. Item si per aliquem subditum, indigenam uel aduenam alicuius nostrum, casu & euentu. Inscriptioni seu paci huiusmodi perpetuæ fuerit in aliquo derogatum & contrauentum, utpote rapinæ, spolia, incendia, uastationes, prædæ, uel homicidia, aut aliqua maleficiorum genera, in dominijs & Terris nostris alterutris patrata fuerint & commissæ: propterea pax prædicta cassari, irritari non debet: sed in suo robore, & firmitate permanebit. Nec propter hoc Pars cuius subditus maleficium huiusmodi commiserit, censetur fore deierans seu periurans: Prædicti autem delinquentes & malefactores, pro ipsorum excessibus, per Capitaneos seu Officiales utriusque nostrum iudicialiter puniantur: & ad satisfactionem plenam & debitam arcebunt & compellentur. Item ut Capitanei, Palatini, Commendatores, Officiales seu Iudices partis utriusque ad administrationem iustitiæ fortius inducantur: Et ne aliqua grauis displicentia inter nos Regem, Ducem Magnum, & Duces prædictos ex una, Magistrum, Ordinem & Terras subiectas sibi prænominatis & subditos eorundem parte ex altera, imposterum ualeant exoriri singulis annis, nos Rex præfatus duos ex Commendatoribus uiros boni testimonij & conscientie in festo Pentecostes, & similiter Magister & Ordo duos Palatinos, aut alios paris conditionis, in præfato festo de Terris nostris prædictis eligant, & sibi quanto citius poterint huiusmodi electiones personarum scriptis insinuent. Qui in festo S. Michaelis conuenientes uno anno in Nyessoua, alio in Thorun, & tactis sacrosanctis Euangelijs, fauore, timore, & odio exclusis, de iustitia facienda punient Iudices, ac Officiales in administratione iustitiæ remissos & negligentes: & iura municipalia loci delicti partibus læsis faciunt. Nihilominus iustitiam congruentem, uel partes secundum æquitatem, & bonam iustitiam component, & omnia faciant quæ pro conseruatione huiusmodi iuratae pacis perpetuæ uiderint expedire. Pari modo in Samogitiam & Prussiam uno anno in Veluna, & alio in Regnyth: Inter Lithuaniam & Liouoniam uno anno in Huspole, & alio in Dymborg alias in Nouyna. Inter nouam Marchiam & Maiorem Poloniam, uno anno in Syrakouo alias Czyrk, alio in Dresznò: Inter terram Dobrineñ. & Prussiam, uno anno in Rypin, & alio in Bròdnicza: Inter terras Mazouiae Ducis Vvladislai & Prussiam, uno anno in Dzdoldovv, & alio in Mlaua: Inter Vysznam & Prussiam, uno anno in Vyszna, & alio Ianusburg: Inter terras Ducis Bolkonis & Prussiam, uno anno in Czyechanovv, & alio in Nidborg, per omnia uolumus & decernimus obseruari. Inter Ducatum Stolpeñ. & Prussiam, uno anno in Stolp, & alio anno in Rythavv: Inter nouam Marchiam & terram Stolpeñ. uno anno in Recz, & alio in Sathyn, nisi partes de alijs locis fuerint concordēs. Item ne circa limites displicentiae seu controuersiae suscitari ualeant. Volumus limites de quiennio in quiennium ubi opus fuerit innouare. Item liber sit transitus & uia omnibus Mercatoribus ac Incolis terrarum, & dominiorum Ordinis cum suis mercantijs, frumentis cuiuscunque grani, & rebus quibuscunque & cuiuscunque conditionis, uel maneriei existant: sine impedimento uel angaria, per terras & maria, aquas & flumina quocunque ascendendo, in & ad Regnum Pol. terras Lithuaniae. Samogitarum, Mazouiae, & Russiae: & descendendo per ipsum Reg. atque terras prædictas, ac per ipsa flumina seu aquas usque ad maria, & transmare in nauibus paruis siue magnis, uacuis siue oneratis imperpetuum quomodo-cunque & quotiescunque uoluerint, absque aliquo arresto uel impedimento cuiuscunque, & specialiter Oppidanorum in Thorun: Quas quidem merces, frumenta, & res, ut præscriptum est, si præfati Mercatores seu Incolae Ordinis ducentes, uendere aut stare in aliquo locorum seu Ciuitatum ad portum, siue ripam prædictam aquarum siue maris situatorum, seu situatarum uoluerint, est & debet esse in ipsorum arbitrio & uoluntate. Si uero uendere noluerint, possunt absque omni impedimento ire seu ascendere, uel descendere quo eis placuerit cum rebus prædictis, ut superius est expressum teloneis & antiquis depositis prout supra saluis. Item omnia damna, iniuria, displicentiae impensae, & expensae Prælatorum, eorumque Ecclesijs, & Capitulis, ac Abbatibus, Prioribus, Conuentibus, Monasterijs, personis Ecclesiasticis, Sæcularibus & alijs quibuscunque per nos, subditos, coadiutores, & adhaerentes nostros, in terris Prussiae & extra, illata quomodolibet & facta in omnibus guerris præteritis, & e contra per sepe dictum Magistrum & Ordinem, ac exercitus ipsorum Prælati in dominijs Reg. nostri constitutis sint sopita, auctoritate præsentium penitus



penitus & extincta, ita quod prae-textu eorundem per Praelatos ipsos, aut eorum aliquem suis aut Ecclesiarum, Capitulorum, Conuentuum, siue Monasteriorum suorum nominibus Magistro & Ordini praedicto, uel alijs supra dictis, quaestio, causa, actio, uel impetio de iure uel de facto, nullo unquam tempore moueatur. Item Magister & Ordo praedicti, tenebuntur nobis ratione concordiae praesentis, dare & soluere nouem millia florenorum cum quingentis Hungaricalibus iusti & boni ponderis, aut eorum ualorem in moneta Pruthenicali bona, noua, medietatem in dominica Latere, & aliam medietatem in festo S. Martini Episcopi in Thorun proximè affuturis, pro rata cuiuslibet solutionis literas quittantias tenebuntur assignare. Item circa Iudices, Iudicia, mercantias, emendas uel uendendas, & circa uictualia comparanda & telonea antiqua soluenda, rationabilis consuetudo tempore bonae memoriae Vitovvdi Magni Ducis Lithuaniae tenta, in Lithuania, Samogitia, & Russia incoscussè seruetur, & quantum fieri poterit, iuxta ritum Catholicorum in melius reformetur. Item ne circa hanc concordiam perpetuam aliquid imposte-rum relinquatur, quod possit mentes & subditos partium praedictarum tam Spirituales quam Saeulares, ad lites & odia quaecumque prouocare in futurum, causam Ecclesiae Vvladislau. & ipsius Episcopi, super demollitione domus Episcopalis ante Oppidum Gdansk in praeteritis guerris per Oppidanos Gdaneñ. attentata, quae in Curia Romana & Constantien. ac Basilien. Concilijs per annos plurimos pendebat indecisa, duximus de consensu Patrum, & uenerabilis Capituli Vvladislauien. per medium concordiae sopiendam. Ita uidelicet, quod Magister & Ordo pro Oppidanis Gdaneñ. Reuerend. in Christo patri domino Vvladislao moderno Ecclesiae Vvladislau. Episcopo mille ducetos florenos Hungaricales boni & iusti ponderis, pro media parte huiusmodi summae in festo Carnispruij, & uno stamine Bruslien. boni operis in Oppido Thorun. & pro alia media in festo S. Michaelis ibidem proximè affuturo, ratione demollitionis domus praedictae soluent, & expedient cum effectu, & absque excusatione aliquali. Dominus uero Episcopus praedictus & Capitulum eius, eosdem Oppidanos Gdaneñ. & Ordinem ab impetitione sua debet dimittere absolutos, & causam huiusmodi extinguere, nunquam ipsis de cetero per se & successores suos intentandum. Quam ordinationem praefati dominus Episcopus & Oppidani publice & solenniter emologarunt, solutione facta dominus Episcopus praefatus cum Capitulo suo, super qualibet solutione quittabit sufficiens literis Magistrum, Ordinem, & Oppidanos ante dictos. Item Magister generalis & Ordo omnem exactam & extremam diligentiam faciet, quod Magister Almaniae infra unum annum maius suum Sigillum huius concordiae perpetuae appender, quod si facere nollet, sed cum aliquo domino Spirituali uel temporali ratione bonorum ab eodem domino obtentorum, Regi, Regno Pol. & Ducatibus praemissis, ac eorum subditis bella moueret: Ex tunc Magister generalis, & Magister seu praeceptor Liuaniae, & fratres Ordinis per Prussiam & Liuaniam, absque dolo & fraude sub fide & honore praestiti iuramenti, eidem Magistro Almaniae: necnon illis dominis sub quibus consistunt, ac alijs quibuscumque hominibus. per se uel alias, publice uel occulte, directe uel indirecte, cum gentibus armorum, pecunijs, armis, aut alijs auxilijs quibuscumque, consilio uel fauore, non debent neque possunt subuenire aliquo excogitato ingenio uel colore, quod si contrarium fecerint & id legitimis documentis probatum fuerit, quod tunc subditi eorum ab omnibus, homagijs, iuramentis, & subiectionibus liberi & soluti esse debent in hoc casu, donec ad obseruationem pacis perpetuae reuertentur. Item nos Vvladislaus Rex praedictus, Oppidum Arnszvald alias Choszczno, quod exercitus patris nostri, bonae memoriae domini Vvladislai acquisiuit, & cuius possessionem huc usque habuimus pacificam, Magistro & Ordini infra hinc & dominicam Latere proximè uenturam, cum curijs, Villis, & alijs omnibus cohaerentibus ad praedictum Oppidum spectantibus restituere tenebimur & debemus. Nobiles insuper de Nouauedel & Felkemburg, cum Oppidis, Castris, & omnibus bonis suis in noua Marchia consistentibus qui patri nostro praedicto fidelitatem & homagium, exercitu nostro in noua Marchia existente praestiterant: ad Magistrum & Ordinem absoluti primo à nostris homagijs & iuramentis, ratione bonorum praedictorum duntaxat nobis factis, infra hinc & praedictum terminum Dominicae Latere reuertantur. Qualitercumque autem ipsi nobiles & oppidum Arnszvald ad possessionem Magistri & Ordinis accesserint, siue de manibus nostris aut nostrorum, siue etiam alijs modis quibuscumque, quod per hoc huius articulo satisfacere censeamur, prouiso tamen quod Magister & Ordo eosdem fauorabiliter & benignè recipiant, & de uita ac bonis affecurent: quemadmodum de huiusmodi affecuratione per Magistrum & Ordinem in fe-



in festo Purificationis Mariæ proximo debet eisdem prouideri, & in Castro Raczyansz huiusmodi Litera asssecurationis presentari. Item Castrum Nyessoua, cum Districtu & medietate nauigij ut superius est expressum, Magister & Ordo infra hinc & dominicam Lætare proximam, ad manus Reueren. in Christo patris domini Vvladislai Episcopi Vvladislau. nomine nostro debent tradere, restituere, & assignare cum effectu. Item ut hæc concordia cum tanta maturitate concepta, abundantiori cautela ualeat ab utraq; parte fortius & attentius custodiri: promittimus bona fide, attentè, & fideliter in uerbo nostro Regio, absq; dolo & fraude, corporali præstito iuramento, huiusmodi concordiam in omnibus suis articulis, atq; punctis obseruare. Et ut propensiori uigilantia ipsius capituli attendantur, decernimus formam Iuramenti sub uerbis & tenore infra scriptis. Ego N. iuro, quod hanc concordiam obseruabo: nec contraueniam ei facto, auxilio, consilio, uel fauore: sic me Deus adiuuet, & hæc sancta Christi crux. Et quod omnes Reges successores nostri & hæredes, infra annum Coronationis suæ, seu suscepti regiminis: Similiter Dux Magnus Lithuanie modernus, ad requisitionem alterius Partis per Nuncios speciale mandatum habent. huiusmodi pacem perpetuam iuramenti firmare & stabilire teneantur. Quodq; de decennio in decennium per Prælatos, Duces, Palatinos, Commendatores, Terrigenas atq; Ciues, tam nostrarum quam Ordinis Partium & prius non iuratos, debet nouis iuramenti solidari. Item ut Pars contra Partem metu animaduersionis presentis ad bella, & prælia non confurgat: Statuimus decernentes, quod nostri Prælati, milites, Ciues, & tota communitas debeant & teneantur Terrarum Magistri & Ordinis Prælati, Nobilibus, Militibus, Citibus, & toti communitati dare certas nostras Literas, & pares siue reuersales ab ipsis sub eadem forma recipere, quas tam nos quam præfatus Magister & Ordo utriusq; subditis nostris, dare promittimus & debemus. Ipsiq; subditi nostri, subditos Magistri & Ordinis, & conuerso subditi Ordinis, subditis Regni nostri dare & presentare tenebuntur in Dominica Lætare proximè uentura, sub ijs uel similibus uerbis. Quod si nos uel successores nostri, stâte huiusmodi pace perpetua, Magister & Terris Ordinis uellemus aut conaremur huiusmodi guerras, aut bella mouere, non debent nobis subditi nostri consentire: nec in hoc obedire aut parere: quinimo erunt ab omnib. nostris homagijs, iuramentis, & subuectionibus liberi & soluti, donec in hoc casu Nos & successores nostri, ad obseruantia pacis perpetuæ reuertemur. Item omnes uiolationes Treugarum ac pacis, foederum, stipulationum, contractuum si quæ inter Partes prædictas in guerris præteritis accidissent, uigore presentis concordia, annullamus, & cassamus. In cuius rei testimonium Sigillum nostrorum, quo ad præsens utimur cum infra scriptorum Illustrium ac præclarorum dominorum, fratrum nostrorum charissimorum, Ducum, Baronumq; Militum, Procerum, & Ciuitatum Sigillis presentibus sunt appensa. uidelicet Sigism. Magni Ducis Lithuanie prædicti, Semouiti, Kazimiri, Vvladislai, Boleslai, Mazouia, Boguslai Stolpen. Michaëlis præfati domini Sigism. Magni Ducis Lithuanie nati Ducum: Necnon Reuerendis. ac Reuerendorum in Christo patrum dominorum, Alberti S. Gnezñ. Ecclesie Primatis, & Iohannis Leopoliën. Archiepiscoporum: Sbignei Cracou. Stanislai Posnañ. Vvladislai Vvladislau. Stanislai Ploceñ. Matthiæ Vilneñ. Iohannis Chelmeñ. Pauli Kameneceñ & Andreæ Vvladimir. Episcoporum: Andreæ Vvladimirouic, Chebdogoldouic, Iorgij Syemionouic Russiæ Ducum: & Magnificorum Nicolai de Michalovv Cracouiën. Castell. Sandiuogij de Ostrorog Posnañ. Petri de Pyeskouraskala Cracou. Iohannis de Czyzovv Sandomiriën. Martini de Kálmoua Sira dieñ. Iohannis de Lychyn Bresteñ. Iarandi de Brudzeto Iuniu Vlad. Ostyk Castellani Vilneñ. Dolgerth Vilneñ. Lulusch Troceñ. Iohannis Manzyk de Dambroua Leopoliën. Petri Odrouansz Podolia, Stanislai Grod de Szrensko Ploceñ. Iohannis Glouac de Lauzenicze Czyrneñ. Pauli de Radzimovv Belzeñ. Palatinorum: Martini de Slamko Posnañ. Dobeslai de Syenno Sandomir. Petri de Zirniki Calissieñ. Laurentij Zaramba Sira di. Petri de Bnino Gnezñ. Alberti Malski Lacieñ. Floriani de Korythnica Vislicieñ. Domarath de Kobelany Lublin. Nicolai de Vorzimouto Brzesteñ. Christini de Kozyeglouy Sandeceñ. Ioannis de Tanczyn Voyniceñ. Przedborij de Konyeczpole Rospierieñ. Nicolai de Virzbicko Dobrineñ. Iohannis de Balicze Radomieñ. Barthossij de Gostyn Nakleñ. Martini de Vyrzyska Iuniu Vlad. Clementis de Strzelcze Bieceñ. Vincentij de Szamotuly Miedzyrzecieñ. Dobrogostij de Kolno Cameneñ. Przedpelkonis de Kopydlotio Landeñ. Dzik Przybislai Zarnouiën. Varfy de Ostrovv Zauichosteñ. Pauli de Biskupice Malogosteñ. Alberti de Pakoscz Szremeñ. Matthie Brzezineñ. Iohannis de Kalinoua Sandeceñ.



Sandecenens. Petri de Chelmpo Lanecen. Nicolai de Lubstovv Krušicien. Stanisłai de Skaršleuo Biechouien. Iacobi Przekora Ceckouien. Przybysłai Koutalen. Nicolai Kielbassa Bydgostien. Jakusij de Strzygi Ripinen. Paskonis de Gosławice Konarien. Iohannis de Vlonouo Rogoznen. Hrickonis Kyerdeiouic Leopoli. Nicolai de Višnicze Præmislten. Petri de Smolice Sanocen. Michaëlis de Buczacz Halicien. Iohannis de Oleśnica Marschalci. Andrea de Lubino Thesaurarij Regni Pol. Andrea de Czechouice Ploceen. Vigandi de Oskolonga Cyrnen. Dobrogostij de Nouydvor Varšouien. Pauli de Lessno Sochacouien. Adæ de Rythlo Gostinen. Markusij de Poppen Rauē. Nicolai Maldrzyk de Starogrod Belzen. Castellānorum: Petri de Pyeskouaskala Crac. Petri Kor dibog Posnaniē. Andrea de Zelechovv Sandomiriē. Dobrogostij de Szamotuly Calissien. Clementis Scheliga de Ianouice Siradiē. Stanisłai Byelauski Lancicien. Andrea Dunin Brestē. Stanisłai Iuniuulad. Volckonis Rokatouic Leopoliē. Sandkonis de Senovv Premislten. Czurilonis de Stoyance Halicien. Janusij Kerkeiouic Kamenecen. Nicolai Grzymalca Sanocen. Stanisłai Kanymir Chelm. Petri de Kampa Ploceen. Andreę de Radzieiouice Sochacou. Nicolai de Brzozovv Gostinen. Iohannis Tabass de Zaluski Rauē. Succameriorum: Marcisij de Vyroczimouice Cracou. Theodorici de Modzychod Posnaniē. Stanisłai Slanka de Lapsouo Sandomir. Nicolai de Plešleuo Caliss. Zegothæ de Monkouo Siradiē. Petri de Oporouo Lancic. Vaskonis de Sluzeyo Brestē. Nicolai de Koszczylec Iuniuulad. Dersłai de Višfokye Lubl. Georgij de Lassodki Dobrineē. Iohannis de Vinnica Leopoli. Iacobi de Zakouice Halicien. Andrea Vyzga Ploceen. Iohannis de Regleuice Cyrnen. Iohannis Rogala de Vangrznynouo Višlegroden. Dersłai de Podofye Zakrocin. Vexilliferorum: Pauli de Bogumilouice Cracou. Abraham de Zbanšyn Posnaniē. Iohannis de Sproua Sandomiriē. Troiani de Lekna Calissie. Petri de Vidaua Siradiē. Adę de Thur Lancicien. Andreę de Ludbranc Brestē. Matthie Figa de Ossnyca Iuniuulad. Alexij de Plonniki Dobrineē. Iohannis Kielcouic Lublin. Stanisłai de Dcuidouo Leopoli. Petri de Grochouiec Præmissi. Iohannis Kola Halicien. Stanisłai de Strzegouo Ploceen. Alberti de Chebdzino Cyri. Zylani de Vinnica Vyšlegroden. Zemak de Smogorzeuo Cychonou. Saffyni de Szcauino Gostinē. Iacobi de Glouno Rauē. Saffyni de Virzyska Belzen. Iudicum: Iohannis Farureij Cracou. Btenyakonis de Bandleuo Posnaniē. Iohannis Pouale Sandomir. Sigismundi de Margonino Calissien. Stephani de Oporovv Lancic. Christini de Kosczol Brestē. Iohannis Boybuski Iuniuulad. Demetrij de Chodorovv Leopoli. Mšykrouski Præmissi. Dapiferorum: Janusij de Kobelany Cracou. Samborij de Malochouo Posnaniē. Petri de Krzyzanouice Sandomir. Thomkonis de Mirza Siradiē. Voienski Brsesten. Kaczkovvski Iuniuulad. Nicolai de Felsten Leopoliē. Venatorum: Iacobi Klicze Pincernæ Siradiē. Skora Posnaniē. Bogosij de Krusovv Calissien. Andrea de Brzezze Brest. Iohannis de Zimnatoda Leopoli. Subiudici: Nicolai de Brzeffe Crac. Raphaëlis de Goluthouo Posnaniē. Iacobi de Baranovu Sandomiriē. Stanisłai de Ostrorog Calissien. Nicolai Kaulczski Iuniuulad. Clementis de Banczyce Lancic. Nicolai de Szarle Brestē. Subdapiferorum: Iacobi Lublineē. Kyełcz Siradiē. Iohannis de Lassothki Dobrineē. Iacobi de Malice Leopoli. Tribunorum: Stanisłai Liganšyc. Spitkonis de Melstin. Petri de Kurovv. Nicolai de Krolikouo. Przedpelcy Mosszyc de Kosmin Milai de Miloslavv. Janusij de Tuliskouo. Nicolai de Grandi. Petri de Zauady. Mšczuij de Barczevv. Jakusij de Vroniauy. Iohannis de Zychlino Nicolai de Slessyno. Vincentij de Pnieua. Tomkonis de Soboŭha. Tluk de Strijkovv. Raphaëlis de Tarnovv. Iohannis de Pilcza. Skarpkonis de Gora. Nicolai de Michovv Nobilium & Procerum Craco. Posnañ. Calissien. Leopoliē. Ploceen. Varšouien. Stolpeñ. & Stargarden. Ciuitatum. Postquam autem Deo fauente annos discretionis attigerimus, promittimus & spondemus iuramentum præstare & appendi facere præsentibus Sigillum nostræ Maiestatis. Actum in Brzeffe Vvladislauien. diocesis sabbato in uigilia Circumcisionis Domini. Año eiusdem 1436. Datum per manus Magnifici & Venerabilis Iohannis de Koniecpole Cancellarij, et Vincentij

Roth Custodis Gnesneñ. Cantoris Cracou. Regni Pol.

Pol. Vicecancellarij syncerē nobis

dilectorum.

Magister



Magister Prusiae promittit pacem seruare cum Regno Poloniae perpetuam.

**N**os frater Paulus de Ruzsdorff Ordinis Beate Marie, domus Theutonicorum Ierosolimitan. Magister generalis: significamus tenore presentium, quibus expedit uniuerfis, Quia nunquam nos, nec successores nostri Sereniss. Principi & Domino dño Vvladislao Regi, aut Regno suo Poloniae guerras mouebimus, aut bella: sed pacem perpetuam & concordiam inter prædictum dominum Regem, Regnum, & adherentes suos ab una: Nos, Ordinem & adherentes nostros ab altera partibus, de anno domini 1436. in uigilia Circumcisionis Domini in Ciuitate Brzysk conceptam & firmatam, custodiemus, seruabimus incōcussē, in omnibus suis articulis atque punctis, promittentes, quod si nos, uel successores nostri, stante huiusmodi pace perpetua, supra dicto domino Regi, aut Regno Pol. uellemus aut conaremur huiusmodi guerras, aut bella mouere, non debent nobis subditi nostri consentire, nec in hoc obedire aut parere: quinimo erūt ab omnibus nostris homagijs, iuramentis, et subuectionibus liberi, & soluti, donec in hoc casu nos & successores nostri, ad obseruationem pacis perpetuæ reuertemur, quos in huiusmodi casu absoluimus ab omnib. homagijs, promissionib. & iuramentis nobis factis, ut præfertur ipso facto per præsentēs. In cuius rei testimoniū & fidem firmiorem, Sigilli nostri appensione presentes fecimus communiri. Datum in Castro nostro Marienburg ipsa die dominica Lætare. Anno Domini 1436.

Conditiones pacis perpetuæ in Terris Prusiae ultimò factæ.

**I**N NOMINE DOMINI AMEN. Ad perpetuam rei memoriā. Cum inter humanæ uoluntatis desyderia, quæ in aliquem citra Deum, finem atq; rerum omnium opificem diriguntur, nulla res optabilior, nulla gratior, quemadmodum quotidianis experimur effectibus, nulla deniq; humano generi equè salutaris necessaria, iucundior, & utilior, quā pax habeat in ortu redēptionis dñi nostri Iesu Christi, hominib. bonę uoluntatis denunciata per angelos, & in recessu ad patrē cætti apostolico, & uniuerfis apostolorū sequacib. geminata, donatione relicta & repromissa. Proinde nos frater Ludo uicus de Erlichausen, Magister Hospitalis, domus sanctę Marię Theutonicorū Ierosolimitan. in Prussia. Significamus tenore præsentium quibus expedit uniuerfis, tam præsentibus, quam futuris præsentium noticiā habituris. Quomodo attendentes quales sint ueræ pacis fructus, & quanta belli pericula, qualisq; uastitas discordiā subsequatur, ad laudem omnipotentis Dei, & intemeratę Virginis Marię gloriosę, totiusq; cœlestis Ierarchię propagationem, fidei cultum, iusticię & religionis Christianę salutiferum incrementum: Ordinis quoq; nostri decus & stabilimentum & guerrarum ac litium descendis discriminibus, & dissensionum ac odiorū anfractibus displicentijs, & singulis offensis quæ inter Sereniss. Principem dominum Kasimirum Dei gratia Poloniae Regem Magnum Ducem Lithuaniae, Rusiæ, Prusieq; dominum & heredem, Illustres Principes dominos Kasimirum, Boleslaum, Conradum, & Ianusium Mazouia, & Henricum Stolpeñ. Duces: & Reuerēdum patrem dominum Paulum Episcopum, Ecclesiam & Capitulum Warmiē. Stephanū Voieuodam Moldauię, Regnum Pol. Terras, & alia dominia eidem domino Regi & Regno subiecta ex una: & nos Fratrem LV Douicum Magistrum generalem, Præceptores, Commendatores, & Ordinem, ac Terras eiusdem Ordinis, in Terris Prusie parte ab altera cōsistē. fuerant exortæ, animos nostros ad semitas pacis & cōcordię cōuertimus: fluctus quoq; bellicę tēpestatis hactenus inter nos uigētes sedādos & abolendos duximus, & ea quæ durantibus huiusmodi guerris & controuersiarum turbinationibus diruta fuēre, deformata, & districta, per pacis integritatem ad statum cupientes deducere quietum & tranquillum, per meditationem, operam, & interuentum Reuerēdis. in Christo patris domini RVD Olphi Episcopi Lauantini, sedis apostolicę Legati, à sanctiss. domino nostro PAVlo Papa 2. ad interripiendum bellum huiusmodi specialiter destinati, cum eodem domino KAZimiro domino Rege, Regno Pol. Ducibus, Principibus, Dominis, Terrisq; Coadiutoribus coherentibus, subditis & sequacibus eorum perpetuæ pacis et inuiolabilis fœderis conclusionem et consumationem elegimus, assumpsimus, iniuimus, suscepimus, eligimusq; assumimus, & iniimus tenore præsentium mediāte omni tempore & perpetuò duraturam, quam sub fide, & honore, & iuramentis corpora-



liter præstitis sine dolo & fraude promittimus uigore præsentium obseruare. Et ut ipsa PAX & CONCORDIA cum omni maturitate & deliberatione cōcepta, ad firmum & constantem ordinem iugiter seruandum deducatur, ipsam per articulos infra scriptos duximus regulandum. In primis quod inter præfatum Sereniss. dominum KAZimirum Regem, Duces prædictos, Regnum Pol. eiusq; Terras, Episcopum Varmieñ. Capitulum, & suam Ecclesiam Rursiæ, Mazouia, Stolpeñ. & aliorum dominiorum suorum ab una: & nos prædictum MAGistrum generalem, Commendatores, et Ordinem, Terras, & subditos nostros in Terris Prussiae parte ab altera: omnes controuersiae, dissensiones, hostilitates, inimicitiae, diffidationes, infamiae, & damna inter partes hinc inde facta dimissa & totaliter sopita debent esse: Nec eorum de cœtero aliqua mentio, aut memoria, & signanter in querelam, aut in detractionem Partium, coram quibuscunq; personis habeatur, aut fiat in quocunq; iudicio Ecclesiastico, uel Sæculari, uel extra: Sed nec una Partium ad infamiã alterius suggeret auxilium, dabitur fauorẽ per se, aut submissam personam, quouis quesito colore, publicẽ uel occultẽ: & quantũ in utraq; parte fuerit, delationes & detractiones huiusmodi fieri non admittet, sed potius prohibebit. Item ad abolendas omnes displicentias, odia, similitates, & quaslibet hostilitates, quæ inter præfatum Sereniss. dominum KAZimirum Regem, suosq; prædecessores Reges, & Regnum Pol. ab una: & Nos prædecessoresq; nostros Magistros generales Prussiae, & Ordinem nostrum partibus ab altera: occasione Terrarum Pomeraniæ, Culmeñ. Michalouieñ. frequentius annis superioribusq; ad bellorum grauius discrimina consurgebant: & ut pax ipsa firma, stabilis, atq; perpetua, non ex ore tantummodo, sed ex cordẽ, purẽ, non fictẽ, sincere, non simulate, inter præfatum Sereniss. dominum KAZimirum Regem, & Regnum Pol. Duces, Episcopum, Ecclesiam, & Capitulum Varmieñ. adherentes, & Coadiutores: nosq; Magistrum, Commendatores, & Ordinem prædictos proueniant: Terra Culmeñ. cum suis Castris, Ciuitatibus, Oppidis, & fortalicis uidelicet Thorun ueteri & noua, Byrzglavv aliàs Burgelavv, Starugrad aliàs Haldensz, Chelm aliàs Culmen, Dumiszlavv aliàs Vonczelavv, Lypno aliàs Leipe, Kouale aliàs Schonensch, Rogozno aliàs Roghussen, Koprzyuno aliàs Eugelszberg, Radzin aliàs Reden, Grudzancz aliàs Graudencz, Golub aliàs Golavv, Papovv, Brodnica aliàs Stroszberg, Olandberg aliàs Luterberg, Brathyan aliàs Nouoforo, Laskin aliàs Lessyen, cum omnibus suis pertinentijs, & Villis eorum quæ pertinebant ad iudicium & Banderium Culmeñ. & cum tota Terra Michalouieñ. nihil excipiendo. Itẽ tota terra Pomeranię iuxta antiquos Terminos suos, cũ uniuerfis Castris, Ciuitatibus, Oppidis, & munitionibus in ea consistentibus uidelicet Gdansk, Puczko, Lauenborg aliàs Laumberg, Heyle aliàs Hella, Lobe aliàs Kosszczyn, Grebin aliàs Grabino, Dirschau aliàs Tsczovv, Meue aliàs Gnyevv, Stargard, Nouemberg, Noue, Svvecze aliàs Svvecz, Mosthek aliàs Osyek, Iasyenicz aliàs Iesyeniecz, Kryslavv, Klissovv, Slochavv aliàs Olechovv, Konicz aliàs Choynicze, Fredelandt, Hamerstthin, Bievvtthavv aliàs Buthovv, Thuczol aliàs Tuchola, Schobouicz, Schonck aliàs Skazeuo, Baldenburg, & cum Nariga fluuijs, aquis, mari, & piscaturis, quæ sunt in cauda maris, aliàs Hab, Villis, portibus, insulis, & pertinentijs uniuerfis, ac dominio uniuersali, directo, & utili, mero & mixto ad præfatum Sereniss. dominum Regem KAZimirum, & Regnum Pol. pertinebant, et spectabant, pertinere & spectare debebunt, donationibus, renunciationibus, cessionibus, appropriationibus per Reges, Principes, Barones, Nobiles, Ciuitates & subditos Regni Polo. ex quacunq; causa uel occasione de Terris prædictis lure, proprietate, & dominio ac titulo earum quomodolibet, & quotiescunque, etiam iuramento corporali interueniente, in fauorem nostrum & Ordinis factis, & Apostolica, Imperiali, uel quacunq; alia firmitate roboratis non obstantibus quibuscunq;: quas per præsentem unionem & fœdus annullamus, cassamus, abolemus, tollimus, extinguimus, & mortificamus, illisq; perpetuo derogatum esse uolumus & derogamus. Quibus quidem Terris POMeranię, CULmeñ. & MICHALouieñ. Nos MAGister LVDOuicus, Commendatores, & Ordo Domus Theutonicorum prædicti, & illarum Iuri, proprietati, titulo, & dominio quomodolibet & ex quacunq; causa nobis & Ordini nostro competenti renunciatione & cessione perpetua, irrevocabili, & spontanea de certa & expressa scientia pro nobis successoribus & Ordini nostro cedimus & renunciamus. Nos quoq; & Ordine nostrum Terris præfatis Pomeraniæ, Culmeñ. & Michalouieñ. in perpetuũ abdicamus, & omnes Inscriptiones, donationes, renunciations, cessiones, resignationes, confirmationes, priuilegia, instrumenta, uẽditiones, emptiones, lauda, arbitria, sententias, pronũciationes, munimenta & decreta



& decreta in fauorē nostrū & Ordinis super Terris prædictis per summos Pontifices, Imperatores, Reges, Principes, Duces, Marchiones, Comites, & quascunq; personas Ecclesiasticas uel mundanas cuiuscunq; conditionis, dignitatis, præminentie uel tenoris existāt cōfectas, decretas, & cōcessas cassamus, abolimus, extinguimus, ac mortificamus, & illis pro nobis, successoribusq; nostris, & Ordinē nostro nō per errorē coactē aut improuidē, sed libere & spontaneē ac de certa scientia perpetuē cedimus, & renūciamus, & ius omne quod nobis Magistro & Ordini in præfatis Terris quomodolibet cōperebat in dominū KAZimirū Regē & Regnū, successoresq; eius Reges Pol. perpetuo trāsferimus per præfentes, & militares Nobiles, Vassallos, Ciues, Terrigenas, & quoscunq; subditos Ecclesiasticos & Sæculares Terrarū, Ciuitatū, Districtū, & locorū prædictorū ab omni nostra fidelitate, homagio, subiectione, iuramēto & qualibet spōsione dimittimus & absoluiamus, & præfentū tenore relaxamus. Excepto quod Piscatores in Hab à fine aquæ & piscaturarum Episcopi & Capituli Varmieñ. & ex opposito in mari salso: Item partē Nergia à dicta aqua & piscaturis Ecclesiæ Varmieñ. per transuersum Nergia usq; ad dictum mare salsum, & à dicto trāsuerso per descensum Nergia usq; in profundū cum Villis Svvyctye, Mivendorff ac Curia Mitilhoff cum Iurisdictione & utilitate hoc ipsum profundū cum piscatura sturionū, & teloneo antiquo, nos Magister & Ordo habebimus & possidebimus. Quam quidem portionem Nergia cum prædictis Villis & Curia præfatus Sereniss. dominus Rex nobis Magistro & Ordini de speciali sua gratia perpetuō contulit & assignauit. Reseruata tamen Maiestati suæ totali uenatione super dicta portione Nergia, prout & super tota Nergia illam sibi seruauit. Hoc etiam adiecto, quod nos Magister & Ordo nullum Castrum aut munitionem super dicta portione Nergia nobis donatæ ædificare aut ædificari facere neq; nouum teloneum aut grauamen imponere ualeamus aut debeamus. Item ex bonis certis respectibus nos mouentibus & pro præsentis pacis stabilitamento Castrū et Ciuitas Marienburg cum duabus insulis magna uidelicet & altera parua quæ dicitur das Fyßannyß, Herverder, & cum integritate lacus Drussen, & cū suis omnibus piscaturis, piscationibus, & Villis, & cum Districtu Scharffau, & omnibus alijs attinētis & Villis suis, eo tamen excepto, quod Villæ Haldendorff & Alepin quæ pertinent ad Holland & Kulhebery & Horndorff, quæ ultima sola militatiū est, & pertinet ad Preuschēck, habeant facultatem in lacu Drussen pisces pro suo beneplacito piscandi iuxta morem antiquum. Item Castrum & Oppidum Sthum cum omnibus antiquis suis Iuribus, coherentijs, & pertinentijs uniuersis. Item Ciuitas Elbing utraq; uetus & noua cū Districtu Villarum limitibus, & Iure, & cū Oppido Tholkmyth & eius Districtu & suo officio syluarum & nemorum aliās Valdanth, & cum sex Villis Tenutæ & Castri Holland, uidelicet Pylomen, Myslothyno, Berthkom, Kamersdorff, Vielkielicz, & Przeussmeret, & cū quinque Villis quæ ad Oppidum & Districtum Molhnuzen pertinebant, uidelicet magna Staban, parua Staban, Schonemor, Pomerendorff, & Volffder. Item Oppidū & Districtus Krischburg aliās Drzgon cum suis libertatibus, Militaribus, Nobilibus, Vassallis, Villis, lacubus, molendino & Castro. Ita tamen quod demoliatu Castrum & cum pertinentijs eiusdē uniuersis, incipiendo ab uno latere Oppidi prædicti Krischburg, & descendendo à flumine Szroge, usque ad lacū Drussen. Curia tamen Dolefczeth cum ipsius molendino apud nos & Ordinem nostrū remanente. Ab alio uerò latere dicti Oppidi ascendendo & transeundo usq; ad finales granicies dicti Oppidi Krischburg, & Villæ Haldenstadt mutuo se contingentes: eadem Villa à sinistris & in ditione nostra, & Ordinis remanente: ab inde uerò directius eundo ad Ecclesiæ Pomezanieñ. fines proximiores, ubi omnia & singula subdictis finibus ad partē Castri Marienburg consistentibus Villa Moysterg iterum in parte nostra & Ordinis remanente cum Curijs, allodijs, & quibuscunq; alijs pertinentijs ad dictum Castrum Marienburg spectabunt & pertinebunt. Cætera uerò alia omnia & singula ad Cameratum, & generaliter ad Districtum Krischburg usq; in præsens pertinentia pari modo cum Oppidis & allodijs militaribus Terrigenis, Villis, Piscaturis, aquis, nemoribus, & alijs singulis pertinentijs spectabunt ad Castrum nostrū & Ordinis Pressemark perpetuo & in æuū p prædicto Sereniss. domino Rege & Regib. & Regno Pol. remanebunt. Ita quod Castra, Ciuitates, Oppida, Districtusq; prædicti ex nunc & de cætero uigore præsentis unionis & foederis ad ius, proprietatem, sortem, & titulum Regni Pol. pertinebunt & spectabunt pertinere, & spectare debent perpetuō & in æuū. Nos quoq; Magister Ludouicus, Cōmēdatores, & Cōuentus prædicti p nobis & nostris successorib. Castris, Ciuitatib. Oppidis, insulis, lacub. piscaturis, piscatorib. Cameratib. &



Officijs prædictis & illorum Districtibus & Villis perpetua & irrevocabili renūciatione de certa & expressa scientia, iuri quoq; sorti, proprietati, titulo, & dominio quocūq; & ex qualicūq; causa nobis Magistro, Cōmendatorib. Officialib. & Ordini nostris in illis competentibus per nostras præsentis patētes Literas cedimus & renūciamus, & omne ius qd nobis Magistro & Ordini ac Cōmendatorib. nostris in Castris nostris, Ciuitatib. Oppidis, insulis, lacubus, piscaturis, & uillis prædictis cōpetijt & cōpetere potuit, in præfatu Sereniss. dominū KAZimirū Regem, successores suos, & Regnū Pol. transferimus & applicamus. Milites quoq; Nobiles, Vasallos, Terrigenas, Ciues, & quoslibet subditos Ecclesiasticos Sæculares præfatorum Districtuum, Terrarum, Ciuitatum, & locorum ab omni fidelitate, iuramēto, homagio, subiectione, & qualibet sponsione præsentium tenore absolui-mus, dimittimus, & relaxamus. Cætera uerò Castra, Ciuitates, Districtus, fortalicia, Vil-las, & dominia in Terris Prussiae tam in terris quā in aquis existentia uidelicet Kyenyczs-berg Castrum cum tribus Ciuitatibus: Item Castra & Oppida Lochsteth, Varceñ. Girmavv, Pobethen, Rydauth, Schoken, Raymen, Kremythen, Valdavv, Topyavv, Thabe-kavvthen, Narbekthen, Insterburg, Allenburg, Vonsdorff, Gerdaven, Ibugirburg, Nor-denburg, Labyavv, Lavvkysken, Thylsakh, Ragyerthe, Roschisten, Vinthburg, Memel, Brandenburg, Krovvczeburg, Fredelanth, Barthen, Laczevv, Balge, Herlibail, Synthen, Landisberg, Prevvschenlavv, Barthensteyn, Streften, Zrnisburg, Ikeyn, Rostenburg, Li-ke, Iohansburg, Holand, Ryboskath, Molhytzen, Morung, Bassen, Heyno, Ortolsburg, Ostorrode, Hoensteyn, Nyeyndēburg, Scholgavv, Iehenburg, Dēgslavv, Prensemark, Libemole, & Salefath & quæcūq; alia Castra, Ciuitates, Oppida, Districtus, Territoria, & Villas cum eorū subditis, militibus, Terrigenis, & Vasallis, aquis, nemorib. lacubus, & alijs pertinentijs & iuribus uniuersis quibuscūq; censent nominib. nos Magister, Com-mendatores, & Ordo perpetuū & in æuū, quietē, & pacificē absq; omni præfati Sereniss. domini Regis & successorum suorum Regum & Regni Pol. impedimento, perturbatio-ne, & molestatione possidebimus, & illorū plenū habebimus usum & dominium. De quib. quidem Castris, Ciuitatib. Oppidis, Terris, Districtib. Villis, Militib. Terrigenis, & Vasal-lis, & illorū quoq; iuriū & titulo, proprietate, & sorte, dominio si qd præfato dño Regi & Regno Pol. quomodolibet & ex quacūq; causa cōpetijt, uel cōpetere potuit præfatus dñs Kazimirus Rex ex certa & expressa sciētia pro se & successorib. suis Regib. & Regno Pol. spontē & deliberato animo nobis Magistro, successoribusq; nostris Magistris, Commendatorib. Conuentui & Ordini nostris in Terris Prussiae celsit & renunciavit, ac omne ius si quod suæ Maiestati & successorib. suis Regib. & Regno Pol. exēptione & quibuscūq; causis alijs in præfatis Castris, Ciuitatib. Terris, Districtib. Villis, Militib. & Vasallis quo-modolibet cōpetijt in nos Magistrū, successoresq; nostros, Cōmendatores, Conuentum, & Ordinē per renūciationē & celsionē perpetuā & irrevocabilem transtulit & illud no-bis spontē, liberē, & de certa scientia applicavit, & omnes Milites, Vasallos, Nobiles, Ter-rigenas, Ciues, & quoslibet subditos Ecclesiasticos & Sæculares Terrarum & locorum prædictorum ab omni fidelitate, iuramento, subiectione, & qualibet sponsione absolutos dimisit & relaxavit. Episcopatus insuper & Ecclesia Sabien. cum suis Castris, Ciuitatib. & Oppidis uidelicet Phisshausen, Tyremberg, Lobodavv, Pouonden, Ingemburg, Zo-lavv, & Nuvenhusch cum omnibus Vasallis, Villis, & pertinentijs suis uniuersis sub di-tione nostra & Ordinis nostri perpetuū cōsistet & permanebit. Item ordinamus & sta-tuimus, Quod super omnibus piscaturis Revthel appellatis uulgariter sub præsentia Ca-pitanei Marienburgen. & factoris nostri à nobis destinandi in Castro Marienburg annis singulis in magna feriā quinta, debet fieri arendatio, & Literæ super omnibus Revthel sub domini Regis & nostro signetis arendatoribus debeāt dari, & medietas pecuniarum ex huiusmodi arenda prouenientium nobis debeat cedere, alterq; uerò medietas domino Regi prouenire, iure Episcoporum Varmien. & Sambien. & Capitulorū eorūdem, cetera rumq; aliarum personarum & locorum libertatem ex antiquo Revthelorū habentiū p o-mnia saluo. Quibus Literas super Revthel præfatis & quantitate illorū absq; omni pecu-nia liberē uolumus concedi. Item æ pax ipsa fœdus & unio tanta maturitate firmata & cōclusa possit in posterū humana malignitate infringi, aut aliquibus fallacijs, dolo, & in-genijs uiolari, præfatus quoq; Sereniss. dominus Kazimirus Rex & successores sui Reges & Regnū Pol. Prælati, Principes, Barones, & subditi Regni eiusdem de nobis Magistro, Commendatoribus & Ordine Prussiae Prælati, Militibus, & subditis nostris: Nos uerò Magister, successoresq; nostri, Commendatores, & Ordo, Prælati, Milites, & subditi nostri



Prusiae de dicto Sereniss. domino Rege Kazimiro Regibus & Regno Pol. Principibus, Baronibus, subditis eiusdem plenā cōfidentia & securitatem omni hostili respectu in praesens & in posterū deposito teneamus. Praefatus Sereniss. Kazimirus Rex nos fratrem Ludouicū Magistrū, Cōmendatores, & Ordinē praefatos in Prussia, omnesq; nostros successores in suum & Regni Pol. Principem Consiliarium perpetuū: Cōmendatores uero principales, quos nos Magister & successores nostri pro tempore duxerimus deputādos in Consiliarios suos & Regni Pol. & in suam, & Regni Pol. protectionē, subiectionē, & defensionē ppetuo duraturā assumpsit. Pollicens nobis in uerbo suo Regio, & sub fide praestiti iuramenti, pro se & suis successorib. suis Regib. & Regno Pol. Quod nos praefatū Magistrū, Cōmendatores, & Ordinē, Praelatos, Milites, Vassallos, & subditos nostros in Prussia, nostrosq; successores, affectiōe Regia tractabit, honorabit, & diliget. Nosq; Magistrū, Cōmendatores, & Ordinē, successoresq; Praelatos, Nobiles, Ciues, subditos & Terras nostras uelut Principis Consiliarij & unitorū suorū in nostris iuribus & libertatibus priuilegijs, munimentis, & limitibus quae praesenti unioni & foederi aut eius articulis & cōditionibus non cōtrariantur, conseruabit, ab uniuersis quoq; hostibus nostris, uexatoribus & impugnatoribus in Terris quas possidemus Prusiae tuebitur & defendet. Tenebitur quoq; nos, Ludouicus Magister praefatus & quilibet successor noster in officium Magisterij assumptus, & assumendus, post sex menses à die assumptionis in Magisterium praefato Sereniss. Kazimiro Regi & suis successoribus Regibus Pol. personaliter representari & illic pro nobis Commendatoribus & Terris quas habemus in Prussia sibi & successorib. suis Regib. & Regno Pol. praestare debitā fidelitatis, & de obseruāda praesenti pace, & nūquam petenda absoluteione seu relaxatione iuramenti; nec concessa uti aut cōcedenda, iuramentū ac in praefati domini Kazimiri Regis, suorumq; successorū Regū. Pol. sinistra parte primariū habere locū & sessionē. Cui quidē dño Kazimiro Regi, successorib. suis Regibus Regno Pol. nos, nostrosq; successores, Cōmendatores, Praelatos, Milites, Vassallos, & subditos, Terrasq; omnes nostras à nobis nūc possessas & in posterū possidendas, conquisitas & conquirendas etiam in Terris paganorū extra Terras Prusiae dicto dño Kazimiro Regi & Regno Pol. perpetuo connectimus, iungimus, unimus, & inuisceramus, ea cōditione, & respectu, ut nos praefati Ludouicus Magister nostri successores, Cōmendatores & cōuentus, Praelati, Barones, Milites, Terrigenae, & personae singulae tam Ecclesiasticae quam Saeulares, & omnes Terre nostrae atq; homines in illis degentes in Prussia simus amplius & de cetero cū praefato Ser. domino Rege Kazim. successoribusq; suis Regib. & Reg. Pol. unum & indiuiduū corpus, una gens, unus populus, in amicitia, foedere, & unione, nullū aliū post Summū Pontif. quā praefatum Kazim. Regem & successor. suos Reges Polo. pro nostro capite & superiore recognitum: ita ut teneamur & simus obligati nos, successoresq; nostri praefatum dominum Kazimirum Regem & successores suos Reges & Regnum Pol. siue in prosperis, siue in aduersis nunquā deferere: sed sibi & successoribus suis Regib. & Regno Pol. cōtra omnes hostes & aduersarios suos Regni sui Pol. more aliorum Principum, Praelatorū, Baronum Regni Pol. assistere: eosq; in guerris & in aduersitatibus nostris potentijs adiuuare cōsilijs, auxilijs, & suffragijs opportunis. Nec sine suo & successorum suorum Regum Pol. ipsi quoq; sine nostro & Consiliariorū, Commendatorum, Praelatorum, & Militum nostrorū Prusiae speciali & expresse consilio, uoluntate, & consensu, cum quibuscunq; personis quacunq; praefulgeant dignitate, celebrabimus, statuemus, aut firmabimus aliqua foedera, inscriptiones uel cōtractus, publicē uel occultē, per se uel submissas personas: sed nec nos Magister, Commendatores, nostriq; successores bella aliqua contra Catholicos siue praefati domini Kazimiri Regis & successorum Regni Poloniae speciali mouebimus consensu.

Forma autem iuramenti qua nos Ludouicus Magister & successores nostri Magistri Sereniss. domino Kazimiro Regi, & successoribus suis Regibus, & Regno Poloniae iurare tenebimur, talis erit.

**E**GO LVDOVICUS Magister generalis Ordinis sanctae Mariae Teuthonicorum, Princeps & Consiliarius Regni Polon. Iuro, quod ab hac hora, & deinceps fidelis ero Sereniss. Principi domino Kazimiro Regi, & successoribus suis Regibus, & Regno Polon. ei profectum illorum fideliter procurabo, & negocijs Regis & Regni



Regni fideliter consulam, & secreta quæ mihi qualitercunq; communicata fuerint, in eorum detrimentum nulli pandam, pacem insuper præsentem in omnibus suis conditionibus & articulis obseruabo & custodiam: sic me Deus adiuuet, & hæc sancta Christi crux. Item ut per præsentis pacis unionem & fœderis singula odiorum & iuramentorum nubi la possint funditus euelli, cū præfato Sereniss. domino Kazimiro Rege, & Regno suo Pol. pro bono pacis deuenimus, & illud inter nos concordauimus, quod EPISCOPATUS CVLMEŃ. ad Ecclesiā GnezneŃ. redeat, à modo & deinceps præfata Poloniæ & GnezneŃ. Ecclesiæ, & ut tanquam principali sit in omnibus obediens & subiecta, de regulari in sæcularem, fauore & auctoritate Summi Pontificis, ad quod tam nos Ludouicus Magister & Commendatores nostri expressum præbuimus & præbemus consensum, transferendi: quæ etiam cum sua diocesi tam omnibus Castris, Ciuitatibus, Oppidis, & munitiõibus, uidelicet, Chelmha aliàs Kulmensch, Lubawa aliàs Lubaw, Kurzathnik aliàs Kurnik, VarmbrzeŃno aliàs Fredeke. Et omnibus Districtibus, Nobilibus, Vassallis, Villis, & pertinentijs uniuersis sub præfati domini Kazimiri Regis & Regni sui Pol. consistet perpetua ditione, patrociniõ, & defensione. Item concordauimus quod VARMIEŃ. Ecclesia & eius Pontifex pro tempore cum suo Venerabili Capitulo VarmieŃ. ex nũc, & de cetero cum omnib. suis Castris, Ciuitatibus, Oppidis, & munitiõib. uidelicet Helfzberg, Bronsberg, Vormedilth, Serburg, Vartẽberg, Reszchel, Bysschofisteyn, Allesteyn, Gekteskath, Melizak, Vartenberg, Franvenburg, & Bysschoysburg cum omnibus Districtibus, Nobilibus, & Vassallis, Villis, pertinentijs & attinẽtjs suis in præfati domini Kazimiri Regis & successorũ suorũ Regũ & Regni. Pol. ditione, subiectione & protectione cõsistenti. Et nos Ludouicus Magister, nostriq; successores, Commendatores, & Ordo eius ditioni, subiectioni, & protectioni expresse renunciamus, & omne lus quod nobis in prædicta Ecclesia, Episcopatu, & Capitulo quomodolibet hætenus competeat, in præfatum Sereniss. Regem dominum Kazimirum successores suos hæredes Reges & Regnum plenariẽ transfundimus, & transferimus per præsentem. Item concordatum & ordinatum est speciali nostra Ludouici Magistri, Commendatorum, & conuentus nostri comprobatione & consensu: Quod Venerabilis dominus Vincentius Kielbassa Consiliarius & Secretarius præfati Sereniss. domini Regis Kazimiri ad Ecclesiam præfatum CulmeŃ. per ipsum dominum Kazimirum Regem nominatus, & ad eandem sua intercessione dante Domino promouendus Ecclesiam, & sedem PomezanieŃ. Episcopatus, quamuis hætenus in capite & membris regularem in commendam ad uitæ suæ duntaxat tempora per dispositionem & ordinationem habeat Apostolicam, & illam cum suis Castris, Ciuitatibus, fortalijs uidelicet Praybuth aliàs Ressenberg, Quedzyn aliàs Marieverder, Biskupicze aliàs Byssowvverder, Kyssnelcz aliàs Frenstath, Smenber aliàs Sardzen, & Rossenberg, cæterisq; eius Districtibus & pertinentijs obtineat: Ipsamq; in Spiritualibus & temporalibus administret: Ecclesia prædicta PomezanieŃ. remanente nihilominus in suis membris interim regulari, præfato autem Vincentio Kielbassa morte absumpto ad præfatam Ecclesiam PomezanieŃ. regularis persona nostri Ordinis in Põtificem eligitur, & substituetur, Sanctiss. domini nostri Papæ gratia & fauore acceden. gaudebitq; domini Regis protectione consistens in nostra & Ordinis nostri tam religione quam ditione. Item quoniam post sedatos fluctus bellicæ tempestatis nulli magis nos primum cõuenit quam Ecclesijs & earum ministris compati, & commisereri, quatinus supremus sedatio uberiores firmitatem paci cõditæ infundat. Quocirca ordinamus & decernimus & statuimus quatinus omnia Castra, fortalicia, Ciuitates, Oppida: Castella, munitiões, Ecclesiarum loca, & Villæ: & signanter Franvenburg, Vormedilth, Vartemberg, Melzak, Lubaw, Rossenberg, Mariemverder, & Schonemberg, quomodolibet à nobis & nostris ac præfato Ser. Kazimiro Regi & suis possessa, occupata, & incastellata quocunq; nomine uocentur suis Pontificibus, Capitulis, Prælati, Abbatibus, Monasterijs, & signanter VarmieŃ. CulmeŃ. PomezanieŃ. & SambieŃ. Episcopis & eorum Ecclesijs, tam Cathedralibus quàm conuentualibus Collegiatis & earum Capitulis, Conuentibus, hospitalibus absque aliqua conditione, diminutione, depactatione, solutione, uel arresto cum omni sua suppellectili, bombardis, ornamentis, & pertinentijs uniuersis: infrà hinc ad festum Natiuitatis S. Iohannis Baptistæ proximæ uenturum reddantur uiceuersa. Omnes insuper Pontifices, Abbates, Capitula, Prælatos, Præpositos, Canonicos, Curatos, & non Curatos, & alios Beneficiatos, qui non sunt de Ordine nostro, in eorum loca, iura, libertates, & possessiones, quæ & quas ante motã guerrã possidebāt, restituiamus, & tenore præ-



repraesentium reintegramus: exceptis Castris & Ciuitatibus praedictis in praedicto festo S. Iohannis Baptistae restituendis. Quod si dicti Praelati Sereniss. domino Regi, aut Ciuitatibus, uel Oppidis ingrati uel suspecti sint, permittantur, quod permutent, aut Vicarios idoneos instituant, aut pensionem honestam auctoritate superioris reseruandam dimisso atq; renunciato titulo suscipiant. Item omnes captiuos in praesenti guerra per nos Magistrum, Commendatores, Capitaneos, gentes nostras, coadiutores, & adhaerentes captos, siue sint depactati, siue non, ab omni captiuitate & sponfione uigore praesentis foederis absoluiamus, & tenore praesentium relaxamus, quae absolutio & libertas per Sereniss. Kazimirum dominum Regem, Duces Mazouiae, & Stolpe. Episcopum Varmien. Capitaneos & Officiales, & omnium eorundem coadiutorum, & adhaerentium, quodcumque nomine uocentur, nullo excepto, debet praestari, & impendi, nec depactati aut taxati debent obligari ad aliquam solutionem praemissam, quae nondum est soluta, etiam si depactati dedissent pro se desolutione aliquam cautionem. Item ordinamus, decernimus, & statuimus, quod omnes Mercatores tam Regni Polon. principaliorum dominiorum & Terrarum eorundem & Episcopatus Varmien. suiq; Capituli, quam Terrarum Prussiae in ditione nostra & Ordinis consistentes sint ubiq; in terris, & in aquis tuti & securi, & nullae eis de cetero molestiae inferantur, nec cogantur nisi solitis & ueteribus seruatis itineribus & locis ambulare, aut ad aliquam Ciuitatem, Castrum, & locum sub praetextu cuiuscumq; constitutionis uel edicti cum rebus & mercibus suis cuiuscumq; maneriei existant de cetero applicari, praeterquam in Kinszberg, iuxta commendationem desuper factam, super qua speciales a nobis Literae emanauerunt. Item quoniam per Mercatorum industriam, & rerum uenaliu importationem, Respub. nobile accipere consuevit incrementum: Statuimus, decernimus & spondemus, quod nulla telonea, deposita, gabellas, foralia, siue quascumq; alias censurationes locis & personis in Terris Prussiae & dominijs eis subiectis & consistentibus imponemus de nouo, aut imponi permittemus, tam in terris quam in aquis: sed tantummodo utemur impositis. Quod quidem Ser. Kazimirus dominus Rex, successoresq; sui, Reges, Duces, & Episcopi praefati in suis etiam Terris obseruabunt. Item ut charitatis & unionis amplior certitudo inter Sereniss. dominum Kazimirum Regem, Regnum suum Pol. subditos & adhaerent. ab una, & nos Magistrum, Commendatores, & Ordinem in Prussia ab altera partibus iugiter & inconcussae perpetuae perseueret: Statuimus & ordinauimus, quod deinceps & a modo ad Ordinem nostrum sanctae Mariae Teuthonicorum in Terris Prussiae personae idoneae & Ordinis capaces etiam ex subditis quibuscumq; Regni Pol. & principaliu & dominorum eius assumantur: Ita tamen quod nos Magister & Commendatores ultra mediam partem de illis assumere non teneamur: ad easdem quoq; personas in distribuendis Commendarijs & Officijs Ordinis iuxta medietatem dictam bonum respectum habere tenebimur. Magister uero eligitur uir magis utilis & idoneus secundum Ordinis regulam & instituta. Qui cum Princeps & Consiliarius Sereniss. domini Regis & Regni sit, non debet sine comerito, scituq; Sereniss. domini Regis per Commendatores & conuentum de Magistratu amoueri. Item ut huiusmodi pacem perpetuam, unionem & concordiam sub certiori attentione firmitate & robore custodiamus, promittimus sine dolo & fraude ac sub onere prestiti iuramenti, quod ad nullius hominis uiuentis auctoritatem & potestatem, etiam quacumq; dignitate praefulgeat, Papali, Imperiali, Regali, uel Ducali, aut cuiuscumq; congregationis legitime, personarum Ecclesiasticarum aut Saecularium, ad impetrandum praesentis pacis, unionis, foederis, & contractus, in toto uel parte, expresse, manifeste, uel occulte, per se alium uel alias quascumq; personas submissas Spirituales uel Saeculares, dissolutionem, reemptionem, cassationem, & irrationem, recurremus, aut recursum habere poterimus, aut nos induci, persuaderi, requiri, uel nobis mandari ad uiolationem praesentis pacis & foederis per aliquam potestatem Papalem, Synodalem, Imperialem, Regalem, Ducalem permittemus, neq; impetrabimus absolutionem & relaxationem iuramenti prestiti, neq; utemur impetrata, aut etiam motu proprio concessa, uel concedenda. QVOD SI CONTRARIUM FECERIMVS, CENSEBIMVR FIDEFRAGI ET PERIVRI. Itē quod subditi Ser. Domini Kazimiri Regis & Regni Polon. ac Terrarum praedictarum undecumq; & cuiuscumque gradus, status, & conditionis fuerint, qui causa negotiationis uel alia, ad Terras quascumq; nostras Prussiae & Ordinis uenerint per subditos nostros & extraneos cuiuscumque status, gradusue fuerint impediri, conueniri, uel arrestari non debent. Sed in Regno Pol. & Ducatibus atq; Terris eiusdem si quid actionis habuerint, Actores iuxta Terrarum iura municipi-



municipalia illos conueniant, & querelæ huiusmodi sopiantur. Delinquens tamen in loco delicti depræhensus, & contrahens de contractu recenti in loco contractus poterit conueniri, sed si de loco ubi contraxit recesserit publicè uel occultè, coram Iudice suo conueniatur. Item ordinauimus. Quod ubicunq; quis reperiat rusticos uel colonos suos, qui propter guerras, aut alias ab eo recesserunt, possit eos repetere, qui & sibi dimitti, & restitui debent cum eos requisierit. Item quod nullus Mercator seu alius homo cuiuscunq; conditionis existat, aut bona ipsius propter delictum seu debitum alterius arrestetur, moleste-  
 tur, turbetur, nec etiam captiuetur. Item si Vectores aut aurigæ bona seu merces Mercatorum pro precio ducentes telonea seu datiarum loca præterierint, ipsi duntaxat in eorum rebus, & equis suis proprijs puniantur, & quod præterea bona mercatoria non debent occupari, nec detineri. Item si per aliquem subditum aut indigenam alicuius nostrum Inscriptioni seu paci perpetuæ præsentis fuerit in aliquo derogatum & conuentum, ut pote, si rapinæ, spolia, incendia, uastationes, prædæ, uel homicidia, uel aliqua maleficiorum genera in Terris & dominijs nostris alterutrum perpetrata fuerint & commissa, propter ea prædicta pax, unio, cassari & irritari non debebit, sed in suo robore & firmitate permanebit. Nec propter hoc Pars cuius subditus huiusmodi maleficium commiserit censetur fore deierans & periurans. Prædicti autem delinquentes & malefactores pro ipsorum excessibus per Capitaneos siue Officiales utriusq; nostrum Iudicialiter punientur, & ad satisfactionem plenam & debitam arcebuntur & compellentur. Item promittimus tenore præsentium & spondemus in uerbo nostro, & sub onere præstiti iuramenti, per nos pollicemur, quod ad occupandum Terras, Castra, Ciuitates, Oppida, Villas, & quæcunq; loca domini Regis Ducum & Episcopi prædictorum & omnium subditorum suorum sub eorum ditione consistentium tam Ecclesiasticorum, quam Secularium. Quinimò si aliquo casu per quemcunq; hostem aut insidiatorem Regis, Ducum, Episcopi, & Capituli prædictorum Castrum aliquod, Ciuitas uel fortalitium fuerint dolo, fraude, uel uolentia intercepta uel occupata, aut aliqua loca incastellata quod Deus auferat: nullatenus debemus aut poterimus Castrum, fortalitium, Ciuitatē, aut loca sic intercepta, occupata, uel incastellata, etiam si sponte uel ultroneè illius uel illorum nobis offeratur deditio, quomodo libet & sub quocunq; colore suscipere: sed tenebimur & astringemur ad conquisitionē & recuperationem cuiuslibet Castri, Ciuitatis, & fortalitij in Terris Culmen. Pomeraniæ & Prusie intercepti & occupati, expugnati & incastellati per nos, & nostras potentias, una cum potentijs Sereniss. domini Kazimiri Regis, dominorum, Ducum, & Episcoporum, & Terrarum suarum & subditorum prædictorum consurgere, & de manibus hostilibus eripere, ac in potestatem & ditionem Sereniss. domini Regis Kazimiri, Prælatorum, Principum, & subditorum prædictorum restituere uiceuersa tenebimur. Item nos LVDOLVICUS Magister Commendatores & Ordo prædicti Castra & Ciuitates Sthum, Nouumforum, Chelm aliàs Kulmen, antiquum Castrum aliàs Haldennus, Brodnicza aliàs Stroszberg, Kryszburg aliàs Dregon, quæ hæcenus fuerunt in nostra possessione & ditione cum uniuersis suis Districtibus & pertinentijs, salua dispositione quo ad Kryszburg superius expressa, præfato Sereniss. domino Kazimiro Regi & Regno Pol. aut eorum factoribus et Officialibus dimittere & resignare cum Villis, Oppidis, coherentijs, pertinentijs eorum uniuersis, nihil excipiendo, & dictorum Castrorum atq; Ciuitatum præfato Sereniss. domino Regi Kazimiro & Regno Pol. aut eorum factoribus & Officialibus infra hinc & festum Natiuitatis S. Iohannis Baptistæ proximæ uenturum effectualem, liberalem, & expeditam tradere possessionem, siue autem de manibus nostris & nostrorum, & ex nostra cessione, siue etiam alijs quibuscunq; modis præfata Castra & Ciuitates in manus & potestatem domini Kazimiri Regis & Regni Pol. deuenierint, quod per hoc huic articulo, nos Magister, Commendatores, conuentus, & Ordo censēbimur satisfacere. Prouiso & etiam ante omnia saluo, ut Sereniss. dominus Kazimirus Rex Poloniæ prædictus Ciues & subditos Ciuitatum prædictarum benigne suscipiat, & omnem offensam ex corde illis, nunquam uerbo uel facto ipsam reminiscendo, dimittet, & de bonis ac uita illos per speciales suas Regias literas in manibus nostris tradendas affecturabit. Iura eorum, libertates, & immunitates antiqua ex antiquis duntaxat confirmando. Quod idem & nos LUDOUICUS Magister, Commendatores & Ordo de Ciuibus & subditis Ciuitatum Holand, Bassenheim, Myedenburg, & Molicze facere tenebimur. Quarum etiam Ciuitatum Holand, Bassenheim, Myedenburg, Molhyrzen, & cameratum Bordeyon præfatus Sereniss. dominus Kazimirus Rex & Regnum Polo. tenebitur nobis Magistro, Commenda-



toribus & Ordini nostro infra hinc & prædictum festum Natiuitatis S. Iohannis Baptiste liberam, realem, & expeditam dimittere possessionem, exceptis sex Villis Districtus Holland, & quinque Villis Oppidi, & Districtus Molhuzeñ. quæ superius sunt nominatæ. Volumus autem quod omnes uenditiones, donationes, alienationes, libertationes, & Inscriptiones inde & super Oppidis, Villis, Castris, quæ nos Ludouicus Magister Commendatores & Ordo, dicto domino Sereniss. Kazimiro Regi prout supra assignare tenemur, huiusmodi guerris durantibus, quouis modo factæ, sint cassæ, irritæ, & nullæ, quas & sic ex nostra certa sciëntia cassamus, irritamus, & annullamus. Item ordinauimus, quod omnes profugi, spoliati, & exules, militares uidelicet Nobiles & Terrigenæ tam de Regno Pol. Ducatibus, dominijs, & Terris præfati Sereniss. Principis Kazimiri Regis & Regni sui, & Episcopatus Varmieñ. quam de Terris Prussie & Ordinis prædicti quibuscunque, possint redire ad propria, & de bonis suis dimissis disponere pro beneplacito sue uoluntatis, ad quorum quietam & plenam possessionem tenebimur illos & proximiores illorum admittere & defendere admisimus. Non obstañ. quod huiusmodi bona eorum per nos alijs quibuscunque personis sint ad uitam, aut ad tempus, uel in perpetuum, obligata, donata, uel inscripta. Quas quidem obligationes, donationes, uenditiones, & inscriptiones cassamus & irritamus reuocamus & annullamus, nulliusq; roboris esse uolumus per præsentem. Tenebimur quoque nos LVDouicus Magister, Commendatores, & successores nostri illos habere in gratia & fauore, nec unquam uerbo aut facto eorum reminisci hostilitatis, nec de illis unquam aliquam summæ ultionem, per nos uel submissam personam, publicè uel occultè, directè & indirectè, aut quouis quæsito colore: quibus etiam plenam damus licentiam de Terris & dominijs nostris ad Terras Regni Principatum & dominiorum prædictorum ratione incolatus se transferre, & bona sua mobilia & immobilia uendere, & commutare, & de eis liberè disponere pro suo arbitrio, beneplacito, & uoluntate. Ciues etiam utriusq; partis qui de Ciuitatibus uel Oppidis expulsi, uel banniti fuerant, aut alias ab eis recesserant publicè uel occultè, debent ad illos, & ad illa ire, & admitti. Bona quoq; eorum quæ ante inchoationem huius dietæ uendita uel donata alijs non sunt, debent eis restitui. Et si ad domos uel bona uendita aut donata redditum habere uelint, dato precio per emptorem exposito, aut quod pro donatis per Consulatum loci taxabitur, restitui debet eisdem, saluo etiam eo: Quod possessiones in edificijs, uel alijs oneribus occasione dictorum dominiorum, uel bonorum exposuerunt, quod similiter iuxta dictamen Consulatus loci restituere debent, antequam huiusmodi domus ipsi uel bona restituantur. Item ut præsentis pacis, fœderis, & unionis conclusio abundantiori cautela custodiatur per nos Magistrum, Commendatores, & Ordinem omnes Episcopos, Commendatores, Vicecommendatores, Aduocatos, Milites, Nobiles & ceteros Magistrat. & Official. in Ter. nostris Prus. obtineñ. Item Magistri Consulum, Consules Ciuitatum nostrarum Kunzberg, Knerpauv, Lembenycht, Holandt, Noyderburg, Passenheim ac omnes & singuli fratres Ordinis militares Prussie iurabunt pacem præsentem seruare inuiolabiliter, & inconcussè, nec ei contrauenire quacunque occasione, nec dispensationem uel relaxationem iuramenti petere, renunciando omnibus exceptionibus tam iuris quam facti, maximè, quod causa metus perditionis omnium bonorum, aut absq; consensu sedis Apostolicæ, cui ordo immediatè subest, seu quod non uocatis Magistris Almania & Liuania, & absque eorum scitu, uoluntate, & consensu, & contra Statuta & consuetudines Ordinis præsens concordia & unio celebrata & acceptata sit, & alijs non obstantibus quibuscunque. Item ut huiusmodi pacem perpetuam & concordiam sub certiori tenore, attentiori firmitate & robore in omnibus suis capitulis, cõditionibus, articulis atq; punctis custodiamus & seruiamus: Et ut pax ipsa fœdus & unio ab omni suspicionis genere sit circumscripta, pro illius subsistentia & robore adijcimus. Quod Sereniss. dominus Kazimirus Rex Pol. & nos Ludouicus Magister, Commendatores, Conuentus & Ordo per nostros hincinde factores & procuratores quos in solidū, & irreuocabiliter præsentium tenore constituimus, Venerandum uidelicet patrem dominum Iodocum Episcopum Oziliëñ. Ordinis procuratorem generalem, & Magnificum, Venerabiles, Egregios, Nobiles & circumspectos uiros Iohannem de Ostrorog, Militem utriusq; iuris Doctore Castellani Miedzyrzeceñ. Magistrum Sandiuogium Theologie professorem Præpositum Monasterij Klodauieñ. Ordinis Canonicorum regularium, Antonium de Furliuio decretorum Doctorem Camere Apostolicæ clericum, Andreā de sancta cruce, Antonium de Kafarellis sacri palatii Apostolicæ Aduocatos, Bartholomæū Kielbassa



Canonicum Gnezneñ. Magistrum Henricum, Gurdeman Decanum Ecclesiæ S. Andree Colomiē. procuratorem caufarum, Magistrum Fabianum Hanco decretorum Doctorem Canonicum maiorem & Scholasticum S. crucis Vvratislauieñ. Ecclesiarum coram summo Pontifice domino nostro Sanctiss. Papa confitebimur, profitebimur, recognoscemus, & quilibet nostrum profitebitur, & recognoscet præfatam unionem, fœdus, pacem, & concordiam Nos spontaneè, libere, sincera uoluntate sine dolo & fraude celebrasse, ordinasse, confecisse, & consumasse. Et omnes articulos, capitula, modos, & ordinem quibus pax ipsa & concordia confecta, consumata, & regulata est, ad præfati Reuerendiss. domini patris Rudolphi Episcopi Lauentini Apostolici Legati exhortationem, persuasionem, & mediationem, & de nostra mente, scitu, uoluntate, consensu & beneplacito ultroneis processisse. Instabimusq̃, petemus, laborabimus, instare, petere, & laborare debemus, & tenebimur sine dolo & fraude quatenus summus Pontifex dominus noster præsentem unionem, fœdus, pacem & concordiam per interpositionem sui specialis decreti, de certa suæ sanctitatis scientia emanandi, et per Literas Apostolicas siue bullas in omnibus ipsius articulis, capitulis, modis, ordinationibus, atque punctis acceptet, ratificet, gratificetur. Et ad perpetuam rei memoriam confirmet, pœnam quoque & censuram ad quam nos summitimus adiiciet, & apponet in præsentis pacis, unionis, & fœderis uiolatorem & transgressorem & contrariatorem cum suppletionem defectuum, si qui sunt in præsentis fœdere, ordinatione, & Inscriptione commissi, & cum derogatione Statutorum & consuetudinum. Ordinis etiam Iuramento firmatorum, aut auctoritate Apostolica uel Legatorum eius, uel quacuncq̃ alia confirmatorum, quibus fortasse caueretur, quod in magnis & arduis rebus Ordinis uocatio & consensus Magistrorum Almanix & Liunionix debeat interuenire, ac etiam cum cassatione allegationis metus, quæ per nos Magistrum, Commendatores, Conuentum & Ordinem prætendi possit, cum ad pacem præsentem conficiendam aduocationem Reuerendiss. domini Rudolphi Episcopi Lauentini Legati Apostolici sponte uenerimus, & in singulos tractatus, conditiones, & conclusiones pacis tanquam nobis proficuos & utiles nostrum ultroneum præbuerimus consensum. Quam quidem concordiam, unionem, & fœderis perpetui conclusionem, Nos Frater Ludouicus de Erlichhausen Magister generalis, cum Commendatoribus. Conuentu adiutoribus adhærentibus & subditis nostris, de certa scientia, in omnibus eius articulis, conditionibus atque punctis approbamus, acceptamus, & præsentium tenore pro subsistentia perpetua emologamus, saluis alijs quæ contra præsentis pacis & unionis ordinationem eius articulos, conditiones, capitula non sunt, nostris & nostri Ordinis Iuribus, libertatibus & priuilegijs. Quæ præfatus Sereniss. dominus Kazimirus pro se & successoribus suis Polonia Regibus approbat & confirmat. In cuius rei testimonium præfati Reuerendiss. D. patris D. Rudolphi Episcopi Lauentini sedis Apostolicæ Legati, ac nostrum, Magistrum generalis Sigilla, cum propriæ manus eiusdem domini Rudolphi Episcopi & Legati, & Notariorum publicorum subscriptione sunt appæsa. Et nos Frater Henricus de Plauen hospitalarius supremus & Capitaneus in Prayschenmarkt & Morug. Vilhelmus de Pingen Commendator in Osterrode, Vlricus de Kinsberg in Ilavv, Vitus de Gych in Brandenburg, Iohannes de Narbe, Ziffridus Vlach de Schauarczburg in Balga, Georgius de Rannung in Rein, Vlricus de Otetmberg in Licke Capitanei: Stephanus de Strothberg Vicecomendator in Kenczberg, Vlricus de Zolendorff, & Vilhelmus Geyer in Lochsteih et Schokē Castrorū, puiores: Iohānes de Klauzeyn, Iohannes Stertuncz, Balthasar Nykierzycz, Iohannes de Lako, Nicolaus Sperlink, Casper Materne, Pruszkede Huer, Bartholomæus Rauosczke, Georgius de Bole, Mattheus de Dornyk, Nicolaus de Grebin Nicolaus Kyfzkiol, Guntherus de Hozendorff, Hieronymus de Hogendorff, Iohannes Tholke, Nicolaus Raschavv, Iohannes de Dyvon, Mattheus de Leihen, Iohannes Przebendorski, Michaël de Hermanhayn, Osualdus de Sparuyn, Ludouicus de Epingen, Marcus de Federavv, Thomas de Berthlzin, Georgius Portegal, Rugelhardus Roppe, Martinus de Pokarben, Sigismundus de Freuen, Iacobus Gvvanth, Arthvvicus Domenhavv, Iohannes Thimonis, Ambrosius de Borebamth, Philippus Vayfel, Iohannes Bandynd, Guntherus de Lanvv, Nicolaus de Nothenthosen, Matthias Rokothe, Iohannes Zeleger, Michaël Hundyrtmarg, Mattheus Kolthasse, Petrus de Thyrenberg, Thomas Lenharth, Nicolaus Laylsreuange. Nos etiam ciues Ciuitatum & Oppidorum, uidelicet antiqua Knyepavv, & Lambenycht, Koniczsberg, Bartenstein, Velavv, Kastenbourg, Heyligen-



Heyligenbeil, Fredelanth de Schipemffil, & Nicolaus Dei gratia Episcopus & Capitulum nostrum Ecclesie Zambien. promittimus & spondemus, quod Venerabilis & Magnus Frater Lodouicus de Erlichhausen Magister, & sui successores Ordinis nostri, Magistri generales, singuli, presentem concordiam & perpetuum foedus, pacem: atque conventionem cum Sereniss. Principe domino Kazimiro Rege Polon. Regno ac sibi inuisceratis, Praelatis, Principibus & subditis uniuersis mutuam, conclusam, & firmam custodiam attendent, implebunt, & obseruabunt. Nos quoque omnes & singuli praedicti ipsam custodiemus, attendemus, obseruabimus, & implebimus in omnibus suis conditionibus, articulis atque punctis. Et in euidentia praemissorum literam presentem Sigillorum nostrorum ac Bulla Conuentus & Ordinis de speciali Magistri generalis atque fratrum omnium & Conuentus consensu appensione ordinauimus roborari. Actum & datum in Thorun anno Domini 1466. Indictione 14. die uero Dominica decimanona mensis Octobris, hora tertiaria de mane uel quasi, Pontificatus Sanctiss. in Christo patris domini & D. nostri Pauli diuina prouidentia Papae secundae, anno ipsius tertio. Praesentibus Venerabilibus uiris Egregijs, Strenuis, Nobilibus & Spiritualibus domino Paulo de Glouina Decano Cracou. Petro de Pnyey Prapósito Vvladislau. & Canonico Gnezñ. Iacobo de Schadek decretorum Doctore Prapósito Praemislien. & Iohanne Dlugosz Custode Vislicien. Canonicis Cracou. Henrico de Opporou utriusque iuris Doctore Archidiacono Gnezñ. Matthia Raczyszf, Vinkler decretorum Doctoribus Paulo de Panczlouicze, Iohanne Hoffeman, & Matthia licentiatis in decretis, Iohanne Stankonis medicinae Doctore Canonico Vvratislau. Bernardo de Czmenberg & Schonemberg in Kulmenhaldensz de Straszberg, Iohanne Skaski in Frandensburg & Melzak, Georgio de Sfluyen in Illau & Vonsdorff Capitaneis: Iohanne Schilling, Iohanne Thimonis, Philippo Veyffel Nobilibus de Schambia, Iohanne Folmar, Michaële Tronmyer, Nicolao Koffchelín, Luca Reyghensen Consule Ciuitatis Vvratislau. & Nicolao Hermanní beneficiato in Ecclesia Parochiali Vvratislau. & quam pluribus alijs fide dignis testibus ad praemissa uocatis specialiter & rogatis. Et ego Rudolphus Dei gratia Episcopus Laurentinus Sacrosanctae sedis Apostolicae & Sanctiss. D. nostri D. Pauli diuina prouidentia Papae secundae, ad Germaniam Legatus missus praefatus, Quia praemissa omnia tractaui, concordauí, & dum per partes acceptaretur, emologarentur, & iurarentur, interfui: Ideoque pro meliori euidentia ac testimonio hic me manu propria subscripsi huiusmodi concordiam & foedus approbando, atque ratam & gratiam habendo, Laurentinus Episcopus manu propria. Ego Iohannes Eyich de Attredarijs Clericus Colonien. dioec. Apostolica & Imperiali auctoritatibus Notarius, praefatus Reuerendiss. in Christo patris & domini dñi Rudolphi Episcopi Laurentinen. & Legati Apostolici, ac coram eo scriba. Quia praefertis concordiae & perpetuae pacis & articulorum & capitulorum in eadem concordia expressorum publicationi & insinuationi Partium hincinde concordiae acceptationi, & emologationi, exceptioni, renunciationi, pmissione, & iuramenti praestationi, omnibusque alijs & singulis praemissioni dum sic ut praemittitur per praefatum dominum Reuerendiss. D. Rudolphum Episcopum Laurentinum & Legatum Apostolicum, ac coram eo, & per Sereniss. Principem D. & D. Kazimirum Regem Pol. &c. & suos ex una, ac Magnificum D. Ludouicum de Erlichhausen Magistrum generalem Ordinis beatae Mariae Theutonicorum, & etiam suos ab altera partibus, agerentur, & fierent, una cum praenominatis testibus praesens interfui. Eaque omnia & singula prout in praefatis concordia & articulis continetur fieri uidi & audiui. Ideoque praefertis Literas concordiae & perpetuae pacis cum earum articulis & capitulis manu alterius, me aliunde legitime occupato, fideliter scriptas atque cōfectas, subscripsi, publicauí, & in hanc publicam formam regredi, signo & nomine meis solitis & consuetis, una cum dicti Reuerendiss. domini Legati, Magistri generalis, & Commendatorum praedictorum, Sigillorum appensionibus, ac cum Notarijs infra scriptis signaui in fidem & testimonium omnium & singulorum praemissorum rogatus & requisitus. Et ego Stanislaus Franke de Rakouicze Clericus dioec. Vvladislauen. publicus Imperiali auctoritate Notarius ut supra. Et ego Paulus Iohannis de Gessoue clericus dioec. Gneznen. publicus Imperiali auctoritate Notarius, &c. ut supra.



Oratio ad Diuum Paulum Summum Pontificem, nomine Maieſt. R.  
pro ratificanda pace perpetua habita.

**B**eatissime pater, & domine gratiosiss. Fidelium omnium pastor & rector, facturus apud tuam Maieſtatem, & hunc Reuerendissimorum patrum dominorum Cardinalium insignem coetum nomine Sereniss. Principis domini Kazimiri Dei gratia Regis Pol. Magni Ducis Lithuaniae, Russiae, Prussiae domini & haeredis uerba, & iussiones tuae sanctitati expositurus, circumspiciens: non commoueri, non denique fluctuare animo meo non possum, magnopere mecum reputans, quam maximum, et quam amplissimum munus mihi mandatum sit: quanquam hoc tempus, haec dies, hic locus, uirum quam alium qui ego sum, dicendi nempe peritum desideret, cui & amplior ubertas sermonis, & feratior contingit libertas ingenij, mihi etenim hac in eminentissima frequentia, hoc in amplissimo collegio, apud tuam sanctitatem nunquam alias uisam, apud uicarium Christi peroranti, mens atq; animus contrahit stuporem. Quis enim est tam facundae atq; uiuacis memoriae? quis tanta ingenij, ac dicendi polleat facultate, qui in hoc pulcherrimo coessu, & huius frequentiae corona, dignitate & excellentiam tuam metuendo, non fiat hebetior? non fiat obtusior? Te tamen sciens elementissimum, sagacissimum, & eruditissimum, & uerum nostrae religionis parentem, in singulos etiam fauore propensiore, ac beneuolentia multa propiciu, animu resumo, qui me non tantu firmat, ut fidenti & quieto animo dicam, sed etiam prouocat, & impellit, uehementerq; cogit, ut magna & hilari mente aggrediar, apud diuinas aures tuas benignissime acceptum iri, quod quicquid dixerò confidens, & eo minus possum ingenio, & magis mihi, & ignorantiae meae parsurum non ignoro, praesertim cum non meo, sed praefati Sereniss. domini Principis Kazimiri Regis auctoritate & nomine mihi incumbat dicendum, quem tua sanctitas, etiam dum illam minor haberet status: & deinde in hac tua ad summum sacerdotium diuina q̄ humana euectione, sacra foelicis recordationis domini Eugenij pape quarti praedecessoris, & auunculi tui imitata uestigia, peculiari animo fouit, extulit, & dilexit: ac suos & Regni profectus sui & commoda singulari studio & cura promouit, & procurauit, ipseq; Illustris. Princeps dominus Kazimirus Rex Pol. praefatus, q̄ primu te Culmen. dignitatis Apostolicae fauore diuino, & patrum conscriptoru uniformi et mirifico consensu, diuinis trahentibus meritis cognouit sublimatu, uniuersae primu Reipub. Christianae maximis haecenus impressio-nibus barbarorum uexatae, deinde suis, & Regni sui, & dominiorum suorum reb. optime sperare coepit: postquam te sciebat natura, ingenio, atq; uirtute, & tam optimarum artium studio, quam innocentia excelluisse: pro fidei quoq; & religionis nostrae incremento, et populi Christiani libertate uendicanda, magno semper animo, magnoq; zelo flagrasse. Quapropter Illustris. ipse Rex tantis bonis, & supernae tibi collatis, & a natura ingenitis in uniuersum catholicum Orbem in suum quoque Regnum principatus & dominia redundantibus, & redundaturis, singularissimo zelo uelut deuotiss. filius affectus, & per Orationum suorum ex bonis & necessarijs respectibus haecenus missorum sanctitati tuae publicam obedientiam uerbis, non praestitit: rebus tamen ipsis, & operibus te coluit, & recognouit, te uicarium unicum, & indubitatum summi Dei in terris tenuit, reputauit, & credidit. Iustissimis etiam tuis tam exhortationibus quam mandatis obedienter paruit. Requisitus siquidem tuae sanctitatis Literis, & deinde Reuerendiss. in Christo patris domini Rudolphi Episcopi Lauentini tuae sanctitatis ad Germaniam Legati & Oratoris sermonibus & Literis, quatenus bellum atrox & diuturnum cum Magistro & Ordine Cruciferorum ordinis sanctae Mariae Theuthonicorum hospitalis Ierosolimitani haecenus continuatum, dirimeret, & sibi a bellorum stridore temperaret (quamuis armis, & potentia, fauore hominum, insuper & successuum fortunae se sciret multo superiorem, & penè iam uictorem) monitis tamen tuae sanctitatis, & imperio, potius quam suae foelicitati & successibus differendum & auscultandum duxit: & ad dietam super plantanda pace pro die prima Septembris apud Thorun per dictum dominum Rudolphu Legatum indictam personaliter aduenit: sicq; adueniens se in conditiones aequas pertrahi consensit. In cuius quidem pacis ordinatione & tractatu dominus Rudolphus Episcopus Lauentinus, caste, sincere, integre, inter Partem utramq; duobus prope mensibus uersatus, fructum est amplissimum suae missionis consecutus: Tantam nimirum de se uirtutem, tantam industriam exhibens, quantam in terris omnibus, qui rem hanc fuere aggressi, neq; uidere, potuimus, neque sentire. Talem insuper in pace componenda, talem in dirimendis difficultatibus, talem



talem in dissoluendis nodosis disceptationibus talem in admonendo, talem in persuadendo gessit, ut Parti utriq; gratissima fuerit eius fides, modestia, & integritas. Cuius modestiæ & integritatis signū hoc uel pro maximo documento tua sanctitas accipiat, Quod singula dona quibus à Sereniss. domino nostro Rege honoratus erat, recipere constantissimè recusauit. Et quamuis ab insignibus, & grauib; uiris à Rege ad illum ea causa destitutus sollicitaretur, ut ex donis ipsis aliqua saltem grata accipere in animum induceret: iterumq; atq; iterum ne quicquā uexatus: aspernatus tamen omnia, et expeditionis frequentem instantiam, & petentium dignitatem repulit. Itaq; Pater beatissime nomine prædicti Illustriss. Regis nostri, Prelatorum, Principum, et omnium subditorum suorum, quos ambitus Regis Polonici continet, maximas tuæ sanctitati, quemadmodum iustum et condignum est, gratias agimus, maiores habemus, quamuis illas satis & ornatè agere nullatenus possumus, agit, & Venerabilis Magnificusq; uir dominus Lodouicus de Erlichausen magister generalis Ordinis prædicti, cum Sereniss. Rege domino nostro et Regno perpetuo fœderatus, & unitus, agunt, & Præceptores, subditiq; sui, tuo fauore, tuo beneficio in dudum exulantem pacem reducti. Sed neq; solum Illustriss. ipse Rex Pol. suiq; optimates subditi & Proceres, prædictusq; Magister generalis & Ordo, uerum uniuersæ uicinæ nationes & populi tuæ sanctitati gratias immortales ferre gestiunt. Nèc est ex tot linguis & populis, qui non probet, qui non laudet, qui miris laudibus non efferat, qui te beato æuo & gloria immarcescibili perfrui non optet: qui populum Catholicum maxima læticia affecisse, & in singulos pacem diffudisse non dicant, non sentiant: quæ illam generalem stitidiorum, illam bellorum perniciem sustulit, extinxit, & pacem cunctis desiderabilem æquis conditionibus perfecit: quam perficere sine te nemo alius potuit. Cum autem is Pontifex & Legatus iocundissimam pacis amœnitatem tua auctoritate & nomine confecit, dissuicissimos populos odijs propè maioribus certantes, quàm uiribus ad pulcherrimam et uniformem identitatem reduxit (quorum solidum glutinū Magistri & Ordinis Oratorum nos cōcomitantū, nostrisq; præcationib; fauentiū coram testatur conspectus) eum inquā hominem, uel ut uerius dicamus, terrestre pacis angelū, summa fide, summa probitate cōtinētiæ, innocentia, puritate, nobilissimis quoq; moribus, Partis utriusq; beneuolentiā & existimationē cōsecutū, tua sanctitas charum habeat, & sublimem: quemadmodū dignus & meritis est, precamur, decoret, pacemq; confectā, pro solidiori illius subsistentia, sua auctoritate, suiq; apostolici interpolatione decreti approbet, & in singulis suis cōditionibus & articulis (id enim Pars utraq; deposcit, præcatur, & desiderat) suis Literis confirmet. Rex autē clarissimus noster, dudumq; tibi & sedi apostolicæ deditissimus, præstitam tibi alias obediētiā iterū atq; iterū præstat, & innouat. Teq; unicū, summū Pontificē, uniuersalisq; Ecclesiæ uicariū indubitātū Iesu Christi per nos humiles Oratores suos profitetur, & recognoscit. Rogans humiliter & deprecans sanctitatē tuā, ut ad defensionē catholicorū, exterminū barbarorū, atq; in augmentū religionis, quod cœpit zelo & studio, intendat, ipsum Regem, Regnum suum, & Illustrissimam coniugem suam, natos, Prælatos, Principes, & subditos: singulariter quoq; præfatū dominū Ludouicū Magistrū & Ordinē suum, principatus, & dominia ipsorum habere uelis singulariter recommitissos, qui se tuæ sanctitati, omniaq; sua, beneuolos & deuotissimos exhibent, tuæ quoq; fidei & obediētiæ se submitunt, gratō & prono animo facturos singula quæcūq; spectare uiderint in tuę sanctitatis & sacrosanctæ uniuersæ Ecclesiæ honorem, statum, beneplacitum, & augmentationem: ad laudem indiuiduæ Trinitatis, tuæq; beatissimæ sanctitatis.

Et quanquam Priuilegium Bresten. pacis ex reuersalibus Literis in Thesauro existentibus præsentī communi Priuilegio ascriptum fuerit, continens conditiones dictæ Pacis eas, quæ infrascriptæ sunt: Tamen quia scribuntur puncta & conditiones in uno, quæ non continentur in altero: Idcirco NOS ALEXANDER Rex articulos eiusdem PACIS BRESTEN. ex Priuilegio Ducatum Mazouię sumptos, in omnem euentum, ac communem subditorum nostrorum instructionem decreuimus  
suprascriptis ascribendos, sic  
ut sequitur.



**I**N primis per prædictos dominos Regem & Duces Pol. Terras Lithuaniam, Samogitarum, Ruffiam, Mazouiam, & Stolpen. & alias dominiorum ipsorum, & subditos ab una: & prædictum Magistrum generalem & Ordinem, Terras & subditos ipsius, tam in Prussia & Almania, quam Liuania & noua Marchia parte ex altera: omnes dissensiones, controuersias, & damna inter Partes hincinde facta dimissa & totaliter sopita debent esse. Ne illorum de cætero aliqua mentio, aut memoria, & signanter in querelis, aut in detractiōe Partium aliqua coram quibuscunque personis habeatur, aut fiat: Sed nec una Partium ad instantiam alterius suggeret, consentiet, auxilium dabit & fauorem publicè uel occultè, & quantum in ea parte fuerit, delationes & detractiōes huiusmodi fieri non admittat, sed potius prohibebit. Item quod omnia bona Ecclesiarum Gneznen. Vvladislau. Plocen. Posen. Prælatorum, Abbatum, Monasteriorum, Conuentuum, & aliarum quarumcunque personarum Sæcularium & religiosarum, quæ sunt in Terris Ordinis sita, debent circa lura omnia tam Ecclesiastica, quam Sæcularia, & omnes antiquas consuetudines, quæstus, decimas, Castra, Villas, prædia, Curias, & alias utilitates, emolumenta, & prouentus, quibuscunque nominibus nuncupentur, cõseruari, nec aliquibus nouis consuetudinibus seruitijs & oneribus aggrauari. Quodque eadem bona non alienentur, nec per eorum alienationem instetur per Partes, sine consensu Prælatorum speciali. Omnes autem censūs, decimas, prouentus & alias obuentiōes qualescunque in Terris Ordinis consistentes, quos & quas Magister & Ordo prædictis Reuerendiss. patrib. dñis Archiepiscopo Gneznen. Vvlad. & Plocen. Episcopis, alijsque Prælatibus Sæcularibus et Regularibus Regni Pol. per biennium subleuauerat, plenè & integrè restituant, & restitui faciāt: mediætatem infra hinc ad festum Purificationis Mariæ: Reliquam autem partem ad festum Paschæ proximè nunc uenturum in Ciuitate Thorunen. Item de Limitibus Ducum Mazouiarum hoc statuimus, quia remanere debent circa Literas quas habent. Et similiter qui in Literis nostris & Ordinis super eisdem Limitibus continentur, & ubi in Literis limites descripti non fuerint, ad eosdem firmandos præfati Duces suos Consiliarios destinare debent, similiter & Ordo. Quæ uerò Partium euidentiori testimonio, uel alijs legitimis probationibus suos limites probauerit, & suas esse granicies docuerit: hæc remaneat circa ipsas. Et in casu quo utraqque Partium granicies & limites legitimis probationibus probare non posset, stabit in optione Magistri, an uelit iurare pro eisdem graniciebus uel dominum Ducem admittere ad iuramentum pro eisdem. Cum Duce autem Boleslao limites alias ut prius facti, pro quibus non est discrepantia, renouentur. Item Terræ Samogitarum & Sudorum propter bonum pacis debent apud nos & Regnum Pol. ac Ducatum Lithuaniam sub limitibus superscriptis remanere perpetuè & in æuum. Item à fine limitum Ducum Mazouiarum incipiendo à flumine Lyk, & uado dicto Kamyonibrod, qui iacet in superiori parte eiusdem fluminis Lyk, altius quam isti lacus Brayuo, Thoczylow: & ab illo directè eundem per solitudinem usque ad locum qui dicitur Rohoth, ita quod mediætas eiusdem lacus remaneat in Terris domini Ducis Lithuanie, & reliqua mediætas in Terris Ordinis, & ab illo lacu directo tramite per desertum usque ad quandam arcam dictam Mernusk, et à Mernusk eundem directè usque ad lacum qui uocatur Dvvischicz: Ita tamè quod idem lacus remaneat totus in parte Ordinis: Et ab eo lacu quo directius iri potest ad ortum seu summitatem fluminis dicti Lepnica (per) eundem fluuium descendendo usque ad consumationem eius, ubi intrat in fluuium Scheschupa, procedendo per solitudinem usque ad rippam fluminis Memel, & ex opposito fluminis dicti Svvyanta, ubi idem fluuius Svvyantha intrat fluuium Memel prædictum: Et hoc quo ad Terram Sudorum, tandem (per) fluuium sursum ascendendo per duo milliaria, & ab illo loco (per) illum fluuium descendendo, transeundum est per solitudinem quo directius iri potest usque ad fluuium Iura: Relinquendo fluuium Memel in sinistro latere ubique per duo milliaria, Et dictum fluuium Iura ascendendo unum milliare, A quo loco Iura fluuius deferendus est, et transeat per solitudinem, relinquendo fluuios Memel, & Rufsna lacum qui dicitur Hap, et Castrum Memel in Samagitto Klupedo appellatum, undique à sinistro latere per tria milliaria: & sic transeundum est usque ad littus Maris salis. Et hæc sunt granicies Terræ Samogitarum & Prussiae. Inter Liuaniam uero, Samogitiam, & Rufsiam limites sunt incipendi à flumine dicto Helge, ubi dictus fluuius intrat mare, per eundem fluuium ascendendo sursum ad antiquos limites inter Samogitiam, Lithuaniam, Rufsiam ab una, & Liuaniam ab altera partibus, tentos & obseruatos. Non tamen ad illos limites qui signati sunt eo tempore quando Ordo Terram Samogitarum tenuerat, sed ad illos qui antiquitus inter Terras prædictas sunt seruati. Item datia siue exactio Funtovvczol super quæ priscis tempo-



temporibus & hactenus controuersia inter Magistrum & Ordinem, ac Mercatores Terrarum Regni Pol. uertebatur, & semper pendebat ex certis causis indecisa, talem ponimus ordinem: Quod Mercatores Regni præter alia quæcunq; grauamina & solutiones in posterum imponendas, quibuscunq; nominibus censeantur, respondeant Ordini de eadem duntaxat, si quando illos contigerit cum bonis suis in nauibus proprijs nauigare ultra mare. Ita tamen, Quod si Ciuitates maritimæ libertatæ & solutæ uia iuris fuerint ab eadem, quod Ciues, Mercatores, & Indigenæ Regni & Terrarum Polon. Lithuanie, Mazouie, & Russiæ à solutione quoq; huiusmodi sint liberi & exëpti. Et illa omnia ab eis, à tempore quo præsens pax perpetua est firmata, ratione huiusmodi exactiõis sunt recepta, integraliter restituentur per Ordinem prædictis Mercatoribus Regni uiceuersa absq; recusatatione & renitentia: qualicunq; interruptione, cõsuetudine, præscriptione, & diuturnitate temporis non obstante: Si uero per concordiam extincta fuerit, ad restitutionem receptorum minime teneantur. Aliæ autem omnes et singulæ exactiões quibuscunq; nominibus uocitètur, à Mercatoribus, & Terrarum Regno Pol. subiectarum ut præfertur indigenis, in Terris Magistro & Ordini subiectis. Et specialiter exactio quædam dicta Lobegalth, et Firthen nullatenus de cõterio imponantur. Item liber sit transitus & uia omnibus Mercatoribus & Incolis Regni Pol. & Terrarum Lithuanie, Samogitarum, Mazouie, Russiæ, & Stolpeñ. cum suis mercantijs, frumentis cuiuscunq; grani, & rebus quibuscunq; & cuiuscunq; conditionis uel manerici existant, sine impedimento uel angaria per Terras, & maria, aquas, & flumina quæcunq; ascendendo, in & ad Regnũ Pol. Terras Lithuanie, Samogitarũ, Mazouie, & Russiæ: & descendendo per Terras dominiorum Ordinis, & per ipsa flumina seu aquas usq; ad maria et transmare in nauibus uacuis siue oneratis, magnis siue paruis, absq; aliquo arresto & impedimento Ciuitatum seu Oppidorum, et specialiter circa Thorun, quocunq; & quotiescunq; uoluerint. Quas quidem merces, frumenta, & res, ut præscriptum est, si præfati Mercatores siue Incolæ Regni nostri Polon. & Terrarum suprascriptarum, ducentes, uendere aut stare in aliquo locorum seu Ciuitatum ad portum, seu rippam prædictarum aquarum siue maris situatorum, siue situatarũ uoluerint, est, & debet esse in ipsorum arbitrio & uoluntate. Si uero uendere noluerint, possunt absq; omni impedimento ire seu ascendere uel descendere quo eis placuerit cum rebus prædictis ut superius est expressũ. Item si aliquãdo contigerit quod subditi nostri tam Spirituales quam Sæculares cuiuscunq; conditionis existant, status uel ordinis, uolendo pacis perpetuæ præsentis concordie fœderibus contraire, uel alijs causis legitimis occasione prædicta emergentibus fortasse indignationẽ nostrã incurrerent, & formidine pœnæ ac metus qui cadit, in constantẽ, recurreret ad Magistrũ & Ordinẽ, exposita causa metus tenebĩt Magister & Ordo talẽ & taliter ad dominia Ordinis fugientẽ suscipere, & fouere, ipsumq; fugientem ad iusticiam exponere, causamq; sui recessus corã nostra Maiestate per suas Literas uel nuncios allegare: ita quod nos post intimationẽ Magistri & Ordinis tenebimur in termino competẽti circa limites de parte nostra duos Barones aut Milites de nostris ponere, & Magister de suis totidem: Qui taliter ex utraque Parte electi, cognita sui recessus causa, debebunt de ipso bonam facere iusticiam, & iuxta merita causæ coram eis introductæ, tali personæ fugienti de pace & securitate per declarationem suam apud nostram Regiam Maiestatem cum bonis conditionibus assecurationi suæ prouidere. Ita quod nos propter hoc, contra personam prædictam fugientem, ad aliquam ultionem, parendo declarationi illorum Iudicum, electorum, non cõsurgamus: Sed eum pristinis fauoribus, sicut & cõterios subditos complectemur. Item & subditi nostri, & Magni Ducis, et Terrarũ nostrarũ prædictarum, undecunq; & cuiuscunq; gradus, status, uel conditionis fuerint: qui causa negociationis uel alia ad Terras nostras Prussie, Lithuania, uel aliàs uenerint, per nos & subditos nostros, ac extraneos cuiuscunq; gradus, status, aut conditionis fuerint minimẽ impeti, cõueniri debent, uol arrestari: sed in Polonia, Lithuania, Mazouia, Russia, seu Terra Stolpeñi quid Actionis habuerint iuxta Terrarum Iura municipalia huiusmodi contractionis sopiantur. Delinquens tamen in loco delicti depræhensus, & contrahens de contractione recentĩ in loco contractus poterit conueniri. Sed si de loco ubi contraxit recesserit, publicẽ uel occultẽ, coram Iudice suo conueniatur. Item si fures, incendiarios, uel alios malefactores quoscunq; de dominijs Regni nostri quibuscunq; ad Regnum nostrum, Ducatus, & Terras nostras prædictas fugere contigerit: extunc Terrigenæ & quorum interest, de Terris & dominijs Regni nostri licenter eosdem sine omni impedimento insequi libere ubicunq; poterint: Quibus etiam Capitanei, Tenutarij, Terrigenæ, Iudices,



Officiales, & subditi dominorum nostrorum præfatorum quicumque super hoc fuerint requisiti, debent præstare auxilia, consilia, & fauores ut malefici huiusmodi capiantur: captique iuxta lura municipalia Regni nostri legitime puniantur. Et si capi non poterint in Regno & Terris nostris sæpe dictis per nos & subditos nostros, ut alias nullatenus sustineantur seu foueantur. Teneanturque utraque Pars illis sine fraude & dolo in suis dominijs incolatum prohibere, aut in metis Terrarum, quos huiusmodi tangit negocium, exhibere de eis iusticiæ complementum. De malefactoribus autem de Terris Ordinis Prussiae & Lithuaniae ad Reg. nostrum confugientibus similis æquitas habeatur. Item neutra Partium debet aliquem, uel aliquos etiam subditos alterius Partis in suis dominijs fauore ac tolerare, qui alteri Parti, eius subditis, aut subdito diffidare uelit, aut uelint, ac diffidant, damna irrogant, seu infidelitatem commiserint, uel alias graues inferrent molestias, imò & inimicis Parti aduersa adherere possint: eos per Terras suas permittere in præiudicium & offensam alterius sine dolo & fraude quoquomodo. Item omnes coadiutores & adherentes qui in fauorem nostri & Regni nostri Pol. coadiutorum, & subditorum nostrorum, Magistro & Ordini Prussiae diffidarunt, & ab omni impetitione Magistri & Ordinis prædicti sint liberi & soluti. Item omnes Apostatae Ordinis prædicti in Regno nostro, & Terris Lithuaniae, Samogitarum, Mazouie, Russiae, & Stolpe. & alijs dominijs Regni nostri & Terrarum prædictarum commorantes, ne diutius in suis peccatis tolerentur: de Regno nostro & dominijs nostris prædictis per nos & Officiales nostros exire cõpellantur, & deinceps ipsi & alij in eisdem nullatenus foueantur. Item quod nullus Mercator seu alius homo cuiuscunque conditionis existat, aut bona ipsius, propter delictum seu debitum alterius arrestetur, uel turbetur, nec etiam captiuetur. Item si Victores & aurigæ bona seu merces Mercatorum pro precio ducentes telonea seu loca datiarum præterierint, ipsi duntaxat in rebus & equis proprijs puniantur. Et quod propterea bona Mercatorum non debent occupari, nec detineri. Item Illustris princeps dominus Boguslaus Dux Stolpe. ab una, Magisterque & Ordo prædicti ab altera partibus, ad distinguendum et reformandum limites inter Ducatum Stolpe. prædictum & Terram Ordinis in Pomerania nuncios ex utraque mittant in festo Ascensionis domini proxime nunc futuro, ubi dum conuenerint Pars domini Ducis eliget duas aut tres personas de parte domini Magistri & Ordinis. Et e converso dominus Magister & Ordo duas aut tres personas similiter de parte Ducis: Quæ personæ sic electæ præstato corporali iuramento, uisus Partium iuribus, Literis, aut legitimis documentis, differentias huiusmodi, si commodè poterint, terminabunt. Si uero non possent, extunc eligent unum unanimi consensu pro Iudice: qui habendo Deum & iusticiam præ oculis, quæstionem prædictam inter Partes iudicialiter, quâto breuius poterit, terminabit. Cuius decisioni Partes beneuolè obediunt & parebunt. Item ut huiusmodi pacem perpetuam & concordiam sub certiori attentionis firmitate et robore custodiamus & seruemus, promittimus sine dolo & fraude, sub fide & honore, quod ad nullius uiuentis hominis requisitionem, inductionem, suggestionem, persuasionem, uel mādatum, etiam quacunque dignitate præfulgeat, Papali, Imperiali, uel Regali, aut cuiuscunque congregationis legitime personarum Ecclesiasticarum uel Sæcularium debemus uel poterimus contrahere ipsi in toto uel in parte, expresse, manifeste, uel occulte, per se seu alium uel alias quacunque personas submissas, Spirituales uel Sæculares, neque eas taliter, aut quocunque modo alio uiolare: Etiam si Imperator personaliter cum exercitu se contra nos, Regnum nostrum, aut Magnum Ducatum Lithuaniae moueret. Non debemus ei, nec successores nostri assistere, ope, consilio, auxilio, uel fauore. Item ut omnia præmissa certiori cautela munita iugiter permaneant, & ut Pars contra Partem metu animaduersionis præsentis concordiae ad bella, & prælia non consurgat: statuimus decernentes, Quod nostri prælati, Milites, Nobiles, Ciues, & tota communitas debeat & teneatur Terrarum Regni Pol. Prælati, Baronibus, Militibus, Nobilibus, Ciuibus & toti communitati. Dare certas nostras Literas, & pares siue reuersales ab ipsis sub eadem forma recipere, quas tam nos, quam præfatus Ordo utrisque subditis nostris dare promittimus, & debemus, ipsique subditi nostri easdem subditis domini Magistri & Ordinis, & e converso subditi Ordinis subditis Regni nostri dare & representare tenebunt in termino sub his, uel similib. uerbis. Quod si nos uel successores nostri stante huiusmodi pace perpetua, Magistro aut Terris Ordinis uellemus aut cõnaremur huiusmodi guerras aut bella mouere, non debent nobis subditi nostri cõsentire, nec in hoc obedire, aut parere. Imò erunt ab omnibus nostris homagijs, iuramentis, & subiectionibus liberi et soluti, donec in hoc casu nos ad obseruationem huiusmodi pacis perpetue reuertemur.

Item



Item si aliqua noua dissensiones, displicentia, damna, siue discordia inter nos, Lithuania, Samogitarum, Mazouia, Terras Russiae & Stolpen. ex una: ac Magistrum & Ordinem praedictum tam per Russiam quam Liouoniam emerferint, uel aliqua Partium presenti concordiae furadente diabolo contrahere quouis modo praesumpserit. Ex tunc Pars laesa alteri tenebitur & debeat Nuncijs aut scriptis huiusmodi iniurias & displicentias seu aliquod praemissorum significare. Et tandem ambae Partes efficere & procurare sine dolo & fraude quod Consiliarij ipsarum Partium ad certos locum, & diem conueniant competentes, qui huiusmodi displicentias & iniurias secundum Deum & Iusticiam, omni fauore & odio postpositis, tractent, cognoscant, terminent, & decident. Item omnes uiolationes Treugarum, pacis, foederis, stipulationum, & contractuum si quae inter Partes praedictas in guerris praedictis accidissent: uigore praesentis concordiae cassamus, & annihilamus.

Finunt articuli ex Priuilegio Ducatum Mazouiae de pace Bresten. sumpti.

SIGILLA PENDENTIA AD LITERAM PACIS  
PERPETVAE.

SIGILLVM Maiestat. Regiae.

Item Magni Ducis Lithuaniae.

SIGILL. DVCVM MAZ.

Semouiti.

Kazimiri.

Vladislai.

Boleslai.

SIGILLA

Item quatuor Ducum Lithuaniae.

Item Boguslai Ducis Stolpen.

SIGILLA ARHIEPISCOP.

Gneznen.

Leopolien.

SIGILLA EPISCOP.

Cracouien.

Vladislauen.

Plocen.

Posnani.

Vilnen.

SIGILLVM

Item Castellani Cracouien.

SIGILLA PALATINO.

Cracouien.

Posnani.

Sandomirien.

Calisien.

Siradien.

Lancicien.

Bresten.

Vladislaur.

Vilnen.

Troczen.

Plocen.

Varssouien.

Leopolien.

Cameneen.

Belzen.

SIGILL. CAST.

Posnani.

Sandomirien.

Calisien.

Gneznen.

Siradien.

Lancicien.

Bresten.

Vladislaur.

Miedzyrzecen.

Vilnen.

Troczen.

Plocen.

Dobrynen.

Czyrnen.

Varssouien.

Leopolien.

Cameneec. Rus.

Cameneec. Pod.

Lublinensis.

Voyniczen.

Byeczenlis.

Radomienlis.

Landensis.

Rosperien.

Brzezinen.

Konarien.

Rupinen.

Gostinen.

Rauen.

Szochacouien.

Cziechonou.

Koualen.

Krussvicien.

SIG. OFFIC.

Marsch. Reg.

& Officialium

Regni Polon.

SIG. SVCC.

Cracouien.

Posnani.

Sandomirien.

Calisten.

Gneznen.

Siradien.

Lancicien.

Bresten.

Vladislauen.

Plocen.

Czyrnen.

Varssouien.

Leopolien.

Cameneen.

SIGIL. VENATOR.

Brzesten.

Czyrnen.

Vladislauen.

Varssouien.

SIG. GLADIFEROR.

Cracouien.

Siradien.

Posnani.

Lancicien.

Bresten.

SIG. SVBDAPIFER.

Cracouien.

Posnani.

Sandomirien.

Calisien.

Gneznen.

Siradien.

Lancicien.

Bresten.

Vladislauen.

Plocen.

Czyrnen.

Varssouien.

Leopolien.

Dobrineen.

SIG. SVBPINCER.

Cracouien.

Posnani.

Lancicien.

Bresten.



Bresten.	Subcamerarij.	Pincernæ.
SIGIL. OFFICI. CVR.	Theſaurarij.	Incisoris,
Marſchalci.	Magiſtri coquinæ,	Dapiferi.

**Liber tranſitus omnibus Mercatoribus & incolis Regni Pol. & Terrarum Lithuaniae, Samogitiae, Mazouiae, & Ruſſiae cum omnibus mercantijs per terras, maria, & trans mare in perpetuum per Terras Cruciferorum tam Pruſſiae, quàm Liunioniae permittitur.**

**F**Rater Paulus de Ruſzdorff Ordinis beatæ Mariæ domus Teuthonicorum Hieroſolym. Magiſter generalis, Significamus tenore præſentium uniuerſis. Quomodo inter cætera noſtræ ſynceritatis & benignitatis ſtudia, quæ ad ſubditos & ſubiectos dominiorum Ordinis noſtri quadam humanitate libèter gerimus, diebus, noctibusq; meditantes in animo fatigamur, ut iſtis tranquillitatis remedia, pacis dulcedinem & requiem procuremus opulentam. Igitur conuenientibus nobis unà cum Prælatiſ & Præceptoribus, cæteriſq; Ordinis noſtri fratribus, ac ſtrenuis Militibus, & prouidiſ Ciuibus, fidelibus noſtris dilectiſ infra ſcriptiſ, ſeria ſexta in craſtino Aſcenſionis Chriſti & diebus ſequentibus, in Ripa fluminis Viſla, in hæreditate Nyeffoua Vyladiſlau. dicec. ex oppoſito Oppidi noſtri Thorun ex una: & Sereniſſ. Principe, Magnificoq; dño VV. Ladiſlao REge Pol. &c. factæ, & initæ, contentos iſtis articuloſ præfatæ concordiae in nullo penitiſ contraueniẽtes, ſed iſpoſ magiſ ac magiſ approbanteſ & confirmanteſ per capitula, diſtinctioneſ, & clauſulaſ infra ſcriptaſ, declarauimur & elucidauiſ ac tenore præſentium elucidamur. In primis ſi quidem. Quod uia libera eſt, & debet eſſe, omnibuſ Mercatoribuſ, & incoliſ Regni Pol. & Terrarum Lithuaniae, Mazouiae, Ruſſiae, & Samogitarum tranſeuntibuſ cum eorum mercantiſ & rebus quibuſcunq; per Pruſſiam & Liunioniam & aliaſ Terras Ordini ſubiectæſ, antiquiſ tamen teloneiſ & depoſitiſ ſiue modiſ deponendi merceſ conſuetudinibuſ, & obſeruantiaſ aliſ ſemper ſaluiſ, prout in articulo octauo Literæ unioniſ, & concordiae perpetuæ quæ ſic incipit. Item omneſ Mercatoreſ, &c. eſt expreſſum. Item liber ſit tranſitus & uia omnibuſ Mercatoribuſ & Incoluſ Regni Pol. & Terrarum Lithuaniae, Samogitarum, Mazouiae, & Ruſſie cum ſuiſ mercantiſ, frumentis cuiuſcunq; grani, & rebus quibuſcunq; & cuiuſcunq; conditioniſ uel maneriei exiſtant, ſine impedimento, uel angaria per Terras, & maria, aquaſ & flumina quæcunq; aſcendendo in & ad Regnum Polon. Terras Lithuaniae, Samogitarum, Mazouiae, & Ruſſiae: & deſcendendo per Terras dominiorum Ordiniſ noſtri, ac per iſpâ flumina ſeu aquaſ uſq; ad maria & trans mare in nauibuſ magniſ ſiue paruiſ in perpetuum, quocunq; ſeu quotieſcunq; uoluerit: quaſ quidem merceſ, frumenta, & reſ, ut ſcriptum eſt, ſi præfati Mercatoreſ ſeu incolæ Regni Pol. & Terrarum ſupra ſcriptarum ducenteſ uendere aut ſtare in aliquo locorum ſeu Ciuitatum ad portum ſeu ripam prædictarum aquarum ſiue maris ſituatarum, uel ſituatorum uoluerint, eſt, & debet eſſe in iſpoſ arbitrio & uoluntate. Si uerò uendere noluerint, poſſunt abſq; omni impedimento ire ſeu aſcendere, uel deſcendere quò eiſ placuerit cum rebus prædictiſ, ut ſuperiùſ eſt expreſſum. Item de datia, Pfundtzol uulgariter dicta, Conſiliarij domini Regiſ prædicti propoſuerunt. Quomodo prædicta Datia ſit noua, & depoſita fuerat, neque eo tempore exiſtit, quando pax & concordia eſt facta & firmata, neque prædicta Datia impoſita fuit ad longa tempora, ſed tantum ad pacificandum mare eo tempore quo Regina Daciae Margaretha cum Alberto Rege Suetiae tenuit guerram. Ex aduerſo Conſiliarij Ordiniſ noſtri dixerunt, quod hoc teloneum Pfundtzol fuit ante iſtam pacem & concordiam perpetuam, nec unquam fuit depoſitum, nec articuluſ in litera concordiae poſituſ continetur, quod aliqua telonea deberent deponi: Sed demonſtrat, quod nulla noua telonea ſunt inſtituenda: propter quam diſcrepantiã & dubium ſic eſt concluſum. Quod de cætero prædicta Datia Pfundtzol, & eiſ ſolutio ſuſpendatur, & ſit ſuſpenſa: nec ad iſpſuſ ſolutionem Mercatoreſ duntaxat & Incolæ Regni Pol. & Terrarum prædictarum teneantur, tam diu quouſque cognoſcatur & diſcutiatur, an ſecundum diſpoſitionem & tenorem Articuli octauo, à capite de quo ſupra eſt facta mentio, debeat deponi, quo ad Mercatoreſ & Incolæ Regni Polon. & Terrarum prædictarum. Item quod omneſ Mercatoreſ & Incolæ Regni Polon. & Terrarum Lithuaniae, Samogitarum, Mazouiae, & Ruſſiae, à ſolutione cuiuſdam pecuniæ uulgariter Lobegeld nuncupata, quæ à frumento in



Gdansk recipiebatur, perpetuo sint liberi & exempti, nec ad eius solutionem de cætero teneantur. Item omne Mercatores & Incolæ Terrarum & dominiorum Ordinis nostri in Terris Regni Polon. duntaxat, Dobryneñ. Cuiaviëñ. Lancicieñ. Siradieñ. & in Polonia in Ciuitate Gnezneñ. tantum liberè possunt pannos uendere, & per ulnas incidere in foris annalibus Ciuitatum seu Oppidorum prædictorum: possunt etiam emere & ducere frumenta, pecudes, & pecora ac quascunque alias res in foris septimanalibus quibuscunque. Item quod teloneum & depositum uulgariter Niderloge, circa Landisberg, & Castrum in noua Marchia, quæ dicuntur de nouo imposita, suspendantur: nec à Mercatoribus & Incolis Regni Pol. exigantur seu recipiantur: sed dentur ad fideiussoriam cautionem tamdiu quousq; dominus Rex, & nos Magister ad limitadum granicies inter Poloniam & nouam Marchiam nostros Nuncios transmittemus, & ibidem nos Magister & Ordo prædicti recepta primitus informatione & impositione nouitatis telonei & depositi prædictorum per dictos nostros Nuncios, id quod nouum, & inconsuetum fuerit deponemus & tollemus. Item de uectura salis, de Prussia per Terram Dobryneñ. suspensum est usque ad responsionem domini Regis Poloniae, &c. In quorum omnium testimonium & euidentiā pleniorē Sigillum nostrum præsentibus est appensum, præsentibus & tractantibus Reuerendis in Christo patribus & dominis dominis Iohanne Culmeñ. Gerhardo Pomeranieñ. Ecclesiarū Episcopis, Venerabilibus & Generosis Ordinis nostri fratribus Luduigo de Landzē Marschalco supremo Henrico Holt supremo hospitario in Elbingo, Nicolao Iorlicz supremo Trapiario in Krisburg, Martino Kemerater in Thorun, Iodoco Hoenkirchen in Tuchola Cōmendatoribus. Egregijsq; & Religiosis Ordinis nostri professis. Actum & datum in Ripa fluminis Visla in hæreditate Nyessoua Vylad. diœc. ex opposito Oppidi nostri Thorun, feria quarta infra octauas Ascensionis Christi. Anno Domini. 1424.

Cum Vvladislaus Iagel. tandemq; Kazimirus suus filius Terras Prussiae per Cruciferos de corpore Regni occupatas uterq; eorum recuperarat, & eas reuiniuit suo corpori Regni, à quo per Ordinem dismembrate erāt, restituendo eas ad corpus Regni: suæ incorporationis Literas dedit, habenturq; in Terris Prussiae pro Priuilegijs Terræ, de quib. infra scripta pūcta sunt trāssumpta: quæ licet sint in Priuilegio incorporationis Terrarum, quod habetur in Thesauro Regni: Tamen quia nonnulla sunt hic quæ in Priuilegio incorporationis non uidentur contineri. Idcirco præsentia pūcta scienda sunt propter iustitiam incolarum Pruss. ad quod communiter se referre consueuerunt.

**P**ROmittentes insuper pro nobis & hæredibus successoribus nostris. Quod præfatos Barones, Nobiles, & Ciues, & singulos incolas Terrarum nostrarum prædictarum Prussiae, in iuribus, libertatibus, Literis, munimentis eorum, quæ à Principibus Spiritualibus & Sæcularibus Regibus & dominis Terrarum prædictarū obtinent, conseruabimus, fouebimus, defendemus, nec unquam ea uiolabimus, aut præuaricabimur, aut uiolari, aut præuaricari quomodolibet permittemus. Si autem alicui Ciuitati, uel priuatæ personæ Priuilegium amissum fuerit, aliud de consilio Consiliariorum Terrarum illarum gratiosè dabimus & largiemur: dum modo in hæreditatis & bonorum, quorum à nobis petetur Literalis innouatio, petens fuerit in pacifica continua & præscriptionem habere possessione. Ut autem nostræ libertatis, æquitatis, & iustitiæ dexteram in his subiectionis eorum & nostræ acceptionis foelicibus dante Domino primitijs sentiant, in uniuersos & quemlibet eorum effusam, & immutatione Principum cōmutatam etiam & sublatam deprehendet oppressione, datiam quæ in uulgari Fundczol dicitur. Item omnia telonea in aquis, & terra, noua & antiqua obseruatiā in Terris duntaxat Prussiae quomodolibet instituta. Item in Terra Pomeraniæ Exactionem siue datiam, quæ portus aliās Marzard ueteri institutione Ducum Pol. uocabatur, Regia munificentia tollimus, abrogamus, deponimus, ac solutionem illarum temporibus perpetuis resoluiamus, dimittimus, & relaxamus, in ullo unquam tempore per nos aut successores nostros Reges Polon. ex quacunque causa aut occasione instituendam aut imponendam.

Item



Item licet Magister & Ordo occupatione Terrarum prædictarum omnia bona & merces quarumcumq; manerierum, diuina permissione naufragium in mari passorum, uelut propria ex naufragio, quasi iuris sui facta occupabant: Nos tamen qui Rex Catholicus sumus, & sortē huiusmodi & naturali, & diuino iure, sedisq; Apostolicæ decreto damnatā, uelut crudelem & iniustam execrantes, pollicemur, quod res et bona cuiuscumq; ponderis, aut ualoris existant, earum personarum quæ maris naufragio periclitabuntur, nunquam per nos aut Officiales nostros uelut nostras, aut iuris nostri petemus aut requiremus, sed illas absq; aliquali diminutione per eos quorum ante naufragium fuerūt, aut eorum propinquiores, demonstratione euidenti propinquitatem probantibus, colligendas, & in usum conuertendas beneplacitos decernimus: contrariæ consuetudini aut iuri, uel potius corruptelis pro nobis, & successoribus nostris renunciando. Nisi forte nullus bonorum huiusmodi extaret iustus hæres & successor, quoniam in casu illo bona ex naufragio habita nostræ potestati uolumus subiacere. Item omnes militares Nobiles, Ciuēs, et Incolas Terrarum prædictarum in ius, conditionem, & proprietatem Regni Pol. translatos & inuisceratos, hac etiam prosequimur prærogatiua. Quod Dignitates & Officia hactenus illic consistentia & impofterum constituenda. Item tenutas Ciuitatum et locorum in Terris prædictis nulli extraneo aut forensi, sed proprio indigenæ iuxta obseruantiam aliarum Terrarum Regni nostri conferemus. Item omnes causas notabiles dictas Terras concernentes cum Consiliariorum consilio Terrarum prædictarum tractabimus, terminabimus, & definiemus. Item Terras prædictas sub nostro regimine & Regni Pol. corpore consistentes in suis antiquis gadibus, limitibus, terminisq; conseruabimus, tuebimur, & defendemus, nec terminos & gades Terrarum ipsarum in aliquo diminui, uel periclitari, uelut Regni nostri partes indiuiduas ullatenus patiemur. Item cum Terræ ipsæ & homines ipsas incolentes uarijs hactenus Legibus siue Iuribus uidelicet Maydeburgen. & Culmen. Polonicæ, hæreditario, & Pruthenico, in decidendis quibusuis & eorum questionibus & administratione iusticiæ utebantur: quod etiam illis sub nostro principatu & regimine uolumus firmum esse & perenne, ea licentia attributa, ut liceat cuicumque de tunc iure in aliud, sine tamen aliorum præiudicio quo uoluerit transmigrare. Item cum moneta, iustam, fidelem, ligam, pondusq; habentes, cussio, Terrarum quamlibet, uehementer, & Nobilitatem fecundet: uolumus, ut in quatuor locis Terrarum prædictarum uidelicet Thorun, Elbing Gdansk & Königsberg, duntaxat guerra durante, fidelis & iusta, imaginem nostram & subscriptionem tituli nostri continens, cudatur moneta: præfactorum Militarium, Ciuium, Terrarum prædictarum impensis. Pace autem suffragante & habita, tantū in Thorun & Gdansk sine præiudicio priuilegij Thorunen. Ciuitatis, nostris Regijs cudantur impensis. Prouiso tamen quod Moneta ipsa in pondere & grano, & liga debita nullatenus minuatur. Item, quia nos pro bene gerendis rebus dominorum in uaria sæpe loca à Terris prædictis distantia necesse est facere descensum. Ne igitur per nostram absentiam Terræ ipsæ aliquod cōtrahere possent periculum, uel periclitationem, Nobiles uiros pro illius tuitione & gubernatione, de eorum legalitate, fide, & merito confisi, ad nostræ duntaxat beneplacitum uoluntatis, ac cum consilio Prælatorum, Consiliariorum, Ciuitatum maiorum prædictæ Terræ deputabimus: ad quos in nostri absentia super quolibet defectu & euentu habeatur recursus, prouidentia, prouisione, auctoritate et decreto eorum supplendus, & emendandus. Item Mercatoribus Terrarum prædictarum Prusiæ in Regnum Ducatus & dominia nostra uenientibus hanc prærogatiuam & libertatem de cætero uolumus conseruari, ut quotiens illos in quacumq; loca, Ciuitates, & Oppida Regni dominiorum nostrorum uenire cum mercibus eorum, cuiuscumq; speciei uel maneriei existāt, contingat: licitum eis huiusmodi merces in loca, testudines, & camereas, aut tecta (quorum illis libera præstari debet arendatio) deponere, & pro suo arbitrio exponere in uenalitatem, stratasq; omnes uersus Hungariam, Rusiam, Morauiam, Slesiam, Austriam, Saxoniam, Valachiam liberas habeant, despositis tamen teloneis et stratis antiquitus Ciuitatum, Regni & dominiorum semper saluis. Harum quibus Sigillum nostrum est appensum testimonio Literarum. Actum Cracou. feria quarta Cinerum. Anno domini 1454. præsentibus ibidem Reuerendis. in Christo patribus & Magnificis dominis Sbigneo Dei gratia tituli S. Priscæ, Præsbytero Cardinali, & Cracouiens. Iohanne Vyladislau. Andrea Posnaniens. eadem gratia Episcopis. Iohanne de Czyzow Cracouiens. Luca de Gorka, &c.



Iuramentum Magistri generalis in Prussia, & Commenda-  
torum eius.

**E**Go L. Magister generalis Ordinis sanctæ Mariæ Virgin. Teuthonicorum, Princeps, & Consiliarius Regni Pol. Iuro quod ab hac hora & deinceps fidelis ero Sereniss. Principi dño K. Regi, & successorib. suis Regibus, & Regno Pol. & profectum illorum fideliter procurabo, & negotijs Regis, & Regni fideliter consulā, & secreta quæ mihi qualitercunque communicata fuerint in eorum detrimentum nulli pandam: pacem insuper perpetuam in omnibus suis conditionibus & articulis obseruabo & custodiam. Sic me Deus adiuuet, & hæc sancta Christi crux.

Forma Iuramenti per Consiliarios Terrarum Prusiæ, secundum  
Ius & necessitatem Terræ.

**I**Vro, quod nunquam scienter ero in consilio, auxilio, aut facto in tuam læsionem, iniuriam, aut contumeliam, aut honorem quem habes uel habiturus sis, & si contra aliquid audiuerō pro posse meo, ut non fiat impedimentum præstabo aut tibi quanto citius poterō nuntiabo, secreta mihi manifestata sine tua licētia nemini pandam, uel per quod pandatur faciam. Similiter tibi & Reipub. cōsulam prout uidebitur magis expedire, & nunquam ex persona mea aliquid faciam scienter, quod pertinet ad tuam uel Reipublicæ contumeliam, uel iacturam.

Forma Iuramenti inscripti quo Consiliarij Terrarum Prus. in  
medio consilij iurant.

**E**Go A. Iuro Sereniss. domino, dño Regi Pol. &c. & successoribus suis fideliter cōsulere pro honore & statu suo Regali, ac prouentibus suæ Maiestatis, ac pro communi bono Terrarū Prusiæ & Regni Pol. consilium suum secreta tenere, & eū in omnibus præcustodire. Sic me Deus adiuuet, & hæc sancta Christi crux.

Consules Ciuitatum earundem & Terrarum ac Nobilium communi-  
tas in folio Maiest. iurabunt, formā inscripta.

**E**Go N. Iuro. Quod Sereniss. Principi & dño, domino A. Regi Polo, &c. & suis legitimis successorib. Regibus, primoq; coronatis, fidelis ero iuxq; Serenitatis honorem, statum Regium, & commodum Reipub. Coronæ, & Terrarum Prusiæ pro posse meo procurabo, suam Serenitatem de omnibus dānis quæ sciuerō, aui-  
fabo: & ea manifestabo fideliter. Sic me Deus adiuuet, & hæc sancta Christi crux.

## Capit. &amp; Tenutarij Terr. Prus. sic iurant.

**E**Go B. Iuro. Quia fidelis ero in Castro Tenutæ meæ, illudq; seruabo fideliter Sereniss. Principi & dño, dño &c. Regi Pol. & suis legitimis successorib. Regibus Pol. tranquillitatē, & securitatē uiarū, & iustitiam tuebor & generali seu supremo Terrarum Prusiæ officiali obediēs ero. Sic me Deus adiuuet, & hæc sancta Christi crux.

**E**Go N. Iuro quia fideliter Ius Regium tuebor, & quicquid ad Ius & personam Maiestatis Regiæ pertinet, attendam, & attentabo, agam, & procurabo ut æquē benē pauperi, sicut diuini Iustitiæ ministretur. Sic me Deus adiuuet, & hæc sancta Christi crux.

Nicolaus Episcop. Varmien. cum suo Capitulo facit obedientiam Kazimiro Pol. Regi, successoresq; suos ad eam faciendam Regibus Pol. pro tempore existentibus astringit, & obligatos facit: Iuramentorumq; modum & formam per eos ipsos successores suos Episcopos, Prælatosq; & Canonicos ac quamcunq; personam Ecclesiasticam beneficiatam Ecclesiæ & dioc. Varmien. circa receptionem beneficii cuiuslibet faciendorum dat & inscribit, contentaq; omnia in Inscriptione pacis perpetuæ facere promittit.

**I**N nomine Domini Amen. Ad perpetuā rei memoriā. Nos Nicolaus Dei & Apostolica sedis gratia Episcopus Varmien. Significamus tenore præsentium, quibus expedit uniuersis, præsentibus, & futuris, harū notitiā habituris. Quomodo destructioni bonorum



norū, subditorūq; Ecclesię nostrę Varmien. quę p̄ armorū gentes facta est, sitq; usq; eo cōdolētes, ac ipsos subditos nostros paci reddere optatę cupientes: Recēdentes Episcopatu nostrū et Ecclesiā uigore ppetuę pacis medio Reuerēdis. in Christo patris dñi Rudolphi. Dei gratia nūc Vuratislau. tūc uerō Lauantini Episcopi sacrosancę sedis Apostolicę Legati inter Sereniss. Principē & dñm, dñm Kazimirum Dei gratia Pol. Regē Illustris. Magnū Ducem Lithuania, Russia, Prussiaq; dñm & heredem &c. dñm nostrum gratiosissimū ex una: necnō Magnificū & Venerabilē dñm Magistrū generalem Ordinis beatę Marię Virgin. domus Teuthonicorū Ierosolim. in Prussia partibus ex altera initę. ordinatę, factę, dispositę, & celebratę. Literisq; ac Sigillis atq; Iuramentis corporalib. hinc inde per partē utramq; munitę & obfirmatę, de corpore inclyti Regni Pol. existere: cui hucusq; restitimus propositum nostrū reuocantes. Pręfatum Sereniss. D. Regem Pol. ac suę Serenitatis successores Reges Pol. futuros, pro nobis & successoribus nostris, cum Venerabili Capitulo Ecclesię nostrę prędictę uigore mādati in certas personas hoc plenarię per ipsum Capitulū dati & concessi, quod in manibus pręmemorati Sereniss. dñi Regis & suę Serenitatis Consiliariorū reliquimus, recognouimus, recognoscimusq; p̄sentib. esse dñm & protectorē Ecclesię nostrę cum Castris, Ciuitatib. ac Vasallis nostris, gratiaq; a suā Serenitate cōquisita, Inuitēdo pręfata pacis perpetuę dispositioni & ordinationi & ab ipsa in nullo descēdendo, Nos Ecclesiā, Capitulū, subditosq; nostros tā Spirituales quā Sæculares ad corpus & unionē p̄memorati inclyti Pol. Regni reuocamus, & reducimus, sub articulis infrascriptis. Ad quorū obseruationem firmiorem Nos, Ecclesiā, Capitulū, & subditos nostros, ac etiā successores obligamus: eosdem articulos perpetuō seruatuos. Quorū quidē articulorū tenor de uerbo ad uerbū sequitur & est talis. Inprimis quod quilibet Episcopus Varmien. successor noster futurus, seu aliq; omnes p̄ tempore existentes, in perpetuū infra tres menses a die receptionis Literarū Apostolicarū prouisionis Ecclesię Varmien. tenebit, seu tenebunt personaliter uenire ad p̄sentiam Regię Maiestatis & suorū successorū, dū modo in Terris Prusię essent constituti, aut in illorū absentia in Castrū Marienburg, & ibidem in manib. Episcopi, & nō alterius, quem ad hoc sua celsitudo designauerit, in Ecclesia maiori ad altare summū sub pręsentia Palatini Mariemburgen. & Capitanei ac etiā Magistrorū Ciuium de Thorun, Elbing, & Gda no pręsentium & in futurū existentium teneantur Iuramentū facere. Quod & nos Nicolaus fecimus, sub ea quę sequitur forma, & in Castrū pręfatū descendere sub tempore descripto ausati: Casu uerō quo unus uel plures descriptorū interesse impediretur, Nihilominus in manib. dicti Episcopi corā pręsentibus qui cōtinerent, Episcopus seu Episcopi in futurū existentes Varmien. iurare tenebuntur in hæc uerba. Ego N. Episcopus Varmien. promitto & iuro, quod ex nunc & in antea fidelis ero Sereniss. dño meo Kazimiro Regi Pol. eiusq; successorib. Regib. & Regno Pol. tanq; dño & protectori Ecclesię meę, ac etiā Capituli: suę Serenitati & Regno assistam, nec non eius successorib. uti suę Serenitatis Cōsiliarius cōtra quemlibet inimicū, cū quo nullos tractatus, fœdera, aut inducias faciā sine suę Maiestatis cōsensu, inscriptionemq; pacis perpetuę in omnib. capitulis & pūctis ac etiā Inscriptionem p̄ meū antecessorem dñm Nicolau Episcopū Varmien. cū cōsensu Capituli factā inuiolabiliter tenebo, cōsiliū mihi creditū ad suę Serenitatis damnum nō reuelabo, omnemq; machinationem quā praticari subodorauero, in p̄iudicium et cōmodū Regię Maiestatis successorum aut Regni, Terrarūq; & Ciuitatū Prusię de corpore inclyti Regni Pol. existentium, pro quib. fideliter cōsulam, p̄custodiam tempestiue, & ausabo. Sic me Deus adiuuet, & hæc sancta Dei Euangelica. Casu autē quo aliquis Episcopus Varmien. pro tempore existens Iuramentū fidelitatis iuxta formā & tempus pręscriptū prestare nō curaret, Extunc Vasallis & subditis prędictę Ecclesię Varmien. licebit cum honore, & impunē ab obedientia dicti Episcopi ui iuramenti firmata resilire, & R. M. usq; quo iurauerit adherere. Item quod hinc & in perpetuum Vasalli & subditi Ecclesię Varmien. cuiuscunq; status & conditionis existant de Terris & Ciuitatib. tam no stri Episcopales quam Capitulares, de decennio in decennium Iuramentum fidelitatis Regię M. successoribusq; & Regno Pol. ac etiam de obseruanda pace perpetua atq; articulis in pręsenti Inscriptione contentis renouare tenebuntur, in manib. Consiliariorū R. M. ad hoc deputandorum temporib. perpetuis & æuiternis. Cuius quidē decennij initium incipiet & transibit a die pręstitionis iuramenti per pręfatos Vasallos & ceteros subditos Ecclesię, pręscriptę in proximo faciendī. Pręterea submittimus & pręsentibus obligamus, Nos & successores nostros cū Capitulo Ecclesię nostrę Varmien. quod in futuris electionibus pro tempore existentibus siue postulationib. Episcoporū dictę Ecclesię



Ecclesiæ Varmien. Capitulares eiusdem R. Maiestati & suis successoribus personam gratam eligere tenebuntur. Item quod quilibet Prælatus & Canonicus dictæ Ecclesiæ Varmien. infra unum mensem à die receptionis suæ, siue representationis in Ecclesia, alias dū modo possessionem fuerit consecutus, iurare similiter tenebuntur fidelitatem suæ Serenitati, & obseruantiam perpetuæ pacis iuxta tenorem inferius descriptum in manibus Episcop. & Capituli Varmien. qui p̄ suas patētes Literas de cuiuslibet Canonici seu Prælati iuramēto sup̄remo Dignitario R. Maiest. in Prussia plenam fidem facere tenebuntur. Cuius quidē iuramenti tenor sequitur in hæc uerba. Ego N. Prælatus uel Canonicus Ecclesiæ Varmien. iuro & promitto, quod ex nunc & in antea fidelis ero Sereniss. Domino meo, Domino Kazimiro Pol. Regi Illustriss. eiusq̃ successoribus Regib. & Regno tanquam Domino & protectori Eccl. Varmien. Inscriptionemq̃ pacis perpetuæ ac Capitulorum per Dominum Nicolaum Episcopum Varmien. de consensu Capituli descriptorum inuolabiliter tenebo. Sic me Deus adiuuet &c. Item quod tam Dominus Episcopus quam Capitulum pro tempore existentes. Aduocatum, quotiens præficere aut immutare Dominus Episcopus uelit siue Capitulum, aut administrator. Sedē uacante, non alium deputent, nisi pro parte subditorum R. M. eorum etiam qui sub ditione Ecclesiæ Varmien. consistūt. Qui sic deputatus iurare similiter tenebitur Regiæ M. modo superius expresso, dum talis hoc ipsum prius non iurasset. Item casu quo Magister generalis nullo facto iuraret, siue cum Regiā Serenitate hinc dissideret, & ad arma contra eum & Ordinem iam ex nunc, uel in futuris temporibus ueniretur, aut cum alijs quibuscunque hostibus. Extunc nos Nicolaus Episcopus tenebimur & nostri successores tenebuntur esse auxilio & consilio suæ Serenitati totiens, quotiens opus fuerit, sicut Consiliarius suæ Serenitatis, cum Castro, Ciuitatibus & Vassallis tam nostris Episcopalibus quam Capituli. Ita uidelicet quod sine omni contradictione Castra & Ciuitates Ecclesiæ prædictæ, gentibus Regijs pateant, & appenātur, & singulis nos submittemus periculis, nostriq̃ successores se submittent, cum sua Serenitate. Nec tractatus, fœdera, uel ligas aut ullas inducias cum hostibus faciemus, ac nostri successores facient, absq̃ scitu & consensu R. M. & successorum eius. Item quoties beneficia cum cura, uel sine cura in diocesi nostra Varmien. uacare contigerit. Extunc circa institutionem beneficiati nos Nicolaus Episcopus & nostri successores, aut noster, & ipsorum successorum nostrorum Vicarius tenebimur, seu tenebuntur, siue tenebitur recipere iuramentum à quolibet eorum de obseruanda pace perpetua, & tenenda fidelitate R. M. & Regno Pol. Postremò & finaliter præsentibus adijcimus. Nosq̃ & successores nostros obligamus, quod subditis tam nostris Episcopalibus quam Capitularibus omnibus & singulis liceat in causis militaribus, feudalibus, Ciuilibus & criminalibus siue quibuscunque alijs Sæcularibus ad Regiam M. prouocare, in causa grauaminis, & defectu iusticiæ, querulari, & appellare ad suosq̃ successores Reges Pol. temporibus perpetuis. Obseruato tamen prius ordine prouocationis in causis Ciuitatensibus ad Ius Culmen. Lubecen. Maideburgen. & ceteris quibus gaudent, in quibus eis non præiudicabitur. Hoc tamen specialiter expresso, quod quoties aliquem ad R. M. prouocare contigerit, extunc coram nobis Episcopo & successoribus nostris cautionem faciet, quatenus, casu quo appellationem non fuerit prosecutus infra tempus, per nos Nicolaum Episcopum & nostros successores iuxta causæ & circumstantiarum qualitatem limitandum, aut in causa succubuerit, pœnam amissionis causæ & solutionis expensarum Parti aduersæ incurrat. Quæ omnia & singula scilicet scripta nos Nicolaus Episcopus Varmien. præfatus, cum Capitulo, Vassallis, & omnibus subditis nostris, firmiter, illasq̃, & inconcussè tenere, exequi, & inuolabiliter perpetuò obseruare promittimus, ac nos, successoresq̃ nostros, & Capitulum nostrum prædictum, cum Vassallis, & subditis Ecclesiæ nostræ generaliter uniuersis, tenore præsentium obligamus. In quorum omnium fidem & euidentis testimonium præmissorum præsentis Literas nostro atq̃ Capituli nostri Sigillis iussimus & fecimus communiri. Datum in Conuentione Petricouien. generali, die Iouis quintadecima mensis Iulij aliàs ipso festo Diuisionis Apostolorum, Anno Domini 1479.



Posteriores tractatus de pace in Prussia intra & extra  
confecta continent.

Cum autem bellum Pruthenicum recruduerat, Maximilianus Imperator concordias inter Regem Pol. & Magistrum Prussiae confirmat: Quem etiam ad homagium Sigism. Regi Pol. praestandum hortatur, simulque Gedanum, ac Elbingum ex banno dimittit.

Viennae 1515.

**M**aximilianus diuina fauente clementia electus Romanorum Imperator, semper Augustus, Germaniae, Hungariae, Dalmatiae &c. Rex, Archidux Austriae, Dux Burgundiae, Brabantiae &c. Comes, Palatinus &c. Tenore praesentium recognoscimus, & profiteamur: Quod cum inter alia quae nobis cura, cordique sunt, summopere cupiamus uera, sincera, atque fraterna unione ceteris Principibus Christianis coniungi, ac quantum in nobis est, omnes ad sanctae pacis & concordiae foedera reducere, & cohortari: ut tandem concordibus armis & uiribus Christianis ferocissimi eiusdem nominis hostes debellari, & exterminari possent: Vt hinc quieti, tranquillitati, ac stabilimento uniuersae religionis ad incrementum & propagationem Christiani nominis consuleretur.

Cumque Sereniss. dominus Rex Poloniae in ea semper uoluntate fuerit, ut cum Sacra Imperiali Maiestate in optima amicitia & beneuolentia fraterna uiuat, & maneat: suamque Maiestatem tanquam fratrem maiorem & consanguineum charissimum etiam obseruet, ac ueneretur: Placeat igitur Maiestati nostrae Caesareae, ut res & negotia inter eundem Sereniss. Poloniae Regem, & Magistrum Prussiae, ac Ordinem suum, in ea forma & modo remaneant, quemadmodum extant utrinque conscripta, & obseruabatur ab annis retroactis tempore felicis memoriae Friderici Imperatoris, & Sereniss. domini Regis Kazimiri. Nec Magistrum Prussiae, eiusque Ordinem subtrahere uolumus ab his quae debent suae Serenitati, & Regno Polon. & quae praedecessores eius Magistri faciebant, neque auxilium, neque consilium praestabimus in damnum & detrimentum suae Serenitatis & Regni sui. Item quod ad Ciuitates Gdaneensem & Elbingensem. attinet quae hactenus bannis & alijs modis luri Sereniss. Regis & Regni Polon. noxijs grauabantur, Nos ex nunc iam easdem Ciuitates ab ipsius bannis absoluimus, & liberos esse decernimus, ac id ipsum Iudicio Camerae nostrae Imperialis Literis nostris denunciabimus. Mandabimusque ut easdem Ciuitates a praeteritis bannis absolutas dimittat, & in futurum ex quibuscunque causis ad cuiuscunque instantiam nunquam eas audeat bannire, uel quouis modo infestare: nullumque Iudicium contra easdem Ciuitates & earum similes a nostra Imperiali Iudicii Camera deinceps institui; & fieri permittemus. Quos duos articulos nos summa fide promittimus inuiolabiliter obseruare, adimplere, & exequi, neque illis quoquo modo contrahere. Harum testimonio Literarum nostrarum, Sigilli nostri Imperialis munitione roboratarum. Datum in Ciuitate nostra Viennae. die 22. mensis Iulij. Anno domini 1515.

Fragmentum Legationis Sigism. Regis ad Leonem X. Papam, & Carolum V. Imperatorem de bello Pruthenico iam uigente.

Ex Thorun 28  
Iulij 1520.

**I**n Summa S. & M. uestra accipiant. Introductum fuisse ipsum Ordinem ad Terras Prussiae & loca ac ditionem illam ei a Principibus Poloniae datam, hac conditione, ut se contra uim infidelium, quibus undique septi erant, iuuaret: & cum illis una militaret. Qui firmatis illis rebus suis, & radicibus bene actis, coepit sensim occupare latius Terras ipsorum Principum Poloniae, & illos pro infidelibus armis impetere. Vnde cum multa essent utrinque acta praelia, multi item tractatus & concordiae secute, nihil tamen unquam adeo firmum & certum confici potuit, ut non Ordo ipse per omnem occasionem illud infringeret, ac uiolaret. Ad extremum post ingentem belli molem, quae per Sereniss. olim Reges auum & patrem Maiestatis domini mei & Ordinem ipsum agitata fuit, quantum impendij fuit factum, tantum sanguinis Christiani fusu, quantum nulla ratione possit aestimari: subsequuta fuit solennis concordia, Pauli secundi Summi Pontificis auctoritate, ipsiusque Legati, ac aliorum Principum medio. Quam etiam Ordo ipse sensim labefactare coepit. Dehinc modernus dominus Magister nulla de causa totum dissuit, & irritum fecit. Quocirca hic Ordo ad hoc unum fundatus esse uidetur, ubi ubi sit ut omnia misceat & per-



& perturbet. Sed cum illum olim Regna Hispaniæ & Angliæ ac nonnullæ aliæ gentes, uti rem noxiā penitus exterminarunt, nescimus quo fato nostro fit, ut nos soli qui pro tota re Christiana ingentem uim infidelium solis uiribus nostris arcemus, nec unquam ab hoc labore & bello requiescere possumus, hūc obicem domesticæ pacis habere, & tātam eius insolentiam perpeti cogamur: ne liceat nobis citra inuidiam quod licitum est in alijs, hanc calamitatem uel excutere, uel saltem compescere. Verum confidimus uirtuti S. & Maiestatis uestræ quod si nostram & illust. Domini Nepotis nostri cōiunctionem & officia cordi habent, si rectē statui Christiano consultum iri, & eum ab infidelibus defendi cupiunt, cum quibus, utcumq; hic distinemur, milites tamen nostri quos in illis finibus habemus assidue & foeliciter dimicant, operam & fauorem suum nobis præstabūt, quo tandem hac molestia & impedimento domestico carere, & arma nostra pro commo-  
dorei Christianæ liberius exercere possemus.

Leo X. PP. Sigismund. I. Regi Poloniæ.

**C**harissime in Christo filij Salutem & Apostol. Bened. Dilectus filius Iohannes Theobaldus Ciuis Florentinen. quem, & uenerabilem fratrem Zachariam Episcopum Gardien. Nuncios nostros aliās ad Maiestatem tuam destinauimus, nuper ad nos reuersus, nobis retulit, quo amore & quantā humanitate Regia Maiestas tua eos uenientes exceperit, ac semper tractauerit, ipsumq; deinde recessurum benigne ac liberaliter dimiserit. Quod ut nobis gratum & acceptum fuit, ita ualdē & supra modum displicuit, ab eodem Iohanne intellexisse, bellum inter te & dilectum filium Albertum ex Marchionibus Brandeburgen. hōspitalis domus beatæ Mariæ in Prussia Magnum Magistrum bellum, quod pluribus Literis ac mōitionibus per dictos & alios Nuncios nostros utriq; uestrum nostro nomine factis, extinctum, uel saltem sedatum, ac sopitum esse credebamus, adeo recrudescere cōpisse, ut inde populorum strages, & deuastationes, ac innumera scandala qualia pluribus ab hinc annis acciderunt magnoperē timenda sint, ac formidanda. Et nobis quidem persuademus Maiestatem tuam ad huiusmodi bellum, ex quo nulla laus, uel utilitas sperari: ignominia uerō & ingens daionum formidari debet, innitā trahi à bellis illis contra infideles & Schismaticos, ex quibus maximam & immortalem gloriam sibi comparauit. Non possumus tamen solitam eius māsuetudinem ac bonitatem non desiderare, erga eum præsertim, quem filij loco habere, & cuius iuueniles impetus patientia quadam potius & cōsiliij maturitate delinire deberet, quam ui frangere ac non sine magna rerum propē omnium confusione destruere.

Quanquam si uera sunt, quæ nobis nunciantur, & quæ uix credere possumus, ipsum uidelicet Albertum non suos tantum, sed complures alios Germaniæ populos pro se cōtra Maiestatem tuam conuocasse, ac tantum comparasse exercitū, ut illi uix resistere possis, quin Regni tui Ciuitates, & loca Tartaris ac Moscouitis, alijsq; infidelibus, & Schismaticis confinia solitis ac necessarijs præsidijs quasi denudare cogaris, propter quod Maiestas ipsa tua non nullam irascendi ac uim ui repellendi causam habet. Ac propterea ipsum Albertum per alias nostras ad pacem, & concordiā cū Maiestate tua ineūdā seriō monemus. Præterea ad Charissimum in Christo filium nostrum Carolum Rom. ac Hispaniarum Regem Catholicum, in Imperatorem electum scribimus, eum hortantes ut pro concordia inter uos componenda laborare, eamq; per Oratores suos procurare uelit, ac etiam dicto Zachariæ Episcopo & nuncio committimus, ut pro eadem pace cōponenda nostro nomine operari, atq; efficere debeat: Speramusq; Omnipotentem Deum sua clementia permissurum fore, ut piā desideria nostra non alio quam ad publicam totius Christianitatis pacem & quietem, eiusq; sanctæ fidei conseruationem & exaltationem tendentia foelicem sortiantur euentum. Quod autem ad Maiestatem tuam attinet te fili noster charissime hortamur, ac per uiscera misericordiæ Dei nostri rogamus, ut si uilā unquam in re prudentiam, æquitatem, ac mansuetudinem tibi à natura insitas ostendisti, nunc illis erga Nepotem tuum uti uelis: ac satis habens Regnum tuum defendere, ac tutari: nolis ulterius progredi, ac eiusdem Alberti fines ingredi temperes, ac abstineas: non ignarus potiorē ac magis Regiam uirtutem esse iniuriarum obliuisci, quam eas ulcisci uelle: ac ex omnibus uictorijs nullam maiorem esse quam se ipsum uincere. Tua igitur Maiestas ita se geret, ut quemadmodum omnes singularem eius uirtutem & præclaragesta iure ac merito prædicant, uerisq; præconijs & laudibus in cœlum tollunt, ita etiam eiusdem pietatem & continentiam atq; animi moderationem dignis ac ueris laudibus prosequantur. Quod si Maiestas tua ut speramus, fecerit, magno ceteris Principibus  
t 3 exemplo



exemplo erit: qua ipsi etiam temperantia ac modestia uti debeant. Et coram Christo Redemptore nostro, qui in ligno crucis pendens Deum patrem pro crucifigentibus se rogauit non paruum sibi meritum acquirit. Nobis insuper, qui eam tanquam peculiarem filium nostrum in uisceribus charitatis semper gelsimus, rem gratam & nunquam obliuiscendam faciet. Datum Romæ die 26. Decembris. Anno Domini 1521. Pontificatus nostri Anno 8.

Ad Sig. Legatio Orator. Car. V. Cæsar.

**S**erenissime Rex. cum Maiestas Cæsarea non ignoret, quanto studio & amore Maiestas uestra quondam felicitis memoriæ diuum Cæsarem Maximilianum auum suum colendissimum, ipsamque inclytam domum Austria sit prosecuta: Nō sine graui animi displicentia & perturbatione Maiestas Cæsarea, perniciosum istud bellum inter Maiestatem uestram, & Albertum Principem Magnum Prussiae Magistrum nuper exortum accepit: Cum ob eius fraternum in Maiestatem uestram amorē, & eius felicitatem, & prosperitatem haud secus atque propriam semper exoptat: Tum quod Magno Magistro sine Principum & totius Nobilitatis Germaniæ offensa, qui illi, atque eius Ordini plurimū sunt affecti: atque ex debito officij sui penitus deesse uix possent. Quibus accedit huius belli immanitas atque crudelitas, eo quod inter Christianos & eos qui tam arctissimo sanguinis uinculo coniuncti sunt geritur. Nec minus etiam Respub. Christiana ex hoc bello patitur dispendij ac detrimenti. Quippe cum in occulto non sit quam latè hinc Mosci & Tartari, illinc Turcæ & Valachi amplissimam Maiestatis uestre ditionem ambiant, eiusque fines confingant, sitibundis faucibus illis perpetuò inhiantes, immanissimæ atque insatiabiles bestię, omnibus mortalibus infensi, ac perpetui Christiani nominis hostes, cum quibus quam strenuè atque feliciter Maiestas uestra sæpenumero sit congressa, iidemque potentissimis hostibus sese, Regnique sui uires ueluti totius Christiani Orbis antemurale & unicus propugnator obiecerit, eos non sine suorum sanguine fuderit, & paruis copijs innumeros illorum exercitus Christo duce prostrauerit & profligauerit, tot insignes Maiestatis uestre uictoriæ non sine eius celeberrima fama & nomine atque immortalis gloria latè per uniuersum orbem sparsa uberius testantur: Inde fit, quod talem ac tantum Principem de Repub. Christiana optimè meritum à tam honestis, & felicibus Rerump. studijs atque successibus ad priuata atque intestina bella trahi, hoc est, uniuersum salutem & commodum priuatis contentionibus turbari atque impediri Christianorum arma paulò antè hostibus suis formidabilia & perniciofa nunc inter sese dimicare, & quæ prius in hostem exercebantur, nunc in fratrem Christianum sauire, quis non doleat: quis non detestaretur: quis Reip. Christianæ casum in tanto discrimine satis deplorare posset: arrectis auribus & uotis intentus nunc est Tartarus ueteris cladis à Maiestate uestra receptæ haud immemor atque ultionis sitibundus, exitum rei cautius obseruat Moscus, expectat hoc idem Turca & Valachus, ut concisis ac debilitatis intestinis inter se bellis Christianorum uiribus infusa barbarorum suorum multitudine fractos & inualidos obruant, & maiore spe ac minore sui periculo penitus excendant.

Hic bellorum Christianorum tam expectatus finis, hæc illa insignis, pro qua certatur gloria, hæc tam opima Christianis detracta spolia, paulò post etiam hostibus suis præda futura: Quamuis Deus sua misericordia (ut precamur) hæc mala longius abesse faciat. De humanis tamen casibus humano more loqui aliquando præstat. Nec satis probè rebus suis consulunt, qui aridenti fortunæ, & potentia suæ fiducia freti, ac tutiores sibi uisi, quodnis periculi contemptores, aduersantis fortunæ impetum (quæ dicto citius subinde mutatur) non formidant, non obseruant, non latè prospiciunt. Quod sæpe cum multorum perniciæ bellorum docuere euentus: quorum ut initia feruida, & spe uictoriæ tumida, ita exitus solent esse uarij & incertissimi, hæc apud se Maiestate Cæsarea altius pensante, & perniciem quæ & priuatis, & publicis rebus ex hoc bello oriri posset accuratius animo uersante, uisum est, & pro fraterno suo in Maiestatem uestram amore, & qua in Rempub. afficitur sollicitudine, posteaquam nunc Deo aspirante Imperij Coronam & moderationem feliciter suscepisset, nihil amplius temporis prætermittere, sed præsentimale auctoritate sua interposita occurrere, & ad huius belli incendia restringenda omnem curam impendere sese debere, ne recens malum longius serpat, & grauior uis belli ingruat. Quandoquidem serò adhibita remedia nonnunquam soleant esse difficiliora, & minus uirilia: uoluitque eius rei causa nos ad M. uestram proficisci, ut una cum Sereniss. Hungariæ & Bohemiæ Regis Oratoribus etiam ad hunc finem ad Maiestatem uestram destina-



destinatis, negotium istud suæ Cæsareæ Maiestatis nomine solliciti curatemus, & quantum fieri posset, Deo annuente, ad tranquillos exitus, & honesta media pacis, uel induciarum reduci studeremus.

Hortatur igitur eam ob rem Maiestas Cæsareæ, quo maiore studio potest Serenitatem uestram, uelit suæ Cæsareæ Maiestatis & Reipubl. contemplatione arma deponere, & ijs tractatibus locum dare, publicumq; commodum suo priuato anteferre, utcumq; etiam iusta forte causa ad hoc bellum suscipiendum sibi uideatur, prouocata, plus etenim gloriæ & laudis apud uniuersos sibi pariet, si ueluti Christianis Princeps, quod nomen etiam usq; nunc immaculatum apud cunctos retinuit, ab ijs, quæ fortè sibi licere existimat, Reipubl. amore abstinuerit: omnes Maiestati uestræ plurimum debebunt, quæ omnium cōmodis sua posthabuit. Erit quoq; istud perpetuum uirtutum suarum etiam apud posteros monumentum, quando honestis conditionibus inita cum Magno Magistro pace, ad priora & intermissa bellorum studia contra inimicos fidei reuertetur, in quibus arcendis & subigendis plus ad uictoriam procul dubio à Deo auxiliij & fauoris à Christianis Principibus est habitura. Talis triumphus Maiest. uestram adhuc manet, hæc erit uictoria Maiestate uestra, & tam Christiano Principe digna, quæ non Christianorum, sed eorundem hostium sanguine fuso apud cunctos mortales clara & celebris habeatur, & à Deo, in hac uita foelicem Regni moderationem consequatur, & alibi æternis præmijs & perpetua immortalitatis Corona donetur. Dabitq; Maiestas uestra maiorem ac certiorē Maiestati Cæsareæ de se spem atque expectationem quoduis fraternum officium ab ea posse impetrari, quando in hac re, qua nihil optatius nunc habet, honestis ac fraternis uotis suis se uidebit minimè frustratam. Hoc tamen si Maiestati uestræ, Principi alioquin & pace, & bello clarissimo atq; experitissimo, & cui diuinā quædam insita est prudentia, omniumq; uirtutum consummata integritas, à M. Cæsareæ Principe adolescente persuaderi forte superuacaneum uideri possit: fraternus tamen amor & uehemēs in M. uestram studium diutius silere non potuit, atq; sollicita in Rempubl. cogitatio M. suam Cæsaream impulit, ut ei consilium daret, à quo accipere & petere deberet: atq; ea suaderet, quæ non tã existimaret esse ex Maiestatis uestræ re & dignitate, quam ex totius Reip. Christianæ salute, necessitate, & tranquillitate. Ad hæc, si uti M. Cæsareæ est firma spes atque expectatio, Maiestas uestra animum applicare & fraternis suæ Cæsareæ M. exhortationibus acquiescere uoluerit: nunc, aut quocumque alio tempore opportuno, quæ ad præsens negotium spectabunt, iuxta commissiōem nostram Maiestati uestræ latius declarabimus, & exponemus, intellectaq; circa hæc M. uestræ deliberatione, ad Magnum Magistrum Prussiæ nos recipiemus: pariter huic Maiestatis Cæsareæ mandata, uoluntatem, & in rescindendo hoc bello desiderium declaraturi, & alia iuxta commissiōem nostram acturi: sperantes excellentiam suam & Maiestatis Cæsareæ uoluntatem, & honesta media pacis, & induciarum nequaquam spreturam.

Quantum uerò ad nos attinet, & si cognoscamus hanc rem grauem atque difficillimā ingeniorum nostrorum uires longè excedere, postquam tamen M. Cæsareæ nobis hanc prouinciā imponere placuit, eo alacriore animo hanc utcumq; grauem suscepimus, quo seruitutis nostræ deuotionem M. uestræ in hac re ostendere ex anima desideramus. Nihil studij & laboris, quantum ingenium nostrum consequi potest & negotia ipsa admittent prætermisuri: quo M. uestræ dignitati & commodo quam maxime consulatur. Deum Opt. Max. omnibus uotis precan. dignetur huic negotio suam misericordiam aspirare, & foelicibus auspicijs foeliciores tribuere successus, & exitus: ut tandem concordibus armis & animis Christiani Principes inter se conueniant, in exterminium & perniciem hostium sui nominis, atque stabilimentum ac incrementum & perpetuam tranquillitatem suæ Reipublicæ Christianæ.

Carolus V. Rom. Cæsar Alberto Marchioni Brandeburgen. Magistro Cruciferorum in Prussia.

**V**enerabilis Princeps, cōsanguineæ charissime: Cum nos nutu Dei Opt. Max. à quo omnia fiūt cōmunibus Principū Electorū suffragijs in Regē Romanorū, futurūq; Imperatorē electi simus, nostri officij esse duximus, pacem & concordia Christianorū Principū procurare: quo facilius cōcordib. armis atq; animis expeditio cōtra Christiāi nominis hostes suscipi posset. Et cū intelligamus inter Sereniss.



Regem Poloniae fratrem nostrum charissimum, & deuotionem tuam super Iuramento quodam praestando non nihil differentiae adesse: cuperemus plurimum huiusmodi discordiam sedari, praesertim cum edocti fuerimus Caesarem M. praecelsissimae memoriae dominum atque auum nostrum colendissimum ad te quoque super ea re Literas dedisse. Quapropter hortamur deuotionem tuam magnopere, ut dicto Sereniss. fratri nostro debitum, & praesertim quod praedecessores tui Regibus Pol. praestare soliti sint, etiam praestes, & te erga eum ita exhibeas, ut iunctis armis illhic fidei hostibus occurrere, & terrori esse possitis: & si quid forsan dissidii inter eundem Regem & te adhuc remanserit, daturi sumus operam cum primum in Germaniam uenerimus, quod dante Deo prope diem futurum speramus, ut huiusmodi inter uos quaestio amice & pro dignitate utriusque componatur. Quare nobis pollicemur, quod pro tua & fratrum tuorum in nos obseruantia, nobis in hac re satisfacies: quod quidem erga deuotionem tuam uniuersumque illum Ordinem benignè & omni gratitudine recognoscemus. Datum &c.

Pax perpetua inter Sigism. I. Regem & Regnum Pol. & Magistrum Prussiae, eiusque Ordinem Crucifericum Cracou.

1525. confecta.

**I**N nomine Domini amen. Ad perpetuam rei memoriam, omnium rerum quae sempiternae sunt futurae, nulla firmitudo certior excogitari potest, quam ea quae sit Literarum monumentis prodita ad memoriam posteritatis. Catera enim facta humana, quantumcunque memorabilia, alijs modis quam Literis aeternitati consecrara, aliquot quidem seculorum decursu durare possunt: Quae uero Literarum officio memoriae mandantur, nunquam intereunt, ipsaeque uetustate sunt augustiora. Proinde nos Sigismund. Dei gratia Rex Pol. Magnus Dux Lithuaniae, necnon Terrarum Cracouiae, Sandomiriae, Si-radiae, Lanciciae, Cuiaviae, Rursiae ac omnium Terrarum Prussiae, Pomeraniae, &c. dñs & haeres, Manifestum facimus uniuersis: Quia cum acta essent plurima bella inter praedecessores nostros Reges & Regnum Pol. ac Magistros & Ordinem dictum S. Mariae Theutonicorum in Prussia: de proprietate ipsarum Terrarum Prussiae certantes, eaeque non penitus extinctae inter nos, & Illustrem dominum Albertum Marchionem Brandeburgen. & Magistrum ipsius Ordinis recruduissent, cum magno Reipub. Christianae incommodo & detrimento: Proindeque & Summus Pontifex, & Caesarea M. Serenissimusque Ne-pos noster dñs Ludouicus Hungariae & Bohemiae Rex, nos ad ineundas quadriennales inducias & arbitralem cognitionem subeundam hortati essent & induxissent: Qua demum magnis impedimentis non secuta, & tempore Induciarum expirante, uenissent ad nos Illustres Principes dñs Georgius Marchio Brandeburgen. in Silesia Ratiborien. Iagendorff: in Prussia Stetinen. Pomeraniae, Cassubarum, Sclauorum, Dux: Burgrabius Nurembergen. & Princeps Rugiae. Et Fridericus Dux Legnicen. & Brigen. ac inferioris Slesiae Capitaneus necessarij & affines nostri charissimi de pace & concordia stabili ac firma sedulo agentes. Tandem post multos tractatus & rationes utrinque expensas ad infrascriptas conditiones & capitula ipsius pacis & concordiae deuenimus, omniaque & singula condiximus & utrinque firmauimus in hunc qui sequitur modum.

In nomine Sanctae & indiuiduae Trinitatis Amen. Nos Georgius Dei gratia Marchio Brandeburgen. in Silesia Ratiborien. Iagendorff, in Prussia Stetinen. Pomeraniae, Cassubarum, Sclauorum &c. Dux, Burgrabius Nurembergen. & Princeps Rugiae: Et nos Fridericus eadem gratia Dux Legnicen. & Brigen. ac inferioris Slesiae Capitaneus recognoscimus & significamus omnibus & singulis praesentem concordiam seu contractum uisuris, audituris, siue lecturis. Quia nos ex infrascriptis sequentibus rationibus, quae nos tanquam Principes Christianos promouerunt, eandem sequentem concordiam & contractum inter Sereniss. & excellentissimum Principem & dominum, dominum Sigism. Regem Pol. & suae Maestatis haeredes, & successores Reges Regni Pol. ex una, & Illustrissimum Principem & dñm dñm Albertum Marchionem Brandeburgen. Theutonici Ordinis generalem Prussiae Magistrum, & eius Ordinem militare Terrigenas & Ciuitateneses ex altera, partibus. cocepimus, tractauimus, & composuimus. Et inprimis id praecipue ac potissimum considerantes, oēs dissensiones, bella, contentiones, & conflictus inter Regiam M. & dñm Magistrum, eiusque Terrarum incolas hinc ortas & emanatas esse, eo, quod non unus princeps haereditarius omnium Terrarum Prussiae gubernator hucus-

que ex.



que extitisset, dictaq; Prussia diuersorum Procerū capitibus gubernata esset, unde Terrarum ipsarum Incolæ perniciosis inter sese bellis & contentionibus digladiabantur; & prælia commouebant: ex quibus magna effusio Christiani sanguinis, damnaq; & nocu-  
menta incolis, orphanis, & uiduis plurima sunt illata. Similiter considerantes quod præ-  
fatus dominus Magister frater & auunculus ac sororius noster retroactis temporibus,  
quando Officio Magisterij fungere, multifarias fatigas & labores hucusq; subiuit apud  
omnes status Christianorum Principum, uidelicet Summos Pontifices, & Cæsareā Mi-  
sacrum Romanū Imperium, & Electores Imperij, necnō apud Nobilitatē Germaniæ, eos-  
demq; omnes sepius requiren. operam diligentē impendit, sperās eosdem inuigilatuos,  
quo ipse seditiones & controuersias ac dissensiones secundum continentiam infra scripte  
perpetuæ pacis per Sereniss. Maiest. foelicis record. Kazimiri Regis olim Thorunij cō-  
fectæ, & iuxta cōpromissum in proximo quadriennio per Cæsareæ Maiest. & Regiæ Se-  
renitatis Vngariæ Oratores in præsentia Sanctiss. dñi Leonis Papæ Legati &c. Thorunij  
factum cōponerentur & concordarentur, id tamen ex interuenientibus bellorū motib. &  
cæteris uarijs admodū arduis negocijs, quibus Cæsarea M. & Sereniss. dñs Rex Hūgarie  
hactenus impliciti ac distracti fuerūt, hucusq; impeditū & indiscussum permansit: Nos ta-  
men considerā. huiusmodi ordinationē optimam fuisse, cōpromissum paucis diebus ad  
finem & terminum ultimū deducere studuimus. Nā ubi negocia indiscussa permansi-  
sent, formidandū fuit ne R. M. & Regnū Pol. ac Magister cū Terris Prusiæ iterū ad ma-  
iores armorum tumultus, prælia, & contentiones ac humani sanguinis effusionē redirēt,  
in damnum & iacturā totius Reipubl. Christianæ. Ad præcauendū igitur huiusmodi ma-  
la & incōmoda pacisq; studio intendentes, quō in futurum perpetua Christiana pax in-  
ter R. M. & eiusdem Maiestatis hæredes successores Regni Pol. Reges, & inter Magi-  
strum Prusiæ & eiusdem Terrarū Incolas utrinq; interuenire ac disponi possit: conside-  
rantes etiā quia & nunc Reuerēdus dñs Statilius Præpositus Vespriemē. Sereniss. Re-  
gis Hungariæ dñi, domini nostri clementissimi tanq; dicti compromissi arbitri internun-  
cius pacis, ac missus Orator ad Sacrā M. Regiā Poloniæ ac Magistrū Prusiæ fratrem &  
auunculum ac sororium nostrum, quo se ad concordiam & ipsum contractum per nos fa-  
ctum beneuolē submitterent, & gratiosē ac benignē eidem cōsentirent, rogauit & requi-  
siuit: Nos tanq; mediatores, reconciliatores pacis, ex supra dictis causis & rationibus se-  
quentes Articulos quos, salūbrī uis concordia intendentes, Christianos, decentes, ido-  
neos cognouimus, inter Sacram M. Regiam, & dominum Magistrū, utriusq; accedente  
consensu fecimus & disposuimus, & prout infra continetur ordinauimus & cōfecimus.  
In primis, Quod omnes dissensiones in ijs bellis inter R. M. dñm Magistrum, Duces Ma-  
zouia, Episcopos Varmien. & Culmen & cæteros omnes, eorumq; subditos exorta, per-  
sequentem transactionem in uniuersum sublata sint, & neutri Partium in malo remini-  
scendo imputari debent. Item quod Loca, Castra, & Oppida cum omnibus attinentijs &  
pertinentijs in his bellis utcunq; alias utrinq; intercepta cū Bombardis maioribus quæ  
admodum in prima occupatione Arcium & Oppidorum inuenta sunt, restitui: Bombar-  
dæ etiā Vnciales quas Hokenbuchs uocat, eo pacto ut penes modernos Officiales resta-  
bant, similiter reddi debent. Si uerō quicq; Bombardarum maiorum deesset, debent Of-  
ficiales per iuramenta interrogari, ut medijs eorum iuramentis dicant, quid illic inuenie-  
rint. Quod autem Bombardas in Castro Hollando demolitō inuentas attinet, debent si-  
ne diminutione ad manus Illustris domini Marchionis Alberti restitui.

Præterea debent omnes & singuli ex Nobilitate, Ciuibus, & Colonis, omnis promiss-  
sionis & iuramenti quibus præsentibus bellis aut citra alias circa hæc tempora a suis ad al-  
ienos dominos se contulerunt & obligarunt, liberi & soluti esse, & reputari.

Cæterū quod ad neglecta seruitia attinet, debet à Regia Maiestate & Duce de Prus-  
sia, illis qui ea neglexerint ex gratia condonati, & bona seu possessiones eorum reddi.  
Cæterum quod liberos eorum attinet, qui condemnati ob perpetratum facinus pœnas  
dederunt, bona immobilia utrinq; reddantur, & patrum facinus honori puerorum nihil  
noceat: nec apud quempiam in aliquo præiudicet.

Item debet Regia Maiestas illis de Neuumarkt, similiter Marchio Albertus Gilczen-  
burgen. & Hoenstrinen. nec non omnibus Ciuitatib. Ecclesiasticis & Sæcularib. Nobili-  
bus & Plebeis utriusq; partis subditis, qui ex timore defecerint, parcere & cōdonare: nul-  
laq; indignatione reminisci, nec cuiquam ut hoc uindicat permittere: sed ex clementi uo-  
luntate, sub utrisq; hinc inde sigillis & Literis sententiam ferre, quod hoc ipsis & liberis  
eorum in nullam dehonestationem, aut incommodum uergere debeat.

Item



Item quod ad Ecclesiasticorum bona & Iurisdictionem attinet, debet Dux Prussiae ad requisitionem Ecclesiasticorum unicuique iustitiam, ut Christianum æquum & iustum est, administrare. Cæterum bona redditus & census sub Duce Prussiae sive Episcopatum Warmiensem, uel eosdem Ecclesiasticos attinens, debent uicissim ex omni parte restitui. Si uero Dux uel Nobiles sui curatos, uel alios in Ecclesiastica beneficia collocare uellent, qui hominibus Christianè prouiderent, eos Episcopus, iuxta antiquam consuetudinem institueret ac inuestire debet.

Item si possent Domini Pontifices constanter docere. Quod Ecclesiastici in Terris domini Ducis commorantes secus quam Christiani ac contra ordinationem & constitutionem uniuersalis sanctæ Ecclesiæ Christianæ se gererent: debet dominus Dux una cum dominis Episcopis iuuare, ut tales debita castigatione emendantur.

Item si quispiam Ciuium aut Rusticorum duos annos antè proxime gestum bellum usque huc domino suo se subduxisset, & absque uoluntate eius aufugisset, repetiti debent dominis suis sine omni medio restitui, & exinde nulla partium alterutrius detinere. Qui autem uel ab utraque parte abacti sunt, ij debent publicis mandati Literis ad dominos suos dirigi, seu remitti.

Item debet dominus Albertus Marchio R.M. & Regno Pol. iuramentum, uti naturali & hæreditario domino suo, præstare: & se in posterum erga eius R.M. in omnibus sicut Principem Vassallum erga dominum suum hæreditarium de iure decet obedientem exhibere. Debet præterea Marchio Georgius suo & fratrum nomine uexillum contingere. Debent similiter Marchiones Kazimirus & Iohannes Sigillis & Literis suis intra annum huiusmodi contractum agnoscere, & acceptare.

Item debet Regia Maiestas ex aduerso Marchioni Albertò infra scriptas Terras, Ciuitates, Castra, & Vicos uidelicet tria Oppida & Castrum Königsbergk: Lochsteten, Vargen, Girmann, Pubetten, Rudau, Schokken, Kaymen, Kremitten, Vuldau, Tapiau, Taplauken, Narbetten, Insterburgk, Allēburgk, Vensteruu, Gordauen, Angerburgk, Mordenburgk, Labiau, Lauukisten, Tilsith, Ragnet, Rossiten, Vinthergk, Mymel, Brandenburg, Kreuuczburg, Fredlant, Demenau, Barten, Letzen, Balge, Heylige, Beyhell, Zintten, Lauudsbergk, Preuscheuulau, Bartenskyn, Schesten, Saynsburgk, Reynn, Rastenburgk, Lieck, Iehiansburgk, Hollandt, Liebstadt, Mulhauusen, Mormige, Passenheym, Ortelsburgk, Osterode, Hogenstain, Neidenburgk, Soldau, Ilgenburgk, Schippenbeil, Teuuschthelau, Preuschmargk, Lubemul, Salfelt, Risemburgk, Marienuerder, Tirembergk, Labtau, Schonbergk, Bouunden, Iorgenburgk, Resenburgk, Gordensche, Neuuhau, Freyestadt, Solau, Visschhausen, Bisschouuerder, Medenau, tanquam Duci in Prussia in legitimum & hæreditarium feudum conferre, & eiusmodi infeudationis Literas ab uno fratre ad alium & eorum hæredes tanquam super diuiso feudo iuxta tenorem transactionis conficere.

Item si quando memorati quatuor Principes & Marchiones Albertus, Georgius, Kazimirus, Iohannes, & eorundem legitimi feudi hæredes omnes sine legitimis feudi hæredibus decederent, tunc & non antea debent supra scriptæ Terræ Prussiae ad R. M. & Regnum Polon. hæreditariæ redire & recidere. Si uero filia superesset hac debent Ducalis dotis pecunia à Regia Maiestate absolui & prouideri.

Item debet R.M. Marchionem Albertum suos hæredes & omnes incolas supra scriptarum Terrarum Prussiae in eorum priuilegijs huic transactioni & superioritati Regiæ Maiestatis non repugnantibus, conseruare: & alias ab iniqua uiolentiâ defendere & manutenere.

Item debent tam Ordinis quam Nobilitatis & Ciuitatum prædictarum Terrarum Prussiae Mandatarij Nunchij pro se, hæredibusque & successoribus suis consentire, & inscribere, quod se ipsos, hæredesque & successores suos post obitum quatuor prædictorum Principum & suorum legitimorum feudi hæredum ad R.M. & Regnum Polon. ac ipsius hæredes debita fidelitate & subiectione uti ad eorum naturalem ac hæreditarium dominum, & nullum alium tenere debeant, & uelint. Ita denique quod Regia Maiestas supra scriptas Terras Prussiae cum aliquo linguam Germanicam callenti, & in eodem Ducatu bene possessionato, qui omnia officia administret, procurare debeat. Et si Maiestas Regia Consiliarios suos deputauerit, quod Nobiles & Ciuitates Ecclesiastici & Sæculares omnium Ordinum Terrarum Prussiae Duci ex Prussia iuramentum præstare debeant, quod tunc ex singulis Districtibus duo ex Nobilitate, ac Ciuitatibus nomine aliorum omnium, quemadmodum hic præsentibus se inscripserunt, Literis quoque & Sigillis suis huiusmodi

concor-



concordiam recognoscere debebunt, & quum Principi de Prussia iuramentum præstauerint, quod tunc medio huiusmodi eorum præstitio iuramento, etiam hanc concordiam se seruatiuros promittant.

Item quod Princeps de Prussia primum & proximum locum in Consilijs, Terrarum Comitibus, & publicis conuentibus apud R. M. habere debet.

Item quod Princeps ex Prussia, hæredesq; & successores Principes ex principatu & Terris Prussia prædictis nihil uendat: uerum si ad hoc ingens urgeret necessitas, debent hoc Regia M. tanq; dño suo hæreditario antè unū annū prius denunciare. Quod si Maiestas sua emere nollet, extunc ipse Princeps uendendi habeat potestatem: Regalibus tamen Regia M. feudi & obsequiorum iuribus saluis. Et præterea si Dux ipse Prussia urgente necessitate pmeretur, poterit Arces & Oppida sua Vasallis suis locare & impignorare ut eadem Terræ unitæ & indiscissæ quemadmodum nunc sunt, permaneant.

Item quod ad obsequium attinet, ex quo Terra Prussia in magnum detrimentū peruenit, promisit R. M. Marchioni Alberto sex annorum libertatem se ex gratia daturam. Vbi autem Regia M. & Regnum Pol. à quibuslibet cuiusuis dignitatis aut conditionis illi fuerint, occasione huius transactionis & concessionis feudi impugnaretur: extunc Dux in Prussia cum successoribus in propria persona una cum omnibus suis subditis, psummis uiribus Regiam M. etiam intra hoc sex annorum libertatis spacium adiuuare & illi consulere sit obligatus. Similiter Regia M. & Regnum Poloniae erga Ducem in Prussia & ipsius Terras in hoc casu facere debebit.

Si autem cōtingeret quod Regia M. aut Regnum Pol. extra hunc cōtractum ab infidelibus & alijs urgeretur, & Regia M. Pol. in propria persona cum omnibus suis subditis in Castra proficisceretur: tunc Dux in Prussia cum successoribus suis obligatus esse debet Regia M. cum centum instructis equis, usq; ad terminos Terrarum Prussiae insequi.

Si uero Dux in Prussia à Regia M. ultra fines transire requisitus fuerit, extunc huiusmodi centum equites instar aliorum Maiestatis suæ equestrium militum Regijs stipendijs militare debebunt. Casu autem quo Regia M. urgenti necessitate plures quam centum equites à Duce in Prussia educi desideraret, quotquot centenarium numerum excesserint, à tempore exitus domiciliorum suorum, Regio stipendio, ut præmissum est, militabunt. Si uero in facultate Ducis ex Prussia non fuerit plures quam centum equites educendi, non debet propterea ipsum Maiestas Regia ulterius urgere.

Item quod ad iurisdictionem inter Regiam M. & Principem Prussiae attinet, ita obseruandum est, si contingat quod R. M. Principem, aut uicissim Princeps ipse R. M. in causis personas utriusq; partis concernentibus conuenire uellet, debet Maiestas Regia Consiliarios suos Marienburgi aut Elbingi collocare, iuramentisq; quibus suæ Maiestati obnoxij sunt absolvere, & rursus ad iustè iudicandum obligare. Et quicquid tunc a prædictis Consiliarijs Regia M. & Principi pronunciatum & decretum fuerit, ratum esse debet, & sine contradictione seruari.

Si uero quispiam de sorte seu conditione Principis Sæcularis, aut Ecclesiastici status in Prussia supradictum Principem de Prussia super quauis re conuenire prætenderet, debet M. Regia sex ex Consiliarijs suis & Princeps in Prussia totidem ex suis ad iudiciū, ut præmittit, obligare, & iuramentis astringere: & quicquid ipsi æquè esse decreuerint, & pronunciauerint, ei utraq; Pars acquiescere, & sine ulla tergiversatione id ratū habere debet.

Si autem aliquis qui de sorte Principum non fuerit, contra Ducem in Prussia quampiam actionem instituere uellet, hoc coram Vasallis Principis facere debet, quos Princeps ipse collocare, & ad iudiciū obligare tenebitur. Si quis autem occasione huiusmodi iudiciorum in casibus Principis personam attingentibus sibi iniuriam factā, aut se grauatum existimaret esse, poterit ad Consiliarios (quos R. M. & Dux in Prussia quotannis ad festum S. Frãscisci, cum id necessitas exigerit Marienburgum mittere debebunt) prouocare. Qui super ea re cognoscendi potestatem habere debent. Quod si ibi cognitum fuerit appellationem prouocantis friuolam & illicitam esse, debet illa Pars iudicio decem marcas Pruthenicales pendere, & Parti aduersæ ad refundendum expensas litis & ad parendum priori sententiæ obligata esse.

Vbi uero actiones emergerent, incolas Terrarum Prussiae & eorundem possessiones utrinq; contingentes, unusquisq; in eo iudicio ubi bona seu possessiones sitæ fuerint, aut Reus domicilium habuerit conueniri, & ad extranea iudicia trahi non debet.

Item neutrius Partis subditi, nec etiam eorum bona ex quo in locis ad quæ spectant iustitia obtineri possit, in alienis iudicijs arrestari, aut detineri debent.

Item



Item quod deinceps omnes Incolæ Terrarum Prussiae utrinque reciproca uicissitudine in terra & mari sine impedimento negotiationes exercere, ueteribus stratis proficisci, & curribus transire, necnon in priuilegijs suis hoc casu permitti debent.

Cæterum fora in Villis contra fas & antiquam consuetudinem instituta, deinceps ubique aboleri, & in Ciuitates ad quas spectant reponi debebunt.

Item quod profundum Balgen. ad mare recens Haeb & ubicunque alias profunda id est Ostia maris fuerint, caput Visla, & omnia flumina omnibus Prussiae Incolis, ut in ipsis nauigare & transire possint libera sint. Et peregrini Mercatores nec in Königsberg. nec Braumbsbergk, Elbingum, Gdanum, aut in ullam aliam Ciuitatem proficisci cogantur, sed debent liberè non coacti prout ipsis placuerit uelificare, & nauigare. Attamen sine antiquorum teloneorum & priuilegiorum detrimento.

Item nulla telonea, depositiones uel alia grauamina in Terris Prussiae contra antiquam consuetudinem & priuilegia ab ulla partium institui debent. Sed uetera telonea permanere. Si autem ab alterutra partium à tempore transactionis Regis Kazimiri telonea essent instituta, ea quoque hincinde abrogari debent. Si uero successu temporis contingeret quod R. M. & similiter Dux in Prussia ad requisitionem utriusque subditorum suorum alibi noua telonea aut emporia ad utilitatem Terrarum Prussiae instituere destinaent, tunc debet Maiestas Regia Ducem Prussiae uocare in locum opportunum, & ambae partes super ea re concordandi & transigendi potestatem habere. Si etiā aurigæ, uel nauæ huiusmodi telonea præterirent, non debent eis bona adimi, sed tantum naues, currusque auferri.

Cæterum quod ad bona naufragantium attinet, debet id cum iisdem secundum ueterem introductam consuetudinem, ex quo idem in Zelandia, Holandia & Brabantia consuetum est, etiam obseruari, ita tamen quod à nautis nihil plus extorqueatur.

Item debet utraq; partium aduersus alteram nunc & deinceps publicarum stratarum prædones, fures, & alios Terris perniciem inuehentes, ad receptandum & promouendum abstinere. Sed qui unius partis professus hostis sit, debet etiam ab altera parte pro eius diffidato hoste & damnificatore censi.

Item quæuis partium potestatem habere debet hostes & noxios suos in bonis alterius partis persequendi, & in quibus iudicijs apprehenduntur, in illis sisti, & iuxta ipsorum demerita iustificari debent.

Item Dux in Prussia, præterea Elbingen. Gdanen. & Thorunen. omnem monetam eundere abstineant, ita quod R. M. intra hinc & festum Pentecostes sequentis anni diem statuat se ratione huiusmodi monetæ clarè concordandi.

Item quod Dux Prussiae omnibus priuilegijs & iuribus huic contractui repugnantibus, seu ea sint à Pontificibus Max. Imperatoribus, Principibus, uel Regibus Pol. profecta, nunc & in perpetuum renunciare, & ea in manus Regiæ Maiestatis consignare debet. Si autem quicquam in eiusmodi priuilegijs contineretur quod huic transactioni non repugnaret, sed Duci Prussiae & Terris occasione finium, & aliorum iurium & priuilegiorum necessarium esset, debet Maiestas Regia eiusdem tenoris sub Literis & sub Sigillo Maiestatis suæ ea denuò concedere.

Item quod Regnum Pol. & Terræ Prussiae pro se & eorum successoribus sufficienter se inscribere debent, quod hanc institutam transactionem, in omnibus suis partibus punctis & articulis fideliter perpetuò & irrevocabiliter seruare, nec unquam contravenire aut agere debeant, aut uelint: hoc puncto singulariter adiuncto, si casus mortis Principum quos Deus pro suo arbitrio conseruet, se offerret, quod Terræ Prussiae Maiestati Regiæ & Regno Poloniae, & nulli alteri adhærere debent.

Postremo si quisquam cuiusquam dignitatis aut conditionis existeret, huncque contractum impugnare uellet, debent tres Marchiones, quos hæc concordia pariter attingit, una cum Duce de Prussia eum omnibus, quos ad hoc permouere poterunt, Regiam Maiestatem iuuare, & super hoc respondere.

Huic superscriptæ Christianæ concordiae & unitati, Regia Maiestas Poloniae, & Dux Prussiae in omnibus articulis, clausulis, conditionibus, punctis superius expressis Regiam ac Ducalem dignitatem, Christianamque bonam fidem perpetuo & fideliter interponen. inuolabiliter pro se & successiue posteritatis eorum hæredibus successores Reges Poloniae & Duces Prussiae ratam & firmam habere, & obseruare polliciti sunt, ac promiserunt. Pro maiori præfatorum fide & securitate Regia Maiestas similiter Dux Prussiae huiusmodi pactum, concordiam, & unionem manu eorum propria subscripserunt, & Sigilla ipsorum nostris adhærentia subappendi fecerunt, & huiusmodi contractus binæ literæ concor-



concordationis seu unionis sub eodem uerborum tenore confectæ cuilibet Parti unæ præsentatæ sunt. Datum & actum Cracouiæ Sabbato in uigilia Palmarum, quæ fuit octaua mensis Aprilis. Anno Domini. 1525.

Nos itaque Sigism. Rex Pol. de consilio & consensu Consiliariorum nostrorum Regni Pol. omnes & singulos memoratos articulos ut præmittitur medio Illustrum Principum prænominatorum Georgij Marchionis Brandeburgen. & Friderici Ducis Legnicen. inter nos, & Illustrum dominum Albertum Marchionem Brandeburgen. Magistrum ac Ordinem eius in Prussia actos conditos & conclusos in omnibus & singulis eorum punctis, clausulis, continentijs prout iacent, acceptamus, ratificamus, approbamus, laudamus, & confirmamus, ipsosq; perpetuum firmitudinis robur obtinere uolumus. Promittentes in uerbo nostro Regio, ac sub fide boni ac legalis, & ingenui Principis pro nobis atque successoribus nostris Regibus Pol. ac Regno, & dominis nostris, quantum nos & illa concernunt, nos omnia supra scripta in præinsertis Literis atq; articulis conditis & conclusis expressa firmiter & inuiolabiliter obseruare, exequi, & adimplere, neque illis quoquomodo contrarietate de lure, uel de facto, directe & indirecte, omni dolo & fraude penitus seclusis. In quorum omnium & singulorum fidem, robur, & testimonium præmissorum præsentis Literas manu nostra propria subscripsimus, illasq; Sigillo nostro Regio & Consiliariorum nostrorum Sigillis communiri fecimus. Datum Crac. die Domini co Palmarum. Anno domini 1525. Regni uero nostri anno 19. Præsentibus, &c.

Rex Sigis. Terras Prusiæ dat in feudum.

**I**N NOMINE DOMINI AMEN. Ad perpetuam rei memoriam, Nos SIGISM. Dei gratia Rex Polonia, Magnus Dux Lithuanie, necnon Terrarum Cracouiæ, &c. dominus & hæres, Vniuersis & singulis præsentibus & futuris harum feriem inspecturis, manifestum facimus: Quia cum olim multæ & grauès controuersie, multaq; Reipub. Christianæ perniciosissima bella gesta fuissent inter prædecessores nostros Reges Poloniæ, ac Magistros & Ordinem dictum S. Mariæ Teuthonicorum super proprietate in Terris Prusiæ Regibus & Regno Pol. Ius suum hæreditarium pro uirili tuentibus, Magistris uero ac ordine suis iuris ac legitimis hæredibus, & dominis parere recusantibus, atq; ijs tantis controuersijs, tantisq; bellis eo res deducta fuisset, ut diuino fauore iusticiæ Regni nostri opitulante, & pax confecta & Magistri ac Ordo, totaque ipsorum ditio in subiectionem & homagium Regibus & Regno Pol. deuenisset, idq; longissimo tempore tentum & obseruatum esset. Successu uero temporis nouæ controuersie de ipsa proprietate, ac demum bellum inter nos Regnumq; nostrum, & Illustrum dominum Albertum Marchionem Brandeburgen. Magistrum generalem ac Ordinem eius suscitatum esset, cum maximo Reip. christianæ incommodo. Proindeq; summi Pontificis uidelicet LEO decimus ADRIANUS sextus, & modernus CLEMENS septimus, demum Inuictiss. CAROLUS Rom. Imperator & Hispaniæ Rex catholicus, Necnon Sereniss. Nepos noster dominus LUDOUICUS Hungariæ & Bohemiæ Rex, ac plerique Germaniæ Principes summo studio apud nos egissent de concordia, & pace componenda. Quæ denique concordia cum medio Illustrum Principum dominorum GEORGII Marchionis Brandeburgen. in Silesia Ratiborien. Jagendorff, in Prussia Stetinens. Pomeraniæ, Cassubarum, Sclauorum, &c. Ducis Principis Rugiæ ac Burgrabi Nuremburgen. & FRIDERICI Ducis Legnicen. & Brigen. & Capitanei inferioris Slesie tractata & conclusa esset, uenissetq; ad nos ipse Illustris dominus ALBERTVS Marchio Brandeburgen. & Magister generalis cum nonnullis membris Ordinis & subditis suis plenam & omnimodam facultatem ab Ordine & uniuersis subditis eius habentibus, se nobis uti tero & legitimo hæredi, & domino suo ac Terrarum omnium Prusiæ subijcien. ac eadem Terras sibi in feudum dari enixe, & suppliciter, primum eius Consilarij Proceres & subditi, demum ipse Illustris dominus Albertus Marchio a nobis petiuissent, declarans se nobis & Reipublic. Regni nostri hoc pacto magis ex usu fieri posse, pacemq; firmiorem futuram. Nos rationem habentes in primis utilitatis ipsius Reipub. christianæ, quæ in tanta infidelium tempestate, non nisi pace & concordia inter se christianorum Principum seruari potest, demum obaudire nolentes, ut postulata Sanctiss. domini nostri Papæ, Cæsareaq; & catholice Maiestatis, ac Sereniss. domini Nepotis nostri domini Ludouici Hungariæ



gariæ & Bohemiæ Regis, aliorumq; Principum christianorum qui hactenus omni cōnata hanc differentiam & bellum sistere & componere inter nos studuerunt, ac deniq; gratificari & commodare uolentes dicto Illustri Principi Domino Alberto Marchioni Brandeburgen. uti Nepoti nostro ex sorore charissimo, eiusq; Domui de Onspach annuimus non gratuatim precibus eius Illustritatis, & subditorum ipsius, illiq; & eius ueris masculini generis & legitimis feudi hæredibus ex lumbis eius procedentibus, Terras, Ciuitates, Oppida, & Arces infra scriptas in perpetuum, & in diuisum feudum dedimus, & concessimus, & ipsum de illis per uexilli nostri traditionem inuestiuimus, harumq; serie Literarum damus & concedimus: uidelicet Arcem Königsberk cum tribus Ciuitatibus, item Arces & Oppida Lochstete, Vargen, Girmavv, Pubetten, Rudavv, &c. ut in præcedentibus concordia Literis sunt descripta. Cum omnibus & singulis subditis, Vassallis, fructibus, dominijs, superioritatibus, libertatibus, & iuribus una cum omnibus Arcibus, Ciuitatibus foris, Villis, mansis, Curijs, molendinis, molendinorum locis, censibus, uectigalijs, redditibus, teloneis, seruitijs, feudis Spiritualibus, & Sæcularibus, lacubus, fluminibus, piscationibus, aquis, aquarum decursibus, ferarum lustris, ferarum meatibus, uenationibus, syluis, nemoribus, pascuis, pratis, actibus etiam, cum omnib. metallis, quæ modo sunt seu in futuro fieri possunt auro, argento, cupro, stanno, plumbo, salinis supra & subtus Terram, similiter una cū omnibus & singulis eminentijs, iuribus, & pertinentijs uniuersis nullis exceptis, sicuti eiusmodi Terras priores Magistri generales, & idem Ordo habuere, et usq; ad præsens nouissimum bellum gestum usu & fructu tenuerunt, in posterum, perpetuè & hæreditariè in commune & indiuisum feudum tenen. habent. fruendum, uendum, & possidendum. Vbi uerò ipse Illustris Albertus Marchio & Dux in Prussia sine legitimis masculis feudi hæredibus, uel eius legitimi masculi feudi hæredes non relicta, ple uirili deficeret, extunc supradictæ Terræ, Ciuitates, & Oppida & Arces in omni forma & modo quemadmodum eas supradictas Illustris Albertus Marchio habuit, ad Illustrē Principem Dñm GEORGium Marchionem Brādeburgē. & ipsius legitimos sexus masculini feudi hæredes uenire, & deuolui debent. Si uerò etiam Marchio Georgius sine legitimis feudi hæredibus masculis, uel eius hæredes post eius obitum sine legitimis masculi generis legitimis feudi hæredibus ex humanis concederent, dictæ Terræ, Ciuitates, Oppida, & Arces ad Illustrē Principem Dñm CAZimirū & eius masculos feudi hæredes deriuari ac deuolui debent. Si aut prædictus Marchio Cazimirus sine ple mascula feudi hærede decederet, aut eius feudi hæredes post ipsius mortē liberos masculos feudi hæredes post se non relinquerent tunc nominatæ Terræ, Ciuitates, Oppida, & Arces in Prussia ad Illustrē Principem Dñm IOHannē Marchionem Brandeburgen. & eius ueros legitimos masculini generis feudi hæredes deuolui debent, ita quod dictæ Terræ, Ciuitates, Oppida, & Arces ubi diuina ordinatione huiusmodi casus futuris temporibus accideret, de fratre in fratrem prædictos & eorum legitimos feudi hæredes masculos cedant, & deuoluantur, sine nostro, hæredumq; & successorum nostrorū Regū ac Regni nostri Poloniae impedimento. Ita tamen cum, & quotiens se obtulerit eiusmodi casus deuolutionis de uno in alterum, prædictos fratres & eorum legitimos feudi heredis masculos debebunt illi, & quisq; eorum debeat nobis & successoribus nostris Regibus ac Regno Pol. infra tempus debitum ac legitimum debitam subiectionem, & feudi obligationem, ac homagiū præstare. Quod si prædicti quatuor fratres de domo Onspach diuina uoluntate sic disponēte sine mascula prole feudi hærede legitima ex lumbis eorū ordine suprascripto procedente, aut eorum huiusmodi proles similiter sine masculo feudi hærede legitimo ex lūbis eorum pcedente decederet, Tunc oēs & singulæ Terræ, Ciuitates, Oppida, bona, & Arces suprascriptæ ad nos, & successores nostros REGES & REGNum Poloniae sine omni impedimento ac contradictione deuolui ac redire debent.

Debeat item ipse Illustris Dñs Albertus Marchio & Dux in Prussia, eiusq; prænominati successores & feudi hæredes pro hac nostra in se beneficentia nobis & Regno nostro tale obsequium præstare, quod ubi ratione huius concordia & cōcessionis feudi à quocunq; cuiusuis eminentiæ & conditionis Principe seu potentatu impeteremur, aut successores nostri impeterentur, tenebitur ipse Illustris Dominus Albertus Marchio aut eius prædicti successores Duces in Prussia in propria persona nobis & Regno nostro ubique unā cum omnibus suis subditis, & pro summis uiribus suis adesse. Quod uicissim nos & successores nostri Reges ac Regnū Poloniae in eodē casu facere debebimus & debebunt.

Vbi



Vbi autem contingeret quod nos uel successores nostri Regnum Pol. altera quauis ex causa tã ab infidelibus quã ab quocũq; alio hoste impeteretur, & ipsi in persona propria ad bellum cum subditis nostris proficisceremur, aut successores nostri proficiscerentur, debebit Illustris Dominus Albertus Marchio & Dux in Prussia aut eius prænominati successores Duces in Prussia nobiscum cum centum equitibus armatis proficisci, & intra limites Terrarum Prussiae nobis seruire. Quod si educere extra terminos Prussiae illum aut eius successores nos & successores nostri uellemus, extunc ad eosdem centum equites stipendium tale præbere, quale dari alijs nostris mercenarijs equitibus est solitum, tenebimur. Vbi uerò nos uel successores nostri uellemus ipsum Dominum Albertum Marchionem aut eius nominatos posteros nobis & successoribus nostris maiori comitatu seruire, debemus nos & successores nostri ijs omnibus militibus quos ultra centum prædictos conducere posset, mox post egressum à domibus ipsorum stipendium, quod nostris militibus dabitur, illis, quam diu seruierint, persolvere. Si autem plures quam centum prædictos equites ipse Illustris Dominus Albertus Marchio aut eius successores Duces in Prussia educere non possent, non debemus nos aut successores nostri ab illo & eius posteris Ducibus in Prussia plura exigere.

Præterea non debet ipse Illustris Dñs Albertus Marchio & eius nominati feudi hæredes successores Duces in Prussia, quicũq; ex Terris, Ciuitatibus, Oppidis, Arcibus, & bonis prædictis uendere. Verum si ad hoc illum, & eius successores ingens urgeret necessitas tenebitur nobis & successoribus nostris tanquam dominijs suis hæreditarijs ante omnia denũciare. Quod si nos ipsi emere non curauerimus, aut hæredes & successores nostri non curauerint, in hoc casu ipse Dñs Albertus Marchio & Dux in Prussia aut eius legitimi feudi hæredes seu successores cuiũq; uoluerint uel potuerint, liberam uendendi habebunt facultatem. Regalibus tamen nostris feudi & obsequiorum luribus semper saluis remanentibus.

Poterit etiam ipse Dñs Dux in Prussia & eius feudi hæredes ubi eos necessitas urgēs premeret, ex bonis suis prædictis quantum opus foret impignorare suis duntaxat subditis & Vassallis, ut eadem bona unita & indiuisa permaneant. Quæ etiam omnia & singula superscripta, & quacũq; alia quæ Vassallus & feudalís Princeps erga suum naturalem Dominum hæreditarium & superiorem dñm præstare ac obseruare tenetur, debet ipse Illustris Dñs Albertus Marchio & Dux in Prussia ac eius feudi hæredes legitimi successores firmiter & inuiolabiliter adimplere. Nosq; uicissim illum & successores eius omni gratia & fauore Regio completi, ac illos in iuribus & immunitatibus ipsorum conseruare pro nobis & successoribus nostris Regibus & Regno Poloniae pollicemur. In quorum omnium & singulorum fidem & testimonium Sigillum nostrum præsentibus, est appensum, Datum Cracoui. feria secunda post dominicam Palmarum proxima. Anno Domini 1525. Regni uero nostri anno 19. Præsentibus, &c.

Rex dabit Alb. Duci Prus. 4000. floren. Rhenen.

**S**I Gismundus, &c. Significamus tenore præsentium uniuersis. Quia cū diuino fauore Illustris Princeps Dñs Albertus Marchio Brandeburgen. ac in Prussia Stettinen. Pomeraniae, Cassubarum, Sclauorum, &c. Dux, Burgrabius Nurembergen. & Princeps Rugie, Nepos noster charissimus, post cōtrouersia ad q̃ nobiscū deuenerat, tandem ad nos ueniens medio Illustrium Principum Dñorum Georgij Marchionis fratris germani ac Friderici Ducis Legnicen. sororij sui, se nobis reconciliatuerit, magnaq; ac euidentia testimonia & indicia de sua erga nos fide ac propensione exhibuerit, uolentes eius Illustritatem in Terris Prussiae quas illi in feudum dedimus, & quæ bellica fauitia magnum detrimentum sunt passæ, releuare, ac illū nobis & Regno nostro maiori beneficentia deuincere, dandum & donandum illi duximus annuū stipendiū, quatuor millium florenorum Rhenensium in auro, uel pro singulis aureis xxviiij. grossos integros monetæ, & numeri Regni nostri præsentis, harumq; serie Literarū damus, donamus, & assignamus, ad terminos uitæ Illustris suæ per nos & successores nostros quotannis soluendi ita uidelicet quod primam ratam anni huius soluere debemus ad festum S. Michaelis proximè futurum, alteram uerò ratam ad festa Paschæ anni Dñi 1527. & deinceps singulis annis sequentibus ad festa Paschæ dictam summam quatuor millium flor. Rhenensium



soluere nos & successores nostros Reges Polon. submisimus, & presentibus submittimus, ac obligamus, promittentes in uerbo nostro Regio pro nobis & successoribus nostris Regibus Pol. quod eam donationem & firmam habebimus, & illi semper quo ad sua Illustritas uixerit satisfaciemus, & successores nostri Reges Poloniae satisficient. In cuius rei testimonium Sigillum nostrum est presentibus appensum. Datum Crac. feria iij. post Dominicam Palm. quae fuit xij. Aprilis 1525. Regni nostri 19.

Privilegium Duci Prussiae datum.

**I**N NOMINE DOMINI AMEN. Ad perpetuam rei memoriam, Nos SIGISM. Dei gratia Rex Pol. Magnus Dux Lithuaniae, nec non Terrarum Cracouiae, Sandomiriae, Siradiae, Lanciciae, Cuiaviae, Ruffiae, totius Prussiae, Culmen. Elbingen. Pomeraniae, &c. Dominus & haeredes, Manifestum facimus tenore presentium. Quia licet quasdam Terras nostras hereditarias in Prussia Illustri Principi Dño ALBERTO Dño Marchioni Brandeburgen. & Duci in Prussia, &c. iure feudali concessimus, in earumque possessionem illum per Consiliarios nostros induci fecimus, & eius concessionis, ac articulorum, & conditionum inter nos tractatarum illi sufficientes nostras Literas dedimus, in quibus praeter alia etiam, immunitates illi a nobis concessae sunt descriptae, tamen cum contractus cum illo per nos factus uelit, ut si quidpiam in privilegijs illis contineret quae nobis restituit, & quibus renunciauit, quod huic ipsi contractui & transactioni non repugnaret, sed quod ipsi Duci ex Prussia & Terris eius occasione finium & aliorum iurium & privilegiorum necessarium esset, quod id nos sub Literis & Sigillo nostro denuo concedamus: Ideo nonnullas infra scriptas praerogativas & immunitates prioribus Literis contentas eius Illustritati renouandas, addendas, & denuo concedendas duximus, & tenore presentium concedimus, ita sane, ut ipse Dux Albertus similiter & haeredes eius Terram concessam ab omni exactione & seruitio, exceptis his quae nominatim in contractus concordia expressa sunt, libera teneat ac immunem, & coram nullo alio, si ratione ipsius Terrae impeteret, quam coram nobis, aut successoribus nostris Regibus Poloniae respondere teneatur, atque ut liceat eidem una & haeredibus suis per totam Terram nunc concessam, ad commodum suum passagia & telonea ordinare, secundum contractus praescriptum, Nundinas & fora statuere, monetam cudere pro contractus formula. Talia & alia iura taxare, directuras per terram in fluminibus, & in mari sicut utile uisum fuerit, stabilire. Denique Iurisdictionem, potestatemque illam habeat, & exerceat in Terris suis, quam aliquis Princeps Regni nostri melius habere dignoscitur in Terra quam habet. Quatenus autem in ita concordia, & contractui, non aduersetur, ut bonos usus & consuetudines ponat, falsitias faciat, & statuta quibus omnes eius subditi pace tranquilla gaudeant, & utantur. Postremo concedendam etiam duximus, & concedimus tenore presentium eius Illustritati atque Nobilibus suis omnibus libertatem ducendi & transuehendi per Regnum & dominia nostra, terra uel aqua, omnes & singulas res quaecumque ad usum & necessitatem propriam eius Illustritatis atque eorundem Nobilium, non autem ad mercaturam exercendam, opportuna & necessaria fore uidebuntur, & his pariter omnibus qui ex alienis prouincijs commigrare uellent, in Terram & ditiones eius Illustritatis, Equestris duntaxat conditionis seu Nobilibus, liberam damus res omnes illorum proprias secum transferendi per Regnum & dominia nostra, absque solutione cuiuslibet telonei, & citra ullum impedimentum, facultatem & praerogatiuam. In cuius rei testimonium Sigillum nostrum est presentibus appensum. Actum & datum in Ciuitate nostra Marienburg. sabbato proximo ante festum S. Trinitatis. Anno Dñi 1526. Regni uero nostri anno xx. ut supra in Literis feudalibus Ducis Pomeraniae.

Nobilitas cum Ciuitatibus approbant concordiam.

**N**Os infra scripti Erhardus electus Pomesan. Fridericus Dñs de Heydek ordinis Teuthonicorum in Prussia, Henricus de Kittlicz, Georgius de Kymheim nomine Nobilium: Nicolaus Richan Magister Ciuium Ciuitatis antiquae, Cristianus Schenbergk Consul in Kuribhoff nomine maiorum & minorum Ciuitatum in Prussia: palam facimus & recognoscimus, quia cum retroacto tempore multa, grauiaque bella inter Sereniss. Polon. Reges, & inclytos Teuthonici ordinis Magistros magnos, tantis odijs, inueteratisque dissidijs in utriusque populi & Polonici & Pru-

(the-



thenici calamitatem gesta sint, ut parum hactenus profuerint contractus, & pacis fœdera Summorum Pontificum, Imperatorū, Regum auctoritate semper interposita. Cuius mali origo hinc dimanauit. Quod Prūsia Terra (nam de eius propinquitate tantopere pugnatum est) rectore hæreditario caruit, cum hinc Reges Polo. illinc magni Magistri & militaris Ordo lus suum prætenderent, mallentq; armis quam pia, Christianaq; cōcordia negotium transigere. Proindeq; peruenit eorum malorum non parua portio ad nostrā usq; ætatem. Siquidem paucis ab hinc annis oborto iterum ea de re bello, concurrētibusq; infestis signis Sereniss. Rege Sigismundo; & Illustriss. Principe Alberto magno Magistro: quanta uastitate utraq; Terra affecta sit, ostendunt ipsæ ruinae & calamitas miserorū. Sūt uastati agri, abducti Coloni, effusus sanguis Christianus, uim passæ mulieres, stupratæ uirgines, prophanae sacræ ædes: præterea alia scelera & bellorum incommoda perpetrata, quæ etiam audire, ne dum fieri in populo christiano mens horret. Cuius belli immanitate moti, & miserorum fortunam miseri, Summus Pontifex, sacratissima Cæsarea Maiestas, Sereniss. Hungariæ, Bohemiæq; Rex ad inducias quadriēnales utrāq; partē pijs rationib. flexerūt, eo proposito, ut quadriēnio illo induciarū ueterē discordiā omnino tollerent, & pacem firmam inter nos finitimas gentes componerent. Erat spes bona nobis fore, ut aliquando concordia pro discordia ueniret. Cæterum cum Christianus orbis undiq; bellorū tumultu, uarijsq; perturbationibus uexaretur, factum est, ut tam pium consiliū tantorū rectorū Rerumpu. de cōcordia statuenda impediret, quādo quidem quadrienniū induciarū irritū abiit, ut eius fine pro pace bellū uideret renasci, qd' sanē ita erat in manifesto, ut aut ipsum noua cum calamitate Christianorū fuisset suscipiendum, aut in contractum Thorunensem cui titulus est perpetuæ pacis coniurandum. Quando igitur uersaremur inter duo eiusmodi pericula, ut aut arma patriæ nostræ intoleranda deinceps forent capeffenda, aut necesse esset consentire in concordiam & prædictum contractum perpetuæ pacis, nec in aliam partem se flecti permetteret Sereniss. Rex Pol. & inclytum eius Regnū: Respexit Deus propicijs oculis in pias preces calamitate afflictū populi, deditq; ex imp. uiso pios ac prudentes pacis per alium modum procuratores Illustriss. Principes & domi nos Dñm GEORGium Marchionem Brandeburgen. &c. & Dñm FRIDERICū Ducem Legnicen. &c. quos uetus discordia & periculum redeuntis belli non minùs mouit, quā si eorū res ageret: quū sint utriq; Partiū sanguine & affinitate coniūctissimi. Hi diuina inspiratione inuenerūt Articulos transactionis & pacis cum iustos, tum Christianos. Qui si bona fide custodiantur, non erit amplius timor de periculo renascituri belli.

In primis aut sua prouidentia curarunt, quo restingeretur fons, unde hactenus tot mala fluxerunt, scilicet, ut habeat Terra Prūsia Principem hæreditarium, qui iustis de causis superiorem recognoscat Sereniss. Regem Pol. & inclytum eius Regnum. Quando quidē certis iam indicijs & argumētis haud fallacib. iā tandē euidēter cognouimus, fundum & solum Terræ Prūsia intra fines, limites, & circulo ditionis inclyti Regni Poloniae contineri, & concludi. Quando autem nihil potius esse debet Christianis pectoribus, q̃ cum omnibus, si fieri possit, in primis uerò cum uicinis in pace & tranquillitate uiuere, q̃ nobis Magister noster Christus & eius discipuli tanta cura & studio commendarūt: Volētes accurrimus ad per tam pios Principes oblatas pacis conditiones, qua hactenus indigni uisi sumus, & nūc diuina cōmiseratione donamur: idq; eò libentiùs fecimus, quod nos ad eandem transactionem amplectandā clarissimus uir Dñs Iohānes Statilius Præpositus Vesprimien. Secretarius & Orator Domini Ludouici Regis Hungariæ & Bohemiæ Regis Dñi nostri gratiosissimi adhortabat duplici nomine, tū qd' ad percutiendum fœdus pacis missus esset, tum quod propositi articuli transactionis iusti ac Christiani à præfato Sereniss. Rege iudicarentur, qui ceu alter summorum arbitrorum concordia statuendæ in quadriēnalib. inducijs nihil eque ad se pertinere affirmauit, quam, uel in ipsis inducijs, uel post finem earum inter Principes utrinq; sibi coniunctissimos & populos uicinos pacem procurare. Ideo consensimus & consentimus in transactionem & concordiam inter Sereniss. dominum Sigism. Regem & inclytum Regnum Polo. ex una, & Illustrissimum Principem Dñm Albertū Marchionē Brandeburgen. &c. hæredes & successores ex altera partibus, super feudo, iuribus, & proprietate prædictæ Terræ Prūsia, ac alijs punctis, articulisq; per præfatos Illustriss. Principes Dñm Georgium Marchionem, &c. Fridericum Ducē Legnicen. pacis mediatores Anno 1525. diē nona Aprilis Cracouia ad nostram petitionem & placitū conceptam, & confectā, ipsamq; in omnib. punctis & articu-



lis, pinde ac si inserta hic esset, nostro, constituentium, heredum, & successorum nomine laudamus, approbamus, & cum magna hilaritate animique gratitudine suscipimus & amplectimur, pro nobis, prefatis constitutibus, heredibus, & successoribus nostris, sincera & Christiana fide, & sub honore nostro, necnon Iurisiurandi sacramento firmiter & constanter promittentes, & efficaciter nos obligantes, quod eandem concordiam transactionemque, ut praefertur, in omnibus & singulis articulis & conditionibus fideliter & irrevocabiliter sine fraude & dolo ratam & gratam habere, & perpetuo observare, nec unquam per nos, aut submissas personas, quovis praetextu siue colore, publice uel occulte ipsi contrauenire uolumus, nec debemus, Renunciantes praeterea omnibus & singulis iuribus, & privilegiis, & exceptionibus, quibus eandem concordiam impugnare, & infringere possemus. Porro si Illustrissimus Princeps Dominus Albertus Marchio Brandenburgensis, &c. in Prussia Princeps, &c. quae de uoluntate praefati Serenissimi Regis Polonae Sigismundi in haereditarium dominum suscepimus, & praesentibus suscipimus, Necnon Illustritatis suae ueri & legitimi feudi haeredes masculi, & subinde Illustrissimi Principes Domini GEORGIVS, CAZIMIRVS, IOHANNES una cum omnibus suis legitimis feudi haeredibus, e uita migrauerint, & praefata Terra Prussiae ipsis in feudum concessa, iuxta Inscriptionem praedictae transactionis ad Serenissimos Reges & Regnum Polonae deuoluta fuerit: quod nos Serenissimi Regibus eisdem, & Regno Polonae cui nos unanimiter sponte & ex certa scientia una cum praedicto Principe nostro tamquam superiori domino subiecimus, & exnunc subijcimus, nec cuiquam alteri adhaerebimus, obediemus, & subiecti erimus. Sed eosdem Serenissimos Reges, & inclytum Regnum, per dominis nostris quo ad utile & directum dominium, merum & mixtum imperium, in perpetua subiectione profitebimur, & recognoscemus. Saluis tamen semper manentibus omnibus & singulis transactionis articulis, quibus in hoc casu Terrae Prussiae cautum est. In quorum omnium fidem & robur nos suprascripti Oratores nomine constituentium, & nostro, has Literas Sigillorum nostrorum appensione munuimus. Datum Cracouiae die ix. Aprilis quae erat dominica Palmarum. Anno Domini 1525.

Sigismund. I. Iohanni Dantisco apud Rom. Pontif. Oratori de pacificatione Prussiae.

**C**um induciae cum Magistro Prussiae expirarent, agereturque cum Summo Pontifice, tum Caesarea M. Serenissimusque Dominus Rex Hungariae Nepos noster apud nos de inducijs prorogandis: ad quas subditi nostri consentire nequaquam uoluerunt, iudicantes eas bello futuras nociliores, Proindeque nos ad prosequendam rem nostram armis institueremus: uenit ad nos id sentiens ipse Magister cum Illustribus Marchione Georgio & Friderico Duce Legnicensi. transiitque nobiscum coram de tota controuersia: praestito nobis debito suo, & datis illi per nos in feudum Terris, quas prius ante bellum nouissimum possedit.

De religione uero nihil inter nos est actum, tum quia interesse nostra non uidebatur, tum quod etiam Ordines institutores non fuerimus, tum uero quod ferè in tota ditione Ordinis profusus de tota religione catholica sit actum, & deploratum. Proindeque abusi sumus ea conditione deprauati temporis, in rem pacis cum res aliter transigi nullo pacto potuit.

Proinde si qui isthic hos actus nostros in re Pruthenica suggillari uellent, habes quo innocentiam nostram tueri possis. Nam nos Ordinis curatores non sumus, sed haereditarium lus nostrum duntaxat semper exegimus: Religio catholica nobis semper cordi fuit, pro qua nequaquam dubitamus uel sanguinem nostrum profundere, tantum abest, ut illi nostra opera uel consensu quicquam esset per hanc transactionem detractum.

Constitutiones Militarem & Civilem ordinem, totamque Prussiam concernen.

**S**IGISMUNDVS Dei gratia Rex Poloniae, Magnus Dux, &c. Significamus tenore praesentium quibus expedit uniuersis, quia consulere uolentes multiplicibus erroribus, & abusibus, qui cum in diuinis tum etiam humanis rebus inoleuerant in Terris & Ciuitatibus nostris Prussiae, uenimus huc ad easdem Terras omnibus alijs negocijs nostris intermissis, & auspice Domino Deo recte omnia quae reformatione indigebant confecimus. Praeterea etiam ad futurum deinceps bonum regimen constitutiones & ordinationem opportunam in ipsis Terris relinquere



quere operæ præcium esse duximus. Proindeq; de consilio & cōsensu omnium Consiliariorum & Nunciorum communis tam Militaris quàm etiam Ciuilis ordinis infra scriptas constitutiones edidimus & promulgauimus.

In primis qsq; Palatinus habeat apud se exēplū seu copiā priuilegij Terrarū Prussiae, & illud unicuiq; petēti ostēdet, & corā eo legi faciet, qđ nos manutēnere & secum dum ipsius tenorem Dignitates Officia & Capitaneatus solis indigenti conferre dignabimur.

Ceterū cum ius Culmen. quo potissimum Prussia utitur, scripturis saltem authenticis nusquam reperiatur esse sancitum, multaq; propterea oriuntur incommoda: Venerabiles & Egregios deuote nobis dilectos Tidemannum Gise Custodem & Canonicum Varmien. Matthiam Slevvniczki Canonicum Gneznen. Achatium Frenut Canonicum Varmien. Franciscum Soldau, & Philippum Holkner designauimus, ut hoc anno ad Calendas Octobres Marienburgi conueniant, & eiusmodi ius cum eius constitutionibus passim colligant diligenter, conscribantq; ut deinde typis excussū & euulgatum ad omnium noticiam perueniat, firmiterq; à cunctis obseruetur.

Iudicia aut Terrestria in singulis Palatinatib. quotannis bis seruent, ita ut in Palatinatu Culm. primū Iudiciū feria tertia post dominicā Quasimodo geniti. Secundu aut feria tertia post Lāperti celebret. In alijs aut Palatinatib. iuxta ueterē consuetudinē celebret, ex quibus quidem iudicijs Terrestribus Appellationes ordinariē fiant ad Conuentus generales Terrarum Prussiae. A Conuentibus autem generalibus ad Regium tribunal nostrum, donec ad alterutra partium conformes sententias obtinuerit.

Vt autem friuolæ & temerariæ Appellationes nonnihil cohibeantur, quisquis à iudicio Terrestri ad Conuentum generalem appellauerit, tres Marcas in iudicium reponat. Si uerò à Conuentu generali ad nos appellatum fuerit, sex Marcae deponantur, & si appellans coram iudice appellato succubuerit, in usum publicum iudicij in quo erant repositæ cedant, alioquin parti restituantur.

Nec Palatini iudicent Causas ad ius Terrestre spectantes, nisi de consensu Partium, & prouocantes ad iudicium Terrestre remittāt, exceptis causis leuioribus quæ uidelicet ualorē decem Marcarū non excedāt. Hæc quidē sine strepitu Iudicij de simplici & plano ab eis cōponi possunt. In causis aut sanguinis & de facto recenti depræhensis, in dilatā iusticiam ministrent: nec partes cōtendentes ad cōponendum amice inter se controuersiā cogant, nec exigant ullas pœnas nisi per Iudicium decretas. Quarum pœnarum tertia pars Iudicio Terrestri, reliquæ duæ partes Palatino Locū cedant.

Palatini & Capitanei citati tam in Iudicio Terrestri, q̃ Conuētuum publicorū respondere sunt obligati, exceptis actionibus super bonis nostris Regalibus emergentibus. Capitanei aut iuxta continentiam priuilegij Terrarum Prussiae sint indigenæ possessionati, ratione quarum possessionum suarum sint Iudicio Terrestri subiecti.

Statuimus præterea ut cōmunib. Consiliariorū uotis Notarius Terrestris Nobilis possessionatus linguas necessarias calens, & alias, ad hoc Officiū eligatur, qui cum iuratus fuerit, exclusis tam Ecclesiasticorū Prælatorum q̃ Ciuitatum ac aliorū, Notarius solus secretorum consilijs & Conuentuū publicorū Iudicijs intersit. Literas & Acta Iudicialia diligenter conscribat, ac iura Partium in Iudicio producta fideliter custodiat.

Vt autem temerariæ lites amputentur. Commissarios siue Iudices delegatos non deputabimus in causis ad Iudicium Terrestre spectantibus, & minus in eo iam pendētibus, nisi per appellationem ordinariam de qua superius dictum est à sententia definitiua seu interlocutoria iam lata ad tribunal nostrum deuolutæ fuerint, exceptis causis limitum, bonorum nostrorum Regalium: nec Iudices delegatos seu Commissarios à quibus semel appellatum est, in eadē causa denuo deputabimus, aut causam ad illos remitemus. Non enim uerisimile aut honestum uidebatur, quod Iudex pristinam suam sententiam retractet, aut aliter iudicet, quam antea iudicauerat.

Conuentus autem publici seu generales iuxta proximam ordinationem nostram in Prussia quotannis bis celebrentur. Verno uidelicet tempore Dirsauiæ ad diem S. Stanislaw: Tempore autem autumnī in Grandentz ad diem S. Michaelis. Conuentus autem peculiariter per nos instituendus locum & diem ex nostro arbitrio sortiretur.

Ad prædictos Conuētus oēs causæ tam ex Ciuitatib. q̃ Iudicijs Terrestrib. per appellationē deuoluant, & etiā sine speciali cōmissiōe nostra iudicent. Deinde uerò & nō antea ad supremū tribunal nostrū remittant parte prouocante: cui ad psequendū appellationē



à Iudicibus legitimis terminus præfigatur. Quam appellationem si intra unius anni spaciū non prolequeretur, prior sententia iuxta Iuris cōmunis dispositionem in rem transeat Iudicatam, & executioni demandetur.

Ante conuentum uerò publicum per nos & successores nostros singulariter institutum, in singulis Palatinatibus Culmen, uidelicet, Mariemburgen. & Pomeraniæ, fiat Nobilitatis Conuentio particularis, quam secundum morem antiquum Palatini ex singulis Districtibus Palatinatus sui ad aliquem locum conuenientem Literis suis conuocent: ut Nunciij ad huiusmodi Conuentum mittendi eligantur. Qui autem uocatus non comparuerit, pœnam duarum Marcarum pendet. Cuius mediætas Palatino eius loci, altera uerò mediætas ærario publico proueniat.

At cum frustra sententiæ ferantur nisi legitime executioni demandentur, uolumus & irrefragabili constitutione sancimus, ut deinceps unusquisq; cuiusuis conditionis uel eminentiæ fuerit rei iudicatæ sine omni contradictione cum effectu pareat, & obsequat. Alioquin locorum Palatini nullo alio à nobis mandato expectato, legitimam executionem faciant: adiuncto sibi ubi causæ conditio postulauerit, Capitaneo & Nobilitas illius Districtus: aut etiam si necessitas exegerit, omnibus & singulis nostris Vassallis seu Nobilib. illius Palatinatus, quos ad assistendum illi sub Iuramentum debito & amissione feudorū obligatos esse decernimus. Si uerò maiori potentia sit opus, negocium ad nos referri uolumus: ut oportunis rationibus rebus prouideamus. PALATINOS similiter ad huiusmodi executiones faciendas, iusticiamq; oppressis administrandam, Iuramentum nobis prestitū adigat. Quos etiā si remissiores fuerint, quinquaginta florenorū Hungarical. pœna plecti uolumus. Cuius mulctæ mediætas Parti cui iustitia denegata est. Altera uerò mediætas ærario publico Terrarū Prussię cedat. Vbi autē quis executioni uiolenter resistere cōuictus fuerit, pœna banni, siue proscriptionis ac bonorum confiscatione puniatur, ex quibus bonis Parti læsæ primum fiat satis. Quod reliquum fuerit fisco applicetur.

Statuimus præterea ut nullus Capitaneus, Nobilis, Ciuilis, aut quicuis alius cuiuscunque conditionis existat: personis, Castris, domibus, aut possessionibus alicuius ullam uiolentiam inferre: incursiones facere: in publicis stratis insidias ponere præsumat. Alioquin super his conuictus, iuxta antiquum plebiscitum Terræ Culmen. capitali pœna puniatur.

At cum aliquis Nobilis decreto publici Conuentus, Iudicio Palatinorum, aut Terrestris capitur: sub certis pœnis in potestatem aut carcerem Ciuilem non tradatur: sed in manus Palatinorum. Si quis autem in Ciuitate, ubi nulla arx est, capiatur: & autoritate Conuentus, Palatinorum, Iudicij in carcerem Ciuilem conijcitur: in potestate eorundem, & non Ciuitatis permaneat, fideiussoria tamen cautione à carcere huiusmodi liberetur, nisi causa fuerit criminalis, alioquin sub pœna uiginti florenorum Hungarical. quorum mediætas Palatino, altera Parti læsæ cedat, absq; ulla remissione perfoluen. Nobiles & eorū subditi autoritate seu potestate Ciuili non capiantur, detineantur, aut arestantur: nec uicissim Nobiles autoritate propria capiant, aut detineant Ciuiles, aut eorum subditos, sed unusquisq; coram Iudicio suo ordinario conueniatur, & iusticiam requirat.

Præterea ne in fluminibus Prussię præsertim nauigabilibus, & item Fehres, Bree, & Bda, ac etiam Redæ in Districtu Puckkouien. obstacula fiant: ut tam piscibus quam nauibus & lignis liber transitus permittatur: nisi quis speciale priuilegium super hoc habuerit.

Nobiles autē qui habent priuilegiū piscandi in lacubus nostris Regijs, & testibus fide dignis probare possunt se fuisse in possessione piscandi: & quorū uel limites, aut ager stagnis nostris Regijs adiacet, his quidem piscatio permitti debet, sed paruis retibus duntaxat ad usum & mensam eorum ppriam: non autē ad uendendū. Ea tñ cōditione, ut retia Castren. primos in hyeme habeant tractus, & quod tēpore quādo pisces qui Germanicè Bressen, Polonicè uerò Kleszcz uocantur semen aut foetum emittunt, nulli liberum sit in lacubus nostris Regijs piscari: ne huiusmodi piscium foetura in augmentando impediatur.

Præterea ut Ecclesiastici bona Terrestria Ecclesijs adscribenda, & approprianda, siue incorporanda absq; speciali consensu nostro à modo non nisi à suis Vassallis emant, nec obsequia nobis ex ipsis debita intereant, pro se uerò priuatim illa emere possunt, quæ si in uita sua non alienauerint, aut cuiuspiam non donauerint, ad eorum propinquos & consanguineos deuoluantur.



Similiter, ne Ciuis, aut ignobilis quispiam bona Terrestria emat. Si uero iam empti possideat, non per conducticias personas, sed proprias seruitia seu obsequia debita ad bellicam expeditionem de ipsis sub eorundem amissione praestet.

Nec omnino liceat à modo Rusticis feras in nemoribus uenari, nec laqueos in syluis, & agris ponere: canes aut retia uenatoria habere, alioqui in potestate dñorum sit Bombardas, canes, & retia huiusmodi auferre: & pro qualitate excessus mandatum prauariantes in decem Marcis pec. domino fundi applicandis, toties quoties, punire, exceptis fossis pro luporum captura, quas tamen sine prauidicio cuiusuis quilibet cum consensu dñorum suorum habere potest. Simili modo, nec Palatini, Capitanei, aut Nobiles alter in alterius fundo absq; uoluntate dñi fundi uenari: nec in syluis feras domare, aut circuire debet, quod Klopfen uocant sub amissione retium, equorum, & curruum. Bombardis autem nemo omnino nec in proprijs, nec alienis syluis sub poena centum floren. Hungarical. irremissibiliter soluendorum à modo utatur. Cuius multae medietas nobis, altera aërio publico Terrarum Prussiae proueniat.

Volumus item, ut in Conuentu generali proximo per uniuersos Consiliarios harum Terrarum omnium rerum uendibilium aestimatio, & iusti precij constitutio fiat: utq; diligentior respectus ad mensuras, & omnia pondera habeatur: ut dolus ac deceptiones maliciae uitari possint.

Item ut Palatini & Capitanei diligenter fines Terrarum obseruent, ne praedones & grassatores ingrediendo & egrediendo impunè grassentur.

Item ne Rustici cum cuspidibus, lanceis, gladijs, aut similibus armis publice aut priuatim incedant, easq; deferant, nisi à dñis suis ad uenationem uocati fuerint.

Districte etiam inhihemus, ne Poloni à modo ab opificijs Ciuitatum quarumlibet arceantur, sed pari conditione cum Germanis & alijs nationibus admittantur, non obstantibus huiusmodi opificiorum contrarijs constitutionib. sub poena L. floren. Hungar. qui eos non receperint infligenda: perq; loci capitaneum pro fisco Regio exigenda.

Ex quo item multorum querimonijs accipimus, quosdam Officialium nostrorum praesertim Tucholien. pretextu mandati prohibitorij de inuentione salis peregrini in Poloniam, innocentibus, si qñ finib. Terrae appropinquent, saltem adimere. Quod quia iniquum est sub graui indignatione nostra prohibemus, ne de cætero cuiq; adimatur, nisi ultra fines transgresso.

Nobiles praeterea Districtus Slochovv instar Rusticorum ut ligna ad arcem ducant, aut alia seruitia rusticalia faciant, cogi nolumus: sed antiquam consuetudinem seruadam esse decernimus.

Ad pracludendas aut uarias hinc inde obloquendi uias, & controuersiarum occasiones, quae solent oriri à Ciuitatib. & Oppidis contra Nobiles & Tabernatores tam Saecularium q; Spiritualium qui coquunt, & alijs per tunnas uendunt ceruisiam: ita ordinatum est, qd Nobiles pro utilitate eorum propria coquere libere possunt ipsam ceruisiam, & si quid ex illa eis superabundauerit, id uendet ad suas Tabernas, uerum negotiationem ceruisiae non exerceant, quod statu eorum foret indignum. Tabernatores uero qui ultra miliare distant ab Oppidis uel Ciuitatib. & qui habent in suis priuilegijs facultatem coquendi ceruisiam: coquere illam possunt, quantum ad propinandum in eorum Tabernis sufficere, nequaquam tamen per integras uel medias tunnas uendendi ipsam ceruisiam habeant: sub poena decem Marcarum totiens, quotiens huic constitutioni contrauerint soluendarum.

Cum etiam Mercatores & praesertim peregrini siue exotici homines in Nobilitatis ac Ciuitatum iniuriam pelles, frumenta, humulum, linum, & alia mercium genera in Villis ac Pagis clam & publice coemere, & negotiationes illicitas exercere soleant: auctoritate nostra Regia firmiter prohibemus, ne id de cætero fiat. Statuentes ut deinceps subditi dñorum merces, & res suas uendibiles in proximas Ciuitates ducant, & in foro publico uenales exhibeant, legitima tamen dñorum suorum cum pellibus ferarum & bestiolarum syluestrium habita ratione. Alioqui emptoribus equos, & currus: uenditoribus aut res uenditas à praefectis nostris adimi & confiscari uolumus.

Mandamus insuper, & ita omnino habere uolumus, ut Palatini debitores decimarum aratralium & quorumuis Ecclesiasticorum prouentuum censuras contumaciter sustinen. ad huiusmodi debitorum solutionem remedijs opportunis compellant: ne Ecclesiastici prouentibus sibi debitis fraudentur.

Postremo



Postremo ad tollendum errorem & incommoditatem ex uarietate, utilitate, & adulteratione monetæ prouenientem, unanimi consilio decretum & constitutum est: ut abolita in Prussia moneta uetere, Triplex noua sub nostris & Terrarum Prussiæ insignijs cudatur: uidelicet grossi, solidi, & oboli, siue denarij, ita ut uiginti grossi unam Marcā: quadraginta autem grossi siue duæ Marcæ florenum Hungaricalem constituent. Tres uero solidi grossum, & sex oboli solidū. Sitq; ea moneta in grani ualore & æstimatione par Polonica, & similiter noua cudenda est, æqualiter proportionata: ut scilicet grossus Polonicus Pruthenicum æquet, & solidus ternarios duos, obolus uero obolum ualeat. Curratq; huiusmodi moneta Pruthenica Regio edicto per totum Regnum, Mazouiam, & Lithuaniam, hoc tamen Illustris Prussiæ Dux usq; ad festum S. Martini proximum in deliberationem accipit.

Quæ omnia & singula ut præmissa sunt, in omnibus suis punctis, conditionibus, & articulis rata & firma esse uolentes, de certa nostra scientia & deliberatione, consensuq; tam Consiliariorum nostrorum status utriusq; quam etiam Nunciorum omnium Terrarum nostrarum Prussiæ statuimus & decernimus robur debitæ firmitatis habere, debere. Harum testimonio Literarum quibus Sigillum nostrum est impressum. Actum & datum in Ciuitate nostra Gedanen. feria tertia proxima post festum diuisionis beatorum Apostol. Anno domini 1526. Reg. nostri anno xx.

Sigismund. Rex ad Consiliarios Terrarum Prussiæ de Decimis Episcopo Vuldif, penden.

**M**agnifici & generosi syncerè nobis dilecti. Accepimus Literas uestras, quibus nescimus prolixè ne magis ac indignè nobis, cum aduersus Decretum nostrū, quod de soluendis Decimis dño Episcopo Vuldislau. anno superiore iuste & æquanimiter tulimus, responderis, idq; agitis, docentes nos quasi nouum aut desultoriū Christianū, de lege gratiæ, de sublato Sacerdotio Leuitico, de non contribuendo pastorib. nisi pascāt, & alijs tritis iā Apostatarū cantilenis: non tēpantes interim ab aculeis in suū Episcopū, & Pastorē. Vnde uehemēter miramur, quæ est ista noua christiana ratio: Quia per Legem gratiæ, quæ tantū Legi irā opanti cōtradicit: per libertatē Euāgelicam, quæ solū seruituti peccati opponitur, duplex, idq; ingens peccatū aduersus diuinas & humanas Leges cōmittitis. Alterum nō reddendo proximo suo atq; adeo Pastori quæ sua sunt: Alterum Literis & Decretis Principis sui non parendo. Si per Legem gratiæ liber est populus à soluendis Decimis quæ ministris Dei debentur: eadem Lege liber erit à soluendis tributis quæ alijs Ordinibus & potestatibus debentur. Nam Lege gratiæ omnes pariter Christiani in unam libertatem sunt asciti. Si ob hoc quod sublatum est Sacerdotiū Iudæorū, non plus habeant Sacerdotij christiani Sacerdotes, quàm id quod cōmune est omnibus, neq; illis suos prouētus deberi: pari ratione abolito Regno Iudæorum Christiani non plus erunt Reges, quàm ceteri Christiani, nam per Legem gratiæ omnes ex equo REGALE SACERDOTIUM esse censentur. Quod si christiani Principes Decimas & prouentus successoribus Apostolorum non rectè contulerunt, minùs rectè Apostolis ipsis primi illi Christiani precia bonorum suorum omnium conferebant. Si nephas est Pontificem ob non redditas Decimas populum excōmunicare, maius erit nephas qd Apostoli ob negatam pecuniā Ecclesiæ dicatā, utraq; morte cōdemnabāt. Si nō pendendum est Pastori, nisi pascat, & doceat: non pendēdus erit etiā à Plebē suis census Ordini seu statui Militari, nisi militet, & populū Dei tueatur: Si deniq; non sunt ualidæ dotes & Priuilegia maiorum & antecessorum nostrorum Ecclesijs collata, cuius erunt firmitatis illa alijs Ordinibus sub paribus signis, pari atramento, & pelle, concessa: atq; hæc sunt illæ Euangelicæ rationes quæ nunc orbem Terrarum seditionibus, tumultibus, periurijs, & sacrilegijs implent. Graui igitur & molestissimo animo ferimus, quod aduersus Decretum nostrum tales Literas, talibus impijs dogmatibus cōsutas miseritis, quæ non solum indigna sunt auribus nostris, & ab uniuersa Ecclesia Catholica damnata: Sed etiam à nobis, & alijs christianis Principibus publicis edictis uerita. Et proinde denunciamus uobis hanc immutabilem sententiam, & uoluntatē nostram quod Decretum ipsum nostrum iuste & legitime latum nulla ex parte mutaturi, neq; dominum Episcopum, & Iura ipsius nostro debito patrociniō deserturi sumus. Et si in ea contumacia perseverare uolueritis:



Iueritis: Nos id quod ad iustum & Christianum Principem attinet, exequemur. Datum Petricouiae decima Ianuarij. Anno Domini 1528.

## ARTICVLVS III.

**A**N Dux Prussiae ad ELECTIONEM Regis Pol. pertineat? Quodque ab eo ad Regiam M. uel alioquin communes illorum Commissarios appelletur. Praeterea R.M. Literas publicae fidei aliqua iniuria in Prussia grauatis dabit.

Responsum datum Oratoribus Ducis de Prussia super  
facultate eligendi Regis.

**Q**Uod Legatio Illustrissimi Dñi Ducis Prussiae in primis cōtinebat, de facultate eligēdi Regis: Sup eo negocio expēdēs Maiestas Regia unā cū uniuersis Cōsiliarijs suis singularē in se & Regnū suū propensionem eius Illustritatis, proindeq; cupiens illi hac in re ex animo gratificari, reuoluit Maiestas sua uti se faculturā recepat cū iura & Priuilegia, tum uerō acta & consuetudines Regni ueteres, comperitq; adeo diligenter cautum & obseruatum esse omni tempore, ne quis alius excellentioris ordinis praeter CONSILIARIOS Regni ius eligendi Regis haberet, ut etiam & Duces MAZOUIAE qui Principes erant indigenae Regij, & uetustissimi generis, ut deniq; & filij Regij domini naturales huius Regni, post obitum patris neq; locū, neq; uocem eligēdi Regis habere potuerint. Sed & Magistri Prussiae qui homagia Regibus & Regno Pol. praestabant, non solum ut Principes, sed etiam ut Consiliarij Regni qui pari modo loca in Senatu habebant hoc ipsum ius Electionis obtinere non potuerunt. Proinde cum Illustriss. Dñs Dux Prussiae ut prudens Princeps satis intelligat nihil esse perniciosius in omni Repub. quam aliquid aduersus Leges & instituta uetera perpetua serie & usu approbata committere, neq; aliunde grauiores casus & perturbationes oriri, boni consulere dignetur eius Illustritas, quod Maiestas Regia & uniuersi Consiliarij Regni q; eius Illustritati integerrimo animo afficiuntur, non possunt eam rem ut insolitam & institutis Regni aduersam concedere. Praesertim cum id in omnibus Conuentibus exigant uniuersi Regnicolae, ut nihil aduersus iura & morem Regni ueterem statuatur. Neq; mirum aut indignum uideri debet eius Illustritati, quod habens locū suum in consilijs, Terrarum Comitijs, & Conuentibus generalibus, ad Electionem Regis non pertineat: cum itidem non pertinebant antecessores eius Illustritatis, ac Duces MAZOUIAE, & hic fuit mos & usus in hoc Regno ab initio receptus & obseruatus. Sed & in GERMANIA ubi uigent Leges Caesareae, non omnes Principes ius habent eligendi Caesaris, qui locum suum habent in Conuentibus publicis. Similiter in Regno BOHEMIAE, & alibi, quod notius est quam ut explicari sit opus. Alioqui nisi res esset aduersus iura & instituta Regni, quae Maiestas sua nolle ulla in parte turbari & labefactari, libentissimo animo Maiestas sua & Consiliarij uniuersi gratificarentur eius Illustritati, propter hanc illius erga Maiestatem Regiam & Regnum eius quam omnes cognoscunt propensionem & obseruantia, neq; ullo pacto sibi aliter eius Illustritas persuadere dignetur.

**A** Duce Prussiae ad Regiam M. appelletur, quae etiam Literas publicae fidei dabit. Responsum Oratoribus Ducis Prussiae in Conuentu Petricou. die x. Ianuarij datum.

**Q**Uod ad Appellationes ab Illustris. Domino Duce Prussiae ad Maiestatem R. interpositas, & interponendas pertinet: nemo uel mediocriter in iure uersatus ignorare potest, proprium esse ius unicuiusque superioris domini, ut ad ipsum à quouis subiecto & Vassallo appelletur. Quippe quod non aliunde magis dominium & subiectio dignoscitur. Cum itaque Priuilegium eius Illustritati concessum clarè testetur, eius Illustrit. se cum omnibus conseruare debere erga Maiestatem suam, uti fidelem subditum & Vassallum de iure decet, & articuli transactionis satis declarēt Maiestatē suā ea duntaxat priuilegia & immunitates eius Illustrit.



confirmasse, qui huic transactioni & superioritati Maiestatis suæ non repugnarent: neq; de Appellationibus, quæ lure & consequentia propria ad superioritatem pertinent, aliquid est exceptum: nemini dubium esse debet ad Maiestatem suam lus appellandi pertinere, quemadmodum & alia omnia superioritatis lura pertinent, quæ non sunt in Privilegio nominatim exempta & excepta. Siquidem sublati Appellationibus nullum extaret uere superioritatis uestigium.

Similiter & de dandis à R.M.SALVIS CONDVCTIBUS intelligi debet, Ea etenim res non modo conueniens est & iusta, sed etiam pro conseruando communi statu & tranquillitate apprime necessaria. Ex denegatis enim Appellationibus & saluis conductibus à superiori dominio, oriri solent diffidationes, deprædationesq; communium subditorum, ex quibus & ad bellum plerumq; peruenitur. Maiestas uero Regia neq; debet neq; uellet ulla in re aduersa eius Illustritati ac subditis eius unq; deesse. Quare hortatur Maiestas sua eius Illustritatem, ut quæ propria sunt Maiestatis suæ & iuris eius superioris, his eius Illustritas non nitatur Maiestatem suam priuare, & transactionem factam, quæ satis clara est, istis disceptationibus in alium sensum torquere, & labefactare, in præiudicium M. suæ & communis boni status detrimentum. Quod si utiq; molestum id esse deberet eius Illustritati, quod merito esse non debet, neq; illam iustæ rationes M. suæ permouerent, licet esset cum dispendio iuris & auctoritatis M. suæ, tamen potius quam eius Illustritati Maiestas sua displicere in hoc deberet, ita se conseruare dignabitur in causis tam Appellanti-um, quam etiam qui sub saluis conductibus iusticiam querunt, ut est in Causis, si quæ inter Maiestatem suam & eius Illustritatem inciderent, expressum in Privilegio transactionis articulo decimo septimo, qui incipit: Item quod ad iurisdictionem inter Maiestatem R. & Principem attinet, &c. deputare uidelicet dignabitur Consiliarios suos, & illos quo ad eiusmodi actus à Iuramento sibi obnoxio absoluet, & iusticiam ministrare præcipiet. Eos uero Iudices cum in Causis proprijs eius Illustritas suscipere non recusauit, in alienis merito refutare non debet.

## ARTICVLVS IIII.

## Sigismundi Regis ad Archiepiscopum, Magistrum, &amp; reliquos Ordines Liunionæ Legationis fragmentum.

**Q**uia Sacra Maiestas sua Reuerend. dominum Iohannem Archiepiscopum Rigen. & Episcopum Therbatensem occasione nonnullarum differentiarum in Liunia exortarum molestationes nonnullas tanto uiro indignas pati accepit, eius Maiestas officij sui esse existimauit, ut, quoniam Rigen. & Terbaten. Ecclesiæ iam dudum protectione I. gem Pol. ac Lithuanix Ductum utuntur, causæ atq; differentijs ipsius domini Archiepiscopi non deesset, ne quid in eius præiudicium atq; iniuriam ageretur. Ideo hos Nuncios suos ad D. Liunionæ Magistrum, & hunc Conuentum Maiestas eius misit, ut actionibus ijs contra Reuerendissimam P. suam instituendis interessent, referentque Maiestati suæ quid de ipsa causa & Reuerend. D. suæ statu decerneretur.

## Ad Archiepiscopum Liunionæ Legationis fragmentum.

Nuncijs Sacræ Maiestatis Regiæ omnia pro honore & commodo Reuerendissimi D. Archiepiscopi agent, dum modo uicissim D. Archiepiscopus in his rebus, quibus subditi se grauatos merito conqueruntur, iusto moderamine utatur: ne Maiestas sua rem uideatur postulare indecentem.

## CAPITVLVM IIII.

## De infeudatione Castri Bytovv &amp; Ciuitatis Luneburg.

**A**d perpetuam rei memoriam. Nos SIGISMVN. &c. Vniuersis & singulis præsentibus & futuris harum seriem inspecturis Manifestum facimus, quia uigentibus olim bellis inter Sereniss. foelicis memoriæ CAZimirum Regem parentem & prædecessorem nostrum, ac inter Ordinem dictum sanctæ Mariæ Teuthoni-



thonicorum in Prussia Illustris olim Princeps dominus Ericus Sittene. Pomerania, Cassubia, Vandalia Dux & Princeps Rugia, multa in ipsis bellis & controuersijs fauoris beneuolentia & obsequij sui erga predictum Sereniss. parentem nostrum officia exhibere, & suppetias non uulgares illius Maiestati defunctae aduersus hostes eius praestare solitus erat, ac ob eam causam illi Arcem Bytoui una cum Oppido ibidem consistente, nec non Ciuitatem Lunenburgk cum uniuersis fructibus & prouentibus ad illam pertinentibus idem Sereniss. parens noster ad arbitrium & beneplacitum suum concesserat, ut id ex literis, & alijs monumentis abunde constat. Deinde uero ad eam beneuolentiam & coniunctionem quae inter Sereniss. praedecessores nostros, & predictum dominum Ducem Ericum, ac posteros eius intercesserat, etiam affinitas & necessitudo accessit, quae ad haec usque tempora mutuis officijs & amore coaluit, ita ut predictas Arces & Oppida repetita quidam aliquoties, tamen non grauatim, & nos, & Sereniss. fratres ac praedecessores nostri possideri a nominatis Ducibus Pomeraniae citra Iurium Regni sui detrimentum ferebant. Cum postremo nos ad has terras nostras Prussiae uenientes inuideret officiosissime Illustr. Princeps dominus Georgius Stettene. Pomeraniae, Cassubiae, Vandaliae Dux & Princeps Rugiae Nepos noster ex sorore charissimus, & sua, ac Illustris fratris sui germani domini Baruini singularem erga nos propensionem animi & obseruantiam declarauit, remisitque nobis & successoribus nostris de dote Illustris olim dominae Annae sorori nostrae a praefato Sereniss. domino Rege Kazimiro patre nostro promissa, quatuordecim millia aureorum Hungaricalium: uolentes uicissim erga Illustritates eorum uberiores amorem nostrum testari, et illas, earumque successores nobis ac Regno nostro arctiori beneuolentia & coniunctione deuincere, attamen Iuribus Regni nostri non deesse, illis & earum haeredibus masculis, Arces & Oppida predicta Bytoui & Lunenburgk cum omnibus, & singulis eorum subditis, Vassallis, fructibus, libertatibus, eminentijs, censibus, prouentibus, Iuribus, & pertinentijs uniuersis, sicuti illa ad arbitrium & beneplacitum, ut dictum est, Sereniss. praedecessorum nostrorum, & nostrum haecenus usu & fructu tenuerunt, de consilio & consensu dominorum Consiliariorum tam Spiritualium, quam Saecularium Regni nostri tenent. habent. fruent. utent. & possident. in perpetuum Iure feudi pro nobis & successoribus nostris Regibus Poloniae dedimus, & concessimus, ac illos de eis ipsis Arcibus & Oppidis Bytoui & Lunenburgk inuestiuiimus, & tenore praesentium damus & concedimus, illosque & eorum haeredes de ampliori gratia & beneuolentia nostra ab omni iuramento, nec non tributis & exactionibus quibuscunque nobis & posteris nostris ratione dictarum Arcium & Oppidorum praestandis dimittimus, & liberos facimus, pollicemur praeterea dictos Principes in predictis Arcibus & eorum pertinentijs quantum in nobis est defendere & tueri, tenebuntur tamen & obligati esse debent praefati domini Duces, & eorum successores ad singulas successorum nostrorum Regum Pol. coronationes, uel uenire ipsi, uel Consiliarios, aut Officiales suos mittere, qui hoc ipsum Ius feudale de praefatis Arcibus & Oppidis ad Regnum nostrum pertinens, ita ut iam dictum est, recognoscent, & literas eius recognitionis & renouationis ipsius feudi, quae gratis illis debent dari, a nouis Regibus accipient. Quo si aliqua legitima causa impediti hoc Officium, & debitum in coronationibus successorum nostrorum non fecerint, nihil ea negligentia illis detrimenti afferre debet, dummodo alio breui tempore post Coronationem id praestare curauerint. Vbi uero ipsi Principes domini Georgius & Berninus Duces Pomeraniae sine legitimis masculis feudi haeredibus, uel eorum legitimi masculi feudi haeredes non relicta prole uirili decederent, stirpsque & progenies eorum mascula & legitima deficeret, extunc predictae Arces & Oppida Bytoui & Lunenburgk cum omnibus suis bonis, subditis, Vassallis, fructibus, libertatibus, Iuribus, eminentijs, & pertinentijs uniuersis, ac cum pleno Iure & possessione citra omnem difficultatem ad nos, & posteros nostros Reges Pol. redire debebunt: Salua tamen Iurisdictione interim perpetuo, prouentibus, decimis seu Episcopalibus, cum Villis bonis & piscaturis ac libertatibus ad Reuerendum Ioannem Episcopum & Ecclesiam Vladislauensem ex antiquo pertinentibus. In cuius rei testimonium Sigillum nostrum est praesentibus appensum. Actum & datum in Ciuitate nostra Gedanensi. die inuentionis S. Crucis. Anno Domini 1526. Regni nostri anno 20.

## C A P I T V L V M V.

Literae feudi & homagij Ducis Oszuuiacimensis & Zatoriensis.

**I**N NOMINE DOMINI AMEN. Ad perpetuam rei memoriam Nos Kazimirus Dei gratia Rex Poloniae, Magnus Dux Lithuaniae, Russiae, Prussiae, &c. dominus & haeres, Notum facimus per praesentes nostras Literas omnibus et singulis, quibus expedit. Quod ueniens ad praesentiam nostram preclarus dominus Venceslaus Dux Oszuuiacimensis.

x

czimons.



czimeñ. & Zatorieñ. &c. frater noster dilectus, cupiens & petens Regno nostro uniri & incorporari, Literas & priuilegia quorundam Regū Bohemiæ in præsentia nostra posuit & ostendit, quatenus ipsum & ipsius successores in eisdem priuilegijs, & in alijs libertatibus conseruaremus, & confirmaremus, in protectionemq; & tuitionem nostrā, ac Regni nostri reciperemus, prout ipsum, ipsiusq; successores, antecessores Reges Bohemiæ tenebant, & tuebantur. Nos uero priuilegijs ipsius uisis, & sufficienter examinatis, tāquā iustis & rationi consonis, tum & petitioni ipsius acclinati, attendentes ipsius liberum accessum & unionem ad nos & Regnū nostrum, ipsum dominum Venceslaū Ducē Oszuyaczimeñ. & Zotarieñ. in nostram & Regni nostri tuitionem & protectionem recepimus, & recipimus, ac priuilegia per Reges Bohemiæ sibi & suis antecessoribus data & cōcessa confirmauimus & confirmamus. Insuper & à luribus nostris feudalibus quomocuncq; ad nos spectantibus & pertinentibus, à bello dum & quādo expeditio bellica fieret & cōtingeret aliarum Terrarum Regni nostri, à contributione seu datia omni in quam Terræ Regni nostri consentierint ex quacuncq; causa seu modo, ceterisq; seruitijs & grauaminibus quocuncq; nomine uocantur, seu in futurum uocabūtur, tam de persona, quā de bonis mobilibus & immobilibus liberum fecimus, dimisimus, & in futurum facimus, & dimittimus. Et si quispiam habens bona in prædicto Ducatu ab obedientia domini Ducis Zatorieñ. se subtraxerit, & ad nos recurrerit: talem nō suspiciemus, neq; defendemus, sed remitemus & compellemus eum ad obedientiam domini Ducis Zatorieñ. Et si aliquando aliquis Nobilium, aut Plebeiorum de eodem Ducatu Zatorieñ. ad nostrā uel Regni nostri iudiciū: prouocauit & appellauerit: sic prouocā. & appellā. non admitteremus ad nostram audientiam seu iudiciū, sed remitemus, & in futurum mandamus remitti ad eundem Ducatum Zatorieñ. ut ibidē in omni negotio per subditos prædicti domini Ducis iustitia petentibus administretur: & generaliter ipsum dominum Ducem, et ipsius successores, tum & Ducatum Zatoriensem, seu dominium, in omnibus luribus & priuilegijs conseruamus, & in perpetuum uolumus conseruari, quæ ab antiquo ad ipsum, & dominium ipsius pertinebant & spectabant. In cuius rei testimonium &c.

Literæ super Ducatum Zatoriensem. 1494.

**I**N NOMINE DOMINI AMEN. Ad perpetuam rei memoriam, quoniam humani generis actiones memoria perpetua indigentes plerumq; ab hominum noticia dilabuntur, nisi scripturarum seu testium munimine fuerint renouata: Proinde nos Ioannes Albertus Dei gratia Rex Pol. necnon Terrarum Cracouiæ, Sandomiriæ, Sieradiæ, Lanciciæ, Cuiariæ: supremus Dux Lithuaniae, Rusiæ, Prusiæ: ac Culmeñ. Elbingeñ. & Pomeraniæ dominus & hæres &c. Significamus tenore præsentium quibus expediret uniueris, præsentibus, & futuris, harū noticiam habsturis. Quomodo quamuis à multis iam retroactis annis Terra seu Ducatus una cum Duce, Ducibusq; Zatorieñ. cum omnibus eorundem luribus, inscriptionibus, & cum omnibus & singulis Terrigenis, necnon Ciuitate Zathor, alijsq; Oppidis, & cum Castro seu fortalicio eodē nomine Zathor dicto, alijsq; omnibus Fortalicijs, necnon uillis, hæreditatibus, possessionibus, & omnibus eorundē censibus seu utilitatibus, fluuijs, syluis, eorūq; usibus tam Ducalibus, quā etiam aliorum quorumcuncq; Terrigenarum & subditorum cuiuscuncq; conditionis existant in toto ambitu dicti Ducatus consistentibus, cū omni lure, proprietate, & dominio, nobis, ditioniq; nostræ seu Regibus & toti Coronæ Pol. pertineant, & sunt incorporati, appropriati, ascripti, & perpetui, irreuocabiliterq; uniti, nobisq; & Coronæ nostræ præfate subiecti, cum omnibus eiusdem Ducatus subditis tam Spiritualibus quā Sæcularibus. Quam incorporationem, unionem, cōfederationem, & subiectionem uetustam, semper ratam, firmamq; & inuiolabilem perpetuoq; duraturā habuimus, habemus, perpetuoq; habere uolumus: Nihilominus præclarus Dux Ianussius eiusdem Ducatus Zatorieñ. modernus dominus, hæres, & possessor ex successione suorum parentum Ducum Zatorieñ. procedens, una cum Illustri Ducissa domina Barbara cōsorte sua legitima, easdem ueteres inscriptiones, incorporaciones, uniones, & subiectiones, constantes & recognoscētes nouis se inscriptionibus, fœderibus, Ligis, uenditionibus, atq; subiectionibus pariter cum præfato pleno & integro Ducatu Zatorieñ. nobis & omnibus successoribus nostris Regibus & toti Coronæ Pol. cum plena potestate & autoritate, perpetuoq; duraturis maturā deliberatione & consilijs, cuius intererat præhabitis uoluerunt inscribi, tantoq; firmitus incorporati, & subijci, prout iam nunc se inscribunt, & prout proprijs inscriptionibus præfati Ducis Ianussii, cōsortisq; suæ præfate, necnon omniū Terrigenarum pariter & Ciuitatensium præfato Duci Ianussio subiectorum sufficienter est summatim & expressum.



expressum. Proinde ut hæc unio, incorporatio, inscriptioq; præfati Ducis Ianussij & consortis suæ, necnon totius Terræ & Ducatus eiusdem uenditio, realisq; satisfactio per nos sibi facta ad effectum deducatur, sitq; solidior & firmiter perpetuo & in æuū, recognoscimus nos apud præfatum Ducem Ianussium tanquàm apud uerum & indubitatum heredem præfati Ducatus Zatorien. & apud Illustrē Barbaram consortem suam præfatam emissæ præfatum Ducatum Zatorien. una cum Castro seu Fortalicio, et Ciuitate tota Zatorien. et cum omnibus bonis, possessionibus, Villis tam Ducalibus quàm etiam Terrigenarum et subditorum quorumcunq; quicunq; seu quæcunq; in præfato Ducatu consistunt, emptione, uenditioneq; perpetua et irreuocabili, perpetuo et in æuū, pro octuaginta millibus florenorum Hungaricalium auri ueri puri et iusti ponderis. Pro quib. sibi iam plenè et ex toto satisfacimus realiter et cum effectu: prout ipse Dux Ianussius una cū præfata sua consorte eandem satisfactionem et solutionem proprijs Literis et Sigillis, consortisq; eiusdem una cum Terrigenis et subditis suis fatetur et recognoscit: Nosq; et futuros successores nostros Reges et Coronam Pol. de accepta satisfactione et solutione quitauerunt, et liberos dimiserunt. Et tamen præter hoc, tenore præsentium promittimus, Quod nos et successores nostri Reges, et tota Corona Pol. pro finali satisfactione præfati Ducis Ianussij et consortis suæ præfatæ pro dicto Ducatu Zatorien. et bonis ad ipsum pertinentibus, debemus, tenemur, tenoreq; præsentium pollicemur, et tenebimur, nosq; obligamus præfato Duci Ianussio, et dictæ consorti suæ, pro quolibet anno dare et soluere de Zuppis nostris Wielicensibus et Bochnensibus ducentas Marcas pecuniæ communis monetæ et numeri Polonialis, et sedecim bancos salis donatiui, usq; ad extrema tempora uitæ eorum, seu utriusq; seu ad mortem præfatorum Ducis Ianussij et consortis præfatæ eiusdem. Ita tamen, Quod pro quolibet quatuor temporibus singulorum annorum per quinquaginta Marcas, et per quatuor bancos salis, dare eisdem, seu utriq; eorundem, uel alteri eorundem qui super uixerit, præfatas ducentas Marcas dare & extradere tenebimur, et debemus, tenebimurq; et debebimus. Et similiter nostri successores Reges, et tota Corona Poloniæ, dare eisdem, uel alteri eorum modo supra scripto soluere et cōplere tenebuntur. Si uerò quod absit pro aliquibus quatuor temporibus usq; per unū integrum annum præfatum censum ducetarum Marcarum, et sedecim bancos salis, prout præmissum est, soluere neglexerimus, uel nō curauerimus, uel successores nostri neglexerint, uel non curauerint: Extunc post cuiuslibet anni integri decursum post huiusmodi negligentiam sequentem in alijs ducentis Marcis præfati Duci Ianussio & suæ consorti succumbemus, & successores nostri succumbent. Post præfatorum uerò Ducis Ianussij & Barbaræ consortis suæ legitimæ obitum: Extunc præfatus Ducatus Zatorien. cum Castro & Ciuitate, & cum omnibus Terrigenis, omnibusq; bonis & subditis tam Spiritualibus quàm Sæcularibus, cuiuscunq; conditionis existant cum omni lure hæreditario proprietate & dominio cum titulo re, lureq; uenditionis, & emptionis in manus nostras, uel successorū nostrorum Regum & toti Coronæ Poloniæ perpetua & irreuocabili successione, lureq; hæreditario perueniet, & deuoluetur. Quæ iā exnūc, prout extūc, & extūc prout ex nunc, ipse dux Ianussius una cum consorte sua præfata nobis, Regibusq; & toti Coronæ Poloniæ condescendit, & resignat, & ita sicut præmissum est condescendunt & resignant. Et præter hoc, præfatus Dux Ianussius una cum consorte sua proprio iuramento corporali, hæc uenditionem, emptionemq; necnon inscriptionem & subiectionē, conseruationemq; irreuocabilem atq; perpetuam iam approbare, confirmare, & robore effectualiter de facto debet & tenetur, debetq; & tenentur. Et similiter Burgrabijs Castri seu Fortalicii, & omnes terrigenæ, Ciuesq; Zatorien. iurare debent nobis, Regibusq; & toti Coronæ Pol. nūc iam & in posterum, quotiens opus fuerit, ad tenendā nobis, Regibusq; & toti Coronæ Pol. fidem seu fidelitatē: & tam præfatus Dux Ianussius una cum consorte sua specialibus literis suis, necnon omnes & singuli terrigenæ eiusdem Ducatus Zatorien. etiam proprijs literis inscribere se debent, & propria sigilla ad literam pargameneam appendere, promittendo obedientiam, fidelitatemq; nobis Regibus & toti Coronæ Pol. præstandam, & post mortem præfatorum Ducis Ianussij, & consortis suæ præfatæ nulli alteri possessionem dicti Castri, ciuitatisq; Zatorien. & totius terræ seu ducatus Zatorien. dare, facere, & resignare, nulliq; fidē & fidelitatem ac obedientiā præstare & facere quam nobis Regibus & toti Coronæ Pol. debent & tenentur. Quilibetq; eorum debet, & tenetur. Qui etiam terrigenæ omnes & quilibet eorū debet & tenetur, debebuntq; & tenebuntur, specialiterq; pro Burgrabio dicti Fortalicii seu Castri & Ciuitatis Zatorien. & pro semetipsis, iam nūc, & quotiens opus fuerit, seu quotiens præfatus Burgrabijs mutari & institui debeat, etiam uiuente præfato Duce Ianussio, cauere & fideiubere atq; corporaliter iurare. Quod præfatum Castrum fideliter tenebit, & nulli alteri in præfato casu mor-



tis præfatorum Ducis Ianussij & cōsortis suæ quam nobis Regibus & toti Coronæ Pol. condescendere & resignare debet, & tenetur. Debet etiam & tenetur præfatus Dux Ianussius una cū præfata consorte sua in uita sua, quamdiu omnipotens Deus eam eis concesserit, nobis necnon Regibus & toti Coronæ Pol. in omnibus aduersis assistere, & nos cōtra omnem inimicum iuuare, una cum præfatis terrigenis & subditis suis, seu cum toto suo Ducatu & eiusdem incolis, quando, & quotiens opus fuerit. Nos uero etiā præfatum Ducem Ianussium, suosq; terrigenas & subditos, totumq; Ducatum tenere & cōseruare debemus & tenemur sub nostra terrestri, & totius Regni Pol. tutela: & eum ab omnib. inimicis suis opprimere eum uolentibus sibi assistere, & eum pariter & consortem præfatam eiusdē defendere & tueri pollicemur, & tenemur. Volumus etiam ut in necessitate alicuius disturbij terrestris, uel cuiuscūq; guerre aut intranquillitatis, ipse Dux Ianussius in Castrum seu Fortalitium, Ciuitatemq; Zathor gentes nostras immittere debeat libere ad requisitionem nostram, uel nostri Capitanei Cracouiē. ut tanto securius ab hostiū incurſu ipsum Castrū & fines Regni nostri tutius, & in meliori pace cōseruare ualeant, ad quod etiam faciendum se sua inscriptione una cum præfata sua consorte subdiderūt. Ex quo aut præfatæ Illustri domine Barbarę cōforti dicti dñi Ducis Ianussij pro dote & dotalicio suis, quæ habebat in præfato Ducatu Zatorien. sibi inscripta & reformata, per nos & per Coronam nostram seu Regnum Pol. completis præmissis, est sibi satisfactum. Ex tunc præfata Ducissa Barbara tenebitur, teneturq; literis sui mariti domini Ducis Ianussij, necnon etiā suis proprijs præfatā satisfactionem recognoscere, nobisq; literas suæ reformationis restituere, & easdem Inscriptiones dotis & dotalicij præfatis literis extinguere & mortificare. In cuius rei testimonium Sigillum nostrum presentibus est subappensum. Actum Cracouiæ, feria tertia ante festum S. Petri ad uincula, anno Dñi 1494. Regni uero nostri anno 2. Presentibus Magnificis & Generosis Ioanne de Pileza Russiæ, Dobeslao de Kurozuanki Lublineñ. Palatinis, Petro de Kurozuanki Thesaurario Regni Pol. & Cracouiē. Capitaneo, Petro Myszkouuski Vieluneñ. & Nicolao Strzezouuski Sanocen. Castellanis, Stanislaio de Chodecz Capitan. Exercituum nostrorū in terris Podoliæ, Andrea Kosczyeleccki Bidgostien. & Ioanne Dunyn de Viazd Capitaneis, cæterisq; Dignitarijs, Consiliarijs, & Cubicularijs nostris fidedignis testibus. Datum uerò per manus Venerabilis Gregorij de Ludbrancz Skarbimirien. & S. Floriani in Kleparz Præpositi, Regni nostri Vicecancellarij, sincere nobis dilecti.

#### Venditio Ducatus Osuiaczimen. Regi Poloniae Kazimiro.

**I**N NOMINE DOMINI AMEN. Ad perpetuam rei memoriam. Ne temporum labentium cursus rerum gestarum memoriam secū rapiat, et illos obliuionis errore confundat, mentibus humanis illud diuinitas inspirauit, præstititq; remedium actiones, ordinationesq; humanas per tēporis lapsum perituras, & uenditionū, emptionumq; contractus, ne à posteris reuocentur in dubium, constans apex roboret literarum, & fides testium iugiter renouet & confirmet. Proinde nos Ianussius Dei gratia Dux & dominus Osuyaczimen. Significamus tenore præsentium, quibus expedit uniuerſis et singulis, præsentibus & futuris, publiceq; recognoscimus & fatemur. Qualiter matura deliberatione cum Illustribus fratribus nostris, Baronibus et Consiliarijs nostris præhabita, etiam in optima ualitudine constituti, nullo dolo, fraude, aut ingenio seducti, nec per errorem aut improuide, sed de mera et spontanea uoluntate Ducatum nostrum et Terrā nostram Osuyaczimen. quæ portione paterna nobis obuenit, Sereniss. Principi et dño, domino Kazimiro Dei gratia Regi Pol. Magno Duci Lithuanie, hæredi Russiæ, & domino Prusfiæ, Regnoq; suo & Coronæ Pol. pro quinquaginta millib. Marcarum latorū grossorum Pragen. numeri Polonialis, quadraginta octo gros. in quamlibet Marcā computādo. (Quæ quidem quinquaginta millia Marcarum latorū gros. ab eodem domino Kazimiro Rege & Corona Pol. nos integraliter & effectualiter in pecunia parata & numerata pro huiusmodi Ducatu tulisse, & leuasse, & percepisse præsentibus recognoscimus, & profite mur) uendidimus, præsentiumq; tenore uendimus, et uenditione perpetua, et irreuocabili præfato Sereniss. Principi & dño, domino Kazimiro Regi & Coronæ suæ Polo. de illo cedimus, & ipsum resignamus, & inscribimus, cum omnibus & singulis dicti Ducatus et Terræ Osuyaczimen. Castris, Fortalicijs, Ciuitatibus, Oppidis, Villis, Teloneis, censibus, prouentibus, utilitatibus, fructibus, seruitijs, homagijs, allodijs, exactionibus, collationibus, iure patronatibus, culpis, emendis, piscinis, molendinis, lacubus, agris, pratis, syluis, borris, uenationibus, aucupationibus, mellificijs, pascuis, rubetis, mericis, fluuijs, torrentibus, aquarumq; quibuslibet decursibus, montibus, fabricis, ferrifodinis, plumbifodinis,



dinis, auri & argenti, æris & cuiuslibet metalli fodinis, monetis, iudicijs & bannis, seu inhibitionibus uenationum, & pœnis inde sequentibus, consuetudine uel de iure utilitatibus, honoribus, conuentionibus, honorantijs, feudis, feudatarijs, uasallis, uasallarijs, Nobilibus, Rusticis & Plebeis, hominibusq; habitantibus, et habitaturis, cum potestate ibi mercatâ publicâ et Nundinas celebrandi, faciendi, datias, pedagia, gabellas, & alia omnia onera realia & personalia, ordinaria, extraordinaria, atq; mixta, quocunq; nomine nuncupentur imponendi, exigendi, & exigifaciendi, cum mero & mixto dominio, supremo & infimo, omnimoda iurisdictione, plena gladij potestate, et exercitijs eorundem, cū uniuerfis alijs utilitatibus quæ ibi hactenus sunt, & in posterum naturaliter, aut industria humana fieri poterunt, quibuscunq; nominibus aut cognationibus uel uocabulis nuncupentur, prout idem Ducatus & terra longè, latè, et circumferentialiter in basso & plano, in gadibus et limitibus, et terminis est distinctus, cum omni iure Ducali, dominioq; mero et mixto, supremo & infimo, titulo et proprietate prout eandem Terram et Ducatū nos et nostri prædecessores tenuerunt & habuerunt, nihil nobis aut nostris successoribus cuiuscunq; domini, iuris, feudi superioris, & proprietatis, tituli, & memoriæ in eodem Oszuyaczimeñ. Ducatu quomodolibet reseruādo, per dictum ipsum Kazimīrum Regem & suam Coronam Pol. suosq; successores Reges Pol. habendum, tenendum, possidendum, et ad usus suos beneplacitos cōuertendum renunciantes publicè, et per expressum omni iuri, titulo, feudo, dominio, & proprietati, quod hactenus illic habuimus, et progenitores, antecessoresq; nostri habuerunt, pure simpliciter, et de plano, & sine aliqua conditione, lus, titulum, dominium, proprietatem, atq; feudū dicti Ducatus et Terræ Oszuyaczimeñ. eidem Sereniss. Principi domino Kazimiro Regi, et suæ Coronæ Pol. resignantes, absoluentes, omnes et singulos Barones, Nobiles, Scultetos, Ciues, Oppidanos, & Kmetones, incolas et singulas personas Ecclesiasticas et Sæculares quocunque nomine censeantur, aut quacūq; dignitate uel conditione perfulgeant præfati Ducatus et Terræ Oszuyaczimeñ. à nostra obedientia, & feudo, iuramēto, et fidelitate, ac obligatione eorū dē Barones et Nobiles, Scultetos, Ciues et Oppidanos, Kmetones et incolas, personasq; Spirituales et mundanas eiusdem Ducatus, in obedientiam, feudum, et utilitatem prædicti Sereniss. domini, domini Kazimiri et sui Regni ac Coronæ Pol. subiicimus et supponimus per præsentem. Et ne in posterum dubitari quomodolibet possit, quo iure, titulo, & conditione, Castra, Ciuitates et Oppida, atq; Villæ in dicto Ducatu et Terra Oszuyaczimeñ. consistentia, per nos eidem Sereniss. domino, domino Kazimiro Regi et suo Regno ac Coronæ Pol. uenditæ et resignatæ, et subiectæ sunt, conditionem eorū pro futura memoria duximus præsentibus exprimendum. Inprimis quidem fatemur, quod Castra principalia Oszuyaczimeñ. et ualentes huiusmodi Ducatus, et Terræ prædictæ cum duabus Ciuitatibus seu Oppidis, uidelicet Ciuitas ipsa Oszuyazim cum teloneo et molendinis, et Kanthi cum teloneo et molendinis, nec non Villæ Bielany, Lauki, Babicze, Lipnik, Osyek, Brzesczye, Monouicze, & Duuory, sunt, esseq; debent de mera proprietate titulo atq; dominio præfati domini Kazimiri Regis et sui Regni ac Coronæ Pol. Quoniā cum præfata Castra, Ciuitates et Oppida, telonea atq; Villæ nulli alteri nisi nobis sunt censuales & obnoxia ac subiectæ, præfatus etiam dominus Rex cum omnibus pertinetijs, appendentijs, & emolumentis ea possidebit. Item recognoscimus et publicè profiteamur, quod etsi Villæ Polanka antiqua, noua Polanka, Vulosyenicza, Poramba, Grodzyecz, Sparouicze, Nidek, Witkouicze, Glabouicze, Bulouicze, Czanicze, Malecz, Czacuga, Nouauyecz, Roczyn, Sbroskouice, Brzezinka, Raysko, Francyskouicze, Przecyessyn, Skiedziey, Vithkouice, Vilamouice, Helcznarouice, Bnyakouu, Dziekossie, Mikluffouice, Pissarouicze, Halcnouu, Bijertolouice, Komorouice, Zebraca, Restuuina, Rabkouice, Starauyecz, Janussouice, Tharmassy, & aliæ omnes in prædicta Terra Oszuyaczimeñ. consistentes per certos Terrigenas, & Nobiles Ducatus prædicti teneantur & inhabitentur Quia cum nos & progenitores nostri supremum lus Ducale ferè in illis omnibus habuimus, cæterosq; census, tributa, labores, seruitia, & obuentiones ex illis iure nostro Ducali percipiebamus: Vnde etiam Villas prædictas in signum altioris firmitatis cum omnibus censibus prouentibus & oneribus eisdem domino Kazimiro Regi & Coronæ Poloniæ resignamus, & eisdem renunciamus. Item omnes Literas, Priuilegia, munimenta, inscriptiones, obligationes, contractus, & quascunque scripturas, quas nos uel consanguinei fratres aut successores super dicto Ducatu eiusdem titulo & proprietate, & dominio habuimus, habemus, uel habebimus, quem in derogationem, uel læsuram iuris, proprietatis, tituli & domini præfati domini Regis & sui Regni, ac Coronæ Poloniæ in dicto Ducatu Oszuyaczimeñ. & præsentem nostræ resignationis uergenda, uel quomodolibet



bet facienda, & quæ nobis aut fratribus, uel consanguineis nostris possent prodesse, & dicto domino Kazimiro aut Coronæ Polo. obesse anullamus, cassamus, extinguimus, & mortificamus, easdemq; nullius decernimus, & profitemur roboris uel momenti, suspensasq; & uitiosas declaramus. Item ut huiusmodi nostra uenditio & resignatio præfato domino Regi & suo Regno, & Coronæ Pol. de dicto Ducatu Ossuyacimeñ. facta iuxta desiderium cordis nostri funiculo multiplici roborata, perpetua, atq; pacifica, nullum futuræ litis, inquietationis, aut dubietatis habens respectum perseveret: promittimus, spondemus, nosq; uerbo Ducali circa fidem nostram & honorem sine dolo & fraude catholica promissione astringimus et obligamus, quod uenditionem & resignationem nostram de dicto Ducatu & Terra Ossuyaczimeñ. per nos ut præmittitur dicto Sereniss. Principi domino Kazimiro Regi & suo Regno ac Coronæ Pol. factam, Illustres Principes domini Venceslaus Zatorieñ. Przemislaus Thosleñ. germani nostri Duces, omnesq; consanguinei nostri affines & proximi gratam, ratam, firmam habebunt, tenebunt, nec in aliquo directe uel indirecte quæsito colore occasione huiusmodi uenditionis & resignationis contrauent, aut eam impediunt quouis modo. Nosq; prædictum Sereniss. Regem & suum Regnum, ac Coronam Polo. ab omnibus impedimentis, litibus, molestationibus, perturbationibus, infestationibus, offensis & iniurijs tam à præfatis dominis Venceslao & Przemislao germanis nostris, quam ab omnibus consanguineis et proximis nostris, et à quacuncq; persona cuiuscuncq; conditionis existat, & quacuncq; fulgeat dignitate, Spirituali siue Sæculari, à quibus occasione præfata nostræ uenditionis resignatio & contractus præfati Ducatus & Terræ Ossuyacimeñ. ipse Sereniss. dominus Rex & Regnum ac Corona Pol. læsi, molestati, perturbati, offensi, & impediti fuerint, ipsum dominum Serenissimum Regem, suum Regnum & Coronam Pol. nos intercedere, & euincere, nullam interponendo præscriptionem iuxta ius nostrum Ducale tenebimur, eliberareq; sub fide & honore. In cuius rei testimonium Sigillum nostrum Ducale præsentibus est subappensum. Datum in Gliuice feria secunda ante festum S. Matthiæ Apostoli, anno Domini 1457. Præsentibus Strenuis, Generosis & Nobilibus, Ioanne Sassoouiski, Zauissa Bohemo, Nicolao de Kamieñ. Krystek Schelhem de Schothmank, Misliborio de Orzesse, Ioanne Karnic de Sambork, Michaële Laskououski, Nicolao Myskououski, Nicolao Sassoouiski, Ioanne Vuyec de Thomica, Procopio de Suyantossouice, Hinkone Suuyatlik de Zafs, Ioanne Tlema, Urbano de Kopcouice, Michaële de Zauyerce Notario nostro, & alijs fidedignis testibus circa præmissa.

Cracouia

**1457.** NOS IANVSIVS Dei gratia Dux Ossuyacimeñ. recognoscimus tenore præsentium quibus expedit uniuerlis, tam præsentibus quam futuris, notitiam præsentium habituris. Quod à Sereniss. Principe domino Kazimiro Dei gratia Rege Pol. Magno Duce Lithuanie, herede Russiæ, Prussiæq; domino, & à Regno, Coronæq; sua Pol. quinquaginta millia Marcarum latorum grossorum Pragen. numeri Polonialis quadraginta octo grossos in quamlibet Marcam computant. in uim totalis & integræ solutionis pro Terra & Ducatu Ossuyacimeñ. per nos ipsi Sereniss. Principi domino Kazimiro Regi et Coronæ Pol. uenditis recepimus, & de manibus Magnificorum & Strenuorum ac Nobilium dominorum Ioannis de Czyssouu Castellani & Capitanei Cracouiensi, Gregorij de Branyca Castellani Radomieñ. Andreæ de Tanczyn, Ioannis de Rythuuiany Capitanei Sandomiriensis, Ioannis de Tarnouu, Ioannis de Melszyn, & Grot de Ostrouu in effectum leuauimus. Vnde & eundem Sereniss. Principem dominum Kazimirum Regem Pol. &c. & suum Regnum, & Coronam suam Poloniæ. Nos Ianussius Dux prænominatus quietamus, & absoluiamus, quietatosq; & absolutos pronunciamus per præsentem. Omnesq; Literas, & obligationes cuiuscunque existant tenoris, quas præfatus dominus Rex & suum Regnum, & Corona Poloniæ, aut sui fideiussores nobis super solutionem dictarum quinquaginta millium Marcarum latorum grossorum, aut illarum aliqua portione, dederunt, mortificantes, & cassantes præsentium per tenorem: profitentes illas nullius esse efficaciam, roboris, uel momenti, & iam præfatum dominum Kazimirum Regem & Coronam Poloniæ nobis occasione emptionis Terræ Ossuyacimeñ. recognoscimus, & profitemur in aliquo non teneri. In cuius rei testimonium Sigillum nostrum præsentibus est appensum. Datum Cracouiæ feria quinta post Cinerum, anno Domini

1 4 5 7.

Iuramentum



## Iuramentum Ducis Zatorien.

**E**Go I. Dux Zatorien. Iuro, quia fidelis & obediens ero cum omnibus subditis Ducatus mei, & cum Ducatu meo Sereniss. Principi domino A. & c. Regi Pol. & c. gratiosissimo & ipsius successoribus. Regibus, & Regno, ac Coronæ Poloniæ, pro bono statu M. Regiæ & Reipub. Regni Polon. & pro utilitate M. Regiæ, & Regni consulam, & quæ sentio M. Regiæ successoribus & Regno Pol. nocitura præcustodiam, et pro posse meo auertā, ac omnia fideliter ad partem M. R. & Regni Pol. agam fideliter et obedienter, mandatis M. Regiæ & successorum suorum parebo, & ea implebo, Literas meas iuxta contractum per olim Sereniss. dominum Iohannē Albertū inter me & Regnū factū sub meo & subditorum meorum Sigillis dabo M. R. ad thesaurum Regni, subditosq; uniuerfos meos ad iurandum iuxta contractū inducam, & iurari, aliāq; quæ ex condictione debeo facere, faciam. Sic me Deus adiuuet, & hæc sancta Christi crux.

## Iuramentum Terrigenar. Ducatus Zatorien.

**E**Go P. Iuro quia fidelis ero Sereniss. Principi & domino domino Alexandro Dei gratia, & c. gratiosissimo & Regno ac Coronæ Pol. & post mortem Ducis Ianusij Zatorien. domini mei gratiosi neminem alium quam ipsum dominum Alexandrum Regem & successores Poloniæ pro domino suscipiam, & me ei subiiciam, ac pro posse meo procurabo omne bonum, & auertam omne malum quod sciuerō imminere R. M. & suo Regno Polon. omniāq; faciam fideliter, obedienter, & diligenter quæ ad subditum bonum & fidelem pertinent. Sic me Deus adiuuet, & hæc sancta Christi crux.

## CAPITVLVM VI.

## Dexiij. Ciuitatibus Scepusij.

**T**Amet si Reges Pol. & semper ferè contra hostes uicinos in statione excubare oporteat, & solum eorum prouentu metallorum prouincijs ad meridiem & occidentē sitis sterilius esse uidetur: Nihilominus KAZIMIRVS tertius Rex Polon. confectis tot bellis, factis præterea alijs tot sumptibus, Regi Hungariæ magnam pecunię uim mutuo dedit in qua etiam Scepusij 13. Ciuitates iure obligationis ac hypothecæ in possessionem accepit. Et quia ad tempus præstitutum æs ei restitutum non est, aliāq; conditiones contractus & Inscriptionum in Thesauro Regio repositarū expleta non sunt, Scepusium ipsum pœnis ac Vadjs in ipsis Literis obligationum contentis & interpositis tantum immersum, illigatumq; habet, ut si redimendum esset, unius Regni pecuniæ ad illud eliberandum uix sufficerent, propter quas obligationis conditiones & nodos, non tantum ususfructus, qui ex obligatione possessori uenit, uerū etiam ipse fundus qui æquiualentī summa ab emptore acquiritur, Regis & Regni Poloniæ proprius esse censetur.

## CAPITVLVM VII.

## De Ducatu Mazouia.

## Sigismund. Regis ad Mazouiam Legatio.

**R**es ipsa per se nota est, nec dubitaturū aliquem inter nos arbitror, qui modo mediocri rerum peritiā imbutus sit: Quomodo aliquot retro sæculis gens & lingua nostra in has oras & regiones quas modo incolimus cōmigrauerit, sedesq; hic in his locis fixerit, cumq; in infinitam penè multitudinē coaluisset, omnesq; finitimas nationes sibi infensas esse prospexisset, id quod Lex naturæ & reliquarum gentium mos suadet, ad unum omnia deferre constituerat, ut ita unī qui sit optimus summa rerum tradita eius Imperio pareret. Sic enim & aduersarijs resistere, & tranquillius uitam agere se posse existimauerit. Cuius rei argumento sunt, multæ & uetustæ Literæ ueterum Regum, & Ducum signis cōmunitæ, quæ tum per Arces, tum uerò per templa religiosissimè custodiunt. Satisq; constat Meschkonem primū, eundemq; pñssimū Ducem, & Boleslaū primum Poloniæ Regē omnes ferè Episcopatus istos, qui nedum in Regno Poloniæ, sed etiā in finitimis prouincijs habent fundauisse, puta Archiepiscopatū Gnezneñ. Episcopatus Cracou. Vvladislauiē. Posnañ. Vvratisslau. Culmeñ. Lubuceñ. in Pomerania Camineñ. & alios plurimos. Cuius Regis Imperio cum uniuersæ gentes linguæ nostræ parerēt



incredibile dictu est quam longè, lateq; terminos ditionis suæ propagarent, & quanto ter-  
rori uicinis nationibus existerent. Tandem uerò (ut ferè omnibus rebus usuuenit) dum  
eadem gens nostra in Arcem summæ potentia, decorisq; euaserat, ut sunt res humane flu-  
xæ, & fragiles, extincto illo ipso tam prorege quam Rege in deterius prolabi, & in diuer-  
sas factiones, qui Ducatus uocabantur, scindi cœpit. Ita quod ex uno, eodemq; amplissi-  
mo Regno multi Ducatus succreuerant. Demum cum successu temporis homines mul-  
titudinis Principum pertæsi essent, sublati è medio multis, iterum res omnis in potesta-  
tem unius, hoc est, Regis deuenerat.

Tamen Ducatus ipse MAZOWIAE singulari quadam prouidentia diuina usque  
in hæc tempora seorsum ab Regno Poloniae auulsus sub Imperio Ducum Mazouia uige-  
bat, quatenus stirps mascula nō defuerat. Cum uerò Deo ita ordinante nuper stirps illa  
Ducalis in Mazouia penitus extincta esset, iure naturæ & gentium æquum est, ut mem-  
brum à corpore suo iam dudum separatum rursus tandem corpori suo uniretur, & sub Im-  
perium unius capitis, hoc est, Sereniss. domini, domini Sigismundi Regis Pol. domini no-  
stri gratiosissimi & Coronæ Regni Pol. adiungeretur. Quod negocium tētatum quidem  
est in proximè præterito Cracou. Conuentu cum Oratoribus Ducatus Mazouia per Re-  
giæ Maiestatem, & Senatores Regni: Sed Oratores ipsi Mazouia renitebantur, nec su-  
per eisdem rebus aliquid tractare uolebant, asserentes se nullam facultatem uel manda-  
tum super eiusmodi rebus habere ab his qui eos miserunt. Quare Maiestati suæ suppli-  
cauerunt, ut totum hoc negocium uniendi & incorporandi Ducatus Mazouia ad Re-  
gnum & Ducatum ipsum, & ad Incolas eius dimitteret, & Conuentum ad talia tractanda  
Warsouia indiceret. Quod sua Maiestas ex singulari sua clementia effecit, conuentumq;  
hunc Warsouien. indixit, & agi uoluit. Nosq; huc ad uos in eo negotio misit, ut uobiscū  
super eiusmodi rebus ageremus. Cum itaq; sua Maiestas Regia planè perspiciat inde-  
corum & pene absurdum esse, si pars suo toto non congruat, suadet & hortatur, imò præ-  
cipit, ut cum (Deo uolente) iam unius capitis & corporis membra effecti estis, etiam unis  
Legibus atq; institutis utamini, eis uidelicet quibus mater ipsa nostra Polonia, reliquæq;  
Terræ Mazouia, puta Plocen. Gostinen. Rauen. Sochaczouien. & Belzen. utuntur: præ-  
cipue quo ad expeditionem militarem & bellicam attinet, cupit sua Maiestas ut eam æquo  
iure & ordine cum uniuersis Terris Regni Poloniae subeat, & inuicem super his rebus  
conferatis, & omnia hæc de quibus supra mentio habita est, in præsentia nostrum consti-  
tuatis & firmetis.

Id cum effeceritis multum honoris & dignitatis atq; commodorum rebus uestris inde  
accedet, libertatibusq; & cæteris summis prærogatis, quibus nihil est dulcius, perfruemini:  
& Regiæ Maiestatis domini mei clementiss. gratiam uobis conciliabitis, uobisq; ac po-  
steris uestris, tum & bono ac tranquillo statui uestro optimè consulētis.

#### Alia Legatio.

**P**ost dictam gratiam Regiam, & Literas fidei oblatas, dicendum, satis esse iam de-  
claratum, Terras Mazouia unum esse corpus & unam hæreditatem regni Polo-  
nia, unam gentem, unam linguam, unos dominos ipsorum ab initio semper ex-  
stitisse: partito uerò Regno inter Duces, ut alias Terras, ita & Ducatus, Terrasq;  
Mazouia decedentibus masculis iure feudi ad corpus unitatē Regni denuò rediisse, quæ  
omnia ex Literis, Inscriptionibus, & exemplis ita clarè cōstant, ita in recenti memoria exi-  
stunt, ut nullis rationibus & argumentis inficiari possint.

Cum itaq; placuit diuinæ Maiestati reliquā masculā sobolē Ducū Mazouia ab huma-  
nis auferre, & reliquæ Terræ Mazouia iure feudi, & iuxta inscriptiones ueteres ac recen-  
tes in Maiestati Regiæ & Regnū Poloniae recidissent: Licet Maiestas sua potuisset è uesti-  
gio possessionē earundē Terrarū accipere, & illis sicuti reliquis Terris & subditis suis im-  
perare, tamen uoluit Maiestas sua uti decet clementē & benignissimū Principē, rem alio-  
quin iam prius transactam iterum placidē & æquanimiter transigere. Non enim dedigna-  
ta est Maiestas eius primū Legationib. benignissimis illos ad debitū ipsorū cohortari, de-  
inde etiam ipsamet ad eos descendere, & iustis rationibus, modisq; clementissimis ius suū  
& debitum illorum ab eis exigere: quibus cum iustē reluctari nō potuissent, tandem uni-  
uersi iusiurandum Maiestati suæ & Regno suo Poloniae præstiterunt.

Quamuis autem petiissent tum & pariter in Conuentu Cracou. dari sibi in Ducem &  
dominum Illustrissimū Principem Sigism. Augustum, filium Maiestatis suæ charissimū,  
tamen



tamen Maiestas eius id tum illis, & demum in Contuentu Cracou. denegauit, quod nollet uideri is qui iuribus Regni sui quicquam detraheret, quin magis conducere putet, ut filio suo & omnibus subditis suis Regnum & DOMINIA VNITA QVAM SCISSA & diuisa relinqueret.

Siquidem Ducatus Mazouiae mera est hereditas & corpus Regni Polonie, possessusq; est ab initio à præfatis Ducibus iure feudi. Quo quidem iure iam maior pars ipsis Ducatus antea successiue ad prædecessores Maiestatis suæ & Regnum Pol. recidit. Nempe Terra Raveñ. Terra Sochaczouieñ. Terra Gostineñ. Terra Plocen. Terra Visneñ. quæ omnes Terræ sunt Mazouiae, sed eo iure ad Regnum deuolutæ, atq; id non solum mascula stirpe non deficientes, sed etiã fratribus superstitibus partitis inter se bonis sibi inuicem nunquam succedere potuerunt, eoq; minus nunc succedere possent cum uniuerfa stirps mascula defecit. Quod scientes & intelligētes domini Duces nouissimè defuncti, obtinuerant à Maiestate sua eam gratiam magnis precibus & seruitijs suis, Quod ipsi duo fratres sibi inuicem succedere potuissent, et concessum illis erat hoc Priuilegium à Maiestate sua, non sine magnæ clementiæ testimonio, prout Literæ eo nomine confectæ satis declarant.

## A R T I C V L V S I.

## Confirmantur Iura Mazouitarum.

**O**Mnia Iura, Priuilegia, donationes, consuetudines, libertates, prærogatiuas, & successiones omnes omnium Nobilium, quorumuis subditorum nostrorum in Ducatu Mazouie, tam publicè quam priuacè, iuste & legitime datæ & emanatæ, in quorum seu quarum extat possessione pacifica, in uita Ducum & d. minorum suorum, confirmamus, & in robore conseruamus perpetuo. SIMILITERq; omnia Statuta Terrestria eiusdem Ducatus, cōsuetudines & articulos, quo ad Iudicia Terrestria & Castrensia in omnibus causis, controuersijs, & rebus quibuscunque in suo ordine antiquo, Statuto, tenore, & consuetudine conseruamus & confirmamus, iuxta antiquam eiusdem Ducatus consuetudinem, quibus non debent derogare nouæ consuetudines Regni perpetuò.

Sigism. Petric  
1529:  
Ex Statuto  
Mazou.

## Iuramentum præstitum per subditos Ducatus Mazouiae feria quinta in uigilia exaltationis S. Crucis 1526.

**E**GO S. spondeo & iuro, quia Sereniss. Principi & dño, domino SIGISMVND O Dei gratia Regi Polo. Magno Duci Lithuaniae, Rursiae, Prussiae, &c. domino meo gratiosissimo, eiusq; Maiestatis SVCCessoribus Regibus Polo. fidelis, obsequens, & subiectus ero, ac omne bonum & commodum suæ Maiestatis & successorum ipsis Regum & Regni Pol. procurabo, ac promerebo, & quæ sensero illis nocitura fore præcustodiam, & præcauebo, ac pro posse meo auertam, omniaq; fideliter & obsequenter curabo & faciam quæ ad bonum & fidelem subditum pertinet, ita me Deus adiuuet & sancta Christi crux.

## Ducatus Mazou. Maiori Pol. adscribitur.

**C**onsentimus, ut iste Ducatus adiungatur & adhæreat, sicut & alia Terræ, Terris Maioris Pol. Quando præsertim & Ducum tempore Duces ipsi erant cum Terris Maioris Pol. tempore belli. Nec ob aliam causam Terra Vischneñ. ipsis Terris Maioris Poloniar sit adiuncta.

## Ratio tamen æqua Mazouitarū haberi non potest atq; Polonorum, durantibus Constitutionibus illorum.

**N**Vncj ex Terris Mazouiae cum multa à nobis postularent, quæ concedi solent per nos alijs subditis nostris Regnum incolentibus, & Statutorum communi iure fruentibus, à nobis hoc responsum tulerunt, quod dum sunt iure & consuetudine ab alijs Regni nostri subditis seiuncti, nō in omnibus eorum eadem ratio haberi possit, quæ habetur subditorum Regni. Sed si aliquādo iuribus & consuetudinibus se coequare Regni nostri subditis uoluerint, quod in eorum arbitrio est positum, tum eorum ratio æqualis cum alijs est futura. Interim autem in eorum moribus, iuribus, Priuilegijs, & consuetudinibus Priuilegio nostro confirmatis illos conseruabimus.



Rex Sigismund. Duci Baren. ad quasdam Inscriptio-  
nes consentit.

**S**IGISMVNDVS Dei gratia Rex Pol. Manifestum facimus per præsentes u-  
niuersis. Quia pro necessitudine & amore mutuo, qui nobis est cum Illustr. Prin-  
cipe domina Isabella Mediolani & Barij Duce matre, et focu nostra charissima, il-  
li gratificari uolentes, ut in uita sua possit partim de seruis suis, partim etiam de re-  
ligione & sacricolis bene mereri, & sue, suorumq; saluti consulere, tenore presentium con-  
sentimus, ut quodcumq; illi libuerit, possit inter seruos, & ad pia opera, aut quemadmo-  
dum illi melius uidebitur, decem millia Ducatorum in auro ex prouentibus annuis Du-  
catus Bareñ. distribuere, uel ad distribuendum inscribere, seu obligare. Promittimusq; uer-  
bo nostro Regio pro nobis, & Illustris. filio nostro Sigismundo nos eandem distributio-  
nem seu obligationem per eius Illustritatem factam, firmam & ratam habituros. In cuius  
rei testimonium Sigillum nostrum præsentibus est impressum. Datum Cracouię die quar-  
ta Februarij. Anno Domini 1523. Regni uerò nostri 17. Sigism. Rex significat.

Vniuersitati ciuium Ciuitatis Bareñ. & Modunē.

**M**Agnifici, Nobiles, & Egregij, fideles nostri dilecti. Accepimus Literas quibus  
nobis dolorem nostrum de obitu Illustris Ducis Isabellæ, & fidem uestram er-  
ga nos declaratis, de qua non aliter nobis persuademus, neq; dubitauimus quin  
in eo euentu uos ita exhiberetis, uti probos & fideles subditos decet. Nos e-  
tiam uolumus ea erga uos gratia, & æquanimitate uti, & tales uobis Officiales præficere,  
ut nobis subesse nunquam lure uos poenitere queat.

Iohanni Dantisco & Ludouico Decio Iusto Oratorib. suis.

**N**obiles fideles dilecti, hesterno die allatæ sunt nobis Literæ Iosti ex Bario, qui-  
bus significat statum illius, & omnes res recte se habere, nihilq; aduersi illic or-  
tum, præter tumultum contra Iosue, qui & ipse tandem est sopitus. Allatę quo-  
que nobis sunt Literæ à Ciuitatibus Bareñ. & Modunē. quibus fidem suam  
erga nos aduersum abunde testatur, quam, & aliorum pariter Iostus ipse declarat, præter-  
eaq; scribit esse magnas querimonias omnium subditorum aduersus Iosue, & alios Offi-  
les. Proindeq; efflagitant, ut cum illis iustitia ministretur, petitur confirmatio Iuriũ & Pri-  
uilegiorum, petuntur boni & æquanimis Officiales. Quocirca omnium prima erit illic  
cura uestra, ut uidelicet compositis & sopitis rebus, si quæ in perturbatione sunt, iusti-  
tiam unicuiq; ministretis, & Officiales tales cõstituatis quorum probitas & fides spectata  
est, & populo essent ex sententia. De Priuilegijs confirmandis respondimus nos id fa-  
cere uelle, quod & uos illic eis polliceamini, & transumpta illorum nobis mittatis, quibus  
uisis libenter confirmabimus, quacumq; iusta & honesta fuerint.

Carolo V. Cæsari.

**S**Erenissime ac excellentissime Princeps. Significatum est nobis nuper ex Medio-  
lano Illustr. dominum Mediolani Ducem petere decreuisse, uel fortè iam petiuisse  
à Maiestate uestra, ut Consilio Regni Neopolitano demãdare dignetur, quo Du-  
catum Bareñ. ad nos lure legitimæ successionis deuolutum acciperet in sequestru:  
in quo idem dominus Dux Mediolani nescimus quid iuris sibi competere asseuerat, &  
deducere nititur Illustr. olim dominam Isabellam de Arragonia Ducem Mediolani & Ba-  
rij focum nostram non hæreditario lure, sed duntaxat uitæ suæ spacio illũ possedisse. Nos  
non dubitamus lus certum & indubitatum penes nos & Sereniss. dominam Bonam con-  
iugem nostram esse. Quod quidem non uerbis sed Literis, non unis, sed pluribus, sine cõ-  
trouersia probare poterimus, quorum beneficio post mortem ipsius olim dominæ matris  
& focus nostræ possessionem illius Ducatus continuauimus, quaq; priuari citra in-  
iuriam nostram non possumus. Cũ enim ad disquisitionem uentum fue-  
rit, melius diplomata seu Priuilegia nostra quam nuda uer-  
ba uim Iuris & iustitiæ decla-  
rabunt.

Legatio



Legatio Sigismundi Regis ad Carolum V. Cæsarem data Stanislawo Borek Canonico Cracouiensi.

**C**um proximis his mēlibus Illustrissima domina Isabella de Arragonia, Ducis Mediolani & Barij suæ Serenitatis mater, & socrus, ab hac uita discessisset, relicto iusto & hæreditario iure Ducatus Baren. Sereniss. Bonæ coniugi Serenitatis suæ, filia uerò suæ, ad capiendamq; possessionem eiusdem Ducatus, Serenitas sua ipsius Sereniss. coniugis suæ nomine, Nuncios & Procuratores nulla mora facta, misisset, illiq; ea ipsa possessione accepta, & aliquanto tempore continuata: rerū & negotiorum eiusdem Ducatus curam & administrationē suscepissent, Vicerex uestre Maiestatis Regni Neapolitani eandem possessionem illis ademit, & sequestrem constituit qui ad causæ diffinitionem eidem Ducatui præesset: quasi lis esset sub iudice, cum reuera nulla unquam fuerit, nec esse possit.

Totum enim ius ipsius Ducatus apud Sereniss. dominam Reginam est ex legitima successione: cuius uim & seriem ex Literarum & Priuilegiorum exemplis, quæ mecum attuli, uestra Maiestas probe cognoscat.

Miratur autem uehementer Seren. domini mei celsitudo, cur & qua ratione tanta iniuria sit ei irrogata: cum totius orbis hominum ius esse peculiare nō ignoret, possessionem bonorum nemini nisi ad disquisitionem uocato, iureq; uicto adimi solere. Si enim Illustriss. dominus Mediolani Dux aliquid iuris haberet, quo sibi persuaderet hunc ipsum Ducatum fore suum: alijs modis quam ui iusticia sua sibi quærenda erat.

Carolo V. Cæsari Sigism. pro restituto Ducatu gratias agit.

**S**erenissime ac excellentissime Princeps &c. Nuncius noster quem in causa Baren si ad uestrā Maiestatem miseramus tandem redijt: duas res gratissimas afferens, quarum hæc potissima est, qd̄ declarauit V. M. in ea beneuolentia erga nos permanere, quā nobis ex ea sanguinis cōiunctione, quæ nobis cum illa intercedit pollicebamur: est deinde nobis per quā gratum qd̄ V. Maiestas Ducatum Baren. nobis restituere dignata est, nō adeo propter ea cōmoda quæ illinc habituri sumus, quā quod hi dissidentes animos nostros inuicem uidere uellent, qui alienis malis latari solent. Agimus igitur uestre Maiestati quas maiores possumus & debemus gratias, relaturi etiā quacūque parte & occasiōe id facere possumus, ut amoris nostro nunq; intermorituro, sed perpetua serie permansuro ad summā coniunctionem nihil defuturū esse uideatur. Cæterū quia is Orator noster qui iā pridem apud uestrā Maiestatem fungit munere sibi à nobis iniuncto ob eas necessitates quæ subinde se offerūt adhuc munus ipsum aliquātiſper est obiturus, referretq; à nobis nōnulla uestre Maiestati: Idcirco rogamus illā plurimum, dignetur eius uerbis, qua solet benignitate, æquē ac nostris proprijs fidem adhibere. Valeatq; felicissimē M. V. & uoto suo in omnibus optatis potiatur, nosq; habeat cōmendatos. Datū.

Eidem Carolo V. Cæsari.

**S**ereniss. ac excellentiss. Princeps &c. Rediens dudū ad nos à uestra Maiestate Nuncius & Secretarius noster Borgius, declarauit nobis à M. V. nos in possessionem Ducatus nostri Baren. & Principatus Rossani restitui mādauit, & Literas ad eā re opportunas nobis attulit, de quo officio & amore fraterno M. uestre fuimus admodū cōsolati, & illi ē uestigio gratias quas debuimus p̄ Literas nostras egimus: uerū facti nunc sumus certiores illinc ab Officialibus & Procuratoribus nostris ipsam possessionem nobis uigore Literarum Maiestatis uestre restitutam denegari, remq; prætextu quarundam Literarum aliarum Maiestatis quæ ex diametro sunt contrariæ inuestiture, & alijs Literis nobis concessis in longum produci. Quibus scriptum dicitur (quod admodum nobis mirum uidetur) ut nisi uocato prius Illustriss. domino Duce Mediolani de restituenda nobis possessione nihil fieret: ut hac mora & difficultate iniecta, pariāt nobis aliquod incommodum, hi qui & fauorem nobis Maiestatis uestre inuident, & nostrā mutuam coniunctionem, & necessitudinem agrē patiantur. Cum autem & nos uocati non fuerimus quando possessio nobis indicta causa adimebatur, qui ad illam legitimē successimus, obtinuerimusq; insuper inuestituram à Maiestate uestra, facto illi debito homagio, quæ concedi non solet nisi possessoribus, uel quibus possessio iure debetur. Proindeq; sequestrum cum ipsa Inuestitura nequaquam coherere potest. Quocirca rogamus etiam atq; etiam M. V. ut fratrem nostrum honorandiss. non patiat nos ita &c.



coniunctionem & necessitudinem nostram mutuam apud se per æmulos nostros labefactari, ut etiam illud saltem quod nobis iure optimo debetur, & M. V. iam semel concessit, & restituendum commisit consequi nequeamus: iubereq; dignetur M. V. denuo, ut citra istas productiones & difficultates nobis ipsa possessio honorum nostrorum reddat quæ potiti, parati erimus coram M. V. aut eius collateralis consilio, non ipsi solum Illustr. domino Duci Mediolani, sed etiam unicuique alteri pro iure nostro respondere.

Carolo V. Cæsari Sigismundus Rex.

**S**ereniss. ac excellentiss. Princeps, Fecerunt nos certiores Officiales & Procuratores nostri hactenus, Arcem Baren. non esse nobis restitutā, non possumusq; non vehementer mirari, ut cum semel M. V. Cæsarea pro sua æquitate ac in nos animi sui propensione super Inuestiturā ipsius Arcis Baren. dederit assensum, & beneplacitum suum, unde sit istud impedimentum, quo minus Decretum M. V. Cæsareæ locum habeat. Propter ea rogamus M. uestram omni studio ut tandem possessionem eiusdem Arcis Baren. nobis reddi & liberè dimitti faciat, & ut M. uestra Cæsarea aures hominib. maleuolis non accommodet, qui inter nos dissidium quærunt, coniunctionemq; ac mutuam beneuolentiam & necessitudinem nostram dirimere contendunt, faciet Maiestas sua rem sua uirtute & nostra in se perpetua obseruantia dignam.

Legationis ad Cæsarem fragmentum.

**N**uncius noster hoc aget diligenter, ut restituamur in possessionem Ducatus Baren. & si Dux Mediolani aut quicuis alter prætendit se aliquod ius habere ad Ducatum ipsum Baren. cum uocabit nos, aut Serenissimam coniugem nostram dominam Reginam in ius, stabimus paratissimi omni iudicio.

Et cum M. Cæsarea uult ministrare iustitiam Illustr. domino Francisco Duci Mediolani de Ducatu Baren. roganda erit, ut similiter administrare uelit nobis iustitiam in Ducatu Mediolanen. & in dotibus auiæ Sereniss. coniugis nostræ dominæ Reginæ, hoc est, in Ciuitate Cremonen. quoniā Maiestas sua Reginalis plus iuris habet ad Ducatum Mediolanen. quam habet Dux Franciscus in Ducatu Baren. Aequum enim est & ualde cōueniens & cum M. sua Cæsarea, uult ministrare iustitiam in uno, uelit etiam ministrare illam & in alio.

Item excusabit nos Nuncius quod tam diu homagium debitum Cæsareæ Maiestati non præstitissemus, nam id non negligentia ulla, sed cum propter longinquitatem itineris tum propter multas occupationes bellicas & curas, quibus ad hoc tempus districti fuimus facere distulimus. Nunc uerò mittimus mandatum sufficiens ad illud præstandum nam de iure uiuente Illustr. olim matre nostra domina Isabella præstare non attinebat, nec eramus obligati. Iurabitq; Nuncius homagium nomine Reginal. M. prius, & demum si necessarium erit, iura etiam præstabit nostro nomine postremo. Quamuis autem in uita eiusdem Illustr. matris nostræ populi & Vassalli Ducatus nostri Baren. promiserunt & rogauerunt solenni stipulatione, quod Sereniss. dominam Reginam post mortem & felices dies dictæ Illustr. dominæ Isabellæ Ducis. habituri essent in suam ueram & utilem dominam dicti Ducatus ac Ciuitatum & Terrarum ad illam spectantium, tãquam unicam legitimam & uniuersalem heredem Illustr. olim dominæ Ducis. eiq; præsentis, recipienti, & stipulanti ad sancta Dei Euangelia corporaliter manibus iunctis tacta sponte iurauerunt, & iuramenta corporalia præstiterunt. Quia tamen id fecerunt absq; consensu Cæsareæ & Catholicæ M. roganda erit M. sua Cæsarea & Catholica consentire dignetur & admittere, ut dicti Vassalli & populi denuo iuramentum faciant, & promittant, modo quo supra dictæ Seren. dominæ Reginæ quod eam recognoscent ueram dominam & patronam dictarum Ciuitatum & Terrarum, eiq; de omnibus & quibuscunque fructibus, redditibus, introitibus, & prouentibus illarum respondebunt, & responderi facient secundum iura & Constitutiones Regni Neapolitani, sicuti decet Vassallos facere & exequi.

Item impetrandæ erunt commissiones efficaces ut præfecti Cæsareæ Maiestatis non molestant deinceps nos in Ducatu ipso Baren. sed ut deinceps securum illum semper habeamus ab omni perturbatione.

Item quoniā Illustris olim mater nostra moriens multas donationes & legata fecit testamento suo seruitorib. suis, & alijs multis personis etiā ad uitā illarū, alienando multos prouentus Ducatus nostri Baren. quod facere non potuit obstantib. pactiōib. & Cōuentiōib.



nibus matrimonialibus quæ inter nos & illam intercesserunt: roganda erit M. Cæsarea ne eiusmodi testamentum & legata approbet, & confirmet, & si forte iam confirmauit et approbauit ignara existens de iure nostro & pactione prædicta, ut cassare & inualidam facere priorem suam confirmationem surreptitiæ obtentam nostra & iustitiæ causa dignetur: prout apparet in capitulis Matrimonialibus quæ ostendentur.

Item petet nuncius noster à M. Cæsarea quod restitui faciat quatuor pascua montis ferici quæ sunt ablata nomine Maiestatis suæ Cæsareæ, eo prætextu, quod prius ad usum Maiestatis suæ tenebantur.

Omnia autem supradicta aget nuncius, & tractabit communi consilio & opera cum Ioanne Dantisco nuncio nostro quem antea ad M. Cæsaream misimus.

Iustitia autem quam Sereniss. coniunx nostra domina Regina habet ad Ciuitatē Cremonam, est ista: Ea enim Ciuitas Cremona data fuit in dotem ab Illustriss. domino Duce Philippo uicecomite Illustriss. dominæ Blancae filia suæ, quæ collocata erat in matrimonium Illustr. Comiti Francisco Stoicię proauo suæ Maiestatis, ex quo connubio nati sunt filij multi, qui omnes habuerunt dominium & prouentus dictæ Ciuitatis pro rata parte: Ex istis autem successoribus non extat persona aliqua legitima, nisi ipsa Sereniss. domina Regina, & Dux Franciscus: propterea medietas est de mera iustitia suæ Maiestatis, imò & plusquam medietas, ea ratione quod fœlicis memorię Illustr. domina Isabella Ducissa sue M. mater fuit filia Illustr. dominæ Hyppolitæ Sforcia Ducissæ de Calabria filia legitimæ dictæ dominæ Blancae, & ob id dicta Sereniss. domina Regina haberet iustitiam & lus in duabus partibus ex tribus dictæ Ciuitatis.

#### Mandati fragmentum.

**S**ed cum Illustris dominus Dux Sfortia pro Ducatu Barenſi, ad quem nullum lus habet, nos imperat, nos uerò ad Ducatum Mediolani plenum & perfectum lus habeamus, Nihilominus tamen pro Ducatu Barenſi. respondere non abnuimus, modo rogamus Cæs. M. quam & tu uerbis nostris roges, ut cum primum de Ducatu Barenſi. nobis lis mouebitur, sua M. unico atq; eodem iudicio, unoq; actionis cōtextu eam etiam Ducatus Mediolanenſi. atq; ita & Ciuitatis Cremonenſi. ad quam etiam lus habemus diiudicare, determinare, & definire iubeat: id nos paribus, uel etiam maioribus officijs & meritis suæ Maiestati rependere semper præsto erimus.

#### Sigismundus Comiti de Nassom.

**I**llustrissime Princeps nobis charissime, facti sumus certiores Illustr. Principem Franciscum Sforcia uelle nos impetere, & in lus uocare pro Ducatu nostro Barenſi. cui nos non abnuimus quidem respondere iure & iustitiam nostram declarare, uerum cum nobis etiam lus competat ad Ducatum Mediolanenſi. & Ciuitatem Cremonenſi. Rogamus plurimum tuam Illustr. facere uelit operam suam apud Cæs. M. ut cum nobis institueretur actio pro Ducatu Barenſi. committere dignetur M. sua Cæsarea, quo uno, eodemq; iudicio pro Ducatu quoque Mediolanenſi. ac Ciuitate Cremonenſi. ad quam etiam lus clarum habemus, cognoscatur & definiatur: informabit de his & alijs nostris negotijs plenius tuam Illustr. Orator noster Magnificus Ioannes Dantiscus de mente nostra sufficienter instructus: quem benignè audire, & plenam illi fidem adhibere uelit: nos uerò uicissim omnibus in rebus quibuscunq; poterimus tuæ Illustritati hanc operam referre curabimus. Datum.

#### CAPITVLVM IX.

##### De Samogitia & Pomerania.

**S**i Cosmographi non seorsim Samogitiæ & Pomeraniæ meminisse solerent, diuersumq; genus hominum Samogitas à Lithuanis, & Pomeranos à Pruthenis asseuerarent: & nisi præter ea ita rem sese habere ipse quoq; audiam: certe ego eas Prouincias, ipsam uidelicet Samogitiam sub Capitulo de Lithuania, cuius utiq; pars esse præsumitur: & Pomeraniam sub Capitulo de Prussia, cui saltem contermina est: reposuissem: ne nimium diligenter Prouincias Regni enumerando, uel Cymini sector, ut est in proverbio, uel intempestiuus opū Regni ostentator cautis lectoribus, ut hospitibus delicatis esse uidear. Ac proinde iam longe alia scripturienti penè oblito in memoriam earum Prouinciarum recordatio subiit. Vtuncq; autem illæ Prouinciæ, suis Magistratibus ac Iuribus diuisæ, ac descriptæ sint: cum tamen nulla publica Literarum monimenta de eis habeam, meminisse potius hic earum Prouinciarum, quam ipsa earū lura, quibus Regno cohærent recensere cogor, hoc unum interea sufficere arbitratus, si earum alteram Regum Pol. alteram autem Ducum Lithuaniae semper proprias ac tributarias fuisse, & esse, meminerō.

CAPL



## Homagium Palatini Moldauiae.

**P**ost plures tractatus inter Sereniss. P. & D. D. Kazimirus tertium, Regem Pol. et Barones Poloniae suae Ser. et Regni nomine ex una, et inter Magnificu Ioan. Stephanum Palatinum Moldauiae, armigerosq; ipsius suo et Terrae Moldauiae similiter nomine parte ex altera, partim personaliter, partim etiam per Regiae M. nuncios diebus aliquot ab aduentu ipsius in praesentem diem habitos, dominus Palatinus Moldauiae qui supra, propter defensionem a Polonia Regno habendam, feria secunda proxima post festum Natiuitatis Virginis gloriosae Mariae ad homagium Sereniss. Principi domino Kazimiro Pol. Regi &c. inclitaeq; suae Pol. Coronae praestandum, se, posteros, et Terram suam iuramento ad fidelitatem, subiectionem, et obedientiam perpetuo seruandam, habendam et obstringendam consensit, hora tertiarum, eademq; die hora meridiei, uel paulo serius, homagium et corporale iuramentum praestitit, iuxta informationem per M. R. datam. Primum itaq; Maiestate R. cum adhuc ille abesset, solium suum in Corona qua coronatus est, ascendente, ibiq; in apparatu integro, quem circa coronationem induit, sedente, Maiestatem sede supra Spiritualibus et Saecularibus Prelatis et Summatibus infra scriptis, Stephanus Palatinus a M. R. per Magnificos nuncios ad uniendum, faciendumq; ea quae debet, auisatus et conductus cum omnibus suis armigeris, Botaris uulgaris eorum dictis, eques uenit: ad latus uero per unum suum fidelem habebat, cui Banderium quoque magnum sericeum coloris rubri, in quo arma Terrae Moldauiae pulchre auro depicta erant, praeferebatur. Sui uero omnes Terrigenae bona haereditaria, in Moldauia habentes, et alij omnes Curiae, notabiliores Banderia parua, quilibet suum equum insedendo, manu tenebant. Ipsi, et Regijs clangentibus tubis: accedensq; ad solium M. R. ex equo descendit, dein Banderium manibus corripuit, ac mox cum Banderio uersus solium processit: id etiam sui omnes post eum fecerunt: immediateq; solium accedens, flexis suo more genibus, et capite prono, Banderium usq; ad terram inclinans: similiterq; facientibus subditis: tenore homagij his uerbis proferebat, M. Regia immota sedente, sed stantibus dominis: his uerbis in facie M. R.

Clementissime mihi Rex, ego Serenitati uestrae homagium facio, et praesto cum omnibus Terris, et hominibus meis, et peto tuitionem Serenitatis uestrae, et circa Iura, in lureq; meo, et Dignitatibus conseruari. Hic adhuc Banderium tenuit, pro genu autem flexione, de ritus sui more capite inclinato, tacto signo crucis sanctae iusiurandum fecit corporale, his uerbis:

Gratiosissime Rex, ego homagium praesto, et iuro, ac etiam promitto fideliter sine dolo et fraude uestrae Serenitati, successoribusq; Serenitatis uestre Regibus et sacrae Coronae Regni Pol. cum omnibus Terris, Baronibus, et hominibus meis, fidelitatem, esseq; fidelis et obediens Serenitati uestrae successoribus, et Coronae Pol. Regni. Sic me Deus adiuuet, & sancta Christi crux.

Mox iuramento finito, haec respondit M. R. uerba residens in sede Maiestatem suam: Nos te et Terras tuas in nostram protectionem recipimus, et circa omnes Dignitates & Iura omnia Terrarum tuarum tanquam Palatinum nostrum relinquimus.

His dictis osculata est eum Maestas Regia.

Osculo facto recepit Banderium M. R. manibus suis de Palatini manibus, in manusq; Marschalci Regni illud dedit. Hic primum armigeri omnes Palatini Moldauiae stantes circa solium Maiestatem, sua Banderia parua e manibus in terram strauerunt, Marschalcoq; Regni praedicto Banderium magnu de solio Maiestatem, iuxta ac conclusum erat, ad Thesaurum Regium deferente, et parua illa per Cubicularios M. R. collecta, itidem ad Thesauri locum ferebantur seruanda. Noluit quippe Palatinus et armigeri sui consentire, ut intra tractandum diriperentur: quin petijt ipsorum ut Banderia homagialia honeste seruarentur: propter maioris amicitiae autoramentum. Quo facto M. R. non longe a se Palatinum tanquam amicum et suum homagiale penes se locauit, & consedentibus illis, armigeri ipsius omnes sub forma iurauerunt tacta cruce.

Nos Barones, Vassalli, & tota terra Moldauiae praestamus homagium nostro & totius communitatis Terrae Moldauiae nomine, Serenissimo Principi domino Kazimiro & successoribus Regibus Pol. & Coronae Regni Pol. promittimusq; & iuramus omnem fidelitatem, subiectionem, & obedientiam in perpetuum Serenitati suae Regno, & Regibus Poloniae. Ita nos Deus adiuuet, & sancta Christi crux.

Quod



Quod quidem iuramentum quidam eorum manibus cruci appositis, quidam uero expansis supra, fecerunt. Eo facto Regia Maiestas omnes Palatini armigeros, uniuersam denique Curia suae iuuentutem, militiae symbolis insigniuit.

Hiis actis Regij. & Pol. Regni, tam notabili celebritati pro caerimoniarum more Reuerendis. & Reuerendus in Christo patres & domini, ac Magnifici, Venerabiles, Strenui, Generosi, ac Nobiles interfuerunt: Ioan. Vatropa Archiep. Leopoliens. qui sancta tenebat ad iuramenta. Matthias de Stara Lompza Episc. Camenec. & Ioan. Targouiczki Electus Chelmen. eidem suffragantes: Iacobus de Dambno Castellanus & Capitaneus Cracouien. qui ceruici Regio sacrum imponebat, dirigebatque diadema. Matthias de Bnyn Posnaniens. Ioan. Amor de Tarnouu Cracouien. Spitko de Iaroslauu Sandimir. qui Sceptrum Regni gerebat, differebantque quippe hi domini Cracou. & Posna. Palatini, quod uterque illud ferre nitebatur alter alteri se praefereundo, unde unanimi consensu Pal. Sandom. Sceptra dedere pro hac uice duntaxat, Ioan. de Pilcza Rusie generalis, Iacobus de Buczacz Podoliae, & Dobeslaus de Bussouu Belzen. Palatini: Raphaël de Iaroslauu Sandomiriens. qui etiam Regni Marschalcatus gerebat, Nicolaus de Kurozuanki Siradiens. Ioannes de Koszeczyelec Dobrine. Nicolaus de Zmigrod Praemiss. Michael de Buczacz Haliciens. Castellani: Creslaus de Kurozuanki Decanus Gne. Cancell. Petrus de eadem Kurozuanki Thesaurarius qui sub hac differentia pomum tenebat, Cancellario ipso homagij & iuramentorum formam atque tenorem pronunciante, Gregorius de Lubranyecz Propositus Skarbimir. Vicecancel. Regni Pol. Stanislaus de Brosno Marschalcus, Ambrosius Pampouski incisor Curiae M.R. Ioan. Podlodouuski Zarnouien. Ioan. Oleski Malogosten. Castellani, Nicolaus de Tanczyn Gladifer, Ioannes de Tarnouu Vexillifer Cracouien. alijque quam plures Nobiles iuuenes, & Regni indigenae fide digni.

## CAPITVLVM XI.

De Ducatibus praedictis a Regno, ab seseque dislimitandis.

Lithuaniam a Mazou. Commissarij dislimitent.

**P**rouidentes difficultatibus & grauaminibus subditorum nostrorum Regni & Magni Ducatus Lithuaniae, quae occasione granicierum inter eadem dominia & Mazouiam tum inter Magnum Ducatum & Regnum saepe contingunt, uolumus & decernimus, ut quotiens opus fuerit per nos Commissarij deputentur, & mittantur nostris expensis prouidendi, ad faciendas easdem granicies & iniurias componendas, occasione illarum hincinde exortas, quatenus absque quaerentium onere iustitia eis ministretur.

## DE EODEM.

Dietae & iudicia antiqua inter Ducatus Lithuaniae, Prussiae & Mazouiae, in locis solitis pro omnibus iniurijs & uolentijs subditorum ex utraque parte fieri debent de cetero, & innouari, iuxta antiquam consuetudinem & processus Terrestres.

## DE EODEM.

Commissarios iam nunc ad fines Regni emittemus, qui tam de finium regendorum, quam de alijs causis nomine iniuriarum suscitatis certum aliquid constituerent. Quocirca iam eos nominare, & dare uolumus.

## DE EODEM.

Quia tenemur paci & tranquillitati subditorum nostrorum consulere, Commissarios ad dislimitanda dominia Regni nostri a uicinis dominijs, puta Hungariae, Marchiae, Silesiae, Pomeraniae, Lithuaniae, & Prussiae, necnon ad refarcienda damna & iniurias mutuas designauimus: Cui quidem nostro instituto ut quam citissime satis fieri possit, dabimus operam diligentem. Commissarij autem nostri etiam diligenter curabunt, ut pro ijs damnis, quae per communes Commissarios Sereniss. Regis Romanorum, & nostros in Silesitis sunt decreta, hominibus nostris satisfactio iusta & competens impendatur.

FINIS TOMI I. POLONICAE  
HISTORIAE.



B A S I L E A E.

PER SEBASTIANVM HENRICPETRI, ANNO  
SALVTIS NOSTRÆ INSTAVRATÆ,  
MD. CC. XXII. MENSE SE.  
PTEMBRI.











oppaia' 27  
3 R12 g

2



Efficiat quod diximus

SECRETUM VERNACULUM

CCCCXIIII. 1414.

di in Confessione

**H**ier ist die erste Seite des Buches.

卷之四



Histor. Polon.

230.

2743 2  
1904